

# দুলীন ।

বা .

দুলীনের আশ্চর্য্য জীবন .

বা

মহারাজা রণজিৎসিংহ-সংক্রান্ত ঐতিহাসিক নবগাম ।

শ্রীমুক্ত বাবু মনোমোহন বসু  
প্রণীত ।

দ্বিতীয় সংস্করণ ।



বসু কোম্পানী কর্তৃক,  
কলিকাতা, ২০৩২ নং কর্ণওয়ালিস ষ্ট্রাট,  
মনোমোহন লাইব্রেরী হইতে প্রকাশিত ।

১৩১০ সাল । শকাব্দাঃ ১৮২৫।

---

কলিকতা

নং দ্বারা

ইতিহাস

শ্রীমতীমহাশয় পাল

---





সিংহাসন যে অল্পে অল্পে ভাঙিয়া ছড়িয়া আশ্রয়স্থল করিতেছে; অথবা “চোরের উপর বাটপাড়ি” স্বরূপ হস্তান্তরকে ক্রমে অপসারিত করিয়া ইহাদের লুপ্তিত ধন আবার তাহারা লুপ্তিতেছে, জিমান খাঁ যে তৎ বড় রাখেন নাই বা গুনিয়াও বিদেশী দল বলিয়া গ্রাহ্য করেন নাই।

এদিকে সেই কোম্পানির প্রতিনিধি লর্ড ওয়েলেসলি বাহাদুর পূর্ব হইতেই জিমান খাঁর ছুরাকাজ্জা বিষয়ে সতর্ক ছিলেন; রাজ্যের নানা দিক হইতে সৈন্যাকর্ষণপূর্বক উত্তর পশ্চিমের স্থানে স্থানে প্রেরণ—বিশেষতঃ অযোধ্যার অপর প্রান্তে অধিক পরিমাণে স্থাপন করিলেন।

কিন্তু যুদ্ধ হইল না। জিমান পঞ্জাবের পার্শ্বদেশ পর্য্যন্ত আসিয়া, স্বরাজ্যে তাঁহার অনুপস্থিতি-সুযোগে বিপক্ষদল প্রবল বিদ্রোহানল আলিয়াছে শুনিতে পাইয়া, আপনা হইতেই ফিরিয়া গেলেন, বিশেষতঃ সেই সময় মন্ত্রীপ্রবর শ্য়ান্ জন্ মাল্কম্ সাহেব পারশ্ব রাজসভার গিয়া যে সন্ধি নির্ণয় করিলেন, তদনুসারে পারশ্বরাজ জিমান খাঁর অধীন খোরাসান রাজ্য আক্রমণ করাতে জিমানকে সেই যুদ্ধে এত ব্যতিব্যস্ত থাকিতে হইল যে, তৎকর্তৃক ভারত রাজ্যে কোন উপদ্রবের সম্ভাবনা আর রহিল না। সুতরাং তত সৈন্য পশ্চিমে রাখা আর আবশ্যক কি? তজ্জন্ম কর্ণেল দৌলীনের (Dowlin) অধিনায়কত্বে বহুসংখ্যক পদাতিক, অশ্বারোহী ও গোলেন্দাজাদি সমন্বিত এক বৃহৎ বাহিনী কলিকাতায় ফিরিয়া আসিতেছিল। তাহাদেরই অগ্রণী (Vanguard) অশ্বারোহী দল, সওয়ারি-যোগ্য ঐ হিন্দুস্থানী বয়েল গাড়ী ছুখানি প্রথমে দেখিতে পাইয়া পরস্পরের প্রতি ঐ প্রশ্নটি উত্থাপন করিল।

পল্টনের কুচের সময় পথের মধ্যস্থলে বাধা দেখিয়া তাহারা রোষ-গর্ভ-ভরে শকটচালককে ডাকিয়া বলিল “পাশে যা, ফৌজ আসিতেছে।” উত্তর না পাইয়া, বিশেষতঃ শকটদ্বয়কে নিশ্চল দেখিয়া ভাবিল, সম্মুখের চালক বুঝি নিদ্রিত; তাহাকে জাগ্রত করিবার উদ্দেশে অমিকোষের অগ্রভাগ দ্বারা তাহার গাত্রে লঘু আঘাত করিয়া “হাঁসিয়ার” বলিয়া তাহারা চিৎকার গেল।

কিন্তু গাড়ী ছুখানি তথাপি সেই অচলাবস্থায় সেই ধানেই; —কেহ জাগিল না, কেহ উঠিল না, গাড়ীও পার্শ্বে সরিয়া গেল না।

কিয়ৎকালান্তে যখন কর্ণেল দৌলীন সাহেব সমগ্র সৈন্যদল লইয়া তথায়

ছন্দবতী গৌরা রমণীর অভাব ছিল না, শিল্পকে তদ্রূপ এক পোয়াতীর হস্তে  
সমস্তে নন্দন করিয়া শকটের পশ্চাত্তানে যে দ্বিতীয় প্রকোষ্ঠ ছিল, তাহাতে  
প্রবেশ করিলেন । কি আশ্চর্য্য! সেখানেও হত্যা! গতযৌবনা এক রমণীর  
মৃতদেহ শয্যায় পতিত—আকার প্রকারে ও বেশভূষায় তাহাকে পরিচারিকা  
বলিয়াই বোধ হইল । আর একটা শূণ্য বিছানা ও তাহাতে স্ত্রীলোকের  
একটা অঙ্গরাখা দেখিয়া বোধ হইল, সে শয্যায় অপর পরিচারিকা ছিল,  
তাহার কি হইয়াছে, বুঝা গেল না ।

দীর্ঘাঙ্গীল দৌলীন মহাশয় শোকাক্রান্ত হৃদয়ে দ্বিতীয় শকটে গিয়া দেখেন,  
তথায়ও মৃতদেহ! এক দ্বারবান ও দুই ভৃত্য হত হইয়া শায়িতাবস্থায় পড়িয়া  
আছে—নিদ্রিতাবস্থাতেই হত্যা হইয়াছে, বিলক্ষণ বুঝা গেল । আরো খালি  
বিছানা দেখিয়া বোধ হইল আরো লোক ছিল, অদৃশ্য হইয়াছে । বিশ্বের  
বিষয়, এত গুলি হত ব্যক্তির মধ্যে কাহারো শরীরে অস্ত্রাঘাত বা কোন-  
রূপ অত্যাচারের কিছুমাত্র চিহ্নও নাই! যেন আরব্য উপন্যাস-বর্ণিত যাদুবিদ্যার  
প্রভাবে নরনারীগণ স্বামহীন হইয়া পড়িয়া আছে!

### দ্বিতীয় পরিচ্ছেদ ।

—:৪:—

সন্ধান ।

আদেশ হইল, অধিকাংশ সৈন্য অগ্রবর্তী হইয়া উপযুক্ত স্থানে ছাউনি  
করুক; যাহারা সন্ধান গিয়াছে, তাহারা কর্ণেলের সহিত পশ্চাৎ যাইবে ।  
সেই আদেশানুসারে প্রায় সকলেই চলিয়া গেল । সেই স্থলেই পথ-পার্শ্বস্থ  
একখণ্ড মুক্ত-ভূমিতে কর্ণেলের একটা শিবির স্থাপিত হইল ।

অস্বারোহিণীর প্রত্যাগমনের সাবকাশে দয়ালু সাহেব বালুকটাকে  
ভালরূপে দাঁখলেন । উত্তাপানে লীতল; তথাপি মধ্যে মধ্যে রোদন  
করিতেছে । নব-নিযুক্ত ধাণী বিধিমতে ভূলাইবার চেষ্টা পাইতেছে । কর্ণেল  
দৌলীন ও ধাত্রীর সঙ্গে যোগ দিলেন—কতক সফলও হইলেন ।

দেখিবেন, শিশুর বর্ণ ও বদন যেন, অঙ্গ প্রত্যঙ্গও তেমনি চমৎকার ।  
কেশ বিরল; কেশের বর্ণ কৃষ্ণ নয়; ঈষৎ স্বর্ণাভ-শ্বেত—অভিন্ন ইউরোপীয়

শিশুর জ্ঞান। বিশাল নয়নযুগলের সত্তর দৃষ্টি অতিশয় স্নিগ্ধ ও মুগ্ধকর। দেখিয়া ঘোলাইনের হৃদয় অসীম স্নেহে—অভাবনীয় বাৎসল্য রসে আগ্রত হইল। স্বর্গীয়া দেবীতুল্যা জননী জনের মত ছাড়িয়া গিয়াছেন। অমুদ্বিষ্ট জনকও হয় তো হত হইয়াছেন। তিনিও যে এই অসামান্য রমণীর অমুরূপ পতি অর্থাৎ অসামান্য রূপ-গুণ-সম্পন্ন উচ্চ পদস্থ পুরুষ—হয় তো রাজারাজড়াইবা হইবেন, তাহা সহজেই অনুমেয়। পুরাতন দাস দাসী সঙ্গিন হর তো সকলেই হত হইয়াছে—কেবল অনুমানে দুই একজন অমুদ্বিষ্ট—তাহারা জীবিত কি মৃত তাহারও ঠিক নাই। শিশুর পৈতৃক বাসভূমিরও নির্ণয় হইতে পারে না। সুতরাং সংবাদ পাঠাইবেন কি তত্ত্ব লইবেন, তাহারও সম্ভাবনা নাই।

হায়! গিরিকানন-বেষ্টিত ভয়ানক স্থানে এক মুহূর্তেই পিতৃ-মাতৃ-সহায়-হীন হইয়া এই সুকুমার শিশু নিতান্তই নিরাশ্রয় হইল! হায়, সে আবার যেমন তেমন শিশু নয়, সাক্ষাৎ দেবকুমার! এমন শ্রীমান শিশু সচরাচর দৃষ্ট হয় না—এমন শিশুকে অপত্যরূপে প্রাপ্ত হইলে পৃথিবীর বড় বড় সম্রাট রাজারাও ধস্ত হন! ফলতঃ যেরূপ শিশুকে দেখিলে উদাসীনেরও সাধ করে কোলে লইয়া বদন-বিধু-মণ্ডলে একবার চুম্বন করিয়া যায়—যেরূপ শিশুকে দেখিলে পাষণ-প্রাণ পাষণ্ডেরও হৃদয় গলে—যেরূপ শিশুকে তাহার পিতৃবংশের চিরশক্রজনও ফিরিয়া ফুরিয়া চাহিয় দেখিয়া যাইতে পারে, এ সেইরূপ সর্ব-মুগ্ধকর শিশু! তেমন মনোমোহন শিশুকে তেমন নিদারুণ নিরাশ্রয় অবস্থায় পাইয়া পরম স্নেহ-প্রবণ দয়াশাল ঘোলাইনের অন্তঃকরণ যে এককালে গভীর মায়াগর্বে মগ্ন হইবে, বিচিত্র কি? ফলতঃ চিরদিনের যত্নলব্ধ রত্নলাভে, অথবা বিনা যত্নে কোন বহুমূল্য নিধি করতলস্থ হইলে লোকেই যে ভাব হয়, তাহার যেন তাহাই হইল। নিঃসখানের সম্ভান জন্মিলে অথবা স্মৃতিকা হইতে অপহৃত পুত্রকে বহুবিলম্বে সহসা পুনঃপ্রাপ্ত হইলে, পিতার যেরূপ অনির্কচনীয় বিপুলানন্দ হয়, তাহার যেন তাহাই

ক্রটি করে নাহ; ১৭৩

লইয়া সুধাসিক্ত বাৎসল্যমাখা বাক্যে না—তাহারা পাতালে কি আকাশে ১৭  
হইল না। সাছেবেরা শেবেরটাই সিকাত্ত করিয়া পুনরাহু হইবে।  
সুবাদার হাওদারগণের অধীনে বহুদল সিপাহি উভয় পার্শ্বের জঙ্গলে

পাঠাইলেন, তাহাতে কেবল দিবসদ্বয় তাহাদের পণ্ড্রম ও বৃথা কষ্ট মাত্র সার হইল ।

• বাহীরা মৃত রাজপুত্রকে ( আকৃতি প্রকৃতি নানা লক্ষণ দেখিয়া সিপাহিরা মৃত যুবককে রাজপুত্র বলিয়া নিশ্চয় করিল ) লইয়া আসিয়াছিল, তাহারা যেরূপ কহিল, এবং পূর্কোপর তাবৎ পর্যালোচনা করিয়া সাহেবদের বিচারে এই অনুমানই ধার্য হইল যে, যদিও নিঃশব্দে চালকদ্বয় ও অন্যান্যের বধ কার্য সাধন করাই হত্যাকারীদের অভিপ্রায় ছিল, তথাপি কোন সূত্রে তাহাদের আবির্ভাব জানিতে পারিয়া, রাজপুত্র শস্ত্রপাণি হইয়া ছুটিয়া গিয়া কাহারো কাহারো অনুসরণ করিতেছিলেন, এমত কালে পশ্চাৎ হইতে স্তম্ভ শব্দ তাঁহার গলায় কাঁস লাগায় । রাজপুত্রের তদ্রূপ গমনে ঘোর চিন্তা-কুল হইয়া তাঁহার সুন্দরী মহিষী যেমন যবনিকা হইতে গলা বাড়াইয়া দেখিতেছিলেন, কি কাতর স্বরে চেঁচাইয়া দয়িতকে বাইতে নিষেধ করিতে-ছিলেন, অমনি এক রক্ষস তাঁহার গ্রীবায গামছার মোড়া দিয়া হত্যা করিয়াছে । ( আহা ! নির্দয়েরা মানব-চক্ষু ধরিয়া কোন্ প্রাণে তেমন কষুকঠে মোড়া দিল, ইহাই আশ্চর্য—অর্থ ! তোরে ধিক ! ) ওদিকে দলস্থ অপর দস্যগণ ধৌবারিক ও দাসদাসীগণকে নিদ্রিতাবস্থাতেই মহানিদ্রায় পাঠাইল । বালককে বিস্মৃতই হউক, কি দেখিতে না পাউক, কি অগ্রাহই করুক ; যে কারণেই হউক, সৌভাগ্যক্রমে পিতৃ-প্রতিনিধি সেই ক্ষুদ্র প্রাণনিধিটী দলুজ হস্তে রক্ষা পাইয়াছে ।

শকটস্থ দ্রব্য সম্ভার বাধিতে বাধিতে ফেলিয়া গিয়াছে এবং রাজকন্য়ার আভরণ অতি ব্রহ্মভাবে লইয়াছে, ইহাতেই বিলক্ষণ বোধ হইল যে, তস্করদিগের কুকার্য শেষ না হইতেই অগ্রণী সৈনিকগণের অশ্ব-পদশব্দ শুনিয়া ত্ত্বদল সহস্রা ব্যাঘাত পাইয়া পলায়ন করিয়াছে । আহা ! একটু আগে যদি অশ্বারোহীদল আসিত, তবে হয় তো অমূল্য প্রাণগুণ্ডি রক্ষা পাইত । তাহা হইবার নয়, সূত্রাং বাহা হইবার তাহাই হইল !

তাহা তো হইলই । কিন্তু যদি অগ্রগামী সৈনিকেরা উপেক্ষা না করিয়া পথের নধ্যস্থল হইতে ( যেমন কর্ণেল আসিয়া করিলেন ) শকট সরাইতে সুপ্রস্তুত করিত বা যথোপযুক্ত চেষ্টা পাইত, তবে হয়তো চোর ধরা পড়িত—তখনও ছুইদল অদূরে । কর্ণেল বাহাদুর এইরূপ সিদ্ধান্ত



করিয়া সৈনিকগণকে তাহাদের অসাবধানতা দোষের দণ্ড দিতে সক্ষম করিলেন ।

আর একটি তর্ক উঠিল । শকটগামীদের মধ্যে যাহারা অদৃশ্য হইয়াছে বলিয়া বোধ হইল, তাহারা যদি যথার্থই অদৃশ্য হইয়া থাকে, তবে তাহারা কোথায় গেল ? চতুর্দিকে সন্ধানের তো ক্রটি হয় নাই—আতি আতি পাতি পাতি সন্ধান হইয়াছে । যদি হত হইত, অবশ্যই মৃতদেহ পাওয়া যাইত । যদি লুকাইয়া থাকিত, তবে পরক্ষণেই দেখা দিত । তবে ইহারা কোথায় গেল ?

তাহাদের প্রতিও জনৈক বিজ্ঞ হাওলদারের সন্দেহ হইল । গামছা-মোড়ার দলভুক্ত লোক দাস দাসী সাজিয়া বড়লোকের সঙ্গী হয়, সুযোগ পাইলেই সর্বনাশ ঘটায় । অথবা পূর্বে ভাল ভৃত্য ছিল, পরে পাপাচারীদের প্রলোভনে পড়িয়া তাহাদের দুর্কার্যের সহায় হয়, এমন দৃষ্টান্তও অনেক দেখা গিয়াছে ; এই কথা রঘুবর হাওলদার স্বীয় প্রভু তুলীন সাহেবকে বলাতে তাহারই পরামর্শক্রমে তাহারা সকলেই পশ্চাৎর্তী চটীর দিকে পুনর্বার ফিরিয়া চলিলেন । শবগুলিও শকটে পুরিয়া সঙ্গে লওয়া হইল ।

চটিতে গিয়া তাবৎ দোকানদারকে ডাকাইয়া শবগুলি দেখাইয়া জিজ্ঞাসা করিলেন “কাহার গৃহে এই মৃত ব্যক্তির গত রাত্রে বাসা লইয়াছিল ?” সকলেই ভয়াকুল চিত্তে যথার্থ ব্যক্তিকে নির্দেশ করিয়া দিল । সে দোকানদার খুনের দায়িত্ব শঙ্কায় কম্পাঘ্নিত কলেবরে ষোড়করে কাঁদিয়া কহিল “দোহাই হজুর ! আমি কিছুই জানিনা—পথিক লোক আসিলে দোকানঘরে বাসা দিই, তাহারা আপনারা পাক শাক করিয়া খায়, আমার অন্ন কি মিষ্টান্ন কিছুই খায় না যে, আমি তাহাদিগকে বিষাক্ত খাদ্য দিব ! এ কর্ণে বুড়া হইলাম, জিজ্ঞাসা করুন, কখনই আমার মন্দ রীতিচরিত্র কেহই দেখে নাই ।” ইত্যাদি ।

কর্ণেল সাহেব অভয় দিয়া বলিলেন “তুমি শুদ্ধ এই জানাও, এই রাজপুত্রের সঙ্গে কত পুরুষ কত স্ত্রী—কয়জন বা দারবান, কয়জন বা দাস ও কয়জন না জানি প্রভৃতি ছিল ?”

দার ও প্রতিবাসী অথ সব লোকের বিস্তারিত সাক্ষ্য

যে, মৃত দারবান ও দাস দাসীগণ ব্যতীত আর একজন

বেহারা, একজন খুব চালাক পরিচারক এবং আর একটা অল্পবয়স্ক উচ্চ-শ্রেণীর পরিচারিকা ছিল। গত দিবস মধ্যাহ্নের কিছু পূর্বে রাজপুত্র সদলে ঐ দুখানি দীর্ঘ শকট যোগে চটিতে আইসেন। সমস্ত দিবাভাগ ও প্রায় সমস্ত রাত্রি চটিতেই অবস্থান করেন। রাত্রি সবে যাইতে তাহার মন ছিল না, কেবল সেই চালাক পরিজন, বিস্তর সাহস দিয়া যত্নাতুর ঘটাইয়াছিল। সেই লোকটাই যেন প্রভুর অধিকতর প্রিয় ভূতা, এমন বোধ হইয়াছিল।

আরও প্রকাশ পাইল, ঐ পরিচারক ও ঐ বেহারা বিপণীর অল্প দূরে একটা ক্ষুদ্র আম্রবন মধ্যে সন্ধ্যার পর বিরলে নানা পরামর্শ করিয়াছিল। তথায় তাহারা দুই জন মাত্র নয়, উদাসীন সন্ন্যাসীর স্ত্রী আরো তিন চারি জন তাহাদের সঙ্গে মিলিত হইয়াছিল। সেই উদাসীনদল ঐ দিন মধ্যাহ্ন সময়ে চটিতে আসিয়া উক্ত আম্রবনের পার্শ্বে এক বটবৃক্ষ মূলে আড্ডা করিয়াছিল।

এই অনুসন্ধানের ফল আর কিছুই হইল না, কেবল এইটা ভাল-রূপে বুঝা গেল যে, "গামছামোড়া" দল-সংক্রান্ত দৃষ্ট তত্ত্বেরাই কর্মচারক ও বেহারা ও দাসী সাজিয়া হয়তো বহুদিন হইতে রাজপুত্রের বিশ্বাস জন্মাইয়া আসিতেছিল—তাহার উদার প্রকৃতি ও সদাশয়তাই তাহাদের পরম সহায় হইয়াছিল—কপট পরিচর্যায় তাহারা প্রিয় হইতে পারিয়াছিল। কোন রূপ প্রতিহিংসা কি কেবল মাত্র অপহরণই তাহাদের উদ্দেশ্য ছিল, তাহা জানিবার উপায় হইল না। ইনি কোন্ দেশের কোন্ জাতীয় বীরপুরুষ, সে তথা পাইবারও উপায়্যভাব। ভাবগতিকে ক্ষত্রিয় বলিয়াই বুঝা গেল। বলদ, চালক, শকট ও দাস দাসী প্রভৃতি হিন্দুস্থানী, এই পর্য্যন্ত। তাহাদের দেহ বা বেশভূষাদিতে এমন বিশেষ লক্ষণ কিছুই নাই, যাহাতে সুবিস্তৃত হিন্দুস্থানের কোন্ ভাগ বা কোন্ রাজ্য তাহাদের জন্মভূমি, তাহার নির্দেশ হয়। পেটিকা তোরঙ্গ ও বস্ত্রাদি সমুদয় খুলিয়া খুলিয়া তন্ন তন্ন রূপে দেখা হইল, পরিচয় দিতে পারে এমন কিছুই পাওয়া গেল না। কেবল একখানি পত্রের নিম্নার্দ্ধ অংশে দুই তিন খানি হীরা ও চুণী ও একটা বড় মুকুট জড়ানো ছিল, সেই লিপিবদ্ধ ব্যগ্রভাবে পড়ানো হইল। সে পত্র পার্শ্বস্থিত লেখা। উক্ত লেখা সে ভাষা পড়িতে জানে, এমন লোক চটিতে ছিল। পঠিত ও অনুবাদিত হইলে, তাহার মর্মার্থ এই ;—

“দরবারের চেহারা বড় ভয়ানক । এই বেলা সাবধান হউন । অন্ত সাবধান আর কি, পত্র পাঠ মাত্রই ইংরাজ রাজ্যে পলায়ন করুন । যত গোপনে, যত অল্প লোক লইয়া, যত সামান্য ভাবে যাইতে পারেন, ততই মঙ্গল । কদাচ অগ্রাহ—কদাচ বিলম্ব করিবেন না । বল প্রকাশের সময় আছে । অধিক লিখিতে পারি না ।” ( স্বাক্ষর নাই )

### তৃতীয় পরিচ্ছেদ ।

—\*:\*—

সঙ্কল্প ।

সর্বপাতা বিধাতা যদি দয়া মায়ার সৃষ্টি না করিতেন, তবে তাহার জীব-সৃষ্টি একান্তই বার্থ হইত । দয়া অপেক্ষা মায়ার কার্য আরো আশ্চর্য্য । দয়া যাহার জন্ত “আহা !” বলে, মায়া তাহার জন্ত প্রাণ দিতে প্রস্তুত ! দয়া, সরোবরের জলের তায় প্রায় সর্বত্র প্রাপ্য ; মায়া, অমৃত প্রসবণের তায় কেবল পিতৃ-মাতৃ হৃদয়-রূপ পবিত্র স্থানেই প্রবাহিত !

“দয়া, মায়া; দুটি ব'ন্,  
একটাই খান শোন্ ।

\* \* \* \*

মায়া বলে, ‘বল ভাই,  
কোন্খানে আগে যাই?’

দয়া বলে, ‘আছে ঠাই,  
তার মত আর নাই—

কচি ছেলে কোলে যার,  
বুক জুড়ে বসো তার ।

\* \* \* \*

মা বাপে স্নেহ শিখায়ে,  
সন্তানে প্রাণে বাঁচায়ে,  
তুমি থাক হ'য়ে ধাই,  
জগতে আমি বেড়াই !”

পঞ্চমালা । ১ম ভাগ, ১ম মুঃ ।

অনাথ শিশু দেখিলে কাহার না দয়া হয় ? দয়ালু ঘোঁলীনের মনে আগে-দয়াই হইয়াছিল । কিন্তু দয়াময় ঈশ্বর দেখিলেন, ঈদৃশ অবস্থায় ঈদৃশ অসামান্য শিশুকে স্মমান্য করিয়া তোলা শুদ্ধ দয়ার কাজ নয় ! তৎএব অনপত্য ঘোঁলীনের সদয়াভ্যন্তরে এমন মায়ার সঞ্চার করিয়া দিলেন যে, সেটা সর্বাক-সম্পন্ন বিস্তৃত অপত্য-স্নেহই হইয়া উঠিল ।

নিঃস্বার্থ ভাব জগতে কৈ ? কেউবা যশের—কেউবা পরকালের উদ্দেশে দয়া মায়ী করে । নিদান পক্ষে নিজের তৃপ্তি-সুখের আকাঙ্ক্ষাও থাকে । ঘোঁলীনের অন্তস্তলে হয় তো এভাবও ছিল যে, “আমার তো সন্তান হইল না, অপত্য-মুখাবলোকনের চির-সাধ নিষ্ফল দেখিয়া প্রবল দুঃখানল ভোগ করিতেছিলাম । প্রাত্যহিক ভজনাকালে কতই কামনা করিয়াছি ! ঔরস-পুত্র-দান পরমপিতার বিধান নয় । বৃষ্টি ভক্তবৎসল ভগবান সেই প্রার্থনার উত্তরে যত্ন ব্যতীত আজ এই কুমার রত্ন আমার পুরস্কার দিলেন । এ যেন এক প্রকার তাঁহার সাক্ষাৎ আচ্ছা ! নচেৎ প্রাণই বা এত উৎসুক, এত উৎফুল্ল, এত আসক্ত, এত স্নেহাঙ্গ হইবে কেন ? তবে তো অণুমাত্র অবহেলা করা অকর্তব্য !”

ক্ষণপরে আবার ভাবিলেন, “এই অপোগণ্ডের নিমিত্ত আমার অন্তরে যে মহামায়ার উদ্বেক দেখিতেছি, ঔরস-পুত্র কি ইহার অপেক্ষা বেশী হয় ? বোধ করি নয় । অন্তের ভাব বৃষ্টিব কিসে, কিন্তু আমার তো আর কাহারো প্রতি কোন সময়ে কোন অবস্থায় এত দূর হয় নাই । আহা ! মুখধানি যত দেখি, মধুর বোল যত শুনি, হৃদয়ে যত রাখি, ততই অজ্ঞাত-পূর্ক অননুভূত অনির্কচনীয় কি যেন কেমন ভাব উদয় হয় ।”

প্রভুস্বামী শিবিরস্থ শয্যায় বসিয়া বা শুইয়া আবার চিন্তা । শেষ মীমাংসা এবং শেষ সঙ্কল্প এই ;—“আমার তো পুত্র নাই, ইহারও পিতা-মাতা নাই,

আমার স্বদেশস্থ ও স্বশ্রেণীস্থ জাতি কুটুম্ব ও নিকটে নাই—যে কাণ্ডেণ ও যে লেফটেন্যান্ট সাহেব সঙ্গে আছেন, নিবেদন করিয়া দিলেই হইবে, তাঁহারা এই কুড়াইয়া পাওয়া ছেলের কথা প্রচার না করেন। বিবী ঘোষীকে লইয়া এই পুত্র সঙ্গে কিছুকাল অন্ত দেশে ভ্রমণ করিতে পারিলেই আশঙ্ক্য অপত্য কি না কেহ জানিতেও পারিবে না—বড় হইয়া পুত্রেরও জানিবার সম্ভাবনা রাখিব না—পুরাতন ভৃত্যাদিকে পেন্সন ব্যবস্থায় বিদায় দিব। অথবা তাঁহারা তো এদেশের লোক—সে দেশে তো যাইবে না।—হিন্দু-সন্তান হইয়াও আমার সৌভাগ্য বা জগদীশ্বরের দুর্ভেদ্য লীলাবশে আকারে ইহাকে ইউরোপীয় শিশু হইতে বিশেষ করিবার লেশমাত্র উপায় নাই। পৈতৃক বিষয় এবং অবিশ্রান্ত শ্রান্তিজনিত স্বোপার্জিত এত যে ধন, এসব ভোগ করিবে কে? দূরতর সম্পর্কের কোথাকার কে—তদপেক্ষা ইহাই শ্রেয়!°

এই বলিয়া অতিশয় চাঞ্চল্য বশতঃ শূন্য ত্যাগপূর্বক প্রায় দিগন্তর বেশেই বাহিরে যাইতে উদ্যত! পুরাতন ভৃত্য প্রকারান্তরে স্মৃতিকে জাগরুক করিয়া দিল—তাহাতেই নিস্তার—লজ্জা মান রক্ষা পাইল!

সৈন্ত-শিরে যাইতে যাইতে পশ্চিমধোই এই মহা সঙ্কল্পকে অঙ্গ প্রত্যঙ্গে আরো দৃঢ়ীভূত করিয়া দ্রুতকূচে কলিকাতায় চলিলেন। পলায়ন-পরায়ণ বিপক্ষ চম্বর পশ্চাদনুসরণ কার্যে যেরূপ প্রথরগতি আবশ্যক, অনর্থক তর্কপথরকূচ দেখিয়া সাময়িকগণ বিশ্বয়াতিভূত হইল। কিন্তু তিনি তাহাদের প্লরীক্ষিত প্রভু—সাবধানী, বিবেচক, স্নেহশীল পরিচালক, স্মতরাং তাহারা দ্বিধা না ভাবিয়া, বিরুদ্ধি না করিয়া, তাঁহার ইচ্ছামত গমন-বেগের কষ্ট স্বীকার করিল।

বিশেষ কারণে আমাদের বর্ণনার বেগও এক্ষণে কিয়দূর পর্য্যন্ত থরতর হওয়া আবশ্যক হইতেছে। অতএব এই প্রথম কাণ্ডের পরবর্তী পরিচ্ছেদ করতীতে পাঠক যাহা পড়িবেন, তাহা এই আখ্যায়িকার প্রয়োজনে অবশ্য-জ্ঞাতব্য, কিন্তু দোড়কূচের বর্ণনা, সেটা যেন না ভুলেন।

## চতুর্থ পরিচ্ছেদ ।

সুপের আদর্শ জীবন ।

শিশু অতি রমণীয় পদার্থ : শৈশব অতি মধুর রমান কাল : তাৎকালিক হার ভাব, ক্রীড়া কৌতুক, আধ আধ ভাষা নিতান্তই মনোরঞ্জক । পড়া শুকপাখীর ছায় অর্ধফুট অল্প কথাতেই শিশু বেন বহুভাষী ; মৃগধাবকের ছায় মনোহর চঞ্চল ; অর্ধসুপ্ত অন্ধজাগ্রতের ছায় সর্বদাই সরল : আংশিক জড়ভরত আংশিক তরুদর্শী পরমহৃৎসের ছায় নিতান্তই অকপট । কিন্তু তাই বলিয়া শিশুর জীবন-ব্যাপারে এমন কি আছে যে, বহুবর্ণনা বিষয় হইতে পারে ? যত শিশু, যত বালক, ইতরপ্রাণীর ছায় প্রায় সকলেরই সম লক্ষণ—তাই একটার স্বভাবাদি পর্যবেক্ষণ করিলেই প্রায় সকলেরি জীবন-ব্যাপার দেখা সিদ্ধ হয়। অতএব দ্বৌলীন সাহেবের পালিত পুত্র ক্ষুদ্র দ্বৌলীনের বাল্যকাল আর কি বর্ণনা করিব ? কেবল তাঁহার পালক পিতা ও পালিকা মাতা তাঁহার লালন পালন ও ভাবী জীবন গঠনের জন্ত বাহা বাহা করিয়াছিলেন, তাহারই স্থল স্থল মূল বৃত্তান্ত মাত্র সংক্ষেপে উল্লেখ করিতেছি ।

পূর্ব পরিচ্ছেদে বলা হইয়াছে, কর্ণেল সাহেব প্রাপ্ত শিশুকে আশ্রয়-রূপে লালন পালন ও সমাজে তাহার তদ্রূপ পরিচয় প্রচলন করিতে দৃঢ় সম্বন্ধ হইলেন। কিন্তু ফৌজের সঙ্গে তিনি যদি কলিকাতা পর্য্যন্ত যান, তবে সেই উদ্দেশ্য-সিদ্ধির ব্যাঘাত ঘটে। কলিকাতায় বিবী দ্বৌলীন স্বজাতীয় বহু অফিসীয় ও বান্ধব মণ্ডলাতে বেষ্টিত আছেন ; তথায় তিনি সহসা পুত্রের প্রস্তুতী সাজিতে পারেন না—তথায় এ গুপ্ত রহস্য কদাচ অপ্রকাশ্য থাকিবার নয়। অতএব পুত্র লইয়া আপনাকে বাহাতে কলিকাতায় যাইতে না হয়, অথচ তাঁহার পত্নী আদিয়া তাঁহার সহিত মিলিত হইতে পারেন, কর্ণেল দ্বৌলীন সেইরূপ উপায় স্থির করিলেন ।

প্রথমতঃ তাহার নিম্ন পদস্থ প্রধান কর্মচারীর অধ্যক্ষতায় সৈন্তগণকে রাজধানী ~~স্থান~~ দিয়া আপনি অপ্রকাশ্য ভাবে নব-প্রাপ্ত পুত্রের সহিত স্থানান্তরে অবস্থিতি করিতে লাগিলেন। কোন প্রকৃষ্ট হেতুবাদ দর্শাইয়া

কলিকাতায় কতৃপক্ষের নিকট হইতে দীর্ঘ বিদায়ের অনুমতি আনিইলেন। তাঁহার সহধর্মিণী তাঁহার গোপনীয় পত্রের নিরোগামুসারে কাহাকে বিশেষ কিছু না কহিয়া চিন্তা অথচ বিশ্বয়ে বাধিত হৃদয়ে বড় শীঘ্র সম্ভব, কলিকাতা হইতে আসিয়া তাঁহার সহিত মিলিতা হইলেন। পতিমুখে আদ্যোপান্ত বৃত্তান্ত এবং পতির মনোগত ভাবাতিপ্রায়, অভিলাষ, ও বৃত্তি পরম্পরা শুনিয়া আরো বিশ্বাসস্থিতা হইলেন। তিনি চিরদিন স্বামীর একান্ত বশ-বর্ধিনী; তথাপি এ প্রকার প্রস্তাবে সহসা সম্মতা হইতে বড় একটা মন বাধিতে পারিলেন না। অথচ সে ভাব তখন প্রকাশও করিলেন না। কোন কিছুই উত্তর না দিয়া অগ্রে শিশুটাকে দেখিতে চাহিলেন। কথাটা আর কিছুই না, হিন্দু-সন্তান বলিয়াই অনিচ্ছা। কিন্তু যেইমাত্র সেই হিন্দু শিশুর মুখরাবিন্দু ও আকৃতি প্রকৃতি নয়নগোচর হইল, অমনি তাপ-প্রাপ্ত হিমশিলার স্তায় সে অরুচি দ্রবীভূত হইয়া গেল !

সেই অবধি সেই অনাথ শিশু এই দম্পতিতে মৃত পিতা-মাতাকে যেন পুনর্জীবিতব্যং প্রাপ্ত হইল। কর্ণেল সাহেব সুদীর্ঘ কালের নিমিত্তই বিদায় লইয়াছিলেন। এক্ষণে কালগৌণ না করিয়া স্ত্রী-পুত্র সমভিব্যাহারে আফ্রিকা, আসিয়া ও আমেরিকায় যে সকল অংশে তাঁহাদিগকে কেহ চিনিত না বা কাহারো চিনিবার সম্ভাবনা ছিল না, সেই সমস্ত ভূভাগে সর্বদাই স্থান পরিবর্তন পূর্বক অবস্থান বা ভ্রমণ করিতে লাগিলেন।

কয়েক বৎসর পরে স্বদেশে—ইংলণ্ডে—গমন করিলেন। জ্ঞাতি কুটুম্ব আত্মীয় বন্ধু তাঁহাদিগকে বহুদিনের পর পাইয়া, বিশেষ তাঁহাদের একটা সুসন্তান হইয়াছে দেখিয়া, মহা আনন্দিত হইলেন। পাছে কোন সূত্রে প্রকাশ পায়, সে সম্ভাবনা যুচাইবার নিমিত্ত কর্ণেল সাহেব ভৃত্যাদি পরিচারক বর্গকে নানাস্থানে বার বার পরিবর্তিত করিয়াছিলেন। কেবল শিশুর স্নেহবতী ধাত্রী মাত্র পরিত্যক্ত হয় নাই—নানা সন্ধ্যাবহারে সে দেখাইয়াছিল যে, তাহার দ্বারা বিশ্বাসভঙ্গের আশঙ্কা জন্মিতে পারে, এমত পাত্র সে নয়—বিশেষ বহু অর্থ, বহু মান, বহু পুরস্কার, বহু যত্নলাভে তাহার হৃদয় মধ্যে প্রভু দম্পতির প্রতি অবিচলিত ভক্তি ও কৃতজ্ঞতা এবং লালকের প্রতি অসীম স্নেহ-মমতা যথার্থই জন্মিয়াছিল—সে যথার্থই এই মর্মে স্বকন-

পাশে নির্ভীকই আবদ্ধ হইয়া পড়িয়াছিল। সুতরাং তাহার জ্ঞান কিছুমাত্র আর ভয় ভাবনা হইত না।

প্রথমে শিবী দৌলীন নিজেই পুত্রের শিক্ষা দিতেন। তাহার বয়োবৃদ্ধি সহকারে বিদ্যালয়ে ও গৃহে উপযুক্ত অধ্যাপকগণ কর্তৃক যথোপযুক্তরূপেই অধ্যাপনা চলিতে লাগিল। বালকের অধ্যবসায়, বুদ্ধির তীক্ষ্ণতা, মেধা ও নানা সঙ্গুণ দর্শনে শিক্ষক ও লক্ষ্যগণের সহিত দৌলীন-দম্পতি মহা স্তুতী হইলেন। কলেজের প্রথম বিদায়কাল পূর্বেই পূর্ণ হইয়াছিল, আবার, তাহার বিস্তারের নিমিত্ত প্রার্থনা করিয়া বসন্ত পাইয়াছিলেন, অতীত তাহারও অবসান হইয়া আসিল। কাজেই তাঁহাকে সস্তীক আবার ভারতে প্রত্যাহ্বান করিতে হইল; সুবা দৌলীন ইংলণ্ডে বিদ্যাভ্যাসে নিযুক্ত থাকিলেন। কালে, নিম্ন বিদ্যালয়ের পাঠ সমাপ্তির পর বিশ্ববিদ্যালয়ের অধীনে অধ্যয়ন পূর্বক পরীক্ষাভীর্ণ হইয়া উচ্চশ্রেণীর উপাধিও পাইলেন। কিন্তু উপাধি তো সামান্ত কথা, যদি হিতাহিত জ্ঞানলাভ ও সেই জ্ঞানানুযায়ী আচরণ অভ্যাস, শিক্ষার প্রধান উদ্দেশ্য হয়, তবে তাঁহার বিদ্যাশিক্ষা যে উচ্চতম ধাতুর এবং পরিশ্রম যে সর্বতোভাবে সার্থক হইয়াছে, তাহাতে কিছুমাত্রও সন্দেহ নাই।

তাঁহার ধর্ম-বিশ্বাস সম্বন্ধে কিছু বলা উচিত। ইউরোপীয় রীতানুসারে তাঁহার শৈশবাবস্থাতেই “ইংলণ্ডীয় চর্চ” নামক ধর্মসমাজে তাঁহাকে খৃষ্টধর্মে দীক্ষিত করা হয়। অর্থাৎ যাহাকে খৃষ্টানদিগের নামকরণ অনুষ্ঠান (Christening) বলে, তাহাই হইয়াছিল। “হেনেরি দৌলীন” তাঁহার তাত্কালিক নাম। তিনি বাল্যাবধি ঈশ্বরে প্রীতি-পরায়ণ—ধর্মে ও ধর্মনীতিতে বিশেষ আস্থাযুক্ত। কিন্তু কখনই অন্ধভাবে গোড়া খৃষ্টান ছিলেন না। তাহাতেই উপযুক্ত কালে যুক্তিবলে ধর্ম-বিশ্বাসের রূপান্তর সাধনে সমর্থ হইয়াছিলেন, অর্থাৎ পঠদশার শেষকালে এবং বিশ্ববিদ্যালয় পরিত্যাগের পর বিভিন্ন ধর্মমত-বিচারক গ্রন্থাবলী ও উচ্চ অঙ্গের দর্শন শাস্ত্রাদির আলোচনা দ্বারা তাঁহার স্মৃতিশক্তি বুদ্ধি কুসংস্কারের জড়তাজাল হইতে সর্বতোভাবে স্বাধীনতা লাভ করিল। সৌভাগ্যক্রমে সেই সময়ে কোন কোন সুপ্রসিদ্ধ একেশ্বর-বাদী, দার্শনিক মহাশয়ের সহিত তাঁহার ঘনিষ্ঠ সংস্পর্ক। তাঁহাদের সমাজে সর্বদা গতিবিধি, উপদেশ, শ্রবণ ও



প্রকৃষ্ট পদ্ধতিতে ধর্ম সঞ্চীর আলোচনা করিবার সম্পূর্ণ ক্ষমতা প্রাপ্ত হন। তৎফল স্বরূপ তদবধি তিনি অবতার-বাদ ও অতিব্যক্তি-বাদের সংস্কার ভাগ্যপূর্বক প্রকৃত প্রস্তাবে একেশ্বরবাদ অর্থাৎ বিশুদ্ধ ব্রাহ্মধর্মের প্রতিই বিশ্বাস স্থাপন করিলেন।

তিনি তখন অষ্টাদশ বর্ষীয়। কিন্তু শ্রীমান্, দীর্ঘবপু ও বলীয়ান দেহের তেজস্বিতা বশতঃ তাঁহাকে যেন বিংশতি বৎসরের সুস্থ যুবা পুরুষ বলিয়া বোধ হইত। তাঁহার পিতা তখন ভারতবর্ষে আরো উচ্চপদস্থ—আরো সম্ভ্রান্ত—আরো ক্ষমতাশালী হইয়া উঠিয়াছেন। তাঁহার পঠদশার মধ্যে তাঁহার পিতা মাতা আর দুই একবার ইংলণ্ডে গিয়া তাঁহার সহিত স্পন্দন সুখে কিছুকাল যাপন করিয়া আসিয়াছেন। এখন আবার তাঁহাকে কোনকপ কর্মক্ষেত্রে প্রবিষ্ট করিয়া দিবার অভিপ্রায়ে তাঁহারা তৃতীয়বার স্বদেশ গমন করিলেন।

পিতৃ-প্রভাবে এই অষ্টাদশ বর্ষ বয়সেই তিনি ইংলণ্ডীয় সৈনিক কর্মচারী পদে নিযুক্ত হইলেন। ভারতবর্ষে প্রেরিতব্য সৈন্য শ্রেণীতেই তাঁহার নিয়োগ হইল। কিন্তু একেবারেই তাঁহার ভারত-যাত্রা ঘটিল না। অধিতীয় প্রতাপাশ্রিত দিগ্বিজয়ী ফ্রেঞ্চ সম্রাট্, নেপোলিয়ান বোনাপার্ট ইউরোপে তখন কালাস্তক মহাকালের ঞায় সমরানল প্রজ্জ্বলিত করিয়াছিলেন; সেই দুর্দম্য দিগ্বিজয়ীর দমনার্থ ইউরোপীয় রাজগণ দলবদ্ধ হইয়া নানা দিকে অসংখ্য সংগ্রাম করিতেছিলেন, ফ্রেঞ্চ সম্রাটের প্রতিদ্বন্দ্বী দলের মধ্যে ইংলণ্ড সর্বপ্রধান। সুতরাং ব্রিটিশ সাম্রাজ্য মধ্যে যেখানে ষত সৈন্য সমাবেশিত হওয়া সম্ভব, সে সমস্তই এবং ইংলণ্ডদ্বীপ হইতে বহু চমু ইউরোপ মহাদ্বীপে প্রেরিত হইতেছিল। জন্মনীতে যাহাদের পাঠান হয়, যুবা ঘৌলীনের রেজিমেন্টও তন্মধ্যে সন্নিবিষ্ট ছিল। এই ঘটনার নব নাগকের পরমাহ্লাদ হইল; যেহেতু তাঁহার সৈনিক জীবনের প্রারম্ভেই তিনি মহা সংগ্রামের রঙ্গভূমির জনৈক অভিনেতা হইতে পারিলেন। যে জগদ্বিখ্যাত “ওয়াটারলু” যুদ্ধক্ষেত্রের ঞায় মহাযুদ্ধ ভূমণ্ডলে অন্নই হইয়াছে—যে প্রসিদ্ধ সমরাজনে বীররক্ত বোনাপার্টের ইজ্জতের অবসান ঘটে—যে ভীষণ আহবে জয়ী হইয়া ইংলণ্ডের ও ইংলণ্ডের অতুল্য অধিনায়ক ডিউক অফ্, ওয়েলিংটন বীরপ্রবরের খ্যাতি প্রতিপত্তি অসাধারণরূপে চতুর্দিকে

পরিব্যাপ্ত হইয়া উঠে—সেই চির-প্রসিদ্ধ ওয়াটারনুর মহাবুদ্ধে আমাদের যুবা ঘৌলীন আশাতিরিক্ত রণনৈপুণ্য ও অসীম সাহস প্রকাশ দ্বারা সুপ্রতিষ্ঠিত হইলেন এবং তত অল্প বয়সে তত অল্প দিন মাত্র কাব্য করিয়াই এক ধাপ উচ্চপদে আরুঢ় হইতে পারিলেন—এন্সাইন ছিলেন, লেফ্‌ট্যান্ট হইলেন।

নেপোলিয়ান হতবল হইলে লেঃ ঘৌলীনের রেজিমেণ্ট ভারতে প্রেরিত হইল। সুতরাং সেই সঙ্গে তিনিও আইলেন—সপ্তদশ বর্ষ পরে পুনর্বার স্বীয় জন্মভূমিতে আইলেন—তাঁহার অজ্ঞাতসারেই তাঁহার স্বীয় মাতৃভূমিকে কর্মভূমি রূপে প্রাপ্ত হইলেন! ভারতে আসিয়াই সত্তর বড় বড় যুদ্ধে লিপ্ত হইতে পারিলেন। তখন মহারাষ্ট্রভূমে মহা রণ চলিতেছিল। বাঙ্গালা ১২২৪।২৫।২৬ ( খ্রঃ ১৮১৭, ১৮ ও ১৯ ) সালে মহানাত্মীয় যুদ্ধ-সমূহে তিনি অত্যন্ত সাহসিকতা ও দক্ষতা প্রকাশ করাতে পদোন্নতি পাইয়া কাপ্তেন হন। পরে কতিপয় বৎসর তদ্রূপ বশের সহিত বহুবিধ কর্তব্য পালন এবং ১২৩৩ সালে সুপ্রসিদ্ধ ভরতপুরের চর্ভেদ্য দুর্গাধিকার সময়েও বিশেষ রণ-নৈপুণ্য প্রদর্শন করাতে ক্রম ( অধিক বয়স না হইয়াও ) মেজরের পদ পর্য্যন্ত পাইতে পারিয়াছিলেন।

পিতা মাতার প্রতি এক দিনের জন্তও তিনি শিথিলানুরাগ করেন নাই—তাঁহার শিরায় হিন্দু-শোণিত, সে ব্যক্তি কি প্রাণ থাকিতে তাহা হইতে পারে? এতাবৎকাল আপনার প্রকৃত বৃত্তান্ত জানিতে পারেন নাই। ইহারা যে বাস্তব জনক জননী নহেন, তাহা তাঁহাদের ব্যবহারে, বিন্দুবিসর্গ জানিতে পারিবার মতন কোন লক্ষণও দৃষ্ট হইত না। কেবল তাঁহার বাণ্যাবস্থায় ধার্মীর বদনস্থলিত ( বোধ হয়, তাহার, ত্রাণ্ডিজনিত ) কোন কোন কথায় কিঞ্চিৎ যেন আভাস পাইয়াছিলেন, কিন্তু তাহা তখন গ্রাহ্য করেন নাই—কেনই বা সহসা করিবেন? আমাদের নায়কের তখন কি সুখের আদ্যজীবন!

পঞ্চম অধ্যায় ।

—:—

‘সকলই পরিবর্তন—কিছুই নিত্য নয় ।’

মেজর দৌলীনের ক্রমশঃ অভ্যুদয় হইতে লাগিল । কর্ণেল দৌলীনের ক্রমশঃ পরিণত অবস্থা উপস্থিত হইল । তিনি সন্মানের সহিত বৃত্তি (পেরুনি লাভপূর্বক কাম্বক্ষেত্র হইতে এককালে অবসর লইয়া সন্ত্রীক স্বদেশ যাত্রা করিলেন । যাত্রাকালে পুত্রকে বিস্তর হিতোপদেশ দিলেন ; প্রধান পদস্থ কর্মচারীগণকে তাঁহার জন্ত বিস্তর অনুরোধ করিলেন—স্বয়ং সেনাপতি মহাশয়ের হাতে হাতে তাঁহাকে সাঁপিরা দিয়া বিদায় কালে চকুর জলে ভাসিয়া ও ভাসাইয়া চলিয়া গেলেন । যদি এই কয়টা পরিচ্ছেদে সংক্ষিপ্ত বর্ণনার সংকল্প না থাকিত, তবে বিদায়ের প্রকৃত অবস্থা পাঠ করিয়া পাঠকও চকুর জল না ফেলিয়া থাকিতে পারিতেন না । পূর্বেই আভাস দিয়াছি, এই প্রথম কাণ্ডের এই কয়টা পরিচ্ছেদ কেবল ভূমিকা স্বরূপ, সুতরাং দ্বিতীয়ভাগ যতক্ষণ না দৃষ্টিপথে পতিত হইতেছে, ততক্ষণ পাঠক মহাশয়কে মূল বিষয়ের স্থল বৃত্তান্ত পাইয়াই সন্তুষ্ট থাকিতে হইবে ।

প্রাচীন কর্ণেল সন্ত্রীক পোতারোহণ করিলেন । পথে পোতমধ্যেই ঘোর বিপদ—বিবী দৌলীন একপ্রকার অপস্মার ব্যাধিতে অকস্মাৎ আক্রান্ত হইয়া লোকান্তর গমন করিলেন ।

এই আশাতিরিক্ত আকস্মিক চর্ঘটনাতে কারুণ্য-প্রবণ কর্ণেলের হৃদয় মর্মান্বিত ব্যথা প্রাপ্ত হইল । শেষ বয়সে গৃহশূন্য হওয়া, আর বাস্তবিক অন্ধাঙ্গ বর্জিত হওয়া, একই কথা—যাঁহাদের পোড়া কপালে তাহা ঘটিয়াছে, তাহারা ভিন্ন অন্য কেহ সে নিদারুণ মর্ম্ম-বেদনার অংশমাত্রও অনুভব করিতে পারিবেন না ।

প্রাচীন বাঙ্গালীরা বলেন “স্ত্রীর মতন বৃদ্ধকালে তেমন সেবা ভক্তি আর কে করিবে ? এই জন্তই বার্ককে স্ত্রী-বিয়োগ হুঃখ বুকে এত বাজে !” ইহা আংশিক সত্য হইলেও নিতান্ত স্বার্থমূলক ভাব !

প্রেমজ্ঞ মহাশয়েরা বলেন “বৃদ্ধকালে ইন্দ্রিয়সক্তি-শূন্য পরম পবিত্র প্রেম—উচ্চদের উদার প্রেম সঞ্চিত হয়—হৃদয় মরিয়া ক্ষীর হওয়ার

শ্রায় বোরনের চঞ্চল প্রেম নিশ্চল ও নিশ্চল ভাব ধারণ করে, এমন বিস্কৃত প্রেমাধার নষ্ট হওয়াতেই যৌবনাপেক্ষা অধিকতর অনর্থ ঘটায়।

• কিন্তু ছলগ্রাহী খল জনেরা বলে “বুড়ী বৈ বুড়ার উপায় কৈ? কোন্ যুবতী তাঁহার প্রেম-পুষ্পের শুষ্ক দলের ত্রাণ লইতে আসিবে? কাজেকাজেই বৃদ্ধলোকের জায়ার প্রতি মায়া কিছু অতিরিক্ত হয়।”

যে সিদ্ধান্তই চূড়ান্ত হউক, প্রাচীন কর্ণেল সাহেব মর্শ্ব বেদনায় জর্জরিত হইয়া দেশে গিয়া মহা যন্ত্রণায় বাস করিতে লাগিলেন। পুত্রও যথাকালে মাতৃবিয়োগের সংবাদ পাঠায় মহা শোকাকুল হইলেন। পিতা পুত্র উভয়েই প্রতি মেইলে পত্র বিনিময় দ্বারা একজন স্নেহের, অপরে ভক্তির পরাকাষ্ঠা প্রদর্শন করিতে লাগিলেন।

কর্ণেলসাহেব পুত্রের বিবাহ জ্ঞাত সন্দর্ভেই চিন্তাকুল। ভ্রাতৃকৃত্য সম্পর্কীয়া এক যুবতীকে মনে মনে পুত্রবধূরূপে বরণ করিলেন। তিনি জানিতেন, তাঁহার পুত্র ইংলণ্ডে অবস্থান কালে এই যুবতীকে সর্বদা দেখিয়াছেন, যুবতীও মেজরকে বিলক্ষণ জানেন—কর্ণেলের নিজ বাটীতে ও যুবতীর পিতার ভবনে উভয়ের বহুবিধ আলাপ সম্বাদাদি হইয়াছে। কর্ণেল দৌলীন এই জ্ঞাত ভাবিলেন, তাঁহারা উভয়েই অনায়াসে সম্মত হইতে পারিবেন। যুবতী তাঁহার পৈতৃক বিভবের একমাত্র উত্তরাধিকারিণী। এই একমাত্র প্রবল হেতুতেই তাঁহার নয়নে তরুণী অসামান্য রূপ-গুণবতী!

উক্ত বিভব ও যৌতুকাদি লাভবতিত নানা যুক্তিযুক্ত একখানি দীর্ঘ পত্র পুত্রকে লিখিয়া পাঠাইলেন। ভাবিলেন, এত আকর্ষণে পুত্র অবশ্যই আকৃষ্ট হইবে। তাঁহার নিজের সম্পত্তিও সামান্য নয়, হেনেরি দৌলীন সে সমস্তের একমাত্র উত্তরাধিকারী, সুতরাং ভ্রাতৃকৃত্যের চিত্তাক্রষ্ট হইবার আকর্ষণও সামান্য নয়। অতএব আকার ইঙ্গিতে স্বীয় মনোগত অভিপ্রায় ভ্রাতৃকৃত্যকে ও জানাইতে ক্রটি করিলেন না।

•• কিন্তু সরল সেনানায়কের পক্ষে মানব-হৃদয়-তত্ত্ব, বিশেষ নারীচরিত্র, জানা এবং সভ্য ইউরোপের “কোর্টসিপ” মূলক স্বেচ্ছাধীন বিবাহের পাকা খটক হওয়া যে একপ্রকার অসম্মত ব্যাপার, তাহা তিনি ভাবিলেন না। আপনাদি মনে যে যে কারণে এই পরিণয় উপযুক্ত ও উচিত বোধ হইয়াছিল,

অন্তেও সেইরূপ বুঝবে, ইহাই তাহার ধারণা হইল। অতএব পুত্রের প্রত্যুত্তর প্রাপ্তি আশায় অধৈর্য্য হইয়া রহিলেন।

যথা কালে সে উত্তর পাইলেন। তাহার মর্ম্মার্থ “আপনি আমার শুভ কামনার যাহা যোগ্য ও কর্তব্য বিচার করিবেন, তাহাতে আমার অনিচ্ছা থাকিলেও বাধা দিতে পারি না—তাহাই আমার অবশ্য করণীয় জ্ঞান করিব।”

কর্ণেল যেরূপ প্রত্যাশা করিয়াছিলেন, তাহা হইল না—ইহাকে ছোট আফ্রাদপূর্ব্বক মত দেওয়া বলে না—যেন পিতৃভক্তি কর্তৃক চালিত হইয়া পিতৃ-অনুরোধ-রক্ষা মাত্র হইতেছে। এ ভাব বুঝিতে পারিয়া পুত্র-হিতৈষী পিতা কিছু ক্ষুণ্ণ হইলেন। কিন্তু আগ্রহ টলিল না—আগ্রহ বলিল “যে একটুখানি অনিচ্ছা পত্রে প্রকাশ পাইতেছে, বিবাহের পর তাহা আর তিষ্ঠিতে পারিবে না।” অতএব শুভ সম্বন্ধ সুনিরাক্ত জন্ত আর কালবিলম্ব বৈধ নয় ভাবিয়া কন্যার নিকট প্রস্তাব করিলেন। ইংলণ্ডে বরই প্রায় কন্যার নিকট প্রস্তাব করে—বরের পিতা নয়! কখন কখন বা বরের পিতা কন্যার পিতার নিকট তদ্রূপ প্রসঙ্গ তুলিয়া থাকে, কন্যার নিকট কদাচিৎ! কিন্তু ব্যগ্র-চিত্ত সরল ছোলীনের ধৈর্য্যশক্তি চিরকালই কিছু থর্ব্ব—সরল মাত্রই কিছু ব্যগ্র, কিছু অধৈর্য্য—তাহাতে এখন স্থবিরাবস্থায় সেই ছোট খাট ধৈর্য্যটাও স্থবিরবৎ আরো নিঃশক্তি হইয়াছে। সুতরাং ভাবী পুত্রবধূর নিকট পুত্রের যাহা কর্তব্য, তাহা আপনিই করিলেন।

স্বভী সবিষ্ময়ে সম্মিত বচনে সমস্বমে উত্তর দিলেন “ভাল, জ্যেষ্ঠা মহা-মহাশয়, আপনার পুত্র স্বদেশে আইলে যাহা হয় হইবে।”

কর্ণেল ইহাতে সম্বষ্ট থাকিবার লোক নহেন। তিনি জিদ করিতে লাগিলেন। তরুণী লজ্জা পরিত্যাগপূর্ব্বক বলিতে বাধিতা হইলেন “ইংলণ্ডে পুত্রের হইয়া পিতা আসিয়া পূর্ব্বরাগ (Courtship) অনুষ্ঠানের প্রয়াস পান, তাহা পূর্ব্ব দৃষ্ট হয় নাই, আজ আপনিই দেখাইলেন।”

তথাপি স্থবির জ্যেষ্ঠতাত এই বলিয়া বুঝাইলেন “তুমি মত দিলে, আমি তাহাকে আসিতে বলি। ভাবিয়া দেখ, এই বিবাহ হইলে আমাদের অভিন্ন যুগল সংসার দৃশ্যতঃ আর কিছুমাত্র ভিন্ন থাকে না ও উভয় সংসারের সম্পত্তিও একীভূত হইয়া কি সুখেরই হয়!”

এইরূপে পুত্র-হিত-চিকীর্ষায় মহা ব্যগ্র আছেন—অবিলম্বে পুত্রবধূর

হইবে, অংগ কাহারও কোনরূপ দাবি দাওয়া ওজর আপত্তি গ্রাহ হইবে না, ইহাই সেই ক্রোড়পত্রের তাৎপর্য ।

• দ্বিতীয় পত্রে মেজর দৌলীনের আদ্যাবস্থামূলক ইতিহাস—যতদূর কর্ণেল দৌলীন জানিতেন ।

তৃতীয় খানিতে নানা হিতোপদেশের সহিত পুত্রকে অনুরোধ যে, দ্বিতীয় বিপিথণ্ড পাঠ করিবার পরও তাহাকে যেন উরস-দাতা পিতা ভিন্ন কদাচ তিনি অত্র কিছু না ভাবেন এবং যে প্রচুর বিভব অর্পণ করিয়া যাইতেছেন, তাহার যেন সদ্যবহার করেন ।

পাঠান্তে ঋল-প্রকৃতি যুবক যুবতীর যেরূপ বিষয় ও আনন্দ হইল, পাঠক তাহা সহজেই বুঝিতেছেন । তৎক্ষণাৎ কুমন্ত্রণার বিশাল বিষচক্র একখানি নির্মিত হইল । মেজরকে কর্ণেল দৌলীনের মৃত্যু সংবাদ সহিত কপট শোক-পত্র পাঠান হইল । কর্ণেল যে পুলিন্দাটা রাখিয়া গিয়াছিলেন, সে কথার বিন্দু বিসর্গও লেখা হইল না—সে গৃহ কথা তৃতীয় কর্ণে গেল না !

সংবাদ প্রাপ্তিমাত্র পিতৃভক্ত মেজর দৌলীন মহা শোকে আচ্ছন্ন হইলেন । অবিলম্বে সেনাপতির নিকট বিদায় লইয়া পোতারোহণ করিলেন । লণ্ডনে উপস্থিতির পর, অগ্রেই পরমায়ুয়া পরম হিতৈষিনী পুত্রভাত-নন্দিনীর নিকট গিয়া ক্রন্দন করিতে লাগিলেন । এমত অবস্থায় স্নেহবতী ভগ্নীর যাহা কর্তব্য, তাহাতে ক্রটি ঘটিল না । দৌলীন তাহার নিকট কৃতজ্ঞ হৃদয়ে বিদায় লইয়া স্বভবনে গমন করিলেন । অবিলম্বে পিতার স্মরণার্থিক কোনরূপ স্থায়ী দান বিধান ও সমাধিস্থস্থ মিত্রাণ প্রভৃতি কর্তব্য গাণন করিয়া কিছু স্মৃত হইয়া প্রদেশ মধ্যে যেখানে পৈতৃক সম্পত্তি আছে, তথায় যাইবার মানস করিলেন । ইচ্ছা, স্বচক্ষে একবার সমুদয় দর্শন, প্রজাবর্গের সহিত আলাপ ও তাহাদের হিতজনক ব্যবস্থাদি করিয়া আসিবেন । এই মহদভিপ্রায়ে যাত্রার উদ্যোগ করিতেছেন, এমত সময় সেই ভূম্যধিকার হইতে তাহার পিতার বিশ্বাসী পুরাতন কর্ম্মাধ্যক্ষ সংবাদ পাঠাইলেন যে, কুমারী ইলাইজা দৌলীন, তাহার উকীলের দ্বারা ঐ কর্ম্মাধ্যক্ষকে লিখিয়া পাঠাইয়াছেন যে, “মেজর দৌলীন নামে যে ব্যক্তি মদীয় জ্যেষ্ঠভাত-পুত্র রূপে পরিচিত, তিনি তাহা নহেন । অতএব আমিই তাহার উত্তরাধিকারিণী । তাহার মৃত্যুকালাবধি

ভূ সম্পত্তি ও অর্থাদি সংক্রান্ত তাবদ্বিষয়ের হিসাবাদি তুমি আমাকে শীঘ্র বুঝাইয়া দিবে।” ইত্যাদি।

কম্বাধক্ষের লিখিত এই অদ্ভুত সংবাদ পাঠে দৌলীন আপনা আপুনি হাশ্ব করিলেন। তিনি যে কর্ণেল দৌলীনের ঔরস-পুত্র ব্যতীত অন্য কিছু, একথা পাগলের কল্পনা ভিন্ন আর কি হইতে পারে, ইহা ভাবিয়াই হাসিলেন। ভাবিলেন, হিতাহিত-জ্ঞান-বর্জিতা এই উন্নতার সহিত পিতা কি বলিয়া আমার সম্বন্ধ ঘটাইতেছিলেন ?

তিনি আরও ঘুরা করিয়া জমীদারিতে গেলেন। কার্বাধ্যক্ষ, ভৃত্যবর্গ ও প্রজাগণ তাহাকে প্রভুপুত্র বলিয়াই ক্রম জানিত—অতি সচ্চরিত্র, সদাশয়, সদয় প্রভুপুত্র বলিয়া জানিত—তাঁহার অধীনতার পরম সুখে থাকিতে পাইবে, এই উচ্চ আশাতেই তাহারা তাঁহার আগমনের প্রতীক্ষা করিতেছিল, সুতরাং তাহাকে পাইয়া এবং তাঁহার উচ্চপ্রকৃতি দেখিয়া যারপর নাই আনন্দিত ও আশান্বিত হইল। তিনি অল্প দিনের মধ্যেই নানা বিষয়ে সুব্যবস্থা করিয়া দিলেন। প্রজামণ্ডলীর করভার বহুলাংশে লাঘব করিয়া সঙ্কতজ্ঞ আশীর্বাদ ও ধন্যবাদের আম্পদ হইলেন। সৌজন্তে ও কারুণ্যে সকলেই সন্তুষ্ট—সকলেই নিতান্ত বশীভূত হইল।

সেখানে থাকিতে থাকিতেই ইলাইজার উকীলের এক পত্র তিনি পাইলেন। “আপনি কর্ণেলের পুত্র নন, তাঁহার প্রমাণ আমার নিকট আছে, অতএব বিষয়াদিতে হস্তক্ষেপ করিবেন না, করিলে ভাল হইবে না।” ইহাই তাহার মন্তব্য। দৌলীন উত্তর দিলেন “আপনাকে এমন কথা কে বলিয়াছে, তাহার মতিভ্রম হইয়াছে, সে বাতুল!”

লগ্নে প্রত্যাবৃত্ত হইয়া গুলিলেন, বিচারালয়ে তাঁহার নামে অভিযোগ হইয়াছে। তিনি উকীল কৌন্সল নিয়োগ ও তাঁহাদের আনুকূল্যে উপযুক্ত উদ্যোগ করিয়া বিচারের দিন জয় প্রত্যাশায় ধন্যধিকরণে উপস্থিত হইলেন।

কি সন্দেহ! মৃত মহাত্মা পিতার স্বহস্ত-লিখিত ইতিবৃত্ত বা স্বীকার-পত্রই তাঁহাকে পুত্রত্ব স্বীকার করিতেছে! বিচারস্থলে ইহা যখন সপ্রমাণ হইল, তখন তাঁহার মস্তকে বেন অকস্মাৎ বজ্রাঘাত হইল! তাঁহার পক্ষীয় ব্যবহারাজীবেরা তৎপত্তনের বিস্তর প্রয়াস পাইলেন, কিন্তু বার্গ—সব ব্যর্থ—যে অনর্থ ঘটনার তাহা ঘটিল! ছরান্দারা তাঁহার ধাত্রীর মুগ দিয়াও

প্রমাণ করাইল। মৃত কর্ণেল তাঁহার যে ইতিহাস লিখিয়া রাখিয়া গিয়াছিলেন, তাহাতেই ধাত্রীর কথা পড়িয়া কুচক্রী ধূর্তদয় তাহাকে সাক্ষী মানে। মেজর দৌলীনকে ধাত্রী প্রাণাপেক্ষাও ভাল ধাসিত, তিনিও তাহাকে দ্বিতীয় জন-  
নীর গ্রায় ভক্তি শ্রদ্ধা ও প্রচুর অর্থ-সাহায্য করিতেন। ধাত্রী কি উচ্চাপূর্বক  
তাঁহার অনিষ্টকর সাক্ষা দিবার লোক? কিহু কি করে, বিপক্ষ কোন্সিল  
যেন গলায় আঙুল দিয়া প্রকৃত কথা বাহির করিয়া আনিল! শুধু তাহাই  
নহে, অবস্থানুযায়ী অল্প আনুষ্ঠানিক প্রমাণেরও অভাব হইল না;—উক্ত  
বিধরণ পত্রিকায় লেখা ছিল যে, তাঁহার শৈশবের বসন ভূষণ ও তাঁহার পিতা  
মাতার বজ্রালঙ্কার হীরা চণী প্রভৃতি তাঁহাদেরই তোরঙ্গ ও পেটিকাদি মধ্যে  
কর্ণেলের লগুনস্থ বাসভবনের এক ক্ষুদ্র কক্ষিতে চাবি বন্ধ রহিল, পুত্রের  
সন্মোহ ও স্মৃতি-সাহায্যে তাহার এক বিন্দুও তিনি নষ্ট করেন না! এখন  
বিচারকের আজ্ঞাতে সেই কুঠারি খুলিয়া সেই সমস্ত দ্রব্য দিচারালয়ে আনা  
হইল। সকলে দেখিয়া নিঃসন্দেহ হইলেন—তুলীনও নিঃসন্দেহ হইয়া,  
দম্বা কর্তৃক হত পিতা মাতার উদ্দেশ্যে অশ্রুবারি বর্ষণ না করিয়া থাকিতে  
পারিলেন না! এখন তিনি আপনি স্বেচ্ছাক্রমে পালক পিতার সমস্ত সম্পত্তি  
ইলাইজাব প্রাপ্য বলিয়া মুক্তকণ্ঠে সর্বসমক্ষে স্বীকার করিলেন—বিচারকের  
আদেশে আপন গুরসদাতা পিতা ও গর্ভধারিণী মাতার পরিত্যক্ত দ্রব্য ও  
রত্নাদি পাইলেন মাত্র! স্মৃতির মধ্যে মোকদ্দমার খরচার নিমিত্ত আদালত  
তাঁহাকে দায়ী করিলেন না; যেহেতু তাঁহার বিশ্বাসানুসারেই তিনি  
মোকদ্দমা চালাইয়াছিলেন—যাঁহার দোষেই তাঁহার সেই ভ্রান্ত বিশ্বাস ছিল,  
তাঁহারই সম্পত্তি খরচার দায়ী হইল।

মন্তব্যের বুদ্ধিতে যতদূর সুবিচার হইবার, তাহা হইল; এবং লগুন  
মহানগরের সকলেই বলিলেন “সপার্থ বিচার হইয়াছে!” কিহু আমরা  
তো জানিতে পারিতেছি যে, ধর্মের দ্বারে এ বিচার বিচারই নয়—  
কেবল অধর্মের কুহক ঢাক পড়িয়া ধার্মিক বিচারক ও ধার্মিক প্রতিবাদী  
প্রতারণিত হইলেন! হায়, ভ্রান্ত মানবসমাজে এইরূপে অধর্মের জয়  
নিঃসন্দেহ নিত্য কতই হয়—কত ধর্মপরায়ণ সৃজনগণ এইরূপে প্রতারণিত হইয়া  
ধর্ম, মান, প্রাণপবাস্তু হারা হইতেছেন, কে তাহার সংখ্যা করে? তবে এই একটু  
স্বপ্ন যে, অবশেষে ধর্মের জয় প্রায়ই হয় এবং পাপের ফল প্রায়ই ফলে!



সে বাহাই উক, সহৃদয় পাঠক ! আমাদের প্রিয় বন্ধু ঘোলীনের কি দশা ঘটিল, একবার ধ্যান করিয়া দেখুন ;—সাম্রাজ্য পাপাবতার পাবণ্ড যুগলের নিদারুণ বিশ্বাস-ঘাতিতা ও দুর্ভেদ্য কুমন্ত্রণায় তিনি নিতান্তই পেষিত হইলেন—কোথায় ইংলণ্ডের একজন প্রধান ভূমাধিকারী এবং অতুল ঐশ্বর্যোশ্বর, না মুহূর্ত্তমধ্যেই এককালে পথের ভিকারী, হইয়া পড়িলেন ! যদি বলেন “পথের ভিকারী কেন ?—চাকরী তো আছে ?” এখন ইহার উত্তর পাঠিবেন।

যদি কর্ণেল সাহেবের লিখিত বিবরণ-পত্রের সঙ্গে উইল ও তৎক্রোড়পত্র লোকের নয়নালোক প্রাপ্ত হইত, তবে হেনেরি ঘোলীন ঔরস-পুত্র না হইয়াও পালক পিতার ইচ্ছানুসারে তাঁহার উত্তরাধিকারী হইতে পারিতেন—তবে আর ভণ্ড প্রবঞ্চকদ্বয়ের দুর্ভাভিসন্ধি কদাচ সিদ্ধ হইয়া উঠিত-না। সে উইল ও ক্রোড়পত্র কি দুর্ভগণ বাহির করে ? তাহা হয় তো নষ্ট করিয়া ফেলিয়াছে ; সুতরাং বিচারক কি করিবেন ? কর্ণেল কর্তৃক তদ্রূপ উইল, কি দানপত্র রাখিয়া যাওয়া সর্বতোভাবে সম্ভব বটে এবং তাঁহার বাঁটীতে কুত্রাপি তাহা না পাওয়াতে সকলেই বিশ্বাসবিষ্ট হইলেন, সত্য ; কিন্তু আইন তো সে বিষয়ের কথা শুনে না—আইনের যাহা কর্তব্য, তাহাই করিল !

দুর্ভাগ্য ছলীন মনে মনে বুঝিলেন, “অবশ্যই ইহার মধ্যে কিছু নিগূঢ় আছে—আমাকে উত্তরাধিকারী না করিয়া পিতা যে এই স্বীকার পত্র মাত্র লিখিয়া দিয়া যাউবেন—ইহাতে যেন আমাকে বঞ্চিত করাই তাঁহার অভিপ্রায় ; ইহা তো কখনই হইতে পারে না—স্বপ্নেও এ সন্দেহ আসিতে পারে না।” ফলতঃ তাঁহার হৃদয় প্রকৃত ঘটনার কাছাকাছি ভাব অনুভব করিতে অসমর্থ হইল না। কিন্তু লোকে সেরূপ অনুভব করিবে কেন ? লোকে বরং ইহাই বুঝিল—ইহাই করুণা ও জল্পনা করিতে লাগিল যে, পরের ছেলের নিমিত্ত, বিশেষ ভিন্ন দেশীয় ভিন্ন জাতীয় পুত্রের নিমিত্ত স্বীয় জ্ঞাতি-কণ্ঠাকে বঞ্চিত করিতে কর্ণেলের ধন্য-বুদ্ধি শেষকালে স্বীকৃত হইল না, তাহাতেই কুমারী ইলাইজার নিকট সত্য ইতিহাস প্রকাশ ও তৎপ্রমাণমূলক স্বীকার-পত্র তিনি রাখিয়া গিয়াছেন।

বাহাই উক, ভাগ্যহীন ঘোলীন নিরুপায়। কিন্তু তাঁহার মানসিক ধৈর্য্য ও সহিষ্ণুতা বিল অসামান্য ও অসীম—এই বাত্যাঘাতেও তাঁহার

সাহস মগ্ন হইবার নয়। তিনি ভাবিলেন, যদি যথার্থই আমি পালিত পুত্র  
বৈ আর কিছুই নই, তবে পালক পিতার সম্পত্তিতে আমার স্বত্বই বা কি ?  
উত্তমই হইল—বঁাহার যথার্থ প্রাপা তাঁহার হইল, ভালই হইয়াছে, পরের  
দ্রব্যে লোভ করা অনুচিত—পর-ধনে ধনী হওয়া কাপুরুষত্ব! আপনার  
হস্ত আছে—বাল আছে—প্রবল-প্রতাপ বিটনেশ্বরের অধীন সম্রাট পদ  
আছে—কিছু নাম যশঃও আছে—উচ্চ পদস্থ রাজপ্রতিনিধি ও সেনাপতি  
প্রভৃতির অনুগ্রহ ও অনুরাগ এবং পরিচিত সম্রাট ইংরাজ বান্ধবগণের  
বন্ধুত্ব ও প্রণয় রূপ সহায়ও আছে—সন্দোপরি, সর্বপাতা দয়াময় পরম-  
পিতার অপার দয়া-রূপ অমূল্য রত্নও আছে, তবে এত চিন্তাই বা কি ?

কিন্তু হা ফাঁগচেতা মানব! হা জাগ্রত বন্ধু দৌলীন! যদি কর্নাতে এত  
গুলি গুণনা না করিয়া শুদ্ধ সর্বশেষে যে মহারত্নের নাম করিলে—যাহা  
সকলেরই সুপ্রাপা—সকলেরই অধিতীয় সহায়—যদি কেবল সেই নিত্যা-  
নিধিকে মাত্র লক্ষ্য করিতে, আর সব নিত্যানুই অসার ও গণনার  
অযোগ্য বলিয়া জ্ঞান করিতে, তবেই সুবুদ্ধির কাজ হইত। তোমার  
ভ্রান্তি এখনই দেখ;—

ইংরাজ জাতি সভ্য ও সভ্যাভিমাত্রী, এবং উদার ও কুসংস্কারহীন  
বটে, কিন্তু অপর জাতীয় লোককে নিরুপে জ্ঞান করা এবং একটু ঘৃণা করা  
তাঁহাদের যেন জাতি-সামর্য-ধর্ম! তদনুসারে, যখন সকলে জানিতে পারি-  
লেন যে, মেজর দৌলীন, কণেন দৌলীনের গুরনপুল নহেন—স্বজাতীয়  
লোকেরও সম্মান নহেন—নিরুপে হিন্দুবংশের সম্মান, তখন তাঁহার প্রতি,  
আর সেরূপ বন্ধুতা, সে প্রকার আত্মীয়তা, সে প্রকার প্রণয়-প্রতি অনে-  
কেরই থাকিল না। বিশেষ যে মহাপুরুষেরা ভারতবর্ষে মর্কসর্কা প্রভৃ.  
তাঁহাদের প্রায় কেহই আর তাঁহাকে পূর্ব দৃষ্টিতে দেখিলেন না। অধিক কি,  
সৈনিক পদ পর্য্যন্ত তাঁহাকে পক্ষে রুদ্ধ হইল—তাঁহার সহিত কেনি ইংরাজ  
কর্মচারী আর এক “মেসে” থাকিতে চাহিলেন না, পদ-রাহিতের ইচ্ছাই প্রধান  
হেঁতু! কিবা করে তাঁহার বাহুবল—কিবা করে তাঁহার রণ-পাণ্ডিত্য—কিবা  
করে তাঁহার রাজভক্তি—কিবা করে তাঁহার সূচরিত্র—কিবা করে তাঁহার শত  
শত সামান্য ও ছই চারিটা অসামান্য গুণ—কিবা করে পূর্ব বন্ধুতা—সব তাঁহার  
পৈত্রিক বর্ণ-অপরাধে ভস্ করিয়া উড়িয়া গেল—কিছুতেই কিছু হইল না!

পাঠক ! এই দেশে স্বচক্ষে নিত্য যাহা দেখিতেছেন, স্বকর্ণে মিতা যাহা শুনিতেছেন, আপনারা নিত্য যাহা ভুগিতেছেন, তাহার আর বর্ণনা করিব কি ?

তুই চারিজন মহাদাশয় মহদন্তঃকরণ ইংরাজ বন্ধু তাঁহার প্রতি যথোচিত মহানুভূতি প্রদর্শন করিতে লাগিলেন ; কিন্তু তাঁহাদের ইচ্ছানুযায়ী ক্ষমতা ছিল না ; সুতরাং তাঁহারা চেষ্টা করিয়াও সিদ্ধ হইলেন না !

যাটক, সে কথা আর কেন ? বিচারের পর তাঁহার সৈনিক পদের বেতনই তাঁহার তখনকার এক মাত্র জীবিকা-উপায়, তাহাও যুছিল ! সুতরাং তাঁহার বর্তমান অবস্থা আর “পথের ভিখারীর” দশা কি সম্মান হইয়া উঠিবে না ? তুলনাতে ভিখারী বরং ভাল—সে ভিক্ষা চাহিতে পারে—দ্বৌলীক তাহাও পারেন না !

পিতামাতার রত্নাভরণাদি বিক্রয় করিবার ইচ্ছা ছিল না—শৈশবে পিতা মাতার সহিত জন্মের মত বিচ্ছেদ ঘটয়াছে, সেই শোকই অসহ ! এখন সৌভাগ্যক্রমে তাঁহাদের একমাত্র স্মৃতি-চিহ্ন স্বরূপ যাহা কিছু পাইয়াছেন, তাহার সহিত স্বেচ্ছাপূর্বক বিচ্ছেদ ঘটাইতে কি প্রাণ মন সম্মত হইতে পারে ? সুতরাং তিনি ভিখারী !

যাঁহার হৃদয় আছে—এই কঠোর সংসারে পিতা মাতা যে কি পবিত্র প্রার্থনীয় রত্ন, যাঁহার হৃদয় তাহা অনুভব করিতে পারিয়াছে—শৈশবে সেই পরমারাধ্য মহা নিদিতে বঞ্চিত হইয়া যাঁহার হৃদয় চির-দগ্ধ হইতেছে, তিনি কদাচই হেনেরি দ্বৌলীককে ঐ পবিত্র ভাব জন্ম ভিখারী হইতে দেখিয়া দোষী মনে করিবেন না—তিনি অবশ্যই তাহার পরম বিশুদ্ধ চিত্ত-তত্ত্বের মন্বজ্ঞ হইয়া বরং তাঁহাকে প্রশংসাই করিবেন !

### সপ্তম পরিচ্ছেদ ।

#### আশার নিরুশা।

পাঠক ! আমরা বুঝিতেছি, হেনেরি দৌলীনের ভবিষ্যৎ জীবন ভয়ানক মূর্ত্তি ধারণ করিল। কিন্তু পূর্বেই বলিয়াছি, তিনি অসাধারণ চিত্ত-বলে বলীমান ! তিনি নিতান্তই নিষ্ঠুর বীর ও প্রকৃত প্রস্তাবেই উদ্যোগী পুরুষ। অধিকন্তু ধর্ম্মে ও ঈশ্বরে তাঁহার অবিচলিত বিশ্বাস। সাংসারিক কোন অবস্থাতেই তিনি নত-জানু হইবার নন।

বৈই মাত্র দেখিলেন, ইংলণ্ডীয় সমাজ নির্লাজ ভাবে তাঁহার প্রতি পূর্ক-কারু সঙ্গ্রহ পরিত্যাগ করিল, তিনি অমনি তখনই ইংলণ্ড পরিত্যাগের সঙ্কল্প করিলেন।

তাঁহার স্বেপার্জিত পূর্ক সঞ্চিত যৎকিঞ্চিৎ যাত্রা ছিল, তাহা লইয়া— এমন কি, অঙ্গুরী ঘটিকা যন্ত্রাদি পর্য্যন্ত তাবদন্তু বিক্রয় দ্বারা—অর্থ সংগ্রহ পূর্কক বিশ্বাসী ভৃত্য বন্সুর সহিত অবিলম্বে ফরাসী রাজ্যে প্রস্থান করিলেন। পাঠক বলিতে পারেন “বন্সু” কে ? বন্সুর সবিশেষ পরিচয় ক্রমেই অধিক পাইবেন, আপাততঃ এই পর্য্যন্ত বলিলেই হইবে যে, বন্সু একজন মাদ্রাজী হিন্দু—অবশ্যই ইতর জাতীয় হিন্দু—কিন্তু তাই বলিয়া হাড়ো বাগ্দার শ্রায় অত নীচ নয়—বহুবৎসর হইতে হেনেরির অতি প্রিয় পরিচারক—শেষবার ভারত হইতে আসিবার সময়, তাঁহার সহিত আসিয়াছে—প্রভু নিমিত্ত জাতি কুলও অগ্রাহ করিয়াছে। বন্সু লেখা পড়ায় যেমন হটক, অনর্গল ইংরাজী কহিতে পটু। সে ইংরাজীও যেমন হটক, কিন্তু মুখ-ভারতীতে আঁটে কে ? মাদ্রাজে এমন লোক বিস্তর।

দৌলীন ফরাসি রাজ্যে গিয়া অল্পকাল মধ্যেই আশাতিরিক্ত ফললাভ করিলেন। তদ্রাজ্যে বিপ্লবের পর বিপ্লব হইয়া গিয়াছে। অসীম-প্রতাপ নেপোলিয়ান সিংহাসনচ্যুত হইয়াছেন। ইংরাজ সিংহের সাহায্য-বলেই ক্ষুদ্র মৃগবৎ লুই বংশীয় মহীপাল বোনাপার্ট শার্দুলের কবল হইতে স্বীয় পৈতৃক সিংহাসন খানি পুনঃপ্রাপ্ত হইয়াছেন। তাঁহার নিকট ইংরাজী পদার্থ মাত্রই তখন মহা গৌরবের বিষয়—তাঁহার দলের নিকটও ইংরাজ নামধারী মাত্রেই মহা আদর !

সুতরাং দৌলীন অনায়াসেই রাজপুরুষগণের সহিত মিলিতে তাঁহাদের সুপ্রসন্নতা লাভ করিতে সমর্থ হইলেন। তৎফলস্বরূপ তাঁহার প্রার্থনা বা ইচ্ছিত মাত্রে একটা উচ্চ সামরিক পদ তাঁহার সহজলভ্য হইল; কিছু দিনে সমপদস্ত ও সমবয়স্ক তৎকালীয় কোন অসামান্য বংশীয় যুবকের সহিত তাঁহার প্রগাঢ় প্রণয় হওয়াতে সূর্যদাহ তাঁহার ভবনে যাতায়াত ও কখন কখন ভোজন শয়নাদিও করিতে লাগিলেন।

এই যুবকের এক পরমা সুন্দরী গুণবতী অনুজা ছিল। সে তরুণী অল্প কালেই দৌলীনের প্রেমজালে বদ্ধ হইয়া পড়িল। শুদ্ধ তাঁহার পক্ষেই প্রেম নহে, দৌলীনও আত্ম হৃদয় হারাইলেন। এই পূর্বরাগ গোপনও রহিল না। যুবতার ভ্রাতা বুদ্ধিতে পারিয়া দৌলীনকে আকার ইচ্ছিতে জিজ্ঞাসা করিলেন; দৌলীন লজ্জাবনত বদনে সত্য স্বীকার করিলেন, সন্দোন্দ্রাকে স্তম্ভাঙ্গু পাত্রে প্রীতি স্থাপন করিতে দেখিয়া মহানুভব সূজন ভ্রাতা রুষ্ট না হইয়া বরং তুষ্টই হইলেন। এবং পিতামাতার নিকট দৌলীনের রূপ গুণের প্রশংসা পূর্বক এই সম্বন্ধ নির্ণয়ার্থ বিশেষ অনুরোধ করিলেন।

জনক জননীও দৌলীনের গুণে মুগ্ধ ছিলেন, সুতরাং অনিচ্ছা প্রকাশ করিলেন না। কেবল পিতা সম্মতি দানের পূর্বে “বর পাত্রটী কোন বংশীয়—কাহার পুত্র—পৈতৃক বিষয়াদি কিরূপ” ইত্যাদি জানিতে চাহিলেন। কাজেই দৌলীনকে আত্ম-বৃত্তান্তের আনুপূর্বিক পরিচয় দিতে হইল।

• সে কি পরিচয়—সর্বশেষে পরিচয়! “তিনি ইউরোপীয় ঔরস-জাত নহেন, প্লেডা হিন্দুগর্ভ-জাত, ইউরোপীয়ের পালিত পুত্র মাত্র!” যেই এই তদ্বতী শ্রুতি-গোচর হইল, অমনি “গুণ-মুগ্ধ” বৃদ্ধ পিতার সর্বশরীর জলিয়া উঠিল—ক্রোধে লোচনধর ও বদনমণ্ডল আরক্তিম হইল! বলিলেন “এত বড় স্পন্দা! শৃগাল হইয়া সিংহশাবকের সহিত সমকক্ষতার প্রয়াস—বামন হইয়া টাদে হাত!”

ভগবান জানেন, শৃগাল সিংহীকে চাহিতেছে, কি সিংহপুত্র শৃগালের কন্ডার প্রতি প্রীতি-নের নিক্ষেপ করিতেছে! তবে অভাগা হিন্দুজাতি সিংহ হইয়াও এখন কালবশে শৃগালাপেক্ষাও অধম—নেড়ি কুকুর হইয়াছে!” কাজেই পথিক মাত্রেই যাহার ইচ্ছা হয়, সেই একটা লাথি মারিয়া যার—কর্দমে পতিত হুস্তীর পৃষ্ঠে ভেকের পদাঘাত, চিরকালই প্রসিদ্ধ! কিন্তু মনের সে আক্ষেপ মনেই থাকুক—এক্ষণে প্রকৃত যাহা ঘটিয়াছিল, বলা যাউক।

সুশীল-সুবোধ পুত্র পিতাকে শাস্ত ও প্রবুদ্ধ করিতে যত্ন করিলেন । কয়েকটা বলবৎ যুক্তির দ্বারা বুঝাইলেন, “যদিও হিন্দুপুত্র, কিন্তু ঘটনাবলীর পর্য্যালোচনার স্পষ্ট প্রতীকমান হয়, তিনি সামান্য হিন্দু-সন্তান নহেন—অবশ্যই কোন রাজা বা তদ্রূপ উচ্চ পদস্থ বড় লোকের ঘরে জন্মিয়াছেন । দ্বিতীয়তঃ, তিনি য়াহারই পুত্র হইলেন—যে দেশে, যে বংশেই জন্মগ্রহণ করুন, তিনি যখন উচ্চতম ইউরোপীয়-যোগ্য রূপগুণে ভূষিত আছেন এবং আনাদের সহিত যত ঘনিষ্ঠতা বাড়িতেছে, ততই দেখিতেছি, তাঁহার চরিত্র, চিত্ত ও মস্তিষ্ক অতি নিম্ন—অতি তেজস্বী, তখন তিনি, মনুষ্য পূজিত রাজার পুত্র নাই যদি হন, তথাপি তিনি যে প্রকৃতি কৃত মহারাজ, তাহাতে সন্দেহ তাঁহা নাই । নীচকূলে কি এমন পুরুষরত্ন সম্ভবে ? বিশেষ আমি জানি, ভগ্নীকে যে সামুরাগ নয়নে দেখিয়াছেন, তাহাতে এই পাত্রের উপরেই তাঁহার চিরজীবনের সুখ নির্ভর করিতেছে । অতএব পিতঃ ! আপন তনয়াকে এককালে নৈরাশ্র সাগরে নিক্ষেপ করিবেন না ।”

এ সব যুক্তি বংশাভিমানের কাছে কোথায় লাগে ! পুত্রের এই সকল সদর্থ বাক্য বুদ্ধের গর্ভাশ্রিতে স্রুত স্বরূপ হইল—বুদ্ধ প্রশান্ত না হইয়া আরো কুপিত হইয়া উঠিলেন—

“পয়ঃ পান্যঃ ভুজঙ্গানাঃ কেবলঃ বিষবক্রনঃ ।

উপদেশহি মৃগানাঃ প্রকোপায় ন শাস্তয়ে ।”

পুত্রকে যার পর নাই কটু বাক্যে তিরস্কার পূর্বক দুর্ভাগ্য দুলীনকে এককালে পুরী প্রবেশে নিষেধ করিয়া দিলেন ।

ফল কি হইল ?

কুম্ভকারের পুত্রের অগ্নিতুলা প্রণয়ীযুগলের হৃদয় অপ্রকাশে দুঃসহ বিরহাগ্নিতে দগ্ধ হইতে লাগিল । নায়কের অবস্থা কালিদাসের মেঘদূত-বর্ণিত যক্ষের দশা হইতে অধিক ভিন্ন নহে ! নায়িকার যন্ত্রণা জুলিএটের চিত্রকর মহাকবি সেকপীয়র ভিন্ন অন্তের সাধা কি স্বরূপ বর্ণনা করে ! বিশেষ বগন সংক্লিপ্ত স্থল বর্ণনাট এ পরিচ্ছেদ কয়টির উদ্দেশ্য, তখন তদ্রূপ কোন চিত্রের চেষ্টা পাওয়াও অসম্ভব ।

ভগ্নীকে নিরন্তর নিদারুণ যন্ত্রণানলে দগ্ধা ও দিন দিন দীনা ক্লীণা মলিনা দেখিয়া ভ্রাতা পিতৃভ্রাতৃসনাকেও উপেক্ষা করিয়া পিতৃসকাশে যখন তখন

সুযোগমতে নানা যুক্তি প্রয়োগ ও বিস্তর অনুনয় বিনয়—এমন কি পার ধরিয়া রোদন করিতেও ক্ষান্ত হইলেন না। কিন্তু কিছুতেই অটল অচলকে স্ফটিক পরিমাণেও সচল করিতে পারিলেন না! তাহার জননীও কন্ডার অবস্থা দেখিয়া ভয় পাইলেন—পুত্রের শুভকরী চেষ্টায় যোগ দিলেন—স্বামীকে বিস্তর বুঝাইলেন, তথাপি মতান্তর ঘটাইতে সমর্থ হইলেন না।

তখন তাঁহার কন্ডার অজ্ঞাতসারে শুভকর্য সম্পন্ন করিবার পন্থা দেখিতে লাগিলেন। কিন্তু দৌলীন সম্মত হইলেন না—বলিলেন “যদি এই বিয়োগ-বাথায় প্রাণ ও যাত্ন, তথাপি চৌর্য্য অপরাধ স্বীকার করিব না।”

ঐ শুভ বিবাহের চেষ্টার বার্তা কন্ডার কর্ণগোচর হইল। তাহাতে লাভ হইতে তাঁহাদের সংসার মধ্যে মহা অস্থিরতা এবং নায়ক নায়িকারও ঘোর যন্ত্রণা ঘটিল। পূর্বে তবু তাঁহাদের পরস্পরের স্নিকটে অবস্থান এবং দুঃখের দুঃখা সহৃদয় লাগার যোগে তাঁহারা প্রেম-লিপি প্রকৃতির বিনিময় উপায়ে কথঞ্চিৎ তৃপ্তি-স্থখে কালহরণ করিতেছিলেন, এখন সে স্থখেও বাধাত ঘটয়া উঠিল। কন্ডা ভাবিলেন, বাটীতে থাকিলে নিস্তার নাই; অতএব স্ত্রী কন্ডা রাইয়া রাতারাতি লগুনে গমন (এক প্রকার পলায়ন) করিলেন।

তথায় অবস্থান সময়ে খলমতি ইশাইজা ও তাহার নবপতির সহিত কন্ডার আলাপ হইল। তাঁহাদের মুখে ঘোঁর্ণানের চরিত্র-চিত্র যেরূপ হওয়া সম্ভব, তাহা শুনিয়া তাঁহার প্রতিজ্ঞা আরও সূচ হইয়া উঠিল। তৎক্ষণাৎ ঐ দুই অভিনব বন্ধুর সাহায্যে কন্ডার জন্ত সুবোগ্য পাত্র অন্বেষণ বাপারটি চুলিতে লাগিল। অধিক অন্বেষণ করিতে হইল না। বে ধাতুর ঘটক, তদনুরূপ পাত্রও অবিলম্বে হুটিল। বাহু সভ্যতা, ব্যুহ সৌষ্ঠব, বাহু ঐশ্বর্য্যের চাক্চিকাময় ছদ্মবেশী কত কুলীন নাগর দিবানিশি তাঁহার পুরী আচ্ছন্ন করিয়া ফেলিল, তন্মধ্য হইতেই একটা সুপাত্র বাছিয়া মনোনীত করিলেন এবং তাঁহার প্রতিই মন বসাইতে কন্ডাকে দৃঢ় অঁক্সা দিলেন। হায়! সুশীলা অবলার হৃদয়-তন্তু সেই নিদারুণ আঘাতেই ছিন্ন রাইয়া গেল!

কন্ডাকে পশ্চাদ্বর্ত্তনীর দোষিয়া পিতা ভাবিলেন, বলপূর্ব্বক বিবাহ দিয়া ফেলিলে আর এরূপ করিতে পারিবে না—তখন অদৃষ্টের নিরর্থক ভাবিয়া প্রবুদ্ধ হইবে—ক্রমে হয়তো সুখিনী হইতেও পারিবে। অতএব শুভদিন, শুভক্ষণ, শুভলগ্ন সকল হির হইল—নানা আয়োজন চলিতে লাগিল।

যদি মাহলা-বর্ণনার সম্ভাবনা থাকিত, তবেই শুভ দিনের পূর্বরাত্রে হৃদয়-বিদারক ভয়ানক ঘটনা আত্মপূর্কিক বনিয়া হৃদয়ের সম্ভাপ নিক্রাণ করি-  
তাম। কিন্তু তাহা হইবার নয়; অতএব অল্প কথাতেই বলিতেছি—হার!  
কি আর ছাই বলিব—লেখনৌ যে আর চলে না! কিরূপে লিখি যে, আমা-  
দের হৃদয় বন্ধুর সেই একমাত্র হৃদয়-নিধি—বান্ধবশূণ্ড ঙ্গতের সেই একমাত্র  
বান্ধব-রূপিনী—মিরাশা মরীচিকার সেই একমাত্র আশাদায়িনী নিব্বরিণী—  
তাঁহার প্রেম-মন্দিরের একমাত্র স্বর্ণপ্রতিমা-রূপিনী সেই তরুণী, জী কাল  
রজনীতে স্বইন্ডে আয়-হতম নামা ভীষণ মৃত্যু-সাগরে আয়বিসজ্জন করিল!

### অক্টম পরিচ্ছেদ ।

#### স্বদেশ-যাত্রা ।

এই অন্তর্দাহক কুসংবাদ যখন ফরাসী সেনা-নিবাসে আনাদের প্রিয়  
বন্ধুর নিকট আইসে, তখন সংবাদ আইল, কি শিরে সহসা বজ্রপাত হইল,  
তাহা তিনি জানিতে পারিলেন না! তাঁহার অন্তঃসারময়ী বুদ্ধি ও সহিষ্ণুতা-  
শক্তি যদি প্রবল না হইত, তবে সেই দারুণ আঘাতেই তাঁহার প্রাণাত্যয়  
ঘটিত! কিন্তু যদিও মনের বল ও ধর্মের বল প্রবল ছিল বলিয়াই তাঁহার  
জীবন রক্ষা পাইল, তথাপি নিতান্ত হৃদয়-বিদারক মস্মপীড়াতে মনুষ্যের যে  
সব দৈহিক পীড়া হয়, তদাক্রমণের হস্তে তিনি নিষ্কৃতি পাইলেন না।

সেই ক্ষণ হইতে ভীষণ মস্তক-দ্বরে তাঁহাকে অজ্ঞান অচেতনাবস্থায়  
বহু দিবস শয্যাশায়ী থাকিতে হইল। এক সময় এমন ষোধ হইয়াছিল,  
বাঁচিবার আশা নাই। নিতান্ত প্রভু-পরায়ণ সূচতুর বন্ধু না থাকিলে হয়তো  
অত্যাহতই ঘটিত। বন্ধুর অবিপ্রান্ত বন্ধে এবং সুগোপ্য ডাক্তার ও শুশ্রূষা-  
কারিণী ধাত্রীর গুণেই তিনি বাঁচিয়া উঠিলেন। তথাপি দুটা মাস ভোগ।

• ষড়কালে বিকার বিপদ কাটিয়া ক্রমে স্বাস্থ্য লাভ করিতেছেন, অথচ  
কোনো রকমে উঠিবার শক্তি নাই; অথবা যখন উঠিতে পারিয়া বড় জোর  
গতঃ উৎবেশন পূর্বক বাঁহভাগ ও রাজপাদি নিরীক্ষণ ব্যতীত অন্তর্  
গমন করিলে বা অন্য ক্রম করিবার সাধা হয় নাই, সেই সময়ে তিনি



আয়-অবস্থাগত বত কিছু চিন্তা করিছেন, সে সমস্তই নৈরাশ্রের চিন্তা! ভাবি-  
 তেন “আমার শ্রম দুর্ভাগা আর কে ? বাহাদের হইতে ভূতলে অবতীর্ণ, সেই  
 স্নেহের বিমল উৎস স্বরূপ জনক জননীকে দেখিতেও পাইলাম না ! যদিও  
 দেখিয়া থাকি, সে মিথ্যা—যখন বাঙ্গলোর প্রতিমা স্বরূপ তাহাদের আকর্ষণের  
 আভাস পযাস্ত্রও স্মরণে আনিতে পারি না, তখন সে দেখা দেখাই নয় ! তাহার  
 পর, যে দেব দেবী আমাকে কুড়াইয়া আনিয়া আপন পিতা মাতার অপেক্ষা  
 ও অধিকতর মনতায় মানুষ করিলেন, তাহাদিগকেও অচিরে হারাইলাম !  
 হারাইলাম তো এমি নিদারুণরূপে হারাইলাম যে, শেষ দশায় একটু সেবা  
 শুশ্রূষা করিতে, কি একবার চক্ষে দেখিতেও পাইলাম না ! . . . নিকটে থাকিলে  
 দুইলোকে এত গোলও বাঁধাইতে পারিত না ! সেই পালক পিতার যে  
 প্রকার অসীম দয়া, মায়া, স্নেহ, কারুণ্য ছিল, তাহাতে তিনি যে “আমাকে  
 ভুলিয়া কি মিরামশয় রাখিয়া যাইবেন, তাহা নিতান্তই অসম্ভব—অবশ্যই  
 উইল দ্বারা আমাকেই উত্তরাধিকারী করিয়া গিয়াছেন—অবশ্যই কেবল  
 আমারই দৃষ্টির নিমিত্ত আমার শৈশবাব্যয়িকা ( বাহা আদালতে বাহির  
 করিয়া ধৃত বিপক্ষ আমাকে বঞ্চিত করিল ) লিপির সঙ্গে নানা হিতোপদেশ  
 ও অশ্রুত বিধব্যবস্থা পত্রস্থ করিয়া গিয়াছেন । কিন্তু ভাগ্যহীনের দগ্ধ  
 মস্তক জলে যায় ! কোথা হইতে অভাবনীয় শত্রু যেন মাটি ফুড়িয়া  
 উঠিয়া সে সকল উড়াইয়া দিল—দিয়া, উচিত প্রাপ্য বস্তুতে নৈরাশ করিয়া  
 ধনে মানে মজাইল—সমাজের উচ্চপদ হইতে একবারে নিরাশ্র অবস্থার  
 অপমানের কূপে নিক্ষেপ করিল !

“বাউক, তাছাও বাউক—তাহাও সহ হইল—তাহাতেও অত কাতর হই  
 নাই ! কিন্তু হয়, সেই শতবিধ দুঃখাণ্বে ভাসিতে ভাসিতে অকূলের তরণী  
 রূপিনী প্রাণতোষণা তরণীকে পাইলাম—অথুলভা রত্নরূপিনী যে হৃদয়-  
 নিধিটাকে কুড়াইয়া পাইলাম, সে নিধিই বা কোথায় গেল !—দেখিতে  
 দেখিতে সে স্নেহের স্বপ্নও ভাঙ্গিয়া গেল ! হায় ! সে আশা যথার্থই মরী-  
 চিকাবৎ দেখিতে দেখিতে বিলুপ্ত হইল ! আমি দুর্ভাগা, অবশ্যই সর্বস্বদাতা  
 পরমপিতার নিকটে কোন বিশেষ অপরাধ করিয়া থাকিব, হয়তো তাহারই  
 শাস্তি স্বরূপ কেবলই নৈরাশ্র ভোগ করিতেছি !

“কিন্তু জানীরা বলেন, নৈরাশ্রকে হৃদয়ে স্থান দিতে নাই—দিলে

প্রত্যায়, অপরাধ, মহাপাপ! ঈশ্বর-প্রেরিত দুঃখ মাত্রই কেবল পরীক্ষা হেতু—সবই শুভ উদ্দেশে! আমরা ক্ষীণবুদ্ধি ভ্রান্ত মানব যাহাতে বিশ্বাস, গরল দেখিয়া হতাশ হই, হয় তো তন্মধ্যেই করুণাময়ের করুণামৃত লুক্কায়িত আছে! অতএব নিরাশ হইব না—নিরাশ হইতে নাই—এত কালের শিক্ষা-জনিত হৃদয়-বল তবে কি? একমাত্র মঙ্গলালর নিত্য পুরুষের দয়ার প্রতি যে এত বিশ্বাস—যে বিশ্বাসকে অচলাপেক্ষা ও অচঞ্চল ও অটল বলিয়া অভিমান করিয়া থাকি, তাহা কি তবে কথার কথা? নাহা কি তবে এতই লঘু যে, বিপদ বাতায় উড়াইতে পারিবে? কখনই না! হৃদয়কে চক্র যতই বিঘর্ণিত হউক—যতই পেষণ করুক, সর্ব কল্যাণকর হৃদয়নাথের প্রতি হৃদয়-চাকলা কদাচই জন্মিতে দিব না! সেই হৃৎপ্রত্যয়-রূপ অভেদ্য কবচে আবৃত হইয়া পুনর্বার দ্বিগুণ, চতুঃগুণ, শতগুণ বলে প্রতিকূল ভাগ্যের বাহু-ভেদ করিতে অগ্রসর হইব!

“কিন্তু আর এখানে নয়—এই ইউরোপ এখন আমার কৈরভূমি—পূর্বে ভাবিতাম জন্মভূমি—এককালে সে ভ্রম ছিল বটে—এককালে তাহাকে ভক্তি করিতাম বটে—এককালে তৎপ্রতি কৃতজ্ঞ ছিলাম বটে—কিন্তু এখন? এখন অশ্রদ্ধা আর অবজ্ঞা বৈ, ঠিক, অন্য ভাব তো অল্পভূত হয় না! এখন আর একটা পবিত্র দেশের পবিত্র নামে দেহ প্রাণ লোমাক হইয়া উঠে! সে নাম ‘ভারত!’ স্বভাব-কবিরা বলিয়াছেন, অপরিচিতা প্রমত্তীকে দেখিবামাত্র, প্রকৃতির গুপ্ত প্রত্যাদেশে, অজ্ঞাত মস্তানের মন যেন কেমন এক প্রকার অনির্কচনীয় ভাব ভক্তির দ্বন্দ্বিত হয়! হায়, একথা যে সত্য, তাহা আমি জানিতে পারিয়াছি—ভারতকে কখন কেবল কৈরভূমি বলিয়াই জানিতাম, তখনও ইউরোপ অপেক্ষা তাহার প্রতি আনন্দহৃদয়ের অনন্তর মেহানক্তি দেখিয়া আশ্চর্য হইতাম! এখন তো সেই পরমারাধ্য ভারত মাতাকে জন্ম ও কৈরভূমি, দুইই জানিয়া কৃত যে মনোর গাঁক হইরাছে, তাহা নির্ণয় করিতে পারি না! ইউরোপ আমার ভক্ত জননী, স্মরণ্য সামান্য ভক্তি ভিন্ন তৎপ্রতি অন্য গাঢ়তর ভাবে মন কখনই গলে না—এখনতো তদ্বিপন্ন!

“অতএব এই সত্য্যভিমানী ইউরোপ অপেক্ষা অক্ষমতা সেই পবিত্র পুণ্য-ভূমি আমার পক্ষে সর্বাংশেই গুরীয়সী! হিন্দুজাতি সর্বাপেক্ষা অতি প্রাচীন! তাহাদের যে সব দোষ আছে, তাহার বেশী দোষ শত বিধ প্রকারে

এই সভা সমাজে দেখিলাম । তাহাদের বা গুণ, তা অদ্যাপি ইহাদের সমাজে দুর্লভ পদার্থ !\* হিন্দুজাতি বর্ণ বিচার করে, গুচি অগুচি ব্রাহ্মণ মুচি প্রভেদ করে, কিন্তু বাহা করে, দোক হউক বা গুণ হউক, প্রকাশ্য ভাবেই করে—মুখে যা বলে, শাস্ত্রেও তা, বাবচারেও তা । দার্শনিক ইউরোপীয়েরা মুখে বলে জাতি-ভেদ মানি না, কিন্তু আচরণে দেখিলাম, সে কথা কপট । দেখিলাম, সে ভারতম্য ইহারা ধত মানে, এত আর এসিয়ার কোন সমাজ জানে না । ইহারা বলে, ইহাদের ধর্মশাস্ত্র বলে—ইহাদের ধর্মধাজকেরা উচ্চতর গণা বাজিতে প্রতিনিয়তই বলে, 'সকল মনুষ্যই ভাই ভাই—সকলেই সমান—কোন দেশীয় কোন বংশীয় কোন শ্রেণীর মনুষ্যের সহিত অন্যের প্রভেদ নাই—প্রভেদ করিতে নাই—করিলে প্রত্যব্যয় আছে, পাপ হয়, ঈশ্বরের সাক্ষাৎ আজ্ঞা লঙ্ঘন করা হয় !' কিন্তু কার্যকালে—ব্যবহার সময়ে সেই রাহাড়ধর—সেই জলন্ত বাগাড়ম্বরের সম্পূর্ণ বিপরীত কাজই করে ! অতএব এমন ছদ্মবেশী সভ্যতম প্রবঞ্চক অপেক্ষা সরল-স্বভাব সভ্য হিন্দু কেন, অসভ্য বণ্ড বর্করও ভাল !

“আবার ইহাদের ধর্মভয়ও নাই, কৃতজ্ঞতাও নাই. শ্রায়বৃত্তিও নাই—যদিও কিছু থাকে, বড় নিঃশুভ্র—গর্ব ও অভিমানের নিকট নিতান্তই নিঃশুভ্র ! হায়, আমি যে দেশের জন্ত স্বীয় প্রাণ উপেক্ষা পূর্বক এত যুদ্ধ করিলাম—বার বার এত অসমসাহসিকতা দেখাইলাম, তাহাও স্বরণ করিতে ইহাদের প্রবৃত্তি হইল না। যেই মাত্র জানিল, আমি তাহাদের স্বজাতীয় নহি, অমনি আমাকে দূর করিয়া দিল, আর যেন চিনিতে পারিল না—আমাকে পথের ভিখারী হইতে দেখিয়াও দয়া করিল না ! পালিত পশুকেও লোকে এমন করিয়া বিদায় দিতে পারে না !

“হায় ! তাহাদের ধর্মবোধ না থাকে, অন্ততঃ চক্ষু-লজ্জাটাও থাকে । ইহাদের তাহাও নাই ! যে ইংরাজ জাতিকে ইউরোপ মধ্যো নর-দেবতা বলিয়া কখন কখন ভ্রম জন্মিত, যখন তাহাদের দ্বারাই এই নির্দয়াচরণ ঘটিল, তখন অন্য ইউরোপীয়কে আর কি বিশ্বাস করিব ? শুনিতে পাই, তাহাদের

\* ষোল্লীনের দৈনিক জীবন-লিপিতে অনেকগুলি দৃষ্টান্ত বিবৃত আছে, বাহ্যিক ভয়ে দুই একটা মাত্র অনুবাদ করিলাম ।

মধ্যে ফ্রেঞ্চজাতি সর্বাংশে শ্রেষ্ঠ, সেই ফ্রেঞ্চজাতীয় এই প্রবীণ পিতারই বা কি নৃশংস বানহার ! আমার আকৃতি, প্রকৃতি, বাক্য, কার্য, কিছুতেই ইউরোপীয় ভিন্ন অল্প কিছু বৃদ্ধিতে পারিল না—আমার স্বমুখের পরিচয় বৈ আর কিছুতেই হিন্দুবংশজ বলিয়া জানিতে পারিল না। যত দিন তাহা না জানিয়াছিল, তত দিন আমি জামাতার যোগ্য পাত্র ছিলাম, যে মুহূর্তে তাহা জানিল—‘পোড়া হিন্দু’ শব্দটা শুনিল—সেই ক্ষণেই আমার সব গুণ—সব যোগ্যতা অপসৃত হইল—অমনি হীন মানব, ছোট লোক হইয়া পড়িলাম !

“অতএব আর না—যথেষ্ট দেখা হইল—এমন পাপ-রাজ্যে, এমন কৃত্রিম সমাজে আর না ! ভিক্ষাবৃত্তি সার হয়, সেও শ্রেয়ঃ, তথাপি স্বয়ং জন্মভূমি ছাড়িয়া আর কোথাও অবস্থান করিব না !”

পরামর্শের বন্ধু কেহ ছিল না—যাহারা ভালবাসিত, তাহাদের সমাজ-নির্দা তাহাদের নিকটে সম্ভবে না—তাহার প্রতি বিরাগও প্রবল—সুতরাং বন্ধু বৈ ব্যথার ব্যথী আর কে ? বন্ধুও সম্পূর্ণভাবে অপণ্ডিত, কিন্তু সুচতুর সরলের যে ভাব, সেই ভাবে ঐ প্রতিজ্ঞার সম্পূর্ণ পোষকতা করিল। ক্রমে তাহাই স্থির হইল। সুস্থ, প্রকৃতিস্থ, সখল ও সনর্থ হইয়া মাত্র করাসী সৈনিক পদ (তখন তিনি কর্ণেল) পরিত্যাগ পূর্বক সেই কক্ষে যাহা কিছু সঞ্চয় হইয়াছিল, তাহা লইয়া প্রিয় ভৃত্য বন্ধুর সহিত পোতারোহণে কর্ণেল দ্বৌলীন স্বদেশাভিমুখে যাত্রা করিলেন। ইউরোপ সঙ্কর নামা তদায় জীবনের আদি কাণ্ডের মধ্যে এই ইতিহাসেরও “প্রথম কাণ্ড” সমাপ্ত হইল।

## দ্বিতীয় কাণ্ড ।

### প্রথম পরিচ্ছেদ ।

পঞ্চদশ যাত্রা ।

দৌলীনের ইউরোপ-লীলার অবসান হইল। কোন কোন অংশে তাঁহার আর যতকুলশ্রেষ্ঠ শ্রীমান্ শ্রীকৃষ্ণদেবের প্রথম জীবনে প্রচুর সাদৃশ্য আছে : উভয়েই একস্থানে জন্ম গ্রহণ, অন্যস্থানে বালা-লীলা সমাপন করেন। তবে কৃষ্ণ-চরিত্র-বেত্তা মহাত্মা কবিগণ ব্রজলীলার যেমন বাহুল্য ও পুঙ্খানুপুঙ্খ বর্ণনা করিয়াছেন, আমি আমার নায়কের ইউরোপ-লীলার সেরূপ বিস্তৃত বর্ণনা করিলাম না। ফলতঃ প্রথম কাণ্ডে যাহা কিছু লিখিত হইয়াছে, তাহা এই আখ্যায়িকার অবতারণা বা প্রস্তাবনা মাত্র। প্রকৃত ইতিহাস এখন এই দ্বিতীয় কাণ্ডে আরম্ভ হইল। দুলীনের প্রাথমিক (ইউরোপ-সংক্রান্ত) জীবন ব্যাপার জানা না থাকিলে, প্রকৃত উপাখ্যানের মন্থাবধারণে ব্যাঘাত ঘটিতে পারে : কেবল তৎপ্রতিবিধানার্থই প্রথম কাণ্ড রূপ দীর্ঘ উপক্রমণিকা লিখিত হইয়াছে।

সুপ্রসিদ্ধ প্রাচীন সৌরাষ্ট্র (সুরাট) বন্দরে তিনি পোত হইতে অবতরণ করিলেন। সঙ্গে প্রিয় পরিচারক বসু। ভারতের যুক্তিকা স্পর্শে বোধ হইল, যেন নির্ঝাসনের দণ্ড হইতে মুক্তি পাইয়া নিবাসে আইলেন!

কিন্তু হায়! তাঁহার কোথায় বা নিবাস, কোথায় বা নির্ঝাস! সুরাট বাসের প্রথম রজনীতেই তাঁহার হৃদয়ে সে বোধের উদ্বেক হইল। “কোথায় যাই? কি করি?” এইটী দ্বিতীয় চিন্তা—অহনিশির চিন্তা হইয়া উঠিল। পথে আসিতে একবার মন হইয়াছিল, পারশ্ব উপকূলে অবতীর্ণ হইয়া তদ্রাজ্যাধিপের আশ্রয় লাভের চেষ্টা করিবেন; চেষ্টা সফল না হইলে ভারতে আসিবেন। কিন্তু জন্মভূমির আকর্ষণ অতি প্রবল; সুতরাং অনিশ্চিত আশার মুখ চাহিয়া অথবা কেবল কল্পনার কথা শুনিয়া এক দিনের নিমিত্তও

অন্যত্র থাকিতে তাঁহার তখন মন চাহিল না ! অতএব এখন তিনি এখানে—  
যে স্থানকে কবিরা বলেন—“স্বর্গাদপি গলীমসী !”

সেই স্বর্গাধিক স্থানে আসিয়াও অবস্থার প্রভাবে চিন্তা উদ্ভিত হইল,  
“এখন উপায় কি ? কর্তব্যই বা কি ? আবার কি ব্রিটিস সেনাপতির  
উপাসনা করা ? কদাচ নয় ! কদাচ নয় ! কদাচই নয় ! প্রাণ গেলেও নয় !  
ফরাসী অধিকারে কোন কিছুই চেষ্টা করা ? উঁ হঁ, তাহাও নয় ! আর  
ইউরোপীয়ের দাব্যই না—পারতঃপক্ষে ইউরোপের সম্পর্ক আর রাখিব না !  
তদপেক্ষা, অসভ্য বৃত্ত ও পার্শ্ববর্তী নরজাতিদের উপাসনাও ভাল !

“তবে কি ব্যবসায় বাণিজ্য করা আবার উচিত ? যে সঞ্চিত মূলধন  
আছে, তাহাতে কি কোন ব্যবসায় হইতে পারে না ? কিছু হইতে পারি-  
লেই বা ব্যবসায়ের কি জানি ? জানিলেও বা তাহাতে প্রবৃদ্ধি হইবে কেন ?  
কবিরা বলেন ‘যে কখনো শূরত্বের ও কবিত্বের সুধাস্বাদ পাইয়াছে, সে কি  
আর কেবল ধনেই তৃপ্ত থাকিতে পারে ?’ এ কথা দেখিছি সম্পূর্ণ সত্য !

“তবে কি কোন জমীদার বা ধনীর দ্বারে চাকুরি করা ? হা পিক !  
কপালে কি শেষ এই ছিল ? তেমন চাকুরি তো করি !

“তবে কি উদাসীন হইয়া পর্যটন করা ? সে প্রবৃদ্ধি হয় কৈ ! অথবা  
প্রবৃদ্ধির হাত এড়াইয়া তত নিবৃত্তি নটে কৈ ?

“তবে আন কি করিব ? ( চিন্তার পর্ব ) আছে—কোন দেশীয় বাজার  
আশর লইয়া যে কাজে চিব-শিক্ষিত সেই কাণ্ড করা ! এ বরং ভাল—

“তবে কাহান নিকট ? সিন্ধিয়া, হোলকার, গুটিক্কার প্রভৃতি মহা-  
রাষ্ট্রীয় দল এখন হতবল ! প্রাচীনতম উদয়পুর, যোম্পন, জয়পুরাদিও প্রায়  
ভাঙ ! বলিতে গেলে তাঁরা দাদীদাতা হাবাইয়া ইংরাজের অধীন হইয়া স্ত্রীকার  
কবিয়াছেন ! উচ্চাঙ্গ হারদরালি ও টিপু কেবল ইতিহাসের পাতায় কলিত্তেছে  
মান ! লক্ষ্যেও ত্রৈণবচ ! বিশেষতঃ মহম্মদীয় ধর্ম্মানলম্বীর প্রতি তাঁমার তত  
অন্তরায় শঙ্কা নাই !

“তবে কোথায় যাই ? কাব কাছে যাই ? তেমন পুরুষ কে ? আছেন—  
এক পুরুষ আছেন—আজ্জ, কাল্ গার পৌরুষের কথা পৃথিবীর  
প্রায় সর্বত্র সঞ্চিত হইতেছে—দর ইউরোপে বসিয়াও তাঁহার অতুল  
পরাক্রমেয় সংবাদ শুনিতে পাইয়াছি—যার ভূজদর্পে পঞ্জাবের পরাক্রান্ত

“মিসল” সমূহ একীভূত এবং চতুঃপাশ্বর্ষ ছুর্দম্য হিন্দু মুসলমান জুপালবর্গ নতমস্তক হইয়াছে, সেই বীর-সিংহ মহারাজ রণজিৎ সিংহের আশ্রয় গ্রহণই আশু কত্তব্য ও শ্রেয়ঃ !

“কিন্তু এমন প্রার্থনার প্রভু আমার মনোনীত হইলে কি হইবে, অদৃষ্ট-বলে আম তাহার মনোনীত হইলে তো হা ! শুনিয়াছি, তিনি গুণ-নির্দী-চক ও গুণ-গ্রাহক—সুযোগ্য ইউরোপীয় সেনানায়ক পাইলে নাকি তিনি বহু বহু ও বহু আদরে রাখেন এবং গোরবমূলক পদেই স্থাপিত করেন। দেখি আমার পরম হিতৈষী সুবোধ বন্ধু হুঁ বা কি বলে ?”

বন্ধুকে ডাকিয়া মনের আভ্যন্তর বলা হইল। বন্ধু বিধিমতে এ সঙ্ক-লের বিশেষ গোরব করিয়া পরিশেষে বলিল “শিখ রাজ্যে ইউরোপীয় সেনানায়কের বিশেষ আদর বটে ; কিন্তু শুধু পঞ্জাবে কেন, এখন এ পোড়া হিন্দুস্থানের সকল খণ্ডেই ছাট-কোট ওয়ালা জয়—সাহেবের নামে সব ঠাঁই দী বী শক ! কিন্তু হুজুর, কেবলই ছাটকোট নিয়ে গেলে তেমন কাজ হবে না—আরো কিছু ভড়ং ভাড়ং জাঁক জমক চাহ—”

ছলীন হাসিয়া বলিলেন “কি রকমের ভড়ং ভাড়ং জাঁক জমক বন্ধু ?”

বন্ধু । আজ্ঞে, কতকগুলি আসবাব—দু তিনটা তাঁবু—বোঝা বৈতে উট আর গাড়ি—জন কত চাকর—নিদেন আমি ছাড়া আরো দু তিন জন—আর কতকগুলি সঙ্গী তুড়ুক সওয়ার। ঠাউরে দেখুন, আমাকে নে ল্পাপনি একা গেলেই বা কি হয়, আর ঐ রকম রেসেলা সৃঙ্গে গেলেই বা ক্লেমন দেখায় !

ছলীন বলিলেন “কেন ?”

বন্ধু বিনীত ভাবে নিবেদন করিল “হুজুর ! বিশেষ কারণ আছে ; এক তো, এখন পথে বড় ডাকা চুরি গামছামোড়া—” ( এই নামে ছোলীন শিহাঁরয়া উঠিলেন ! ) “বিখ্যাসী ভাল রেসেলা লোক সৃঙ্গে থাকলে সে ভয় বড় নয় না ; আর সেরূপ রেসেলা নৈলে কেউ বড় গোচের সাহেব বলে বুঝবে না ; আবার বড় গোচের সাহেব নৈলে পঞ্জাবের মহারাজার কাছে ঘেনাহ ভার—সে সিঙ্গির চারি দিকে যে সব বড় বড় ডাল্কুত্তা বিহর আছে, তারা তা নইলে খবর নিতেই দেবে না !”

ছোলীন শুনিয়া বুঝিলেন, সূচতুর বন্ধুর পরামশ সর্বতোভাবেই উপযুক্ত ।

বলিলেন, “ইহাই কর্তব্য! অতএব, বন্নু তদ্রূপ সহচর দল অবিলম্বে সংগ্রহ কর। কিন্তু সাবধান, যেন প্রতারণক ও চোর ডাকাত না হয়!”

বন্নু কিছু ক্ষুণ্ণ হইয়া বলিল “হুজুর! আপনার বন্নুকে কি এমন বেয়াকুব করুনো দেখিয়াছেন?”

দৌলীন অপ্রস্তুত হইয়া দুইটা প্রবোধের নিষ্টে ঝাঁকো বিদায় দিলেন।

কিয়দিবস মধ্যে সংগ্রহ-কাজ সম্পন্ন হইল। বন্নু নানা উপায়ে নানা কৌশলে প্রত্যেক পদ-প্রার্থীর ইতিহাস ও চরিত্রাদির বহু সন্ধান ও পরীক্ষা লইয়া তর্কে নিযুক্ত করিল। সকলেই বাছা বাছা জোয়ান। প্রয়োজন-মত তাম্বু ও অগ্ন্যাণু দ্রব্যাদি সংগ্রহ করা তো তদারক্ষা অতি সহজ কাজ, সে সবও হইল। বন্নু নামে বন্নুর এক ভাতা ছিল, তাহাকে প্রভুর আদেশে আনাইয়া স্বীয় সহকাৰী পদে নিযুক্ত করিল।

দৌলীন নিঃশঙ্কিত ছিলেন না। তিনিও বহু স্থানে বহু সন্ধান ও বহু পরীক্ষায় বহু মূল্যে একটা আশ্চর্য্য আরবীয় অশ্ব ক্রয় করিলেন। সে অশ্বরাজ যেমন সুদৃশ্য, তেমনি শ্রমসহ, তেমনি রণ-কৌশলে সুশিক্ষিত—নিজেও তাহাকে আপন মনোমত শিক্ষা দিতে লাগিলেন—তাহার গতি রীতি দৃষ্টে মোহিত হইয়া তাহার নাম রাখিলেন “বেলুন!”

ক্রমে আরো অনেক ঘোটক ক্রয় করিলেন—তাহারা যদিও “বেলুন” ফি তদ্রূপ কোন অসামান্য নাম পাইতে পারে না, তথাপি নিতান্ত সামান্য শ্রেণীর পশুও নহে। তাহারা উত্তম সজ্জায় সজ্জিত হইল। দৌলীন প্রতি অশ্বচরকে সেই অশ্বাবলীর এক একটা অর্পণ করিলেন। প্রত্যেক সহচরের শরীর চাক্চিক্যময় মূল্যবান পরিচ্ছদ ও বিবিধ অস্ত্র শস্ত্রে সুসজ্জিত করিয়া দিলেন। সে সব সজ্জা, খুব বড় লোকের অশ্ব ও অশ্বারোহী না হইলে, কাহাকেও সহচর ব্যবহার করিতে দেখা যায় না।

সুৰাট নগরে যত দিন ছিলেন এবং পথেও প্রতিদিন নিরমিত রূপে—সম্পূর্ণ সুশাসনে ও সুপ্রণালীতে—সম্পূর্ণ ইউরোপীয় সৈনিক রীত্যনুসারে—সেই অশ্বচরগণকে অস্ত্রচালন, অশ্বচালন ও রণকাণ্ডের সুশিক্ষা দিতে লাগিলেন। তাহার অল্প দিনেই তাহার অসাধারণ রণপারিত্য ও নায়কত্ব জন্মেতে পারিল। তাহারা দেখিল, প্রভুর নৈপুণ্য যেমন, কারুণ্যও তেমনি; অপরূপ পারিত্য যেমন, বদাণতাও তেমনি; গুণগ্রাহিতা ও গুণের



পুরস্কার-দান-প্রযুক্তি যেমন, ধৃষ্টতা ও অনবধানতার দণ্ড দানের দৃঢ়তা ও তেমনি ! এই সব অদৃষ্ট-পূর্বক অসামান্য গুণ দর্শনে তাহারা মনে লাগে নিতান্তই প্রভুভক্ত ও বশীভূত হইয়া উঠিল—ক্রমে এমন হইল, তাহার নিমিত্ত তাহারা প্রাণ দিতেও প্রস্তুত এবং ক্রমে এমন সুশিক্ষিত হইল যে, ইংবাজ মৈনিকগণ প্রতিদ্বন্দী হইলেও শঙ্কার সম্ভাবনা মাত্রই নাই :

যখন দেখিলেন সমুদয় প্রস্তুত—যখন বুঝিলেন, সহচর দলের বল, বীর্ঘা, সাহস, ধৈর্য্য, কার্য্যকুশলতা ও প্রভুপরায়ণতার উপর সম্পূর্ণ নির্ভর করা যায়—যখন বুঝিলেন, সদলবলে তাহাকে একজন যেমন তেমন লোক দেখাইবে না, বরং দশন মাত্র আমার ওমরা বড় লোকেরও ভয় ভক্তি জন্মাইবে, তখন তিনি মহা “সিক্কনদের” সুপ্রসিদ্ধ পঞ্চ শাখার দেশাভিমুখে যাত্রা করিলেন !

## দ্বিতীয় পরিচ্ছেদ ।

### লাহোর ।

লাহোর নগরের অনতিদূরে একটি সুরমা স্থানে শিবির স্থাপন পূর্বক দ্বৌলীন দিবসত্রয় তপায় বিশ্রাম করিলেন । সে বিশ্রাম নিশ্চয়োজনে নয়—দীর্ঘকাল অশ্বপৃষ্ঠে পর্যটন এবং অগ্ন্যাগ্নি বিবিধ পথ-কষ্টে জ্ঞাত গম্য স্থানে গিয়াই অতীষ্ট সাধন পক্ষে প্রচুর আয়াস ও চেষ্টা প্রকাশ করিতে হইবে, সুতরাং পহুছিবার পূর্বেই সুস্থ ও প্রকৃতিস্থ হওয়া আবশ্যিক । বিশেষতঃ পথশ্রান্তি জ্ঞাত দেহের কাঙ্ক্ষিত মলিন ও শ্রীহীন হইয়াছে—রাজধানীতে প্রবেশ মাত্র পাছে চটক দেখাইবার ও লোকের চমৎকারিত্ব জন্মাইবার ব্যাঘাত হয়, তৎপ্রতিবিধান পক্ষে শ্রান্তি দূর করা সুবুদ্ধির কাজ বটে । কেননা, এ সংসারে প্রথম দৃশ্যই লোকানুরাগ আকর্ষণের পক্ষে বিশেষ উপযোগী ! অতএব দুই তিন দিন বিশ্রামে যাপন করিয়া চতুর্থ দিবসের প্রত্যুষে উঠিয়া সসজ্জ হইলেন—পরম উৎসাহে বেলুন পৃষ্ঠে আরোহণ করিলেন । বেলুন আঁতি অপূর্ব চমৎকার অশ্ব ! অশ্বের হাতে অদম্য ও হৃদ্যন্ত, কিন্তু স্বীয় প্রভুর কাছে সুবাস্য, সুশাস্ত, সুবোধ—বল্লা বা বাক্য বা পদদ্বয়ের স্পর্শ জনিত ইচ্ছিত স্নাত্রেই প্রভুর ইচ্ছাসামক । দেখিতে অতি সুন্দর, স্বভাবে অতি তেজস্বী, গমনে

নামের অনুরূপ—তবে কিনা সে বেলুন আকাশে, এ বেলুন ভূমিতে, এই মাত্র  
প্রভেদ ! একে ঘোণানের মুখত্রী আত সুন্দর, বক্ষ সুবিশাল, বেশ ভূষা ভঙ্গী  
বীর-যোগ্য ; তাহাতে ঐ অশ্ব, আত আশুয্য দৃশ্য—ঐরাবতে পুরন্দর !

অনুচরগণও সকলেই সম্পূর্ণরূপে তাহার উপযুক্ত—সশস্ত্র, পরিপাটি সজ্জায়  
সুসজ্জ, সহস্র বদন, উৎসাহোৎসাহ নরন, প্রভুর পশ্চাতে স্ব স্ব সুভূষিত মনোহর  
অশ্বে আরুঢ় । বন্ধু ও বন্ধু সুবাদার ও হাওলদার বেগে প্রভুর উভয় পাশে  
(কিন্তু) কিঞ্চিদূরে অবস্থিত । এই ভাবে সৈনিক প্রণালীর পদবিক্ষেপে  
সুপেণাতে নগর তোরণাভিমুখে চলিলেন ।

যে সুপ্রশস্ত বাদশাহী বহু দ্বারা দিল্লার সাহিত লাহোর সংযুক্ত—পূর্বাধিক  
যে পথে প্রাতঃক্রোশান্তরে এক একটা পথ-পরিমাপক স্তম্ভ নির্মিত আছে,  
শতদ্রু নদীর এ পারে নাবরানা এবং কণালের মতো যে সুদীর্ঘ স্তম্ভ শ্রেণী  
অদ্যাপি বহু দূর হইতে দৃষ্ট হইয়া পাপকেও পথ ভ্রম নিবারণ করিতেছে ; যে  
পথের উভয় পাশে হু দার্ব-শাখ মহা মহারুহ সমূহ পাতৃজনকে সুশীতল ছায়া  
প্রদান নিমিত্ত আশ্রয়দাতা বান্ধববৎ দণ্ডায়মান আছে ; যে পথে “সরাই”  
নামা প্রচুরায়তন বহু বহু পাহাশালা নিম্মাণ-কৌশলে রমণীয়তায় ও বাসের  
উপযোগিতায় পথিক নাত্রকেই যেন আহ্বান করিতেছে ; যে পথে ঐ সরাই-  
মালার প্রত্যেকটীর সমীপে একটা কারয়া সুরমা সরোবর যবন সম্রাটগণের  
মহিমা ও পুণ্যের পরিচয় দিতেছে ; যে পথের সেই সকল ও অত্যাশ্রয় গুণ-  
গৌরবের ভগ্নাবশেষ লুপ্তিমানা এবং অস্থানার মধ্যবর্তী দারা, কুনা ও রাজ্য  
পুরা জমপদে অদ্যাপি দেখিতে পাইয়া আমরা অতীতের গবেষণা করিয়া  
চমৎকৃত হই, দৌলীন সেই বিশাল বহু অবলম্বনে জগদ্বিখ্যাত লাহোর  
নগরে প্রবেশ করিলেন !

তোরণ পার হইয়া যতই যান, ততই তাহাদের আকৃতি, প্রকৃতি, বেশ,  
ভূষা, গতি-রীতি, বাহন প্রভৃতির সুসমা ও তেজস্বিতা দেখিয়া লাহোরের  
রাজপথে চতুর্দিক হইতে পুনঃ পুনঃ শব্দ উঠিতে লাগিল “সাবাস্, সাবাস্ !”  
“বাঁহবা হুরাপ্পা” “ক্যা চাপ্পা ঘোড়া !” “আচ্ছা জোয়ান !” ইত্যাদি  
বিবিধ । এই ধ্বনি দৌলীনের কর্ণে যেন জয়ধ্বনিবৎ—যেন অভ্যর্থনার  
মঙ্গলধ্বনিবৎ প্রবেশ করিতে লাগিল !

যাহার গন্তব্যস্থানের স্থিরতা নাহ, উপযুক্ত বাস-স্থানেরও জ্ঞান নাই,

তাহার পর্যটনের শেষ সহজে ঘটে না। এ দানগী ভাগ নয়, আরো দূবে দেখি ; ও স্থানটা কদর্যা, অল্পত্র সন্ধান করি : এখানে বাসগৃহ তুপ্যাপাঃ আগিয়ে জিজ্ঞাসা করি ; এইরূপ বাঁচনিত্তে দার এইরূপ জিজ্ঞাসা জিজ্ঞাসার কত স্থানেই যাইতে হয়। শেষে যখন নিতান্ত শান্ত হয়, তখন সপায় তথায় বসিয়া না পড়িলে চলে না! অনেক বঙ্গায় পিতা কন্যার স্তম্ভ সোপা নয় বাছিয়া বাছিয়া কন্যার কন্যাকাল যায় দেখিয়া তখন যাহাকে পান, পাত্রত করেন—কপাল ক্রমে হয় তো স্ত্র, নয় তো কু পাত্রই বাটয়া যায় !

দৌলান সাহেবেরও ( এখনো সাহেব বলা আবশ্যিক ) প্রায় সেই দৃশ্য উপস্থিত। বাসা খুঁজিতে খুঁজিতে নগরের প্রায় সকল অংশই দেখা হইল। সেই প্রথম দর্শনের আভাস তাহার দৈনিক পুস্তকে তিনি যাহা লিখিয়াছেন, তাহার কিয়দংশ এইরূপ ;—

“উত্তর-পশ্চিম হইতে লাহোর প্রবেশ করিলে বৈচিত্র্য দর্শনে হর্ষ হয়। গ্রীষ্ম প্রারম্ভে রাবী নদীর পুলিনদেশ হরিদ্বর্ণ শোভায় সজ্জিত হইয়া বৃহতী নগরীর সহিত বৈপরীতা-ভাব প্রদর্শন করে। নগর মধ্যে নবীনত্ব অল্প—এত অল্প যে ভারতের অত্যাণ্ড প্রাচীন নগর দেখিয়া আসিয়া এতদর্শনে মোহিত হওয়া প্রায় অসম্ভব। অথচ গ্রন্থর্যা ও জাঁকজমকে লাহোর বড় সামান্য নহে। কিন্তু তথাপি যাহারা ইউরোপের পরিচ্ছন্ন নগরবাহ দর্শন করিয়াছে, তাহাদের চক্ষে এ স্থানের পারিপাটা কোন কোন অংশে হীন বলিয়া বোধ হয়।

“সংক্ষেপে বলিতে গেলে, ইহাকে একটা বৃহৎ রাজ্যের উপযুক্ত রাজধানী বলিয়া বোধ হইবার পরিবর্তে যেন রণভূমির বিস্তারিত শিবির বলিয়া ভ্রম জন্মিতে পারে। ফলতঃ রণজিৎ সিংহের পুত্র স্বজাতীয় ও যবনজাতীয় আক্রমণে পঞ্জাব রাজ্য বার বার ছারখার হইয়াছিল। নগর, গ্রাম, চত্বর সকলই কত শত বার ছিন্ন বিচ্ছিন্ন ভগ্ন হইয়া পড়ে। তখন শিখ্দের বাসস্থান এক স্থলে নিরূপিত হইতে পারিত না, তাহারা মুসলমান শত্রুর ঘোর উৎপাতে নানাস্থানী হইয়া শত্রু দমনের সুযোগ সন্ধান করিত।

“তাহাদের তিষ্ঠিবার প্রধান স্থান অমৃতসর, দ্বিতীয় লাহোর। বহু পুরাকাল হইতে—এমন কি ( প্রবাদ মতে ) লব কুশের সময় হইতে,\* অথবা

\* কিম্বদন্তী আছে, লবের নামে লাহোর ও কুশের নামানুসারে কুশরী নগর স্থাপিত হইয়া তথায় তাহাদের বংশ পরম্পরা রাজত্ব করিতেন।

( সম্ভাব্য মতে ) তাহারও পূর্ব হইতে লাহোর অতি সমৃদ্ধিশালিনা নগরী হইলেও উপযুক্ত কারণে বহুাংশে হতশ্রী হইয়া পড়িয়াছিল । নাদির শাহ ও আহম্মদ শাহ আব্দালির কোপাঘ্নিতে যুগান্তর স্থায়ী মন্দির প্রাসাদাদি সহিত লাহোর দগ্ধাবশেষ ও ভগ্নাবশেষ হইয়াও তাহার যাহা কিছু অবশিষ্ট ছিল, তাহাও ঘরাও উপদ্রবে বিনাশ-গ্রাসে পড়িয়াছিল । তিন তিন বার এই আঁত প্রাচীন রাজধানীর সম্পূর্ণ উচ্ছেদ দশা ঘটে ।

“যখন মহারাজা রণজিৎ এই লাহোরে স্বীয় সিংহাসন স্থাপন করেন, তখন তাঁহাকে এক প্রকার নূতন নগর নিয়োগ করিয়া লহতে হয় । তাহার বিপুল যত্নেও ইহার পূর্নাবস্থা সম্যগ্ রূপে পুনরুদ্ধীপিত হইতে পারে নাই । প্রমাণ স্বরূপ ইহা বালিলেই যথেষ্ট হইবে যে, পূর্বকালে এই বিখ্যাত বিশাল নগরটি ষট্টিভাগে বিভক্ত ছিল, তাহার সময়ে কেবল বড়ংশে মাত্র । তথাপি রণজিতের লাহোর, আয়তনে কালিকাতা অপেক্ষা নূন্য নয় । রণজিৎ চান্নি ক্রোশ বাপী স্থান লইয়া চতুর্দিকে অনুপম সৌন্দর্য্য-সম্পন্ন সুদৃঢ় প্রাচীর পরিখাদি দ্বারা বেষ্টিত করিয়াছেন । নগরের দ্বাদশটা তোরণ; প্রতি তোরণের ভিতর বাহিরে দুইটা করিয়া ফটক, বেরী পক্ষ একটা লঙ্ঘন করিলেও অপরটা আক্রমণ করবার পূর্বে ঘোর গোলা-বৃষ্টি সহ্য করতে বাধ্য হইত ।

“আমার প্রথম-প্রবেশ-কালের দৃষ্টিজনিত বর্ণনা আর আধক সম্ভবে না ।”

সে যাহা হউক, প্রথম নিদাখের তপনতাপ উপেক্ষা করিয়াও প্রায় সমস্ত সহর ঘুরিয়া বেড়াইলেন, তথাপি মনোমত বাসস্থান পাইলেন না !

যদিও তাহার এই দেশেই জন্ম, কিন্তু সাহেব সমাজে জীবন ক্ষেপণ বশতঃ এদেশীয় অপরিষ্কৃত পল্লী মধ্যে বাস করা সহসা তাহার রুচি-সম্মত হইতে পারা হইত । বিশেষতঃ তিনি যদি তদ্রূপ পল্লীতে বাস করেন, তবে তাহার সম্ভ্রান্ত ইউরোপীয় ভাব লোকের চক্ষে, বিশেষতঃ রাজসভার নিকট, সম-থিত হইত কিনা সন্দেহ ।

এইরূপ সাত পাঁচ ভাবিয়া পুনর্বার নগর বাহিরেই শিবির স্থাপন বা কোন উদ্যানাদির সন্ধান বা মহারাজার বড় বড় ইউরোপীয় কর্মচারীরা কোথায় থাকেন, তদ্বিকল্পন করা আবশ্যিক, বুঝিয়া তাহারই চেষ্টা পাইতেছেন, এমনকালে ভাগা প্রদত্ত হইয়া “বাসার সহিত আশার সুসার” পক্ষে সুযোগ ঘটাইয়া দিল !

একজন সম্ভ্রান্ত বড় সাহেব দলে বলে আনিয়া বামার জন্ত কণ্ঠব হইয়া বেড়াইতেছেন, এই কথা শুনিতে পাইয়া কোন উচ্চপদস্থ নগরবাসী ( তাঁহার পরিচয় পরে প্রকাশ্য ) উপযুক্ত লোক দ্বারা তাঁহাকে নিমন্ত্রণ করিয়া স্বীয় ভবনে লইয়া গেলেন । কিয়ৎক্ষণ আলাপে মন্তুষ্ট ও সদয় হইয়া নগরের একটা তোরণ-দ্বারের বাহিরেই স্বীয় সুরম্য উপবনে তাঁহার বাসস্থান নির্দেশ করিয়া দিলেন । সে অবস্থায় এ অনুগ্রহ সামান্য অনুগ্রহ নয় ! অতি মিষ্ট বাক্যে বিশেষ শিষ্টাচারে দৌলীনকে মহা প্রীত করিয়া সঙ্গে অমুচর দিয়া অবিলম্বে উদ্যানে পাঠাইয়া দিলেন । অকূলে কুল লাভের জন্য এই আশ্রয় পাইয়া গুণাকর দৌলীন কৃতজ্ঞ হৃদয়ে উচ্চ নেত্রে মহোচ্চ পবিত্র নাম স্মরণ পূর্বক সদলে গম্যস্থানে গমন করিলেন ।

### তৃতীয় পরিচ্ছেদ ।

#### নব নিবাস ।

সে ব্যক্তি দৌলীন সাহেবকে উদ্যান দেখাইতে ও উদ্যান বক্ষককে প্রভুব আদেশ জানাইতে তাঁহার সঙ্গে চলিলেন, তাঁহার নাম রতন সিং । তিনি নিম্নশ্রেণীর ভৃত্য নন, উচ্চ কর্মচারী । লাহোরের সঙ্কীর্ণ রাজপথ সমূহ অতিবাহন পূর্বক তিনি তাঁহাদিগকে “মচি-ফটক” দিয়া নগরের বাহিরে লইয়া গেলেন ; বাহিরে সম্পূর্ণ পরিবর্তন । প্রাচীন মসিদ, প্রাচীন মন্দির, রাজপুরীর আয় বড় বড় প্রাসাদ এবং বড় বড় সমাধি-নিকেতন প্রভৃতির রাশি রাশি ভগ্নাবশেষ, পুথের উভয় পাশে, নিকটে ও দূরে দৃষ্ট হইল । রতন সিং বুঝাইলেন, পূর্বে নগরের আয়তন আরো বহু বিস্তৃত এবং পর্যায়ক্রমে হিন্দু, মুসলমান ও শিখাধিকৃত ছিল, এ সব তাহারই নিদর্শন । ভগ্নস্তুপাদির মধ্যে মধ্যে দেশীয় ও ইউরোপীয় ( মিশ্রিত ) প্রণালীর আধুনিক উদ্যান ও বাটা কয়েকটাও বিগোপিত হইল । মহারাজার অধীনে যে সকল ইউরোপীয়-কর্মচারী নানা পদে নানা কর্মে নিযুক্ত আছেন, এই সব বাগিচা-বাটীতে তাঁহারাই বাস করেন ।

দেখিয়া শুনিয়া দৌলীনের হর্ষ হইল । ইউরোপীয় পদ্ধিতে অবস্থানই

প্রার্থনার ও অভিপ্রেত : সৌভাগ্যবলে তাহাই ঘটিল। অশাচিত ও অভাবনীয়রূপে সে ঘটনার সংঘটন—সে বাসনার সম্পূর্ণ হইল! ঠিক যেন করুণার পরম পিতার অপার করুণার বিকাশ, নিঃসন্দেহরূপে বোধগম্য হইয়া প্রচুর আশা ভরসা সাহস জ্বলিল—আনন্দ ও কৃতজ্ঞতা রসে হৃদয় আপ্ত হইয়া একান্ত চিত্তে সেই বিভূর উদ্দেশ্য প্রণিপাত করিলেন! কিন্তু যতই যান, ক্রমশঃ ধ্বংসাবলী দর্শনে মন হইতে স্বার্থ-ভাব বিদূরিত এবং সংসারের অনিত্যতা-ভাব সংসারিত হইয়া বদনে বিষাদ ও গাভীর্ষা-ভাব প্রকটিত হইল!

আপনা আপনিই বলিতে লাগিলেন “হায়! বহু শত বর্ষে, বহু পুরুষানুক্রমিক যত্নে, বহু অর্থ রাশি ব্যয়ে যে সব মনোহর পদার্থ রচিত হয়, উন্নত মানব শিল্প-শাসনে অক্ষ হইয়া তাহা এক দণ্ডের মধ্যেই বিনষ্ট করিয়া ফেলে! এই মহানগরও সেই প্রকার মন্ত্যতার কোপানলে এতদূর উৎসন্ন গিয়াছে যে, রণজিৎ সিংহের ন্যায় অদ্বুত প্রভাবশালী মহৎ ভূপতিও মহোদায় করিয়া তাহার পুনর্জীবন দানে সমর্থ হইতেছেন না!”

এমত কালে সহসা একজন অশ্বারোহী পথপার্শ্বস্থ একটা গলিপথ হইতে তাঁহার পাশে আবির্ভূত হইয়া তাঁহার উক্ত তদ্বালোচনার ব্যাঘাত জন্মাইল।

এ ব্যক্তি ক্ষুদ্রকায় ও চঞ্চল। আকার দর্শনে একবার বোধ হয় সরল ও স্মৃচতুর ভদ্র, আবার বোধ হয় ধূর্ত ইতর। জ্ঞাতিতে মুসলমান। নিকটস্থ হইয়া সেলাম করিল। যে উক্তি সে শুনিয়াছিল, সেই উক্তির ব্যাঘাত জন্মাইয়া কহিল, “আঃ সাহেব! আপনার কথার ভাবেই বুঝছি, আপনি আমির লোক! নইলে এই সব দেখে আপনার মন গ’লে যেতো না। কিন্তু আপনি যে রাজা রণজিৎকে ‘মহৎ’ বলে ব্যাখ্যা ক’লেন, তা কেমন ক’রে বলেন? দীনছুখীর কুঁড়ে ভেঙে বড়মানুষের বাড়ী করা কি মহতের কাজ? এ সহরে যা কিছু দেখে এলেন, সকলই লুটতরাজ অত্যাচারের ফল! এই যে সহরের চৌগেদা আশ্চর্য্য প্রাচীর দেখছেন, অমৃতসর সহরের এক ধনী সদাগরের ধনেই এ হ’য়েছে! তাই কি, তার টাকাগুলো ছুখী রাজমিস্ত্রী মজুরেবা সব পেয়েছে? তাদের নাম ক’রে আনা হ’য়েছে, বটে, কিন্তু তদারককারী সর্দারগণেরই পেট পুরেছে!”

সে হয় তো আরো কত কি বলিত, কিন্তু দুলীন বলিতে দিলেন না। তিনি ভাবিলেন, অজ্ঞাত দেশে এমন অজ্ঞাত লোকের সহিত এরূপ আলাপ ভাল নয়—সাবধানে কথা কওয়া ও শুননা উচিত। এই ভাবিয়া বলিলেন, “যাই হ’ক্ ভাই, তুমি আমি কিছু মহারাজার বিচার-কর্তা নই। তিনি এ রাজ্যের রাজা। যিনি তাঁকে রাজপদ দিয়েছেন, মহারাজা সেই ঈশ্বরের কাছে গিয়েই আপন কর্মের জবাবদিহি কর্কেন!” ঐ ভাবের কথা একবারে উড়াইবার অভিলাষে আবার বলিলেন, “তোমাদের মহা কাবি সাদি তো বলে গেছেন—

‘দরিদ্রের হৃদয় ধূমাকারে স্বর্ণে উঠে ! পলাশ বাইট বৎসরে যখন সব এক হবে, তখন বেসময়ে বালিস আর তুচ্ছ তুলার খালিসে কি আইসে বাঘ ?’—সেখানে যে সব সমান !”

আগন্তুক হাসিয়া বলিল “সাহেব শুধুই আগির নন, কবি ও দার্শনিক, দুইই বটেন ! যা হ’ক্ ভকুম হয় তো, সরকারে হাজির থাকি ? গোলাম কাজেও লাগতে পারে !” শেষের কথাটা একটু হুস্ত ও নয়নের ভঙ্গী বিশেষ সহকারে বলা হইল।

তাহার চতুরতা, তৎপরতা ও আকার প্রকার দেখিয়া দুলীনের কোতূহল ও কিকিং সন্তোষ জন্মিল। সুতরাং তাহাকে স্বীয় আবাস নির্দেশ পূর্বক “সন্ধ্যাপ্তবে দেখা হইবে” বলিয়া দিলেন। সেলাম করিয়া সে চলিয়া গেল। তাহারও পরক্ষণেই উদ্যানে উপস্থিত হইলেন।

সাহেব অশ্ব হইতে অবতরণ পূর্বক সর্বাঙ্গে সমস্ত পর্য্যবেক্ষণ ও সঙ্গ-গণের যথোপযুক্ত বাসস্থানাদি নির্দ্ধারণান্তে আপনার অবস্থান-গৃহে গমন করিলেন। বন্দুর সাহায্যে সজ্জাদি পরিত্যাগ, স্নান মার্জনাদি সমাপন, দ্রুত-প্রস্তুতীকৃত শুষ্ক চাপাটি ও সরস সুরমা বিশেষে ক্ষুন্নিবারণ করিয়া নিদাঘ-তাপজনিত শ্রান্তির শান্তি লাভার্থ সুরমা বারাণ্ডায় অর্দ্ধ শয়ন, অন্ধ উপবেশন ভাবে কিয়ৎকাল থাকিয়াই শ্রয়ণ হইল, আশ্রয়দাতা পরমোপকারী উদ্যানাধিকারীর প্রতি পত্রদ্বারা সমুচিত অভিবাদন ও কৃতজ্ঞতা প্রকাশ আবশ্যক—তাঁহাতে কালধিলষ অনুচিত।

পূর্বে বোধ হয় বলি নাই যে, যৎকালে তিনি কোম্পানির কাপ্তেনী ও মেজরী পদে অধিষ্ঠিত, সেই দীর্ঘ সময়ের মধ্যে উর্দু, হিন্দী ও বাঙ্গালা প্রভৃতি এ দেশীয় কয়টা ভাষা নূনাতীবাক শিক্ষা করিয়াছিলেন। এগার সপ্তাহে

আসিয়া অবধিও এই কয়মাস আরো অসীম যত্নে সে সকলের বেশী অনুশীলন করিয়াছেন । এখন তাহা প্রচুর কার্যো লাগিল ।

তৎক্ষণাৎ উর্দু ভাষায় একখানি বিনয়গর্ভ সুন্দর পত্র লিখিয়া কৃতজ্ঞতা ও সন্মানের চিহ্নরূপ তৎসহ একটা সুবিচিত্র সুবর্ণ ঘটিকা প্রেরণ করিলেন । ঠাঁহার উদ্দেশে এই উপহার প্রেরিত হইল, রাজ্য মধ্যে তিনি সামান্য ব্যক্তি নহেন । তিনি মহারাজার অতি বিশ্বাসী প্রিয়তম মুখা পাত্র, তাঁহার ক্ষমতা ও প্রভু প্রচুর । তিনি আর কেহই নন—সুপ্রসিদ্ধ “ফকির আক্বিদ্দিন ।” তাঁহার বিস্তারিত বিবরণ উপযুক্ত স্থলে লিখিত হইবে ।

কিন্তু দৌলীন তৎকালে তাঁহার সেই আশ্রয়দাতা ভূস্বামী নাম বাতীত অঁত্ৰ মাহাত্ম্য তথ্য বিশেষ কিছুই শুনে নাই । কেবল তাঁহার বাটীতে স্বল্পক্ষণ তিথিয়া এবং তাঁহার সহিত যৎকিঞ্চিৎ আলাপ করিয়া যাহা দেখিয়া ছিলেন, তাহাতে তিনি সে একজন উচ্চ শ্রেণীস্থ মহানুভব বিজ্ঞ ব্যক্তি, এই পর্য্যন্ত বুঝিতে পারিয়াছিলেন ।

সেই অবশু-প্রতিপাল্য কর্তব্য সম্পন্ন করিয়া পুনরায় বিশ্রামের চেষ্টায় আছেন, এমনত সময় উদ্যানে ঘোটক-পদের খট্ খট্ শব্দ শ্রুত হইল । দৌলীন মুখ বাড়াইয়া দেখিতে পারিলেন, পথের সেই মুদলমান আগত ! একটা উত্তম অশ্ব-পৃষ্ঠে আরুঢ় ! দেখিতে অবিকল সৈনিক তুলা নয়—অশ্বও না, আরোহীও না—আংশিক বটে ! লোকটীকেও অর্ধেক ভদ্র বলিয়া বোধ হয় । .গোর-বর্ণ ; খর্বও না, দাঁড়ও না ; স্তূলও না, কৃশও না ; কিন্ত সুদৃঢ় ও বলিষ্ঠ বটে । মাথায় লম্বা চুল, কপাল সঙ্কীর্ণ, চক্ষু ক্ষুদ্র দৃষ্টি প্রথর ও চঞ্চল, নাসিকা অল্প উন্নত, জীবৎ বক্র, মুখখানি গোল, খুব ডাগর নয়—অল্প পরিমাণে সহাত্তও বটে—তাহাতে মাহস, ঝুটতা, চতুরতা, অথচ সরলতা যেন খেলা করিতেছে । গোপ দাড়ি আছে, খুব লম্বা নয় । নিয়ম অঙ্গে মুলতানী কাল রেসমের শাদা ডোরাওয়ালা পাজামা ; উর্দু শাদা কুল-ওয়ালা মসলিনের চাপকান ; স্বক্কে পীতবর্ণের রেসমী দোপাট্টা ; মস্তকে শাদা মসলিনের উচ্চ পাগড়ি ।

বর আসিয়া বলিল “চাঁদ খাঁ—”

“চাঁদ খাঁ কে ?”

“ভদ্র । সাবধান—পথে সেই মুদলমান—”



বন্দুর মুখ হইতে সকল কথা বহির্গত না হইতেই এবং সাহেবের মুখ হইতে অনুমতি বাহির না হইতেই, চাঁদ গাঁ স্বয়ং সমীপে আসিয়া উপস্থিত এবং “সেলাম আলেকম, সাহেবের মেজাজ সেরিফ !” ইত্যাকারের সৌজন্য-সূচক বাক্যে দণ্ডায়মান ! ভাব খানা, ঠিক যেন কতকালের পুরাতন বন্ধু !

এই আশাতিরিক্ত ঘনিষ্ঠতা দেখিয়া দ্বৌলীন মনে মনে কিছু বিরক্ত হইলেন—কি বলিবেন, কি করিবেন, স্থির করিতে পারিতেছেন না—চাঁদ গাঁ তুম্বার দ্রব করিয়া দিল ! বলিল—

“আমার এরূপ আসাতে সাহেব আশ্চর্য্য বোধ করিতে পারেন, কিন্তু অনুগ্রহকারী প্রশয়দাতা প্রভুর কাছে গোলামের শত অপরাধ মাপ হইতে পারে। অতএব হুজুর অসন্তুষ্ট হইবেন না !”

দ্বৌলীন । না, এমন বিশেষ অসন্তোষ নয়—তবে কিহা, আমরা যে দেশের লোক, সে দেশে দর্শন মাত্রই কিহা মুহূর্ত্তেকের আলাপেই পরস্পরে ততটা বিশ্বাস করে না।

চাঁদ গাঁ । হুজুর বাহা বলিলেন, তাহা সত্য। কিন্তু কাবুলের লোকে এক কথায় যেমন বিশ্বাস করে ও বিশ্বাস জন্মায়, তেমনি এক কথাতেই আবার আঘাত দ্বারা মারিতে প্রস্তুত ! তাহাদের নিজের স্ত্রীলোকের ত্রায় তাহাদের অন্তঃকরণ সহজেই ভাল মন্দতে শীঘ্র বশীভূত ও উত্তেজিত হয়।

দ্বৌলীন । আমি দেখছি ভাই, তোমার ব্যবহার যেমন, তোমার বাক্যও তেমনি অদ্ভুত। প্রথমতঃ আমি জানিতে চাই, তুমি কে ?

চাঁদ গাঁ । আমার পরিচয়, সাহেব, কি শুনিবেন ? এক কথায় বালিতে গেলে, আমার বাস ও ব্যবসায়ের হিরতা নাই ; আমি এখন তুনিয়ার ভ্রমণ-কারী ; সংসারী লোকের বন্ধন হইতে সম্পূর্ণ মুক্ত। আমি জাতিতে পাঠান, কাবুল আমার পৈতৃক দেশ, কয় পুরুষ হইতে আমরা মুলতানের রাজসংসারে বড় বড় চাকরিই করিয়া আসিতেছি। এই এক-চ'কো \* শিখ যখন মুলতান আক্রমণ করে, তখন মুলতানের দুর্গ রক্ষা জন্য মুজঃফর খাঁর পাশে যুদ্ধ করিতে করিতে আমার পিতা ধরাশায়ী হন। ছয় মাস কাল অবরোধে থাকিয়া ও প্রাণপণে যুদ্ধ করিয়াও এখন আমরা দুর্গ রক্ষা করিতে

\* মহানাদির রণবিভেদর এক চ'কু কাণা ছিল।

পারিলাম না, তখন মুলতান রাজ্য কাজেই এই কাফের রাজার হইল—  
আমাদের দেশ আর আমাদের রহিল না। আমাদের আমীর-পুলকে বন্দী  
করিয়া লাহোরে আনিয়া ; সেই সঙ্গে আমাদের অনেকেই আইল, আমিও  
আইলম। রণজিৎ সিং সরকার খাঁকে যে ভাতা দিতেছে, তাহাতে  
তাঁহার নিজের পরিবারের ভরণ পোষণই হওয়া ভার, তিনি কিরূপে আর  
আমাদিগকে পুষিতে পারেন ? তাঁহার পুষ্কার মন্ত্রী, সেনাপতি প্রভৃতি  
রাজকর্মচারী দলের মধ্যে কেহ কেহ গোছে গাছে তাঁহার কাছে আছেন,  
আমরা আর সকলে ( বহু জন ) জানাইয়া বেড়াই যে তাঁহারি খাই  
পরি, কিন্তু বাস্তব তাহা নয়—তাঁহার নামের দোহাই না দিলে ছুঁই শিখেরা  
আমাদের উপর সন্দেহ করিত—এতেও করে—

ছোলীন। তবে তোমরা বাস্তবিক কি কাজে জীবিকা নির্বাহ কর ?

চাঁদ খাঁ। আমরা কেউ বা ব্যবসায়, কেউ খা পংগ গ্রহণ \* প্রভৃতি নানা  
ছল করিয়া ফিরি।

ছোলীন। (সবিস্ময়ে) ছল করিয়া ?

চাঁদ খাঁ। হাঁ সাহেব, ছল—কেবলই ছল—বাস্তব সে সব আমরা  
কিছুই করি না! ( চতুর্দিকে দেখিয়া মৃদুস্বরে ) আপনি বড় উচ্চ দরের  
সাহেব, আপনার নিকট গোপন করিব না ; আমরা এই সব ছদ্মবেশে  
আমাদের অপহারকদের অপহরণ করি ! রাইয়ৎ, ভ্রমণকারী, অগ্র জাতীয়  
সদাগর এবং মুসলমান মাত্রকেই আমরা স্পর্শ করি না ; কিন্তু যো পাইলে  
পরস্বাপহারী ছুঁই শিখ লোকের সমস্ত হরণ করি ! ও কুত্বাদের উপর আবার  
দয়া কি ? তাদের সম্পর্কে আবার গায় অন্তায় বিচার কি ? হুজুর অবশ্যই  
স্বীকার পাইবেন, বাহারা আমাদের সন্ধান করিয়াছে, তাহাদের ধন মান,  
গোপনে হ'ক, সদরে হ'ক, হরণেই বা অধর্ম কি ?

এই বক্তৃতার শেষ সময়ে চাঁদ খাঁর ক্রোধোদ্বেক হওয়াতে, পূর্ব  
সতর্কতা—চারিদিক্ দেখা, মৃদুস্বরে কথা কওয়া, কিছুই আর থাকিল না।  
ক্রমে স্বর উচ্চ, ওষ্ঠাধর কম্পিত, নয়ন আরক্ত, দক্ষিণ হস্ত কটিস্থিত  
তরবারি স্পষ্ট হইল—যেন বিপক্ষ শিখ সম্মুখে ! তদর্শনে ছোলীন বলিলেন—

\* শিখদিগের মতানুসারে নিখোমত পর্যায়ের গোবিন্দের বাসস্থানে যেতে শিখধর্মাবলম্বন।

“এই ব্যবহারে তোমাদের কি বিপদ ঘটে না? মহারাজ কি এতই অসাবধানে রাজত্ব করেন যে, ইহার কিছুই জানিতে ও শাসন করিতে পারেন না?”

চাঁদ খাঁ। আ, সাহেব, আমরাও কি এত অসাবধানে কাজ করি যে, কাফেররা খামকা ধরিতে পারিবে? জানে; তারা জানে; না জানে, তাও নয়—বিপদও ঘটে, কখন কখন কারো কারো যে না ঘটে, তাও নয়—সে অবস্থায় ঘুম ঘাস-রকম সকমে কেটে যায়—কখনো বা নাও কাটে, প্রাণ দণ্ড পর্য্যন্তও ঘটে। কিন্তু এ পর্য্যন্ত ছু চারিটা বৈ বেনী হইতে পারে নাই। দরবারেও ছদ্মবেশে আমাদের লোক আছে, তাহাদের বুদ্ধি কৌশলেও অনেকটা বাঁচন। আর আমরা খুব হাঁসিয়ারিতে—যত দূর সম্ভব—খুব গোপনেই স্বকারণ্য সাধন করি। আবার নিষ্ঠুর আত্মরক্ষা ভিন্ন রকুপাত করি না। যথা;—দেখিলাম, একজন সাকীর দ্বারা আমাদের গুঢ় রহস্য প্রকাশ পাইবার সম্ভাবনা, অমনি তাহাকে যে কোন উপায়ে—যে কোন সুরোগে হটুক—পঞ্জাবে, এবং দরকার মতে (চুপি চুপি) ইহলোকেও থাকিতে দিই না—সে কিন্তু অপারগ্যমানে! আরো হজুর, এই ঘোর পাপিষ্ঠ ঘৃণিত জাতির বেশ ভূষা পরিয়া শিখ সাজিতেও বাধিত হই, তাহাতেও অনেক নিস্তার!

দৌলীন। (মনে ঘৃণা ও দেহে লোমাঞ্চ হইতেছে, তথাপি ধৈর্য্যাবলম্বনে) পোষাক যেন পরিলে, তবু ত পাঠান ও শিখের আচার ব্যবহার কুখাতে যে এত প্রভেদ, তাতেও কি তোমাদিগকে তারা চিনিতে পারে না?

চাঁদ খাঁ। অনেকে চিনিতেও পারে—পোষাকাদি সমান হইলেও সন্দেহ করে, কিন্তু তবু গোলেমালে চলিয়া যায়—চলিয়া যাইবার সুবিধাও আছে। হজুর এত বহুদর্শী বিজ্ঞ হইয়াও কি বুঝিতে পারেন না যে, নানাবিধ জাতির ওঁছা কুড়াইয়া যে জাতি হইয়াছে, সেই শিখ জাতির মধ্যে মিশিতে কঠিন কি—সে জাতির মধ্যে যে নানা রকমের লোক থাকিবে, তাহাই বা বিচিত্র কি? যে ভাতীয় হটুক, পহল গ্রহণেই যখন শিখ হইতে পারে, তখন ছদ্মবেশী শিখ সাজিবার ভাবনা কি? বাজারে যাউন, গিয়া যে সে একটা পাহাড়িয়া বুনোকে বা ইতর লোককে ধরিয়া একটা উচ্চ ধরণের জরদ কি নীল পাগড়ি, একটা পরিষ্কার চাপকান, একটা কোমরবন্দ পরাইয়া

দিউন ; তাঁহার দাড়িটা কোন মতে লম্বা করিয়া আঁচড়াইয়া, তাহার কোমরে যেমন তেমন একখান তলয়ার ঝুলাইয়া, তার হাতে এক গাছি লম্বা বল্লম ধরাইয়া, তাহাকে একটা চাক্সা ঘোড়ায় চড়াইয়া দিউন, তবেই সে পাকা শিখ বা সিং হইয়া উঠিবে—আর তাহার হাব ভাব আচার ব্যবহার ভাষার কথা কেউ জিজ্ঞাসাও করিবে না !

দৌলীন । আচ্ছা, চাঁদ খাঁ, ঐ যে রক্তপাতের কথা—ঐ যে সাক্ষী সরাইবার কথা বলিলে, সে কাজ তোমার নিজের হাতে কয়টা হইয়াছে ?

চাঁদ খাঁ । ( স্বীয় শ্রুতি-রক্তদ্বয়ে অঙ্গুলিদ্বয় প্রদান পূর্বক ) হুজুর ! খোদাবন্দ ! গরিব-পরওয়াজ ! মাপ করিবেন—বিনা সম্মুখ যুদ্ধে সে কাজ করি, এমন বংশে জন্ম নয় ! সে রকমের লোক আলাদা আছে—যদি বিশ্বাস করেন—কেনই বা না করিবেন—যে আপন মুখে আপনাদের এত মর্মান্তিক কথা বলিতে পারে, তাহার কথা কি বলিয়াই বা বিশ্বাস না করিবেন—আপনাকে যথার্থ বলিতেছি, যদি এক! আমার মত লইয়া কাজ হইত, তবে সেরূপে সাক্ষী সরান কদাচ ঘটিত না—আমার অনুরোধেই আফগানস্থানের কোন পার্শ্বতা ছর্গে সেরূপ সাক্ষী প্রভৃতিকে এখন প্রায় আটক করিয়াই রাখা হয় ।

আকার প্রকার দেখিয়া চাঁদ খাঁর এই কথাও সাহেব প্রত্যয় করিয়া সুখী হইলেন ।

দৌলীন । ( সহাস্ত্রে ) সে যাহা হউক, চাঁদ খাঁ, তুমি তো খুব স্পষ্টভাষী সাহসী পুরুষ—যাহার তাহার সমক্ষে গুপ্ত কথা ফুটিতেও তোমার ভয় হয় না ?

চাঁদ খাঁ । ( সহাস্ত্রে ) না, সাহেব, তা নয় ; আপনি আমাকে যত নিরর্থক জ্ঞান করিতেছেন, আমি তত বোকা বাচাল নই । আমি সাহসিক সজ্জন সৈনিক চিনিতে পারি—আমি ইউরোপীয় উচ্চ ধাতুর লোক চিনি—তাঁহার বিশ্বাসঘাতক নন—প্রাণান্তেও গুহ্য কথা প্রকাশ করিয়া বিশ্বাসস্থাপকের অনিষ্ট করেন না ! যদি বলেন, তথাপি নিশ্চয়োজনে অজ্ঞাত ব্যক্তির নিকট এমন সকল গুপ্ত রহস্য বলি কেন ?—বলিবার অভিপ্রায় আছে ।

দৌলীন । কি অভিপ্রায় ?

চাঁদ খাঁ । প্রথম দর্শন হইতেই, আপনার প্রজ্বলিত চকু দেখিয়াই বুঝি-  
য়াছি, আপনি উৎসাহময় সাহসের কাজ ভালবাসেন—আপনি নব আগত,  
এখনো কুচক্রীদের কুচক্র-জালে জড়িত হইয়েন নাই—আমাদের যদি এত  
দূর সৌভাগ্য হয় যে, আপনাকে আমাদের দলের নেতৃত্ব রূপে পাই—\* ।

দ্বৌলীন । আর না—যথেষ্ট হইয়াছে—

চাঁদ খাঁ । ( সেলাম পূর্বক ) তাহা না হইলেও সাহেবের হাতে আমার  
যে কোন্ শক্তি নাই, তাহা বেস জানি ।

দ্বৌলীন । সত্য বটে, আমার হাতে সে আশঙ্কা নাই, কিন্তু তথাপি  
সাবধান ! যাহার তাহার নিকট এত সরল হইও না ।

চাঁদ খাঁ । আ সাহেব, আমরা মানুষ চিনি—

দ্বৌলীন । ( সহাস ) কৈ চিনিলে ? চিনিতে তো ঐরূপ প্রস্তাব কদাচ  
করিতে না—তাহার আভাষ মাত্রও দিতে না ! যাটক, সে কথা যাহাই  
হউক, এখন আমার আশ্ব স্বপ্নে কিছু কথা হউক ।

চাঁদ খাঁ । দোহাই খোদাবন্দ ! হাজার স্বপ্নে গোলামের প্রতি যা ইচ্ছা  
হকুম করিতে পারেন ।

দ্বৌলীন । চাঁদ খাঁ, তুমি যখন আমাকে এত বিশ্বাস করিলে, তখন  
আমারও উচিত তোমাকে আমার মনের কথা কিছু বলা । আমি আজ  
এই পর্যন্ত বলিতে চাই, রাজ-দরবারের অনুগ্রহ লাভের আশাতেই আমার  
আসা । কিন্তু আমি তো দরবারের কি এ রাজধানীর কাহাকেও চিনি না,  
কিছুই জানি না । তুমি কি আমাকে সে সকল বিষয়ে কিছু পরিচয় দিতে  
পার ? ইতি মনে করিও, তুমি আপনা হইতে এত কথা বলিলে বলিয়াই  
আমি তোমাকে জিজ্ঞাসা করিতেছি । ( ফলতঃ দ্বৌলীন ভাবিলেন, এ ব্যক্তি  
যখন দরবার সংক্রান্ত কোন বড় লোকের দলভুক্ত নয়, বরং বিপরীত, তখন  
এ অপক্ষপাতে সংবাদ দিতে পারিবে ) অতএব যদি কোন বাধা না থাকে,

\* চাঁদ খাঁর এই বৃত্তান্ত পাঠে এরূপ ঘটনা অসম্ভব বলিয়া যাহারা মনে  
করিবেন, তাহাদের প্রবোধার্থ নিবেদন যে, বিখ্যাত স্মার হেনেরি লবেঙ্গ মহোদয় এ  
প্রকারের অনিচ্ছ ঘটনা চাক্ষুণ করিয়াছেন বলিয়া লিপিয়া গিয়াছেন । ফলতঃ ইংরাজেরা  
যখন এদেশে প্রথম আগমন করেন, তখন তাহাদের প্রতি লোকের এমনি অসীম বিশ্বাস  
ছিল । হায় সে দিন !

আর তোমার ভালরূপ জানা থাকে, তবে বল দেখি, দরবারের ও রাজকীয় ব্যাপারের ভাবগতিক কিরূপ ? কাহার প্রতি মহারাজার অধিক অনুগ্রহ— অধিক বিশ্বাস ? কাহার কথাই বা তিনি বেশী শুনেন ? অথবা রাজ্যমধ্যে কাহার প্রভুত্ব প্রবল ? মহারাজার প্রকৃতি কে বেশী বুঝে ? প্রধানগণের মধ্যে কাহার কিরূপ স্বভাব ?

আমরা এই প্রশ্ন গুলি একত্রে লিপিবদ্ধ করিলাম, কিন্তু দৌলীন এ প্রশ্ন-নীতে জিজ্ঞাসা করেন নাই । তিনি একে একে জিজ্ঞাসা করিয়া একে একে উত্তর পাঠিয়াছিলেন । চাঁদ খাঁ আহ্লাদ পূর্বক পূর্বের ঝায় সারল্যা ও উৎসাহ সহকারে সমস্ত প্রার্থনিতবা বিষয় ও প্রধান মন্ত্রীবর্গের নাম, ধাম, গুণ-মাসা জ্ঞাত করাইল । তবে মধ্যে মধ্যে অনেকের উদ্দেশে যে পবিত্র বাক্য কতকগুলি উচ্চারণ করিয়াছিল, তাহা তো প্রত্যাশাই করা যায়— পাঠক-গণকে তাহা আর খুঁটিয়া বলিয়া কষ্ট দিলাম না ।

এই কথোপকথন অনেকক্ষণ চলিতেছিল, সম্পূর্ণ শেষ হইতে না হইতেই বন্ধু আসিয়া সংবাদ দিল, ফকির আজিজুদ্দিনের ভ্রাতা কালিফা হুরদ্দিন বাহাদুর আগমন করিয়াছেন । দৌলীন কালিফাজীকে সেই স্থানেই আনিতে আজ্ঞা দিলেন । কালিফাজী আইলে তিনি তাঁহার যথোচিত সৎকার সম্ভাবণ করিলেন । কালিফার দর্শনে চাঁদ খাঁ কিছু মাত্র ভীত বা কুণ্ঠিত হইল না, বরং যতক্ষণ তাঁহাদের প্রথম স্বাগত ও শিষ্টাচার চলিতেছিল, ততক্ষণ স্বচ্ছন্দে বসিয়া থাকিয়া পরে রীতিমত বিদায় গ্রহণান্তে চলিয়া গেল !

কালিফার সহিত দৌলীনের অবাধে কথোপকথন হইল । কালিফার মস্তক মুখমণ্ডলে বুদ্ধি-চাতুর্যের প্রার্থবা বিলক্ষণ প্রকাশ পাইল । উভয় পক্ষেই শীলতা ও শিষ্টবাগ্মীতার ক্রটি হইল না । এই প্রথম আলাপ যে গাঢ় আত্মীয়তায় পরিণত হইতে পারিবে, এমন প্রত্যাশা উভয়ের মনেই সমুদিত এবং বাকোও প্রস্ফুটিত হইল । কালিফাজী এরূপ আভাস পর্যাস্ত দিলেন যে, কোন বিশেষ কারণে তাঁহার অগ্রজ মহাশয় সাহেবের সহিত মিত্রতা করিতে ইচ্ছুক । দৌলীন আন্তরিক বাধ্যতা স্বীকার করিলেন ।

তিনি চাঁদ খাঁর মুখে যাহা শুনিয়াছিলেন এবং এপন যাহা জ্ঞাত হইলেন, তাহাতে পণ্ডিত বুলিলেন যে, যদিও সকল প্রধানের সহিতই সৌহার্দ্য করা উচিত, তথাপি ফকির বাহাদুরের পক্ষাবলম্বন ও বশ্যতা স্বীকার অধিক পরি-

মাণে ও সর্বাঙ্গে নিতাঙ্কই আবশ্যিক । ফকিরের রূপাদৃষ্টি লাভ করিতে পারিলেই তাঁহার পঞ্জাবাগমনের উদ্দেশ্য সফল হওয়া সম্ভব । অতএব মানন্দ-চিঙে ভ্রাতারয়ের মনোমত আচরণ ( আশ্বগৌরব ও ধর্ম রক্ষা পূর্বক ) করিবার সংকল্প কালিফাজীকে জ্ঞাপন করিলেন ।

কালিফাজীও সাহেবের দেদীপামান সারলা, সাহস, বুদ্ধিমত্তা, বাক্পটুতা এবং প্রীতিকর রূপর্যোবন দর্শনে পরম পরিতুষ্ট হইয়া স্বীয় সখোদরের সহিত যাহাতে তাঁহার গাঢ় বাধ্য-বাধকতা জন্মে, তৎপক্ষে যথোচিত চেষ্টা করিতে প্রতিজ্ঞাবদ্ধ হইলেন । বাস্তবিকও মনে মনে সে সংকল্প আঁটিয়া গেলেন । এতদূর পর্য্যন্ত ধাৰ্য্য হইল যে, পরদিন সাহেব যাহাতে দরবারে উপস্থিত হইতে পারেন, তাঁহার অগ্রজ দ্বারা তত্পার অবশ্যই করা হইবে ।

### চতুর্থ পরিচ্ছেদ ।

রাজ-আলান ।

প্রত্যুষে শয্যাত্যাগ ঘোঁলীনের চির অভ্যাস । দরবারে যাইবার আশায় পরদিন আরো প্রত্যুষে গাত্রোথান করিলেন । পূর্ব রজনীতে অনুচরগণের প্রতি বেরূপ আদেশ দেওয়া ছিল, তদনুসারে তাহারাও অতি তৎপর প্রস্তুত হইল । বিশ্বাসী বন্ধু ও তৎসহকারী ধর্ম, ইংরাজ-অশ্বারোহী সুবাদার ও হাওলদারের ত্রায় বেষভূষায় আপনারা সুসজ্জিত হইয়া অত্র সকলকেও যথাযোগ্য জম্‌কালো পোষাক ও অস্ত্রশস্ত্রে সুশোভিত করিয়া সুপ্রণালীতে উদ্যানের পুরদ্বার সমীপে অস্থপৃষ্ঠে অপেক্ষা করিতেছিল । ঘোঁলীন অবিলম্বে কর্ণেলযোগ্য বেষভূষাদিতে সুন্দর সুসজ্জ হইয়া বেলুনারোহণ পূর্বক তথায় আসিয়া মিলিলেন । মনে মনে সর্ব-শুভ-দাতা, পরম পিতার নাম স্মরণ পূর্বক সেই দ্বাবিংশতি সংখ্যক সুদৃশ্য সহচর দলের অগ্রবর্তী হইয়া যাত্রা করিলেন ।

যে ভাবে, যে বেশে, যে প্রণালীতে পূর্বদিন লাহোর প্রবেশ করেন, অদ্যও অবিকল সেই তেজস্বী ও সেই দৃশ্য-মনোহর ভাবে রাজভবনাভিমুখে চলিলেন । প্রভেদের মধ্যে পূর্ব দিনের ক্রান্তিস্থলে অদ্য পুষ্টকান্তি—অদ্য

হৃষ্টভাব—অদ্য নব উৎসাহ। কিন্তু চিন্তাও আছে—রাজসভা কিরূপ? সভা-সদগণের কে কেমন? তাঁহাকে সহসা দেখিয়া কে কিরূপ ব্যবহার করে? মহারাজার মিকট কিরূপে গৃহীত হন? পরিচয়ের পথ কি ফ'কর সাহেব যুক্ত করিয়া রাখিয়াছেন? সভাই কি তিনি অকারণ-বন্ধ হইবেন? অথবা কোন স্বাভিপ্রের সাধনোদ্দেশে অনুকূল হইলেন? যাহা হউক, “সাবধানে বিনাশ নাই!” সতর্ক হইয়াই চলিতে হইবে—তোষামোদ জানি না, করিবও না—ধর্ম ও মান রক্ষায় দৃঢ় প্রতিজ্ঞ থাকিতে হইবে, তাঁহার পর ভাগ্যে যাহা থাকুক। ইত্যাদি বিবিধ তীব্র চিন্তায় কিঞ্চিৎ অনাবিষ্ট ভাবে অস্থ' চালাইতেছেন, অথবা বেলুন যেন মদগর্ভে বক্রগীবায় আপনিই চলিতেছে, এমত সময় দক্ষিণ দিকস্থ আর এক প্রশস্ত রাজপথ বাহিয়া একদল সমাবেশ সম্পন্ন বাহিনী আসিতেছে, দেখিতে পাঠিলেন।

ছুলীন চমকিয়া উঠিলেন! সে দল অতি নিকট—নিজ দলের সহিত প্রায় তাহাদের মিশামিশি। দেখিয়াই বুঝিলেন, এ দল সামান্য দল নহে, স্বয়ং মহারাজ আগমন করিতেছেন। অতএব সহচরগণের সহিত ছুলীন কিঞ্চিৎ পশ্চাদগামী হইয়া পথের এক পাশে দাঁড়াইলেন।

রাজদল সম্মুখীন—আরো অগ্রসর। মধ্যস্থিত এক মহাশয়ের অস্থ ও সজ্জাদি সর্বাপেক্ষা উৎকৃষ্ট এবং তাঁহার প্রতি ওমরাহগণ নত ভাবে মান প্রদর্শন করিতেছেন; ইহা দেখিয়াই ছুলীন বুঝিলেন, ইনিই নরসিংহ রণজিৎ। নতুবা তাঁহার মুখশ্রী ও গঠন যেরূপ সামান্য, শুদ্ধ তন্মাত্র দর্শনে তিনি যে সেই ভূবিখ্যাত রাজচক্রবর্তী রণজিৎ সিংহ, এমত সংস্কার কদাচ জন্মিতে পারে না। যদিও তিনি মহারাজার শারীরিক সৌন্দর্য-হীনতার কথা পূর্বে কিছু শুনিয়াছিলেন, কিন্তু যাহা চাক্ষুষ হইল, এত দূর আশা করেন নাই—জনরব এত নিকট বলিয়া প্রচার কবে নাই!

ইহা সম্ভব যে, কথোপকথন কালে বা রাজকার্য্য নিরীহ সময়ে অথবা রণক্ষেত্রে এই পঞ্জাব-সিংহকে অপেক্ষাকৃত শ্রীমান ও বলবান দেখাইতে পারে; কেননা অসামান্য প্রতিভাশালী পুরুষ বা স্ত্রী 'মাত্রই দৈহিক রূপে বঞ্চিত থাকিলেও অবস্থা ও স্থল বিশেষে' এমত এক প্রকার মুখশ্রী ও মাধুর্য্য সম্পন্ন হইয়া উঠে যে, তদ্বৎ কালে তাহাকে অন্ন-মেধা সুরূপ ব্যক্তির অপেক্ষাও প্রিয়দর্শন বলিয়া বোধ হয়। কোন কোন কুরূপ কুরূপা বিখ্যাত



গায়ক গায়িকাকে গানের উত্তাল তরঙ্গ কালে স্মৃত্তিবৎ যে দেখার, তাহা আমরা প্রত্যক্ষ করিয়াছি। এই কারণে ইহাও অসম্ভব নয় যে, আলাপ পরিচয় কিছু পুরাতন হইলে ছলীনের দৃষ্টিতে মহারাজাও তদ্রূপ স্মৃত্তী রূপে নিকট হইতে পারেন। এখন হর তো, শোৰ্য্য-বার্য্য-সৌন্দর্য্য-সম্পন্ন আমীর মণ্ডলীতে মহারাজ পরিবৃত্ত থাকাতে সূর্য্য-কিরণাধীন দীপের তায় তাহাদের রূপের ছটার নিকট তাহাকে নিশ্চয় দেখাইতেছিল। যে কারণেই হউক, রণজিৎ গিংহের শরীর দেখিয়া ছলীনের মনের ভাব যেন কিছু বিশ্বরের রেখায় অঙ্কিত হইল। ইনিই সেই রণজিৎ, যাহার এত বড় নাম ? এই সামান্য দেহে এত অসামান্য গুণ—এত অতুল পরাক্রম ? অথবা “বাহ রূপ গ্রাহ করা কভু ভাল নয় !” ঈশ্বরের সৃষ্টিতে তাহাই ভাবা উচিত ! নিমেষ কালের মধ্যে তাহার মনে এই ভাবের উদয় হইল—আমাদের বর্ণনার কাল যতই দীর্ঘ হউক !

কিন্তু মহারাজার দেহখানি যেমন হউক, ছলীন দেখিলেন, একটা পূরম সুন্দর সুশিক্ষিত সবল অশ্ব-পৃষ্ঠে অতি প্রশংসনীয় সূচাকু ভঙ্গীতে—যথার্থ বীরোচিত ভঙ্গীতে—মহারাজ উপবিষ্ট। তখন তিনি প্রভাত সমীরণ সেবনের পর প্রত্যাগমন করিতেছেন। পশ্চাতে প্রধান সচিব ও সর্দারগণ।

প্রত্যেকের শিরে রেসমের ছত্র ধারণ জন্ত এক এক ছত্রধারী নিযুক্ত। সম্মুখে ও পশ্চাতে শত শত উত্তম অশ্বারোহী। সর্ব পশ্চাতে পাঁচ শত বলবান পুদাতিক। উভয় প্রকারের সৈন্য মধ্যেই শিখ, পাঠান, হিন্দু, গুর্গা-প্রভৃতি নানা জাতীয় পুরুষ। তাহারা সকলেই, নীল পীত রক্ত পরিচ্ছদে সুন্দর সজ্জিত। সকল অশ্বই সুদীর্ঘ, সুগ্রীব, সুপুচ্ছ, স্মৃত্তী ও সুগতি-বিশিষ্ট। সৈনিকগণ বন্দুক, পিস্তল, তলবার, ভল্ল ও কিরীচাদি অস্ত্রধারী। সমস্ত প্রহরণই সুসজ্জিত—নিবোধিত অরুণচ্ছটায় ভয়ানকরূপে ঝিকমিক করিতেছে ! অস্ত্রধারীগণের মধ্যে উচ্চ উচ্চ পাগধারী কতকগুলি, আকালি শিখ সৈন্যও ছিল ; সাম্প্রদায়িক ধর্ম্মোন্মত্ততায় তাহাদের মূর্ত্তি ভয়ঙ্কর বহু লোকের তায় ; তাহাদের ধৃষ্টতাও অসীম ! তাহারা যে শিষ্টাচারে নিতান্তই বজ্জিত ; ছলীন তখনই তাহার বিশেষ পরিচয় পাইলেন। কেননা, সাহুচর ছলীন সাহেবকে দেখিতে পাইয়া তাহাদের কেহ কেহ—ধৃষ্ট ছশ্চরিত্রের স্বভাবানুসারে—সহসা কটুক্তি প্রয়োগ করিল। কিন্তু সেই কালেই আজিজুদ্দিনের

জনৈক কর্মচারী আসিয়া দৌলীনকে রাজদলের সঙ্গী হইতে অস্থান করাতে, মৌভাগ্য ক্রমেই তিনি সেই কটুক্তি সম্পূর্ণরূপে শুনিতে সমর্থ পাইলেন না।

তৎকালে কি বাদসা, কি নবাব, কি হিন্দু রাজা, প্রত্যেক রাজ্যাধিপতির রাজধানীতে বা প্রধান নগর মাঝেই “সালীমার” নামা এক একটা বিলাস-উদ্যান থাকিবার প্রথা ছিল। লাহোরের সালীমার উদ্যান সুপ্রসিদ্ধ—অদ্যাপিও ভ্রষ্টাবস্থায় আছে। মহারাজা এই উপবনে গমন করিলেন। তথায় উপস্থিতি মাত্র অশ্বারোহী ও পদাতিকগণ অগ্রবর্তী হইয়া দুই শ্রেণীতে দণ্ডায়মান হইল, মহারাজা তন্মধ্য দিয়া যেমন চলিয়া গেলেন, অমনি তাহারা নর্ত প্রহরণ-প্রণালীর সম্ভ্রম প্রদর্শন করিল।

দৌলীনকে কিয়ৎকাল পুরধারের বাহিরে অপেক্ষা করিতে হইল। তদর্শনে রাজসৈনিকগণ আসিয়া ক্রমে তাহাদিগের চারিদিকে ঘিরিয়া দাড়াইল। কতক বা কোতুহলে, কতক বা অল্প অভিপ্রায়ে আগন্তুক দলের আকৃতি, প্রকৃতি, অস্ত্রশস্ত্র, বেশভূষাদি দেখিতে লাগিল। কেহ বা প্রশংসা, কেহ বা হিংসা, কেহ বা উপহাসেও প্রবৃত্ত হইল। নিম্নপদস্থ অধিকাংশ সৈনিক দৌলীনকে সম্মান প্রদর্শন সহকারে সেলাম করিল, তিনিও প্রসন্নভাবে মস্তক হেলাইয়া প্রত্যাহার্যনার ক্রটি করিলেন না। অপর সকলে, বিশেষতঃ কতিপয় গর্ষিত অশ্বারোহী “সাহেবের দাড়ি নাই কেন?” ইত্যাদি অশ্লাপের সূত্র তুলিয়া সম্পূর্ণ উদ্ধৃত্য প্রকাশ ও অভদ্র ব্যবহার আরম্ভ করিল।

দেশ-কাল-পাত্রঞ্জ বিজ্ঞ দৌলীন তথাপি কিছু না বলিয়া অশ্রমনঙ্কের আয় উপেক্ষা করিতে লাগিলেন—তাহাদের বাক্য যেন শুনে নাই, কি কিছুই বুঝেন নাই! যে কয়জন ঐরূপ তুঃশীলতায় প্রবৃত্ত, তাহারা নিম্ন শ্রেণীর সামান্ত সৈনিক নহে—উচ্চ শ্রেণীর কর্মচারী। তন্মধ্যে নন্দ সিং নামা এক ব্যক্তি কিছু বাড়াবাড়ি করিতে লাগিল। মহারাজার নব-সৃষ্ট এক অশ্বারোহী রেজিমেন্টে এ ব্যক্তি দ্বিতীয় নায়ক। পরে জানা গেল, সে অত্যন্ত ধূর্ত এবং জ্ঞানে ও ধর্মনীতিতে নিতান্ত হীন। তজ্জন্ত সাহকার উদ্ধৃত্য সে সর্বাপেক্ষা অধিক প্রবল। যথা সময়ে পাঠকের সহিত তাহার প্রচুর আলাপ পরিচয় হইবে। যৌবনমূলত তৎপরতা ও সাহসিকতা (অথবা তৎসাহসিকতা) তাহার প্রত্যেক অঙ্গতন্ত্রীতে ও দৃষ্টিতে দীপ্তিমান।

সেই সঙ্গে নীচাশয়তা ও ইচ্ছিন্ন-পরায়ণতার লক্ষণও দেহ-তত্ত্বদর্শীর চক্ষুতে অলক্ষিত হইত না ।

শুন্ শুন্ করিয়া একটা অশ্লীল হিন্দি গান গাইতে গাইতে নন্দ সিং স্বীয় তেজস্বী অশ্বকে দোলীনের অশ্বরাজ “বেলুনের” চতুর্পার্শ্বে চালাইতে লাগিল— যেন ব্যঙ্গচ্ছলে প্রদক্ষিণ করিতেছে! অভিসন্ধি, কোনরূপে একটা বিবাদ বাঁধানো; কি হয় তো সাহেবের ঘোড়াকে খেপাইয়া আরোহীর ( উৎক্রে-পণাদি ) চূর্দশা ঘটাইয়া তামাসা দেখা; অথবা নিজের রণ-কুশলী শিক্ষিত ঘোটকের দ্বারা কোন কিছু বিঘটন ঘটাইয়া তোলা। এ প্রকার মন্দ উদ্দেশ্য ভিন্ন অত নিকটবর্তী হইয়া ঘুরিবে কেন ?

ক্রমে ঘুরিতে ঘুরিতে এত নিকটে আসিতে লাগিল যে, উত্তর আরোহীর অসিতে অসিতে, পায়ে পায়ে পর্যাস্ত সংলগ্ন হইল। দোলীন মুহু মুহু স্বরে এই বলিয়া সতর্ক করিলেন যে, “আমার ঘোড়াটা বড় চাইট মারে, একটু সাবধান হইলে ভাল হয়।”

সে কথা কে শুনে? দুই নন্দ সিংহ আরো বাড়াইল—হাসি-মুখে আরও বেগে ঘুরিতে লাগিল। দোলীনের আর সহ হইল না। মহারাজার নিকট পরিচিত হইবার পূর্বেই—রাজদর্শনের প্রাক্কালেই অস্ত্র চালনা, বা বিবাদ, বা কোনরূপ অপ্রার্থনীয় গোলযোগ বাঁধানো নিতান্তই অনিচ্ছা। কিন্তু কি করেন? আশ্র-গৌরব রক্ষাও তাই কর্তব্য—যাহার কিছুমাত্র আশ্র-গৌরব-জ্ঞান আছে, এ অত্যাচার তাহার কি আর সহ হইতে পারে? কিছু তেজঃবল না দেখাইলেও স্বদলে বিদলে উপহাসাস্পদ হইতে হয়।

অতএব, বেলুনের বলা কিঞ্চিৎ আকর্ষণ এবং অস্ত্রের অলক্ষিত এক প্রকার সঙ্কেত দ্বারা ( সে সঙ্কেত তিনিই জানেন, আর তাঁহার বেলুনই বুঝে ) বেলুনের গ্রীবা-কেশ স্পর্শ মাত্র উচ্চৈঃশ্রবার বংশধর মহা তেজস্বী সেই অশ্ব অমনি পশ্চাতের সুদীর্ঘ চরণদ্বয় উর্দ্ধে তুলিয়া ভীষণ বলের সহিত নিদারুণ পদাঘাত করিল—ভ্রাম্যমান নন্দের প্রথর হয়বর ঠিক সেই সময়ে পশ্চাতে আসিয়াছিল—নিমেষ মধ্যে আরোহী সহিত বাজীরাজ কিয়দূরে “পপাত ধরণীতলে!”—ঠিক যেন মেড়া কণে কেল্লার দেয়াল ভাঙ্গিল—ঠিক যেন রামের বাণে রাবণ-পুত্র অতিকায় সহুরণ ভূপৃষ্ঠে পড়িয়া গেল! ঘোর শব্দ হইল! বীর নন্দ সিংহের দক্ষিণ চরণ অশ্বের দক্ষিণ গ্রীবার নীচে

ভূমিসাং...বাম পদ শূন্যে উখিত! স্বপক্ষ বিপক্ষ, উভয় দল হইতেই বিকট হাঙ্গের হো হো ধ্বনি উঠিল!

অমনি নন্দের অধীনস্থ আট দশ জন অস্বারোহীর আট দশখানি তরবার, খণ্ডিত হইতে অগাৎ করিয়া বাহির হইল—সাহেবের অভিযুগে বা বিপক্ষে তাহারা ধাবিত হইল! তৎক্ষণাৎ অমনি বরু ধনু প্রভৃতির বাইশখানি অসি নিষ্কোষিত হইয়া চক্ চক্ করিয়া খেলিতে লাগিল! দৌলীন সে সব না দেখিয়াই অশ্রু মুখ ফিরাইয়া “আহা! হা! একি? একি? দেখ, দেখ, উঠাও, উঠাও” বলিয়া চকিতের আয় নামিয়া পড়িলেন।

ভাগ্য ভাল, নন্দ সিংহের দক্ষিণ পদ ঘোড়ার পাশ্ব কি পেটের নীচে পড়ে নাই; তাহা হইলে ভাঙ্গিয়া যাইত। ঘটনা স্ত্রে পা খানি ছটকিয়া গিয়া ঘোড়ার গলার নীচে পড়িয়াছিল। দৌলীন ত্রস্ত হইয়া সকলের অগ্রে স্বয়ং গিয়া তাহাকে উঠাইলেন। ঘোড়াকে উঠাইবার জন্য স্বীয় অশুচর-গণকে আজ্ঞা দিলেন। যদিও তখন তাহারা রোষকষায়িত লোচনে যুদ্ধোদ্যত, কিন্তু প্রভুর আদেশে নন্দের অশ্বকে কেহ কেহ উঠাইল। সাহেব নন্দের দেহ পরীক্ষায় বুঝিলেন, কোনরূপ গুরু আঘাত লাগে নাই। তখন হাত্ত চাপিয়া বলিলেন “তখনি তো সাবধান করিয়া দিয়াছিলাম, আমার ঘোড়াটা বড় দুরন্ত! সে কথা শুনিলে কখনই এমন হইত না!”

নন্দ সিং রাগে, ছঃখে, লজ্জায়, ঘৃণায় ও প্রতিহিংসার ইচ্ছায় অভিভূত থাকাতে কিছুই উত্তর দিল না। কিন্তু তাহার বদনে ও নয়নে বেদনা-চিহ্ন অপেক্ষা জিঘাংসা ও বৈর নির্যাতনের লালসা যেন মূর্ত্তিময়ী দৃষ্ট হইল। জানি না, কি কারণে তাহার অশুচর বন্ধুগণ নিবৃত্ত হইল—হয় তো নন্দের অশ্রায় দেখিয়া ক্ষুব্ধ; নয় তো সাহেবের সদ্যবহারে, বেলুনের পরাক্রমে ও সহচরগণের সাহস দৃষ্টে ভুষ্ট; অথবা অন্য যে কোন হেতুর বশীভূত হইয়াই হউক, আপন আপন উখিত বাহকে নমিত করিল! ফলতঃ বিক্রমচরণ দূরে থাকুক, বরং সম্মানসূচক সাহুরাগ ব্যবহারই প্রদর্শন করিতে লাগিল। দয়া-মিশ্রিত শৌর্যের এমনি আশ্চর্য্য মহিমা!

সাহেবের সম্মান বৃদ্ধির আর এক প্রবল সূত্র তখনই উপস্থিত। অর্থাৎ এই গোল মিটিতে না মিটিতে উত্তান মধ্য হইতে একজন রাজাশুচর আসিয়া দৌলীনকে অভ্যর্থনা পূর্ব্বক কাহিল “আপনি রাজসভায় আসুন!”

পঞ্চম পরিচ্ছেদ ।

বাজীসভায় ।

দৌলান দরবারে প্রবেশিয়া দেখিলেন, প্রায় দ্বাদশজন সচিব রাজসম্মুখে উভয় পাশে দুই শ্রেণীতে বিভক্ত হইয়া প্রধান স্থানে উপবিষ্ট। কিঞ্চিদূরে অশ্রান্ত প্রধান কামচারী। তৎপরে অনেকগুলি বিজ্ঞাপক, লেখক বা মুদ্রী প্রভৃতি—অধিকাংশ দণ্ডায়মান। তাহারা কেহ কেহ নানাবিধ বিষয়ের বিজ্ঞাপনাদি পাঠ করিয়া বা মুখে মুখে তন্মুখ শুনাইতেছে। কেহ কেহ প্রত্যেক রাজাজ্ঞা ও নীমাংসা লিপিবদ্ধ করিয়া লইতেছে—রাজ্যের বিভিন্ন বিভাগে সেই সব আদেশ প্রেরণ করাই তাহাদের প্রধান কাজ। তন্নিম্ন অশ্রান্ত কত প্রকারের লোক এবং ছত্রধারী, পাখাধারী ও চোপদার পদাতিক প্রভৃতির কথা আর কি লিখিব।

দৌলান অল্প অগ্রসর হইয়া এক রৌপ্যপাত্রে এক শত রৌপ্যানুদ্রা নজর স্বরূপে রাজ-সমনক্ষে রাখিয়া অভিবাদন করিলেন। মহারাজ অন্ধোখিতের দ্বারা কিঞ্চিৎ উন্নত হইয়া শিরশ্চাঙ্গন দ্বারা অভ্যর্থনা জানাইয়া ইঙ্গিতে ফরাসে অর্থাৎ সভামণ্ডপের গালিচার বসিবার অনুমতি দিলেন। সেই ইঙ্গিতানুসারে দৌলান সিংহাসনের অতি নিকটে গিয়া বসিলেন—কেননা ইঙ্গিতে সেই অনুমতি নির্দিষ্ট হইয়াছিল।

• কোথা হইতে আসা, নিবাস কোথায়, নামাক, বয়স কত? রাজবদন হইতে হত্যাকারীর প্রশ্ন হইলে দৌলান সমস্তই যথোচিত উত্তর দান করিলেন।

মহা। কি কাম ভাল জান? কি ব্যবসা করিয়া থাক? এখানে আসিবার অভিপ্রায় কি?

দৌ। • মহারাজ! ইংলণ্ডীয় ভদ্রযুবকেরা বিদ্যালয়ে যে সব বিদ্যা শিখেন, আমার সে শিক্ষা যথাসাধ্য সমাপ্ত হইলে কেবল সামারক বিদ্যাই অভ্যাস করিয়াছি—প্রথম যৌবনাবধি কেবল অস্ত্রালোচনা ও যুদ্ধকাণ্ডে ব্যাপৃত থাকিয়া সেনা-নায়কত্ব করিয়া আসিতেছি। কিছুকাল পূর্বে সারসী সৈনিক-কামচারী পদে নিযুক্ত ছিলাম। লোককণ্ঠে পদ পর্য্যাপ্ত হইয়াছিল। সাংঘাতিক রোগে কয়েক মাস শয্যাগত থাকিয়া আরোগ্যের পর নানা

কারণে (এতকৈ ক্ষণকালের নিমিত্ত মুখ যেন লজ্জার কিছু আরক্ত হইয়াছিল) সে দেশ আমার ভাল লাগিল না। মহারাজার খ্যাতি ধরাবাপু, মহারাজার নাম যশঃ স্তুনিয়াই, যদি কোনরূপ প্রতিপত্তি লাভ মান পূর্বক প্রতিপালিত হইতে পারি, এই মহৎ আশাতেই ভাগ্য পবীক্কা করিতে আসিয়াছি।

মহা। তুমি কোন্ কোন্ ভাষার কথা কহিতে পার ?

দ্বৌ। আমি ইংরাজী, ফরাসী, জাওয়ান, পাবসিক, উর্দু, হিন্দী ও বাঙ্গালা ভাষা নানাতিরেকে জানি।

মহা। তুমি এত ভাষা এই অল্প বয়সে কিরূপে শিখিলে ?

দ্বৌ। কতক ইংলেণ্ড, কতক ফ্রান্স দেশে, কতক এ দেশে। ঈশ্বর আমাকে স্বরণ-শক্তি কিছু বেশী দিয়াছেন, তাহাতেই অল্প সময়ে এ দেশীয় ভাষা কয়েকটা শিখিতে পারিয়াছি। ভরসা করি, মহারাজের কৃপাকটাক পাইলে, পঞ্জাবী শিখিতেও অধিক সময় লাগিবে না।

মহা। ভাল, দুর্গ-নির্মাণ, সন্ধি খনন, কামান ঢালাই, এসব কি জান ?

দ্বৌ। এ সব করিতে দেখিয়াছি, কখন করি নাই ; কেননা, এ সমস্ত ইঞ্জিনিয়ারেরা করিয়া থাকেন—আমি প্রকৃত প্রস্তাবে ইঞ্জিনিয়ার নই। কিন্তু মহারাজার দয়া হইলে ইহার একটাও অসাধ্য বোধ করি না।

মহা। ভাল, তুমি আমার ঘড়ী মেবামত করিতে পার ? রোগের চিকিৎসা কিম্বা অশ্বের তদারক জান ? (এ প্রকার গোলমলে প্রশ্ন করার তাৎপর্য্য এই যে, রণজিৎ সিংহ ইউরোপীয়দিগকে এবশ্রকার কর্মে পটু বলিয়া জানিতেন)।

দ্বৌ। আজ্ঞা, না, মহারাজ ! ঐ তিনটা কাজ পৃথক্ তিন শ্রেণীর লোকে করিয়া থাকে। প্রথমটা শিল্পীর, দ্বিতীয়টা চিকিৎসকের, তৃতীয়টা ঘোড়ার ডাক্তার বা অশ্ব-পালকের কাজ। ইউরোপীয়দিগকে মহারাজ, এ সকল কাজ করিতে দেখিয়া থাকিবেন, কিন্তু যাহারা সামরিক অধিনায়করূপ বীরের কর্ম করে, তাহারা এ সকল হইতেও উচ্চ পদবীর লোক !

এই শেষোক্ত বক্তব্য বলিবার সময় দ্বৌলীনের অলঙ্কার-সুত্র বদনমণ্ডল ঈষৎ ব্যাকুল হইয়া উঠিয়াছিল, এবং অধরৌষ্ঠও কিছু কাঁপিয়াছিল ! তাহার বক্তৃত্বের সময় মহারাজ বক্তৃ দৃষ্টিতে তাঁহাকে মাঝে মাঝে দেখিতেছিলেন।

উপসংহার-কালিক তেজের ভাব তাঁহার অলক্ষিত হয় নাই। কিন্তু তাহাতে বিরক্ত বা অসন্তুষ্ট না হইয়া বরং সন্তোষজ্ঞাপক “সাবাস ছলীন \* সাহেব!” বলিয়া ফকির আজিজুদ্দিনের দিকে মুখ ফিরাইয়া কহিলেন “ফকিরজী! তোমার এই বন্ধু খুব সাহসী জোয়ান বুটে!”

ফকিরজী অমনি উত্তর করিলেন “আজ্ঞা, হাঁ মহারাজ! ছজুর যদি রূপা কটাক্ষ দানে পরীক্ষা করেন, তবে দেখিতে পাইবেন যে, সাহেবের কথাও যেমন, কাজও তেমন—বরং বেশী! রুমের মহারাজা, পারশ্বের রাজা ও চীনের সম্রাট ইহাকে রাখিতে খুব যত্ন পাইয়াছিলেন, কিন্তু ইনি মহারাজের প্রতি এমনি ভক্তিমান যে, কাহারো অনুরোধ শুনিলেন না!!”

এই বক্তৃতা শুনিয়া ছলীন অবাক। এত বড় অসামান্য মর্যাদাপন্ন মন্ত্রী হইয়া কিরূপে এত বড় মিথ্যা কথা কহিয়া ফেলিলেন, ছলীন ইহাতেই অবাক! তাঁহার অত্যন্ত ভয় ভাবনা হইল, পাছে মহারাজা ইহার সত্যতা পক্ষে তাঁহাকে কোন কথা জিজ্ঞাসা করেন! তবে কি হইবে? এত বড় লোকের অপমান—এত বড় হিতৈষী বন্ধুর অপমান তাঁহার দ্বারা ঘটবে? বড় মন্বাস্তিক হুঃখের বিষয়! অথচ চারাও নাই!

কিন্তু সৌভাগ্য ক্রমে তাহা ঘটিল না—মহারাজ সেরূপ প্রশ্ন করিলেন না, অথবা করিবার সময় পাইলেন না। কেননা, তখনুহুঁতে দুই জন অতি সামান্য ব্যক্তিকে প্রহরীরা ধরিয়া আনিল। তাহাদের পিছনে আর কিছুই নাই, কেবল চেলা ও ল্যাণ্ডট্ এবং মাথায় এক এক মলিন টুপি! তাহারা শিথ নর, হিন্দুস্থানী। বোধ হইল, সহিস কি ঘেসিয়াড় হইবে। অপরাধ—সালীয়ার বাগানের ফল পাড়িয়াছিল। তাহারা এই চৌর্য্যাপরাধ স্বীকার পূর্বক দয়া ভিক্ষা করিল। তথাপি একজনের নাসাগ্র, অপরের কর্ণাগ্রভাগ ছেদনের দণ্ডাজ্ঞা হইল! নিমেষ মধো সেই নিষ্ঠুরদেশ নিষ্ঠুর পদাতিকগণ প্রতিপালন করিয়া শোণিত-ধারাভিষিক্ত সেই দুর্ভাগ্যদ্বয়কে ধাক্কা মারিয়া তাড়াইয়া দিল!

\* সেই দিন হইতে আমাদের নায়কের “ছোলীন” নামের পরিবর্তে “ছলীন” নামটাই বেশী জ্ঞানিত হইল। যেহেতু মহারাজা রণজিৎ সিংহ ভুল ক্রমে বা যে কারণে হউক ছলীন বলিয়া ডাকিতেন। আমরা ইংরাজি (Dowlin) ডোলীনকে বাঙ্গালায় হুপ্রাব্য ডোলীন করিয়াছিলাম, তাহাও আর থাকিল না। ফলে ছোলীন ও ছলীন দুয়ের অর্থ দুয়েতে গীন, অর্থাৎ হুউপাণীয় ও দেশীয় হুভাবের মিনি লীন।

তদর্শনে আত্ম-বিস্ময়তাবশ্য “ঈস্!” এবং “আহা!” শব্দ তুলীনের মুখ হইতে খেন অজ্ঞাতসারে অতি মৃদুস্বরে বহিস্কৃত হইল। কিন্তু মৃদু হইলে কি হয়, নিস্তব্ধ সভায় তাহাই উচ্চ শব্দের ক্ল্যাঁ করিল—মহারাজ জ্ঞানতে পাই-ল্লোঁ! এবং হাসিয়া কহিলেন “তুমি ঠাণ্ডা গুরুদণ্ড জ্ঞান করিতেছ—আমরা জীবন লই না, শাসন করি!” তুলীন যুগায় জঙ্করিত হইতোঁছিলেন, কিন্তু অশ্রু-করণে যত দূর, বাক্যে ততদূর প্রকাশ করিতে সাহসী হইলেন না। অগত কিছু না বলিয়াও থাকিতে পারলেন না; মৃদু মধুর স্বরে বলিলেন “বোধ হয়, ক্ষুধার জ্বালায় এই ত্রুষ্ণ করিয়া থাকিবে। হটবোপে একপ অপ—” এই শব্দান্ত বলিতে না বলিতে দ্বাদশ খানি বদন হইতেই “আঃ! এক কর—চুপ কর!” একপ মিষ্টে তাড়না ক্ষত হইল—ফকিরভীর নয়ন হইতেও সতকতা-কারক হিঁচিতেই ভঙ্গা দৃষ্ট হইল।

কিন্তু মহারাজ হাসিয়া কহিলেন “নাঃ না, বলিতে দেও, আমি স্পষ্ট-বক্তাকে বেশী ভালবাসি! বিশেষ তুলীন সাহেব নয় (নতন) জোয়ান!” তৎপরেই তুলীনকে বলিলেন “আমি শুনিলাম, তুমি উত্তম সওয়ার।” তুলীন বিনীতভাবে উত্তর দিলেন “মহারাজের প্রসাদে আমি বালাকাল হইতেই অধা-রোহণে শিক্ষিত ও অভ্যস্ত।” মহারাজা কহিলেন “তোমরা ফিরঙ্গী লোক, অশ্বের উল্লঙ্ঘনে বড় পটু বটে। ভাল, দেখা যাউক, ঐ যে ব্যক্তি এখন আসিতেছে, ও তোমাকে একটা বেড়া লজ্বানর কৌশল দেখাইবে।”

তুলীন চাহিয়া দেখেন, নব আগন্তুক আর কেহই নয়, তাহার পূর্বের বন্ধু নন্দ সিংহ! নন্দ সিংহ মহারাজার প্রিয় কর্মচারী। ভাবে বোধ হইল, সে জানিতে আসিয়াছে, ফটকের কাণ্ড মহারাজার জ্ঞাতসারে হইয়াছে কি না ও সে কথার কিছু আন্দোলন হইতেছে কি না? তুলীন যথার্থ শিষ্টাচার সহকারে নন্দ সিংহকে সেলাম করিলেন। নন্দ সিংহ গম্ভীরে প্রতি-নমস্কারের অঙ্ক নিদন মাত্র বক্ষা করিল।

মহারাজ গানোথান করিলেন। সেই সঙ্গে মন্ত্রীবর্গ ও সভাস্থ তাবলোক একই পরীক্ষা-রুতু দেখিতে রাজাগুপ্তানা হওয়া সালীমার বাহিরে একটা উপ-দ্রুত গমন উপস্থিত হইলেন।

তুলীন পাল গোবের মনেই অনিয়তি, শিথল্যতি অতি পূণ্যসনায়রূপে উৎসর্গ করিয়াছেন। কোন ও প্রায় লেখক তাহা ততদূর স্বাকার করেন না।



তাঁহারা বলেন, শিখেরা অশ্বকে বেশী খাটায়, উপযুক্ত রূপে পালন করে না ; সুতরাং সে অশ্বের তেজ কোথায় যে, আরোহী সে তেজের শাসন-কৌশল দেখাইয়া আরোহণ-বিচার প্রতিষ্ঠা-পত্র পাতবেন ? কিন্তু এ বর্ণনার আমরা সম্মতি দিতে অনিচ্ছুক। বন্দও এ সব বিষয়ে বাঙ্গালীর অপেক্ষা তাঁহারা অবশ্যই সমধিক সূক্ষ্ম বিচারক, কিন্তু ইংরাজ-কুসংস্কারকে আমরা চিনি—তয় তো সেই কাণা রিপই তাঁহাদের বিচার-শক্তিকে নিরপেক্ষ হইতে দেয় না ! পাটনা নগরে ইংরাজ-কৃত একটা অতুল গোলাঘর আছে ; তাহার চূড়ায় উষ্ণির জন্ত প্রায় দেড়শত সংখ্যক সোপান ( পৈঠা ) আছে। সেই সোপানশ্রেণী গোলাঘরের ভিতরে নয়, বাহিরে নির্মিত—তাহার গায় বাঁকিয়া বাঁকিয়া চূড়া পর্যন্ত উঠিয়া আবার অতুলদিকে নামিয়াছে। সে দিকেও ঠিক সেইরূপ ততগুলি সোপান। অর্থাৎ ধাপগুলি সেই অতুল গোলাকার গুহের গা বেষ্টন করিয়া আছে—যে দিকে ইচ্ছা, সেই দিক দিয়া উঠিয়া অতুলদিকে অবতরণ করা যায়। আমরা সেই গোলাঘরেই দাড়াইয়া পাটনার গণ্য মাণ্ড ব্যক্তিগণের মুখে শুনিয়াছি যে, কোন প্রসিদ্ধ শিখসদার অশ্বারোহণে সেই অতুল মন্দিরের চূড়ায় সেই সোপান শ্রেণীর এক দিক দিয়া উঠিয়া অপর দিক দিয়া নামিয়া আসিয়াছেন ! ইহা পাটনার বহু বহু লোকে দেখিয়াছেন—যাহারা এই অদ্ভুত কার্য দর্শন করিয়াছিলেন, তাহাদেরই কেহ কেহ এ কথা আমাদের কাছে বলিয়াছেন। পাটনার লোক বলে “ঘোড়া উঠিল, কি পক্ষাবাজ গরুড ছুটিল, বুঝিলাম না—সোপানের পাখ-রক্ষক আলিসাও উচ্চ নয়। কিরূপে আর কি সাহসে সেই ভয়ানক সিঁড়িতে ঘোড়া ছুটাইয়া চূড়ায় উঠিয়া অপর দিকে নামিয়া আসা হইল, তাহা এক প্রকাব সামান্য মানবের বুদ্ধির অগম্য !” ফলতঃ আমরা নিরীহ বাঙ্গালী, আমাদের নিকট সে কাযা মানুষিক বলিয়াই বোধ হয় না ! আবার, কলিকাতায় কোন ধনী বন্ধুর মুখে তাঁহাদের দৃষ্ট শিখসদারগণের আশ্চর্য অশ্বচালনা চাতুর্য্য যাহা শুনিয়াছি, তাহাতেও অবাক হইতে হয় ।

সে যাহা হউক, নব্ব্বিসং তৎকালে শিখদিগের একজন প্রসিদ্ধ অশ্ব-রোহী। অশ্ব চালনাই তাহার ব্যবসায় এবং লুধিয়ানাতে যুগলাকারী ইংরাজ সম্প্রদায়ের অধীনে বহুকাল এই কর্মে লক্ষ-প্রতিষ্ঠ হইয়াছে ।

দুলীনের কাছে একবার লজ্জা পাইয়াছে। এক্ষণে তদ্বিকল্পে স্বীয় গুণ-

পনা প্রদর্শনের স্বযোগ পাইয়া সে মহা আছাদিত ও প্রোৎসাহিত হইয়া মহারাজা যে বেড়া দেখাইয়া দিলেন, তদভিমুখে বেগে অশ্ব চালাইল। সে বেড়া উচ্চ বটে, কিন্তু তদুল্লেখ্য উত্তম অশ্বারোহীর পক্ষে অসাধ্যও বলা যায় না। কিন্তু নন্দের ছুরদৃষ্টি বা অসতর্কতা বা উন্মত্ততা-জনিত চাঞ্চল্য, যে কারণেই হউক, সে কাণ্ড সে পারিল না—ঘোড়ার পা বেড়ায় ঠেকিয়া ঘোড়া প্রতিবেগে বিপরীত দিকে ( দর্শকগণ যে দিকে ) উণ্টাইয়া আসিয়া পড়িয়া গেল ! তবু ভাগ্য ভাল যে, প্রাণটা গেল না !

এখন হুলীনের পালা। ইঙ্গিত অনুসারে বেড়ার কতক দূর হইতে ধাঁবিত হইয়া স্বীয় পাদুকান্তিত লৌহ-কণ্টক দ্বারা বেলুনের পাশ্বে অত্যন্ত অলম্বিত এবং সঙ্কেত বিশেষ করিবার মাত্র হয়শ্রেষ্ঠ বেলুন এক লক্ষ বেড়া পার হইয়া মণ্ডলাকারে কতক দূর ঘুরিয়া আসিয়া পুনর্বার অবলীলাক্রমে প্রতিলঙ্ঘন পূর্বক দর্শক মণ্ডলীকে চমৎকৃত করিল। মুহূর্ত্ত মধ্যে বীরবর হুলীন অবতরণ করতঃ মহারাজের পদতলে আসিয়া কুর্ণিস করিয়া দাঁড়াইলেন।

“সাবাস্ হুলীন ! তুমি আমার অশ্ব-সৈনিকের শিক্ষক ও অধ্যক্ষ হইবে ! অত্যাধি আমার সৈন্ত মধ্যে কর্ণেল পদে নিযুক্ত হইলে—এখনই খেলাত পাইবে ! উদ্যানमध्ये যে বীরত্ব দেখাইলে, রণভূমিতে যদি তদ্রূপ প্রদর্শনে সমর্থ হও, তবে তুমি নিশ্চয়ই রণজিতের বন্ধু হইবে ! কিন্তু আমি শুনিতে চাই, কটকে তখন কি হইয়াছিল ?”

হুলীন দেখিলেন, হাঁতমধ্যেই রাজকর্ণে সে কথা উঠিয়াছে। শত্রু কি মিত্র-পক্ষ শুনাইয়াছে, বুঝিতে পারিলেন না। কিন্তু সত্যের মা'র নাই জানিয়া, যাহা ঘটয়াছিল, অলঙ্কার ও কাপটা তাগ পূর্বক আত্মপূর্বিক সরল বর্ণনা করিলেন। মহারাজ মনোযোগের সহিত সমস্ত শুনিয়া বলিলেন “তুমি যে সত্য কহিলে, ইহা স্পষ্ট বুঝা যাইতেছে। নন্দসিং আপন ওজনের বাহিরে যাইতে প্রবৃত্ত হইয়াছে ; অনেক অনিষ্টের মূলে উহার নাম শুনা যায়। বিশেষতঃ অশ্ব বুঝা গেল, সে অশ্বারোহণ-বিদ্যা জানে না।”

পুনশ্চ হাসিয়া বলিলেন “কিন্তু হুলীন তোমাকে একটু সাবধান হইতে হইবে—রাজপুরী রণ-ক্ষেত্র নয়, রাজ-শরীর-রক্ষকেরাও বিপন্ন নয় এবং তাদের নিজের অশ্ব ও তাদের অশ্বের উদরও তোমার অশ্বের পদ-চালনার জন্ত পরীক্ষার স্থল নয়।” এই পরিহাসের সহিত বেলুনেরও বিশেষ প্রশংসা

ও কোথায় কিরূপে এমন উচ্চ ধাতুর ঘোটক পাইলে, তজ্জপ প্রাণীদের পর কহিলেন “দরবারে তোমার উপস্থিতির জন্ত অল্প এক দিন নিরুপিত হইবে—এজন্ত পরওয়ানা ও উপদেশ পত্র পাইবে। সতর্ক ও বিবেচক হইয়া চলিও, তোমার প্রতি প্রসন্ন হইয়াছি, আত্ম-দোষে যেন তার বৈপরীত্য ঘটাইও না।”

মহারাজা ঐ ভাবের কথা কতক স্পষ্ট, কতক ভাবভঙ্গীতে ব্যক্ত করিয়া পুনর্বার সভামণ্ডপে চলিলেন ; আর সকলেও পশ্চাৎদর্শী হইলেন। পুনর্বার সভাস্থ হইবার কিছু পরেই দুলীনকে খেলাত প্রদত্ত হইল। অর্থাৎ একটা মনোহর অশ্ব ও তৎসজ্জা, একখানি ভাল তরবার, এক জোড়া সাল, এক ছড়া মুক্তার কণ্ঠী, একটা সালের চোগা, কয়খণ্ড মসালিন ( বোধ হয় পাগুড়ি চাপকানাদির জন্ত ) প্রভৃতি সর্বশুদ্ধ একাদশ প্রকারের দ্রব্য। সর্ব সমষ্টির মূল্য একাদশ শত মুদ্রা। তৎসঙ্গে এক হাজার নগদ টাকার একটা তোড়া তাঁহার ভৃত্যের হস্তে অর্পিত হইল—খেলাতের সমস্ত দ্রব্যই তাঁহার, অল্পচর-গণ লইয়া গেল !

ঔগপ্রবীণ দুলীন যথোচিত কৃতজ্ঞতা প্রকাশ সহকারে ‘অধীনতা ও বশুতা স্বীকার করিলে মহারাজ উঠিলেন—সভা ভঙ্গ হইল। মহারাজ রণজিৎ সিংহের বাক্য-বিশ্বাস-প্রণালী কোন বিশেষ পারিপাট্যে—কোন বক্রালঙ্কারে—কোন রসমাধুর্য্যে সুরঞ্জিত নহে—সাদা সিধে—সৈনিক নায়ক-বৎ নিতাস্তই সরল ! তাহাতে দুলীনের মনে অধিক সন্তোষ হইল।

• তিনি যখন রাজসভায় প্রথম প্রবেশ করেন, তখন মন্ত্রী-সমাজে “আবার ফিরাদী—ফিরাদীর জ্বালায় জ্বালাতন হওয়া গেছে !” এইরূপ গালা ঘুমা যে স্পষ্ট শ্রুত হইয়াছিল, সভাভঙ্গের পর সে ভাব আর ‘নাই ! সকলেই যেন তাঁহার সৌভাগ্যে মহা পুলকিত—সকলেই যেন শুভপ্রার্থী—সকলেই যেন তাঁহাকে পদস্থ ও উন্নত করিয়া দিলেন—সকলেই তাঁহার বন্ধু—সকলেই দুলীনের যখন বাহা ইচ্ছা, তৎসাধনে প্রস্তুত ! দুলীন বেশী কথা কহিলেন না, সৌজন্য শিষ্টাচার দেখাইয়া সদলে বাসায় চলিয়া গেলেন।

## ষষ্ঠ পরিচ্ছেদ ।

—•••••—  
সামু লক্ষণ ।

যদিও ঠিক মধ্যাহ্ন নয়, তথাপি নৈদাঘ মার্ভণ্ড দেব প্রচণ্ড মূর্তি ধারণ পূর্বক অগ্নি-কিরণ বর্ষণ করিতেছেন, এমন সময় ছুলীন রাজ্যোদ্যান হইতে বাসোদ্যানে চলিলেন । রৌদ্রে তাঁহার অতিশয় কষ্ট হইল । বেলুনও অত্যন্ত ফোনল হইয়া উঠিল । সহচর মণ্ডলী একে প্রত্যর্থাবধি অস্থপৃষ্ঠে, তাঁহাতে প্রথর আতপ-তাপে ও পথের ধূলাতে নিতান্ত ক্লান্ত হইয়াছিল । সুশীতল সুরমা বাসোদ্যানে প্রবেশিয়া সকলেই সুম্নিক বিশেষতঃ আশা-সিদ্ধির উৎসাহে পরম পরিতৃপ্ত হইল ।

ছুলীন স্নানাহার করিয়া গতক্রম হইলেন । বসিবার ঘরে একখানি বিচিত্র চৌপায়াস্থ শব্যার অঙ্ক শায়িত ভাবে অবস্থান পূর্বক পূর্বাহ্নের ঘটনা-বলীর রোমন্থন ( যদি এ শব্দ দৃশ্য না হয় ) করিতে লাগিলেন—পুরুষ সিংহ-রূপী রথজিৎ সিংহের চরিত্র ; প্রতাপশালা সভাসদগণের আকৃতি প্রকৃতি ; নিজের আশাতীত সৌভাগ্যোদয় : নন্দ সিংহের অশ্রুৎক শক্রতা ; তাহার যেমন প্রকাশ, অপরের তেমন অপ্রকাশ বৈচিত্র্যও সম্ভাবনা : ককিরজীর মৌজন্তু সহায়তা ইত্যাদি সেই চিন্তার বিষয় হইল ।

“নিতান্ত অনিশ্চিত ভাগ্যদাস যে আমি—নিতান্ত উদাসীন পণ্ডিত যে আমি—আমার প্রতি মহারাজা কি সত্যই এত রূপা করিবেন ? এ দয়া যেমন আকস্মিক, তেমন ক্ষণিক তো হইবে না ? বিশেষ সুযোগ পাইলেই আমার জন্ম-রক্তান্ত বিরলে তাহাকে বলিতে হইবে—কপট প্রতারণক কদাপি হইবে না, তাহাতে ভাগ্যে যা ঘটুক—তাহার ফল তো ফ্রেঞ্চ পিতার জায় হইবে না ?”

ইত্যাকার আশ্ব-মীমাংসা-বিরোধী বিবিধ চিন্তায় যখন মগ্ন—যখন সৌভাগ্যের স্বপ্নে, ভাবী আশায়, অজ্ঞাত শত্রুর শঙ্কায়, ইতি-কর্তব্যতার সন্দেহে, সরল ধর্মপথের আপদ-শূণ্যতার বিশ্বাসে, অর্থাৎ “ধন্যো রক্ষতি ধার্মিকং” ইত্যাদি প্রত্যয়ে ছুলীন কখনো উল্টে উঠিতেছেন, কখনো রসাতলে পাড়িতেছেন, কখনো অস্থিরতায় চলিতেছেন, এবং সর্বশেষে প্রাণ ভরিয়া

করণা-ময়ের ক্রোড়ে আত্মসমর্পণ করিতেছেন, সেই কালে কালিকা-ইরদিন সাহেব দেখা দিলেন ।

ছলীন সহর্ষে পাত্রোখান ও স্বাগত মস্তাষণ পূর্বক সাদর সম্বন্ধনার উাহাকে বসাইলেন । কালিকাজী ছলীনের রাজ-প্রসন্নতা লাভের প্রসঙ্গে মহা আহলাদ প্রকাশ ও তত্পলক্ষে বিবিধ উপদেশও দিলেন । বলিলেন, “আর কি সাহেব, আপনার শুভগ্রহ তো সম্পূর্ণ তেজ করিয়া উঠিয়াছে ! এমন দয়া, এমন সমাদর, একদিনেই এক অনুগ্রহ, মহারাজ আর কাহাকেও—আপনাদের কোন ইউরোপীয়কেও—কখনো দেখান নাই ! আপনার অদৃষ্ট-চক্র নিশ্চয়ই সৌভাগ্যের পথে সূচালিত হইয়াছে !”

ছলী । কালিকাজি, সত্য । কিন্তু মহারাজের এই যে কৃপাদৃষ্টি, এ কেবল আপনাদের ছই ভ্রাতার অনুগ্রহে । কিন্তু এই রাজ-দয়া কি ভাবে কিসে পরিণত হয়, তাহা আমি এখনো বুঝিতে পারি নাই ।

হুর । কিসে পরিণত হয় ? আপনি আমাদের মহারাজার বিষয়ে এতই অনভিজ্ঞ ? রাজানুগ্রহ কিসে পরিণত হয় ? কিসে না হয়, বরং তাহা এক-বার জিজ্ঞাসা করুন ! রণজিৎসিংহের দয়ার কটাক্ষও যা, অতুল সৌভাগ্যও তা ! যারে বলে রণজিতের দয়া, তারেই বলে ঐশ্বর্য, তারেই বলে সম্পত্তি, তারেই বলে ক্ষমতা, তারেই বলে নাম ঘণঃ কীর্তি, তারেই বলে প্রভুত্ব ! কেমন সাহেব, আর কি আমার বুঝাতে হরে ? যদি এ দয়া বজার রাখিতে পারেন, তবে এই যে কর্ণেল হ'য়েছেন, এই যে একদল অশ্বারোহীর অধ্যক্ষ হ'য়েছেন, এ থেকে বৃহৎ বাহিনীর সেনাপতি—এ থেকে রাজ্যপতি—এ থেকে দ্বিতীয় ধ্যান সিংহ পর্যন্ত হইতে পারিবেন !

ছলী । বাহাই হই, কিন্তু আপনি আর আপনার মহাসম্ভ্রান্ত জ্যেষ্ঠ মহাশয় নীচই বুঝিতে পারিবেন যে, অকৃতজ্ঞের উপকার করেন নাই !

এই কথার কালিকাজী আরো নিকটবর্তী হইয়া অশুচস্বরে কহিলেন—  
“আপনার প্রতি আমার ভ্রাতা যে যথার্থই অনুকূল হইয়াছেন, তাহা আপনি ক্রমেই অনেক কাজে জানিতে পারিবেন । আপনার শুভোদ্দেশ্যেই এখন তিনি আমাকে আপনার নিকট পাঠাইয়াছেন—আপনাকে বিরুদ্ধরূপে স্তাবধান করিয়া দিতেই আমার আসা । আমি নিশ্চিত জানি যে, ইহার মধ্যেই আপনার বিরুদ্ধে ঘোর চক্রান্ত আরম্ভ হইয়াছে । রাজা ধ্যান

সিং একরাজা গোলাপ সিং এই দুই ভ্রাতাকে প্রশন্ন করিবার চেষ্টা পাওয়া আপনার অত্যাশঙ্কক। যদিও অগ্রজ মহাশয় মহারাজার মুখ স্বরূপ, কিন্তু রাজা ধ্যান সিংই হস্ত—প্রধান মন্ত্রী ও ভাল মন্দ ঘটাইবার প্রধান যন্ত্রী। অর্থাৎ যদি রাজানুগ্রহ অটুট রাখিবার বাসনা থাকে, তবে কদাচ ঐ যুগল ভ্রাতাকে কিঞ্চিৎপ্রাণে অবহেলা করিবেন না। আর, সরকারে যে কয়জন আপনাদের ইউরোপীয় উচ্চপদস্থ লোক আছেন, তাঁহাদের সঙ্গে বিশেষ ঘনিষ্ঠতা বা বিশেষ অনাস্থীয়তা, এ দুয়ের কোনটা যেন না করেন—মাঝামাঝি ভাব রাখিবেন। আপনি যুবা পুরুষ এবং বোধ হয় বিলক্ষণ তেজস্বী, কিন্তু পঞ্জাবে যদি প্রতিপত্তির আশা থাকে, তবে রাগদ্বেষাদি রিপু দমনের অত্যাশঙ্কক, অধিক বলা বাহুল্য। কে যে আপনার শত্রু হইয়াছে, কি হইতে পারে, তাহা উল্লেখ করিব না; কিন্তু আপনি যে অনেকের চক্ষুশূল হইবেন, সে বিষয়ে নিঃসন্দেহ। ইউরোপ, আর এ রাজ্য সর্বাংশেই বিভিন্ন—উভয় স্থানের রাজা, প্রজা, মন্ত্রী প্রভৃতি যে এক ধাতুর নন, ইটা যেন সর্বদা স্মরণ থাকে। যাহাকে শত্রু বলিয়া সংস্কার জন্মে, তাহাকে গোপনে হত্যা পর্য্যন্ত এদেশে সচরাচর ঘটে! বিনা অস্ত্র, বিনা শরীররক্ষক, প্রধানেরা কেহই প্রায় বাহিরে যান না—বিশেষতঃ যে যত রাজার প্রিয় পাত্র, তাহাকে ততই আত্মসারা হইয়া চলিতে হয়! আপনি যদি সূচতুর হুয়েন, তবে এই সব কথা এক বর্ণেও স্মৃতি-স্থলিত হইতে দিবেন না। আজ আর অধিক বলিব না, আপনি বিশ্রাম করুন, আমি এখন বিদায়।” এই বলিয়া উঠিলেন।

এই উপদেশ-মালার একটিকেও কপট আস্থীয়তার কথা বলিয়া স্মৃদ্ধি হুলীনের সন্দেহ হইল না—এই ব্যবহারে আশ্রয়দাতা ভ্রাতৃদ্বয়কে বরং যথার্থই অকপট বন্ধু বলিয়া বুঝিলেন। সুতরাং তদ্রূপ ভাবেই অন্তরের সহিত বাধ্যতা স্বীকার করিলেন।

কালিকাজীর ভৃত্যগণ বহির্দেশে অপেক্ষা করিতেছিল, এক্ষণে কালিকাজীর ইচ্ছিতে তাহারা গৃহে প্রবেশ পূর্বক নানাবিধ মিষ্টান্ন ও মেওয়া প্রভৃতি উপহারে দ্রব্য নিচর গৃহ-প্রাক্ষণে শ্রেণীবদ্ধ ভাবে রক্ষা করিল।

হুলীন সবিস্ময়ে ঈষৎ বিরক্তি-ব্যঞ্জক মিষ্ট ভৎসনার স্বরে কহিলেন, “কি? আপনাদের অনুগ্রহ-দৃষ্টিই যথেষ্ট—এ আবার কেন?”

কালিকাজী হাসিয়া বলিলেন “ইহা আমার বা আমার পরম পূজ্য অগ্রজ মহাশয়ের প্রদত্ত নহে ; এ সব রাজ-প্রসাদ-চিহ্ন, মহারাজের আজ্ঞাতেই রাজভাণ্ডার হইতে প্রেরিত !”—এই বলিয়া প্রধান ভূত্যের হস্ত হইতে সুবর্ণ-মুদ্রা-পূর্ণ একটা তোড়া লইয়া ছলীনকে অর্পণ পূর্বক পুনশ্চ কহিলেন “জিয়াফৎ স্বরূপ ইহাও প্রেরিত হইয়াছে !”

ভূপতির এই বিশেষ দয়াতে ছলীনের হৃদয় আরো দ্রবীভূত হইল। ভূত্যগণ বাহিরে গেলে এবং ছলীন বন্ধুকে ডাকিয়া তাহাদিগকে পারিতোষিক দানের কথা বলিয়া দিলে, কালিকাজী অতি সরল, সহৃদয় ও সমবেদনশীল বন্ধুর স্তায় ছলীনের নব আনন্দে আনন্দ প্রকাশ করিতে লাগিলেন। কথায় কথায় ছলীনের বাস-স্থানে ভূত্যবর্গ ব্যতীত কোন উচ্চ সহচর নাই জানিতে পারিয়া সহাস্র বদনে একটা সঙ্গী দিবার অভিপ্রায় ব্যক্ত করিলেন। বলিলেন “সে ব্যক্তি বয়সে প্রবীণ, কিন্তু উৎসাহে ও কার্যে নবীন ! সে অতিশয় ঋজু-স্বভাব—কপটতা মাত্রই জানে না—তাহার হৃদয়খানিকে বালকের হৃদয় বলিলেই হয় ! পরিশ্রান্তির পর সাবকাশ কালে তাহাকে লইয়া আপনি মাঝে মাঝে আমোদ উপভোগে সমর্থ হইবেন। সে যেমন সরল, তেমনি বিশ্বাসী, তেমনি প্রভূপরায়ণ—তাহার হস্তে তহবিল ও হিসাবাদি লেখা পড়ার কাজ দিয়া আপনি নিশ্চিন্ত হইতে পারিবেন—লক্ষ মুদ্রা স্তম্ভ করিলেও কিছু মাত্র আশঙ্কা নাই। সে এ দেশের লোক নহু অথচ এ দেশের প্রায় সমস্তই জানে। আট দশ বৎসর আমার ভ্রাতার নিকট থাকিতে রাজসভা-সংক্রান্ত অনেক অবস্থা ও তাবলোকের বিষয়-জ্ঞাত আছে। আপনি নূতন আগত, এ রাজ্যের কিছুই অবগত নহেন, সুতরাং সে আপনার অনেক কাজে লাগিতে পারিবে—অন্ততঃ যখন যাহার পরিচয় বা যে বিষয় জানিতে চাহিবেন, চৈতন দাস তখনই তাহা শুনাইয়া দিবে।”

ছলী । চৈতনদাস ? তবে কি সে বাঙ্গালী ?

কালিকা । হাঁ বাঙ্গালী। দাদা যখন মহারাজার কোন নিগূঢ় প্রয়োজনে কলিকাতায় গিয়াছিলেন, তখন গবর্ণর জেনারেল বাহাদুরের সহিত কথোপকথন কর্ত্ত্ব জনৈক দ্বিভাষীর প্রয়োজন হয়, তত্পলক্ষেই চৈতন কুটে। যদিও তাহার তর্জমা শুনিয়া সাহেবেয়া হাসিয়াছিলেন এবং তাহাদের নিজের লোক দ্বারা সে কাজ নির্বাহ করাইয়াছিলেন ; কিন্তু চৈতনের

স্বভাব চরিত্র দৃষ্টে সস্তুষ্ট হইয়া দাদা তাহাকে লইয়া আইসেন। তাহার বিস্তর গুণ ; কেবল অস্ত্র চালনার সে নিতান্তই নিপুণ—লড়াই বকড়ার নামে পাশ কাটায় ! কিন্তু সে যথার্থই নিমকের চাকর ; কেবল আপনার সুবিধা ভাবিয়াই তাহাকে ছাড়িতে চাহিতেছি, নতুবা তাহাকে আমরা অত্যন্ত ভালবাসি ।

তুলীন । ( সহাস্তে ) মহাশয় ! যথেষ্ট হইয়াছে, আর বলিতে হইবে না । আমি সত্য কহিতেছি, সে ব্যক্তি আমার বর্তমান অবস্থার বিশেষ উপকারে লাগিবে । বিশেষ, আমি বাঙ্গালীকে ভালরূপ জানি—বাঙ্গালীকে খুব ভালবাসি । এদেশের লোক সাহসী ও বুদ্ধপটু বটে, কিন্তু সভ্যতা ও সাহ-চর্যা বিষয়ে কদাচই বাঙ্গালীর স্মরণ নহে । অমন সুবুদ্ধি শাস্ত্র জ্ঞাতি অতি কম পাওয়া যায় । আমার যেতাগা যে, বিনা আয়াসে বঙ্গদেশীর একজন সুশিক্ষিত সহকারী লাভ করিলাম—ইহাতেও আমার প্রতি আপনাদের সামান্ত অনুগ্রহ প্রকাশ পাইতেছে না !

কালিকা । ( সহাস্তে ) কিন্তু তাহার সকল কথা এখনো বলা হয় নাই—সে কথা শুনিলে আপনি সাগ্রহে লইতে, কি ভয়ে পরিত্যাগ করিতে চাহিবেন, বলিতে পারি না ! লাহোরে তাহাকে অনেকে পাগল বলিয়া জানে—

তুলীন । ( সহাস্তে ) জানে ? তবে বাস্তব সে পাগল নয় ? আমি এত পুগল নই যে, ইটী বেস বুঝিতে পারি না যে, সে যথার্থ পাগল হইলে আপনি তাহাকে আমার হস্তে দিতে চাহিতেন এবং তাহার এত গুণ ব্যাখ্যা করিতেন ! অবশ্যই তাহার পাগলামির কোন বিশেষ হেতু আছে—

কালিকা । আপনি ঠিক অনুমান করিয়াছেন । আপনার নিকট সত্য প্রকাশের বাধা কি ? আমার দাদার অনিষ্টাচার উদ্দেশে, হুয়াশয় গোলাপ সিংহ তাহাকে প্রচুর উৎকোচের মোত দিয়া কোন অবৈধ গুপ্ত কাজে লওয়াইতে চেষ্টা পায় । কিন্তু চৈতন্য সে লোক নয়, সে যথার্থই ধার্মিক—নিমকের চাকর । যাহাতে নিজের ধর্ম ও প্রভুর কর্ম হানি হয়, সে কি প্রাণ থাকিতে এমন কাজ করে ? সে মহা ভয়ে কাঁপিতে কাঁপিতে পাগলের স্মরণ এলো মেলো বকিতে লাগিল ! গোলাপ সিংহও বাতুলের হাতে এক তার অর্পণে ভীত হইল ! চৈতন্য তৎকালে স্তম্ভ প্রমুগ্ন যাহা করিয়াছিল, এখন দাদার পরামর্শে চলক্রমে তাহাই করিয়া থাকে ; কেননা অস্ত



শীঘ্র বায়ু-রোগ সারিয়া গেলে ছুট গোলাপ সিংহের কোপানলে তাঁহাকে দণ্ড হইতে হইবে !

ভুলী । যথেষ্ট ! আপনি যখনই অসুগ্রহ করিয়া পাঠাইবেন, তখনই সমাদরে তাহাকে গ্রহণ করিব ।

কালিকা । চৈতনও আপনাকে পাইলে মহা সুখী হইবে—সে কথার কথার “এত সাধের ইংরাজাটা একেবারে ভুলিয়া গেলাম” বলিয়া সর্বদাই আপনৌষ করে ।

এইরূপ কথোপকথন ও পরামর্শের পর কালিকাজী চলিয়া গেলেন । ভুলীন আবার রোমন্থনে ব্যাপ্ত হইলেন । তিনি সে দিবসের পূর্বাপর ঘটনাবলী চিন্তা করিয়া সুখানুভবই করিলেন । শত্রুর চক্রান্ত-কথা মনে বড় স্থান পাইল না । চৈতনের সঙ্গ-লাভকেও সুখের ঘটনা ভাবিলেন । এক এক বার ঐ প্রকার সন্দেহের কণা জ্ঞান-নেত্রের নিকট উড়িতেছিল বটে যে, “হয় তো আমার উপর প্রহরিতা উদ্দেশেই, ইহারা ছলক্রমে এক জন গুপ্ত চরকে শুণ্ড ভৃত্য-ভাবে আমার নিকট রাখিয়া দিলেন ।” কিন্তু পরক্ষণে মন কেন এমন অশ্রারূপে সন্ধিহান হয় বলিয়া মনকে তিরস্কার করিলেন ! আবার সন্ধিগু মনকে প্রবোধ দিবার নিমিত্ত বলিলেন “মন ! তোমার সন্দেহ সত্য হইলেই বা আমার ক্ষতি কি ? আমি যখন ধর্ম্মতঃ জানি যে, আজিজু-দিনের প্রতি অকপট বন্ধুতা, আন্তরিক বাধ্যতা ও সরল কৃতজ্ঞতা-পাশে বন্ধ আছি এবং যত দিন তিনি যথার্থ বন্ধু থাকিবেন, তত দিন কখনই তাঁহার প্রতি বিক্রম্ভাচার করিব না, বরং সর্বদাই প্রিয়চরণে নিযুক্ত রহিব, তখন তাঁহার প্রহরী ( যদি তাই হয় ) নিকট থাকিতে উপকার বৈ অপকার কি ?”

## সপ্তম পরিচ্ছেদ ।

রাজ-পরিচয় ।

মহারাজা বগজিৎ ও তাঁহার প্রধান সচিবগণের কিছু কিছু পরিচয় দিবার সময় উপস্থিত । উপাধ্যানের প্ররোজনে সেরূপ ঐতিহাসিক বৃত্তান্ত ( যত সংক্ষেপে সম্ভব ) না লিখিলে পাঠকগণের বোধ-সৌকর্য্যের পক্ষে পেরে

ব্যাঘাত জন্মিতে পারে। অতএব সর্বাগ্রে মহারাজার বিষয়ে এই অধ্যায়টি পূর্ণ হইতেছে। ধৈর্যশীল পাঠক মহাশয়কে অভিনিবেশ পূর্বক এইটি ও পরবর্তী অধ্যায় দুইটি পড়িতে অনুরোধ করিতেছি—অধৈর্যশীল মহাশয়েরা এই ঐতিহাসিক রত্নাস্ত্রগুলি ছাড়িয়া দিলেও দিতে পারেন, কিন্তু যেন স্বরণ রাখেন, ধৈর্যের জায় বন্ধ দ্বিতীয় নাই !

যে সময়ের ঘটনাবলী লইয়া এই উপাখ্যান, তৎকালে এই বিশাল ভারত-রাজ্য মধ্যে নবোদিত দুই প্রবল শক্তি অন্ত্যন্ত পূর্ব শক্তি-সমূহকে নিঃশক্তি করিয়া তুলিয়াছিল। এক প্রান্তে ব্রিটিস-সিংহ, অত্র প্রান্তে পঞ্জাব-সিংহ ! এই দুই রাজসিংহ এই বৃহৎ ভূভাগকে যেন দুই (ন্যূনাতিরেকে) ভাগে বিভক্ত করিয়া একাধিপত্য করিতেছিলেন। যবনের তিরোভাবে মহারাজার আবির্ভাব হইয়াছিল। অমোঘ ব্রিটিস-পরাক্রমে সে প্রবল বল তখন হতবল হইয়া পড়িয়াছে।

ঐদিকে রণজিতের ভূজপ্রতাপে পঞ্জাব ও চতুঃপাশ্বে বহু বহু হিন্দু ও যবন-জাতীয় পার্বত্য ভূপালবর্গ রাজ্যচ্যুত বা হীনবীৰ্য হওয়াতে একটা সুবিস্তৃত রাজ্য তাঁহার কর-কবলিত অথবা তাঁহারই কর্তৃক দৃঢ়রূপে রচিত হইল। তাঁহার রিপুঞ্জয় নামটি কাবুলের সিংহাসন পর্যন্ত কল্পিত করিয়া তুলিয়াছিল। রণজিৎ নাম হিমালয়ের উত্তর খণ্ড হইতে কুমারিকা কূল এবং সার্গর পারে ইউরোপ আমেরিকা পর্যন্ত ধরা-ব্যাপ্ত হইয়াছিল। এমন পুরুষের অধিক পরিচয় অনাবশ্যক, কেবল বিশেষ বিশেষ কয়েকটি কথা যাহা সচরাচর স্মৃজানিত নয়, তাহাই বক্তব্য।

যখন দুর্লীন লাহোর গিয়াছিলেন, তখন মহারাজার বয়ঃক্রম প্রায় পঞ্চাশ বৎসর। তাঁহার আকৃতি খর্ব ও সোষ্ঠবশূন্য—তিনি এক চক্ষুহীন। তদুপরি আবার অপ্রশান্ত রণ-ক্ষেত্রের পরিশ্রম, শারীরিক নিয়ম পালনে অসাবধানতা এবং অতিরিক্ত ইঞ্জিয় সেবার ফল স্বরূপ জরা রাক্ষসী তাঁহাকে যেন অকালেই গ্রাসোদ্যতা, এমনি বোধ হইত !

তাঁহার শরীর সম্বন্ধে এই। মানসিক কর্ষণ ও গুণজ্ঞানাদির বিষয়েও কিছু বলিবার আছে। লেখা পড়া বিদ্যা সম্বন্ধে অধিক আর কি বলিব, যাহাকে নিতান্ত বর্ণ-জ্ঞান-হীন বা নিরক্ষর বলে, তিনি তাহাই ছিলেন ! কিন্তু বিশ্বাসের পর বিশ্বাস এই, প্রকৃতি দেবী তাঁহাকে অতি তেজস্বী, অতি

প্রথম, অতি সূক্ষ্ম বুদ্ধি বৃদ্ধি এবং অতুল্য স্মরণ-শক্তি রূপ অমূল্য রত্নদানে এককালে মুক্তহস্তা হইয়াছিলেন !

মহা কবি পোপ লিখিয়াছেন “বসিদ্ধ যেমন এক কুল ভাঙ্গে, আর কুল গড়ে ; স্বভাব তেমনি, যে মনে বুদ্ধিবৃদ্ধি অধিক দেন, সে মনে স্মরণশক্তি তত দেন না !” অর্থাৎ “এক জনের বুদ্ধি ও স্মরণশক্তি উভয়ই উৎকৃষ্ট হইতে পারে না। কিন্তু কবিরের দৃষ্টি যদি মহারাজ রণজিতের স্মরণ মনুষ্যে পতিত হইত, তবে তিনি ঐরূপ নীতি-তত্ত্ব কদাচ লিপিবদ্ধ করিতেন না ! তাঁহার ঐ বাক্য সামান্যতঃ সত্য হইলেও হইতে পারে, কিন্তু প্রত্যেক নিয়মের স্মরণ ঐ নিয়মেরও ব্যতিরেক আছে। মহারাজ রণজিৎ সেই ব্যতিরেকের প্রথম শ্রেণীরও প্রধান ! কারণ কোন বিষয়ের প্রসঙ্গ হইবা’ মাত্র তৎক্ষণাৎ তাহার স্মরণাংশে প্রবেশ করা এবং সকল বিষয়—অতি সামান্য—অতি ক্ষুদ্র কথাও—চিরদিন স্মরণের অধীন করিয়া রাখা, এই দুইটী মানসিক ক্রিয়াতে মহারাজ অদ্বিতীয় নিপুণ ছিলেন !

তিনি এই দুই শক্তির সাহায্য বলেই তাঁহার সুবিস্তৃত রাজ্য-সংক্রান্ত তাবদ্যাপার, বিধান রাজগণাপেক্ষাও সমধিক যোগ্যতার সহিত নির্বাহ করিতে সমর্থ হইতেন। রাজস্ব বিভাগের আয়, ব্যয়, কর-নির্ধারণ, কর-সংগ্রহের উপায় স্থিরীকরণ ও অন্যান্য হিসাবাদি পুঙ্খানুপুঙ্খরূপে সমস্তই তাঁহার আপন দৃষ্টির অন্তর্গত ছিল। কিসে মিতব্যয়িতা ব্যবস্থাপিত হইয়া অসংখ্য মুক্ত বিগ্রহাদির অপরিমিত ব্যয় সংকুলান হইতে পারে এবং কিসে রাজপুরুষ ও ভূম্যধিকারিগণ ঠকাইতে না পারে, তত্তাবৎ দুরূহ কার্য তাঁহার অমার্জিত মেধা কি আশ্চর্যরূপেই সম্পাদন করিত ! তিনি বলিতেন; রাজকোষের সচ্ছলতা ও রাজস্বের সু ব্যবস্থা না হইলে রাজ্যের সুপালন কদাচ সম্ভবে না।

তিনি যেমন সূক্ষ্মদর্শী, তেমনি কন্ঠ, তৎপর ও মহোদ্যমশালী ছিলেন। আয়াস-সাধ্য কর্মে তাঁহার বিশেষ অমুরাগ ছিল। যে কালে ও যে রূপ সমাজে তিনি আধিপত্য করিতেন, তদ্বিবেচনায় তাঁহাকে এক জন মহান স্মরণবান ও দয়ালু ভূপালই বলা যাইতে পারে। তাঁহার নিকটে ষাঁহারা থাকিতেন, তাঁহাদের প্রতি প্রতিনিয়তই তিনি সদয় ও স্নেহ ব্যবহার করিতেন। একান্ত তাঁহার পারিপার্শ্বিকবর্গ অবিচ্ছেদে প্রায় সকলেই মনের সহিত তাঁহার প্রতি ভক্তি ও প্রীতিপরাগ ছিল। ইহা রাজস্বদায়ের

কারুণ্যাদি গুণ পক্ষে সামান্য কঠি পাথর নয় ! ফলতঃ আশ্রিত ও শরণাগত-রক্ষক রূপে তিনি প্রসিদ্ধই ছিলেন । যে কেহ যে বিষয়ের জন্য ভিক্ষা-প্রার্থী বা অনুগ্রহাকাঙ্ক্ষী হইত, সঙ্গত বোধ হইলে, তিনি তাহাকে প্রায়ই বিমুখ করিতেন না । কিন্তু যথার্থ বলিতে গেলে, সকল সময়ে সে সকল আত্মা সুরক্ষিত হইত কি না সন্দেহ ।

রাজ্যকে অনেকে লোভী সংজ্ঞা দিত । ইহা যে নিতান্তই অমূলক অপবাদ, তাহা বলা যায় না । কিন্তু সুরক্ষার অভাব এবং তাৎকালিক ( কি দেশীয়, কি ইউরোপীয় ) রাজত্ববর্গের দৃষ্টান্ত স্মরণ করিলে তিনি যে স্বার্থ লোভ রিপুকে আরও অসীমরূপে পরিচালন করেন নাই, ইহাই বরং বিশেষ প্রশংসার বিষয় । আবার, কোন কোন রাজবংশ সধকে তাঁহাকে সন্ধিভঙ্গক বিশ্বাসঘাতক বলিয়াও ইংরাজ লেখকেরা দোষ দেন, কিন্তু চতুর্ভুজ মধ্য প্রাচীন ও আধুনিক কালে সভ্যসভ্য সমাজে এমন মহীপাল একটীও দেখাও, যিনি সুযোগ পাইলে অন্য দেশস্থ হীনবল রাজ্যের সর্বনাশ না করিয়াছেন—অন্য ভূপতির সহিত পূর্ব-নির্ধারিত বা পূর্ব-সন্ধি-ভঙ্গ-দোষে দোষী না হইয়াছেন ? এ বিষয়ে পরছিদ্রাহুসন্ধারী কর্তারা—স্বয়ং সুসভ্য ব্রিটিশ রাজপুরুষেরা কি মুক্ত ? না, অগ্রগণ্য ? তাঁহারা অন্যান্য জাতির প্রতি—আর অন্য কি, রাজ্যের বংশধরগণের প্রতিই যে আচরণ করিয়াছেন, তত্তুলনার রাজ্যই তো সাধু ! ফলতঃ তাঁহার যে সব দোষ ছিল, তদ্রূপ ও তদপেক্ষাও গুরুতর অপরাধ-মালা তাৎকালিক আসিয়াহ ( ইউরোপেও, কোন্ নয় ) প্রায় সমুদয় রাজ্যের কঠভূষণ-রূপেই দেদীপ্যমান হইত ; কিন্তু তাঁহার যে অসাধারণ গুণমালা ছিল, সেরূপ প্রায় কোন রাজ-হৃদয়েই আর দৃষ্ট হইত না ।

রাজ্য সাহসী পুরুষ—স্বয়ং বীর ও বীরগণের সুদক্ষ নায়ক ছিলেন । অনেক স্থলে এরূপ সমর-কৌশল দেখাইয়াছেন যে, তিনি অতি সুযোগ্য সেনাপতি নামে ঘোষিত হইতে পারেন । প্রথম প্রথম বহু যুদ্ধে বহুস্তেও অঙ্গগলনা করিয়াছেন । কিন্তু আশ্চর্য্য এই, রণ-ভূমি ব্যতীত আর কোন স্থলে—এমন কি, বিচারস্থলে দণ্ড প্রদান কালেও—কখন যে কোন মনুষ্যের প্রাণ হনন বা তদনুমতি দান করিয়াছেন, এমন কথা তাঁহার বিপক্ষ পক্ষও কসিন্ কালে বলিতে পারে নাই । স্ত্রীরাং নিষ্ঠুরতা, হিংসা বা জিঘাংসা

তাঁহার ক্ষমতায় স্থান পাইত না। আবার, দিল্লীর সম্রাট ও কাবুলের আমীরের  
 ঞ্চার বিজিত নৃপতিগণকে তিনি এককালে পথের ভিখারী করিয়া ছাড়িয়া  
 দিতেন না, নিয়মতন্ত্র আধুনিক ইংরাজ-গবর্ণমেণ্টের ঞ্চার প্রায়ই তাঁহাদিগের  
 বৃত্তি বিধান করিতেন। অনিয়মতন্ত্র নগেচ্ছাচার-প্রণালীর একাধিপত্যে এরূপ  
 দৃষ্টান্ত পৃথিবীতে কয়টা পাওয়া যায় ?

মহারাজ বর্ষে বর্ষে ভ্রমণে বহির্গত হইয়া স্বীয় সাম্রাজ্যের প্রায় সকল  
 অংশই স্বচক্ষে দর্শন করিতেন। তত্পলক্ষে যাহা কিছু দেখিতে, শুনিতে,  
 জানিতে পারিতেন, স্বীয় সুবিশাল স্মরণরূপ পুস্তকে তত্তাবৎ তন্ন তন্ন রূপে মুদ্রা-  
 ক্ষিত রাখিতেন—প্রয়োজনমতে সে সব কাজে লাগিত। অধীন ভূম্যধিকারী  
 জারগির-ভোগী ও রাজাগণ যদি এরূপে আপনাপন অধিকার শাসন করিতে  
 পারিতেন যে, প্রজাদের দুঃখবার্তা মহারাজকে শুনিতে না হয়, তবেই তিনি  
 তাঁহাদের প্রতি মহা সন্তোষ থাকিতেন। তিনি এরূপ আর্দ্রাসকে মনের  
 সহিত ঘৃণা করিতেন। সুতরাং যাহাতে তাঁহার নিকট সেরূপ অভিযোগ  
 উপস্থিত হইতে না পারে, ভূস্বামীবর্গ তাহাতে সম্পূর্ণ চেষ্টাবান ও সতর্ক  
 থাকিতেন। তথাপি তাঁহার বার্ষিক পরিদর্শন কালে এখানে সেখানে কোন  
 কোন প্রসীড়িত দুঃখী প্রজা নৃপচরণে রোদনাশ্রু বর্ষণ করিতে ছাড়িত না।  
 সেই অন্ন রোদনেই তাঁহার স্মৃতি প্রকৃত অবস্থা জন্মোৎসব করিতে সমর্থ  
 হইত। ফলতঃ প্রধানবর্গের দুর্ভাবহারে রাজ্য মধ্যে কোথায় কি হইতেছে,  
 তদ্বিম্বরে তাঁহার চক্ষু উন্মীলিত থাকাতে প্রায়ই প্রতিবিধান ঘটত।

তিনি আর এক উপায়ে প্রধানগণের চরিত্র-গত ও বাবহার-গত আভ্য-  
 ত্তরিক ব্যাপার সকল জানিয়া লইতেন। অর্থাৎ কোন সূত্রে আপন সমক্ষে  
 তাঁহাদিগের পরস্পরের মধ্যে রাগোদ্বেক করিয়া দিয়া বা বাগ্‌বিতণ্ডা  
 বাধাইয়া তাঁহাদের মতকিঁত বচনাবলী ও ভঙ্গীর প্রতি তাঁহাদের অজ্ঞাতসারে  
 প্রহরিতা করিতেন। যদিও তাঁহারা আপনাদের গুচ রহস্য প্রকাশ করিবার  
 লোক নন, তথাপি পরস্পরের প্রতি দোষারোপ কালে যাহা কিছু বুনিয়া  
 ফেলিতেন, তাহাই রণজিভের পক্ষে যথেষ্ট হইত। যে ছিদ্র অন্তের পক্ষে  
 অগম্য, তাহার স্বাভাবিকী স্মৃতি-প্রবেশিকা-শক্তি তন্মধ্যেই প্রবেশের পথ  
 করিয়া লইত।

কনতঃ যে দেশে উচ্চ রাজবংশে জন্ম এবং রাজযোগ্য শ্রীছাঁদ ব্যতীত

পূজা হওয়া ভার—যে দেশে অসংখ্য সর্দার ও মিসলপতিরা সকলেই স্ব-স্ব-প্রধান, কাহারো নিকট কেহ অবনত হইতে স্বীকৃত ছিল না—সে সমাজে এক জন সামান্য সর্দারের পুত্র কুৎসিত কলেবর লইয়া, কোন কিছু আমিরী চালের বিশেষ ভড়ং না দেখাইয়া এবং লেখাপড়ায় সম্পূর্ণ মূর্থ হইয়াও যে এ প্রকার একচ্ছত্র রাজচক্রবর্তী হইতে পারিয়াছিলেন, ইহা কি সাধারণ মস্তিষ্কের কাজ ? একটা সামান্য মিসল-পতির উত্তরাধিকারীত্ব অবস্থা হইতে স্বীয় বুদ্ধি ও বাহুবলে রণজিৎ কি না করিয়া গিয়াছেন ? সেই ভূজবল একখানি অপকৃষ্ট দেহ হইতে উৎপন্ন—সেই বুদ্ধি-কৌশল সম্পূর্ণ নিরক্ষর ও অমার্জিত মনের সম্পত্তি ! তথাপি তাঁহার নাম, যশঃ, কীর্তি দিগন্ত-ব্যাপ্ত—যে নামে ইউরোপ পর্যন্ত বিশ্বয়াবিষ্ট ! দোদ্‌গু ইংলও তাঁহাকে আমরণ পূজা করিল ! দিল্লীর মোগলবংশের অভুল সাম্রাজ্যের ধ্বংসকারী তাৎকালিক অধিতীয় প্রতাপান্বিত মহারাজ যশোবন্ত হোল্‌কার ব্রিটিশ ক্রোধ হইতে পলাইয়া গিয়া তাঁহারই শরণাশ্রিত, তাঁহারই ভূজরক্ষিত ও কিছুকাল তাঁহারই অন্নপালিত হইলেন ; তাহাতেই সে যাত্রা রক্ষা পাইলেন ! কাবুলের কত রাজপুত্র তাঁহার রুটী খাইয়াই জীবন ধারণ করিতে লাগিলেন ! অতএব পুনশ্চ বলি “রণজিৎ না করিয়াছেন কি ?”

তাঁহার দূরদৃষ্টি নবোদিত ইংরাজ-রাজশক্তির অসীমতা দেখিতে পাইল—ভারতের অন্ত্যস্ত ভূপাল অন্ধ হইল ! তাঁহার সেই দূর-দর্শন-ক্ষমতা এত প্রবল ছিল যে, তাঁহার সকল মন্ত্রীর মন্ত্রণা উপেক্ষা করিয়াও তিনি পরম ভবিষ্যদর্শীর স্থায় ইংরাজের ভাবী ভাগ্য বৃদ্ধিতে পারিয়া ইংরাজের বিপক্ষ-রাজার পক্ষ অবলম্বন করিলেন না, অথচ তাঁহাকে ( যশোবন্তকে ) আশ্রয় দিতে কুণ্ঠিত হইলেন না ! আরো কত সময় তাঁহার গৃহীত পারিষদেরা তাঁহাকে ইংরাজের সহিত যুদ্ধ বাঁধাইবার কুমন্ত্রণা দিয়াছিল, তিনি তাহা শুনে নাই ! তেমন স্ফূর্তির কাজ না করিলে তেমন অটুট কীর্তি রাখিয়া কি তিনি ইহলোক ত্যাগ করিতে পারিতেন ? তাঁহার রাজ্য যেমন এক রণজিৎ লইয়া, ইংরাজের রক্তবীজের রাজ্য তেমন সহস্র রণজিৎ লইয়া ! এ কথা কেবল তিনিই বুঝিয়াছিলেন ! অতএব ইহাতেও অবশ্য স্বীকর্তব্য, তিনি একজন অসামান্য-মেধাবী ক্ষণজন্মা পুরুষ রূপে অবনীতে অবতীর্ণ হইয়াছিলেন !

## অষ্টম পরিচ্ছেদ ।

রাজ-পারিষদ ।

রাজ-সচিবগণেরও কিছু কিছু পরিচয় দেওয়া আবশ্যিক। রাজা ধ্যান সিংহ, জমাদার খোসাল সিংহ, ফকির আজিজুদ্দিন, এই তিন ব্যক্তিই সচিবমণ্ডলীর প্রধান ও সর্কাপেক্ষা মহারাজার অধিক বিশ্বাসভাজন ও প্রিয় পাত্র ছিলেন। রাজ্যমধ্যে আরো বহু বড় লোক ছিলেন, কিন্তু যিনি যত বড়ই হউন, ইহাদের সমকক্ষ কেহই হইতে পারেন নাই।

এই তিনের মধ্যে রাজা ধ্যান সিংহই প্রধান মন্ত্রী ছিলেন। যে স্ত্রে যেক্রমে তাঁহার ও খোসাল সিংহের অভ্যুদয় হয়, তাহা ভদ্র লোকের অকথ্য ও অশ্রোতব্য, স্মরণ্য বলিব না। ধ্যানসিংহের আর দুই ভ্রাতার নাম গোলাপ সিংহ ( যিনি পরে স্বদেশবিপক্ষ ইংরাজ-পক্ষ অবলম্বনের ফলে ৭৫ লক্ষ টাকা দিয়া কাশ্মীরাদিপতি হন ) ও সূচেন্দ্র সিংহ। এই তিন ভ্রাতার ঐশ্বর্য ও ক্ষমতা অসামান্য ছিল। অধিক কি, ধনসম্পত্তি ও রাজ্যাধিকারে ভ্রাতাত্রয় মহারাজার অপেক্ষা বড় নূনকল্প ছিলেন না। প্রভেদের মধ্যে রণজিৎ মহারাজা, তাঁহার রাজা—রণজিৎ রাজার রাজা, স্বাধীন মহারাজা, তাঁহার অধীন রাজা—তাহাও প্রায় নামে! কার্যতঃ স্বীয় স্বীয় অধিকারে তাঁহার প্রায় একাধিপত্যই করিতেন।

যদিও তাঁহার সঙ্ঘবংশ—কৃত্রিম কুলজাত—কিন্তু কোন প্রসিদ্ধ বংশ-সম্ভূত নহেন। পূর্বে তাঁহাদের ব্যবসায়-বৃত্তিও উচ্চ ধরনের ছিল না। গোলাপ সিংহ তো পূর্বে সামান্য সওয়ারের কন্ড করিয়া বেড়াইতেন। একদা গোলাপ সিংহ কোন বিবাদে একটা নরহত্যা করেন। হত ব্যক্তির স্বপক্ষ-লোকের আক্রমণ হইতে পলাইয়া আসিয়া তিনি মহারাজ রণজিতের শিবির মধ্যে প্রবিষ্ট হইলেন। রণজিৎ তাঁহার আকার দর্শনে ও বক্তৃতা শ্রবণে প্রসন্ন হইয়া তাঁহাকে অভয় দিয়া স্বীয় অনুচর-শ্রেণীভুক্ত করিলেন। ক্রমে ক্রমে গোলাপ সিংহ প্রিয় পাত্র হইতে এবং ভ্রাতা ধ্যান সিংহকে রাজানুগ্রহের শীতল ছায়ায় স্থাপন করিতে সমর্থ হইলেন। স্মরণ্য রূপবান ধ্যান সিংহ অবৈধ সেবা কৌশলে সর্কাপেক্ষা প্রিয়তম হইতে

পারিলেন। তিনি আবার তাঁহার অনুজ সূচেককে আনিয়া রাজ্যসুগ্ৰহীত করিয়া দেন।

মহারাজার হিতৈষী বন্ধু মাত্রেয়ই এইটী বড় আশ্চর্য্য বোধ হইত যে, তিনি এত সূচক, সতর্ক ও সুবোদ্ধা হইয়াও উক্ত ভ্রাতৃব্রয়ের ক্ষমতাকে এত অসঙ্গত রূপে বাড়িতে দিয়াছিলেন। ক্ষমতা এতদূর বাড়িয়াছিল যে, শেষে তাঁহার পক্ষেও সে ক্ষমতাকে যথা-সীমাবদ্ধ করিয়া রাখা মহা ভার হইয়া উঠিয়াছিল।

সাধারণের এই ক্ষমত ভাবটা ধ্যান সিংহের অগোচর ছিল না। পাছে কেহ মহারাজকে খলিয়া বলিয়া বিরূপ ঘটাইয়া তুলে, তৎপ্রতিবিধানার্থ তিনি প্রায়ই প্রভুর সমীপবর্তিতা পরিত্যাগ করিতেন না। যদি কখনো কোন কার্য্য বাপদেশে স্বল্প কালের নিমিত্তও হানাস্বর শাইতে বাধ্য হইতেন, বিশ্বাসী প্রতিনিধি না রাখিয়া শাইতেন না। তাঁহার বেতন-ভোগী, উপকার-গ্রাহী, ক্ষমতাভাগী, সূতরাং তাঁহার স্বার্থে স্বার্থবান, এমন বহু জন রাজসদনে তাঁহার হইয়া সর্কক্ষণ প্রহরিতা ও পক্ষ সমর্থন কার্য্যে নিযুক্ত থাকিত। অপর পক্ষীয় কেহ যে রাজকর্ণ অধিকার করিয়া ভ্রাতৃব্রয়ের বিরুদ্ধে সহসা মানির কথা শুনাইবে, এমন সুযোগেই সব প্রহরীর ভয়ে কাহারো প্রায় ঘটিয়া উঠিত না। তথাপি কোন শুভাকাজ্জী যদি সাহস বাধিয়া বা সুবিধা পাইয়া এই ভাবে প্রশ্ন করিতেন যে, “কেন মহারাজ উহাদিগকে এত অতিরিক্ত ক্ষমতাশালী হইতে দিতেছেন?” তদন্তরে মহারাজা বলিতেন “নাচার! আমার অদৃষ্টে এইরূপই লেখা আছে—কেবল অখণ্ডনীয় ভবিতব্যতার বশেই আমি উহাদের হস্তে আত্ম সমর্পণ করিয়াছি।” ফলে এ কথা কে বড় নিখায়া দলাও যায় না, নচেৎ পথের পথিকবৎ নিঃসঙ্গকীয় ধ্যান সিংহ যে রণজিতের আত্ম পুরুষসিংহকে মেনশাবকবৎ চালাইয়া যাহা ইচ্ছা তাহাই করিয়া লইতে পারিতেন, ইহা বিশ্বাস-যোগ্যই হইবার নয়।

রাজ্য মধ্যে এক ধ্যান সিংহই সব—ধ্যান সিংহ দ্বার-রক্ষক, ধ্যান সিংহ শরীর-রক্ষক, ধ্যান সিংহ সেনাপতি, ধ্যান সিংহ প্রধান মন্ত্রী, ধ্যান সিংহই প্রধান মন্ত্রিসভা! ধ্যানের অনুমতি বা অভিমতি বাতীত কাহার সাধা মহারাজ্যের নিকটস্থ ৩৫? কাহার সাধা কোন আর্দাস করে? পূর্বে বেক্রম বলা হইয়াছে, তদনুসারে যদিও কোন চঃখাঙ্কের ‘দোহাই’ রাজকর্ণ-গোচর



হইত ও মহারাজ তৎপ্রতিকার করিতেন, কিন্তু পরক্ষণেই সেই প্রার্থী টের পাইত যে, অগ্রে প্রধানমাত্যের শরণ না লইয়া যাওয়াটা দুর্কর্ম হইয়াছে !

ধ্যান রাজসভায়, আর গোলাপ ও সূচেন্দ্র প্রদেশ মধ্যে থাকিতেন—ইহারা প্রায়ই রাজধানীতে আসিতেন না—অগণ্য মৈত্র-শিরে সংগ্রাম এবং স্বীয় স্বীয় অধিকৃত ভাগে যদৃচ্ছাক্রমে রাজস্ব ভোগ করিতেন—কেবল অত্যাচার ও অবিচারই যে করিতেন, তাহা বলিতেছি না ; তবে যথেষ্টাচারের রাজ্যে ক্ষতি, খেয়াল ও অবস্থা ভেদে আয়াত্মায় যেমন সর্বত্রই ঘটয়া থাকে, তাহাই হইত ! তবে গোলাপ সিংহের কঠোর শাসন প্রসিদ্ধই ছিল। বিশেষতঃ লবণের ঠিকা তাঁহার একচেটিয়া থাকাতে তিনি প্রজার দৈনিক আহারেরও এক প্রকার হর্তা কর্তা ছিলেন।

ধ্যান সিংহ ঈষৎ খঞ্জ, কিন্তু পরম শ্রীমান, শিষ্টাচারী, মিষ্টালাপী, সদ্বক্তা এবং সুসভ্য ছিলেন। সমস্ত পঞ্জাবের মধ্যে (মহারাণা ব্যতীত) তাঁহার আয় রাজনীতিকুশল যোগ্য পুরুষ কেহই আর ছিল না। যেমন রাজনীতিজ্ঞ, তেমনি কৌশলী। বোধ হয়, তজ্জন্মই পঞ্জাবের শাসন-দণ্ড তাঁহারই করাস্থলীতে ঘুরিত ! আশ্চর্যের পর আশ্চর্য্য এই, তিনিও তাঁহার প্রভুর আয় নিরক্ষর ! ! তথাপি সভ্যতা ও শীলতা ও বাক্পটুতায় অদ্বিতীয় ! ! এক এক সময় এক এক অঞ্চলে এক এক প্রকার প্রতিভার উদয় হয়, তদনুসারে নিরক্ষর প্রতিভা তৎকালে একাধিক উৎখিত হন। সে যাহা হউক, যাহা বলিতেছিলাম, তাহা বলি। ধ্যান সিংহ প্রায়ই সভায় মহারাজের পশ্চা-  
 ঙ্গাগে ভূমিতে উপবেশন করিতেন—তাঁহার নিম্ন পদস্থ ব্যক্তির আসনো-  
 পাবষ্ট হইলেও তিনি ঐরূপ নম্রতা পরিহার করিতেন না। ..

জমাদার খোসাল সিংহ পঞ্জাবী নহেন, ব্রিটিস অধিকারস্থ সাহারনপুর নামক নগর তাঁহার জন্মস্থান। যৌবনে তিনি সুশ্রী ছিলেন, দুলীনের অবস্থিতি সময়ে ইতর আকৃতি ও কর্কশ প্রকৃতির তেজস্বী পুরুষ রূপে পরিণত হইয়াছিলেন। ধ্যান সিংহের প্রকৃত অভ্যুদয়ের পূর্বে দ্বার-রক্ষকতা অর্থাৎ শরীর-রক্ষকদের সর্বাধ্যক্ষতা পদ তাঁহারই ছিল—দ্বাররক্ষীও যা, প্রভুর কর্ণাধিকারীও তা ! আবার কর্ণাধিকারীও যা, প্রভুত্বাধিকারীও তা ! কিন্তু ধ্যান সিংহের আয় চতুরতা ও সতর্কতা তাঁহার ছিল না।

একদা লাহোর হইতে অমৃতসরে যাইবার নিমিত্ত তিনি মহারাাজকে

পুনঃ পুনঃ অহুরোধ ও উত্তেজনা করেন; তাহাতে চক্রাস্তের সন্দেহ হওয়াতে তাঁহাকে অধ্যক্ষতা হইতে অন্তরিত করিবার জন্ত মহারাজার সংকল্প হয়। কিন্তু অত বড় ক্ষমতালালী লোককে স্পষ্ট কিছু বলিতে না পারিয়া ধ্যান সিংহুক্ষে গোপনে দুর্গ ও রাজভবন অধিকারার্থ আদেশ করেন। ধ্যান অতি চতুর, অতি তৎপর, রাত্রিকালে স্বদলে শমনবুরুজ নামঃ রাজদুর্গ ও রাজপুরীর প্রাচীর উল্লংঘন পূর্বক বিনা বাধায়—বিনা রক্তপাতে সহজেই রাজাভিপ্রায় সুসিদ্ধ ও খোসালকে পদচ্যুত করিয়া তদবধি প্রধান পদাধিষ্ঠিত হইয়া উঠিলেন। খোসাল বুঝিলেন, বিবাদ বা বিপক্ষতাচরণ কেবল আশ্রয় নাশের সোপান মাত্র; সুতরাং চুপে চুপে সে অপমান সহ করিয়া থাকিলেন। কিন্তু মহারাজা তাঁহাকে অশ্রান্ত বিষয়ে পূর্বের শ্রায় সম্মানে ও নিম্ন-মন্ত্রীত্ব পদে রাখিতে ক্রটি করেন নাই।

রণজিতের পুত্র কুমার সের সিংহ যৎকালে কাশ্মীরের শাসন-ভার প্রাপ্ত হন, তখন তাঁহার সহকারী পদে এবং তদ্রাজ্যের দুর্বহ রাজস্ব বিভাগের সংশোধক রূপে খোসাল সিংহকে তৎসঙ্গে প্রেরণ করা হয়। খোসালকে নির্বোধ রাজকুমার আঁটিতে না পারিয়া তাঁহার হস্তেই সমস্ত কার্যভার দিয়া নিজে নিশ্চিন্ত হইলেন। খোসাল ইক্ষু-মর্দন-যন্ত্রের শ্রায় নিঃস্ব প্রজাপুঞ্জকে অধিকতর নিস্পীড়ন পূর্বক যতদূর সম্ভব রসাকর্ষণ করিয়া লইলেন। তৎকালে একে অজন্মা, তাহাতে এই নিদারুণ নিস্পীড়ন, সুতরাং ভূ-স্বর্গোপম সোণার কাশ্মীর দেশ দুর্ভিক্ষ ও দৌরাত্ম্য দাবানলে এককালে ছারখার ও প্রজাশূন্য-প্রায় হইয়া পড়িল—কতক মরিল, কতক নিজীব অবস্থায় রহিল, কতক ভিক্ষা দ্বারা প্রাণ রক্ষা উদ্দেশে হিন্দুস্থানে পলায়ন করিল! মহারাজ এই মর্মান্বিত সংবাদ শুনিতে পাইয়া খোসালের উপর অত্যন্ত কুপিত হইলেন—তদবধি বহু দিন পর্যন্ত খোসাল সিংহ রাজপ্রসাদে বঞ্চিত ছিলেন। আমাদের উপাখ্যানের সময়ে তিনি পূর্বানুকম্পার ছায়ায় পুনঃস্থাপিত হইয়াছেন। দ্বাররক্ষণ-কালে অর্থাৎ আদ্যাবস্থায় যে জগদার নামটা পাইয়াছিলেন, পরে একজন অগ্রগণ্য প্রধান সর্দার হইয়াও সে নাম ঘুচে নাই।

ফকির আজিজুদ্দিন চিকিৎসা ও ক্ষোর-ব্যবসায়ীর পুত্র। পূর্বে নিজেও তিনি পৈতৃক ব্যবসায়ে নিযুক্ত ছিলেন। প্রৌঢ় বয়স্ক পাঠক অবশ্যই জানেন যে, কিছুকাল পূর্বে (কুত্রাপি এখনও) অস্বদেশে নাপিতেরাই

অজ্ঞ-চিকিৎসক ছিল। ইহা শুদ্ধ বঙ্গদেশে নয়, সমস্ত ভারতবর্ষে এবং প্রায় সমস্ত আসিয়া মহাখণ্ডে অদ্যাপিও দৃষ্ট হইয়া থাকে। শুদ্ধ আসিয়া খণ্ডেই বা বলি কেন? ইত্যগ্রে ইউরোপেও যে ঐরূপ ছিল, তন্নিদর্শন বহু ইংরাজী গ্রন্থে দেখা যায়। অপিচ, আমরা বঙ্গীয় নাপিত জাতিকে বেরূপ চতুর, ধূর্ত, কৌশলী, চিকিৎসাকুশল, মিষ্ট রসাতাষী ও উপস্থিত বক্তা দেখিতে পাই, আসিয়া ইউরোপে সর্বত্রই সেই ক্ষৌর-ব্যবসায়ীরা সেইরূপ! এই অদ্ভুত সমতা কেবল ক্ষুরের গুণে কি অন্য কারণে হয়, তাহা আমরা বলিতে পারি না—দার্শনিক পাঠকগণ সিদ্ধান্ত করিয়া লইবেন!

সে যাহাই হউক, যিনি নাপিত ও হাকিম ছিলেন, তিনি ফকির হইলেন কিসে, তাহা প্রিয়বন্ধু তুলীন মহাশয়ের অনুসন্ধান যত দূর আবিষ্কৃত হইয়াছে, বলিতেছি।

আজিজুদ্দিন চতুর, কার্য-তৎপর ও সাহসী যুবা ছিলেন। দৈহিক বল-বীর্যে ও বুদ্ধি-কৌশলে একদল পদাতিকের, অধিনায়ক হইতে পারিয়াছিলেন। কিন্তু কোন সূত্রে দীননাথ প্রভৃতি মহারাজার হিসাবাধ্যক্ষগণের ফাঁদে পড়িয়া বিপন্ন ও সর্বস্বান্ত হইতে বসিলেন। তাঁহাদের সহিত সমকক্ষতা ভাবে বিবাদ করা বিফল ও নিজের মহানিষ্ঠ-সাধক জানিয়া অবশেষে ফকিরের ভেক ধারণ করিলেন! উত্তম শাস্ত্রজ্ঞান ও অসাধারণ বুদ্ধিমত্তা প্রভাবে অচিরে মহারাজার অনুগ্রহ আকর্ষণের সুযোগ পাইয়া অল্পকালের মধ্যেই দ্বিতীয় ধ্যানসিংহ হইয়া উঠিলেন!

তিনি রণজিতের মুখস্বরূপ। রণজিতের অকোঁচারিত বাক্য কি স্বল্প প্রকাশিত যৎকিঞ্চিৎ ইন্দ্রিতও বুদ্ধিতে ও বুঝাইতে পারিতেন। অশিক্ষিত মহারাজ সালঙ্কৃত বাক্য প্রয়োগে পটু ছিলেন না, কিন্তু ফকিরজীর গুণে সে হীনতা সর্বতোভাবেই পূর্ণতায় পরিণত হইত। মহারাজার বদন বা নয়ন হইতে অভিপ্রায়টী যেন কাড়িয়া লইয়া ফকির সাহেব তাহাকে এমন সৌষ্ঠব-সম্পন্ন করিয়া উদ্দিষ্ট পথে ছাড়িয়া দিতেন যে, যাহার ভাবাভিপ্রায়, সেই প্রভু এবং যাহাকে বলা হইত, সে ব্যক্তি, উত্তম পক্ষই মহা সন্তোষ লাভ করিতেন! তাঁহার সর্বাস্থন্দর বাক্‌চাতুর্যের প্রভাবে মহারাজার বাক্‌পাক্ষ্য মঙ্গলতা ধারণ করিত—সেই চতুরতাপূর্ণ বাগ্মীতার সহায় ব্যতীত সে কার্য মহারাজার দ্বারা কদাচই তেমন সূচাররূপে সাধিত

হইত না, স্মৃতরাং মহারাজ যেন বাঁচিয়া যাইতেন ! এ ক্ষমতাকে সামান্য বলা যায় না ! আবার যাহারা শুনিত, তাহারা ভাবিত, হয় তো মহারাজ এ সকল গুঢ় বিষয়ের পরামর্শ ফকিরজীর সহিত পূর্বেই করিয়াছেন, নহুবা একটু কটাক্ষ মাত্রেই ফকির কি এত দূর বগিতে পারিতেন ? তাহাতে তাঁহার পদমর্যাদার আরো গুরুত্ব ও মহত্ত্ব বাড়িয়া ধন মান বৃদ্ধির পক্ষে পরম সহায় হইত ; কেননা দরবারের প্রার্থী মাত্রেই তাঁহাকে অকাতরে ধন-দান ও মান-দান করিত । ফলতঃ রণজিতের বিশাল রাজ্যান্তর্গত কর্মচারী, ভূম্যধিকারী ও ব্যবসায়ী প্রভৃতি তাবল্লোকেই তাঁহাকে ও রাজা ধ্যানসিংহকে ঐরূপে পূজা না করিয়া বাঁচিতে পারিত না !

ছুলীনের সময় ফকিরজী পরিণত-বয়স্ক হইয়াছিলেন । তিনি যথার্থ ফকিরের গায় সামান্য পরিচ্ছদে দীন বেশেই দেখা দিতেন, কিন্তু ভিতরে ভিতরে অতুল ঐশ্বর্যের অধীশ্বর ! তিনি শুধু মন্ত্রী নন, রাজ-চিকিৎসকও ছিলেন ; স্মৃতরাং মহারাজার অতি প্রিয়—অতি বিশ্বাস-ভাজন । স্বভাবতঃ তিনি কুলোক ছিলেন না, বরং পরোপকারী বালিয়া প্রসিদ্ধ । তাঁহার সঙ্কল্প, স্মরণ ও স্নেহে মহারাজার অশেষ উপকার হইত ।

অন্য অমাত্যগণের মধ্যে রামসিংহ, গোবিন্দরাম ও বেণীরাম সমধিক সম্ভ্রান্ত ও প্রভাবশালী । প্রথম দুই জন সহোদর । তন্মধ্যে রামসিংহ পহল গ্রহণ পূর্বক শিখ হইয়াছিলেন । গোবিন্দরাম হিন্দুই ছিলেন । এই হেতু কেবল রামসিংহ হইতে পারিয়াছিলেন । গোবিন্দরাম মহারাজার বিশেষ আস্থান ব্যতীত প্রায় আসিতেন না । তিনি শিখ না হইলেও তাঁহার প্রতি রণজিতের এত ভক্তি যে, কখন কখন স্বয়ং তাঁহার নিকট পর্যাস্ত গিয়া পরামর্শ গ্রহণ করিতেন । এইরূপে একদিন তাঁহার ভবনে উপাস্থ হইয়া তাঁহার পিতাকে দেখিতে পাইয়া জিজ্ঞাসা করিলেন, “কেমন বাস্তিরাম, কুশলে তৃপ্তিগুণে তো আছ ? কোন্‌ধাক্ষ নিয়মিতরূপে তোমার বৃত্তি তো পাঠায় ?” তৎপরে বাস্তিরাম কহিলেন “আমি মহারাজার কোন বৃত্তিই পাই না এবং চাই না : কেননা শিখ হইতেও পারিব না, বৃত্তির স্পৃহাও রাখি না !” এবং এতদুপলক্ষে একটা কবিতা আওড়াইলেন, তাহার অর্থ ;—

“রাজ্য অধিকার তব পূর্ণ হৈল যবে,”

“এক আশ্রয় মাত্র দিলে মোরে তবে ।”

“দাসামুদাসের যোগ্য, কিন্তু নহে যেবা,”

“ধন, রত্ন, পরিচ্ছদে কৈলে তার সেবা !”

এই স্পষ্টভাষিতার মহারাজ সম্বন্ধে হইয়া পক্ষপাতী ধর্ম্মাক কোষাধ্যক্ষকে পদচ্যুত করিয়া সেই পদে বৃদ্ধ বাস্তিরামকে নিয়োগ পূর্ব্বক বাস্তিরামের মৃত্যু পর্য্যন্ত তাঁহাকে বিশেষ সম্মতি করিতেন এবং তাঁহার উক্ত পুত্রদ্বয়কে বিশ্ব-মনীয় পদে উন্নত করিতে লাগিলেন । তাঁহার অপর এক পুত্রের নাম গুরু-মুখ বা গুরুমুখ । তিনি মহারাজার প্রিয়পাত্র হইয়াছিলেন । এই ভ্রাতারয়ের রাজনৈতিক সংস্কার, ধ্যান সিংহের মতের সম্পূর্ণ বিরোধী । তজ্জন্ত উভয় পক্ষে বড় মনাস্তর ছিল ।

বেণীরাম আয়-ব্যয়-সংক্রান্ত সচিব ও প্রধান কোষাধ্যক্ষ ছিলেন । স্বীয় কর্ম্মে সুদক্ষ ও বিশ্বাসী বলিয়া তাঁহার বিশেষ খ্যাতি প্রতিপত্তি ছিল । তিনি যেমন প্রভুরত, মহারাজও তাঁহাকে তেমনি বিশ্বাস ও স্নেহ করিতেন ।

এস্থলে ইউরোপীয় কর্মচারীগণের উল্লেখ উচিত । এলাউ, কোর্ট ভেঙ্কুরা ও আবিটেবিল । বিবিধ প্রকারের সৈন্ত প্রস্তুত ও সুশিক্ষিত করিবার ভার তাঁহাদের উপর অর্পিত ছিল । মন্ত্রণাকার্য্যে ইহাদের সাহায্য গৃহীত হইত না ।

ছলীনের সময় মহারাজার তিন পুত্র । জ্যেষ্ঠ খড়্গ সিংহ অত্যন্ত দুর্বল ও নিজান্ত স্ত্রোণ—ধর্ম্মের ভেদ লইয়া বেড়াইতেন ! দ্বিতীয় সের সিংহ—যদিও বড় বুদ্ধিমান নহেন, তথাপি সাহসিকতা ও কার্যক্ষমতা, রাজপুত্র-গণের মধ্যে ইহাতেই যাহা কিছু ছিল । তৃতীয়ের নাম তারা সিংহ । ইনি অত্যন্ত ভোগাসক্ত, লম্পট ও সর্ব বিষয়েই দুশ্চরিত্র ছিলেন । এমন কি, একপ্রকার কাজের বাহির বলিলেই হয় । চতুর্থ পুত্র দলীপ—যিনি খ্রীষ্ট পদাশ্রয় গ্রহণান্তে ইংলণ্ডের রাজসভার প্রসাদ-ভোজী শূন্যবৎ তথায় যৌবন যাপন করিয়া শেষে পিতৃরাজ্যাপহারী সেই ইংরাজ বিক্রমে হর্যা হইয়া পুন-স্বার শিখ্ বন্দ্যাবলম্বনের পর কুধ ফ্রান্সাদি রাজ্যে টো টো ভাবে ঘুরিতেছিলেন ! কিন্তু এখন মৃত । ছলীনের সময় তিনি জন্মগ্রহণ করেন নাই । ওঁনতেছি, শেষে পীড়িতাবস্থায় ইংলণ্ডেশ্বরীর নিকট ক্ষমা ভিক্ষা কারয়াছিলেন ও পাইয়াছিলেন ।

## নবম পরিচ্ছেদ ।

শাসন-প্রণালী ।

পূর্ববর্তী পরিচ্ছেদ দুইটীতে যেমন মহারাজ ও সচিব প্রভৃতির কিছু কিছু পরিচয় দেওয়া হইল, এ অধ্যায়ে তদুপসংহার স্বরূপ তদুপ সংক্ষিপ্ত রীতিতে শাসন-প্রণালী সংক্রান্ত গুটিকতক কথা বলা অত্যাৱশ্যক ।

প্রথম, রাজস্ব । কয়েক বৎসর মেয়াদে রাজ্যের সমস্ত ভূসম্পত্তিতে (কুদ্র বৃহৎ খণ্ডে ) ইজারার বন্দোবস্ত হইত । আনুমানিক উৎপত্তির পাঁচ ভাগের দুই ভাগ ইজারদার ও রাজ-সরকারের প্রাপ্য—বাকী তিন ভাগ কৃষকের । প্রজার নিকট হইতে ইজারদার তাহার বেশী আদায় করিতে পারিত না । যদি করিত, তবে দণ্ডনীয় হইত । সে অত্যাচার রাজগোচর হইবারও উপায় ছিল । রাজগোচর হইবা মাত্র ইজারদারের প্রদত্ত হিসাব অগ্রাহ্য হইয়া তাহার নামে একপ অরূপাত হইত, যাহাতে সে অসন্তুষ্ট হইতে না পারে, অথচ বেশী লভ্য লাভেও সমর্থ না হয় । এই কৌশলময় দণ্ডদানের ফল অতি শুভ হইত । ইজারদার দেখিল, অনিয়ম ও দৌরাখ্যা দ্বারা প্রজার অতৃষ্টি জন্মাইয়া যাহা কিছু অতিরিক্ত আদায় করিলাম, তাহা যখন আমার ভোগে আসিল না, বরং সেই অতিরেকেরও অতিরেক দিতে হয়, তখন বুঝা কেন পীড়ন করিয়া প্রজার বিরাগ-ভাজন হই ? এই শ্রেষ্ঠ উপায়ে মহারাজ প্রজাবর্গকে বাঁচাইয়া দিতেন—তাহাদিগকে রাজস্বঘটিত জমীদারী অত্যাচার প্রায়ই সহ্য করিতে হইত না—ইহাতেই তাহাদের স্বচ্ছলতা ও সুপালন ঘটত । বোধ হয় এই জন্মই তাহার প্রতি ছোট বড় সমুদয় প্রকৃতিপুঞ্জ এত ভক্তিমান ও অনুরাগী ছিল । কোন ইজারদার নির্দিষ্ট করদানে ইতস্ততঃ করিলে অবস্থানুসারে অল্প বিস্তর কাঠিন্য় সহকারে কার্য-রুদ্ধ হইত । অথবা রাজসভায় মুরবির বলানুসারে হয় এককালে ক্ষমা, নয় তো অল্পকণ স্বল্প দণ্ড দিয়াই ত্রাণ পাইত । সমর্থ ব্যক্তি হইলে তাহাকে দ্বিতীয় সুযোগ দান জন্ম তাহার নামে বাকী টানার রীতিও ছিল ।

দ্বিতীয়, বিচার । ঐ ইজারদারই স্বীয় অধিকৃত অংশে জজ, মাজিস্ট্রেট, কলেক্টর, মুন্সেফ, প্রভৃতি ইংরাজ-রাজ্যের বিভিন্ন কর্মচারীর কার্য করিত ।

শিক্ষিত পাঠককে বলা বাহুল্য যে, বিচার-নিরপেক্ষতা বিষয়ে ইংলণ্ড সর্বাপেক্ষা অধিক উন্নত হইয়াছে। যদিও ব্রিটিশ-বিচার-বিতরণ-প্রণালী (আমরা ভারতে যাহা দেখিতেছি) নির্দোষ নহে—যদিও কেবল ঞায় ও সত্য মাত্রকেই আশ্রয় করিয়া ইংরাজ-ধর্মাধিকরণে জয়ী হওয়া দুর্ঘট—বলিও দলিল ও সাক্ষ্যাদির শতবিধ ক্ষুদ্র বৃহৎ তদ্বির ও পাকা মোক্তারের হুজুরি ও আমলা রূপ কর্তৃদকুলের রক্ষমা উদর পূরণ ভিন্ন জয় লাভ একপ্রকার অসম্ভব, কিন্তু সে সব আইনের ক্রটিতে এবং কর্তৃপক্ষের ব্যয়কুণ্ঠতা দোষে, বিচারকের দোষে তত নয়। অধুনা বিচারক মণ্ডলীর (বিশেষ বঙ্গদেশে) কেহই প্রায় পক্ষপাত ও উৎকোচ-রাহগ্রস্ত নহেন—সে পক্ষে প্রায় নিশ্চল। কেবল উপযুক্ত বেতনের বাবস্থা না থাকাতে বিচারকগণের নিম্নে সচ্চরিত্র সহকারীর অভাব ঘটিয়া অর্থী প্রত্যর্থীর সর্বনাশ ঘটে! তথাপি আমরা যেক্রপ বিচারক ও বিচার দর্শনে অভ্যস্ত, তাহাতে রণজিতের রাজ্যের বিচারক ও বিচার বিবরণ শুনিয়া যে নিন্দা করিব, তাহা আশ্চর্য্য নহে।

তথায় বিচারালয় মাত্রই অর্থাৎকর্ণের যন্ত্র স্বরূপ ছিল—উঠিতে বসিতে প্রায় সকল বিষয়েই ঞায়তঃ অঞায়তঃ প্রজার অর্থদণ্ড হইত—বিচারকগণ নিজের ও মহারাজার “নেমকের টাকা”! সূতরাং ভাক্ত বিচার নামক পদার্থের বিনিময়ে রাশি রাশি টাকা বর্ষে বর্ষে আদায় করিতেন! যাহারা হারিত, তাহাদের তো কথাই নাই; জয়ী ব্যক্তিকেও বিচারঘটিত সম্পত্তির প্রায় চতুর্থাংশ বা তদ্রূপ কোন কিছু ডালি না দিয়া নিস্তার পাইবার যো ছিল না!\*

সে দেশে বিচার ক্রয়ার্থ অথ-শ্রাদ্ধ ব্যাপারটী লোকের এত দূর অভ্যাসের তলে পড়িয়া সহজ ব্যাপার হইয়াছিল যে, বিচারক টাকা খাইয়া শীঘ্র কাজ করিয়া দিলে সম্ভষ্ট বৈ কেহই অসম্ভষ্ট হইত না! কোন কোন বিচারক উত্তম পক্ষের নিকট উৎকোচ লইতেও কিছু মাত্র কুণ্ঠিত, ব্যথিত বা লজ্জিত হইতেন না! যাহার টাকা গেল, অথচ জয় হইলনা, সেই কেবল পক্ষপাতী

\* লেখকের পাঠস্থ একজন ছষ্ট লোক ঐ টুকু পড়িয়া বলিলেন “এ যে বরং ভাল—চতুর্থাংশ বৈ তো নয়! এবং তাহাও চট্ পট্ যাহা হয় একটা হইত! আমাদের সুসভা ইংরাজ-আদালতে যে বহুকাল ধরিয়া কাটিয়া কাটিয়া যুগ পুরিয়া বহু আলাতনের পর শেষে হয় তো ঘুষ ও খরচার দায়ে সর্বস্ব হ ডালি দিয়া আসিতে হয়!” ছষ্ট বন্ধুর এ কথার সছত্তর আমা-দের উকিল, কোজিল ও ব্যবস্থাপক মহাশয়েরা দিবেন, আমি পাবিলাম না!

ও কুবিচারক বলিয়া গালি দিত । যে দেশের ধর্মাধিকরণের বিচার এত অধর্ম-মূলক ও এত দুর্মা, সে দেশে দীন ছুখীর ছুবস্থার বিষয় পরিচয় দেওয়াই বাতলা । কিন্তু বলিতে কি, আমাদের “অতি-সভ্য” সুনীতিজ্ঞ শাসন-কর্তারা যখন বিচার-বিক্রয়ের লোভটা সৎরণ করিতে ( অদ্যাপি ) পারিতে-ছেন না, তখন অশিক্ষিত অর্ধসভ্য রাজ্যে তাহার আশা করাই অগ্রায় । তথায় বরং অধিকাংশ বিষয় শালিসী বা পঞ্চায়ত কর্তৃক নিষ্পন্ন হওনের প্রাচীন প্রথা প্রবর্তিত থাকাতে অনেক বাঁচন ছিল ! এবং এই সূপ্রথার জন্মই বিচারকের দ্বারে অতন্ন লোকই যাইত ।

• তৃতীয়, শুক । বাণিজ্যের শুক হইতেই চতুর্বিংশতি লক্ষ মুদ্রা সংগৃহীত হইত । তন্মধ্যে এক অমৃতসরেই নব লক্ষ । কেবল রাজকোষের নিমিত্ত ঐ কর দিয়াই ব্যবসায়ীগণ নিস্তার পাইত না ; প্রত্যেক পার-ঘাট, রাজপথ, পণ্যস্থান ও গঞ্জাট্ট রক্ষক প্রভৃতি বহুবিধ প্রকারের রাজকর্মচারীরা— পদাতিক পদাস্ত—যাহার যেমন ইচ্ছা ও যাহার যেমন সুবিধা, সে স্বীয় কোষের উপকারার্থও কর বসাইত ! কিন্তু ধর্ম কথা বলা উচিত, হাঁস না মরে—মুলার ক্ষেৎ না হইয়া উঠে—রাজদরবার পর্যন্ত কথাটা না যায়, এরূপ বিবেচনাতেই তাহারা স্নেহে সম্বৃত্ত হইত ! তথাপি রণজিৎ সিংহ ফলিতার্থ বাণিজ্যের বন্ধু ছিলেন এবং তাহার সুশাসন শুনে পঞ্জাব রাজ্যে বাণিজ্য ব্যবসায়ের অভ্যন্তরীণ উন্নতি উঠিয়া উঠিয়াছিল ।

চতুর্থ, সৈনিক । পূর্বে যে ইউরোপীয় চারি জন কর্মচারীর নাম করা গিয়াছে, তাহারা পঞ্জাব-সৈন্য-মধ্যে নূতন পদ্ধতি, নূতন শাসন-প্রণালী, নূতন নিয়ম, নূতন-প্রকারের পদোন্নতি, নূতন প্রকারের নিয়োগ-রীতি প্রভৃতি আনয়ন করেন । তাহাতে সদ্ধারগণ অশান্ত অসম্বৃত্ত ও উদ্ধত হইয়া উঠেন । পূর্বে তাহারা নবাবী ধরণে স্বেচ্ছাচারে যাত্রা করিতেন, তাহাই হইত । এখন ইউরোপীয় প্রণালীতে কিছুই আলগা থাকিবার যো নাই—সকলই শক্তা-শক্তি—সকলই বাঁধাবাঁধি ! কাজেই তাহারা চীৎকার আরম্ভ করিলেন । কিন্তু সুবোদ্ধা ও সুখোদ্ধা রণজিৎ তাহাদের কথা শুনিলেন না ; একেবারে দৃঢ়প্রতিজ্ঞ হইয়া এ বিষয়ের “তকরার-ওয়ালার” মাত্রকেই বিশেষ শাসনে নিবন্ধ করিলেন ।

• গুরুদাস শঙ্কর মহারাজার পদাতিক, অধ্বারোহী ও গোলাদাজ প্রভৃতি



বিভিন্ন সৈনিক শ্রেণী এমত নিপুণ ও আজ্ঞাবহ হইয়া উঠিল যে, ভাগ্যহীন আসিয়া খণ্ডস্থ কোন রাজা ও কোন সম্রাটের তেমন তেজস্বী সজীব বাহিনী ও তেমন উৎকৃষ্ট সমর-সজ্জা একালে আর কখনই দৃষ্ট হয় নাই! যত দিন তদ্রূপ উন্নত অবস্থা সম্পূর্ণরূপে সিদ্ধ না হইয়াছিল, তত দিন পর্য্যন্ত মহা-রাজের যত্ন অবিচলিত ও আয়াস অপরিমিত দেখা গিয়াছিল—তত দিন পর্য্যন্ত তাঁহার প্রাণ, মন, ধন, আহার, নিদ্রা সমস্তই উহাতে উৎসর্জিত হইয়াছিল! তিনি নিজে তদ্রূপ অধ্যবসায়ী না হইলে এলাড ও ভেঙ্কুরা প্রভৃতির সাধা কি যে, এত প্রবল প্রতিবন্ধক প্রশমিত করিয়া সে কার্যে সিদ্ধ হইতে পারিতেন ?

কিন্তু একটা বিশেষ ক্রটির নিমিত্ত উক্ত ইউরোপীয় মহাশয়েরা মহা ভাবিত হইতেন। সে দোষ শুধু পঙ্কাব বলিয়া নয়, তৎকালে এ দেশে প্রায় সকল রাজসংসারেই দৃষ্ট হইত। সে দোষ অল্প কিছু নয়—সৈন্যগণের বেতন প্রদানে অমনোযোগ, অনিয়ম ও বিলম্ব। বাহিনীর সুদক্ষতা অটুট রাখিবার নিমিত্ত সৈনিকগণের একান্ত বশবর্তীতা নিত্যান্ত আবশ্যিক। আবার সেই বশতাকে ও সন্তোষকে অক্ষুণ্ণ রাখিবার নিমিত্ত অন্যান্য সাধনের মধ্যে যথাকালে বেতন বণ্টনই সর্ব শ্রেষ্ঠ উপায়। রণজিৎ সাংগ্রামিক অপরাপর সমস্ত বিষয় স্বদেশীয় সর্ব জনাপেক্ষা উত্তম বুঝিতেন। সর্দার বর্গের ঘোর প্রতিদ্বন্দ্বীতা ছেদন পূর্বক কর্মচারীগণকে ইউরোপীয় উন্নত আদর্শ স্থাপন করিতে দেওয়াতেই তাহা সূপ্রমাণ হইতেছে। কিন্তু এত বুঝিয়াও বেতনের বিশৃঙ্খলা ও বিলম্ব নিবারণে—ঐ কয়জন প্রিয় সৈন্যধ্যক্ষের বিস্তর অনুরোধেও—মনোযোগী হইলেন না, ইহার পর আশ্চর্য্য ও ক্রোধের বিষয় আর কি ? সৈন্য সম্বন্ধে ইহাই তাঁহার বিশেষ ক্রটি ছিল।

যৎকালে মুলতান প্রভৃতি বিজিত বিবিধ জনপদের লুণ্ঠিত ধনে রাজকোষ এত পরিপূর্ণ হইল যে, অর্থের মহাপ্রাভনে ধনাগার উথলিয়া উঠিতেছিল, তখনও সৈন্যসংঘের অন্ততঃ দ্বাদশ মাসের বেতন প্রাপ্য! একদা ঐ কারণে গুর্খা সৈনিকগণ বিদ্রোহী প্রায় হওয়াতে গোবিন্দগড় নামক অমৃতসরের হৃদেদ্য দুর্গ, মধ্যে মহারাজ আশ্রয় লইতে বাধ্য হইয়াছিলেন।

অর্থের অভাবেই সেনাপতি বা ভূপতিগণ এইরূপ অপমান ও উপদ্রব সহ্য করিতে বাধ্য হন। রণজিতের কিছু মাত্র অধাভাব ছিল না—রাজস্ব

বিষয়ে সর্বদাই সতর্ক, ব্যয় বিষয়ে সমুচিতরূপেই পরিমিত—গোবিন্দ গড়ের ভাণ্ডার স্বর্ণ, রক্ত, হীরকাদি মণি মাণিক্যে পরিপূর্ণ—লাহোরের “শমন বুরুজ” নামে দুর্গ ও একটি সুদৃঢ় “মসিদবাড়ী” নামা রাজকোষও ঐরূপ চাক্‌চিক্যময় রত্নে পরিপূর্ণিত—তথাপি সৈনিকেরা বেতন পাইত না ! ইহাতেই বোধ হয়, মহারাজার ইটী একটি রোগ ছিল !

যে দিবস সেনাপতিরা ভয়ঙ্কর বিজ্ঞাপন পাঠাইতেন যে, “সৈন্যগণ না খাইতে পাইয়া মরিয়া যাইতেছে” অথবা “তাহারা ঘোর অবাধা হইয়া উঠিয়াছে” তখনই যাহা কিছু চৈতন্য ও প্রতিবিধানের লক্ষণ দৃষ্ট হইত, নতুবা সম্মান্য আবেদন ও অনুরোধ-পত্র বিশেষ মনোযোগ আকর্ষণে সমর্থ হইত না ! সেই প্রতিবিধানই বা কি ? তাও কি নগদ টাকা ? তাও না—কেবল “তন্মা বা তন্মা-নামা !” অর্থাৎ সাম্রাজ্যের কোন বিভাগেব শাসনকর্তার উপর পরওয়ানা বাহির হইত—কখন কখনই তিন বিভাগের প্রতিও ঐ ভার বিভাজিত হইত !

যিনি এই আদেশ কার্যে পরিণত করিবার ভার পাইতেন এবং যাহার উপর এই বরাত হইত, তৎভয়ের ক্ষমতা ও অবস্থানুসারে হয় তাহাদের সর্বনাশ, নয় তো পৌষমাস ঘটত ! ইহার নিগূঢ় অর্থ এই ;—

যে কার্যে মহারাজার ঠিক মনোমত নয়—যে আদেশ যথার্থ আন্তরিক আদেশ নয়—কেবল দায়ে পড়িয়া আপাততঃ উত্তেজনা কাটানো মাত্র অভিপ্রায়—যাহা অপরসম্মত হৃদয়ে বাবস্তা করিতে বাধিত হইয়াছেন, তদ্রূপ বিষয়ে যিনি মৃদু বুদ্ধি চালাতে না পারিতেন, কিম্বা তাড়াতাড়ি সে কাজটা করিয়া ফেলিতেন, তাহার প্রতি রাজাস্তুরে ভয়ানক অসন্তোষ জন্মিত ! আবার, হয় তো এক বিষয়ে অদ্য বেকরূপ আদেশ ; রাত্রি অবসান হইতে না হইতেই তদ্বিপরীত ভাবের আক্রমণ ; পরক্ষণে পুনশ্চ হয় তো প্রথম প্রকারের ; আবার হয় তো সেই দ্বিতীয় কি কোন নূতন ধরনের অনুমতি প্রেরিত হইত ! একদা পঞ্চ পরিবর্তনও দৃষ্ট হইয়াছিল !

একটা দৃষ্টান্ত দিব—সৈনিক নয়, অন্য বিষয়ক—কিন্তু যথার্থ ঘটনা । কোন অধীন সর্দার স্বীয় অনুচরকে একটি ক্ষুদ্র জায়গির দিয়াছিলেন । পরে উভয়ের বিবাদ হওয়াতে সর্দার সেই অনুচরকে সেই জায়গির হইতে দূরীভূত করিয়া দিলেন । উভয়েই মহারাজার নিকট অভিযোগ উপস্থিত করিলেন ।

দরবার হইতে অনুচরের পক্ষে “ডিক্রী” দেওয়া হইল । সে ব্যক্তি প্রকুলচিত্তে অধিকার করিতে গিয়াছে, এমত সময় তাহার বিপক্ষের পক্ষে অনুকূল আদেশ আসিয়া উপস্থিত ! এই দ্বিতীয় পক্ষ অধিকার করিতে না করিতে তদঞ্চলের অন্ত্যন্ত প্রধান সর্দারগণের প্রীতি অনুমতি গেল যে, তাহারা আপনাপন সৈন্য সমাবেশ পূর্বক দ্বিতীয় ব্যক্তিকে রহিত ও প্রথম ব্যক্তিকেই স্থাপিত করেন ! এই গোলে প্রায় এক বৎসর কাটিল । তদন্তে দরবারের গুপ্ত আদেশে এক দল সরকারি সিকা হইয়া সেই জায়গারের দুর্গটী অধিকার করিয়া বসিল ! হরিবোল হরি ! সব গোল চুকিল !

“Disputes generally end in loss to both parties !”

“বিবাদের চরম, উভয় পক্ষেরই ক্ষতি !” এই মহাবাক্যই সফল হইয়া উঠিল । সে বিষয়টী তদিতরের কাহারও আর রহিল না—সরকারের হাটল ! ইহাতে তাহারা উভয়ে মিলিয়া বিদ্রোহিতা করিবার পরামর্শ আঁটিতেছে, সহসা রাজসৈন্য তাহাদের শিবিরে পড়িয়া উভয়কেই নির্জিত, ধৃত ও বন্দী করিয়া ফেলিল—বিদ্রোহের ষড়যন্ত্র গর্ভের বস্তু গর্ভেই রহিয়া গেল !

যদিও এই চিত্র সুখজনক নয়, কিন্তু ইহার একটী অসাধারণ গুণ এই যে, ইহা সত্য ! যদিও এই যথার্থ চিত্রে মহারাজার চরিত্রে কলঙ্কপাত হইতেছে, যদিও তাহার যশশক্তির পক্ষে ইহা ক্লমপক্ষ, কিন্তু আমরা কি করিব, চন্দ্র হইলেই গুরু ক্লম দুই পক্ষই ভোগ করিতে হয় ! তবে কিনা গুটীকতক কথা বিচার করিয়া দেখিলে রণজিতের এজাতীয় দোষ তত গুরু বলিয়া গণ্য না হইতে পারে, গুরুপক্ষের দীপ্তিই হয় তো উজ্জ্বলতর বলিয়া বোধ হইতে পারে !

প্রথমতঃ । স্বরণ করুন, সুশিক্ষা তো বহু দূরের কথা, শিক্ষা যাত্রাই রণজিত বঞ্চিত ।

দ্বিতীয়তঃ । বাল্যাবধি জন্মভূমিতে ও চতুঃপার্শ্বস্থ সমুদয় রাজ্যে—কাবুল, পারস্ত, তাতার ও ভারতবর্ষের অসংখ্য জনপদে—কিরূপ দৃষ্টান্ত দেখিতে ছিলেন ? যে কালে তিনি সাম্রাজ্য স্থাপন করেন, তখন পঞ্জাবে পরস্পর-বিরোধী বহু বহু স্বেচ্ছাচারী, স্বাধীন মিসলপতি ও ক্ষুদ্র ক্ষুদ্র অধীন ভূম্যধিকারী ও “সর্দার” নামধারী মাত্রেরই জালায় সর্বশ্রেণীর লোকই নিতান্ত দগ্ধ ও উৎপীড়িত কি হইতেছিল না ? তিনি সমস্তই আত্মসাৎ ও একীভূত করিয়া সেই অনন্ত উৎপাতের অন্ত করেন !

তৃতীয়তঃ। গ্রীক-দিগ্‌জয়ী আলেকজান্ডার, রোমীয় মহাবীর সিজার, ফরাসি শূরেন্দ্র নেপোলিয়ান এবং ব্রিটিশ নায়ক ক্লাইব প্রভৃতি ভূমণ্ডলের বড় বড় সাম্রাজ্য-স্থাপয়িতাগণ ন্যায়াচরণকে জীবনের আদর্শ করিলে কি কেই সব মহা রাজ্য প্রণয়নে সমর্থ হইতেন? দিগ্‌জয়ী মহিপালগণের মধ্যে এ বিষয়ে কে ধার্মিক? কে পরস্বাপহরণে বিরত? কে নাশ্য লইয়াই সন্তুষ্ট? আমি তাঁহাদিগের দোষ দেখাইয়া রণজিৎকে নির্দোষী বলিতেছি না—আমি বলিতেছি, তাঁহাদের অপেক্ষা রণজিৎ অধিক দোষী নহ—অধিক তিরস্কার-ভাজন হইতে পারেন না। ইংরাজ-লেখকগণ দুর্ভাগ্য ভারতবাসীদের অপরাধ বিচার কালে এককালে ইউরোপীয়দের তদ্রূপ বা তদপেক্ষা গুরুতর দোষও ভুলিয়া যান—ভুলিয়া গিয়া বলিয়া ফেলেন “এ দেশীয় রীতাসুসাদের রণজিৎ অমুক দোষে দোষী—অায় বর্জিত ও লোভী ইত্যাদি!” যেন অন্য় ও লোভ, ও পরস্ব-হরণ আসিয়ার রাজস্ববর্গের স্বাভাবিক ধর্ম, যেন ইউরোপীয় কীর্তিচাঁদেরা তাহার নাম গন্ধও জানেন না! এইরূপ ছিদ্রা-বেধী লেখক মহাশয়দের প্রবোধার্থই ঐ কয়টা কথা উল্লেখ হইল—রণজিতের দোষোদ্ধারের নিমিত্ত তত নয়। আমরা জানি, যে দেশেরই দিগ্‌জয়ী হউন, দিগ্‌জয়ের অর্থই পররাষ্ট্র জয়—নব সাম্রাজ্য-নিষ্কাশের অর্থই পররাজ্য হরণ! তাহার দৃষ্টান্ত জন্ম অন্য় যাইতে হইবে না—অন্য় কালের চিত্রও ভুলিতে ভুলিতে হইবে না, এই বর্তমান ইংরাজ ভূপালের ভারত-সাম্রাজ্য গঠনেই দেদীপ্যমান! ইংরাজ যদি মুর্শিদাবাদ, দিল্লী, লক্ষৌ, পঞ্জাব, সেতারা, বর্মা প্রভৃতি অপহরণ না করিতেন, তবে কি এত বড় সুবিশাল সাম্রাজ্যটি ইংলণ্ডের মুকুটে প্রধান রত্ন রূপে ধক্ ধক্ করিতে পারিত? তেমন, রণজিৎ যদি বাহিরের ও ভিতরের সর্দারগণকে সেইরূপে বঞ্চিত না করিতেন, তবে কদাচই অমন সুদৃঢ় সাম্রাজ্যের পত্তন দিতে পারিতেন না।

চতুর্থতঃ। যখন তাহার অভ্যুদয় হইল, তখন দেশে কি দেখিলেন? কি পাইলেন? দেখিলেন, “জোর যার, রাজ্য তার!” যেন এই কুনীতি সমর্থনার্থই ক্ষুদ্র ক্ষুদ্র ভূপতি বা সর্দারগণ পরস্পরে, লাঠালাঠি, কাটাকাটি, গুটালুটি করিতেছেন! তাহাতে প্রজাকুল ধন, মান, প্রাণ, জাতি ও ধর্ম লইয়া মহা ব্যাকুল—তাহাতে জনপদ জন-শূন্য; গ্রাম নগর শ্রীশূন্য; বাণিজ্য-ধর্ম ব্যবসায় শূন্য; লোকালয় মাত্রই শান্তি-শূন্য হইয়া কেবল দহ্মাপূর্ণ ও

জঙ্গলাকীর্ণ হইয়া উঠিতেছে ! অবস্থা দেখিয়া বুঝিলেন, সেই সমস্ত ভূখণ্ড এক জনের সবল বাহুরক্ষিত হওয়া ভিন্ন অন্য কোন উপায়েই পূর্ন গৌর্ভব-সম্পন্ন হইতে পারে না। ভাগ্য ও যোগ্যতা মিলিত হইয়া তাঁহার বাহু যুগলকেই সেই প্রার্থনীয় বলে বলী করিল। তিনি তৎক্ষণাৎ ভাগ্য-দত্ত ও যোগ্যতা-লব্ধ সুযোগকে বহু যত্নে বন্ধিত করিয়া মহা বলবন্ত একছত্রাধিপতি হইয়া উঠিলেন ! অধিপতি হইবা মাত্র শ্রীলঙ্কা গ্রামনগরাদির পুনর্জীবন-দান ; ধর্ম্ম ও সামাজিক ক্রম স্বাধীনতা-দান ; দলান্ত দল্য প্রভৃতির হস্তে প্রকৃতি-পুঞ্জকে অভয়দান ; বাণিজ্য-ব্যবসায়ের বিস্তৃতি বিধান দ্বারা সর্বত্র বিবিধ সুখদানেও সমর্থ হইয়া অসাধারণ বুদ্ধি ও প্রজ্ঞা-হিতৈষিতার পরিচয় দিলেন !

এইরূপ বহু বহু মহৎ গুণাবলীর মধ্যে পূর্কোক্ত যে সব দোষ লক্ষিত হইত, তাহাও পূর্কোক্ত অবস্থা সমূহ ও কালক্রম কারণে, বা উপযুক্ত উপকরণের অভাবেই ঘটিত—তাঁহার প্রকৃতিগত দোষ জন্ম ততটা নয়। তিনি যদি ইউরোপে গিয়া একবার কিছু দিন থাকিতে পারিতেন—তাহা না হউক, যদি ইউরোপীয় সুমন্ত্রীর আয় দুইজন মাত্র সুপরামর্শদাতা সচিব পাইতেন—তাহা না হউক, যে সব সভাসদ মণ্ডলীতে তিনি পরিবৃত ছিলেন, তাঁহারা যদি আধুনিক সুশিক্ষিত দেশীয় মন্ত্রীবর্গের আয় ধর্ম্মভীরু ও সচ্চরিত্র হইতেন, তবে নিশ্চয়ই ঐ সমস্ত দোষের চারিভাগের অন্ততঃ তিন ভাগও ঘটিতে পারিত না ! মনুষ্য অবস্থা ও শিক্ষার দাস, তাৎকালিক অবস্থা ও শিক্ষার দোষেই যাহা কিছু অশুভ ঘটাইয়াছিল। নতুবা প্রকৃতি তাঁহাকে বথার্থ মহৎ ভূপতির লক্ষণে ভূষিত করিয়াছিলেন, কেবল মানব-কৃত বাধাতেই সে সকল উচ্চ গুণ সকল স্থানে ও সকল সময়ে সম্পূর্ণরূপে স্ফুট পাইতে পারে নাই।

তথাপি তিনি যে সুপালক নরনাথ ছিলেন, তাহার তিনটা প্রমাণ জাজন্মান। প্রথম ;—তাঁহার প্রতি সর্বসাধারণের আন্তরিক অনুরাগ ও ভক্তি—তাঁহার নামে বিশিষ্টরূপেই “দেশের মুখে যশের বাগান !” দ্বিতীয় ;—প্রতি বর্ষেই প্রচুররূপে বাণিজ্যের উন্নতি। তৃতীয় ;—ইংরাজাধিকৃত সুখময় রাজ্য, অতি নিকটে, তথাপি তাঁহার অধিকার-সীমা ত্যাগ করিয়া এক প্রাণীও ব্রিটিস ভারতে কখনই যায় নাই ! পৌড়ন পাইলে কি ইহা সম্ভবে ? বাণ্ডয়া দূরে থাকুক, বরং প্রতিদিন তাঁহার অধিকার মধ্যেই প্রজার সংখ্যা-বৃদ্ধি দৃষ্ট হইত ! ইহা আমার নিজের মনগড়া প্রশংসাবাদ নহে,

সুপ্রসিদ্ধ স্মার হেনেরি লরেন্স প্রভৃতি ইংরাজ লেখকেরাই ইহা লিখিয়া গিয়াছেন ।

কিন্তু আর না—এরূপ ঐতিহাসিক তত্ত্ব আর না । আমি তো নিরবচ্ছিন্ন ইতিহাস শুনাইতে বসি নাই ! যে যে বিষয়ের স্বরূপ বর্ণনা ভিন্ন প্রিয় বন্ধু দুলীনের জীবনী বৃত্তিতে পাঠক সাধারণের অসুবিধা সম্ভব, কেবল তদ্বিবরণই উদ্দিষ্ট—এক্ষণকার মত তাহা সিদ্ধ হইল । কেবল পঞ্জাবী লোকের তাৎকালিক সাধারণ চরিত্র সম্বন্ধে দুই চারি ক্ষুদ্র বাক্য অবশিষ্ট ।

• রণজিতের পূর্বে অত্যাচার ও অরাজকতাই রাজা ছিল । যদি কেহ ইহার বিস্তারিত বিবরণ জানিতে ইচ্ছা করেন, তিনি যেন স্মার জন্ ম্যালকম মহাশয়ার লিখিত পঞ্জাব-বিষয়ক প্রবন্ধটি পড়িয়া দেখেন । ফলতঃ সেই অরাজকতা ও অত্যাচার নামা নিষ্ঠুর শাসকদ্বয়ের প্রভাবে পঞ্জাববাসী ও তৎপার্শ্বস্থ জনগণ এক পক্ষে এমন এক প্রকারের ঔদ্ধত্য ও অপর পক্ষে এমন নীচ শঠতাদিতে শিক্ষিত হইয়াছিল যে, যথার্থ ভদ্রতা ও ভদ্রলোক প্রায়ই ছুপ্রাপ্য হইয়া উঠিয়াছিল ! অধিকাংশ লোক মিথ্যা প্রয়োগে এত অভ্যস্ত হইয়াছিল যে, বিনা স্বার্থে ও বিনা কারণে অনায়াসেই কেবল মিথ্যা কহিতেই ভালবাসিত ! তাহাদের সহিত বিশেষ সতর্ক ব্যবহার না করিলে পদে পদে বিপদের সম্ভাবনা ছিল ।

### দশম পরিচ্ছেদ ।

সহব সিং ও চৈতন ।

অতি প্রভাষে—এমন কি, রজনীর অবগুষ্ঠন মোচন হইতে না হইতেই দুলীন অস্বাভাব্যে পাত্তব্রমণে বহির্গত হইতেন ।

প্রথম দিন একাকী গিয়াছিলেন, বস্তু ধনু তখন উঠে নাই । বস্তু উঠিয়া শুনিয়া সাহেব বায়ু-সেবনে গমন করিয়াছেন । এমন অপরিচিত দেশে এত ভোরে প্রভুর একা নিষ্ক্রমণ বুদ্ধি বুদ্ধ নয় ; বিশেষতঃ নন্দ সিংহের শত্রুতা স্মরণ হওয়াতে বস্তু মহা উৎকণ্ঠিত ও মনে মনে অপ্রতিভ হইল । প্রভুর পূর্বে শয্যা ত্যাগ করে নাই, ইহাই অপ্রতিভ হওয়ার কারণ ।

পরবর্তী উষার প্রাকালে ছলীন যখন বহির্গত হন, দেখেন বন্নু ধন্নু উভয়েই স্ব স্ব অশ্বপৃষ্ঠে প্রস্তুত। দেখিয়া মনে মনে মহা তুষ্ট হইলেন, কিছুই বলিলেন না; তাহাদের অগ্রগামী হইয়া প্রান্তরাভিমুখে চলিলেন।

অর্ধ ক্রোশও অতিক্রম করেন নাই, বন্নু-পার্শ্বস্থ তিমিরাচ্ছন্ন আশ্রবাগান হইতে সহসা একটা তীর আসিয়া তির্য্যগ্ভাবে তাঁহার মস্তকে লাগিয়া মস্তকের টুপিটা লইয়া বহুদূরে নিক্ষেপ করিল। তীরটা আর একটু নিম্ন মুখে আসিলেই সর্কনাশ ঘটাইত!

বন্নু তীরের উৎপত্তি-স্থানাভিমুখে তীরবেগে অশ্ব চালাইল। কতক দূরে একজন শিখ-বেশী লোককে পলায়ন-পরায়ণ দেখিয়া কয়েক মুহূর্ত্ত মধ্যেই তাহার সন্নিহিত হইল। অতিক্রম অসাধ্য জানিয়া, ছুরায়া অসি মোচন পূর্ব্বক বন্নুর সহিত যুদ্ধ আরম্ভ করিল। তখনই ধন্নু আসিয়াও যোগ দিল। যুদ্ধ করিতে করিতে বন্নু ডাকিয়া বলিল, “শুন ধন্নু! যদি আমাকে অপমানিত করা তোমার অভিপ্রায় হয়, তবেই তলয়ার খুলিবে। নচেৎ চুপ করিয়া দাঁড়াইয়া দেখ—এই গোলামের জন্ত ছজন!”

বলিতে বলিতে প্রভু ছলীনও তথায় আসিয়া উপস্থিত। ছলীন ছর্কৃত্ত শিখকে ডাকিয়া বলিলেন “দেখ্ছিষ্ তো, আমরা দলে বলে পুট, কেন মিছে পাগলামি করে নষ্ট হবি, অস্ত্র ফাল্, ভয় নাই, প্রাণে মা'র্কো না।”

সে তখন একটা দারুণ প্রহার পাইয়াছে, তাহার বাম বাহু হইতে বস্ত্র ফুঁড়িয়া রক্ত দেখা দিতেছে, কিন্তু সাংঘাতিক আঘাত বোধ হইতেছে না। ছলীনের বাক্যোত্তরে সে কাতর-স্বরে বলিল “তবে সাহেব তোমার লোককে নিষারণ কর।” ছলীন কহিলেন “আচ্ছা বন্নু, যেই মাত্র এ অস্ত্র ফেলিবে, তুমিও নিরস্ত হইবে।” বলিবা মাত্র শিখের অসি ভূপৃষ্ঠে পতিত হইল, বন্নুর উখিত অস্ত্র অমনি উর্দ্ধেই রহিল। তৎক্ষণাৎ ধন্নু গিয়া শিখের তীর ধন্নু কাড়িয়া লইল। বন্নু বলিল “এখনও বিশ্বাস নাই, ছোরা লুকানো থাকিতে পারে।” বাস্তবই তাহা ছিল। বন্নু ধন্নু তাহার কোমরবন্ধ হইতে একখানি শাগিত ছুরিকা বাহির করিল।

তখন ছলীন তাহাকে প্রিয় বাক্যে অভয় দান এবং সে যাহা বলিবে, সে কথা গোপনে রাখার অঙ্গীকারাদি কৌশলে তাহার নিয়োগকর্তার নাম জানিয়া লইলেন। বন্নুর সন্দেহই সত্য হইল। পূর্ব্বদিন ছলীন একাকী

ভ্রমণে বাহির হইয়াছিলেন, ছুরায়া নন্দ সিং তাহা শুনিতে পাইয়া তিনি প্রতাহই দ্রুতপে একা বাহির হইবেন ভাবিয়া, এই হত্যাকারী তীরেন্দাজকে নিষ্কৃত করিয়াছিল। সে যদি দৈবাৎ ধরা পড়ে, তবে নিয়োগ কর্তার নাম না করে, এ কারণ পহলের গুরুতর শপথ পর্যাস্ত করাইয়া লইয়াছিল।

কিন্তু তুলীনের অসম্ভব মহৎগুণ দেখিয়া তীরেন্দাজ মোহিত ও ভক্তিরসে আর্দ্র হওয়াতে তাহার আত্মা হেলন করিতে পারিল না—শপথ ও নন্দের উপরোধ উপেক্ষা করিয়া ও নিয়োগকর্তা নন্দের নাম বলিয়া দিল।

তুলীন বলিলেন “যত পাপ আছে, নরহত্যার ত্যার মহাপাপ আর কিছুই নাই, তাও কি তুই জানিস না? এখন আমি যদি এর শাস্তি দিই, কি মহারাজার দরবারে তোরে উপস্থিত করি, তবে বল দেখি তোর কি হয়? তুই এমন কাজ কেন করিল?”

তদন্তরে তীরেন্দাজ দুঃখ-গম্ভীর-স্বরে কহিল “কি করি, সাহেব, পেটের দায়ে সব ক’র্তে হয়!”

তুলীন তাহার অবস্থাদির তাবৎ কথা জিজ্ঞাসার পর কহিলেন “সত্যই কি তবে পেটের দায়ে এই দুঃস্বপ্ন স্বীকার ক’রেছিস?”

তীরেন্দাজ বিবিধ শপথ পূর্বক দৃঢ়রূপে পূর্ব বাক্যেরই সমর্থন করাতে এবং তাহার ভাব লক্ষ্যে, সে যে সত্য কথাই বলিতেছে, প্রত্যয় হওয়াতে দয়ালু তুলীন দয়াদ হইয়া তাহাকে কিছু অর্থ দিলেন এবং কহিলেন “দ্যাখ্, তুই আমার প্রাণ হরণ ক’র্তে এসেছিলি, তোর প্রাণ নিলেও আমার অধর্ম হয় মা, তবু তোরে দুঃখী জেনেই ক্ষমা ক’ল্লেম, আর আপাততঃ যা সপে ছিল, তোর খোরাকির জন্ত দিলেম। আবার আমার বাসায় গেলে তোর বাবসায়ের মত কিছু পুঁজি ক’রে দিব, কিন্তু সাবধান, এমন কুকর্ম, কি কোন রকম দুঃস্বপ্ন আর কখনই করিস নে।”

সে ব্যক্তি সজল-নরনে তুলীনের মুখপানে কিম্বৎক্ষণ চাহিয়া থাকিয়া স্বীয় বক্ষে চপেটানাত পূর্বক বাষ্প-গদগদ-স্বরে বলিল “না, সাহেব, কোন কুকর্ম তো আর কখনই ক’রো না, ব্যবসায়ও ক’রো না, তোমার কাছে পুঁজির টাকাও আর নেব না। যে খল পাপিষ্ট আমায় পাঠিয়েছে, সে স্বীকার ক’রেছে, আমি পারি না পারি, আমাকে ক’র্ম দেবে! আমি তার কাছে ক’র্ম নেব, নিয়ে দেখ্বেন তখন কি করি!”



হুলীন চমকিয়া উঠিয়া বলিলেন “কি তারে খুন ক’রিস নাকি ?”

সে কহিল, “না, তা কেন ? কোন ছক্করই আর ক’রো না, তাতো ব’লেছি। আমি এই জন্তে তার চাকরী স্বাকার ক’রো যে, সে যখন আপনার মন্দ কর্কার কোন মতলব ক’রে, অবশ্যই আমি টের পাব—টের পেলেই আপনিও জান্তে পারেন—আ’জ্ অবধি আমার প্রাণদাতার কাজেই প্রাণ মন সমর্পণ ক’ল্লোম !” এই বলিয়াই উত্তরের অপেক্ষায় না থাকিয়া সেলাম করিয়া তীর ধনুক তরবার লইয়া তীর বেগে চলিয়া গেল। তাহার নাম জহর সিং ।

এ দিকে আশ্রোদ্যানের সমীপে এই কাণ্ড, ও দিকে হুলীনের বাসোস্থান-সমীপে আর এক ব্যাপার। সৈনিক রীত্যনুসারে ফটকে এক এক জন সিপাই পর্যায়ক্রমে বন্দুক সাজ্বিন স্বক্কে দিবারাত্রি প্রহরিতায় নিযুক্ত। এই সিপাই হুলীনের সঙ্গীদলের লোক, মহারাজার ভৃত্য নয়। বঙ্গুর’অনুরোধে ও কালিকাজীর পরামর্শে এই পাহারার ব্যবস্থা হয়। ভেঞ্জুরা এবং এলাউ মহাশয়দের ফটকেও ঐরূপ পাহারা ছিল।

ঐ প্রভাতে পাহারার সিপাই একা ছিল না—উষা ও প্রদোষের প্রহরীকে প্রায়ই একা থাকিতে হইত না—তাহার সঙ্গিগণ ফটকের নিকট এক প্রকাণ্ড বটবৃক্ষ মূলে আপনাদের ব্যায়াম-স্থান প্রস্তুত করিয়াছিল, ঐ প্রভাতেও অনেকে তথায় মল্লক্রীড়াদিতে নিযুক্ত ছিল।

এমত সময়ে ফটকে একজন অপরিচিত লোক আসিয়া উপস্থিত। লোকটা প্রোচবয়স্ক, উজ্জল শ্রামবর্ণ, একহারা, নাতিখন্স নাতিদীর্ঘ, গৌপ-দাড়ী-হীন, অল্প শ্রীর্জাদ-বিশিষ্টও বটে—নাও বটে! কারণ নাসা যেমন দীর্ঘ, চক্ষু তেমন নয়! কপাল খানি যেন কিছু উঁচু; নাসিকার মধ্যস্থলও বেস উঁচু, তহুপরি একটা শুভ্র তিলক চক্ চক্ করিতেছে!

তাহার বৈশ ভূষা নিতান্তই নূতন ধরণের—মাথায় একটা পাগড়ী, কিন্তু শিখ বা হিন্দুস্থানীদের, গায় নহে; একখানা শাদা ধূতির এক মুড়া টুপির কাজ করিতেছে, অবশিষ্ট সমুদয় অংশ জড়াইয়া পগ্গ রচিত হইয়াছে—ঠিক যেন কলিকাতার কানথুস্কিওয়ালার পরামাণিক! \* পাগড়ীর আশে পাশে

\* নব্বা বঙ্গীয় যুরকদের গোচরার্থ বলা আবশ্যক যে, আমাদের সে কালের কর্তারা কেহ কেহ এইরূপ পাগড়ী বাধিয়া আকিসে বাইতেন।

খাট খাট : কৃষ্ণবর্ণের চুল দেখা যাইতেছে এবং পশ্চাত্তাগে শিখার একটু লেজও ঝুলিয়া বাহিরে পড়িয়াছে ! দক্ষিণ কর্ণের উপরিভাগে একটা কলম গোঁজা আছে—দুটা কর্ণেরই নিম্ন অংশে দুটা ছিদ্র—সেই দুটা ছিদ্র মধ্যে ক্ষুদ্র দুইটা খড়িকা—সেই খড়িকাদ্বয়ের যতটুকু দেখা যাইতেছে, ততটুকুই মলায় আবৃত থাকা প্রযুক্ত বিবর্ণ হইয়াছে ! গলায় মাঝারি গোছের তুলসী-কাঠের মালা—সে মালা তেলে পাকিয়া চক্ চক্ করিতেছে—সে মালায় ও মালার সূত্রে তৈলাক্ত ধূনার মলা ধরিয়াছে—সে মালা দুই তিন স্তবকে পরা—সে মালার সকল অংশ দেখা যাইতেছে না, চাপকানের কণ্ঠির উপরে এক স্তবকের একটু ও বকের দক্ষিণাংশে চাপকানের জোড়ের মুখে অপর স্তবকের আর একটু দৃষ্ট হইতেছে ! কারণ, চাপকানটা বোতামদার নয়, বন্ধ-ওরালা, তায় আবার উপরের ঘুন্টি ছিঁড়িয়া যাওয়াতে বন্ধস্থলের কতকটা দেখার পক্ষে কোন অসুবিধা হইতেছে না—বিশেষ, চাপকানের নিম্নে অল্প ~~করা~~ রাখা দ্বারা অঙ্গ ঢাকা ছিল না ! আবার, চাপকানের একটা হাতা যত লম্বা, অপরটা তত নয় ; বোধ হয় একটার অগ্রভাগের কাপড় ছেঁড়া ফুটা হইয়া থাকিবে—পুরুষের রাগ—ছেঁড়া অংশটুকু এককালে ছিঁড়িয়া দূর করিয়া ফেলিয়াছেন ! ফলতঃ চাপকানটা বিনদি—আধুনিক নয়—অনেক স্থানের রিপু ও ফাটাকুটাতেই তাহা স্পষ্ট প্রকাশ ! কটি হইতে, জামুর কিছু নিম্নদেশ পর্য্যন্ত এক খানি শাদা ধূতি পরিধান—কোঁচাটা গোছানো গাছানো কোঁচানো বটে ! পায়ের চটি জুতা, মোজা নাই । বিনানা জোড়াটাও বিনদি; সূতরাং ফটক ফটক শব্দে রাস্তার ধূলা আর রাস্তার না রাখিয়া অধিকারীর মস্তকেই ভুলিয়া দিতেছে !

ওহো ! উত্তরীয়ের কথা বলিতে ভুলিয়াছি ! একখানি মুড়িশেলাই মল-মলের চাদর—ধূতি চাপকান অপেক্ষা বহুগুণে সফেদ—কিন্তু বোধ হয়, বহুকাল বোচকাবন্ধ ছিল, নচেৎ তাহার স্থলে স্থলে জরদ আতা কেন ? চাদরখানি চোড়াভাবে দিবা পাট পিট করা—উভয় কক্ষের মধ্য দিয়া বন্ধে মিলিয়া ঢেরাভাবে নগল স্কফের উপর দিয়া পৃষ্ঠদেশে দ্বিভাগে ঝুলিতেছে !

ইরূপ অপরূপ পরিচ্ছদধারী অপরিচিত আগন্তুক ফটকে আসিয়া অস্বস্তিগায় একবারে অভ্যস্তরে প্রবেশোদ্যত । গ্রহরী নিবারণ পূর্বক বলিল “কে তুমি—কোথা যাইবে ?” উত্তর হইল “যে হই না, সাহেবের

কাছে যাব।” একে ঐ বেশ, তাহাতে চোটালো কথা, প্রহরীরা যত সন্তুষ্ট হইল, বুঝাই যাইতেছে। কোন পরিচয় দিবে না, অথচ জোর করিয়া যাইতেও ছাড়িবে না, দেখিয়া প্রহরিগণ বল প্রকাশের উপক্রম করিল।

তখন মহা বিরক্ত হইয়া সান্তিমানে বিড় বিড় করিয়া এইরূপ স্বগত হইতে লাগিল—“আমাকে কি অপমান কর্তে কালিফাজী পাঠায়েন? আমি দরবারে পর্য্যন্ত না বলা, না কওরা, চ’লে যাই; তাঁদের আপনাদের বাগানে এই অপমান!” প্রহরীরা পাগল ভাবিয়া তাঁহাকে লইয়া ঠাট্টা বিক্রম চালাইতেছে, এমত কালে বঙ্গু ধনু সমভিব্যাহারে হুলীন সাহেব তথায় আসিয়া উপস্থিত।

সাহেবকে দেখিবা মাত্র একেবারে নমিত ধনুকাকারে নত হইয়া “গুড মর্নিং” বলিয়া মহাড়ম্বরে সেলাম বা কুর্নিস বা শ্যালিউঠ যাহা হউক একটা হইল! কথা তো অল্প, কিন্তু ভঙ্গীই সব! হুলীন তাঁহার ভঙ্গী দর্শন ও ইংরাজী শ্রবণ মাত্রই বুঝিতে পারিলেন কে! তথাপি বিশেষজ্ঞ হওনাভি-প্রায়ে অশ্বের বেগ থামাইয়া ইংরাজীতে নাম ধামাদি বিষয়ক কথোপকথন করিতে করিতে শনৈঃ শনৈঃ ভবনাভিমুখে চলিলেন। পাঠকমণ্ডলী চৈতনের ইংরাজী বিদ্যার ব্যুৎপত্তি বিষয়ে পাছে সন্দিহান থাকেন, সেই সন্দেহ সম্ভাষণরূপে দূর করণার্থ হুলীনের সহিত এই প্রথম সাক্ষাতের সময় তিনি যেরূপ অপূর্ব আলাপ করিয়াছিলেন, প্রিয়বন্ধুর পুস্তক হইতে তাহার নমুনা স্বরূপ দুই চারিটা পদ-বিশ্রাস উদ্ধার করিতেছি। তাহাতে নব্য পাঠকমণ্ডলী তখনকার ইংরাজী-নবিসীদের উচ্চারণ-পদ্ধতির আভাসও কিঞ্চিৎ পাইতে পারিবেন।

হুলীন। Who and what are you? (তুমি কে এবং কি?)

চৈতন। (পুনশ্চ সেলাম পূর্বক) ম্যাষ্টার ম্যাঙ্কেড্ মি হু ম্যাণ্ডো হোয়াট্ স্টাই? ম্যাষ্টার কি, নট্ সি মি ম্যান? (ম্যাষ্টার আমাকে জিজ্ঞাসিতেছেন, কে এবং কি? ম্যাষ্টার কি আমাকে দেখিতেছেন না মানুষ?)

হুলীন। (সহাস্ত্রে) “Yes, you seem to be a man, but what sort of man are you?” (হাঁ, তোমাকে মানুষ বলিয়া বোধ হইতেছে, কিন্তু তুমি কি প্রকারের মানুষ?)

চৈতন। “আই ম্যান্ আভ্ বেঙ্গল—আই ম্যান্ আভ্ ফকিরজী—

নো ( Now ) ম্যাষ্টারসেঁ মোষ্টো ওবিডিয়েন্টে স্তার্ত্যাণ্টো ! \* ( আমি বাঙ্গালার মানুষ—আমি ফকিরজীর মানুষ—এখন আমি ম্যাষ্টারের অত্যন্ত বাধ্য ভৃত্য ! )

• এইরূপ অদ্ভুত ইংরাজীতে নাম, জাতি, পেশা ইত্যাদি পরিচয়ের পর ছলীন যখন জিজ্ঞাসা করিলেন ; “তুমি এখন কোথায় হইতে আসিয়াছ ?”

চৈতন। ( তর্কতরে ) আই কমিং কালিফাজীস্ য্যাট্ কম্যাণ্ডো ! ( আমি আসিয়াছি কালিফাজীর আজ্ঞাতে ! ) †

ছলীন। Why have you been sent here ? ( তোমাকে কি জন্য এখানে পাঠানো হইয়াছে ? )

এই কথায় একবারে সিহরিয়া—একপ্রকার লাফাইয়া উঠিয়া—বিশ্বয় বিস্ফারিত নেত্রে এবং পরক্ষণেই বিষাদের মালিণ্ড-মণ্ডিত বদনে পুনঃ পুনঃ ঘাড় নাড়িতে নাড়িতে—ও ! ব্যাড্ ফ্যাচুর্ন !—ও ! ব্যাড্ ফ্যাচুর্ন !—ম্যাষ্টার্ য়াস্কেড্ ( asked ) নো ( now ) হোয়াই মি সেণ্ডো ? ( হা হুর্ভাগ্য । ম্যাষ্টার এখন জিজ্ঞাসেন, কেন আমায় পাঠিয়েছেন ? )

ছলীন। ( সাহাশ্রে ) “Why bad fortune ?” ( হুর্ভাগ্য কেন ? )

চৈতন। আভ্ কোসেঁ ব্যাড্ ফ্যাচুর্ন—কালিফাজী টেন্ মি, দ্যাট্ ম্যাষ্টার ওয়াণ্টো গুড্ ইণ্টারোপ্রিটার—ম্যাষ্টার ওয়াণ্টো গুড্ রাইটার—ম্যাষ্টার ওয়াণ্টো গুড্ য়াক্ কোণ্ট্যান্টো—ম্যাষ্টার ওয়াণ্টো হেড্ বাবু—ম্যাষ্টার হিজ্ সেল্ফো ( his-self ) য়াস্কেড্ ফার এ দেওয়ান—ম্যাষ্টারসেঁ ওউন্ ( own ) আর্ডার—তা না, ম্যাষ্টার নো সে ( say ) “হোয়াই সেণ্ডো ?” ও ! ব্যাড্ লাক্—ইন্ লাক্ ! ( অবশ্যই হুর্ভাগ্য ! কালিফাজী আমাকে বলিয়াছেন যে, ম্যাষ্টার ভাল দ্বিভাষী চাহেন—ম্যাষ্টার ভাল কেরানী চাহেন—ম্যাষ্টার ভাল হিসাবী চাহেন—ম্যাষ্টার হেড্ বাবু চাহেন—ম্যাষ্টার নিজে একজন দেওয়ানের কথা বলিয়াছেন—ম্যাষ্টারের নিজের

\* চৈতনের উচ্চারণ বর্ধাখই ট বর্নে ে। যোগে বেরূপ হয়, ঠিক সেই রূপ ; যথা,—  
“মোষ্টো ওবিডিয়েন্টে স্তার্ত্যাণ্টো !”

† সেকলে “বাক্যাবলী” পড়িয়া যাহাদের ইংরাজী বিদ্যা জন্মিত, তাহাদের ভাষা-প্রণালী এইরূপই ছিল। “অর্থাৎ কালিফাজীর আজ্ঞাতে” বলিতে হইলে “কালিফাজীস্ য়্যাট্ কম্যাণ্ডো !” দ্যাট্ মানে তে ; কম্যাণ্ডো মানে আজ্ঞা !

ইকুম—তা, না, এখন কি না ম্যাষ্টার বলেন “কেন পাঠাইয়াছেন ?”  
হা ছরদৃষ্ট ! হা দুর্ভাগা ! )

ছলীন হাশ্ব সম্বরণে অসমর্থ, কিন্তু প্রকাশে যেন অপ্রতিভ হইয়া আশ্র-  
ত্রম স্বীকার পূর্বক অনেক কথার পর প্রশ্ন করিলেন, “তোমার স্ত্রীপুত্র  
পরিজন কে আছে ?”

চৈতন । ( দীর্ঘ নিশ্বাস সহিত ঘাড় নাড়িয়া ) নো স্যার, লড্ ঈশ্বর  
টেক্ আল্—মাই ফাদার্সের মেডিসিন্ শেভ্‌সো ডে মাই ওয়াইফ্ ডাই !  
এণ্ডো মাই ওয়াইফ্‌সো টেন্ পিণ্ডিস্ ডে মাই সন্ ডাই—আন্ কলরা শাব্,  
আন্ কলরা !

ছলীন বরাবর চৈতনের ইংরাজী বুদ্ধিতে পারিয়াছিলেন, এইবার পারি-  
লেন না—“মেডিসিন শেভ্” বুঝা অসাধ্য হওয়াতে অনেক প্রশ্নোত্তরের পর  
বুঝিলেন, মেডিসিন্ কি না ঔষধ এবং শেভ্ (Shave) মানে কামানো—  
তবেই হইল অমুদে কামানো অর্থাৎ অশৌচান্ত্ ক্ষৌর ! (সমুদায় পদটির  
অনুবাদ এই ;—না, মহাশয়, ঈশ্বর লইয়াছেন—আমার পিতার অশৌচান্তের  
দিন আমার স্ত্রীর মৃত্যু হয় এবং আমার স্ত্রীর দশপিণ্ডের দিন পুত্রের কাল  
হয়—সকলেই ওলাউঠায় মরে ! )

এইরূপ কথোপকথন করিতে করিতে, ফটক হইতে প্রাসাদ পর্যন্ত যে  
দীর্ঘ পথ, তাহা অতিক্রম করা হইল । ছলীন গৃহান্তরে গিয়াও চৈতনের  
সহিত ঐরূপ ইংরাজীতে অনেকক্ষণ আলাপ করিলেন ; মনে মনে ভাবিলেন,  
কালিফাজী কি কেবল পরিহাসের নিমিত্তই এই অদ্ভুত লোক দিলেন ? কিন্তু  
চৈতনকে ইংরাজী ছাড়াইয়া তাহার মাতৃভাষায় কথা কহাইয়া দেখিলেন যে,  
তাহাতে বরং বুদ্ধির দৌড় অত দীর্ঘ না হইয়া কাজের মতন ধরুকাবে থাকে !  
তখন চৈতন যথার্থই রাজসভা ও রাজকার্য্য-সংক্রান্ত অনেক বিষয় তাঁহাকে  
জানাইতে সক্ষম হইল । বুঝিলেন, তাহার বাহ্যিক পাগলামি বা হাশ্বোদ্দীপক  
সারল্যের মধ্যে কিয়ৎ পরিমাণে চতুরতা ও একপ্রকার মিষ্ট ধূর্ততাও আছে ।  
অতএব বলিলেন “দেখ চৈতন, আমি তোমাদের বাঙ্গালা দেশে অনেক কাল  
ছিলাম, বাঙ্গালা কথা কহিতে বুঝিতে পারি, বাঙ্গালা পুস্তকও কিছু পড়ি-  
ত্বেছি । বাঙ্গালা ভাষা আমার কর্ণে বড় মিষ্ট লাগে । অতএব তুমি আমার  
সহিত ইংরাজী না কহিয়া এখন অবধি নিজ মাতৃ ভাষাতেই কথা কহিও ।”

চৈতন্য এই আদেশে কিছু ক্ষুণ্ণ হইল, যে হেতু ইংরাজী চর্চার ব্যাঘাত-  
শঙ্কা ঘটিল ! সে ভাব বুঝিতে পারিয়া ছলীন হাসিয়া বলিলেন “যখন তুমি  
আমার খুব সাবকাশ দেখিবে এবং অনুমতি পাইবে, তখনই ইংরাজী কহিয়া  
অভ্যাসটা রাখিতে পারিবে, অল্প সময় নয় !” এই বাবস্থাতে চৈতনের  
কোভ মিটিয়া অন্তঃকরণ কিয়ৎ পরিমাণে সুস্থ হইল !

উদ্যানের নিম্নতলে দুইটা ঘর চৈতনের হইল—একটা আফিস, একটা  
শয়নগৃহ । তদ্ব্যতীত দূরস্থ একটা একতলা কামরা পাকশালার উত্তর নির্দিষ্ট  
হইল—চৈতন্য অবশ্যই স্বহস্তে পাক করিবেন বৈ অল্প উপায় কি ?

### একাদশ পরিচ্ছেদ ।

অভ্যাস ।

ছলীন এক অশ্বারোহী রেজিমেন্টের অধিনায়ক হইয়াছেন, কিন্তু কার্যা-  
ভার প্রাপ্ত হন নাই । আর এক দিন রাজ দর্শনের পর তাহা হইতে পারিবে ।  
কিন্তু সেই পুনর্দর্শন তাঁহার নিজের স্বেচ্ছাধীন নহে, মহারাজ দিন ধাৰ্য্য  
করিয়া বলিয়া পাঠাইবেন, এমন আজ্ঞা করিয়াছেন । সুতরাং আপনা হইতে  
মাওয়া ভাল দেখায় না ।

ইতিমধ্যে ফকির আজিজুদ্দিনের সহিত সাক্ষাৎ করিলেন । ফকির  
প্রথমাবধিই তাঁহাকে স্নানঘরে দেখিয়াছেন ; সান্ন্যগ্রহে রম্য বাসস্থান দিয়া-  
ছেন, রাজদ্বারে সম্মান ও উন্নতি লাভের সুত্রপাত করিয়াছেন এবং বিনা  
স্বার্থে (অন্ততঃ সাক্ষাৎ সম্বন্ধে তো স্বার্থ কিছুই দৃষ্ট হইতেছে না) স্বতঃ পরতঃ  
বিস্তর উপকার ও আশুকল্যাণ করিতেছেন । আজিজুদ্দিনের জ্ঞান ক্ষমতা-  
বান মন্ত্রী যে একজন উদাসীনকে এতদূর দয়া করেন, ইহা স্বার্থ ব্যতীত  
আর দুইটা কারণে সম্ভবে—হয় নিজের সদাশয় স্বভাব, নয় সৃষ্টিতে দেখা—  
এস্থলে হয় তো দুটাই ঘটিয়াছে—কখনো কখনো কোন অপরিচিতকে  
দেখিবামাত্রই তাহার প্রতি স্নেহ ও দয়া জন্মে—হয় তো তাহাই হইয়াছে !  
ফলতঃ অল্প হেতু তাহাই হউক, ফকির যে ছলীনকে স্নেহ-নয়নে দেখিয়াছেন,  
তাঁহাতে সন্দেহ মাত্র নাই । তার আবার ছলীনের সজ্জদয়তা, ভদ্রতা,

সারল্য, ধর্মপরায়ণতা, সাহস প্রভৃতি সদগুণ দিন দিন যতই প্রকাশ পাইতে লাগিল, ততই ফকিরজী তাঁহার প্রতি সম্বন্ধে ও আরো আকৃষ্ট হইতে লাগিলেন। বাস্তবিক উত্তমাদম নির্বাচন, লোকের চিত্তবৃত্তি পরীক্ষা এবং গুণগ্রাহিতাদিগুণে রণজিতের অপেক্ষা আজিজুদ্দিন কোনমতে ন্যূন ছিলেন না। সুতরাং ছলীনের মহোচ্চ গুণাবলী অত্যন্ত আলাপেই তাঁহাদিগের উভয়েরই সূক্ষ্ম বুদ্ধির স্মরণ হইবে, আশ্চর্য্য কি ?

ছলীনের পক্ষে রাজা ধ্যান সিংহকে প্রসন্ন করা সর্বাগ্রে অত্যাৱশ্যক— না করিলে অমঙ্গল, তাহা আজিজুদ্দিন স্পষ্টাক্ষরে বুঝাইয়া দিলেন। তদনুসারে ছলীন, মহামূল্য উপঢৌকন সহিত ধ্যান সিংহের নিকট গমন করিলেন এবং বিবিধ সৌজন্য সহকারে তাঁহাকে সম্বন্ধে করিতে সাধ্যমত চেষ্টা পাইলেন। বোধ হয়, অসিদ্ধও হইলেন না। বিশেষতঃ চিরবশুতা ও সময়ে সময়ে আর্থিক উপহার প্রদানের ইঙ্গিত প্রকম্পেও ক্রটি করিলেন না। রাজা বাহাদুর বিশেষ অমায়িকতার যথোচিত সমাদর এবং ভাবী সহায়তার আশ্বাস দানে রূপণ হইলেন না। কিন্তু তাহা বাচনিক কি আন্তরিক, এক্ষণে জানিবার উপায় নাই—ভবিষ্যতের গর্ভেই রহিল। আপাততঃ তাঁহার মনের গতি এরূপ হইতে পারে যে, “দেখা যাউক, মনোমত হও—বর্শাভূত থাক—তো আশামত ফল পাইবে !”

ধ্যানসিংহ ও আজিজুদ্দিন, উভয়ের মুখেই ছলীন শুনিলেন যে, আর দুই দিবস পরে তাঁহাকে দরবারে যাইতে হইবে। এই বিলম্বের কারণ কি, ছলীন তখন বুঝিতে পারিলেন না—জিজ্ঞাসা করাও উচিত হয় না—হয় তো তাঁহার রীতি চরিত্রাদি পরোক্ষে সন্ধান লওয়াই উদ্দেশ্য। ভাবিলেন, “যাহাই হউক, উতলা হওয়া অকর্তব্য। বরং মহারাজ যাহাতে তাঁহাকে কাজ-হাংলা ও টাকা-কাংলা না ভাবেন, এমন ভারি দেখাইতে হইবে। অতএব সাক্ষাতের নিমিত্ত যে দিন ধার্য্য হইল, বরং সে দিনে কোন ছলে না গিয়া তাহার দুই এক দিন পরে গেলে আরও ভাল দেখাইবে।” মনে মনে এই সংকল্প উদ্ভিত হওয়াতে সে প্রসঙ্গে দ্বিকল্পিত মাত্র না করিয়া অগ্রান্ত্র বাক্যালাপের পর বিদায় গ্রহণ করিলেন।

• ঐ সাক্ষাৎকালে রাজা ধ্যানসিংহ কথায় কথায় স্বীয় অগ্নি-মান্যজনিত অস্বাস্থ্যের পরিচয় দেওয়াতে ছলীন কহিলেন, “আপনার যদি ভক্তি হয়,

তবে আমি এক ঔষধ দিতে পারি, যাহাতে অবশ্যই আরোগ্য লাভ করিতে পারিবেন।” রাজা ব্যগ্রতা পূর্বক তাহা চাহিলেন। ছলীন বাসায় আসিয়া চৈতনের দ্বারা ব্যবস্থা-লিপি সহিত পাঠাইয়া দিলেন।

• বন্নুর প্রভুক্তি জানাই আছে। • যাহাতে প্রভুর আহারের পারিপাট্য ঘটে, সে পক্ষেও বিশেষ দৃষ্টি। বহু সন্মানে একজন বিখ্যাত মোগল-স্বপকারকে বন্নু নিযুক্ত করিয়াছে। তাহার নাম ভাওন—চৈতন তাহাকে “ভুবন” বলিয়া ডাকিত! বন্নুর ইচ্ছামতে ভাওন সে দিন উত্তম পলায় (পোলাও) রান্নিয়াছে! তারিপ করিতে করিতে ছলীন তাহা ভোজন করিতেছেন, এমত সময় বলা না, কওয়া না, চাঁদ খাঁ আসিয়া উপস্থিত—প্রহরীরা প্রভুর আলাপী লোক বলিয়া ফটকে আটক করে নাই।

চাঁদ খাঁ সেলাম করিয়া দাঁড়াইল। দুই একমাত্র ভোজন-পাত্রে ভোজন এবং জল মাত্র পানীয় দেখিয়া চাঁদ আশ্চর্য হইল! তাহার বলভাষিতা গুণটী পাঠকের স্বরণ থাকিতে পারে। চাঁদ খাঁ বিস্ময়-বিকাশ-স্বরে কহিল “হজুর কি লাল পানি পান করেন না?” ছলীন সহাস্ত্রে উত্তর দিলেন “প্রায় না।” শুনিয়া বলিল “তবেই হ’য়েছে! তবেই তো রাজদরবারে পেয়ার হ’তে পেরেছেন! ভাল, হজুরের চ’কে শিখেদের পোষাক কেমন লাগে? রগজিৎ গিং তাও হজুরকে পরাবে! ক দিন ধরে হজুরের কত যে খবর নিচ্ছে, তার আর সংখ্যা নেই। আ’জ হজুরের দু একজন চাকরকেও ডেকে নে গেছে—এতক্ষণ হয় তো নানান কথা জিজ্ঞাসা ক’চ্ছে! এখন তো দেখছি, দরবারে যতদূর পেয়ার হ’তে হয়, তা হজুর হয়েছেন, কিন্তু এক চ’কোর মেজাজের আর খাওয়া পরার সঙ্গে ঠিক মিলতে না পাল্লে কি এ ভাব থা’কবে?”

চাঁদ খাঁর এ প্রকারের কথাবার্তা আদব-কাণ্ড-সঙ্গত নয়। এত বেয়াদ-বিত্তেও ছলীন বিরক্ত হইলেন না। বুঝিলেন, যে উপায়েই হউক, চাঁদ খাঁ সঠিক সমাচার রাখে এবং তাহার স্পন্দা একটু সহ্য করিতে পারিলে সঠিক সংবাদ প্রাপ্তিরও সুবিধা হইতে পারে—সে সব সংবাদ হয় তো বহু লোক জানে, কিন্তু চাঁদের সাহায্য ভিন্ন তাহার জানিবার উপায় কৈ? অতএব চাঁদ খাঁর উত্তরে হাসিয়া বলিলেন “মহারাজ যদি সে আশা করেন, তবে নিরাশ হইবেন!”



রাজাভ্রুগ্রহ পাইতে ও রাখিতে যেরূপ ব্যবহার আবশ্যক বলিয়া চাঁদ খাঁ বর্ণনা করিল, তদ্রূপে পূর্ব-সংকল্পিত ভারি-ভাবের ঔচিত্য আরো জন্ম হইল। অর্থাৎ এমন সংস্কার জন্মিল যে, যদিও তিনি মহারাজার ইচ্ছা মাত্রকেই অবিচার্য্যভাবে শিরোধার্য্য করিয়া লরেন—যদি তিনি এ দেশীয় চাটুকার কর্মচারীদের অনুকরণে নিতান্ত প্রসাদ-ভোজী কুকুরের শ্রায় অধীনতা শৃঙ্খল ধারণ করেন—যদি তিনি নিতান্ত কর্মলোলুপ, নিরুপায়, নিস্তেজ দাসবৎ আচরণ প্রদর্শনে প্রবৃত্ত হইলেন, তবে “আপনার মান আপনার ঠাই” না হইয়া আপনার মান আপনিই তাগ করা হয় এবং যাহারা আত্ম-গৌরব রাখিতে জানে না, সেই অপদার্থ দলে নিশিরা তৎফলস্বরূপ একটা অপদার্থ ভূকো সাহেব হইতে হয়! সে অবস্থায় মহারাজা সুযোগ পাইলেই তাঁহার প্রতি যথেষ্টাচারের ব্যবহারও দেখাইতে পারেন! অতএব বিশেষ বিবেচনার সহিত সামান্য সামান্য বিষয়ে কিঞ্চিৎ তেজ-প্রকাশ এবং সকল বিষয়েই ভারি, অথচ কর্তব্য-পালন-পক্ষে অবিচলিত অধ্যবসায়, সম্পূর্ণ বিশ্বাস-ভাজনতা ও অকৃত্রিম প্রভুভক্তি প্রদর্শন করিতে হইবে।

তদনুসারে বলিলেন “শুন চাঁদ খাঁ, তুমি সে চিন্তা করিও না—আগে তোমাদের মহারাজার নিকট চাকরীই স্বীকার করি, তার পর সে সব কথা! এখানে যদি তেমন মানপূর্বক থাকিবারই সুবিধা না হয়, তবে থাকিবার প্রয়োজন কি? নিকটে কোম্পানির মুন্সুফ, সুখের স্থান, তথায় আমার অনেক ইংরাজ বন্ধুও আছেন—আরো তো অনেক স্বাধীন রাজাও আছেন, আমাকে পাইলে কে না আহ্লাদ পূর্বক উচ্চ পদে নিযুক্ত করিবেন? সা সুজা আপনার রাজ্য পুনর্বার পাবার উদ্যোগে বেড়াচ্ছেন, সুযোগ্য সেনাপতি একজন তাঁর বড় প্রয়োজন—”

এই কথা শুনিয়া চাঁদ খাঁ পরমোৎসাহে উত্তর দিল, “বহুতাচ্ছা হুজুর, এ গোলাম পঞ্চাশ জন চাকরী সোয়ার নিয়ে হুজুরের মেখানে ইচ্ছা সঙ্গে যেতে প্রস্তুত। তারা যেমন তেমন সোয়ার নয়, আগুন খেগো! লড়ায়ের সময় তাদের মুখ বৈ পীঠ কেউ দেখতে পায় না!”

তুলীন কহিলেন, “আচ্ছা, চাঁদ খাঁ, দেখি আগে কি হয়, প্রয়োজন পড়িলে তোমার এ প্রার্থনা ভুলিব না!” চাঁদ খাঁ মহা সন্তোষে চলিয়া গেল। ফলতঃ চাঁদ খাঁকে ঐরূপ অভিপ্রায় শুনাইবার বিশিষ্ট হেতু ছিল। তুলীন

জানিতেন, এ দেশ এমন নয়, এ কথা অবশ্যই রাজকর্ণে উঠিবে। তাঁহার রাজ্যে একজন সাহসী সাহেব আসিয়া অমনি ফিরিয়া যাইবে, ইহা মহারাজ কখনই সহ করিতে পারিবেন না—অবশ্যই তাহাকে সসম্মানে উচিত কৰ্ম্মেই নিযুক্ত করিবেন। পূর্বে যে কয়জন ইয়ুরোপীয় সৈনিক কৰ্ম্মচারী নিযুক্ত করিয়াছেন, প্রধানতঃ তাহাদিগের গুণেই তাঁহার বাহিনী অজেয় হইয়া উঠিয়াছে। তিনি কি সুযোগ্য ইয়ুরোপীয় পাইলে ছাড়িয়া দিবার লোক ?

যাহা ভাবিয়াছিলেন, তাহাই ঘটিল—সেই দিনেই তাঁহার মনের অশ্চর্য্য বিষয়ক সংবাদটা রাজকর্ণে উঠিল। ছলীন পজাবে থাকিবার বিষয়ে যৎকিঞ্চিৎ সন্দেহের আভাস মাত্র দিয়াছিলেন, কিন্তু লোকের মুখে মুখে সেই জনরবের অবয়ব বাড়িয়া গিয়া “থাকিতে তাঁহার নিতান্ত অনিচ্ছা” এমনি ভাবের কথাই রাজগোচর হইল।” তৎকল-স্বরূপ রাজসভায় ছলীনের মূল্য আরো উচ্চ হইয়া উঠিল। মহারাজ ফকিরজীকে অনুরোধ করিলেন, “ছলীন সাহেব কল্যই যেন দরবারে উপস্থিত হন।” কিন্তু অশুখের ছল করিয়া ছলীন সে দিন গেলেন না। প্রতিদিন মিষ্টানের সহিত এক শত টাকা “জিয়াফৎ” আসিতে লাগিল। ছলীন আরো একটু মহার্ঘ হইলেন—সেই অশুখের ছলে আরো দু তিন দিন বিলম্ব করিলেন।

রাজা ধ্যান সিংহকে ছলীন যে ঔষধ দিয়াছিলেন, তাহাতে রাজা বাহা-ছরের বিশেষ উপকার দর্শিয়াছে। তিনি রাজসভায় সেই উপশমের কথা মুকু কণ্ঠে ব্যক্ত করিলেন। বলিলেন “আগে আমার মূলেই প্রায় ক্ষুধা হইত না, এই ঔষধ দু তিন দিন খাইতে না খাইতেই প্রচুর আহার কবিতোছি।” ঘটনাক্রমে মহারাজারও অধিমান্দ্য জন্মিয়াছিল, হাকিমী চিকিৎসায় কিছুই হইতেছে না। সুতরাং প্রধান মন্ত্রীর মুখে আশ্চর্য্য ভৈষজ্যের কথা শুনিয়া মাত্রই তদ্ভিষককে আনিতে তৎক্ষণাতঃ দূত প্রেরিত হইল।

ছলীন ব্যগ্রচিত্তে ব্যবস্থা সহিত ঔষধ পাঠাইয়া দিলেন, কিন্তু আপনি গেলেন না, কেবল সেই অশুখের ছল করিয়াই বিস্তর অনুনয় পূর্বক ক্ষমা ভিক্ষা করিয়া পাঠাইলেন।

সোভাগ্যক্রমে ঔষধ সেবনে একদিনেই মহারাজার কিছু উপকার বোধ হইল। ঔষধ-দাতার প্রতি অনুরাগ আরো বাড়িল। পরদিন সিংহাসনে বসিয়াই নব বৈদ্যকে স্বরণ করিলেন—অবিলম্বে তাঁহাকে আনিতে লোক

চলিল। বলিয়া দিলেন “যদ্যপি তিনি না আসিতে পারেন, কাজেই তাঁহাকে দেখিতে আমাকে নিজে যাইতে হইবে! অশ্রুতঃ কল্যা প্রাতে ঘেন অবগু আইসেন।” সে দিবস এক শতের পরিবর্তে এক সহস্র মুদ্রার জিগাফৎ প্রেরিত হইল। ছলীন ভাবিলেন, আর না—যথেষ্ট হইয়াছে—“সর্বমন্ত্যস্ত গর্হিতং!” অতএব সযিনয় কাতর বচনে বলিয়া দিলেন “কল্যা প্রাতে নিশ্চয়ই রাজদর্শন করিয়া ধন্য হইব।”

রাত্রি প্রভাত। ছলীন দরবারের পোষাক পরিতে পরিতে গবাক্ষ দিগ্না দেখিতে পাইলেন, কতিপয় রাজ-অখারোহী উদ্যানে প্রবেশ করিতেছে। অনুভবে বুঝিলেন, এ আড়ম্বর নিতান্তই সম্মান-সূচক—ইহারা শরীর-রক্ষক রূপে প্রেরিত হইয়া থাকিবে। আনন্দে শরীর লোমাঞ্চ হইল! পরক্ষণে একটু ভয় ও ভাবনাও হইল—মহারাজার এত গৌরবে অপরের ঈর্ষাজনিত শত্রুতা ঘটিতে পারে। কিন্তু এই ভাবিয়া স্তম্ভ হইলেন যে, “যখন সারলা, সত্য, কৃতজ্ঞতা ও ধর্ম আমার বন্ধু, তখন যাহাই কেন ঘটুক না—যেই কেন শত্রু হউক না, সে সব আমার দেখিয়া, শুনিয়া, জানিয়া তত কাজ কি?”

স্বসজ্জ হইয়া বেশ-গৃহ হইতে উপবেশন-গৃহে পদার্পণ মাত্র দেখেন, এক জন সর্দার তথায় অপেক্ষা করিতেছেন। উভয়পক্ষে সাদর সম্ভাষণের পর সভাসদের মুখে তাঁহার ও অখারোহীগণের আগমন কারণ যাহা শুনিলেন, তাহাতে পূর্ব অনুভব সত্য জানিয়া সুখী হইলেন।

ছলীন মনে মনে ঈশ্বরকে ধন্যবাদ দিয়া সেই প্রধানের সমভিব্যাহারে যাত্রা করিলেন। রাজানুচর ও স্বীয় সহচরবর্গ অগ্র পশ্চাৎ চলিল। প্রথম দিবস হইতে অদ্যকার যাত্রা বহুলাংশে বিভিন্ন—লাহোরের লোক সে দিন একজন ভ্রামক বা অনিশ্চিত অনুগ্রহার্থী ফিরাস্তীকে দেখিয়াছিল মাত্র, অদ্য তাহাকে মহারাজার অনুগ্রহীত প্রিয়পাত্র জানিয়া সসম্মানে অভিবাদন করিতে লাগিল।

দরবারে উপস্থিত হইলে মহারাজ সাদরে অভ্যর্থনা করিলেন। ইঞ্জি অর্নুসারে সিংহাসনের অতি নিকটেই গালিচার উপর ছলীন উপবিষ্ট হইলে পরস্পর কুশল-প্রশ্ন ও ছলীনের ভৈষজ্যের প্রশংসাবাদাদি অনেক কল কখন হইয়া গেলে মহারাজ কথাগুলো ইউরোপ ও আমেরিকার ন্যূন!

জিজ্ঞাসা করিলেন । তন্মধ্যে ইংলণ্ডের প্রসঙ্গই অধিক । সে সব সবিস্তার বলিয়া লিপি-বাহন্য করিব না ।

উপযুক্ত সময়ে মহারাজ বলিলেন “দুলীন সাহেব, এক্ষণে গুরুতর বিষয়ে যাহা বলিতেছি, মনোযোগ পূর্বক শ্রবণ কর । তোমার সহিত আলাপ করিয়া সুখী হইতেছি—তোমার সাহসিকতা দেখিয়াছি—তোমার চরিত্র আর ব্যবহার যে সুঁ তাহা বুঝিয়াছি, কতক বা অনুসন্ধানও জানিয়াছি—সেই অনুসন্ধান তোমার আরো নানা গুণ জানিয়াছি—এক কথায়, আমি তোমার প্রতি সন্তুষ্ট হইয়াছি । অনেকেই বলিয়া থাকে আমি মানুষ চিনিতে অপটু নুহি ; একথা সত্য হইতেও পারে, নাও পারে । যাহাই হউক, আমার সংস্কার জন্মিয়াছে, তুমি সাহসী ও সমর্থ, তুমি বিশ্বাসী ও বুদ্ধিমান । যদিও তুমি দুবা, কিন্তু অল্প বয়সেই বহুদর্শী—বার্দ্ধক্য ও বিজ্ঞতা সর্বদা সহচর হয় না—অনেকে যৌবনেও জ্ঞানী হয় ! তুমি যে শেষোক্ত ধাতুর লোক, তাহাতে আমার সন্দেহ নাই । আমি বাক্চাতুর্য্য জানি না, অতএব মনের কথা খুলিয়া বলিতেছি যে, তোমার প্রতি গুরু ভার অর্পণ করিলে তুমি যে তাহা অবলীলাক্রমেই বহন করিতে পারিবে, আর সরকারের খয়ের খাঁ থাকিবে, যে কারণেই হউক, সে বিশ্বাস আমার জন্মিয়াছে । আমি তোমাকে একটা অস্থারোহী রেজিমেন্টের অধাক্ষতা প্রদানে স্বীকার করিয়াছি, সে পদ তোমার থাকিল । অধিকন্তু আরো গুরুতর ভার অর্পণ করিতেছি—তোমাকে একবারে এক অঞ্চলের শাসনভারও দিতেছি । তুমি পূর্বে কেবল মেজর ছিলে, অদ্য হইতে কর্নেল এবং শাসন কর্তা সর্দার হইলে—তাহাতে অনেক প্রকারের সৈনিকগণেরও কর্তা হইতে পারিবে । অদ্যই কোট-কাংরা বিভাগের শাসনকর্তৃত্বের ফরমান পাইবে । কোট কাংরা কিছু বন্য ও পার্বত্য প্রদেশ । \* তথাকার স্বভাবের ভাব যেমন কর্কশ, তত্রত্য অধিবাসীরা তদপেক্ষাও দুর্ভীষ । তোমার প্রতি অতি সরল ভাব প্রয়োগ করাই অভিপ্রায়, বিশেষ তুমি এদেশ নূতন আগত, তজ্জগুই পূর্বাঙ্কে এসব বগিয়া দিতেছি । যেমি যে কার্য্যভার পাইতেছ, তাহা অত্যন্ত কঠিন । সম্প্রতি তথায় যেক্রমে ভিন্দন কার্য্য নির্বাহিত হইতেছে, তাহা নিতান্তই অসন্তোষকর হইয়া উঠি-

১। পূর্বে নয় লক্ষ টাকা রাজস্ব আসিত, প্রজাগণও সুখে থাকিত ; হইল ।

২। উপায় বহুটা কর সাহেব চার চার করিতেছেন ।

বসিয়াই

এখন ছয় লক্ষেরও ন্যূন আসিতেছে, প্রজারাও জালাতন হইয়াছে। তোমাকে সে সম্বন্ধে এবং অন্যান্য সকল বিষয়েই প্রতিকার করিতে হইবে। সেই প্রতিকারের জন্য আপাততঃ দুই বৎসর পর্য্যন্ত তুমি যদি পঞ্চ লক্ষ পাঠাও, তাহাতেও আমি অসন্তুষ্ট হইব না। কেননা আমি জানি, বাইবামাত্র একেবারেই প্রতিবিধান সম্ভবে না—ভবিষ্যতের সুপালন ও সুশাসন উদ্দেশে বর্তমানে বিস্তর পরিবর্তন ও নূতন প্রণালী প্রবর্তনার আবশ্যক হইবে। সুতরাং প্রথমেই আয়াধিক্যের প্রতি তত দৃষ্টি নয়—বাহাতে প্রজাবৃদ্ধি, প্রজার সুখ ও বিশ্বাস-বৃদ্ধি এবং কৃষি-বাণিজ্যের বৃদ্ধি, ইত্যাদি সুশাসনের সূত্রপাত ও সুব্যবস্থা হয়, তৎপক্ষে অণুমাত্র শিথিল-বল হইবে না—এখন রাজস্বের হ্রাস বৃদ্ধি বিচারের সময় নয়—সুপালন হইলে রাজস্ব আপনা হইতেই দিন দিন বাড়িতে থাকিবে! তোমার বেতন বার্ষিক পনের হাজার অবধারিত হইল, তন্মানে নজরানা মাত্রই তোমার।”

সভামণ্ডপের চতুর্দিকেই অল্পক্ষণে “বা! কা!” ইত্যাদি ধন্য ধ্বনি ঘোষিত হইতে লাগিল। দুর্গীন নত ভাবে কৃতজ্ঞতা প্রকাশের উপক্রম করিতেছিলেন, রণজিৎ নিবারণ করিয়া কহিতে লাগিলেন;—

“তোমার নিজের অস্বারোহী দল বাতীত এক রেজিমেন্ট পদাতিক, কিছু গোলেন্দাজ এবং দুই রেজিমেন্ট নাজির সঙ্গে লইয়া যাইবে। শেষোক্ত দুই রেজিমেন্ট তোমাকে নূতন প্রস্তুত করিয়া লইতে হইবে। তাহার কাপ্তেন লেপ্তেন প্রভৃতি কর্মচারী তুমি নিজে মনোনীত ও নিযুক্ত করিবে—তাহাদের এবং প্রথমোক্ত দুই রেজিমেন্টের সৈনিকগণের ছাড়ান বহালের সম্পূর্ণ এন্টার তোমার। সরকারী পদাতিক রেজিমেন্ট জমাদার খোসাল সিংহের চমু মধ্য হইতে পাইবে। কিন্তু তোমার অধীন সমুদয় সৈনিকের তন্থা তোমাকে যোগাইতে এবং এই সৈন্য লইয়া তোমাকে কোট কাংরা রক্ষা করিতে হইবে। প্রয়োজনমতে যদি আরো দুই একটা রেজিমেন্ট বা গোলেন্দাজ দল বাড়াইতে হয়, তাহাও দরবারে এতলা দিয়া করিতে পারিবে। গমনে বিলম্ব করিও না—আগু যাত্রা বড় আবশ্যক হইয়াছে। কোন বিষয়েই গোপনীয় ভাব রাখিবে না। একজন উপযুক্ত উকীল দরবারে রাখিয়া যাও। সকল বিষয় রাজাজীকে (খ্যানসিংহকে) জানাইতে ক্রটি করিবে না। দুর্গীন! ইটী যেন তোমার স্বরণ থাকে, আমার সাম্রাজ্য মধ্যে যেখানে যাহা ঘটে—

যে যাহা করে—তাহার পুঙ্খানুপুঙ্খ সংবাদ আমি পাইয়া থাকি ! অল্প বিশ্বসনীয় সূত্রে তোমার বিরুদ্ধে ( গুরুজী না করুন ) যাহা শুনিব, আমার হৃদয়ে অঙ্কিত রহিবে—ব্যবহারে তাহার অপহুব করা তোমার কার্য্য ! পদটী সামান্য নয়, সূত্রাং বিশ্বাস স্থাপন সামান্য হইতেছে না !”

ফকিরের প্রতি দৃষ্টিপাত মাত্র ফকিরজী একটা মোহর-বন্দী পুলিন্দা রাজ-হস্তে দিলেন । মহারাজ পুলিন্দাটী লইয়া ছলীনকে দিয়া বলিলেন ;—

“এই লও, ইহার মধ্যে প্রকাশ্য অপ্রকাশ্য তাবৎ উপদেশই আছে । সাবধান ! পুনঃ পুনঃ বলিতেছি, সাবধান ! বিশেষ সতর্কতা, বিশেষ দূরদর্শিতা, বিশেষ চতুরতার সহিত সকল কাজ নির্বাহ করিবে—প্রজার কোন অভিযোগ যেন দরবারে না আইসে—রোকশোধ—গুরুজী তোমার মঙ্গল করুন !”

পূর্বাপেক্ষা দশগুণ অধিক মূল্যের খেলাত প্রদত্ত হইল । ছলীন উঠিয়া অতি নম্রভাবে হর্ষবিকসিত-বদনে ও উৎসাহোৎফুল্ল নয়নে কৃতজ্ঞতা-প্রকাশক অভিবাদন করিলেন—বাক্যে কিছু বলিতে গেলেন, কণ্ঠ রোধ হইল, কুটিতে পারিলেন না—চক্ষুঃ স্রব ও বাষ্পভারাক্রান্ত হইয়া উঠিল !

মহারাজের কার্য্যের প্রতিষ্ঠাবাদে ও ধন্য-ধ্বনিতে সভা স্পষ্টতঃ নিনাদিত হইতে লাগিল । কিন্তু তন্মধ্যে অনেকের শ্রীমুখের প্রতি কোন আকার-তত্ত্ববিৎ পণ্ডিত যদি তৎকালে দৃষ্টিপাত করিতেন, তবে হয় তো অসন্তোষ, বিরাগ ও রাগ-দ্বেনাদির আভা-প্রভাও দেখিতে পাইতেন এবং কোন সুকর্ণ বা উৎকর্ণ শ্রোতা যদি তথায় থাকিতেন, তবে হয় তো প্রভুর যশোগানের মধোঁও ( সভার স্থল বিশেষে ) অন্তবিধ গালাঘুবাও শুনিতে পাইতেন !

সভা ভঙ্গের পূর্বেই কোষাধ্যক্ষ স্বর্ণ-মোহর-পূর্ণ একটা বৃহৎ তোড়া আনাইয়া কোট কাংরার নূতন গবর্ণরকে অর্পণ করিলেন । উপযুক্তি এই সমস্ত রাজপ্রসাদ ও প্রসন্নতা-চিহ্ন লাভ করিয়া ছলীন গঙ্গাদ চিত্তে পুনর্বার কৃতজ্ঞতা প্রকাশোদ্যত হইতেছেন, মহারাজ বুদ্ধিতে পায়িয়া হস্তমুখে সিংহাসন ত্যাগ পূর্বক চলিয়া গেলেন ।

বড় বড় সর্দার আসিয়া ছলীনকে ঘিরিয়া দাঁড়াইলেন । সকলেই মহা আশ্লাদ ব্যক্ত করিতে লাগিলেন—অনেকের হয় তো অকৃত্রিম, অনেকের হয় ততো বচনে সুধা, অন্তরে বিষ ! ছলীন কিন্তু সকলকেই যথাযোগ্য সমাদর সম্ভাষণাদি দ্বারা বাধ্যতা প্রকাশ করিয়া যত সম্ভব সম্ভব বিদায় গ্রহণ পূর্বক

সহচরগণ সমভিব্যাহারে বাসায় প্রত্যাবৃত্ত হইলেন । সকলেরই পরমামন্দ—  
পরমোৎসাহ—বিশেষ বরু যেন আপনিই গবর্ণর হইল ! তাঁহাদের আসিবার  
আগেই বাসায় সংবাদ আসিয়াছে—চৈতন বাহু তুলিয়া নাচিতেছে !

### দ্বাদশ পরিচ্ছেদ ।

আদেশ ও উপদেশ ।

নব গবর্ণর কর্ণেল তুলীন উদ্যানে আসিয়াই অশ্ব-ত্যাগ পূর্বক বরুকে  
আহ্বান করিলেন । বরু আসিতে না আসিতেই আগে ভাগে ভূ-লগ্ন-কর-মস্তকে  
সেলাম করিতে করিতে চৈতন উপস্থিত ! “হুজুর ! এখন আর শুধু সাহেব নন,  
রাজাসাহেব ! হুজুর এখন কোট কাংরার সংসার চাঁদের রাজ্য পাইলেন !”

তুলীনের তখন নিৰ্জ্জন হইবার বাসনা । যদিও তিনি ভারতের শিশু,  
কিন্তু ইংলণ্ডের মানুষ ! এদেশীয়েরা মঙ্গল ঘটনায় হাস্য, কৌতুক, আমোদ-  
উৎসব-প্রিয়, কিন্তু ইংলণ্ডের লোক তদবস্থায় নিজ হৃদয়ের সহিত বিরল  
আনন্দ উপভোগে অধিক প্রয়াসী । সুতরাং চৈতনকে লইয়া তখন আমোদ  
আহ্লাদ করা তত ইচ্ছা নয় । বিশেষতঃ রাজ-দত্ত মোহর-নিবন্ধ পত্রপাঠ  
জন্ত তুলীনের মন তখন উৎসুক । অতএব চৈতনকে মিষ্ট কথায় কথঞ্চিৎ  
সস্তুষ্ট করিয়া এবং তহবিলের ভার দিয়া বরুকে কহিলেন, এখন যেন আমার  
নিকট কেহই না আসিতে পারে, কেবল ফকিরজী কি তাঁহার ভ্রাতা কি  
তাঁহার কোন লোক আইলে স্বতন্ত্র কথা ।”

বরু লোকজনকে সে কথার কিছু বলিয়া দিবার আগেই চৈতন “যো  
হুকুম” বলিয়া দীর্ঘ দীর্ঘ পদ ক্ষেপণ পূর্বক কিয়দ্দূরে গিয়া অনুচরগণকে  
উচ্চৈঃস্বরে প্রভুর ঐ আদেশটী যেন নিজের অনুজ্ঞাবৎ জ্ঞাপন করিলেন ।  
তাঁহাদের মধ্যে দুইজনকে বাছিয়া দ্বারবানের কার্যভার দিলেন । আর  
দুইজনকে দ্বিতলের সোপান-মূলে রক্ষা পূর্বক “নবরদার, ইন্দির চন্দর বাই  
বরুণ এলেও নেই যাগা—যাগা তো গুলি করেরা !” এইরূপ অপরূপ হিন্দীতে  
কঁড়া হুকুম দিয়া তাঁহাদিগকে প্রহরিতা কর্মে নিযুক্ত করিলেন । তুলীন  
অনিচ্ছাতেও একটু মৃদু হাস্য না হাসিয়া উপরে যাইতে পারিলেন না ।

ছলীন স্নান ভোজনান্তে সেই মোড়কখানি মোচন করিলেন । করিবা মাত্র তন্মধ্য হইতে একখানি বৃহৎ পত্রাকার কাগজ বহিষ্কৃত হইল । ছলীন ব্যগ্র হইয়া পড়িতে গেলেন । একি ? তন্মধ্যে একি আশ্চর্য্য ব্যাপার ? তাহাতে না পঞ্জাবী, না পারসিক, না ইংরাজী, কোন ভাষার কিছুই লেখা নাই, কেবলই শূন্যগর্ভ গোলাকার বিন্দু-মালায় অজ্ঞানিত চিত্রশ্রেণী মাত্র—উলটিয়া পালটিয়া কিছুই আর দৃষ্ট হয় না—সেই অসংখ্য গোল ! বিষম গোল !

ছলীনের শুনা ছিল, বহু দেশে রাজকীয় গুহ বিজ্ঞাপন ও আদেশাদি এই প্রকার সাক্ষেতিক বর্ণমালায় লিখিত হয় ; ভাবিলেন, ইহা হয় তো তাহাই হইবে । কিন্তু প্রচুর প্রয়াসে কিছুই বুঝিতে পারিলেন না । উপায় কি ?

সন্দিগ্ধ, ভীত ও নিরাশ মনে পত্রখানি এক পাশ্বে রাখিলেন । ভাবিয়া চিন্তিয়া, পুনরবার মোড়কখানির মধ্যে ভালরূপে দেখিলেন । মোড়কখানি যেন স্তবকে স্তবকে রচিত বোধ হইল, দেখিতে দেখিতে ভিন্ন স্তর-মধ্যে অপর একখণ্ড কাগজ পাওয়া গেল—ভরসা হইল । আন্তে আন্তে খুলিয়া দেখেন, পারসিক লেখা—আশা বাড়িল । সেখানিতে ফকিরজীর মোহর—তাহাতেই প্রধান পত্র পাঠের সঙ্কেত—“তবু ভাল ! তাই তো বলি, এমন কি হয় !” এই বলিয়া স্বাস্থ্যের নিশ্বাস ফেলিয়া বহু কষ্টে ও বহু ক্ষণের পর সঙ্কেত বুঝিয়া শূন্যময় লিপির মন্থভেদ করিলেন । তাহার মন্থানুবাদ এই ;—

“শুক নানেকজী ও গুরু গোবিন্দজী তোমার মঙ্গল করুন ! প্রভুর তুষ্টিজনক কন্ম্যে জ্ঞানী ভৃত্য অবহেলা করে না । বরং বশুতার গাঁওতে বাস—পূর্বে এইটী সর্বদা ধ্যান করে যে, বিশ্বাসরক্ষাতেই উন্নতি হয় । মিথ্যা বাক্য তবুজ্ঞাকে লজ্জার পাশে লইয়া যায় । অনৃতমাথা রসনা তদধিকারীর অপমানের কারণ হয় । অতএব অনৃত ব্যবহার ও অনৃত বাক্যকে পরম শত্রু জ্ঞানে পরিত্যাগ করিও—বিশ্বাসী, ধর্ম্মভীরু ও সত্যপরায়ণ হইও । তাহাতে লোকে প্রশংসা করিবে—আমারও অনুগ্রহ সেই প্রশংসার নিতান্ত অনুগামী হইবে । তোমার কর্তব্য ও উদ্দেশ্যকে স্মরণে রাখিও এবং দুঃখীকে পীড়া দিও না । তাহা হইলে যখন তোমার আর কিছুই থাকিবে না, তখনও তোমার স্মরণ রাখিয়া যাইবে !”

এই পর্য্যন্ত পড়িয়া ছলীন হাসিয়া বলিলেন “আঃ ! মহারাজ অথবা



ফকিরজী আমার প্রিয় মিত্র সাদির \* সাহায্য লইয়াছেন ! যাহাই হউক, উপদেশগুলি যখন মহার্থ ও মহোপকারী, তখন যে উৎস হইতেই উৎপন্ন হউক, আমার পক্ষে অমৃত ! ভাল, তাহার পর কি, দেখা যউক—”

“তুলীন ! তোমার শ্রায় বিদ্বান্, বুদ্ধিমান ও সুবিজ্ঞ যুবা পুরুষের প্রতি এই উপদেশই যথেষ্ট। এক্ষণে কার্য্য-সম্বন্ধীয় পশ্চাদ্বর্তী আদেশ উপদেশের প্রতি বিশিষ্টরূপে অভিনিবিষ্ট ও ঠিক তদনুযায়ী কৰ্ম্ম করিতে একান্তই দৃঢ়-প্রতিজ্ঞ হও।

“আমার রাজ্য নিতান্ত ক্ষুদ্র নয়—ক্ষুদ্র ছিল সত্য, এখন বৃহৎ হইয়াছে। পূর্বে ক্ষুদ্র ক্ষুদ্র অংশে বিভক্ত ও আভ্যন্তরিক বিবাদে বিক্ষিপ্ত, বিপর্য্যস্ত ও ভগ্নদশাগ্রস্ত ছিল সত্য, কিন্তু এখন গুরুজীর রূপায় সুসংগঠিত ও সুদৃঢ় সাম্রাজ্য-রূপে পরিণত হইয়াছে। ভরসা আছে, আরো উন্নত অবস্থায় ( এই প্রকার একচ্ছত্রা শাসনে ) আমার বংশধরের হস্তে দিয়া যাইতে পারিব !

“তৈমুরের রাজ-নীতি আমার পথ-প্রদর্শক—তৈমুরের কাজ নয়—তাঁহার লেখা ! তিনি যাহা লিখিয়া গিয়াছেন, আমি তাহা কাজে করিতে চেষ্টা পাই। + ভরসা করি, আমার পালনে প্রজারা ( অন্ততঃ সামান্ততঃ ) সুখে আছে। অনুসন্ধান দ্বারা গুণীজনকে পুরস্কৃত, সাহসীকে উন্নত ও দোষীকে তিরস্কৃত করা আমার জীবন-ব্রত। রণক্ষেত্রে সামান্ত সৈনিকের সহিতও সম-কষ্ট-ভোগী ও সম-বিপদভাগী হই কিনা এবং বাঁরের পদোন্নতি করি কিনা, সকলেই জানে। কি সমরাজ্যে কি সিংহাসনে কখনই কেবল নিজের সুখের প্রতি দৃষ্টি রাখি না। যত দিন রাজদণ্ড ধারণ করিয়াছি, চিন্তার কবজ হৃদয় হইতে একদণ্ডও খুলি নাই ! অতিথি, পথিক, সন্ন্যাসী, ফকীর প্রভৃতি ধর্ম্ম-পরিব্রাজক মাত্রকেই ভক্তিপূর্ব্বক ভোজনাদি দিয়া তাঁহাদের আশীর্ব্বাদ গ্রহণ করিয়া থাকি। আমি মহা দোষীরও জীবনদণ্ড করি না—যে শত্রু আমার জীবন হরণে হস্তোত্তোলন করিয়াছে, তেমন আততায়ীকেও ক্ষমা দান করিয়া আসিতেছি। সেই সব কারণেই শ্রীপরাগঙ্গী তাঁহার দীন দাসের প্রতি অনুকূল হইয়া তাহার ক্ষমতা ও শাসন মহা চীন দেশের

\* সাদি—একজন সুপ্রসিদ্ধ পারসিক কবি।

+ খল্ল বাদসাহ তৈমুরের লেখা পড়িলে বোধ হইতে পারে, তাঁহার শ্রায় জ্ঞানী, দয়ালু, শ্রায়পরায়ণ সম্রাট্ আর বুদ্ধি ছিল না; কিন্তু হায় ! আচরণে তিনি সম্পূর্ণ বিপরীত করিতেন !

কোল পর্য্যন্ত—অপর দিকে আফগানের সীমা পর্য্যন্ত—অত্যাণ্ড ভিতে মুল-  
তান পর্য্যন্ত এবং শতক্র পরপার বহুদূর পর্য্যন্ত বিস্তার করিয়া দিয়াছেন !  
এমন রাজ্যের প্রিয় কর্মচারী হওয়া কি সৌভাগ্যের বিষয় নয় ? সে মহা  
রাজ্যের কোন খণ্ডের শাসনকর্তৃত্ব পদ পাওয়া কি মহা সন্ত্রম নয় ?

“এক্ষণে তোমার কর্তব্যের কথা। তোমাকে প্রতি নিয়তই কোট  
কাংরায় বাস করিতে হইবে। যদি কোন বিশেষ কারণে অনুপস্থিতির  
প্রয়োজন হয়, তবে যাহাকে তোমার অন্তঃকরণ সম্পূর্ণ বিশ্বাস করিতে পারে,  
এমন সুযোগ্য প্রতিনিধি না রাখিয়া কোথাও যাইও না। সে ব্যক্তি তোমার  
নিয়মিত সহকারী হউক, বা অন্তই হউক, কিন্তু সর্বোতোভাবে সে যেন  
তোমার স্বরূপ পাত্র ও মনের মত লোক হয়।

“তোমার প্রতি দৃঢ় আজ্ঞা যে, সর্বপ্রকার আগন্তুকের বিরুদ্ধেই কাংরা  
দুর্গ রক্ষা করিবে। এমন কি, যদিও আমার পুত্র, কি আমার কোন প্রিয়  
মন্ত্রীও যার, তথাপি কাহাকেও দুর্গ ছাড়িয়া দিবে না। আমার মোহরাঙ্কিত  
পাকা সনন্দ পত্র লইয়া গেলেও কেহ যেন প্রবেশাধিকার না পায়। অধিক  
আর কি বলিব, আমি স্বয়ং গিয়া যদি ফটকের ক্ষুদ্র কাটা দ্বারের মধ্যে তিন-  
বার স্বীয় মস্তক না দেখাই এবং ( শুধু মস্তকও নয় ) সেই তিনবার ভূমি  
যদি স্বচক্ষে আমার শ্মশ্রু দেখিতে না পাও, তবে আমাকেও ছাড়িয়া দিবে  
না ! অর্থাৎ আমি গিয়া যখন ঐরূপে বারত্রয় স্বীয় মস্তক ও শ্মশ্রু গলাইব—  
যখন ভূমি আপনি তাহা প্রত্যক্ষ করিবে, তখনই কেবল জানিবে যে দ্বার  
মোচন করা বার্থ্যই আমার আন্তরিক অভিপ্রায়—তখনই কেবল প্রবেশ-পথ  
ছাড়িয়া দিবে, নতুবা কদাচ নয়—কদাচ নয় !

“কাশ্মীর হইতে বিলাসপুর পর্য্যন্ত সর্বস্থানীয় প্রতিবাসীদের গতি-মতি  
দর্শনার্থ তোমার নয়ন যেন জাগ্রত থাকে। জম্মু, মুরপুর বা মণ্ডী প্রভৃতি  
প্রদেশে কোন বিশেষ গতি বিধি দর্শন, শ্রবণ বা সন্দেহ হওন মাত্রেই  
মুহূর্ত্ত বিলম্ব ব্যতীত তদ্বিশেষ বিবরণ ফকিরজীকে গোপনে বিজ্ঞাপন  
করিয়া পাঠাইবে। \* আর কোন দিকে গোলযোগ শুনিলে বা আমাদের  
প্রভু বিস্তারের সুযোগ সম্ভাবনা দেখিলে, তৎক্ষণাৎ ঐরূপে বিজ্ঞাপন  
করিবে। কিন্তু কোন কার্য্যানুষ্ঠান করিও না—আত্মরক্ষার বিশেষ

\* যে সকল দেশের নাম হইল, সমস্তই তখন রণজিতের নিজের অধীন রাজ্য।

প্রয়োজন বা আমার বিশেষ আদেশ ভিন্ন সহসা কোন কিছুই করিয়া ফেলিও না। স্পষ্ট আজ্ঞা পাইলেও অধিক চঞ্চলতা বা বিশেষ ব্যগ্রতায় কার্যে লিপ্ত হইও না। কেননা রাজার (অর্থাৎ আমার) মন পরিবর্তন হইতে কতক্ষণ? ঘটনার রূপান্তর হওয়াও বিচিত্র নয়, স্মৃতরাং চাঞ্চল্য সর্বদাই পরিহার্য্য !

“অধিক বক্তব্য প্রকাশের প্রয়োজন নাই—রীতিও নয়। কিন্তু তুমি বিচক্ষণ; তোমাকে যাহা দেখিয়াছি, তাহাতে তোমার সুপ্রবেশক্ষম সূক্ষ্ম বুদ্ধি যে অবশিষ্টের অন্তঃস্থলে প্রবেশ করিতে পারিবে, সে পক্ষে সন্দেহ নাই। আমার প্রিয় প্রধান কর্ম্মাধক্ষগণ জ্ঞানী, বিশ্বাসী ও বাধ্য; অতএব মনে করিও না যে, আমার অন্তঃকরণে অবিশ্বাস বা সন্দেহ সহসা স্থান পায়। বরং ইহার বৈপরীত্যই সত্য। কাংরা প্রদেশের চতুর্দিকস্থ সর্দারগণ সর্বদা রাজ-প্রসাদ-ভাজন আছে। শ্রীগুরুজী তাহাদিগকে চিরকালই যেন তজ্রপ রঞ্জন। তথাপি বিপৎপাত নিবারণ হেতু দূর-দৃষ্টি ও সতর্কতার দোষ কি? অতএব যদি অনুগ্রহাস্পদ থাকিতে চাও, তবে সতর্ক হইও—সাবধানে থাকিও—প্রহরিতা করিও—আর অধিক বলিব না !”

এই বিচিত্র পত্র এইরূপ ঠারে ঠোরে সমাপ্ত হইয়া তৎপাঠককে বিস্ময়, উৎসাহ, ভয়, ভক্তি প্রভৃতি নানা রসে পাল্য ক্রমে ডুবাইতে উঠাইতে লাগিল! কিন্তু সেই অবগাহনে উপকার বৈ অপকার হইল না!

ছলীন বুঝিলেন, মহারাজ নিজে যদি পত্রখানি লিখিতেন, কি সাক্ষাতে লিখাইতেন, তবে বোধ হয়, তাহাতে এতদূর আশ্র-প্রশংসা থাকিত না। ফলতঃ ইহাকে মহারাজার না বলিয়া ফকিরের উক্তিমূলক লিপি বলিলেই সমধিক যুক্তি-যুক্ত হয়। যাহাহউক, এই বিদেশে—এরূপ অজ্ঞাত-কুল-শীল স্থানে—এরূপ পরিচয়-প্রকাশক ও এরূপ সার-উপদেশ-গর্ভ পত্র—কষ্টপাঠ্য ও দীর্ঘ হইলেও—এক খানার পরিবর্তে দশখানা পাইলেও আরো ভাল হইত!

মোড়কের মধ্যে আর দুইখানি কাগজ ছিল;—একখানি কোট কাংরার পূর্ব শাসনকর্তার প্রতি দরবারের রীতিমত পরওয়ানা। তাহাতে প্রধান মন্ত্রী রাজা ধ্যান সিংহের স্বাক্ষর ও মোহর। অপর খানি নূতন শাসনকর্তার নিয়োগ-পত্র। তাহাতে ফকির আজিজুদ্দিনের সহি মোহর দৃষ্ট হইল। উভয় পত্রেই তদ্ব্যতীত মহারাজার মোহর ও গুপ্ত চিহ্ন আছে। কিন্তু শূন্যময়

সাক্ষেতিক পত্রে ফকিরজীর স্বাক্ষর ভিন্ন অণ্ড কিছুই নাই। রাজাদেশে ফকিরজী সেই অতিরিক্ত গুপ্ত উপদেশ পত্র লিখিয়াছেন, ইহাই বুঝা গেল।

সমস্ত পাঠ করা হইয়া গেলে মনে মনে যেমন বিমলানন্দ, তেমনই কর্তব্যের গুরুত্ব বিষয়ক চিন্তাও উদ্ভিত হইল। সত্য বটে, মান ও পদলাভ আশার অতিরিক্তই হইয়াছে, কিন্তু সেই সম্বন্ধে ও সেই উচ্চ পদ রাখিতে না পারিলে তদপেক্ষা অপমান, লজ্জা ও মনস্তাপ আর নাই ! একে অপরিচিত দেশ, তাহাতে জৈব্যা-জনিত বৈরভাব অবশ্যম্ভাবী—ফকিরজী ব্যতীত কোন হিতৈষী বন্ধুই নাই—তিনিও সদর বৈ মফঃস্বলের ব্যাপারে সাহায্য করিতে পারিবেন কিনা সন্দেহ ! অতএব ত্রৈশিক দয়া এবং স্বীয় বুদ্ধি সাধ্য সাহসের উপর নির্ভর ভিন্ন অণ্ড অবলম্বন দেখিতে পাইলেন না—তন্নিভরেই কাযো প্রবৃত্ত হইলেন।

সুযোগমতে সেই দিনই ফকিরজীর সহিত সাক্ষাৎ করিলেন ; বিরলে স্বীয় জন্ম-কর্ম-বৃত্তান্ত আদ্যোপান্ত সমস্ত জানাইলেন। আজিজুদ্দিন শুনিয়া অনেকক্ষণ গম্ভীর ভাবে নীরব থাকিয়া শেষে বলিলেন “প্রিয় তুলীন ! এ সব কথা আমিই শুনিলাম—এই পর্য্যন্তই ভাল—আর অধিক দূর যাইবার এখন আবশ্যক নাই !”

তুলীন ত্রস্ত হইয়া উত্তর দিলেন “আবশ্যক আছে—অণ্ড কারণে না হউক, আমার নিজের আত্মগানি হইতে মুক্তি লাভার্থ মহারাজ এবং আমার আত্মার নিকট পরে দোষী না হই যে, আমি ইচ্ছাপূর্ব্বক আশ্রয়দাতা প্রভুর প্রতি প্রতারণা করিয়াছি। সুযোগ পাইলে এ কথা আপনাকে পূর্বেই জানাইতাম, কিন্তু কয় দিবস কিছুতেই আপনার সময় পাই নাই। অদ্যও পাইতাম না, কেবল অদ্য না জানাইলে নয়, এই জগুই এই নির্জজন সুযোগের নিমিত্ত ইতিপূর্বে এত অনুরোধ করিয়া লিখিয়াছিলাম—আপনিও অনুগ্রহ পূর্ব্বক সে সুযোগ করিয়া দিলেন।”

আজিজুদ্দিন ক্ষণেক চিন্তার পর হাসিয়া বলিলেন, “ফ্রেঞ্চ যুবতীর পিতার ঠায় আমাদের মহারাজা গর্বাক্ত ও ততদূর অবিবেচক নহেন যে, তুচ্ছ জন্ম-স্বত্র তুলিয়া গুণীজনের গুণের সাহায্য গ্রহণে আপনাকে বঞ্চিত করিবেন ; বিশেষ আপনি তো তাঁহার অনুগ্রহ লাভার্থেই সাহেব সাজিয়া আইসেন নাই—আপনি প্রায় জন্মা বধি যথার্থই সাহেব ! আপনি সামান্ত একজন

ইংরাজ-কর্ণেলের পুত্র না হইয়া ভারতবর্ষের এক তেজস্বী রাজবংশের সন্তান, ইহা তো স্পষ্ট বুঝা যাইতেছে। সাহেব-অপত্যাপেক্ষা তাতো আরো গোরবাস্পদ ! তবে কি জানেন, সকলেই আপনাকে সাহেব বলিয়া জানিয়াছে এবং আ'জ্ কাল সাহেবি নামের সৌরভ মৃগনাভির গায় অত্যন্ত তেজস্বর—অনেক বিকার কাটাইয়া তুলে ! বাহাইউক, অণুমাত্র চিন্তা করিবেন না ; আপনি স্বচ্ছন্দে নাজির সৈনিকাদীর নিয়োগ প্রভৃতি তাবৎ উদ্যোগ করুন ! তাহাতেও তো আপনার কয় দিন সময় লাগিবে, আমি ইতিমধ্যে সুযোগ বুঝিয়া মহারাজকে সমস্ত কথা ভালরূপে বুঝাইয়া দিব। এমন কি, আপনার যাত্রার পূর্বে মহারাজার স্বমুখের ইঙ্গিত-বচনেই আপনি বুঝিতে পারিবেন যে, এ সংবাদে রাজানুকম্পার কিছু মাত্র হাসতা না হইয়া বরং আপনি যে ধর্মভীতি-মূলক সত্যবৎসলতা প্রদর্শন করিলেন, তজ্জন্ত আপনার প্রতি তিনি অধিক সন্তুষ্ট এবং আপনার চরিত্রের প্রতি আরো শতগুণে অধিক বিশ্বস্ত হইয়াছেন ! কেবল একটি কাজ করিবেন, এ কথা যেন আর কেহই জ্ঞাত না হয়।”

তুলীন পরমাঙ্কাদে ব্যগ্রচিত্তে অসংখ্য ধন্যবাদ প্রদান ও কৃতজ্ঞতা স্বীকার পূর্বক বিদায় গ্রহণ এবং ফকিরজীর দ্বারা দুই একটি বিশ্বাসী সহকারীর নিয়োগ প্রার্থনা করিয়া বাসায় প্রত্যাবৃত্ত হইলেন।

### ত্রয়োদশ পরিচ্ছেদ ।

যাত্রার উদ্যোগ ।

বাসোদ্যানে মহা ধুম পড়িয়া গেল ! তুলীনের গবর্ণর হওনের সংবাদ জলপ্লাবনের স্তায় অল্প কালের মধ্যেই চতুর্দিকে ব্যাপ্ত হইয়া পড়িল। নানা কর্ণের অসংখ্য উমেদার তাঁহার বাসোদ্যান আক্রমণ করিতে লাগিল। চৈতন্য দেখিয়া মাঝে মাঝে ডাকিয়া বলেন “ওরে তোরা কি লালা বাবুর শ্রদ্ধ বাড়ী পেলি নাকি ? এত্না ভিড় মৎ করো—গুলি করোগা।” ফলতঃ চৈতন্য বড় ভারি হইয়া উঠিলেন। ভারি হইবারই কথা ; নব শাসনকর্ত্তা যিনি, তিনি ইংরাজ ; চৈতন্য ইংরাজ-নবিস—চৈতন্য ভিন্ন অন্য এক প্রাণীও

ইংরাজী জানে না ! যদিও বন্নু জানে, কিন্তু বন্নুর পঠিত বিদ্যা নয়—সাহেব-বেঁসা মাদ্রাজী ও কলিকাতার চিনাবাজারী অনেককে গ্রহ পড়িয়া ইংরাজী শিখিতে হয় না, তাহারা বিলাতী সরস্বতীর বরপুত্র—স্বতঃসিদ্ধ—অনর্গল कहিয়া যায় ! সুতরাং চৈতন বলিতেন, বন্নুর ইংরাজী ইংরাজীই নয়—সে তো বাক্যাবলী পড়ে নি—সে, ইংরাজী লিখিতেও পারে না ! তবেই হইল, তিনি গায়তঃ নূতন গবর্ণরের প্রধান মন্ত্রী বা প্রাইভেট সেক্রেটারি ! অস্তুতঃ নিজ মনে মনে এই যুক্তি আঁটিয়া আপনাকেই ঐ উচ্চপদে মনোনীত করিয়া লইলেন !

অতএব চৈতনের বাস্তবতার সীমা পরিসীমা নাই ; সকলের সাক্ষাতে সর্কদাই বলেন “নাওয়া খাওয়ার অবকাশ নেই মিলতা হার !” একবার এ দিকে, একবার ও দিকে, একবার সে দিকে ছুটিতেছেন । একেবারে কত লোককে আসিতে দেওয়া হইবে ; কিরূপ লোক সাহেবের নিকট যাইতে পাইবে বা না পাইবে ; কাহাকে কখন বিদায় করিতে হইবে ; এই সকল হুকুম জারি করিতে তাঁহার গলদঘর্ম ছুটিতে লাগিল ! হুলীন যেই মাত্র বন্নু কি ধন্নু কি অপর কাহারো প্রতি ঐ প্রকারের কিছা অল্প কিছু আদেশ করেন, চৈতন অমনি সোপানের নিকট হইতে “যো হুকুম রাজা-সাহেব !” বলিয়া ছুটিয়া নীচে যান—ডাকাডাকি চোঁচাচোঁচি আর “গুলি করেগা” বলিতে বলিতে গলা ভাজিয়া ফেলেন—আবার ছুটিয়া উপরে আসিয়া সেলাম পূর্বক পূর্ব ভাবে সিঁড়ির মাথার নিকট একটা ক্ষুদ্র টেবিলের সম্মুখে টুলের উপর উপবিষ্ট হইয়া লিখিতে আরম্ভ করেন । তহবিলের আয়রণ-চেষ্ট পার্শ্বের ঘরে—নিচের গদিতে প্রায়ই আর বসেন না—সাহেব যখন বাহিরে যান, তখনই তথায় গিয়া নবনিযুক্ত মুন্সি বখসী প্রভৃতির উপর কর্তৃত্ব করেন—এক প্রকার দরবারই সে !

রজনীতে তাঁহার সৃষ্টি নাই—সমস্ত দিবস যে যে বিষয়ে যত ব্যয় হইল এবং যে কর্মে যত লোক নিয়োগ পাইল, তাহার কতক প্রত্যক্ষে, কতক পরোক্ষে—কতক প্রভুর নিকট, কতক মুন্সিদের নিকট, কতক বন্নুর নিকট জানিয়া শুনিয়া লিখিয়া রাখেন ! তজ্জন্য বহুং বহুং খাতা খুলিলেন—কতক বাঙ্গালায়, কতক ইংরাজীতে । কলিকাতার রীত্যনুসারে ভাউচার রসিদ সমস্তই ঠিক ঠাক—সাহেবের সহি ভিন্ন কেঁহ কর্দিকও পার না—সাহেবের সম্মুখের হুকুমেও না ! দয়ালু হুলীন হাসেন, চৈতনের প্রবর্তিত

প্রথানুসারেই কাজ করেন। তাহা না করিলে শুধু যে চৈতনের মনে ব্যথা জন্মিত, তাহা নয়—কাজের গোলমালও ঘটতে পারিত। চৈতনের হস্তাক্ষর কি ইংরাজী কি বাঙ্গালা, যথার্থই উত্তম এবং হিসাবে নৈপুণ্য যথার্থই অসামান্য। সুতরাং তামাসাচ্ছলে চৈতনের তুষ্টি জন্মাইতে গিয়া ছলীন দেখিলেন যথার্থই রীতিমত কাজ হইতেছে। চৈতনকে না পাইলে বাস্তবই সেরূপ বিষয়ে বিশেষ গোল ঘটত—অবিধ্বসনীয় ধূর্ত মুন্সির হাতে পড়িয়া ক্ষতিগ্রস্ত ও বিরক্ত হইতে হইত! অতএব বাঙ্গালী ইতিহাস-লেখক জাতীয় গৌরবের সহিত লিখিতেছে যে, যে বাঙ্গালীকে ছলীন অকর্মণ্য ভাবিয়াছিলেন, সে একটা ভারি দরকারি কাজে লাগিল— ছই এক দিনেই সাহেবের পরিহাস প্রবৃত্তি ঘুচিয়া গেল—চৈতনও গুরুতর বিশ্বাসের কর্মভার পাইয়া পূর্বাপেক্ষা অনেকাংশে যথার্থই ভারি হইয়া পড়িল—সাহেবও তন্ন তন্ন রূপে আয় ব্যয় পর্যাবেক্ষণরূপ একটা মহা বিরক্তিকর ব্যাপারের দায়ে সম্পূর্ণ নিশ্চিত হইয়া অত্র গুরুতর কাজে নিবিষ্ট হইতে পারিলেন।

ওদিকে কর্মচারী, পদাতিক ও অশ্বারোহী প্রভৃতি সৈনিক বিভাগের নিয়োগ-কার্য চলিতে লাগিল। তদ্ব্যতীত সাহেবকে দিবারাত্রি যৎপরোনাস্তি পরিশ্রম করিতে হইল। বিশেষতঃ যতদূর সম্ভব, ছশরিত্র ( বদ্মায়েস ) লোক দলমধ্যে প্রবেশ না করে, এই মহদ্দেশ্য সাধনার্থ তিনি সামান্য পদের লোক জনকেও স্বচক্ষে না দেখিয়া, পরীক্ষা না করিয়া এবং তাহাদের পূর্ক-জীবন-বৃত্তান্তের বিশেষ তত্ত্ব না লইয়া নিযুক্ত করিলেন না। সুতরাং অসীম শ্রম হইবে, আশ্চর্য্য কি ?

ফকিরজী ও কালিফাজীর সাহায্যে সুযোগ্য বিশ্বাসী লোক বাছিয়া দেওয়ান, সহকারী দেওয়ান ও মুন্সি, কাকুন প্রভৃতি রাজ্যশাসন ও রাজস্ব-সংক্রান্ত কর্মচারী সকল নিযুক্ত করিলেন। সৈনিক নিয়োগেও তাহাদের আনুকূল্য অল্প কাজে লাগে নাই। উমেদারের সংখ্যার কথা তো পূর্কই বলা হইয়াছে। 'ছলীনের দৈনিক পুস্তকে লেখা আছে যে, "বোধ হইল, পঞ্জাবের মধ্যে ছই পায় চলিতে পারে, এমন পুরুষ বৃদ্ধি সকলেই আসিয়াছিল! অধিক কি, স্বয়ং নন্দ সিংহও বহু বহু জনের নিমিত্ত অনুরোধ জানাইল। যাহারা আমাদের প্রথম দিন নগর প্রবেশ করিতে দেখিয়াছিল,

তাহারা আপনাদিগকে আমার পরম বন্ধু ভাবিয়া সর্কাপেক্ষা উচ্চতর দাবি  
ধাড়া করিল ! আর যাহারা আমার সহিত কথাবার্তা বা একটাও বাক্যালাপ  
করিয়াছিল, তাহারা তো সাক্ষাৎ মামাতো পিস্তুতো ভাই সাজিয়া বসিল !  
তছাদে প্রত্যেক শ্রেণীর ব্যবসায়ীদল, যাহার যাহা পণ্য—হস্তী, অশ্ব, উট,  
খর, যান, বাহন, বেশভূষা, বিবিধ দেশজাত বন্দুক পিস্তল তরবার বর্ষাদি  
—সজীব, নিসর্জীব—দেহরক্ষক, দেহবাহক, দেহনাশক, দেহ-শোভক এবং  
উপকারক অপকারক জীবজ, খনিজ, শিল্পজ ও অন্যান্যবিধ রাশি রাশি পদার্থ  
বিক্রয়ার্থ আনয়ন করিল ! তাহার কিয়দংশ গৃহীতও হইয়াছিল ।”

এখনও পরম ভক্ত চাঁদ খাঁর কথা বলা হয় নাই । চাঁদখাঁর জায় ক্ষুর্তি বন্ধু  
ধনু ও চৈতন ব্যতীত আর কাহারও দৃষ্ট হয় নাই—চাঁদ খাঁ যেরূপ সদর্পে তুলীনকে  
নিজস্ব সম্পত্তি ভাবিয়াছিল, এমত আর কে করিবে ? কে পারিবে ? এত সাহস  
—এত যোগ্যতাই বা আর কাহার হইবে ? প্রথম প্রবেশের দিনে তুলীনকে  
দূর হইতে দেখিয়া অন্তঃসকলে গ্রাহও করে নাই, অথবা “আর একটা  
ফিরান্গী আইল” বলিয়া উপহাস বা ঘৃণা করিয়াছিল ; সেই দুদিনে একা  
চাঁদ খাঁই কেবল গৌরব ও আশ্রয়তা দেখাইয়াছিল ! সুতরাং এমন অদি-  
নের বন্ধু এমন সুদিনের সুখভাগী হইবে, বিচিত্র কি ?

কলতঃ চাঁদ খাঁই যেন তুলীনকে উন্নত করিয়া তুলিয়াছে, তাহার হাব  
ভাবে এমনই প্রকাশ পাইতে লাগিল ! কিন্তু যথার্থ বলিতে গেলে, এই  
মুলতানী মুসলমান যতই কেন চঞ্চল, যতই কেন তড়বড়ে, যতই কেন  
বহুভাষী ও যতই কেন জেঁকো হউক না, সে খল নয় । তাহার অন্তঃকরণ  
সরল, অকপট এবং তুলীনের প্রতি যথার্থই ভক্তি-প্রবণ হইয়াছিল । তাহার  
দ্বারা যে কোন প্রতারণা বা বিশ্বাসঘাতিতা ঘটবে, লোকটার আকৃতি  
প্রকৃতি ভাব-গতিক দেখিয়া তুলীনের মনে নিমেষের নিমিত্তও সে ভয় হইত  
না । এই জগুই প্রথমাবধি সে যখনই আসিয়াছে, তুলীন তাহার প্রতি  
সদয় ব্যবহার প্রদর্শনে ক্রটি করেন নাই ।

তুলীন নিঃসন্দেহে বুঝিয়াছিলেন, যদিও জাতীয় বিদ্বেষ বশতঃ চাঁদ খাঁ  
শিখজাতির হিংসা করিতে পরাস্থ ছিল না এবং সুযোগ পাইলে শিখের  
সর্কার হরণেও পাপ বোধ করিত না, কিন্তু স্বভাবতঃ সে নিষ্ঠুর ও মিথ্যা-  
গুরাগী নহে । অধিকন্তু প্রভু-পরায়ণতা ও কৃতজ্ঞতা রূপ মহৎগুণ তাহার



হৃদয় হইতে প্রতি নিশ্বাসে যেন নিঃসৃত হইত—সেটা যেন তাহার জাতীয় গুণ। অতএব এমত হৃদয়বান্ ব্যক্তিকে ছাড়িতে ইচ্ছা হইল না—ভয়-মৈত্রতা প্রদর্শন, উপকার সাধন ও সহপদেশ দান দ্বারা তাহার দোষগুলিকে দমনে রাখিয়া গুণাবলীকে স্বীয় কর্মে লাগাইতে ছলীন সংকল্প করিলেন।

চাঁদের নিতান্ত ইচ্ছা, একপ্রকার নায়েব সেনাপতি হইয়া সাহেবের সঙ্গে যায়। যদিও সে কর্মে সে অনুপযুক্ত নহে, কিন্তু উকীল হইয়া দরবারে থাকে কে ? সে গুরুতর কার্যের জন্য উপযুক্ত বিশ্বাসী লোক ছলীন আর কাহাকেও দেখিতে পাইলেন না। যেখানে যেমন উপকরণ সুপ্রাপ্য, তাহার দ্বারাই জ্ঞানীজন সহপায় গঠন পূর্বক স্বকার্য সাধন করিয়া লন। অতএব চাঁদের প্রার্থনায় সন্মত না হইয়া ছলীন তাহাকে গোপনে বলিলেন, “শুন চাঁদ, আমার সঙ্গে তোমার যাওয়া ষটিবে না—তোমাকে আমার উকীল হইয়া দরবারে থাকিতে হইবে। কিন্তু যে দুর্ভাগ্যের এতকাল রত ছিলে, তাহা আর করিতে পারিবে না। তোমার কথায় আমার সম্পূর্ণ প্রত্যয় আছে, তুমি যদি ধর্ম সাক্ষী করিয়া শপথ কর যে, অদ্যাবধি সেই ভয়ানক পাপজনক ব্যবসারে আর অণুমাত্র লিপ্ত থাকিবে না, আমি তাহাতেই নিশ্চিত হইয়া যাইতে পারিব। তুমি যে ধনলোভে সে দুর্কর্ম কর না—তুমি যে জাতীয়-আক্রোশে সে পথের পথিক—তাহা আমি জানি, তথাপি তাহা দন্যবৃত্তি। আমি তব্বরকে আমার প্রতিনিধি করিব না। তুমি সে কুপথ ত্যাগ করিলেই তোমার মত উকীল আর পাইব না, তাহাও জানি। অতএব তুমি এই অঙ্গীকারে নিয়োগপত্র গ্রহণ এবং ধর্মতঃ কর্তব্য পালন কর, তাহা হইলে অবশ্যই আমি তোমার ভাল করিব।”

চাঁদ খাঁ একে সঙ্গে যাইতে পারিবে না, সেই দুঃখে কাতর হইল; তাহাতে শিখজাতির গোপনীয় পীড়ন-ব্রতে এককালে নিরস্ত হইতে হইবে, সে শোকও শেলবৎ তাহার হৃদয়ে প্রবেশ করিল! কিন্তু ছলীন শেষোক্ত ব্রতের অবৈধতা পুনঃ পুনঃ অকাটা যুক্তি ও ভয়মৈত্রময় উক্তিতে এমন পরিষ্কার রূপে বুঝাইয়া দিলেন যে, সে মহা ব্রত সে জনের মত ত্যাগ করিতে স্বীকৃত হইল; কিন্তু সাহেবের সঙ্গী হইবার আশাটা সহসা ছাড়িতে চাহিল না। যখন ছলীন কিছুতেই স্তনিলেন না এবং সাহেব তাহাকে কত বেশী বিশ্বাসের ভার অর্পণ করিতেছেন, গৌরব যখন অনুভব করিতে পারিল,

তখন চাঁদ একটা দীর্ঘ নিশ্বাস ছাড়িয়া সরল অন্তরে শপথ পূর্বক ওকালতি ভার গ্রহণ করিল। তুলীন নিশ্চিন্ত ও সন্তুষ্ট হইলেন।

তখন চাঁদ খাঁ বাস্পাকুল নয়নে নিবেদন করিল “হজুর! যথার্থ কহিতেছি, কি শুভক্ষণে আপনার সহিত সাক্ষাৎ হইয়াছিল যে, আমার স্বদেশীয় স্বজাতীয় রাজার প্রতিও এত ভক্তি কদাপি জন্মে নাই! বিশেষ, দিন দিন যতই আপনার মহত্ত্ব ও সদাশয়তা দেখিতে পাইতেছি, ততই আপনার কিসে ভাল হইবে, (বেয়াদবি মাপ করিবেন) আমার সেই মাত্র ধ্যান জ্ঞান হইয়াছে! হুজ্জন শিখেরা যাহাকে বিশ্বাস করে না, যাহার সহিত ভাল করিয়া কথাটাও কয় না, জগতে যাহার কেহ নাই বলিলেই হয়, যাহার পাপের জীবন আপনার অগোচর নাই, পথের পথিক সেই চাঁদ খাঁকে আপনি যখন বিশ্বাস করিলেন—তাহাকে পাপের পথ হইতে ফিরাইয়া সূপথে আনিলেন—তাহার ভাল করিবার ইচ্ছা জানাইলেন—তখন এ ছার জীবন কি আপনার চরণে বিক্রীত না হইয়া থাকিতে পারে? নিশ্চিত জানিবেন চাঁদ খাঁ কেনা গোলাম হইল! নিশ্চিন্ত থাকিবেন যে, এ কেনা গোলাম এমন প্রভুর কখনই নেমখারামি করিবে না! যদি সঙ্গে লইতেন, তবে দেখিতে পাইতেন, চাঁদ খাঁ আপনার প্রাণ দিয়াও প্রভুর ঋণ শুধিতে জানে কি না! আরো দেখিতেন, এ কথাটা কথার কথা কি একান্তই কাজের কথা! যাহাই হউক, যখন গোলামকে নিতাস্তই রাখিয়া যাইবেন, তখন যাহাতে হজুরের সঙ্গীদলের মধ্যে নিদান জন কত প্রকৃত বিশ্বাসী ভৃত্য সঙ্গে থাকে, তাহার ব্যবস্থা করিতে এ দাসকে অনুমতি দিউন!”

তুলীন হাসিয়া বলিলেন “কিরূপ ব্যবস্থা?”

চাঁদ খাঁ আরো নিকটে গিয়া মৃদুস্বরে কহিল “হজুর চাঁদ খাঁর দৃষ্টি অনেকের চেয়ে তীক্ষ্ণ—আমি, বেস জানি, হজুরের সঙ্গে এই যে এত লোক লক্ষ্য যাইতেছে, ইহার মধ্যে এমন ছদ্মবেশী তাঁবেদারও আছে, যাহারা দিনের বেলা হজুরের জন্ত প্রাণ দিতে মুখে আশুমান হইবে, কিন্তু রাত্রিকালে বা সুযোগ পাইলেই হজুরের প্রাণ নিতেও সঙ্কোচ করিবে না! চাঁদ খাঁ স্পষ্টভাষী, হজুর মাপ করিবেন। এই জন্তই এ গোলাম এত অবিশ্বাসী অহুচরের মধ্যে নিদান পঞ্চাশ জন বিশ্বাসী সওয়ার ও পঞ্চাশখানি বিশ্বাসী তরওয়ার দিতে চায়! তাহারা সাহসে সিংহ, প্রভুভক্তিতে কুকুর! অধিক

কি, এই পঞ্চাশ জন অনুচরে ছজুর পঞ্চাশ জন বয়ু পাইবেন! আবার তাহারা দুই শত শিখের সমকক্ষ হইবে, সন্দেহ মাত্র নাই!”

দুলীন মনে মনে এ প্রস্তাবের সম্পূর্ণ অনুমোদন করিলেন; কিন্তু বাহে তাহা ততদূর প্রকাশ না করিয়া কেবল হাসিয়া বলিলেন “আচ্ছা, চাঁদ, যদি তাহাতেই তুমি সন্তুষ্ট হও, তবে আমারও গ্রহণ করা কর্তব্য।”

পরে যখন সুসজ্জিত অশ্বসহ সেই পঞ্চাশং অশ্বারোহীকে চাঁদ খাঁ পরদিন আনিয়া উপস্থিত করিল, তখন বারাণ্ডা হইতে তাহাদিগকে এবং তাহাদের অশ্বচালননৈপুণ্য ও সামরিক গতি-ক্রিয়াদির অভিনয় অবলোকনে দুলীন মহা সুখী হইলেন; ভঙ্গী দ্বারা সেই সন্তোষ প্রকাশ করিলেন, বাক্যেও প্রশংসাবাদ জানাইলেন এবং তাহাদিগের অধ্যক্ষ আলিবর্দি খাঁকে ও চাঁদকে গোপনে নিকটে আনাইলেন।

নিকটে আসিলে আলিবর্দিকে চাঁদ খাঁর সমস্ত কথা—সে তাঁহার কতদূর প্রিয় বিশ্বাসপাত্র, কেন তাহাকে সঙ্গে লইতে পারিলেন না, ইত্যাদি বুঝাইয়া পরে বলিলেন “এ কারণ চাঁদকে রাখিয়া যাইতে হইল। কিন্তু চাঁদ আমাকে বলিয়াছে যে, তুমি তাহার অতি আত্মীয় প্রিয় মিত্র—তাহার যাওয়া আর তোমার যাওয়া সমান কথা! অতএব আমি আজ্ঞাদ পূর্বক তোমাকে সদলে আমার নিজ শরীর-রক্ষকরূপ অতি সন্ত্রমের পদে নিযুক্ত করিতেছি—দুই বন্ধুকে দুই দিকে দুইটা সর্বাপেক্ষা বেশী বিশ্বাসের কার্যভার দিলাম—একজনের হাতে প্রাণ, অপরের হাতে মান সমর্পণ করিলাম—এখন তোমাদের উন্নতি, অবনতি তোমাদের নিজ নিজ বিবেচনা ও ব্যবহারের উপর নির্ভর—আমার আর অধিক কথা নাই!”

চাঁদ অদূরে নীরব ছিল। যুবা আলিবর্দির স্বাভাবিক তেজোদীপ্ত চক্ষু উৎসাহে ও আনন্দে আরো উজ্জ্বল হইয়া উঠিল—চতুরতা, শূরতা, কৃতজ্ঞতা, স্বে নয়নে যুগপৎ যেন মুক্তিমান হইয়া খেলা করিতে লাগিল! তদবস্থায় সাহেবের বাক্যান্তরে যাহা যাহা বলা উচিত, আলিবর্দির দ্বারা তাহার ক্রটি হইল না। আলির আকৃতি প্রকৃতি দেখিয়া ও বাক্য শুনিয়া দুলীন মহা তুষ্ট হইলেন এবং এমন কর্মচারী ও এমন সহচরগণকে আনয়ন কর্ত্ত চাঁদ খাঁর প্রতি বাধ্যতা-জ্ঞাপক নয়নে সন্মুহ দৃষ্টিপাত করিলেন।

চাঁদ খাঁ সে দৃষ্টির মর্ম্ম বুঝিল। মহা মহা হর্ষে জাহ্নু পাতিয়া সাহে-

বের হস্ত গ্রহণার্থ যেন উৎসুক হইল। হুলীন তৎক্ষণাৎ হস্ত প্রসারণ করিলেন। চাঁদ খাঁ বিশেষ নয়ত! সহকারে হস্ত চুষন করিয়া ধন্ত হইল এবং স্বজাতীয় রীতিতে নীরব অভিবাদনাদি পুনঃ পুনঃ করিবার পর সাহেবের ইচ্ছিতানুসারে উত্থান করিল।

এই অভিনয় ব্যাপারের ফলশ্রুতি অতি আশ্চর্য্য হইল—তথায় সেই তিন জন মাত্র উপস্থিত, তিনজনের এক জনের বদন হইতেও কিছু মাত্র বাক্যস্ফুরণ হইল না, তথাপি নয়নরূপী মধ্যস্থগণের দ্বারা পরস্পরের মানসিক ভাবের এমনি সুন্দর বিনিময় ঘটিল যে, কোন একরার পত্র তদপেক্ষা অধিক বন্ধন করিতে পারে না—তখন যেন সেই ভিন্ন প্রকৃতিস্থ তিন ব্যক্তির হৃদয় পরস্পরের রক্ষক ও কল্যাণ-সাধক হইবার নিমিত্ত দৃঢ় প্রতিজ্ঞ হইল।

ফলতঃ চাঁদ খাঁ, আলিবর্দি খাঁ এবং তাহাদের সঙ্গিগণের সাহচর্য্য-লাভ ব্যাপারটী হুলীনের পক্ষে অত্যন্ত সৌভাগ্যের বিষয়ই হইল। যদিও তাহারা চরিত্রে নিশ্চল নয়, কিন্তু সেকালে অর্দ্ধ-দস্য বঙ্গীয় পাইক সর্দারের শ্রায় “কুণ খাই যার, গুণ গাই তার!” এই মহা বাক্য তাহাদের জাপ্যমন্ত্র! তাহারা প্রাণ দিয়াও আশ্রয়দাতার কার্য্য করিবে—করিবেই করিবে!

চাঁদ খাঁ যেমন দরবারের সকলেরই স্বভাব চরিত্রাদি উত্তম জানে, আলিবর্দি ও তৎসঙ্গীদল তেমনি গম্য পথ ও গন্তব্য পার্শ্বতীয় প্রদেশের সকল তত্ত্বই বিশেষরূপে জ্ঞাত ছিল। তাহারা প্রত্যেকেই সাহসী জোয়ান—অস্ত্র চালনায় বাল্যাবধি দিক্ষিত ও অভ্যস্ত—তাহারা কাহাকেই ভয় করে না। এমন হৃদয় লোক অনুগত ইচ্ছুক ভৃত্য হইলে এবং এমন সরল যোদ্ধৃদলকে দয়াভাবে চালাইতে জানিলে কত যে হিত, তাহা পাঠক বুঝিবেন!

হুলীন শুদ্ধ চাঁদ খাঁকেই উকীল রাখিয়া নিশ্চিত হইলেন না—কি জানি, সে কোন গতিকে কাহারো কুপরামর্শে কুপথগামী বা অসতর্ক হইয়া উঠে—অন্ততঃ সে কিরূপ কাজ করে, ইহা জানাও তো উচিত—এই জন্ত ফকিরজীর পলায়নে ও সুপারিসে বাগ্নাজী নামা একজন মহারাষ্ট্রীয় সুধীর মুন্সিকে চাঁদ খাঁর গোপনীয় পরিদর্শক ও সকল বিষয়েই স্বাধীন বিজ্ঞাপক স্বরূপ নিযুক্ত করিলেন। তাহার প্রতি বিশেষ উপদেশ এই যে, সে চাঁদের সহিত আলাপ করিবে না; কেবল চূপে চূপে দরবারে যাইবে; চাঁদ খাঁর গতিবিধি

ও অন্যান্য সকল ব্যাপারই পর্য্যবেক্ষণ করিয়া সর্বদা বিজ্ঞাপন পাঠাইবে। কালিফাজী তাহাকে দরবারে যাইবার সুযোগ করিয়া দিবেন।

চাঁদ খাঁর সহিত যেরূপ বন্দোবস্ত ও তাহার প্রতি যে উপদেশ ও আদেশ হইল, তদনুসৃত্ত এই ;—

সে প্রতিদিন দরবারে উপস্থিত থাকিবে। ছুলীনের পত্র পাউক না পাউক, তাঁহার নাম করিয়া মহারাজকে ও প্রধান মন্ত্রীকে নমস্কার জানাইয়া তাঁহাদের কুশল জিজ্ঞাসা করিবে। ইহা ভিন্ন দরবারে অন্য কথা কহিবে না—কোন বাদানুবাদে লিপ্ত থাকিবে না, মতামত ব্যক্ত বা প্রশ্ন প্রস্তাবাদি উত্থাপিত করিবে না। নিতান্ত অচতুর বোকায় গ্ৰাস্ত অবস্থান করিবে, অথচ চক্ষু কণ্ঠ সর্বদাই সম্পূর্ণরূপে মুক্ত রাখিবে। কোন রকমে একবার মাত্রও তাহার কোন ছলনা যদি প্রকাশ পায় ও সপ্রমাণ হয়, তবে সাহেবের সহিত জন্মের মত তাহার বিচ্ছেদ ঘটিবে। আর যদি যথার্থ বিশ্বাসী উকীলের গ্ৰাম্য এবং সন্ধিবেচনার সহিত কর্তব্য নির্বাহ করে, তবে মাসিক বেতন তো তুচ্ছ কথা— তাহা তো প্রচুরই পাইবে— তদ্বাদে পুরস্কারের সীমা রহিবে না। বিশেষ বিশেষ সংবাদ যাহা পাঠাইবে, তাহার প্রত্যেকের গুরুত্বানুসারে পৃথক পারিতোষিক প্রাপ্ত হইবে। কোন গুরুতর ঘটনা উপস্থিত হইলে—যত ব্যয় হউক—যে রূপে পারুক—অতি দ্রুতগামা অতিরিক্ত অশ্বারোহী দ্বারাও সে সংবাদ তৎক্ষণাৎ পাঠাইবে। নিয়মিত ডাকের নিমিত্ত প্রতি পঞ্চ ক্রোশান্তরে এক জন করিয়া হরকরা নিযুক্ত থাকিবে।

এ সমস্ত ও অন্যান্য বন্দোবস্ত হইয়া গেলে ছুলীন তাহাকে বুঝাইয়া দিলেন, “আমি যে কাহারো পদলেহন করিতে রহিব, সে পাত্র নই—আমার উচ্চ আশা। যদি তুমি ঠিক পথে চলিতে পার, নিশ্চিত জানিবে, আমার উন্নতির সঙ্গে তোমারও উন্নতি অবশ্যস্বাবী।”

চাঁদ যে ক্লান্ততা ও আহলাদ সহকারে এই সকলে অঙ্গীকারবদ্ধ হইল, তাহা বলা বাহুল্য। চাঁদ খাঁর পরামর্শে তাহার হস্তে বহু অর্থ গ্ৰস্ত হইল— বোধ হয়, তদ্বারা রাজসভার বহু দেবতার পূজা হইবে! অর্থাৎ যত জনকে সম্ভব, ক্রয় করিয়া চাঁদ খাঁ “সাহেব-পক্ষাবলম্বী” একটি দল প্রস্তুত করিয়া লইবে। যেহেতু চাঁদের মতানুসারে “ভাল না পারি, মন্দ ক’রোঁ—কি দিবি তা বল ?” এইরূপ গরলময় খল-দলকে নির্বিঘ্ন করিয়া রাখা আবশ্যিক!

এই সকল আয়োজন ও অবধারণ করিতে এক সপ্তাহের অধিকও অতীত হইল। সকলই উত্তম—সকলই প্রার্থনীয়রূপ হইয়া উঠিল, কেবল হুংখের মধ্যে “ল্যান্সার” নামক যে রাজার অধারোহী রেজিমেন্ট সঙ্গে চলিল, নন্দ সিংহই তাহার “মেজর” অর্থাৎ অধিনায়ক হইল। শুদ্ধ সেই কক্ষ নয়, নন্দ কোট কাংরা দুর্গের সহকারী সেনাপতিত্ব-পদ-লাভ করিতেও সমর্থ হইল।

যাহা হউক, ঐ কাল মধ্যে তুলীন প্রায় সার্বিক সহস্র সংখ্যক নূতন সৈনিক নিযুক্ত করিলেন। তদ্বাদে উক্ত ল্যান্সারের সাত শত, জমাদার খোসালের রেজিমেন্টের আট শত এবং গোলন্দাজ, তীরন্দাজ প্রভৃতি অগ্ৰাণ্য প্রকারের সৈনিক কয়েক শত; সর্বশুদ্ধ তিন সহস্রেরও অধিক সৈনিক, এবং চালক, বাহক, সহিস, তাণ্ডুদার ভূতা প্রভৃতি রেসেলদার প্রায় দ্বিসহস্র; সুতরাং সর্ব সমষ্টিতে পাঁচ হাজারেরও অধিক লোক তাঁহার সমভিব্যাহারে চলিল। সর্ব প্রকার অস্ত্র-শস্ত্রোপরি ছয়টি বিভিন্ন প্রকারের কামানও সঙ্গে ছিল। অতএব তুলীনের বাহিনী বড় সামান্য হইল না।

তুলীন এই বাহিনী লইয়া লাহারের বাহিরে গিয়া এক বিস্তীর্ণ ক্ষেত্রে ছাউনি করিলেন। নন্দ সিংহাদি উচ্চ কক্ষচারী সত্ত্বেও বিশ্বাসী বন্নু, ধন্নু ও আলিবর্দি খাঁ, বাবস্থার প্রদান অধ্যক্ষ হইল—সমুচিত যোগ্যতাও দেখাইল। খাজাজী চৈতন বাবুর কথা বলিবার সাবকাশ এখন অল্প—চৈতনের ব্যস্ততার সীমা নাই—রাত্রি দুই প্রহর পর্যন্ত তাঁহার রসনা ও লেখনী চলিতে লাগিল—তিনি তাঁহার সহকারী মুন্সিদেরও প্রাণান্ত করিয়া তুলিলেন! সমুদয় ঠিক বন্দোবস্ত করিয়া প্রভাতে তুলীন সাহেব মহারাজার নিকট শেষ বিদায় লইতে গেলেন।

### চতুর্দশ পরিচ্ছেদ ।

বিদায় ।

যাত্রার সকলই প্রস্তুত—গমন জগ্ন মহারাজার অনুমতিও আছে; তথাপি সৈন্ত সমাবেশ প্রভৃতি কিরূপ হইল, তাহা বিজ্ঞপ্তি পূর্বক একবার শেষ বিদায় লওয়া আবশ্যিক।

মহারাজা সানুকুল ভাবে, সদয় হৃদয়েই, বিদায়ী আলাপ সম্ভাষণাদি করিলেন। ছলীনের আশা ছিল, অল্প কথায় দেখা সাক্ষাৎ সমাপ্ত করিয়া তখনই স্কন্ধাবার উঠাইয়া চলিয়া যাইতে পারিবেন। কিন্তু মহারাজ যেরূপ গল্প ও দীর্ঘ আলাপ ফাঁদিয়া বাসিলেন, তাহাতে সে দিন যে লাহোর ছাড়িতে পারেন, এমন সম্ভাবনা রহিল না।

সে সব গল্প নানাবিষয়ক, কোট কাংরা সম্বন্ধীয় কোন বিশেষ কথা নয়। ভাবে বোধ হইল, সে সব গুরু তথ্য প্রকাশ্য সভাহলে আলোচিত হওয়া মহারাজার অনভিপ্রেত—সে সম্পর্কে যাহা বলিবার, তাহা গুপ্ত পত্র দ্বারাই হইয়াছে। ফলতঃ আলাপ ও কথোপকথন এমন সরসভাবে, এমন সুন্দর প্রণালীতে হইল যে, ছলীন সে দিন প্রভুর নিকট বিদায় লইতে বে গিয়াছেন, তাহা কোনমতেই বুঝিতে পারিলেন না—ঠিক যেন বিদেশ গমনের পূর্বে কোন সুহৃদের সহিত দেখা সাক্ষাৎ করিতে গিয়াছেন, এমনই বোধ হইল! এতদূর যে, মহারাজ ক্রমে যেন আরো আশ্চর্যতা ও অধিক, প্রসন্নতা প্রদর্শন নিমিত্ত রাজভাণ্ডারের অমূল্য রত্নরাজি পর্য্যন্ত আনাইরা আমোদ পূর্বক ছলীনকে দেখাইতে লাগিলেন। ইহাতেই এবং তাঁহার পূর্বজীবন সম্বন্ধে রাজ-বদন হস্তে অস্ত্রের অবোধ্য গুটীকতক ইঙ্গিতাত্মক বাক্যবিহ্বাস শ্রবণে ও ফাঁকিরের নয়নভঙ্গীতেও ছলীন স্পষ্টই বুঝিতে পারিলেন যে, তাঁহার সদাশয় বন্ধু আজিজুদ্দিনের মুখে তাঁহার প্রকৃত জন্ম-বৃত্তান্ত অবগত হইরা এবং ছলীন কর্তৃক নিশ্চয়োজনেও সে পরিচয় প্রদানের সুমহৎ তাৎপর্য উপলব্ধি করিয়া, মহারাজ মহা বিব্রক হওয়া দূরে থাকুক বরং মহা সন্তুষ্ট ও অধিকতর অনুগ্রাহকই হইয়া উঠিয়াছেন। ইহাতে ছলীনের হর্ষের সীমা রহিল না।

রত্ন-রাজির মধ্যে জগদ্বিখ্যাত “কহিনুর” নামা অনুপম সূর্য্যকান্ত মণি দর্শনে ছলীন এককালে বিশ্বয়াভিভূত হইলেন। মহারাজ সেকৌতুক দৃষ্টির সাহচর্য্যে জিজ্ঞাসা করিলেন, “বোধ করি ছলীন সাহেব, স্বদেশের রাজসংসারে এমন হীরক অবশ্যই দেখিয়া থাকিবেন?”

ছলীন হস্তে লইয়া বহুক্ষণ সাভিনিবেশে নিরীক্ষণ করিয়া মুক্তকণ্ঠে কহিলেন “মহারাজ! আমি যাহা বলিব, তোষামোদের কথা নহে—আমি তোষামোদ জানি না। অনেক রাজ্যে ভ্রমণ করিয়াছি, এককালে ধনশালীর সম্ভানও ছিলাম, কিন্তু এমন অতুল্য হীরক, চক্ষে দেখা দূরে থাকুক, পৃথিবীতে কুত্রাপি

আর পাওয়া যায় বলিয়াও ভনি নাই !” মহারাজ মনে মনে যে মহা তুষ্ট হইলেন, তাঁহার উৎক্লম্ব নয়নই তাহা প্রকাশ করিল ।

প্রিয় পাঠক ! কহিনুরের নাম আপনারা শুনিয়াছেন ; তাহার ইতিহাসও অনেকের গোচর থাকিতে পারে, কিন্তু সকলের না—এই জন্তই এস্থলে দুই চারি কথা বলা আবশ্যিক হইতেছে ।

কহিনুর শব্দের মুখ্যার্থ—আলোক-গিরি । ভূমণ্ডলে এ পর্য্যন্ত যত হীরক আবিষ্কৃত হইয়াছে, তাহাদের মধ্যে কহিনুর যথার্থই আলোক-গিরি বটে ! কহিনুর দৈর্ঘ্যে দেড়, প্রস্থে এক বুরুল । কহিনুর পুঙ্খ দিল্লীর মোঘল সম্রাট-গণের “ময়ূরসিংহাসনের” শিরোভূষণ ছিল—তৎপূর্বে অবশ্যই আয্য-নৃপতি-কুলকেই “স্বামীন্” বলিয়া ধ্য হইত ! কিংদান্ত আছে, শত্রাজিৎ রাজা স্বীয় কন্যা সত্যভামার সহিত ধারকাপাতি শ্রীকৃষ্ণকে যে মণিরাজ সমর্পণ করেন—যাহাকে লইয়াই ময়ূরসিংহের উপাখ্যান—হুই সেই পৌরাণিক “শ্রমন্তক মণি !” সে যাহা হউক, যংকালে নাদিরশাহ কাবুল হইতে মহাপ্লাবনবৎ ভূভাগ্য আঘাতের আগমন, আক্রমণ ও লুণ্ঠন করিয়া যায়, সেই কালে ( খৃঃ ১৭৩৮ অব্দে ) কহিনুরকেও হরণ করিয়া লইয়া গিয়াছিল । নাদিরের হত্যার পরে তৎবংশজ সাসুজা নির্দোষিতাবস্থায় তাহাকে সঙ্গে লইয়া স্বদেশ হইতে পলাইয়া ভারতে আইসেন ! অতএব পঁচাত্তর বৎসর কাবুলে থাকিয়া আবার যথাকার সম্পর্ক ও উপায় প্রত্যাশাও হইল ।

সাসুজা বৃত্তান্তান ভ্রমনাতে ১৮১৩খৃঃ অব্দে পঞ্জাবে আসিয়া পঞ্জাবসিংহের সাহায্য ভিক্ষায় বধন তদবশে কাগ হরণ করেন, তখন রণজিৎ সাহায্যদানের প্রতিদান স্বরূপ অস্ত্রাস্ত্র বস্তুর মধ্যে কহিনুর চান । সাসুজা প্রথমে কিছুতেই তদ্বশে সম্মত ছিলেন না । অবশেষে রণজিৎের ছণে বলে লাঞ্চিত ও নিরুপায় হইয়া তাঁহার পদতলে “আলোক-গিরি” অর্পণ করিতে বাধ্য হইলেন ; সাহায্যও পাইলেন না, কহিনুরও গেল ! তদবধি সেই অসামান্য মণিরাজ, রণজিৎের গল্পমণি-রূপে পঞ্জাব রাজসভার প্রধান শোভা হইয়াছে ! এখন, হায় !

মহাসিন্ধু পারে পঞ্চ সহস্র ক্রোশান্তরে ব্রিটিস মুকুটে বিভাসিত হইতেছে—এবার যে আর জন্মভূমি দোঁখতে পাইবে, সে আশা সুদূরপর্য্যন্ত !

যদিও রণজিৎ এই সব তুলনা-রহিত রাজাবলীর সংগ্রাহক ও অধিকারী হইয়াছিলেন, কিন্তু তাঁহার সভার শোভা বা রাজপুরীর সৌন্দর্য্য তাদৃশ



বিশ্বয়োগ্যপাদক বা মনোহর ছিল না। তখনকার বড় বড় রাজা, নবাব, বাদ-  
শাহ প্রভৃতি দূরে থাকুন, রণজিৎ অপেক্ষা অধিকাংশে নিকৃষ্ট শ্রেণীর ভূপাল-  
গণের সভাতেও পঞ্জাব-সিংহের অপেক্ষা বহুগুণে অধিক জাঁকজমক ও পারি-  
পাট্য দৃষ্ট হইত। ফলকথা, রণজিৎ বিগ্রহ সন্ধি লইয়াই বাস্তব, শাসনকার্য্যেই  
রত, যুদ্ধ ব্যাপারে নিপুণ, নবাবী সপ্তের দিকে বড় একটা যাঠতেন না—যাহাকে  
সৌধিন বলে, তাহা তিনি ছিলেন না—অধিকাংশ বীরপুরুষই এইরূপ হইয়া  
থাকেন! সুতরাং রণজিৎ প্রায়ই সামান্য বেশ ভূষা ও সামান্য উষ্ণীষ মাত্র  
সজ্জিত হইয়া সিংহাসনে বসিতেন। আভরণের মধ্যে কেবল এক ছড়া বহুমূল্য  
মুক্তার কণ্ঠি গলদেশে ধারণ করিতেন—কহিনুরকে কোন অসামান্য আড়ম্বরের  
প্রয়োজন ভিন্ন প্রায়ই শিরোভূষণ করিতেন না!

এ বিষয়ে তাঁহার পারিপার্শ্বিক মণ্ডলীর প্রায় সকলেই রাজানুকরণ  
করিতেন। সভাকূট্রিমে কেবল ধ্যানসিংহের পুত্র কুমার হীরা সিংহই (তৎকালে  
দশম বর্ষীয় বালক) মণি মুক্তাদামে খচিত থাকিতেন। তন্নিম্ন উচ্চ শ্রেণীর  
অগ্রাণ্ড তরুণগণকে কখন বা উচ্চ ধরণের বস্ত্রাভরণে ভূষিত দেখা যাইত মাত্র।  
কিন্তু হীরা সিংহের স্তায় তাঁহারা নিয়মিতরূপে প্রত্যহ রাজসভায় বসিতেন  
না। হীরা সিংহ প্রতিনিয়তই মহারাজার সিংহাসন পার্শ্বে আসন পাইতেন।

একগুণে পুনর্বার আখ্যায়িকার খেই ধরি।

মহারাজ এইরূপে নানামতে তুলীনের সহিত আমোদ আহ্লাদ করিয়া  
তাঁহার প্রতি প্রসন্ন ভাব দেখাইলেন। কিন্তু তুলীন সে দিন যেন অগ্রাণ্ড  
দিনের স্তায় পূর্ণ মাত্রায় প্রফুল্ল ও আমোদের ভাগী না হইয়া অপেক্ষাকৃত  
অধিকতর গাভীর্য্য ভাবের বশবর্তী। তদর্শনে মহারাজ হাশুমুখে ফকিরজার  
প্রতি কহিলেন, “সাহেব যেন ঠিক আ’জ্ দণ্ড গ্রহণ করিতে আসিয়াছেন!”

তুলীনের চমক হইল। আশ্চর্য্যে ব্যস্তে নম্রভাবে উত্তর দিলেন “মহারাজের  
বাক্য অপ্রকৃত নয়, কিন্তু অধীনকে মার্জ্জনা করিবেন—অধীনের শিরে পূর্বে  
কোন ভার ছিল না—কেবল একটা অশ্ব ও একখানি অসির যত্ন করিতে পারি-  
লেই প্রাত্যহিক কষ্টবোর পর্য্যাবসান হইত, কাজেই চিন্তেরও লঘুতা ছিল!  
সেই নির্বাক্ণ নিঃসহায়কে মহারাজ উন্নত করিয়া তৎপ্রতি গুরু ভারার্ণণ  
করিয়াছেন—অধীনকে এখন বহু জনের ও বহু বিষয়ের জন্ত ভাবিতে দিয়াছেন,  
আর কি এখন সে পূর্বে মত হাসিয়া কাল কাটাইতে পারে?”

মহারাজ হাঙ্গিয়া বলিলেন “সরকারের জ্ঞানী চাকরের যোগ্য কথা বটে— কিন্তু তবু তুলীন, তোমার এ চিন্তা যেন অসাময়িক—সময়ের বহু পূর্বে— এখনও ঘোড়ার রেকাবে পাও দেও নাই, এখনি শাসনকর্তার গাভীর্য কেন ? যা হউক, এতেও আমি সন্তোষ পাইলাম—বুঝিলাম উপযুক্ত হস্তেই ভার ঠিক করিয়াছি !”

তুলীন দেখিলেন, এই কথায় সভামধ্যে কাহারো কাহারো ঠোঁট-উন্টানি ঘটিল—রিষের বিষে ভরা ঠারা-ঠুরিও চলিতে লাগিল ! তুলীনও তাহাদিগের প্রতি সাহসের দৃষ্টিপাত করিলেন এবং হিংসার স্পষ্ট অভিনয় দেখিয়া প্রতি-হিংসার সাধ একটু না মিটাইয়া থাকিতে পারিলেন না—তজ্জন্ম ইঙ্গিতার্থক এই ভাবের কথাটা বলিলেন যে, “আশ্রয়দাতা প্রতিপালক প্রভুর সমক্ষে অধীন জনের বশুতা প্রদর্শনই কর্তব্য ও সুখজনক, কিন্তু রাজ-গোচরেও গৃধের প্রতি বায়সকুলের ঘেষ-ভাব-প্রকাশ যেমন কৌতুকবহু, তেমনি দুঃখজনক !”

পূর্বেই বলা হইয়াছে, রণজিৎ স্বীয় সভাসদ ও কর্মাধ্যক্ষগণের মধ্যে বিবাদ বিতণ্ডার রঙ্গ দেখিতে ভাল বাসিতেন এবং তাহাতে উৎসাহ দিয়া তাহাদিগের ভাবাভিপ্রায় বাহির করিবার কৌশলেও সম্পূর্ণ কুশলী ছিলেন, তুলীনের ঐ তীব্র ব্যাঙ্গোক্তি তাৎপর্য গ্রহণে তাহার তিলার্দ্র ও কাল-বিলম্ব হইল না। বিবাদ বাঁধাইবার এমন সুযোগ কি তিনি ছাড়িবার লোক ? অতএব কপটে যেন তুলীনের থিরুদ্ধে পারিষদগণের সপক্ষতায় কহিলেন, “আমার সভায় সব উত্তম লোক, তুলীন, সব যোগ্য লোক !”

রাজ-বদন হইতে এই কথাটা নির্গত হইতে না হইতেই গোসাল সিংহের ভ্রাতৃপুত্র তেজ সিংহ নামা জনৈক মহা স্থলকায় সদ্ধার সক্রোধে ও সগর্বে বলিয়া উঠিল “আজ্ঞা হাঁ, এ সভার সভাগণের নানারূপ যোগ্যতা আছে—বিশেষতঃ স্বদেশে যারা গাধা খচ্চরও চড়িতে পায় না, এদেশে আসিয়াই মস্ত ঘোড়সওয়ার হইয়া উঠে, এমন উদ্ধত অস্থচালককে পদতলে দলিত করিতে পারে, এ সভায় তেমন লোক বিস্তর আছে !”

এই বাক্যে শক্রপক্ষে বৃহৎ একটা হাসি পড়িয়া গেল। তুলীনও সেই হাস্য-ভরসে যোগ দিয়া সদর্পে বলিলেন—

“কিন্তু যুদ্ধকালে যে শৃগালের ত্রায় পিছু হটে, অথচ সভায় বসিয়া ভুঁড়ি

নাড়িয়া বৃথা বীরত্বাভিমানের গর্ব করে, আমি তেমন অকর্ষণ্য ভীক্ অশ্ব-  
রোহীকে আমার দেশের সেই গাধায় চড়াইবারও যোগ্য বিবেচনা করি না !  
তেমন স্থলোদর লোক নিত্য যেমন গোত্রাসে চাপাটি গিলে, সেই প্রণালীতে  
স্বীয় ভল্ল তাহার মুখে পুরিয়া যথার্থ বীরত্বের ভাব কিছু শিখাইতে পারি !”

এই কথায় ঐ অতিকায় তেজ সিংহ মহাতেজে উঠিতে উদ্যত, মহারাজ  
স্থির থাকিতে আদেশ করিলেন। এই ঘটনার কতিপয় সুবিজ্ঞ প্রধান  
সর্দার, বিশেষতঃ লেনা সিংহ মাজিতা \* এবং আতর সিংহ + মহারাজের  
অনর্থকারী রঙ্গপ্রিয়তা সম্বন্ধে অত্যন্ত বিরক্তি প্রকাশ করিলেন। ফকিরজী  
ও ধ্যান সিংহ উভয়েই ঐ প্রসঙ্গ উড়াইয়া দিয়া অত্র কথা পাড়িলেন।  
কিয়ৎক্ষণ অত্র প্রসঙ্গে কথোপকথনের পর দুই চারি স্নেহময় শিষ্টাচারের বাক্যে  
ছলীনকে বিদায় দিয়া মহারাজ গাত্রোথান করিলেন; ছলীন রোক শোধ  
পাইলেন; সভা ভঙ্গ হইল; সকলেই স্ব স্ব স্থানে চলিয়া গেলেন।

ছলীনের সে দিন আর যাত্রা হইল না, সবাহিনী সেই স্বক্কাবারেই  
যামিনী যাপিত হইল। রজনীতে চাঁদ খাঁ অত্যন্ত ব্যস্ত সমস্ত ভাবে সাহেবের  
শিবিরে গিয়া গোপনে এক খানি পত্র প্রদান করিল। ছলীন পড়িয়া  
দেখিলেন, লিপি খানিতে প্রসিদ্ধ লেনা সিংহের স্বাক্ষর—রাজসভায় তেজ  
সিংহ সম্বন্ধীয় ঘটনা-মুহূর্ত্ত হইতে লেনা সিংহ ছলীনের বন্ধু হইয়াছেন। পত্রের  
মর্মার্থ এই;—“কোট কাংরা অধিকার সহজে হইবে না; বিঘ্ন, বাধা,  
বিপক্ষতা প্রবলরূপেই সম্ভব।” এই অত্যন্ত প্রয়োজনীয় সংবাদের আভাসাদি  
লিখিয়া লেনা সিংহ শেষে এই আশাপ্রদ ও সুখপ্রদ বাক্যে উপসংহার  
করিয়াছেন যে, “তখন আপনি লেনা সিংহকে একজন বন্ধু বলিয়া জানিতে ও  
পাইতে পারিবেন !”

ছলীনের এই নব বন্ধুর বিশেষ পরিচয় পরে দিব; আপাততঃ বিজ্ঞাপ্য  
যে, তিনি বিদ্বান্, বীর ও ধার্মিক। তাঁহার শ্রায় মনুষ্য শিখ সমাজে অতি  
অল্পই পাওয়া যাইত—তিনি নানা গুণে সর্ব স্থানেই গণ্য মান্ত ছিলেন।

\* লেনা সিংহ মাজিতা—সমস্ত শিখের মধ্যে বিজ্ঞানশাস্ত্রজ্ঞ, জ্যোতির্বিদ, পদার্থ তত্ত্ববিদ,  
সম্রাট, সদাচারী, সুসভ্য এবং বহু গুণাধিত ছিলেন।

+ আতর সিংহ—মহারাজার পিতৃব্যপুত্র। শুদ্ধ সেই কারণেই বে রাজ সভায় এবং  
সর্বত্র পূজ্য ছিলেন, এমন নয়—সভাব, চরিত্র, বিজ্ঞতা, ইত্যাদি সর্ব বিষয়ে তিনি শিখ-  
জাতির আদর্শস্থল হওনের যোগ্য ছিলেন।

কৃতজ্ঞতা সৌজন্যতা-ব্যঞ্জক প্রত্যুত্তর প্রেরণের পর চাঁদ খাঁর সহিত বিস্তর কাজের কথা হইয়া পরস্পরে বাম্পাকুল নয়নে বিদায় লইলেন । প্রত্যুষে ক্যংরা যাত্রা । কিন্তু প্রত্যুষেও চাঁদ খাঁ আর একবার দেখা করিয়া শেষ বিদায় লইল ।

॥ আখ্যায়িকার দ্বিতীয় কাণ্ডও পাঠকের নিকট বিদায় গ্রহণ করিল !



## তৃতীয় কাণ্ড ।

### প্রথম পরিচ্ছেদ ।

গাত্রা ।

সূর্যোদয়ের কয়েক দণ্ড পূর্বেই গাত্রা হইল । পূর্বেই বলিয়াছি, সৈন্য-পত্নী বিষয়ে নন্দসিংহ প্রধান সহকারীত্ব-পদ-লাভে সমর্থ হইয়াছে, সুতরাং ছলীনের আজ্ঞানুসারে নন্দেরই দ্বারা ও তাহারই নামে, 'যে প্রণালীতে কুচ হইবে, পূর্বে রাত্রে তাহার পরওয়ানা বাহির হইয়াছিল । কিন্তু সমাগুপে আদেশ পালিত হয় কিনা, তাহার তত্ত্ব লইতে বন্নু, ধন্নু প্রভৃতি বিশ্বাসী কর্মচারিগণের প্রতিই গুপ্ত উপদেশ ছিল ।

ছলীন নিজেও এরূপ আয়াস ও তৎপরতা প্রদর্শন পূর্বক সমুদয় সূক্ষ্মজ্ঞানাবদ্ধ করিয়া দিলেন যে, প্রথম দিবসেই আলিবর্দি প্রভৃতি হিতেচ্ছু পক্ষ মহা পুলকিত, মহা উৎসাহী এবং নন্দ সিংহ প্রভৃতি প্রতিকূল পক্ষের মুখ মলিন হইল !

বাহিনীর গমন কালীন বিভাগ এবং গতি-রীতি এইরূপ হইল ;—সর্ব প্রথমে অতি বিশ্বাসী একদল দ্বিশত সংখ্যক অশ্বারোহী—( Van'gaurd ) "অগ্রণী রক্ষক ।" তৎপরে ল্যান্সার নামা অশ্বারোহী রোজমেন্ট ; পরে খোসালের পদাতিক ; পরে ছয়টা কামান ; তৎপশ্চাতে ছলীনের নিজের নব প্রস্তুতীকৃত পদাতিক ; পরে নিজের অশ্বারোহী ; তৎপরে নন্দ সিংহের অধীন ল্যান্সার দল ; সর্বশেষে নিজের বিশ্বাসী দ্বিশত সংখ্যক অশ্বারোহী । ছলীন যখন যেখানেই থাকুন, চাঁদ গাঁর প্রদত্ত পঞ্চাশ এবং পূর্বেই হচর অশ্বারোহিগণ তাঁহার নিজের শরীর-রক্ষী রূপে সর্বদা সমীপবর্তী থাকিত—আলিবর্দি এবং বন্নু ও ধন্নু তাহাদের কর্তা ।

কয়েক দিবস নির্বিঘ্নে গমন হইল । শিখদিগের উৎসাহ ও প্রফুল্লতা

দর্শনে ছুলীন পরম সন্তোষ লাভ করিলেন । বিশেষতঃ নন্দের ভাব নিতান্তই পরিবর্তিত ; তদর্শনে আশ্চর্যা বোধ হইতে লাগিল । কুচের সময় নন্দ সিং ছুলীনের নিকট মধ্য মধ্য আসিয়া পার্শ্বপার্শ্ব অঞ্চচালন পূর্বক নানা কথার আলাপে ও পরামর্শে প্রবৃত্ত হইত ; এক তিলের তরেও সাহেবের প্রতি যথোচিত মান দানে ক্রটি করিত না—যাহাতে সৈন্য মধ্য কোন গোল না হয়, যাহাতে সাহেবের বিশেষ কোন কষ্ট না জন্মে, যাহাতে সুখ স্বচ্ছন্দে আমোদ প্রমোদে ঐক্যবাক্যে গমন ঘটে, নিয়ত এইরূপ চেষ্টাতেই রত !

উচ্চ-নীচ-পদস্থ সৈনিক কর্মচারিগণ ও সেনাবাহু ক্রমেই নব শাসনকর্তার সাহস, দয়াদাক্ষিণ্য, প্রভাৎপন্নমতিত্ব, দার্ঢ্য এবং শ্রায়ানুরাগাদি বিবিধ সদগুণের যতই পরিচয় পাইতে লাগিল, ততই তাহারা ( প্রায় সকলেই ) ভয়, ভক্তি, প্রীতি, বাধাতা প্রভৃতি অনুরক্ত অনুরচরের লক্ষণ সমূহ প্রদর্শন করিতে লাগিল । যদি শতবিধ বিভিন্ন জাতীয় বিভিন্ন ধর্ম্মাশ্রিত মানবসংঘ একজনের অধীন থাকে, আর সেই কর্তা যদি দয়া বাৎসল্যের সাহায্যে প্রভুত্ব করিতে জানেন, তবে কে বলিবে যে, তাহারা এক জাতীয় এক ধর্ম্মাক্রান্ত একপ্রাণ নয় ? কিন্তু যাহার কর্তৃত্ব প্রয়োগ ও কর্তব্য সাধনের সঙ্গে স্নেহ-“লবণ” নাই, তাহার সাহস, বীর্ঘ্য, জ্ঞান, উচ্চবংশোৎপত্তি, অতুল ঐশ্বর্য্যাদি সকলেই বিশ্বাস বলিয়া বোধ হয়—সে কর্তা আপন সহোদরকেও বশে রাখিতে পারে না, অতঃ পরে কা কথা !

আমাদের প্রিয়বন্ধু অবশ্যই উচ্চ আর্ঘ্যবংশীয় ; দৈহিক সৌন্দর্য্যে অল্পম ; সাহস বীর্ঘ্যে অধিতীয় ; সভ্যতম দেশে সুশিক্ষিত ; দয়াময় সভ্য পিতা-মাতার যত্নে পালিত ; চরিত্র, অত্যন্ত সদাदर्শে গঠিত ; ইউরোপীয় সুপ্রণালীতে রণবিদ্যায় দীক্ষিত ; এ সব হইয়াও তাঁহার হৃদয় যদি শ্রায়পরায়ণ ও করুণা-সুধাভিষিক্ত না থাকিত, তবে কিছুতেই কিছু হইত না—ঐ সমস্ত গুণের সহিত এই দুইটি জড়িত হওয়াতে সোনায়ে সোহাগার শ্রায়, কি অপূর্ব্বই হইল—মানব জাতির মনোরঞ্জন ও ভক্তি আকর্ষণ পক্ষে তেমন আর কি হইতে পারে ? যে কোন জাতীয়, যে কোন প্রকৃতির মনুষ্যই হউক, এমন আধিনায়ক লাভে অবশ্যই মনের অনুরাগে গলিয়া যাইবে—অবশ্যই তাঁহার হস্তে কুস্তকারের কর্মের শ্রায় হইবে—তিনি তাহাঁদিগকে বেরূপ ইচ্ছা, তক্রূপ গঠনেই গড়িতে পারিবেন !

সুতরাং অল্পকাল মধ্যে বাহিনীর অধিকাংশ লোকই যে তাঁহার একান্ত বশব্দ ও নিতান্ত অমুগত হইয়া উঠিল, একথা প্রকাশ করিয়া বলাই বাহুল্য ! তবে যেখানে সূর্যালোক, সেখানেই ছায়া—যেখানে গোলাপ, সেখানেই কাঁটা—যেখানে সাধারণ নিয়ম, সেখানেই ব্যতিরেক—যেখানে গুণ, সেখানেই হিংসা ! অতএব কতিপয় খল ব্যক্তি মনে মনে যে তাঁহার বিদ্রোহী ছিল, তাহাও অস্বাভাবিক নয় !

তাহার সংখ্যায় ক্ষীণ, যোগ্যতায়ও দীন, কেবল অনিষ্ট সাধনের ক্ষমতায় তত হীন নয় ; যেহেতু দরবারে তাহাদের পোষক ও রক্ষক রূপে ক্ষমতাপন্ন আত্মীয় লোক আছে। তথাপি তাহারা প্রকাশে হিংসা-রাক্ষসীর পূজা করিতে সাহসী হইতে পারিত না—ডাকাইতদের আয় অমা-নিশা খুঁজিয়া বেড়াইত ! তাহারা ছিদ্রদর্শী, ছলান্বেষী, গুপ্ত-আঘাত-প্রয়াসী ! বলা বাহুল্য যে, নন্দসিংহই গোপনে গোপনে এই দলের সৃষ্টি ও পুষ্টিকারক !

এই সময় সাহেবের একটি কার্যে তাহারা ছিদ্র পাইল। কার্যটি যারপর নাই সং, কিন্তু অসং লোকের ছিদ্রান্বেষণ সংকল্পের মধ্যেই অধিক হইয়া থাকে। তুলীনের সে কার্য, নিতান্তই প্রতিষ্ঠার যোগ্য—ধন্যবাদের উপযুক্ত ; তথাপি হিংস্রস্বভাব নীচাশয় দৃষ্টগণ মনে করিল, তাহাদের ছুরভিসন্ধি চরিতার্থ করণ পক্ষে এই এক বিশেষ সুযোগ—এইবার এই উপলক্ষে সাহেবকে অপদস্থ ও বিপদগ্রস্ত করিবার উত্তম সুবিধা হইল !

কার্যটি আর কিছুই না—কুচের সময় সৈনিকগণ কর্তৃক প্রজাবর্গের প্রতি যে নানাবিধ দৌরাশ্রয় আচরণের প্রথা বহুকাল হইতে চলিয়া আসিতেছে, তন্নিবারণ ! তৎকালে রাজ-সৈন্তের সচল স্কন্ধাবার যখনই কোন হটে, বাজারে, গঞ্জে, খামারে বা গ্রামে যাইয়া পড়িত, তখনই মূল্যদান ব্যতীত দলস্থ সমুদয় মনুষ্য ও পশুর আহাৰ্য্য সামগ্রী গ্রামপতি, ব্যবসায়ী ও অধিবাসিগণের নিকট ছলে বলে কৌশলে গ্রহণ করা হইত। সেনাপতির পুরওয়ানা জারি দ্বারা লইতেন এবং তাঁহাদের জ্ঞাতসারে বা অজ্ঞাতসারে সামান্য সৈনিক পর্য্যন্ত সকলেই স্বেচ্ছামত গ্রহণ ( বা লুণ্ঠন ) করিতে ক্রটি করিত না !

তুলীন সে রীতি এককালে রহিত করিয়া দিলেন। সৈন্তমধ্যে প্রকাশ্য ঘোষণা দ্বারা ছোট বড় সকলকেই জানাইলেন, যে কেহ কোন দ্রব্য লইয়া তাহার উচিত মূল্যনা দিবে, তাহাকে দণ্ড পাইতে হইবে—কোন আপত্তি

খাটিবে না। শুদ্ধ ঘোষণা নয়, প্রত্যহ ছাউনির পর বিশ্বাসী চর দ্বারা কেহ সেই আত্মা লভন দোষে দোষী হইল কি না, তদনুসন্ধান লইতে এবং তদ্রূপ অপরাধীকে দণ্ড দিতে লাগিলেন ।

• তাঁহার হিংসাকারী দুর্জনেরা এই সূত্র পাইয়া বাহিনী মধ্যে অসন্তোষ-বৃদ্ধি উৎপাদন নিমিত্ত গোপনে গোপনে কুমন্ত্রণা দিতে লাগিল । তাহাদের ছুর্তিলাষ সম্পূর্ণের পক্ষে ইহা একটা সম্পূর্ণ সুযোগ সন্দেহ নাই ; কেননা তদ্রূপ লুণ্ঠন তৎকালের সৈনিকগণ আপনাদের ত্রাণ্য বৃত্তি বলিয়াই জানিত ; বিশেষতঃ যে কাজ বিনা-অর্থ-বায়ে অনায়াসে সম্পন্ন হইত, তজ্জন্তু গাঁটের কড়ি খরচ করিতে কাহার বা প্ররত্তি হইতে পারে ? কাহারই বা কষ্ট না হয় ? তৎসম্বন্ধে ফুসলাইলে কেউ বা তাহাকে উচিত বক্তা ও স্বপক্ষ না ভাবে ? এবং ভাধিয়া তাহার দলে মিলিতে না চায় ?

বিদ্রোহানল প্রজ্বলনের এই যে চেষ্টা হইতেছে, তুলীন অল্পতেই অর্থাৎ সে অগ্নি অনিবার্যরূপে প্রদীপ্ত ও বিস্তৃত না হইতেই তাহার সন্ধান পাইলেন । তাঁহার নানা গুণে নানা শ্রেণীর লোক মনে প্রাণে তাঁহার প্রতি সমাকৃষ্ট হইয়াছে, তাহাতেই কতক নিস্তার ; নচেৎ অপ্রিয় সেনাপতি হইলে অত্যল্পকালে অতি অল্পতেই ছুরায়াসিদ্ধ মনোরথ হইতে পারিত ।

তথাপি স্বার্থ এমনি ভয়ানক পদার্থ যে, তৎপ্রভাবে লোকে অন্ধপ্রায় হয় । সেই তো আশঙ্কা : কিন্তু শত্রুদল যেন সেই ঘোর সংক্রামক রোগের ব্যাপ্তি পক্ষে গোপনে গোপনে আয়াস পাইতেছিল, এ দিকে তেমনি সাহেবের একান্ত হিতৈচ্ছা ও অল্পগত প্রধান প্রধান সৈন্যধাক্ক হইতে নিম্ন কর্মচারী পর্য্যন্ত সচরিত্র নিদ্রন গুলী নাগেই স্ব স্ব আশ্রয়, আশ্রিত ও অধীন জন-সমূহকে সাহেবের মহদাতপ্রায় প্রকাশ্যরূপে প্রতিনিয়ত স্পষ্ট বুঝাইয়া দিতেন ।

ক্রমে বহু লোক বুঝিল । যখন পরস্পরে এ বিষয়ের আলোচনা বা বাদানুবাদ হইত--তাঁহাও সর্বদাই—তখন বহু বদন হইতে এমন কথাও শুনা যাইত যে, “ভাই, আর সব কথা ছেড়ে দেও, মোটামুটি এইটাই কেন বুঝ না, যিনি এত গুণে গুণমণি—যে সাহেব আমাদের সুখ স্বচ্ছন্দতার জন্ত এক তিলও আপনার সুখ ছাপকে গ্রাহ করেন না—যিনি যথার্থই দয়ালু সাগর—যিনি সামান্ত একজন সৈনিকের অসুখ দেখিলেও অসুখে বাচেন



না, হাকিমের সঙ্গে আপনি গিয়া রোগীদের তদারকং করেন, তিনি কি বিশেষ কারণ ভিন্ন খামকা যাতে আমাদের অসুবিধা ঘটে—যাতে আমাদের লাভের পক্ষে ব্যাঘাত ঘটে, এমন কাজ করিতে পারেন? এ হুকুমে বরং তিনি যে ঞায়বান আর পরম ধার্মিক, তাই বুঝাইতেছে। আরো শুনিতেছি, আমাদের যে লোকসান হইবে, তিনি নাকি কোট কাংরায় কিছু দিন স্থিত হইবার পর, তাহার পূরণ স্বরূপ আমাদের পুরস্কার দিবেন ;” ইত্যাদি।

হুলীন আর এক উত্তম কৌশলে এই অভূষ্টিকে পরিপূর্ণ ও দীর্ঘস্থায়ী হইতে দিলেন না—সন্ধান পাইবার অনতিবিলম্বে একদা এক বিস্তীর্ণ শ্যামল দুর্বাদল-পূর্ণ রমণীয় মাঠ মধ্যে সমগ্র বাহিনীকে শ্রেণীবদ্ধ ভাবে মণ্ডলাকারে স্তবকে স্তবকে দাঁড় করাইয়া আপনি তন্মধ্যস্থলে একটা অনতি-উচ্চ মৃত্তিকা স্তূপের উপরি দণ্ডায়মান হইলেন; প্রধান কর্মচারী ও সহকারীগণ সকৌতুক অথচ সচিন্তিত বদনে এবং সোৎসুক নয়নে তাঁহার পার্শ্বে ও পশ্চাতে অবস্থিতি করিলেন। সকলেই সোৎসুক, অথচ নীরব—নিস্তব্ধ—আশাব্রিত। দৃশ্যটী কি মনোহর—কি গম্ভীর—কি গুরু ভাবায়ক! সময়টী সূর্যাস্তের পূর্বে—বহুদূরে জলধরপটলবৎ পর্বতমালা ও নিকটে বনভূমি দৃষ্ট হইতেছে—সেকালে যদি ফটোগ্রাফ বিদ্যার প্রচলন থাকিত, তবে তৎসাহায্যে কি বিচিত্র চিত্রই উঠিত!

হুলীন সুপরিষ্কার মধুমিশ্রিত উচ্চস্বরে একটা সহজ-যুক্তি-পূর্ণ সারগর্ভ ক্ষুদ্র বক্তৃতা করিলেন। পূর্বরীতির অবৈধতা এবং স্ব-প্রচলিত নিয়মের ঔচিত্য ও উপকারিত্ব এমন সুন্দররূপে বুঝাইয়া দিলেন যে, তচ্ছুবণে পূর্বকার অসন্তোষের পরিবর্তে মহা সন্তোষ এবং নূতন আজ্ঞা পালনের আগ্রহে প্রায় সর্বজনের মন মাতিয়া উঠিল! সেই সঙ্গীতার কিয়দংশ উদ্ধৃত করিতেছি।

“যাহারা রক্ষক, তাহারাই যদি এইরূপে ভক্ষক হয়, তবে কি সে রাজ্যের প্রজাবর্গ সুখে থাকিতে পারে? সৈনিক কুচ তো সর্বদাই ঘটে, তবে সর্বদাই এই সর্বনেশে প্রথানুসারে প্রজার দ্রব্য লইলে দীন দুঃখী প্রজাদের বিষয় কত যে এত লুণ্ঠের পরও তাহাদের খাওয়া পরা স্বচ্ছন্দে চলিতে পারে? তাহারা কি ক্রমান্বয়ে এই দৌরাত্ম্য সহিয়া নিতান্ত সহনহীন—গ্রাসা-

ছাদনে বঞ্চিত হইয়া পড়ে না ? এ অত্যাচার সহ করিতে না হইলে তাহারা কি এত দিনে সঙ্গতিপন্ন সুখী প্রজা হইত না ?

“তোমরা কি কোম্পানি বাহাদুরের শাসন-পদ্ধতি শুনিতো পাও না ? তাঁহাদের যিনি বড় সাহেব—যিনি সর্বময় কর্তা, তিনিও বিনা মূল্যদানে কোন প্রজার একগাছি তৃণ পর্য্যন্তও লইতে সক্ষম নন। তাঁহাদের কুচের সময় কোন কর্ণেল, কোন কাপ্তেন, কি কোন সিপাহির এমন সাধা নাই যে, তাহারা মালিকের সম্মতিভিন্ন একটা সামান্য দ্রব্যও লইতে পারে ! যে লয়, তখনই তাহাকে বেড়ি পায় পরিয়া মেয়াদ খাটিতে হয় ! কেননা একরূপে দ্রব্যাদি গ্রহণের নাম লুঠ—লুঠও যা চুরিও তা—এরূপ লুঠ, চুরি হইতেও গুরুতর দোষ ; ইহা প্রকৃতই দিনে ডাকাতি !

“লুঠ কোথায় করা উচিত ? বিজিত শত্রুর সম্পত্তিই লুঠের বস্তু। প্রজারা কি তোমাদের শত্রু ? প্রজাদের ত্রায় সুস্থৎ আর কে ? তাহারা রাজস্ব দেয় ; সেই রাজস্ব পাইয়াই মহারাজা তোমাদের প্রতিপালন করেন ! তাহারা মহারাজার পরম হিতৈষী—মহারাজার প্রয়োজন হইলে প্রাণ দিয়াও সেবা সাহায্য করে ! তোমরাই বা কে ? তোমরাও কি সেই প্রজা শ্রেণীর মধ্য হইতে আইস নাই ? তাহারা আর তোমরা কি ভিন্ন ? তাহাদের বস্তু হরণ করা কি তোমাদের নিজের বস্তুর অপচয় নয় ? আজ্ তোমরা সৈনিক, কাল্ তোমরা প্রজা ছিলে—আবার আগামী কলা হয় তো সেই প্রজাই হইবে ! মনে ভাবিয়া দেখ দেখি, যদি কোন কারণে তোমাদের আর এ কর্ম্মে রাখিবার জন্ত মহারাজার প্রয়োজন না হয়, তবে কি যাহা বলিলাম তাহা ঘটবে না ? মনে কর, এই তাঁবুর পরিবর্তে আবার তোমরা গ্রামনাসী চাষী কি বাপারী হইলে ; মনে কর, তখন এক দল রাজ-সৈন্য তোমাদের গ্রামে পড়িয়া তোমাদের দ্রব্য সামগ্রী যথেষ্টাচারে কাড়িয়া লইল ; ধ্যান করিয়া দেখ দেখি তখন তোমাদের দশাটা কি হয় ? তখন তোমাদের প্রাণটাই বা কেমন হয় ? আর কি তখন সেই সৈনিকগণকে স্বদেশীয় ভাই বলিয়া ভালবাসিতে এবং রক্ষক বলিয়া মান্ত করিতে প্রাণ চাহিবে ? আর কি তখন মহারাজকে আশীর্বাদ করিতে ইচ্ছা হইবে ? আর কি তাঁর জন্ত প্রাণ দিতে তখন তোমাদের প্রবৃত্তি হইতে পারিবে ? অতএব প্রিয় বৎসগণ ! আপনাদের সেই অবস্থার কষ্ট মনে মনে কল্পনা করিয়া

পরের সেই অবস্থায় কত দুঃখ হইতে পারে, সেইটাই অনুভব কর—করিয়া পরের দুঃখে দুঃখী হইতে অভ্যাস কর—তোমরা সে অবস্থায় যে কাজে অসম্মত ও সর্বস্বান্ত হইতে, তেমন নিষ্ঠুর ব্যবহারে স্বদেশীয় ও স্বজাতীয় ভ্রাতাগণকে কদাচ জালা যন্ত্রণা দিও না—তেমন হিতৈষী স্বদেশী ভাই বন্ধুগণকে সামান্য স্বার্থ লোভে শত্রু করিয়া তুলো না! নিশ্চিত জানিও, তাহাতে বড় অধর্ম—বড়ই মর্মান্বহ—বড়ই স্ফুটন—বড়ই আত্মবিচ্ছেদ ঘটে! তোমরা আমার প্রাণাধিক প্রিয় জন, আমি কি বিশেষ কারণ ভিন্ন তোমাদের ক্ষতি করিতে পারি? আমি কি শক্তি সঙ্গে স্বেচ্ছাপূর্বক তোমাদিগকে তেমন নিদারুণ অপরাধের কর্মে লিপ্ত হইতে দিতে পারি? আমার ক্ষমতা আর প্রাণ থাকিতে তো নয়! ইহা আমার দৃঢ় প্রতিজ্ঞা, কিছুতেই অন্তথা হইবার নয়!

“আমি আর অধিক বলিতে চাহি না। ভরসা করি, যাঁরা বুঝাইলাম, তাহাতে আঁজু হইতে আমার বাহিনীর এক প্রাণীও সেরূপ কুৎসিত ডাকাতি কাজে আর লিপ্ত হইবে না—ভরসা করি, প্রত্যেকের ব্যবহারে এ বিষয়ে আমি সর্বদা সন্তুষ্ট থাকিতে পারিব—ভরসা করি, যে সূনিয়ম প্রচলন করিয়াছি, আঁজু তাহার মহদভিপ্রায় বুঝিতে পারিয়া সকলেই আন্তরিক ইচ্ছার সহিত সেই আজ্ঞানুসারে চলিবে, আর যেন একজনকেও সেই আদেশ লংঘনের জন্ত আমাকে দণ্ড দিতে না হয়!

“কিন্তু যদি এত বুঝানোর পরেও এই সৈন্ত মধ্যে এমন হতভাগা নির্কোঁধ কেউ থাকে যে, সে এই সকল সংকথা ও সহপদেশ অবহেলন পূর্বক কুতর্জী লোকের কুমন্ত্রণা শুনিয়া তাদের সঙ্গে চক্রান্ত করিয়া বেড়ায়, অথবা এ নিয়মে অনুমাত্র অসন্তোষ প্রকাশ করে, তবে সে যেন নিশ্চিত জানে যে তাহার সর্বনাশ অতি নিকট—এবার আর পূর্বের স্থায় অন্ন দণ্ডে সে পার পাবে না—এবার এমন সাজা দিয়া বিদায় করিব যে, মরণ পর্যন্ত তাহা আর ভুলিতে পারিবে না! আমার চক্ষু শত দিকে অতি তীক্ষ্ণ দৃষ্টিপাত করিয়া থাকে, ছুঁ ছরাশয়েরা যেন তাহাও স্মরণ রাখে! কিন্তু ঈশ্বরের নিকট প্রার্থনা করিতেছি এবং আবার এই শেষকালেও ভরসা করিতেছি, তাহাদের যেন অদ্যাবধি সঙ্কীর্ণ হয়!”

সেনাপতির মুখে এরূপ বক্তৃতার ফল চিরকালই উৎকৃষ্ট হইয়া থাকে—

এরূপ সূমনোহের নিগূকতা মধ্যে প্রভুর সদ্ভাবগয় উত্তেজক উক্তি শুনিয়া মন্থমুগ্ধের ত্রায় মৈনিকগণ চিরদিনই অবিচার্য্যরূপে তাহার আরো বশীভূত হইয়া পড়ে—তিনি যে দিকে যে পথে চালাইবেন, মত্তপ্রায় সেই দিকেই যায়—গঠিত গনুবা পথ হঠলেও যায় ! কত সেনানায়ক এই উপায়ে স্বদেশের স্বাধীনতাকেও স্বীয় পদতলে দলিত করিতে সমর্থ হইয়াছে ।

যখন ঐতদূর হইতে পারে, তখন মহাত্মা তুলীন যে স্বীয় স্বেচ্ছাধীন সূশাসিত সূবাধা মৈনিকপুঞ্জকে লুঠ-রাহিত্যরূপ নিঃস্বার্থমূলক সংসংকল্পে পশ্মত করিতে সমর্থ হইবেন, ইহাতে আশ্চর্য্য কি ? তাহার বক্তৃতা সমাপ্ত হইবা মাত্র বারত্রয় উল্লাস ও উৎসাহজ্ঞাপক ভীষণ জয়ধ্বনিতে গগনমণ্ডল নিনাদিত হইল—“জয় তুলীন সাহেবকি জয় !” তৎপরে শিখদিগের কণ্ঠ হইতে যুগপৎ “গুরুজীকে ফতে !” ইত্যাদি বিরাট শব্দ সেই বিশাল প্রান্তরকে যেন কম্পিত করিয়া তুলিল !

বক্তৃতাকালে চৈতন পার্শ্বে দাঁড়াইয়া হা করিয়া শুনিতে ( কি গিলিতে ) ছিলেন ! উষ্ণোষের নিম্নে কর্ণোপরি কলম, এক হস্তে কাগজ, এক হস্তে দোলাভাবে রজ্জুনাধা মস্তাধার ! মানস ছিল, লিখিবেন ; বিশ্বয়ে আর হর্ষে পারিলেন না ; কিন্তু ছাউনিতে সমস্ত রাত্রি সে কাজ হইল !

সেই দিন হইতে সাহেবের প্রতি সর্ব্বজনের আন্তরিক অনুরাগ আরো বাড়িল ; লুঠ-রাহিত্য জন্ত পূর্বে যে কিছু বিরাগ-ভাব জন্মিয়াছিল, তদ্দিনাবধি তৎপরিবর্তে বরং শ্রদ্ধা ভক্তির আধিক্যই দাঁড়াইল ! বিশেষতঃ শুদ্ধ বক্তৃতা নয়, তুলীন কাজেও সুবিধান করিলেন । অর্থাৎ ইংরাজী কমিশ্যুরিয়েটের দৃষ্টান্তানুসারে রসদাদির ব্যবস্থা করিয়া দেওয়াতে সেই দিন হইতে আর কোন গোলই হইল না—প্রত্যহ ছাউনির স্থান অধিকার করিবার মাত্র গো, অশ্ব, উট, মনুষ্য প্রভৃতির স্বাভিমত আহাণ্যাদি প্রচুর পরিমাণে সুব্যবস্থাতে মিলিতে লাগিল, অথচ দ্রব্য সমূহের নিম্নময়ে বখোচিত মূল্য পায় নাই, এমন কথা কোন বিক্রেতা—কোন সংগ্রাহক—কোন গ্রাম ও গঞ্জবাসী বলিতে পারে নাই !

কল কি হইল ? অত্র সর্দারের কি স্বয়ং মহারাজারও ভ্রমণ কালে কে সব লোক দ্বাজাত লুকায়িত রাখিতে কত উপায়, কত মন্ত্রণা, কত প্রতারণা

করিতে বাধা হইত, অথবা নানা ছল করিয়া দ্রব্যাদি সহিত স্থানান্তরে পলাইয়া যাইত, এখন তাহারা আপনা হইতে নানা জাতীয় প্রয়োজনীয় দ্রব্যাদি আনিয়া ছাউনিতে উপস্থিত করিতে লাগিল—সৈনিকগণ খাহার বাহা ইচ্ছা স্বচ্ছন্দে প্রাপ্ত হইয়া লুটের সময়াপেক্ষা শতগুণে বেশী সুখী হইল! তদঞ্চলে রব উঠিল, এমন বরাভয়-দাতা সৈনিক কুচ বহুকাল দৃষ্ট হয় নাই!

প্রদেশে তুলীনের নামে ধনুধ্বনির স্রোত প্রবাহিত হইয়া ক্রমে রাজসিংহাসন পর্য্যন্ত প্লাবিত করিল! সে স্রোতে সদাশয় বন্ধুগণের মনঃমীন সুখে সম্ভরণ করিতে লাগিল, সেই সঙ্গে ঈর্ষানক্র ও হিংসামকর শিকারা মেষণে প্রবৃত্ত রহিল!

## দ্বিতীয় পরিচ্ছেদ ।

কয়েকটি প্রয়োজনীয় কথা ।

শিবির স্থাপন আর গমন—ছাউনি আর কুচ—ভোজন, শয়ন, আমোদ! প্রথম দুই চারি দিবস নিয়মিতরূপে ইহাই চলিবার পর তুলীন ভাবিলেন, অপরাহ্নে বুধা কেন আলস্তে কালযাপন হয়—সৈন্যগণের শিক্ষা ও আলোচনা হউক। তদনুসারে পৃথক পৃথক শ্রেণীর পৃথক পৃথক সমর-শিক্ষা চলিতে লাগিল। নিয়ম-বশুতা ও শাসন-বশুতার (Discipline) অণুমাত্র ব্যতিক্রমই সৈনিক নিপুণতার অন্তরায়। তুলীন তদ্বিষয়ে বিশেষ মনোযোগী ও কঠোর শাসক হইলেন। ইংরাজ ও ফরাসী সৈন্য মধ্যে যিনি এতকাল সুশিক্ষিত ও সুবিখ্যাত—যিনি ওয়াটারলু-রঙ্গভূমিরও অভিনেতা—তাহার অধ্যাপনা পদ্ধতির ঔৎকর্ষের কথা বলিয়া জানাইবার প্রয়োজন নাই। অল্প দিনেই তুলীনের বাহিনী উৎকৃষ্ট কৌশল-শালিনী হইয়া উঠিল।

সৈন্যগণের পাণ্ডিত্য দর্শনে তিনি একদা কোন কোন প্রধান কর্মচারীদের সাক্ষাতে বলিয়াছিলেন, “তোমাদের বলবীর্ঘ্য সাহসের কিছুমাত্র অপ্রতুল ছিল না, কেবল পরিবেদনা-মূলক পরিচালনারই অভাব ছিল। আমি তাহা প্রথমাবধিই বুঝিতে পারিয়া এত অসীম যত্নে ইউরোপীয় প্রণালী

প্রবর্তিত করিয়াছি। মহারাজার অত্যন্ত সামরিকগণও ঐ প্রণালীতে শিক্ষিত হইয়াছে বটে, কিন্তু তাহাদের মধ্যে নিয়ম-বশুতা অনেকাংশে শিথিল আছে এবং চালিত চালতে সহানুভূতিও আশামত নাই। আমি সে পক্ষে অধিক-তর দার্ঢ়্য অবলম্বন করিয়াছি বলিয়াই এখন তোমরা পৃথিবীর চতুর্ভাগে যথেষ্ট জয়ী হইবার সামর্থ্য ধারণ করিয়াছ—অধিক কি, সর্ববিজয়ী বোনাপার্টের সৈন্যের সমকক্ষ হইতেও পার!” এ কথা শুধু ছলীনের নিজ মুখে নয়, পরে মহারাজা রণজিৎ এবং লর্ড বেণ্টিঙ্ক বাহাদুরের প্রশংসাবাদেও ব্যক্ত হইয়াছিল।

• ছলীনের প্রতি নন্দসিংহের আনুগত্য ক্রমশঃই বাড়িতে লাগিল। ছলীনের কোন ইচ্ছা বা ইঙ্গিত প্রকাশ নাহেই নন্দ তৎপালনে প্রস্তুত। বরু, ধরু ও আলিবর্দি প্রভৃতি অকপট অনুরক্তগণকেও নন্দ এ বিষয়ে হারাইয়া দিল। গমন সময়ে এতঃ কখন কখন সৈন্য-শিক্ষাকালেও নন্দ সর্বদাই ছলীনের পার্শ্ববর্তী—সহকারী অধ্যক্ষের যাহা যাহা করণীয়, তদপেক্ষাও শতগুণে অধিক কার্যতৎপর ও অনুগত! শুধু একা নহে; তাহার নিজের দুই তিন জন সহচরও সাহেবের আজ্ঞা বহনাদি কার্যে নিয়তই নিযুক্ত—নন্দ সিংহের অত ভক্তি দেখিয়া বরু প্রভৃতি “অতি-ভক্তি” বলিত।

ছলীন নিজে কখন কখন এ বিষয় লইয়া চিন্তা করিতেন—আশ্চর্য্য হইতেন! বরু, ধরু ও আলিবর্দি সংগোপনে এ কথার সর্বদাই অনুশীলন করিত। আদ্যাতনস্থার সমুদয় সহযোগী ও মূলতানী সঙ্গীগণেরই এ ঘটনায় নিতান্ত বিস্ময়ান্বিত হইত। ফলতঃ ছলীনের হিতৈষী দলের সকলেই ন্যূনা-তিরেকে ভাবিত, কেবল চৈতন বাবুই কিছুমাত্র জানিতেন না, বুঝিতেন না, সম্পূর্ণ নিশ্চিন্ত—নিঃসন্দেহ ছিলেন।

আমরা আর এক ব্যক্তির নাম এখনও করি নাই, কিন্তু করা আবশ্যিক। এ ব্যক্তি ছলীনের লাহোরগমন কালের পূর্ব হইতে “নিজের খানসামা-গিরি” কাজে নিযুক্ত। তাহার নাম তুঙ্গ বা তুখন। এ ব্যক্তিও ছলীনের মিষ্টগুণে ও আপন স্বভাবগুণে অত্যন্ত অনুরক্ত ভূতা হইয়া উঠিয়াছে; তাহার পূর্বে বরুই ছলীনের নিজের ভূতা ছিল। দৈনিক কর্ণে বরুর নিয়োগাবধি তুঙ্গকে প্রভুর পরিচর্যা করে—বরুও ছাড়ে না, সুবিধা মত অল্প ভাগেও অংশীদার আছে। তুঙ্গকে বরুই জানিয়া গনিয়া ভাল

বুঝিয়া নিষুক্ত করিয়াছে—বন্নু তাহাকে প্রাণের সহিত ভালবাসে ও বিশ্বাস করে ।

তুফণ বড় সূচতুর—মানব-হৃদয়-তত্ত্বজ্ঞতার স্বভাব-দত্ত ক্ষমতার ভূষিত । তাহার সহিত বন্নুর সর্বদা নন্দ সিংহ সম্বন্ধে কথা হইত ; তাই সে জানে, নন্দ সিং প্রভুর কতদূর পূর্ব শত্রু । তুফণকে স্বীয় কর্তব্যানুরোধে অর্থাৎ প্রভুর সেবা কার্যো নিয়তই সমীপবর্তী থাকিতে হয়, সুতরাং যখনই নন্দ সিংহ ছলীনের নিকট আইসে, কি আনুগত্য প্রদর্শন পূর্বক কথোপকথন করে, তখনই তুফণ অন্তের অজ্ঞাতসারে আড়ে আড়ে নন্দের চক্ষু ও মুখের প্রত্যেক ভাব ভঙ্গীর প্রতি সতর্ক প্রহরিতা করে । চতুর তুফণ নখদর্পণের দ্বারা স্পষ্টই দেখিতে পারে, নন্দ স্বীয় হৃদয়ের প্রকৃত ভাব গোপনার্থ বিস্তর আয়াস ও কৌশল করিয়া থাকে—পাছে কোনমতে মনের উলঙ্গ মূর্তি লক্ষিত হইয়া পড়ে, এই ভয় ! তৎপ্রতিবিধানের জন্ত স্বীয় নয়ন, বদন, বর্ণ ও অঙ্গ ভঙ্গীকে অভিপ্রেত অবস্থায় রক্ষা করিতে অসম্ভব আত্মদমন শক্তির উপাসনায় প্রবৃত্ত থাকে—নিয়তই যেন রঙ্গভূমির অভিনেতা, এমি বোধ হয় ।

ছলীন প্রায় প্রতি সায়ংকালের প্রাক্কালে শিবির হইতে বহুদূরে একাকী শিকার করিতে যাইতেন—বায়্র হরিণাদির মৃগয়া নয়, সামান্ত পশু পক্ষীর শিকার । এজন্ত একটা বন্দুক ভিন্ন নিকটে অন্য অস্ত্র থাকিত না । শিকারে তিনি বিশেষ অনুরক্ত । যে কয়দিন সমতল প্রদেশ বাহিয়া কুচ হইতেছিল, সে কয় দিনস খাল বিল ঝোপেই শিকার হইত । এখন পার্বত্য প্রদেশে উপস্থিত—ক্ষুদ্র ক্ষুদ্র পাহাড় ও জঙ্গল মধ্যে প্রবিষ্ট হইয়া শিকার করিতে হয়—কাজেই ভ্রমণের সীমা ক্রমে পূর্বাপেক্ষা দীর্ঘ ও দূরব্যাপী হইতেছে । কোন কোন দিন ফিরিয়া আসিতে তিন চারি দণ্ড রাত্রিও হইয়া পড়িত ।

একদিন তিনি সমজ্জ হইয়া অর্থাৎ বন্দুক ও কুকুর ( নাম, হেক্টর ) লইয়া শিকারার্থ স্বীয় শিবির ত্যাগ করিতেছেন, এমন সময় বন্নু, আলিবর্দি এবং তুফণ, এই তিন বিশ্বাসী ভৃত্য একত্র দলবদ্ধ হইয়া সেলাম করিয়া সাহেবের গমনপথে দাঁড়াইল—যেন কিছু বলিবার ইচ্ছা । ছলীন কিছু বিরক্ত ও চিন্তিত হইলেন । কোন কথা থাকে, এ সময় কেন—এই ভাবেই বিরক্ত । কিন্তু ইহার আবার শিকার প্রবৃত্তির গাঢ়তা জানিয়াও যখন এমন সময়ে আসিয়াছে, তখন অবশ্যই গুরুতর কথা হইবে—এই জাবিয়াই

চিস্তিত । বলিলেন “তোমাদের কোন কথা আছে নাকি ? রাতে বলিলে হইবে না ?”

আলিবর্দি কহিল, “হজুরকে বেশী ক্ষণ দাঁড়াইতে হইবে না, অতি অল্প কথা ।”

বন্নু কহিল “হজুর ! আমাদের আর কেহই নাই, আপনিই মা বাপ সব ! হজুরের কোন অঙ্গলের আশঙ্কা মনে উদিত হইলে আমরা কি চুপ করিয়া থাকিতে পারি ?”

ছলীন দ্রুতভাবে একে একে তিন জনেরই মুখপানে চাহিলেন । বলিলেন “ভূমিকার প্রয়োজন নাই, বাহা বলিবার শীঘ্র বল ।”

বন্নু ও তুক্ষণের ইঙ্গিতে আলিবর্দি বক্র হইল । বলিল, “কেমন বদমায়েসের দ্বারা সাংঘেবের তাম্ব পূর্ণ আছে, তাহা কি হজুর দেখিতে পান না ? আমি বেশী কথা জানি না হজুর—আমি সংক্ষেপে বলিব । আপনি একা শিকারে যাইতেছেন, কিন্তু ছাউনিতে শয়ক হই শত এমন লোকও আছে, বাহারা আপনার টুপিতে ঐ যে সোনার পটিটা দেওয়া আছে, উহার লোভেও একটা গাছের আডাল থেকে আপনাকে গুলি মারিতে পারে—অধিক কি, শুধু আপনার এই কোর্ভটার জন্তও পারে !”

বন্নু বলিল, “শুধু তাও নয়, হজুর ! ছাউনির মধ্যে ঘোর শত্রু আছে, তাকি আপনার জানা নাই ? বাহারা সম্মুখভাগে সর্কাপেক্ষা আজাবহ ও অনুগত, সুর্যোগ সুবিধা পাইবামাত্র, হয় তো তাহারাই শয়তানের কাজ করিবে ! দোহাই খোদাবন্দ ! আমরা অকারণে ভয় পাইবার, কি ভয় দেখাইবার লোক নই—দৃষ্ট লোকে যে আপনার পাছ নিয়েছে, তাহা আমরা টের পেয়েছি—কেবল উপযুক্ত স্থান পাইতেছে না । কিন্তু এক্ষেপে শিকার করিতে গেলে শত্রুর পক্ষে মনোমত স্থান বাছিয়া লইতে কতক্ষণ ?”

ছলীন হাসিয়া বলিলেন, “এই কথা ! বাহা হউক, তোমরা আমার অতি বিশ্বাসী হিতৈষী ভৃত্য—শুধু ভৃত্য নও—বন্ধু, তোমাদের এক্ষেপে চিন্তা হওয়া স্বাভাবিক । এ কারণ তোমাদের প্রতি বাধ্যতা স্বীকার করিতেছি । কিন্তু এতই কি ভয় ? একাকী যাই বলিয়া তোমাদের শঙ্কা ? এই বন্ধুক, আর এঁই কুকুর, ইহারা কি উপযুক্ত রক্ষক নয় ? অন্ততঃ পাঁচ সাত জনকে ত্রো ভাগাইতে ও শোয়াইতে পারিব !—আর যে কয়েক শত বদমায়েসের কথা



বলিলে, আমার নিজের কৃত রেজিমেন্টে নয়; অস্ত্র দলে থাকিতে পারে। কিন্তু তন্মধ্যে সংগোকও কি বিস্তর নাই? এই বাহিনীতে যত সৈনিক, সব কি এখন আমার শিষ্য নয়? ভারতবর্ষের লোক, ওস্তাদকে বড় মানে; তাহারা কি ওস্তাদ বলিয়া আমার পক্ষ হইবে না? আর কেহ না হউক, আমার খুব বিশ্বাস আছে, আমার নিজের কয়টা নূতন রেজিমেন্টভুক্ত সকল লোক আমার জন্ত প্রাণ দিতে পারে! সেই সঙ্গে, আলিবর্দি, তোমার পঞ্চাশ, বরুর বিশপঁচিশ, আর আমাদের এই তিন জনের অসি, ইত্যাদির কি সংখ্যায় ন্যূন দেখিতেছ বলিয়া সামান্য জ্ঞান কর? আমি তাহাদের পরিচালক হইলে এই এক শ লোকই এক হাজার হইতে পারে—ও পক্ষে তেমন নারকবলের সম্ভাবনা কৈ?

আলিবর্দি সমুৎসাহে বলিল, “না, হজুর, সে বিষয়ে চিন্তা মাত্রই করি না—সম্মুখ সংগ্রামে কিছু মাত্র ভয় ভাবনা করি না! কিন্তু সাহেব! ( দাড়িতে হাত বুলাইতে বুলাইতে ) যাহারা বদমাস, তাহারা কি প্রকাশে কিছু করিবে? আপনি সজ্জন মাত্রেরই পরম প্রিয়—দেবতার ঞ্চার পরম পূজ্য! সেই জন্তই দুর্জনেরা গুপ্ত শত্রু! সেই গুপ্ত শত্রুরা ( বিশেষ একজন ) এত নিরীক নয় যে, জানাইয়া শুনাইয়া—সংবাদ দিয়া বৈরিতা সাধিবে! পাছে সেই ভীকু পাপিষ্ঠেরা সাহেবের শিকার হইতে ফিরিয়া আসিবার কালে অন্ধকারে ছুরভিসন্ধি সাধনের সুযোগ পায়, সেই ভয়ই ভয়—সেই জন্তই অধীনদের প্রার্থনা, শিকার বন্ধ করুন!”

ছলীন এ আশঙ্কার বিরুদ্ধে কোন প্রবল যুক্তি দেখাইতে পারিলেন না। বিশেষতঃ যে শত্রু পূর্বে একবার গুপ্তহত্যার আয়োজন করিতে পারিয়াছিল, সে পুনশ্চই বা না পারিবে কেন? সে তো সঙ্গেই আছে। সে এখন শত্রুতা না দেখাইয়া পরম বন্ধু হইয়া উঠিয়াছে—ছায়ার ঞ্চার অনুগত হইয়াছে। কিন্তু তাহাতে ছদ্মবেশী শত্রুবতার আরো অধিক সম্ভাবনা!

তথাপি ছলীন বুঝাইতে ও নিজ মনে বুঝিতে চেষ্টা করিলেন যে, সে হয় তো পূর্ক-দেষভাব ত্যাগ করিয়াছে—পূর্কচরণের নিমিত্ত অনুতপ্ত হইয়া বথার্থ মিত্রতা দ্বারা প্রায়শ্চিত্ত করিতেছে! অন্ততঃ বিনা প্রমাণে কোন ব্যক্তিকে দোষী মনে করাও মহা পাপ!

তুফণ তখন ঘোড়করে নিবেদন করিল, “হজুর! আমি তাহার আকার

প্রকার গুপ্ত ভাবে পরীক্ষা করিয়া দেখিয়াছি, সে আজো সেই বিশ্বাসঘাতক নরাধমই আছে। সে হুজুরের সম্মুখে নিরীহ নির্দোষ অনুতাপীবৎ প্রকাশ পায়, কিন্তু পশ্চাতে কখন কখন ভয়ঙ্কর মুখ-বিকৃতি দ্বারা হৃদয়ের ঘেব, হিংসা ও ঘৃণার ভাব ব্যক্ত করে—সে জানে কেহ তাহাকে দেখিতেছে না, কিন্তু তাহা ভুল, আমি সর্বদাই আড়ে আড়ে দেখি !”

আলিবর্দি কহিল, “হুজুর, শুন্বেন ? নন্দ সিংহের যে দু তিন জন অল্পগত লোক হুজুরের হুকুম তামিলে সর্বদা নিষুক্ত, আমার কোন বিশ্বাসী সহচর তাহাদিগকে খুব জানে—পূর্বে তাহারা হত্যাকারী বনদস্য ছিল !”

তুলীন শুনিয়া চমকিয়া উঠিলেন !

বরু কহিল, “আমাদের বিশ্বাসী সুরাটীদের মধ্যে কেহ কেহ হুজুরের শিকার গমন কালে দুই এক জন লোককে দুই একদিন গুপ্তভাবে সেই পথে অনুসরণ করিতে দেখিয়াছে। সুরাটারা তাহাদের যেরূপ আকৃতি প্রকৃতি বর্ণনা করিয়াছে, তাহাতে স্পষ্ট বুঝা গিয়াছে যে, তাহারা নন্দের ঐ কয় জন বণ্ড বৈ অন্য কেহই নয়—কেবল পোষাক বদল করিয়াছিল মাত্র !

তুলীনেরও স্মরণে আসিল যে, যুগ্মকালে একদা অদূরবর্তী গুল্মগুলী মধ্যে তিনি ফুস্ ফুস্ শব্দ শুনিয়াছিলেন। ডাকিয়া জিজ্ঞাসা করাতে তাহারা পলায়ন করিল ! বিশেষ নন্দ যে সুশীল ব্যবহার দেখাইতেছে, তাহা যেন বেশী বেশী—যেন অস্বাভাবিক—যেন সম্পূর্ণ আশাতিরিক্ত—( এক কথায় ) যেন “অতি-ভক্তি !”

অতএব সর্কাবস্তা বিবেচনার ঐ তিন প্রভুপরায়ণ বিশ্বাসী অনুচরের সন্দেহ ও সতর্কতাকে নিরর্থক বলিতে পারিলেন না। কিন্তু তাহাদের প্রার্থনাটা সম্পূর্ণরূপে পূরণ না করিয়া রূপান্তরিত প্রকারে সিদ্ধ করিলেন। যুগ্মা ত্যাগ, পারিলেন না। কেবল অনেক অনুরোধে শেষে এই ধাৰ্য্য হইল যে, যুগ্মা হটক বা বায়ু সেবনাদি কোন প্রয়োজন বশতঃই হটক, যখনই তিনি শিবির ছাড়িয়া কুত্রাপি যাইবেন, তখনই বরু, আলিবর্দি ও তাহাদের কতিপয় অধারোহী তাহার সমভিব্যাহারে যাইবে—তিনি একা অঁর বাহির হইবেন না, ইটা স্বীকার করিলেন। তদিনাবধি তাহাই হইল।

### তৃতীয় পরিচ্ছেদ ।

বিপদ ও মৃত্তি ।

কয়েক দিন যায়—চৈতনের দুই এক কাণ্ড ভিন্ন অন্য বিশেষ কিছু ঘটে নাই । চৈতন নাকি কথায় কথায় “গুলি করেঙ্গা” বা “গুলি ঢালাও” বলিতেন ; তাহাতেই কয়েক জন সৈন্যধাক্ক ছলীনের অজ্ঞাতসারে চৈতনের “গুলি ছোড়া বিচার” পরীক্ষা লইতে প্রস্তুত হইলেন । চৈতন প্রথমে সম্মত হন নাই । শেষে তাঁহারা বিস্তর বুঝাইয়া পড়াইয়া জিদ করিয়া এক অপরাহ্নে এক বিস্তৃত মাঠের রঙ্গভূমিতে লইয়া গেলেন । তথায় তাঁহারা মহাডঙ্ঘর ও মহোদ্যোগ করিয়াছিলেন । প্রচার হইল, চৈতন গুলি ছুড়িবেন ও তলওয়ার খেলিবেন—সুতরাং লোক সমারোহ সামান্য হইল না ! কিন্তু আমরা বর্ণনার আড়ম্বর করিব না—চৈতন যেরূপে আপনার সাহস, বিক্রম ও যোগ্যতা দেখাইয়াছিলেন—যেরূপে অব্যর্থ সন্ধানে আকাশ মার্গে বন্দুক ছুড়িয়াই চক্ষু মুদিয়া মোচড় খাইয়া পড়িয়া গিয়াছিলেন ; অথচ বারুদও জ্বলে নাই, গুলিও চলে নাই ; বেধানকার গুলি বারুদ সেই খানেই অক্ষত দেহে ছিল—যেরূপে তলওয়ার খেলাইতে গিয়া অনুপম ক্রীড়াচার্য্য-বলে অসির ফলক খানি চক্ চক্ করিতে করিতে উল্টাইয়া পাণ্টাইয়া অসিধুরীর নিজের শীর্ষদেশেই ঝন্ঝনা শব্দে পতিত হইয়াছিল—যেমন শিকাবল, ভাগ্যবল তেমন হইলে মস্তক কাটিয়া যাইত, কিন্তু অসিপৃষ্ঠ লাগাতে সন্মদিক্ রক্ষা হইল ! ইত্যাদি সুবর্ণনীয় ও সুজ্ঞাতব্য বিষয় লিপিবাহন্য ভয়ে বিবৃত করিতে না পারিয়া পরম দুঃখের সহিত সহৃদয় পাঠকের নিকট ক্ষমা ভিক্ষা করিয়াই ক্ষান্ত হইতে হইল !

অতএব সেই মহা ব্যাপার ভিন্ন অন্য কিছুই আর ঘটে নাই—কয়েক দিবস রীতিমত কুচেই গেল । এক দিন ছলীন শিকার হইতে শিবিরে ফিরিয়া আসিতেছেন, পশ্চাতে বনু প্রভৃতি ছিল—কেহ দূরে, কেহ নিকটে । পথ সঙ্কীর্ণ, উভয় পার্শ্ব জঙ্গলে পূর্ণ । যেইমাত্র “বেলুন” বস্তুর একটা ঝটক ফিরিয়াছে, অমনি বাম পার্শ্বের বনমধ্যে ধস্ ধস্ শব্দ শ্রুত হইল । কোন বধা পশু বোধে ছলীন বন্দুক তুলিয়া লক্ষ্য করিতেছেন, এমত সময়

জনৈক শিখ তথা হইতে বহির্গত হইয়া সেলাম করিল। বন্দুক নত করিয়া তুলীন তাহার দিকে তাঁক দৃষ্টিপাত করিলেন—পূর্বে তাহাকে কোথায় যেন দেখিয়াছেন; এমনি বোধ হইল। বন্দু নিকটস্থ হইয়া সন্দেহ ভঞ্জন করিল। কহিল “এ, হুজুর, সেই শিখ, যে আম্র বাগান হইতে তীর ছুড়িয়াছিল।”

শিখ পুনর্বার সেলাম পূর্বক বলিল, “ইঁা দয়াল সাহেব, এ গোলাম সেই বটে! গোলামের তখনকার কথা কি হুজুরের স্মরণ আছে? আমি যে উদ্দেশে ছুরাঘার চাকরি স্বীকার করিয়াছি, আ'জ্ সেই অতিপ্রায় সাধনের সময় উপস্থিত। অধিকক্ষণ হুজুরের কাছে থাকিতে পারিব না—পাপিষ্ঠেরা যদি দেখিতে পার, তবে ভবিষ্যতে আর প্রাণদাতা সাহেবের কাজে লাগিতে পারিব না! সুতরাং একটা কথা কহিয়াই ছুটিব; হুজুর আ'জ্ গুর সবাধানে যাইবেন—স্পষ্ট কিছু শুনি নাই, কিন্তু যতটুকু জানিতে পারিয়াছি, তাহাতে বলিতে পারি, আ'জ্ হুজুরেরা কোনরূপ ফাঁদ পাতিবে, সন্দেহ নাই।”

এই বলিয়া সে বনমধ্যে অদৃশ্য হইল। তুলীন ডাকিলেন, সে শুনিতে পাইল কি না। বা শুনিতে পাইয়াও ফিরিল না, বলা যায় না। শেষেরটাই সম্ভব। সে যাহাই হউক, কিন্তু তুলীনের ভঙ্গীতে বোধ হইল, শিখের প্রদত্ত সংবাদকে তিনি গুরুতর জ্ঞান করিলেন না—সংবাদদাতা সামান্ত সূত্রে আশ্রয়তা ও কৃতজ্ঞতা জানাইল, এইমাত্র ভাবিলেন। ইহা বুঝিতে পারিয়া বন্দু কহিল, “হুজুর উপহাসে উড়াইবেন না। আপনি এই শিখকে প্রাণ ও ধন দিয়াছিলেন; ও কখনই চাতুরী করিবে না—চাতুরিতে তাহার লাভ কি? অবশ্যই সম্মুখে বিপদ।”

সে দিন বন্দু ও আলিবর্দি ব্যতীত আরো ছয় জন অশ্বারোহী সঙ্গে ছিল। আলিবর্দিকে ডাকিয়া সমস্ত বলা হইল। চারি জনের সহিত আলি অগ্রসর হইল; বন্দু অপর দুজনকে লইয়া পশ্চাৎ রক্ষায় রহিল। তুলীন ব্যতীত আর সকলেই অশি, বর্ষা, ও বন্দুকধারী—তুলীনের হস্তে কেবল একটা বিনল বন্দুক। সকলেরই সঙ্গে গুলি বারুদ যথেষ্ট। সকলেই সতর্ক ও প্রস্তুত। দুইজন অশ্বারোহী “অগ্রণী” রূপে পথের এ দিক্ ও দিক্ দেখিতে দেখিতে চলিল। প্রথমতঃ তুলীন সর্বাগ্রে যাইতেই ইচ্ছুক হইয়াছিলেন,

কিন্তু বন্ধু করযোড়ে কাতরস্বরে বুঝাইল, “এ যদি যুদ্ধক্ষেত্র কি শত্রু আক্রমণের স্থল হইত, ছড়র অবশ্যই তাহা করিতেন, কাহার সাধা কথা কয় ? চৌর্য্যপ্রণালীর গুপ্ত ধাতুক তো যুদ্ধ করিবে না—ঝোপে ঝোপে লুক্কায়িত থাকিয়া গুলি মারিয়া বনে বনে পলাইবে, ইহাতে আপনার অগ্রবর্তী হওয়া অনাবশ্যক ।” তুলীন বন্ধুর ব্যবহার আপত্তি না করিয়া মধ্যস্থলেই চলিলেন ।

সে দিন অধিক দূর যাওয়া হইয়াছিল, ফিরিয়া আসিতে পথেই সন্ধ্যা হয় । দুইটা হরিণ, কয়েকটা খরগোস ও অন্যান্য ক্ষুদ্র পশু পক্ষী শিকারলব্ধ হইয়াছিল । তাহাও ভাগমত সঙ্গীগণের অধ্বপৃষ্ঠে আবদ্ধ আছে । সকলের ইচ্ছা, সে সকল ফেলিয়া দিয়া ভার লাঘব করে, কিন্তু তুলীন সে প্রস্তাব অগ্রাহ্য করিলেন ।

একে পার্বত্য পথ, তরঙ্গায়িত—একবার উন্নত ভূমিতে উত্থান, একবার ঢালু ভূমিতে বা মহসা অতি নিম্ন দেশে অবতরণ—অতি বন্ধুর, কণ্টকাকীর্ণ ; তাহাতে প্রতি মুহূর্তেই অন্ধকার গাঢ়তর হইতেছে । গমনের অপেক্ষা এখন প্রত্যাগমনে অধিক কষ্ট জন্মিতেছে । তাহাতে আবার পথিমধ্যে দুইটা নালা পার হইতে হইবে—জল বেশী নয়, বোটকের জানু পর্য্যন্তও মগ্ন হয় না । কিন্তু শিলাময় পাড় অতি উচ্চ ; তাহাতেই বোধ হয়, বর্ষাকালে সেই নালা গভীর ও প্রথর স্রোত-বাহিনী হইয়া থাকে ।

প্রথম নালাটা নির্ঝিল্পে পার হইয়া অপরটার তীরে উপস্থিত । তথা হইতে শিবির অর্ধক্রোশেরও অধিক । নালায় উভয় তীরে একপ্রকার বড় বড় আগাছার বন—না তরু, না গুল্ম, মাঝামাঝি—চারি পাঁচ হাত করিয়া উচ্চ এবং অত্যন্ত ঘন—আগত অন্ধকারে আরও নিবিড় দেখা-ইতেছে । নালাটা পাইবার পূর্বে কতকদূর হইতে এই প্রকার ঘন আগাছার বন মধ্য দিয়া ধাইতে হইল ।

অধ্বপৃষ্ঠে সূক্ষ্মভাবে বসিয়া একে একে নগজন বহু কষ্টে নদী গর্ভে নামিলেন । তীর হইতে নামিতে যে কষ্ট, অগভীর জল পার হইতে তত নয় । আগে উলিয়া পার্শ্বাপাশ্বিভাবে চলিলেন—পূর্বকার স্রাব অগ্র পশ্চাৎ সারিবদ্ধ নয় । যেহেতু আক্রান্ত হন তো সকলেই বৃগপৎ প্রতিঘন্টী হইতে পারিবেন । যদিও তাহাতে সকলের দেহই এককালে আহত হওয়া সম্ভব,

কিন্তু রংগাংসাহে সে আশঙ্কা অগ্রাহ্য করলেন। তাই এবারে তুলীনের বাম চারিজন, দক্ষিণে চারিজন, এই প্রণালীতে চলিলেন।

নালার অন্ধভাগ পার না হইতেই গুড়ুম্! গুড়ুম্! গুড়ুম্! প্রায় ষুগপৎ উনিশ ছুড়িটা বন্দুকের শব্দ! সম্মুখ হইতেই সে শব্দ! সম্মুখ হইতেই সন্ সন্ শব্দে গুলি আঘিল! সম্মুখের উচ্চ পুলীনস্থ বন হইতেই তুরায়ারা বন্দুক ছুড়িয়াছে। কয়েকটা গুলি জলে পড়িয়া হিস্ হিস্ শব্দ উৎপাদন করিল; কয়েকটা কাণের কাছ দিয়া ভেঁা ভেঁা রবে ছুটিয়া গেল; কয়েকটা কয়েক জনের গায় লাগিল, কিন্তু অল্প হানি করিল।

নিমেষ মধ্যে তুলীন হুকুম দিলেন “ছুড়িয়ে পড়; জলদি চালাও; ডেকার উঠেই দোড়া ছেড়ে দোড়াও; বনে চড়াও হও; তরবাব খোলো; কুস্তাদের কেটে ফেল—বন্দুক ছুড়ো না—জলদি, জলদি, জলদি!”

হুকুম দিতে দিতেই ও গুলিতে গুলিতেই তদনুসারে কাজ হইতে লাগিল—আশ্চর্য্য বেগে বাকী জলটুকু পার হইয়াই ঘোড়া ছাড়িয়া অসি হস্তে সকলেই বনের মধ্যে দৌড়িল। তুরায়ারা কোথায় গেল? আতি আতি খুঁজিয়া জনপ্রাণীকেও পাওয়া গেল না। যদিও তুর্কৃত্তগণ সংখ্যায় হয়তো দ্বিগুণেরও বেশী—তথাপি চোর আর নাধু! তাহারা পলাইয়া গিয়াছে কি নিবিড় জঙ্গলে অন্ধকারের সাহায্যে লুকাইয়াছে, তাহা তখন স্থির হইল না।

ক্রমে অন্ধকারের বৃদ্ধি—সন্ধ্যার দূরে—ঝটিতি মশাল আনিবার উপায়ভাব। তুলীন বুঝিলেন, এত প্রতিকূল অবস্থায় তুর্কৃত্তগণকে এখানে অন্বেষণ করা বৃথা। তদপেক্ষা শিবিরে গিয়া কোন্ বিভাগের কোন্ কোন্ লোক কি স্থানে কোথায় বাহির হইয়াছিল, তদনুসন্ধান লইলেই সত্যের মূল্যকর্ষিত হইতে পারিবে।

ইহা স্থির করিয়া সঙ্গিগণকে ফিরাইলেন—বন হইতে নিজস্ব হইয়া পথে দাঁড়াইলেন। সকলকে নিকটে ডাকিয়া সম্মুখে জিজ্ঞাসিলেন “তরসা করি কেহই আহত হও নাই? কে আর তখন কে—আলিবর্দি, দেখ তো কোন্ দূজন?”

আলিবর্দি পাতোক সঙ্গীর নাম ধরিয়া ডাকিল—রমজান ও রহিম নাহা এই মূলতানী ব্যতীত আর সকলেই উদ্ধব দিল।

তুলীন তৎক্ষণাৎ সদলে নালার ফিরিয়া গেলেন। তাহারা নদীতে নামি-

তেছেন, এমন কালে জলের ধার হঠতে একটা ঘোড়া ভয়ানক বেগে দৌড়িয়া আসিয়া তাহাদগকে অতিক্রম করিয়া তীরে উঠিতে উদ্যত। কাহার ঘোটক ? এত ক্ষিপ্তবৎই বা ছুটে কেন ? প্রথমে তাহা বুঝা গেল না। দুই তিন জন মুলতানী সাহসপূর্বক ছুটয়া গিয়া তাহাকে ধরিল—উঠিবার জন্ত অশ্বের বেগ শিথিল হওয়াতেই ধরিতে পারিল। ধরিয়াই তাহার “আহা হাঁ !” করিল। সকলেই সোৎসুকচিত্তে দেখিলেন, দুর্ভাগা রহিম ঐ ঘোড়ার কণ্ঠদেশ আকড়াইয়া ছিল, ধরিতা মাত্র রহিম বা রহিমের দেহ রূপ করিয়া মাটিতে পড়িয়া গেল—সে সম্পূর্ণ গতাস্থ ! মৃতদেহ পরাকায় প্রকাশ পাইল, ঠিক রূপে একটা গুলি লাগিয়াছিল, বোধ হইল তৎক্ষণাত মৃত্যু ঘটিয়াছে। কিম্ব মৃত্যুকালে উপভূতাবে পড়িয়া ঘোড়ার গলা জড়াইয়া ধরিয়্যাছিল।

তৎপরে “রম্জান্ রম্জান্” বলিয়া ডাকা হইল। রম্জান ঘোর বাতনাব্যঞ্জক মুহুরে উত্তর দিল—এত মৃত্যু যে, অমন নিস্তরু স্তান না হইলে সে স্বর শুনা যাইত না। শব্দানুসারে সকলে গিয়া দেখিলেন, রম্জান্ ঠিক জলের ধারে একটা গাছে ঠেস দিয়া অর্কশায়িতভাবে রহিয়াছে, তাহার অশ্ব তাহার নিম্নাঙ্গ দেহ চাপিয়া পড়িয়া আছে। ঝটিতি অশ্বের দেহ অপসায়িত করিয়া তাহাকে উঠানো হইল। রম্জানের এ অবস্থার কারণ বুঝিতে বিলম্ব হইল না। তাহার নিজের গায় গুলি লাগে নাই, অশ্বের অঙ্গে দুইটা লাগিয়াছিল। অশ্বের গুলি খাইয়াও প্রাণপণে জল পান হইয়া ডানায় উঠিতে না উঠিতে পড়িয়া গেল। ভাগ্যক্রমে তথায় বৃক্ষটা ছিল, নতুবা রম্জানের সর্ব শরীর চাপিয়াই পড়িত ; তাহা হইলে অথবা কলনধ্যে সহসা পড়িয়া গেলে রম্জান্ হয় তো সংচিত না।

রহিমের মৃত দেহের প্রহরিতা নিমিত্ত দুইজন মুলতানীকে রাখা হইল। রম্জান্কে একটা ঘোড়ার পৃষ্ঠে শোয়াইয়া উভয় দিকে দুট তিন জনে ধরিয়া চলিল। “তীবু হইতে চৌপায় ও বাহক পাঠাইব” বলিয়া তুলীন অপর সহচরগণ সমাভিবাহারে দ্রুত চলিয়া গেলেন।

ধন ছাড়াইলেন। মাঠে পড়িলেন। মাঠের কিরদূর যাইতে না যাইতে সুস্থে এ কি ? কড়কগুলি মশাল আসিতেছে—মশালের সঙ্গে শতাবিক ভীষণ নরমূর্তি দেখা যাইতেছে—তাহাদের অঙ্গ-ফলকাবলীও ঐ আলোকে ঝকমক করিতেছে—মহা কলরবও শ্রুত হইতেছে।

দুলীনের সঙ্গিগণের মধ্যে নানা অনুমান চলিতে লাগিল—কেহ বলে দশ্যদল ; কেহ বলে রাজা ধ্যান সিংহের লোক ; কেহ বলে বিবাহের বরাদ্দি ; কেহ বলে বিপক্ষেরা দলেবলে জুটিয়া আসিতেছে ! ইত্যাদি ।

কিন্তু দুলীনের আশ্রয়সারে আলিবর্দি স্বীয় অশ্বকে দ্রুত চালাইয়া অগ্রসর হইয়াই ফিরিয়া আসিয়া সহর্ষে কহিল, “হজুর চিনিয়াছি, আমারই মুলতানী বন্ধুরা—হজুরের নেমকের চাকরেরাই আসিতেছে !”

শ্রুত মাত্র দুলীনের সঙ্গিগণ “জয় দুলীন সাহেব কি জয় !” এই ভাবের একটা সিংহনাদ ছাড়িল ! সে শব্দের বিরাম-নিকম্পন না থামিতেই মশালধারী দল হইতে তদ্বতরে তদ্রূপ জয়নাদ শত শতগুণ অধিক বলে সেই গিরি-বন-মণ্ডিত বিশাল ক্ষেত্রকে ও নিস্তরূ নৈশগগনকে নিনাদিত করিয়া তুলিল ! অধিকন্তু দৃষ্ট হইল, তদ্বতরেই মশালধারী সম্প্রদায় সেই সিংহনাদ ছাড়িতে ছাড়িতে উর্দ্ধ্বাঙ্গে দুলীনের দিকে দৌড়িয়া আসিতে লাগিল !

উভয় দল মিলিত হইল । দুলীনকে নিরাপদ ও অনাহত দেখিয়া সৈনিক গণের আহ্লাদের ইয়ত্তা নাই ! প্রত্যেকে আসিয়া ভূমি স্পর্শে বহু বহু সেলাম করিতে লাগিল ! দুলীন তাহাদের অকপট অনুরাগের আন্তরিক আনন্দ, প্রতি বদনের ওষ্ঠাধরে ও নয়নে দেখিতে পাইয়া আপন জীবনকে ধন্য জ্ঞান করিলেন ! তৎক্ষণাৎ দক্ষিণ হস্ত বাড়াইয়া দিলেন, প্রত্যেক সৈনিক মহোৎসাহে ও মস্তকোত্তোলনে তাহা চুম্বন করিয়া কৃতকৃতার্থ হইল !

আলিবর্দি ও বঙ্গু প্রভৃতি সহর্ষে অবতরণ করিল—কোলাকুলি সাদর সম্ভাষণের মহা ধুম পড়িয়া গেল—যেন বহু বিচ্ছেদের পর মিলন—যেন হিন্দুব বিজয়া কি মুসলমানের ইদ !

আলিবর্দি ও বঙ্গু সবিস্ময়ে জিজ্ঞাসা করিল “তোমরা কিরূপে আমাদের বিপদ জানিতে পারিলে ?”

তদ্বতরে বিদিত হইল, “এতদূর তখন সন্ধ্যাগম দেখিয়া উদ্ভিগ্ন চিত্তে (সে প্রায় প্রত্যহই এইরূপ করিত) মাঠের এই দিকে বায়ু-সেবন-ছলে আসিয়াছিল ; এমত সময় একবার বন্ধুকের শব্দ বায়ু যোগে তাহার উৎকর্ণ করণ পশিল—তাহার অন্তঃকরণ পূর হইতেই সন্দেহস্পৃষ্ট থাকিতে আশঙ্কা দৃঢ়ীভূত হইয়া উঠিল—অমনি শিবিরে ফিরিয়া গিয়া বিশ্বাসী সৈনিকগণকে চাকিতের দ্বারা সজ্জিত করিয়া মশাল সহিত দ্রুতপদে আসিতেছিল !”



শ্রবণমাত্র আলিবর্দি ও বন্নু তুখনকে কোলে তুলিয়া নাচিতে নাচিতে সাহেবের সম্মুখে লইয়া গেল ! ছলীন অশ্বপৃষ্ঠে বসিয়া সকলই শুনিতোছিলেন ; সে কারণ, কারণ জিজ্ঞাসা ব্যতীতই স্বীয় অঙ্গুলী হইতে বহুমূল্য হীরকাকুরী খুলিয়া তুখনকে অর্পণ করিলেন ! তুখন খুল্যাবলুঠন, অতিবাদন ও পুনঃ পুনঃ সাহেবের হস্ত চুষন করিল ! পুনর্বার ভৈরব জয়নাদ উখিত হইল !

ছলীন অশ্ব চালাইলেন—অতি বেগেই চালাইলেন ও সকলকেই বেগে আসিতে কহিলেন—মশালের আলোক অগ্রে অগ্রে দৌড়িতে লাগিল ।

### তৃতীয় পারচ্ছেদ ।

অনুসন্ধান ।

ছলীন ছাউনিতে আসিয়াই বন্নু ও আলিবর্দির সহিত পরামর্শ পূর্বক ল্যান্সার রেজিমেন্টকে তৎক্ষণাতঃ শ্রেণীবদ্ধরূপে দাঁড় করাইবার জ্ঞপ্তি নন্দ সিংহের প্রতি আদেশ পাঠাইলেন ।

বন্নু সেই আদেশ লইয়া চলিয়া গেলে আলিবর্দি কহিল “হুজুর ! ইহাতো করুন, কিছু আরো একটি মহত্বপায় আছে । আমার সঙ্গে হুঁটী লোক আসিয়াছে, তাহারা ‘গোড়-গোয়েন্দা ।’ তাহাদের অসাধারণ ক্ষমতা । তাহারা শুদ্ধ পায়ের চিহ্ন দেখিয়া দেখিয়া চোর ধরিয়া দেয়—চোর বতদূর যেখানেই যাউক না কেন, পায়ের দাগ চিনিয়া চিনিয়া গিয়া ধরিতে পারে ! এ দেশে, হুজুর, অনেকে এই ব্যবসায়ে টাকা উপার্জন করে—মূলতানে এ কশ্মে যে কয়জন নিযুক্ত ছিল, আমার সঙ্গী ছজন তাদের মধ্যে প্রধান—এখন মূলতানের স্বাধীনতার সঙ্গে তাদেরও সে ব্যবসা গিয়াছে । তাদের নাম খয়রাতালি ও ওয়াবালি—তার মধ্যে খয়রাত এ কাজে অধিতীয় !”

ছলীন আগ্রহে বলিলেন “এরূপ গোড় গোয়েন্দার কথা আমারও শুনা আছে—বোধ হয় তোমার ভ্রাতা চাঁদ খাঁর মুখেই শুনিয়া থাকিব । যাহা হউক, তবে আর বিলম্ব নয়; তুমি স্বয়ং সঙ্গোপনে তাহাদগকে সঙ্গে লইয়া সেই নদীতীরে চলিয়া যাও—আরো হু এক জন বিশ্বাসী লোক সঙ্গে লও—আলো কি খাদ্য সামগ্রী, কি আর যাহা কিছু আবশ্যিক, সব প্রচুররূপে

যোগাড় করিয়া লইয়া চলিয়া যাও । তাহাদিগকে স্পষ্ট বলিবে, বেতন ব্যতীত প্রত্যেক অপরাধীর গ্রেপ্তার বা সঠিক সন্ধান জ্ঞাত পাঁচ শত করিয়া রোপ্য মুদ্রা পারিতোষিক দিব ।” আলি সহর্ষে বিদায় হইল ।

কর্ণেল সাহেব সেই সজ্জাতেই ল্যান্সার দল পরিদর্শনার্থ গমন করিলেন । সাহেব ভালরূপে দেখিতে পাইবেন বলিয়া বরু বিস্তর মশাল জ্বালাইয়াছে । বিপদের সমাচার সকলেই শুনিয়াছিল—সাহেব বিপদোত্তীর্ণ হইয়া সুস্থ দেহে আসিয়াছেন দেখিয়া রেজিমেন্টের তাবতেই আনন্দ প্রকাশ করিল—সে আনন্দ অধিকাংশেরই আন্তরিক । কিন্তু সাহেব কি জ্ঞাত প্রত্যেকের বদন এত তীব্র দৃষ্টিতে দেখিতেছেন, তাহা অনেকেই বুঝিতে পারিল না ।

একপ পর্যবেক্ষণ অনুষ্ঠানে নন্দের আকৃতিতে বৈরক্তি ও অসন্তোষ ব্যক্ত হইল । সৈনিক হাজিরা লওয়ার পর্কতিতে প্রত্যেকের নাম ডাকিতে নন্দের প্রতি ছলীন আদেশ করিলেন । দৃষ্ট হইল, সকলেই হাজির, কেবল একজন নয়—তাহার নাম মহম্মদ শা । এ ব্যক্তি নন্দের অতি প্রিয়পাত্র এবং সর্বদা তহুতয়ের মধ্যে গুপ্ত পরামর্শ চলে, তাহা প্রায় সকলেই জানে । ইতিপূর্বে কয় দিন এই মহম্মদকে প্রতিনিয়ত সাহেবের পার্শ্ববর্তী ও আক্রা-বর্তী থাকিতে দেখা গিয়াছে ।

“এত রাত্রে সে আপন রেজিমেন্টে না থাকিয়া কোথায় গেল ?” সাহেবের এই প্রশ্নোত্তরে তাহার তই তিন জন সঙ্গী সেলাম করিয়া জানাইল, “আমরা এক সঙ্গে ঘোড়া চরাহতে ও ঘোড়ার ঘাস আনিতে গিয়াছিলাম, তাহার ঘোড়াটা কিছু গোড়া হওয়াতে সে আমাদের মত জলদি আসিতে পেরে নাই, বোধ হয় শীঘ্র আসিয়া পড়িবে ।”

“তাহার ঘোড়া গোড়া হইল কেন ?” এই প্রশ্নটা ঐ তিন জনকে পৃথক স্থলে লইয়া গিয়া জিজ্ঞাসা করিতে তিন জন তিন প্রকার বিভিন্ন কারণ নির্দেশ করিল । তৎপ্রতিবিধানার্থ নন্দ সিং বুঝাইল যে, “যে সময় ঘোড়া গোড়া হয়, ইহারা তিন জনেই তখন দূরে ছিল ; যথার্থ কারণ জানে না, কেবল ভয়ে ভয়ে যাহা হয় একটা বলিতেছে !”

ইহাদের কথার সত্যতা প্রমাণার্থ লোক সঙ্গে দিয়া ইহাদিগকে মহম্মদ শার উদ্দেশে পাঠানো আবশ্যিক, একথা মনে উদিত হইলেও ছলীন তাহা করিলেন না—তাহার কারণ পরে বলিব ।

মোহর সিং নাম্না এক ব্যক্তিকে হুলীন কহিলেন “কি মোহর, সকলের ঘোড়া দেখিতেছি, তোমার কৈ ?”

মোহর ভয়ে খতমত খাইয়া কিছু বলিতে না বলিতেই নন্দ সিংহ কহিল, “সে কি ? একথা কি এতলা দিয়া আনিস্ নি ? আ'জ্ ছাউনিতে আসিবা মাত্র মোহরের ঘোড়াটা ঘুরিয়া পড়িয়া মরিয়া গিয়াছে। আমাকে যেমন বলিল, অর্মান হজুরকে এতলা দিতে বলিয়াছিলাম ; বোধ হয় ভয়ে পারে নাই !” এই কথা কহিয়াই মোহরকে বলা হইল “তা এতে তোর ভয় কি ? তোর দোষে তো মরে নি যে, সাহেব রাগ ক'রেন !”

হুলীন হাসিয়া মোহরকে বলিলেন “যখন তোমাদের কর্তাকে এতলা দিয়াছ, আর তিনি যখন তোমাকে খালাস দিতেছেন, তবে আর তোমার মুখ এত শুষ্ক কেন ?” ( নন্দের প্রতি ) “সে যারা হটক মহম্মদ শা আসিবা মাত্রই যেন আমার নিকট যায়।” এই বলিয়া রেজিমেন্টকে ছুটি দিয়া হুলীন চলিয়া গেলেন ।

এই পরিদর্শনের ফল স্বরূপ সন্দেহটী সম্পূর্ণ বন্ধমূল হইল। কিন্তু সন্দেহ পর্য্যন্ত—কোন প্রমাণ লাভ হইল না। গাঢ়তর অনুসন্ধান ও মহম্মদের উদ্দেশ লওয়া প্রভৃতি বিশেষ পীড়াপীড়িতে কি হইত, বলা যায় না। কিন্তু পাছে সপ্রমাণ না হইয়া কেবল তাহাতে নন্দ সিংকে অপমানিত ও প্রকাশ্য শত্রু করিয়া তোলা বই অল্প ফল কিছুই না হয়, এই বৃথা অনর্থের আশঙ্কায় হুলীন আর বাড়াবাড়ি করিলেন না। ফলতঃ সকল কার্য্যই অগ্রপশ্চাৎ ভাবিয়া স্কৌশলে করা আবশ্যিক ; নন্দ নিতান্ত সামান্ত ব্যক্তি নয় ; প্রকাশ্য প্রমাণ সংগ্রহের সম্ভাবনা অতি দুর্বল ; সুতরাং তখন নিরস্ত থাকা বিবেচনার কার্য্যই হইয়াছিল ।

বলিতে ভুলিয়াছি—এবং অবকাশও পাই নাই—যৎকালে প্রান্তর মধ্যে হুলীনকে পাইয়া ও তাঁহাকে অরুত দেখিয়া শিবির হইতে আগত সৈনিকগণ অত্যাচ্ছ জয়ধ্বনি করে, তখন শিবিরে খাতা লিখিতে লিখিতে চৈতন একবার কার্য্য বিশেষ ব্যপদেশে বাহিরে আইসেন। যদিও হিসাব কিতাবের দিকেই মনটী অতিনিবিষ্ট ছিল, তথাপি তেমন নিস্তক গভীর রজনীতে পুনঃ পুনঃ তত ভৈরবনাদ প্রান্তরবাসী কে না শুনিতে পার ? সুতরাং তাহা প্রতিরুদ্ধ যুগল দিয়া গমন করিয়া চৈতনের সেই অনামনক মনকেও চৈতন্য দান করিল !

তিনি নাসা হইতে চমমা খুলিয়া হাতের কলম কাণে রাখিয়া এদিক ওদিক ছুটিয়া জিজ্ঞাসায় প্রহরীদের মুখে শুনিলেন, সাহেবকে নাকি কোন্ দুরাত্মা গুলি করিয়াছে! অমনি প্রলম্বিত কৌচাকে উরুদ্বয়ের মধ্য দিয়া পশ্চাতে লইয়া গিয়া কাচার সঙ্গে আঁটিয়া অর্থাৎ মালকৌচা মারিয়া শকানু-সারে ছুটিলেন। কিন্তু ছাটনির সীমা হইতে দশ হস্ত মাত্র যাইতে না যাইতেই ভয়ানক একটা ভয় আসিয়া তাঁহাকে আক্রমণ করিল! কিসের ভয়, তাহা তিনি তৎকালে কি কোন কালে কখনই নিশ্চিতরূপে নিরূপণ করিতে পারেন নাই। বোধ হয় ভূত, পেঙ্গী, বাঘ, মানুষ, সাপ, শিয়াল ও কুকুর, এতাবৎ ও আরো কত কিসের শঙ্কায় তাঁহাকে অবশ করিয়া তুলিল!

তিনি ফিরিলেন। ফিরিয়া প্রহরিগণকে বিস্তর অনুনয় বিনয় পূর্বক অনুরোধ যে, কেহ তাঁহাকে আগাইয়া দিয়া আইসে। তাঁহাকে তাহারা দেওয়ানজী বলিত, দেওয়ানজীর হুঃসাহস প্রসঙ্গ লইয়া কিয়ৎক্ষণ আন্দোলন ও আমোদের পর শেষে একজন ধূর্ত প্রহরী সঙ্গে যাইতে স্বীকৃত হইল। সে নিজে একখানি তরবার লইল এবং দেওয়ানজীর হস্তেও একখানি সুদীর্ঘ মুক্ত অসি অর্পণ করিল। চৈতন অসি ও সঙ্গী পাইয়া প্রচুর সাহসে গল্প করিতে করিতে অগ্রে অগ্রে চলিলেন—বলিলেন “তুমি যেমন পশ্চাতে, তেমনি একজন সশস্ত্র থাকিলে আরো ভাল হইত!”

ধূর্ত প্রহরী কতকদূর গিয়া পথ-পার্শ্বে একটা ঘন ঝোপ দেখিতে পাইয়া তাহার অন্তরালে সারিয়া পড়িল। চৈতন যেমন গল্প করিতেছিলেন, সেই ভাবেই বকিতে বকিতে যাইতেছেন, কিন্তু বচ কথার পরেও পূর্বের শ্রীয়া “হ—হাঁ” সায় সাড়া না পাইয়া সন্দেহান হইলেন—প্রহরী কি নাই? প্রাণ একেবারে উড়িয়া গেল! চাহিয়া দেখেন—নাম ধরিয়া ডাকেন—সত্যই নাই! তখন আবার নাম ধরিয়া প্রাণপণে উচ্চৈঃস্বরে চীৎকার করিতে লাগিলেন—দূরস্থ পাহাড়ে সে ডাকের গভীর প্রতিধ্বনি পর্য্যন্ত শ্রুত হইল! এক দিকে সেই প্রতিধ্বনি, অন্যদিকে ছলীনের সঙ্গীবর্গের কলরব, অন্ততঃ দূরবনে হিংস্র জন্তুর গর্জন, ইত্যাদি শব্দ ভিন্ন, তাঁহার উত্তরে অন্য কিছুই আর শ্রুত হয় না! সাহেবের দল দূরে, ছাউনিও দূরে, “বল্ মা তারা দাঁড়াই কোথা?”

তাঁহার কম্প ধরিল—চীৎকার থামিল—অদূরে থস্ থস্ করিয়া কি যেন নড়িল—ঝোপ হইতে যেন গোঙানির মত কি একটা বিকট শব্দও শ্রুত

হইতে লাগিল ! তিনি সাহেবের দিকে দৌড়িলেন । পশ্চাতে যেন ভীষণ লক্ষ্য বাস্পের শব্দ—অতিশয় অগ্নির দ্রুতগমনে নিজের দীর্ঘ তরবারি বাধিয়া পড়িয়া গেলেন—জীবনের আশায় এককালে জলাঞ্জলি দিয়া আত্মস্তিক ভয়ে জ্ঞানহত, অচৈতন্য হইলেন—যথার্থই দাতকপাটি লাগিল ।

প্রহরী দেখিল মশালের আলোর সঙ্গে সাহেব দ্রুতগতিতে অশ্ব ছুটাইয়া আসিতেছেন, পশ্চাতে বহু লোক । চৈতনের ছরবস্থা দর্শনে পাছে সাহেব তাহার প্রতি রুষ্ট হন, এই ভয়ে সে দৌড়িয়া ছাউনিতে পলায়ন করিল—চৈতন অচৈতন্য হইয়া পড়িয়া রহিলেন !

ভাগ্য ভাল, তাঁহার উপর দিয়া সাহেব ঘোড়া চালান নাই—ভাগ্য ভাল, সাহেবের আগে আগে মশাল ছুটিতৌছিল—ভাগ্য ভাল, মশালধারী বেগে আসিয়া চৈতনের দেহ বাধিয়া চৈতনের উপরেই পড়িয়া গেল ! তাহার পতনদৃষ্টে সাহেব অশ্বরশ্মি-সংযমন পূর্বক কারণ জিজ্ঞাসিলেন । তৎক্ষণাৎ অপর মশালী আসিয়া দেখিল, একজন মনুষ্য অসির উপর পড়িয়া আছে । “খুন খুন” বলিয়া সে চীৎকার করিয়া উঠিল ।

সাহেব নামিলেন । ভালরূপে দেখিয়া চিনিলেন । দেখিলেন, অসির তীক্ষ্ণ ধারের দিক্‌টা মাটির দিকে, তাহাতেই চৈতন বাঁচিয়া গিয়াছেন ; কেবল কণ্ঠমূলে অগ্রভাগের খোঁচাটা লাগিয়া অত্যন্ত মাত্র শোণিতপাত হইয়াছে ও তখনও একটু একটু হইতেছে, নতুবা চৈতন সম্পূর্ণ অক্ষত !

চৈতন এস্থলে এ অবস্থায় অচৈতন কেন ? ভয়ই যে প্রকৃত কারণ—সাহেবের বিপদ শুনিয়া হয় তো দৌড়িয়া আসিতেছিলেন, পথে ভয় পাহিয়া অবশেষে হইয়া পড়িয়াছেন, ইহাই স্পষ্ট বুঝা গেল । যেহেতু দাতকপাটি ভাঙিয়া দিবা মাত্র চৈতন “বাঘ, বাঘ ; ভূত, ভূত !” বলিয়া চৈতন উঠিলেন ! কিন্তু সরলহৃদয় চৈতনের প্রভুপ্রাণতার পরিচয় পাহিয়া দুলীনের পূর্ব স্নেহ আরো গাঢ়তর হইল !

সাহেবের আদেশে হাত-পাকী উপায়ে চৈতনকে শিবিরে লইয়া যাওয়া হইল । চৈতনকে ভয়ের ধাক্কা এমান লাগিয়াছিল যে, তিনি প্রায় সমস্ত রাত্রি প্রলাপ বকিয়াছিলেন—শেষ প্রহরে যথার্থ নিদ্রা-জানত স্থথাস্থ ভব করিয়া প্রকৃতিস্থ হইলেন । পরদিন বৈকালে একখানি অতি দীর্ঘ হুংরাকী আবেদনপত্রে প্রহরীর দৃষ্টতা ও দুর্ভাগ্যতা বিষয়ক অভিযোগ সাহেবের নিকট

অর্পিত হইল—দুই লোকে বলে, তাহা বুঝিতে সাহেবের অনেক সময় লাগিয়াছিল ও অনেক কষ্ট হইয়াছিল—তাহাতেও তিনি সকল বুঝিতে না পারিয়া ফরিয়াদির মোখিক বাঙ্গালা এজেহার লইয়া তবে বুঝিতে সমর্থ হইলেন ! কিন্তু যখন বুঝিলেন এবং আসামীকে ও সাক্ষীগণকে ডাকাইয়া সমস্ত শুনিলেন, তখন যথার্থই প্রহরীর প্রতি কুপিত হইয়া উঠিলেন । বাস্তবিকই রাগের কথা ; যেহেতু তাহার দোষ গুরুতর—যে অবস্থায় চৈতনকে সে ফেলিয়া আসিয়াছিল, তাহাতে অতাহিত ঘটনারই সম্পূর্ণ সম্ভাবনা ছিল । তজ্জন্ম তাহার প্রতি এই দণ্ডাজ্ঞা হইল যে, ঐ প্রহরীকে চৈতনের শিবিরদ্বারে ত্রিরাত্রি পাহারা দিতে হইবে । কিন্তু প্রথম দিনের শেষ রাত্রে চৈতন একটা বিকট শব্দে জাগরিত হইয়া প্রহরীর নিকট আসিয়া জিজ্ঞাসা করিতে প্রহরী উত্তর দিল, “কৈ ? আমি তো কিছুই শুনি নাই !” চৈতন জিজ্ঞাসিলেন, “তুমি কি সারা রাত্ এইরূপে খাড়া আছ ?” সে খাড়া থাকুক না থাকুক, উত্তরে বলিল “কি করি ? সাহেবের হুকুম !” চৈতনের দয়া হইল, “আহা, আহা” বলিয়া তাহাকে জিদ করিয়া শয়নে পাঠাইলেন এবং পর দিন সাহেবকে সর্বিনয় অনুরোধ দ্বারা তাহার দণ্ড রহিত করিয়া দিলেন । তদবধি সেরূপ কোন বিকট শব্দ তাঁহার ঘুমের আর ব্যাঘাত করে নাই ! তাহাতে চৈতন বলিতেন “একটা কৃষ্ণের জীবকে সাজা দিচ্লেম বলে আমার জীবাত্মা ঘুমের ঘোরে কেঁদে উঠতো !” এই ঘটনায় তাঁহার যে যথার্থই দয়ার শরীর, তাহা প্রকাশ পাইল এবং তজ্জন্ম তিনি সত্য সত্যই সৈনিকগণের শ্রদ্ধা ও প্রীতির পাত্র হইলেন !

ল্যান্সার দলের পরীক্ষা করিয়া ছলীন শিবিরে আইলে কয় দণ্ড পরে মহম্মদ শা আসিয়া হাজির হইল । ছলীন তাহাকে ও তাহার অশ্বকে ভালরূপে নিরীক্ষণ করিলেন—ঘোড়াকে গোড়া কি ক্লাস্ত, দুইয়ের একও বোধ হইল না ! ফলতঃ সে অশ্বটী মূলেই তাহার নয় । সেটী যে মন্দ সিংহের নিজের কয়টার মধ্যে একটা, ছলীন তাহাও চিনিতে পারিলেন । এই প্রবল প্রতারণা এবং দুই চারি প্রশ্নের যেরূপ উত্তর পাইলেন, তাহাতে পূর্ব সন্দেহ সমূলক বলিয়া দৃঢ় প্রত্যয় জন্মিল, স্মৃতরাং নন্দের সয়তানী পক্ষে এক প্রকার নিঃসন্দেহই হইলেন । কিন্তু পূর্বোক্ত বিশেষ হেতুতে “তোমার অশ্বকে তুমি যথোচিত যত্ন কর না—আজ্ বাহা করিয়াছ, এমন করিলে

উপস্কৃত সাজা পাইবে !” ইত্যাচারের সামান্য স্বার্থক সতর্কতা বৈ-তাহাকে আর কিছুই বলিলেন না ।

সে রাতে আলিবর্দি ফিরিল না । ছলীন জানেন, দিবালোক ব্যতীত গোড়-গোয়েন্দারা সম্পূর্ণরূপে কৃতকার্য হইতে পারিবে না ; সুতরাং তজ্জন্ম উদ্বিগ্ন না হইয়া আদেশ দিলেন, “কল্যা আর কুচ হইবে না—জগদীশ্বর অন্য আমাদিগকে গুপ্ত শত্রু-হস্তে রক্ষা করিয়াছেন, অতএব কল্যা সকলে বিশ্রাম ও আমোদ করুক—আমি কল্যা সকলকে পুরি ও মিষ্টান্ন ভোজ্য দিবণ!”

প্রত্যুষে যখন এই সংবাদ প্রচারিত হইল, স্কন্ধাবারের সর্বাংশ হইতে সেনাপতির নামে মহোচ্চ ধ্বনি পুনঃ পুনঃ উখিত হইয়া গগন ভেদ করিল !

মধ্যাহ্নের পূর্বে আলিবর্দি গোপনে আসিয়া সাহেবের হস্তে একটা পালক দিল । লাম্ভার শ্রেণীর অশ্বারোহীরা টুপির উপর যেরূপ পালক পরিধান করে, ইহা তাহাই । নালার পারঘাটের বামপার্শ্বস্থ নলবনের মধ্যে উহা পড়িয়া ছিল । যে স্থানে উহা পাওয়া গিয়াছে, তাহার চতুর্পার্শ্বে বহু পদ-চিহ্ন আছে । এক দিকে আলিবর্দি খয়রাতালির সঙ্গে পদচিহ্নানুসরণে অর্দ্ধ ক্রোশ পর্য্যন্ত গিয়াছিল । অত্র দিকে ওয়াবালি তদ্রূপ কার্যে নিযুক্ত হইয়াছিল ।

যে দিকে খয়রাত যায়, সে দিকে একটা ঘোড়ার খুরের দাগও দৃষ্ট হয় । ঐ অর্দ্ধ ক্রোশের পর ঘোড়ার পদ-চিহ্ন আর পাওয়া যায় না । কিন্তু বহুদর্শী গোড়-গোয়েন্দা তাহার কারণ নিরূপণে সমর্থ হইল । ছুরাআরা সেই স্থানে ঘোড়ার পা বাঁধিয়া তাহাকে যে স্বন্ধে করিয়া লইয়া গিয়াছে, তাহাতে সন্দেহ মাত্র নাই । পাছে খুরের চিহ্ন তাহাদিগকে ধরাইয়া দেয়, তৎপ্রতিবিধান জগুই এরূপ করিয়াছে । আবার, সেই স্থলে ধূর্তগণ আপনাদের পাছকার নীচে এক প্রকার বস্ত্র নিশ্চিত আবরণ ব্যবহার করিয়া যে চলিয়া গিয়াছে, তাহাও খয়রাত দেখাইয়া দিল !

সেইঅবৃত্ত পাছকার সাহায্যে কিয়দূর গিয়া ছুরাআরা আবার ফিরিয়াছিল । কিরূপে ফিরিয়াছে ? আশ্চর্যরূপে ; অর্থাৎ আপনাদের পূর্ব পদ-চিহ্নের প্রত্যেকটির উপর মাড়াইয়া মাড়াইয়া যে দিক হইতে গিয়াছিল, আবার সেই দিকে হটিয়া আসিয়াছিল ! এইরূপ সতর্কতা সহকারে কতদূর হটিয়া আসিয়া তাহার পর যে কোথায় গেল, তন্নিরূপণ করা এক প্রকার অসাধ্য ব্যাপার—তাহারা কি আকাশে উড়িল, না পাতালে নামিল ?”

এমত সময় ওয়াবালি যে দিকে গিয়াছিল, সে দিকে বিফল-বত্ন হইয়া ফিরিয়া আসিল। উভয় গোড়-গোয়েন্দায় অনেককাল পরামর্শের পর খয়রাত সহর্ষে বলিয়া উঠিল “পেয়েছি, পেয়েছি—আর কোথায় যাব ?” সঙ্গিগণ অবাক। ফলতঃ গন্ধানুসারী শিকারী কুকুরবৎ গোড়-গোয়েন্দাদের ক্ষমতা ঐতি আশ্চর্য্য! খয়রাত বলিল “এস আমার সঙ্গে এস—বেটাৱা এখান থেকে বড় বড় লাফ দিয়ে অবশ্যই জলে প’ড়েছে—অবশ্যই পার হ’য়ে ওপারে কতকদূরে গিয়ে আবার হয় তো তেয়ি ক’রে এপারে এসেছে, কি সে পারেই হয় তো কোথায় গেছে—এখনো ঠিক বলা যায় না।” বাস্তবিকও তাই—পার হইয়া সেই আবরিত পদচিহ্ন সকল পুনর্বার দৃষ্ট হইল।

এস্থলে আলিবর্দী এই বলিয়া বিজ্ঞাপনের শেষ করিল, “হজুর! বেটাৱা ঘাড়ে ক’রে ঘোড়া ব’য়ে কি অসহ কষ্ট ভোগ ক’রেছে! ওপারে গিয়ে আবার আমরা ঘোড়ার পার দাগও পেয়েছি। এখন গোড়-গোয়েন্দারা আমার সহচরগণ সঙ্গে সেই সব চিহ্ন ধ’রে ধ’রে যা’চ্ছে। আমি হজুরকে এতলা দিতে এলেম! বোধ হয় বহু বহু খোঁজ তল্লাস নইলে কাজ হবে না। যে কজন বুনো ডাকা’ত্কে আমাদের সঙ্গে আসিতে দেখা গিছলো, হয় তো তারাও ক’ল সে দলে ছিল—হয় তো তারা আর এমুখে না এসে বনে বনে পালিয়ে গেছে! কিন্তু যেখানে যা’ক, খয়রাত আর ওয়াবালি ধ’রে দিতে পারবে! এখন হজুরের যেমন হুকুম হয়?”

বহু বিবেচনায় অনুমত হইল, মোহর সিং ও মহম্মদ শা অবশ্যই সে দলে ছিল—মোহরের ঘোড়ার পদচিহ্নই দৃষ্ট হইয়া থাকিবে—তাহাকে আর ফিরিয়া আনিবার সুবিধা পায় নাই, সেই অশ্ব লইয়া বন তঙ্করেরা (যাহারা সৈনিক দলভুক্ত নহে) পলায়ন করিয়াছে—সুযোগমতে আবার হয় তো আসিবে।

ছলীনের নিতান্ত জিদ হইল, ছুরাআগণ যেই হউক, ধরিতেই হইবে। যদি তাহারা দশ দিনের পথেও যায়, তথাপি অনুসরণ আবশ্যক। অতএব তিনি নিম্নলিখিত মতে ব্যবস্থা করিতে আদেশ দিলেন;—

গোড়-গোয়েন্দাদের সঙ্গে আলিবর্দীকে নিজে যাইতে হইবে। বিংশতি জন বিশ্বাসী লোক তাহার সঙ্গে থাকিবে; তন্মধ্যে দশজন মূলতানী অশ্ব-রোহী ও অবশিষ্ট সিপাহী পদাতিক। তাহাদের ব্যয় নির্বাহার্থ উপযুক্ত অর্থ দেওয়া হইল। সকলকেই বলিয়া দেওয়া হইবে, এ কর্মে যে যেমন



যোগ্যতা ও তৎপরতা দেখাইবে, তাহারা কংরায় গেলে তদনুসারে প্রচুর পুরস্কার পাইবে। চতুর্দশ জিলার প্রধান প্রধান কর্মচারী প্রভৃতির উপর হুঁদের সাহায্যার্থ অনুরোধ পত্র দেওয়া হইল। এই বিংশতি জনকে রাএকালে বাহিনী হইতে গোপনে বাহির করিয়া লইয়া যাইতে হইবে— যেন নন্দাক তদনুচরেরা বিন্দু বিন্দু জানিতে না পারে।

এসব ব্যবস্থাতে আলিবর্দি মহা সন্তুষ্ট, কেবল সাহেবের কাছে সে নিজে না থাকিতে পাছে কিছু বিঘ্ন বিপদ ঘটে, এই চিন্তাই তাহাকে মলিন কারল ও সে কথা সে বার বার জ্ঞাপন কারল। সাহেব তদন্তরে অশ্রান্ত প্রবোধের মধ্যে বন্নু ধন্নু ও তুখনের নামোল্লেখ করিলেন। আলি আপত্তি তুলিল “তাহারা এদেশে নূতন লোক।” তদন্তরে সাহেব তাহার মূলতানী সহকারী কেরামত খার কথা শ্রবণ করাইয়া আলির অন্তঃকরণকে কথঞ্চিৎ সুস্থ করিয়া বিদায় দিলেন।

পরদিন স্বক্কাবারে ভূরি ভোজ—ছলীনের নিজের ব্যয়ে—সৈনিকগণ মহা প্রফুল্ল। আলিবর্দি দিবাভাগে প্রকাশ্রে সাধারণমণ্ডলীতে আমোদ আক্লাদ এবং ভোজে মিশ্রিত থাকল, কিন্তু ভিতরে ভিতরে লোক নির্বাচন ও সমুদয় আয়োজন সম্পূর্ণ করিয়া যথাকালে সংগোপনে চলিয়া গেল। ছলান জনৈক ক্রতগামী অশ্বারোহা-যোগে এবং সাংকালের দুঘটনা-বৃত্তান্ত এবং অশ্রান্ত বিষয় ঘটিত বিজ্ঞাপনা রাজসভায় পাঠাইলেন। গোপনীয় পত্র থাকরঞ্জীকে ও চাঁদ থাকে লাখতেও বিস্মৃত হইলেন না।

সেদিন বৈকালে রহস্ত-বুদ্ধাভিনয় দ্বারা সকলের আমোদ ও মনোরঞ্জন হইল। সন্ধ্যার পর কর্মচারীদের শাবরে নৃত্য, গীত, বাজেরও ক্রটি হয় নাই। ছলান লাহোর হইতে একজন ওস্তাদ ও দুই একজন বাদক সঙ্গে আনয়াছিলেন, প্রায় প্রাতঃনশাতেই তাহাদের নিকট গান শুনতেন ও শাখতেন। পূর্বে হডরোপায় ত্রৈক্যতান-প্রধান সঙ্গীতেরই পক্ষপাতী ছিলেন, এখন হিন্দু স্বরানুক্রম-প্রণালীর উৎকৃষ্ট সঙ্গীতের সুধাস্বাদ পাইয়া ক্রমে তৎপ্রতি বিশেষ অনুরাগী হইয়া উঠিয়াছেন! গীত বাদ্যের সময় চেতন তুলতেন—পরে কাপ্তেন হাকিম সিংহ প্রভৃতির নিকট বলিতেন, “আড হাঁউ কেই সেই, এ আবার গুনবো কি? বিশেষ যাহাতে কৃষ্ণ নাম নাই, সে কি গান? আমার বাবা বলতেন “কাহু বিহু গাহু কাক?” এ দাড়িওয়ালা

ওস্তাদ কারু না বলিয়া কানাইহা বলে বোকা পঁঠার মত দাড়ি নেড়ে নেড়ে  
কি ছাই গায়—না হয়, “কানাই” বল্ যে বুঝি !” ইত্যাদি ।

### চতুর্থ পরিচ্ছেদ ।

কোট কাংরা ।

ইহার পর পশ্চিমধ্যে এমন ঘটনা আর কিছুই ঘটে নাই, যাহা বিশেষরূপে  
উল্লেখ-যোগ্য । কেবল পূর্ব পরিচ্ছেদোক্ত হাকিম সিংহ নামক অস্বারোহী  
দলের জনৈক শিখ-নেতা সম্বন্ধে কিঞ্চিৎ বক্তব্য আছে ।

হাকিম যে ঘোড়াটা চড়িয়া আসিয়াছিলেন, তাহার অসাধারণ শ্রম-  
সহিষ্ণুতা ও বলবত্তা প্রভৃতি গুণ শুনিয়া ছলীন তাহার পরীক্ষা লইয়া মহা  
সম্বৃত্ত হইলেন । অশ্বটা দেখিতে পনির অপেক্ষা বড় নয়, কিন্তু নানা গুণে  
বেলুন ব্যতীত বাহিনীর সর্ব ঘোটকাপেক্ষা শ্রেষ্ঠ । ছলীন ক্রমে জানিতে  
পারিলেন যে, হাকিমের ঘোড়া যেমন, হাকিম নিজেও তেমনি উচ্চ বংশজ  
না হইয়াও নানা গুণে বিভূষিত এবং সর্বতোভাবেই বিশ্বাসপাত্র । হাকিম  
নন্দের অধীন নন—তিনি অশ্ব দলভুক্ত ছিলেন । সাহেব তাঁহার প্রতি  
মহা সম্বৃত্ত হইয়া তাহাকে স্বীয় সমীপবর্তী কাম্ভচারীদের মধ্যে উন্নত পদে  
নিযুক্ত করিয়া লইলেন । হাকিম পূর্বে লেপ্তেন ( লেফ্‌টেণ্ট ) ছিলেন,  
এক্ষণে কাপ্তেন হইলেন । কাপ্তেন হাকিম সিংহের অপরিমিত সাহস,  
তৎপরতা ও শীলতাদি গুণ জন্ত তাহাকে সকলেই ভাল বাসিত—প্রশংসা  
করিত । একদা তাঁহার গুণেই বড়যন্ত্রের কোন সম্ভাবনা হইতে ছলীন  
উত্তীর্ণ হন, বাতলা ত্যাগ মানসে তদ্বিশেষ উল্লেখ করিলাম না । ফলতঃ  
গুণগ্রাহক ছলীন এংবার্কিতে আর এক জন বিশ্বাসী অনুগত লুভ করিয়া  
মহা সুখী হইলেন ।

স্বক্কাবার ক্রমে কোট কাংরার নিকটবর্তী । আর এক দিন কুচ করিলেই  
কাংরার দুর্গ পাওয়া যায়, এমন স্থানে ছাউনি করিয়া ছলীন মনে মনে বিচার  
করিলেন, একবারেই সসৈন্ত দুর্গদ্বারে নিজের গমন উচিত নয়—অর্থে  
দূত প্রেরণ আবশ্যিক । অতএব কাংরার শাসনকর্তা দণ্ডবর সিংহের নামে

সৌজন্য ও ভদ্রতা সহকৃত প্রকৃত প্রসঙ্গ ঘটত একখানি লিপি লিখিয়া উক্ত হাকিম সিংহকে কয়েকটি সহচর সঙ্গে পাঠাইয়া দিলেন।

ছলীন, হাকিমের প্রত্যাগমনের মধ্যে, বাহিনীর অবস্থা পর্যবেক্ষণে নিযুক্ত রহিলেন। সমস্ত সৈনিক ও অশ্বাদির স্বাস্থ্য ও উৎসাহের বৃদ্ধি বৈ কিছু মাত্র হ্রাস লক্ষিত হইল না। বিশেষতঃ দেশীয় নায়কধীন সৈন্তের গ্রাম কোন বিষয়ে অনিয়ম, অশাসন বা গোলযোগ মাত্রই ছিল না; বরং বিগত কয়েক সপ্তাহের সুশিক্ষা, সুশাসন ও সুব্যবস্থাতে অবিকল ইউরোপীয় বাহিনীর গ্রাম সকলই সুশৃঙ্খলাবদ্ধ হইয়া উঠিয়াছে। তাহাতে পার্শ্ব প্রদেশের স্বাস্থ্যকর জল বায়ুর গুণে পশু ও নরবৃহৎ আরো বলিষ্ঠ, আরো রণোন্মুখ, আরো কার্যক্ষম হইতে পারিয়াছে। ছলীন মনে মনে মহা আশ্লাদিত—মহা ভরসান্বিত হইলেন।

যথা সময়ে হাকিম সিং পত্রোত্তর আনিলেন। তন্মর্ম্ম এইরূপ;—

“সাহেব বাহাদুরের গ্রাম সুযোগ্য হস্তে কাংরা সমর্পিত হওয়াতে দণ্ডবর সিংহ আপনাকে গৌরবান্বিত ও সম্মানিত বিবেচনা করেন। কিন্তু একটা কথা আছে। মহামহিমাবিত মহারাজ তাঁহার এই আজ্ঞাধীনকে সুদৃঢ়রূপে আজ্ঞা করিয়াছেন যে, নির্দিষ্ট সঙ্কেত ভিন্ন কাহাকেও দুর্গমধ্যে প্রবেশ করিতে দিবে না—আমার পুত্র কি আমি স্বয়ং আইলেও দিবে না! সাহেব বাহাদুর সন্ধিবেচক, জ্ঞানী; তিনিই বিচার করিয়া দেখুন, এ অবস্থায় আমার কি করা উচিত। আমার সাধ্য কি যে, মহারাজার সেরূপ অলংঘনীয় আদেশের বিরুদ্ধে কার্য্য করিতে পারি? অতএব হয় সেই গুপ্ত অভিজ্ঞান প্রদর্শন করুন, নতুবা কাংরা প্রদেশ হইতে বাহিনী স্থানান্তরে লইয়া গিয়া মনাস্তর নিবারণ পক্ষে মনোযোগী হউন!”

দণ্ডবরের এবশ্বিধ ব্যবহারে ছলীন কিছু মাত্র ভীত বা কর্তব্য-বিমূঢ় না হইয়া মেজর ফেরেব খাঁর কর্তৃত্বাধীনে ( হাকিমকে তৎসহকারী করিয়া ) বাছা বাছা দুই শত পদাতিক ও একশত অশ্বারোহী সঙ্গে দিয়া নিম্নলিখিত পত্র সহ পাঠাইয়া দিলেন। পাছে শুদ্ধ মুখের কথায় বা পত্রের লিখিত যুক্তিতে কাজ না হয়, এজন্য কিছু ভয় দেখাইতে এবং দুর্গাধিকার ভিন্ন তিনি অমনি ফিরিয়া যাইবার পাত্র নন, ইহাও জানাইতে, এই সৈনিক আয়োজন সম্বলিত দূত প্রেরণ আবশ্যক বোধ হইল। এবারকার পত্রের তাৎপর্য্য এইরূপ;—

“জনশ্রুতিতে জ্ঞাত আছি, শ্রীযুক্ত দণ্ডবর সিংহ বাহাদুর মহাজ্ঞানী প্রবীণ বীর এবং অবশুই দরবারের বিশ্বাসী কর্মচারী। তাঁহার সুখ্যাতি সর্বত্রই ব্যাপ্ত আছে। তাঁহার গুণ ও দৃষ্টান্তের অনুকরণ করা পত্রলেখকের নিতান্ত ইচ্ছা। রাজাজ্ঞা পালনে তিনি বেরূপ ইচ্ছুক, পত্র-লেখকও সেইরূপ দৃঢ়-প্রতিজ্ঞ। প্রকাশ্য সভায় বসিয়া মহারাজ এ অধীনকে যে কার্যভার অর্পণ করিয়াছেন, তাহা অবশুই মহাশয় গুনিয়াছেন। সে দৃঢ়াঙ্গা আমাকে পালন করিতেই হইবে। তদনুসারে কার্য সম্পন্ন না করিয়া অমনি অর্মানি ফিরাই গেলে মহামহিম মহারাজ কি আমার মুখ আর দেখিবেন? না, চিরজীবনের মধ্যে এই অনপনের কলঙ্কের কালী আমার নাম হইতে কখনও ধোঁত হইতে পারিবে? অতএব বীরের হৃদয়তত্ত্ব বিজ্ঞ দণ্ডবর সিংহ বুঝিতেই পারিতেছেন যে, এই অবশু-কর্তব্য কাজে অণুমাত্র অবহেলা করা আমার পক্ষে মরণাপেক্ষা বহুগাদায়ক—এই কর্তব্য নিতান্তই অপরিহার্য। অথচ কাংরার বর্তমান শাসনকর্তা মহাশয়ের বয়স ও মর্যাদা বিবেচনায় আমার একান্তই আন্তরিক বাসনা, এই কার্যটি সৌজন্যে সনাধা হয়।

“আপনার প্রতি যেরূপ রাজাদেশের কথা লিখিয়াছেন, তাহা সত্য; কিন্তু আপনি বহু কাল দরবার হইতে স্থানান্তরে ও বহুদূরে আছেন, সুতরাং পূর্ব ভাবাবস্থার পরিবর্তন ও নব ভাবাদির প্রবর্তন বিষয়ে অভিজ্ঞাত না থাকিতে পারেন। এখনকার ভাব গতিক এবং সামরিক যন্ত্র কৌশলাদি সকলই যে আর একরূপ হইয়া উঠিয়াছে, তাহার কতক আপনাকে জানাইবার নিমিত্ত এতৎসঙ্গে এক রকম গোলা নমুনা পাঠাইতেছি, তৎপরীক্ষা দ্বারা আধুনিক কালের নব উন্নতির আভাস গ্রহণে সমর্থ হইবেন, ইহাই এ হিতৈষী বন্ধুর এক মাত্র প্রার্থনা।

“সম্প্রতি ইংরাজদের নিকট ইহার নির্মাণ ও ব্যবহার কৌশল শিক্ষা হইয়াছে—আমার কামানের জন্ত একরূপ গোলা বিস্তর আসিয়াছে। অত্যাচ্চ শেধরে মেঘ মধ্যে বসিয়া থাকিলেও নিম্ন দেশ হইতে এই গোলা, কামান-যন্ত্র সাহায্যে তথায় প্রেরিত হইতে পারে—গোলায় যে পলিতা সংলগ্ন থাকে, তাহা ধরিবা মাত্রই গোলা গিয়া উদ্দিষ্ট স্থানে নক্ষত্রবেগে উপস্থিত হয়—তত্রত্য ভূমি স্পর্শ করিতে না করিতে গোলা ফাটিয়া তন্মধ্যস্থ ভীষণ উপকরণ সমূহ ধও ধও বজ্রাঘির স্তর চতুর্দিকে ঘোর সংহারক রূপে বিক্ষিপ্ত হইয়া

পড়ে—তদ্বারা নিমেষ মধ্যেই বহু বসন্তের কার্য সমধা হইয়া উঠে ; আপনি বহু সন্তান বীর, পরীক্ষা করলেই ইহার সত্যতা পক্ষে নিঃসন্দেহ হইতে পারিবেন ! যদি পরীক্ষার ইচ্ছা হয়, তবে তদুপযুক্ত কামানও এই সঙ্গে প্রেরিত হইতেছে, আজ্ঞামাত্র আমার ক'লাধক্ষগণ প্রদর্শন পক্ষে ক্রটি করিবে না ! সুবিজ্ঞ ও সুনীতিজ্ঞ দণ্ডবরকে অধিক লেখা বাহুল্য—উভয়েই এক প্রহুর ভৃত্য—উভয়ের সৈন্তই এক রাজার চন্—উভয় পক্ষই পরস্পরে ব্রাতৃবৎ অশ্রীয়—অকারণে ব্রাতৃবিচ্ছেদ ও রাজসৈন্তক্ষয় না ঘটে, তাবধান পক্ষে আপনার শ্রায় বহু রাজপুরুষের উপর মহারাজার অধিক নির্ভর হওয়া স্বাভাবিক । এইটী নিতান্ত সরল ভাবে স্মরণ করাইয়া দিবার আভিপ্রায়েই এই কয়টী কথা লিখিত হইল । ইহাতে যদি-রুচতা দোষ হইয়া থাকে, তবে প্রার্থনা, তদ্রূপ সরল ভাবেই তাহা মার্জনা করিবেন । অধিক লিখিলে বাচালতা ও মান প্রদর্শনে ক্রটি হইতে পারে ।”

এই স্পষ্ট ইঙ্গিত এবং রণসজ্জা—ভয় মৈত্রতা প্রদর্শন—কিছুতেই কিছু হইল না । দণ্ডবর যে গুপ্ত অভিজ্ঞানের কথা লিখিয়াছেন, তাহা অপ্রকৃত না হইবে । কিন্তু তাহা প্রকৃত না হইলেও, গোলাপ সিংহ গোপনে দুর্গদ্বার মোড়নে নিষেধ করিয়া পাঠাইয়াছেন এবং দণ্ডবরের সাহায্যার্থ বহুদশী নিপুণ কামচারী ও কয়েক শত সিপাহী প্রেরণ দ্বারা তাঁহার সাহসবল ও বাহুবল স্মৃদুর্ত করিয়া দিয়াছেন ! দণ্ডবর যে গোলাপ সিংহের অনুগত লোক এবং কাংরা যে গোলাপেরই গুপ্ত আধিপত্যের স্থান, ইহা প্রায় সকলেই জানিত !

• ছুলীনকে অগত্যা রণসজ্জাতেই দুর্গের নিকটস্থ হইতে হইল—দুর্গস্থ কামানে অনিষ্ট করিতে না পারে, এমন ভাবেই সমীপবর্তী হইলেন এবং এমন স্থানেই ছাউনি করিলেন ।

দেখিলেন দুর্গটী সামান্য নহে—অভেদ্য বলিয়া যে প্রসিদ্ধ আছে, তাহা তাঁহাকে মনে মনে স্বীকার করিতে হইল ।

একটা ছুরারোহ—অতি দুর্গম পর্বতোপরি কাংরা-দুর্গ অবস্থিত ; বাণ-গঙ্গা নামে পার্শ্বতীয় নদী কর্তৃক তিন দিকে বেষ্টিত—বর্ষা ঋতুর তো কথাই নাই, অন্যান্য শুষ্ক কালেও তাহাতে বুক জল ; সুতরাং দুর্গস্থ গোলাবর্ষণ ও অন্যান্য প্রহরণের প্রতিমুখে শত্রুপক্ষের সাধা কি, সে নদী পার হইয়া

যায় ! যদিও কোন অসমসাহসিক অমানুষিক সাধনে পার হইতে পারে, হইলেই বা লাভ কি ? সে তিনদিকের গিরি-গাত্র প্রায়ই প্রাচীরবৎ ঋজু—স্থানে স্থানে যৎকিঞ্চিৎ ঢালুভাব থাকিলেও নানা কারণে নিতান্তই ছুরারোহ, স্মৃতরাঃ দুর্গরক্ষকদলের সংখ্যা অল্প হইলেও তাহাদের গোলা গুলি প্রক্ষেপের ব্যবস্থার সহিত এই যে অনতিক্রম্য ভীষণ অবস্থা, তাহা লংঘন করে কাহার সাধ্য ! রণকুশল অসংখ্য দুঃসাহসী সৈন্যকেও বিমুখ ও বিগতায়ু হইতে হয় ! তাহাতে দণ্ডবরের অধীন দুর্গরক্ষকের সংখ্যা ছলীনেঃ দলাপেক্ষা অধিক বৈ অল্প নয় !

কেবল চতুর্থ দিকেই দুর্গ প্রবেশের প্রধান পথ । পথটা পরিসর বটে—প্রস্থে অর্ধকোশও হইতে পারে । সেটা অনুরত দুইটা ক্ষুদ্র গিরির মধ্যবর্তী উপত্যকা—সে পথ ঢালুভাবে দুর্গে উঠিয়াছে—সেই পথ আবার দ্বিভাগে বিভক্ত, যে হেতু পথের মধ্যভাগে বৃহৎ মংস্তুর পৃষ্ঠের দাঁড়ার গায় একটা সামান্ত লম্বা গিরি । সেই শৈল-দাঁড়ার উভয় পার্শ্বস্থ অর্ধ মাইল বা সিকি কোশ করিয়া বিস্তৃত দুইটা পথ দিয়া দুর্গের দুইটা তোরণে উঠিতে হয় । সেই বয়ুর্ঘয়ের উভয় পার্শ্বস্থ শৈলোপরি এবং দুর্গদ্বারোপরি দণ্ডবরের সৈনিক ও কামান একরূপে সজ্জিত যে, তাহাদের প্রক্ষিপ্ত অঘিবৃষ্টি না খাইয়া একটা পক্ষীও তোরণ-দ্বারাভিমুখে বাহঁতে পারে না !

ঐ ঢালু পথের দৈর্ঘ্য প্রায় এক কোশ—তাহার নিম্ন সীমার সম্মুখে অপর একটা পর্বত, তাহার নাম “জয়ন্তীগিরি” । পথের উভয় পার্শ্বস্থ সেই দুইটা গিরি হইতে জয়ন্তী সম্পূর্ণ বিচ্ছিন্ন ; মধ্যে অনেকটা সমতল ভূমি । অতএব সেই মুক্ত স্থানই দুর্গদ্বারের নিম্ন-সীমা—সেই স্থান দিয়াই ঐ প্রশস্ত পথের কিয়দূর উঠিবার পর তবে সেই গিরি-দাঁড়া দ্বারা বিভাজিত ঐ দুইটা স্বতন্ত্র পথ পাওয়া যায় । যদি জয়ন্তীর উপর হইতে কামান ও বন্দুক অনলোদ্গারণ করে, তাহা হইলে সেই প্রশস্ত পথমধ্যে পদার্পণও দুঃসাধ্য । কিন্তু দণ্ডবর সিংহ জয়ন্তী-শিরে কামনাদি রাখেন নাই । বোধ হয় প্রলোভন দ্বারা শত্রুপক্ষকে ঐ যুগল পথরূপী ফাঁদের মধ্যে আনিবার জন্তই দণ্ডবর জয়ন্তী-শির অধিকার করেন নাই ! অথবা কেহ কেহ বলেন যে, “জয়ন্তী-মঠ” নামা সুপ্রসিদ্ধ দেবী-মন্দির ও “দেবী স্থান” নানা তীর্থে থাকতে তেমন পবিত্রস্থলে অববিত্র সামরিক হিংসার আয়োজন

করিতে হিন্দুচুড়ামণি দণ্ডবর কুণ্ঠিত হইয়া থাকিনেন । কিন্তু তাহাও সম্ভবপর হইতে পারে না, যেহেতু ঐ দেবীস্থান জয়ন্তীর শির দেশে অধি-  
স্থাপিত ; সেই স্থান দুর্গবর্ষ হইতে বহু উর্ধ্বে ; তাহার কিয়দূর নিম্নে জয়ন্তীর  
দুইটী বাহু দুর্গসম্মুখস্থ বর্ষ বা উপত্যকা ভূমির উপর কিয়দূর পর্যন্ত অগ্রসর ।  
দণ্ডবর মনে করিলে সেই বাহুদ্বয়ের উপরিভাগে সৈন্ত ও কামান রাখিতে  
পারিতেন, তাহাতে পবিত্রতার বিষয় হইত না, অথচ পথ-রক্ষক হইতে  
পারিত । অতএব প্রথম অনুমানকেই উপযুক্ত কারণ বলিয়া প্রতীতি হইতে  
পারে । যাহা হউক দণ্ডবরের এই ক্রটিতে ছলীনের সুবিধা হইল ।

ছলীন দেখিলেন, জয়ন্তীর বাহুদ্বয়ের উপরিভাগে ইঞ্জিনিয়ারিং বিদ্যা-  
কৌশলে মঞ্চবিশেষ রচনা পূর্বক তাহাতে কামান বসাইয়া “শেল্” নামক  
গোলা ছুড়িতে পারিলে দুর্গমধ্যে অশেষ অনিষ্ট ঘটান যাইতে পারে । যদিও  
এই অভেদ্য দুর্গ অধিকারার্থ ইহা যথোপযুক্ত উপায় নহে, তথাপি আর সাহা  
কিছু বিশিষ্ট উপায় অবলম্বিত হইবে, ইহা তাহার পোষকতাপক্ষে বিস্তর  
কাজে লাগিতে পারিবে ।

জয়ন্তীর বাহুদ্বয় হইতে সামান্য গোলাবর্ষণ হইবে, দণ্ডবর ইহাই জানি-  
তেন । তজ্জন্য প্রস্তুতও ছিলেন এবং সে কথা কেহ বলিলে হিন্দু উড়াইয়া  
দিতেন । কিন্তু জগতে “শেল্” নামক ভয়ানক গোলায় যে ক্ষতি হইয়াছে,  
তখন তিনি জানিতেন না, জানিলে জয়ন্তী ছাড়িতেন না ! অতএব তিনি  
কেবল দুর্গের সর্বদিক্ রক্ষার নিমিত্ত দুর্গাভ্যন্তরে অদৃশ্যে ও মূর্তিগুলির উপর  
যথেষ্ট আয়োজন করিয়াই সমুপ্ত হৃদয়ে ক্ষান্ত আছেন । সে সব আয়োজন  
সামান্য নহে ; তৎপ্রতিবিধানার্থ ছলীন সহজ উপায় কিছুই দেখিতেছেন না  
—গভীর চিন্তাশক্তিকে কেবল নিয়ত চালনা করিতেছেন ।

আবার জনরবে শ্রুত হইল, দণ্ডবর দুর্গমধ্যে এত খাদ্যাদি সংগ্রহ করিয়া-  
ছেন যে, বর্ষব্যাপিয়া অবরোধ চলিলেও সে বিষয়ে তাঁহার শঙ্কা মাত্র নাই ।  
বিশেষতঃ গোলাপ সিংহের সৈন্ত সংযোগে তাঁহার লোকবল যখন ছলীনের  
অপেক্ষাও বেশী, তখন চাই কি, সাহস সহকারে দুর্গ হইতে বাহির হইয়া  
সুকৌশলে সৈন্ত চালন পূর্বক আক্রমণকারীকে আক্রমণ করিতে পারিলে  
জয়েরও সম্ভাবনা আছে, সুতরাং অধিক দিন অবরোধে থাকিবারই বা আশঙ্কা  
কি ? কেবল সাহেব বলিয়াই এবং সাহেব যেরূপ অসাধারণ দক্ষতা সহকারে

সৈন্যগণকে শিক্ষা দিয়াছেন, জনশক্তিতে সে সংবাদ পাইয়াই বহির্গমন পূর্বক  
তরুণ আক্রমণ পক্ষে ইতস্ততঃ করিতেছেন !

### ষষ্ঠ পরিচ্ছেদ ।

দুর্গ জয় ।

সকলই পতিকূল অবস্থা : তথাপি তুলীনের অধাবসারী মন ভীত, বিচ-  
লিত বা শিথিল সংকল্প হইল না। পতিভার ধর্ম্মই এই ; সম্মুখে বাধা বিঘ্ন  
যতই প্রবল হয়, তাহার উদ্ধাবিকা শক্তি ততই তেজস্বিনী হইয়া উঠে ।

‘তিনি অনেক চিন্তাব পর, জয়সীর বাতায়ের উপরিভাগ অধিকার ও মঞ্চ  
নির্মাণ পূর্বক কামান বসাইলেন ; কিন্তু মনে জানেন, “শেল” গোলা নিক্ষেপে  
শত্রুকে কেবল ব্যতিব্যস্ত করা বৈ অন্য বিশেষ ফললাভ হইবার সম্ভাবনা অল্প ।  
অতএব সে কাজ যেমন চলিবে, তেমন কোন একটা গুপ্ত উপায়ে দুর্গের  
কোন অংশ ভেদ পূর্বক অভ্যন্তর আক্রমণ ব্যতীত দুর্গাধিকার ঘটয়া উঠা  
ভার—অগচ্ কোন দিকেই সেরূপ প্রাণিত ঘটনার সুযোগ সুবিধা সহসা দৃষ্ট  
হইতেছে না। দুর্গের চতুর্দিক-দর্শী গুপ্তচর ও বিশ্বাসী কামচারিগণ পুনঃপুনঃ  
আসিয়া যেকপ বিজ্ঞাপন দিতে লাগিল, তাহাতে অন্য কেহ হইলে নিতান্তই  
নিরাশ হইয়া পড়িত । কিন্তু তুলীনের অভিধানে নৈরাশ্র শব্দ লিখিত নাই !  
অতএব উপায়-চিন্তাকালে স্থির করিলেন, সর্কাদৌ দুর্গের বহির্ভাগের সমুদয়  
স্থান তন্ন তন্ন রূপে স্বচক্ষে পরিদর্শন নিতান্তই আবশ্যিক । যদিও তাহার  
মনোহর কার্য ও বর্ণ প্রচ্ছন্ন করা দুক্ল—শত্রুর চক্ষে প্রকাশ পাওয়া সম্ভব—  
প্রকাশ পাতবা মাত্র পালাতায়ের সম্ভাবনা—তথাপি কর্তব্য উদ্দেশে প্রাণের  
মারা ভাগ অত্যাশ্রুক দোষ করিলেন ।

কোন কোণে জয়সী মঠের দুইজন অবধূতের বেশ ভূষা আনীইয়া তুলীন  
নিজে সন্ন্যাসী সাজিয়া ও হাকিম সিংহকে চেলা সাজাইয়া ত্রিশূল আংটা হস্তে  
অতি সংগোপনে শিবির ছাড়িয়া শত্রু-ক্ষেত্র ও আরণ্য পথ ঘুরিয়া আসিয়া  
নদা পুদিনে, তরুতলে, বনমধ্যে ভ্রমণ করিতে লাগিলেন । পক্ষিরাজ গৃধের  
শ্রাব্য সূতীর দৃষ্টিতে দুর্গের চতুর্দিকস্থ বহির্ভাগ মধ্যে এমন স্থানের সন্ধান



দেখিতে লাগিলেন, যথায় বাণগঙ্গা পার হইয়া পর্বত-গাত্র বাহিয়া ছুর্গে উঠা যায়। তাহার বানপ্রাস্থিক ঝুলির মধ্যে একটা দূরবীক্ষণ যন্ত্রও লুকাইয়া ছিল। তরু গুল্মাদির অন্তরাল হইতে সেই যন্ত্রযোগে বহু বহু স্থানে পরীক্ষা ও পর্যবেক্ষণের পর একটা মাত্র স্থান দৃষ্ট হইল, যেখানে অভীষ্ট সিদ্ধি কিম্বদংশে সম্ভব হইলেও হইতে পারে।

সেই অংশটার ছুর্গ-শেখর ঘন বনাকীর্ণ। কিন্তু সে স্থানের তল ভূমি হইতে ঐ ঙ্গলা শেখর পর্যন্ত পর্বত-গাত্র এককালে সরলোচ্চ-ঠিক যেন পায়ণ-প্রাচীরের ত্রায় ঋজু ভাবেই দণ্ডায়মান। যদিও উত্থানপক্ষে সে স্থানটা বিশেষ কষ্টদায়ক, তথাপি একটা মহৎ সুবিধা এই যে যদি কোন কৌশলে তাহার তলভূমিতে যাওয়া যায়, তবে উপর হইতে বড় একটা দৃষ্ট হয় না এবং উপর হইতে গুলিগোলা ছুড়িলেও নিম্নস্থ লোকদিগের গায়ে তাহা লাগিতে পারে না। কিন্তু পূর্বে বেরূপ বলিয়াছি, তেমন সরলোচ্চ পায়ণ-প্রাচীর বাহিয়া উঠা একপ্রকার অসম্ভব ব্যাপার। বোধ হয়, সেই জন্তই ছুর্গের সেই ভাগটাতে কামান কি সতর্ক প্রহরিতা রাখিতে ছুর্গাধ্যক্ষ যত্ন করেন নাই।

বীরপ্রধান ছুলীন সে স্থানের অবস্থা দর্শনে মহা আফ্লাদিত হইলেন—সকল দিকে সম্পূর্ণ নিরাশ হইয়া আসিয়া এখানে কিঞ্চিং (যত্নকামাত্র!) আশার সঞ্চার হওয়া 'কি সামান্য আনন্দের বিষয়? এমন কি সেই স্থানটা (উঠিবার পক্ষে যেমন হ'উক) অরক্ষিত দেখবামাত্র হর্ষে তাহার দেহ লোমাঞ্চত হইয়া উঠিল!

ছদ্মবেশী সন্ন্যাসীর তাৎকালিক নেত্র-জ্যোতিঃ ও দৃষ্টি-ভঙ্গী দণ্ডবরের কোন রক্ষী যদি দেখিতে পাইত, তবে আর জটাধারা অবধূত মহাশয়কে সে স্থান হইতে ফিরিয়া যাইতে হইত না! যেহেতু তান হযোদ্যাপ্ত সতৃষ্ণ নয়নে একবার ছুর্গোপারস্থ বনের দিকে, একবার ঢেঁলা রূপী হাকিম সিংহের মুখপানে পুনঃ পুনঃ চাহিয়া দেখিতে লাগিলেন!

হাকিম তাহার অভ্যর্থনা বুঝিয়া নমস্কার পূর্বক ইঙ্গিতে আশা ও হর্ষভাব প্রকাশ করিল। কিন্তু পরক্ষণেই ছুর্গ-গাত্রটা নয়ন ভঙ্গীতে দেখাইয়া দিয়া মালিন বদনে মূহু মন্দ স্বক্ৰম সঞ্চালন করিল!

ছুলীন বিস্ময় ও অসন্তোষ-বাক্যক দৃষ্টির সহিত অতি মূহুর্তে বলিলেন

“কি ? বীর'নাম ধরিত্রী, জয়াশায় উদ্দীপ্ত হইয়া। এই গিরি-গাত্র দিয়া উঠিতে পারিবে না ? তবে আর সামান্য মনুষ্যে আর বীরে প্রভেদ কি ?”

হাকিম অপ্রস্তুত হইয়া বলিলেন “আমি পারি, হু একজন কেউ কেউ পারে, সকলে কি পারিবে ?”

ছলীন কহিলেন, “হু একজন তো পারে ! তবে কি না হইল ? তাতেই অনেকের পথ হইতে পারিবে। আইস তাহার পরামর্শ করি গে।”

ছলীন শিবিরে গিয়া তাহার নিতান্ত বিশ্বাসী আর হুই তিন জন কর্মচারীর সহিত তৎপর হইয়া সমস্ত উপায় ও আয়োজন ঠিক করিলেন। সেই রজনীতে আক্রমণ স্থির হইল। সে রাত্রে জরস্তীর প্রসারিত বাহুদ্বয়ের উপর হইতে শেল্ গোলা নিয়ত নিক্ষিপ্ত হইতে লাগিল। উপত্যকার দিকে হুর্গের যে দুইটা ফটক ছিল, দুই দল সৈন্য তাহাদের অভিমুখীন হইবার ভাণ করিতে লাগিল—যেন সেই তোরণদ্বয়ই আক্রমণের প্রধান লক্ষ্য স্থল, এরূপ আড়ম্বর ও উদ্যোগের আয়োজন দেখান হইল ! হুর্গের অন্যান্য দিকেও (যে যে স্থল কিছু ঢালু) সৈন্যগণ অনিয়মিত ও বিক্ষিপ্ত ভাবে গোলা গুলি নিক্ষেপ করিতে লাগিল। কিন্তু বস্তুকর্তৃক যে অংশ প্রকৃত লক্ষ্যের স্থান, সে দিকে চুঁ শক্তি নাই—সে দিকে যেন কেহই যায় নাই—সে দিকে যেন যাওয়া বৃথা ; এমন ভাবই প্রদর্শিত হইল ! অথচ ছলীন নিজে বাছা বাছা ও বিশ্বাসী সৈনিক লইয়া সেই দিকেই রজনীর অন্ধকারে লুক্কায়িত ভাবে প্রকৃত কার্য্য করিতেছেন।

পরাতন প্রাচীন বোদ্ধা দণ্ডবর সিংহ নিতান্তই প্রতারিত হইলেন—যে যে দিকে ছলীন-সৈন্যের অগ্নিবর্ষণ ও আক্রমণ দেখিলেন, সেই সেই ভাগেই প্রত্যাগ্নিবর্ষণ ও বিবিধ প্রতিবিধানকার্য্যে মহা ব্যস্ত সমস্ত থাকিলেন। তিনি ভাবিতেছেন, আক্রমণকারীরা তাহার অগ্নিমুখে অগ্রসর হইতে পারিতেছে না। হুর্গ একেই স্বভাবতঃ দুর্ভেদ্য, তাহাতে বিস্তর লোক ও বিস্তর কামানাদি দ্বারা সংরক্ষিত, কাজেই মহোপায়ে যুদ্ধ করিতেছেন আর সিংহনাদে বলিতেছেন “আমুক না, ভালই তো !”

নরকে বিশ্বাসঘাতক জানিয়া তাহার প্রতি ছলীন আজ্ঞা দিয়াছিলেন, “আমার বিশেষ অনুমতি ভিন্ন সৈন্যগণ অমুক অমুক সীমা হইতে একপদও যেন অগ্রো সরিয়া না যায়।” অন্যান্য সৈন্যাদ্যক ছলীনের গোপনীয় শিক্ষা-

নুসারে প্রকৃতপক্ষে কেহই অগ্রসর হইতেছেন না—কেবল আক্রমণের ভাণ ও ধুমধাম মাত্র দেখাইতেছেন! সুতরাং দণ্ডবর অবশ্যস্তাবী জয়ের উৎসাহে মহা আমোদিত ও গর্কিত হইয়া উঠিতেছেন এবং “ছুলীন সাহেবের এই বুকি নাম যশ!” বলিয়া মাঝে মাঝে কত স্পর্কাই করিতেছেন! কিন্তু ও দিকে যে সর্বনাশ ঘটতেছে, তখন তাহার বিন্দু বিসর্গ স্বপ্নে ও কল্পনা করিতে পারেন নাই!

ছুলীন পাঁচ শত বাছা মৈনিক ও সুযোগ্য সৈন্যধাক্গণ সমভিব্যাহারে নিঃশব্দে লক্ষ্য স্থানের সম্মিহিত হইলেন। নদী তীরে গিয়া অনুচ্চ স্বরে যাহা করণীয় তত্ত্বাবতের আদেশ উপদেশের সহিত বলিয়া দিলেন, “অগ্রে, যে ব্যক্তি দুর্গোপরি উঠিয়া এই সব রজ্জুসোপানাবলী উপরিস্থ বৃক্ষাবলীতে সংলগ্ন করিয়া দিতে পারিবে, পাঁচশত মোহর তাহার পুরস্কার এবং এই স্থানেই পদোন্নতি লাভ নিশ্চিত।”

এই পারিতোষিক লোভে অনেক বীরের মধ্যেই ঘোর প্রতিযোগিতা বাধিয়া উঠিল। অথচ সেই ছড়াছড়িতে বিশেষ গোলমাল না হয়, ছুলীন তৎপক্ষেও সুব্যবস্থার ক্রটি করিলেন না। অতএব অতি সতর্ক ও নিস্তব্ধ-ভাবে নদী পার হইয়া কয়েকজন সুকৌশলী সাহসী পুরুষ কাঠ বিড়ালবৎ অতুল গুণপনার সহিত পর্বত-গাত্র দিয়া উঠিতে লাগিল। কেহ কেহ বা পুরস্কার বিভাগ করিয়া লইবার সংকল্পে পরস্পরকে সাহায্য করিল। অর্থাৎ একের স্বন্ধে অপরে, তৃতীয় ও চতুর্থ তাহাদের পার্শ্ব ধরিয়া উঠিতেছে, অপরে গিয়া তাহাদের সাহায্য করিতেছে ও লইতেছে। ইত্যাকারে কত কত জন কত চেষ্টা করিতে লাগিল—কতক বা না পারিয়া প্রত্যাবৃত্ত হইল—তুই এক জন বা কিয়দূর হইতে পড়িয়াও গেল।

শেষের ঘটনা-জনিত শব্দ শুনিয়া ছুলীন ভীত হইলেন। প্রতিকারার্থ নদীর একাংশে নিশ্চল জলের যে একটা খাঁড়ি ছিল, তথা হইতে রাশি রাশি শৈবাল আঁনাইয়া পর্বতের তল-দেশে যথেষ্ট পুরু করিয়া বিছাইয়া দিলেন। তাহাতে শুদ্ধ শব্দ নিবারণ নয়, যদি দৈবাৎ কেহ পড়িয়া যায়, তাহার প্রাণরক্ষারও কতক উপায় হইল।

কিন্তু যে যতই চেষ্টা করুক, হাকিম সিংহকে কেহই পারিল না—হাকিম সর্বাগ্রেই শীর্ষদেশস্থ বনভূমিতে উপস্থিত হইয়া স্বীয় কটিস্থ কয়েকটা দাড়ির

সিঁড়ির মুড়া খুলিয়া বক্ষকাণ্ডে দৃঢ় বন্ধন করিলেন । তলার যাহারা অপর ভাগ ধরিয়া ছিল, তাহারা উপরের টান জানিতে পারিয়া সহর্ষে দৌড়িয়া গিয়া সাহেবকে সুসংবাদ প্রদান করিল । তুলীন তৎক্ষণাৎ সেই রজ্জু-সোপান কয়টার নিম্নাগ্রভাগ বৃহৎ ছই শিখাথণ্ডে জড়াইতে ও কতকগুলি ষোককে দৃঢ়রূপে তড়াবৎ ধরিয়া রাখিতে বলিয়া সিঁড়ি দিয়া সৈন্তগণকে উঠিতে আদেশ করিলেন—অন্যান্য উত্থানকারীরাও ততক্ষণে হাকিমের দৃষ্টাস্থানুসারে অন্যান্য রজ্জু-সোপানাবলী দৃঢ়ীভূত করাতে এক এক ক্ষেপে অনেক লোক উঠিতে পারিল ।

আমরা সামরিক ইতিহাস যতই পড়ি, ততই এই সংস্কার নিঃসংশয়রূপে বন্ধমূল হয় যে, সেনাপতির গুণ দোষ তাড়িতের কার্যাবৎ সৈন্য শরীরে সংক্রমণ পূর্বক হয় তাহারা অসম্ভব শৌর্য্য, বীর্য্য দেখায়, নয় তো হাটের হাটুরিয়া তুল্য বৃথা গোলযোগকারী অকর্ম্মণ্য দল হইয়া পড়ে ! যে ফরাসী সেনা অষ্ট্রিয়ার নিকট পদে পদে পরাস্ত, বিপদগ্রস্ত ও অপমানিত হইতেছিল, নেপোলিয়ানকে সেনানী রূপে শিরোভাগে পাইয়া অবাধে সেই সৈনিকগণই সেই অষ্ট্রিয়ার সুপ্রসিদ্ধ সেনাপতিগণ-চালিত পূর্বজয়ী সামন্তব্যুহকে পদে পদে পরাস্ত, বিপদগ্রস্ত ও যৎপরোনাস্তি অপমানিত করিয়া তুলিল ! তখন নেপোলিয়ান কি বল হইতে নূতন লোক আনিয়াছিলেন, না, সেই সব পূর্ব মনুষ্যই ছিল ? পূর্বে যাহারা, পরেও তাহারা ! তথাপি কার্য্য দেখিয়া বোধ হইল, তিনি যেন নূতন যোদ্ধা সকল সৃজন করিয়া লইয়াছেন ! বাস্তবিকই প্রায় তাই । অর্থাৎ পূর্বে জড়বুদ্ধির চালনা ; পরে সজীব প্রতিভার বৈদ্যাতিক তেজে যন্ত্ররূপী সৈনিকগণ যেন নবভাবে উদ্দীপ্ত হইয়া উঠিল—এইমাত্র প্রভেদ !

বর্ণনীয় রজনীতে তাহাই ঘটিল—তুলীনের তেজস্বী প্রতিভা, অসীম সাহস এবং সম্যোচিত প্রত্যুৎপন্নমতিত্ব প্রভৃতি গুণাবলী সেই রজনীতে বৈদ্যাতিক অগ্নিবৎ ছেদীপ্যমান হইতে লাগিল, তাহার সংক্রমণ ও সহানুভূতিতে সঙ্গী-মাত্রেই অসম্ভবরূপে উৎসাহিত ও বীরকার্য্যে উত্তেজিত হইয়া উঠিল ! “যোগ্য পরিচালক দ্বারাই আমরা সূচালিত হইতেছি !” এই যে বিশ্বাস, রণরঙ্গস্থলে ইটি বড় আবশ্যক—শতগুণে সাহস ও বল-বর্দ্ধক । তুলীনের সঙ্গিগণ এই আত্মস্তুতিক সংস্কারের বশেই আপনাদিগকে সম্পূর্ণ নিরাপদ জানিয়া যেন অট্টা-

লিকার সোপানেই উঠিতেছে, এই ভাবে পরমোৎসাহে, সেই রক্ততে ঝুলিয়া ঝুলিয়া উপরে উঠিতে লাগিল ! বার বার পর্বত-গাত্রসংঘর্ষে আঘাত পাইল—ক্ষণে ক্ষণে শরীর টলটলায়মান, চরণ অস্থির, তথাপি গ্রাহ্য নাই ! এক্রমে অনতিবিলম্বেই চূর্ণস্ত জঙ্গলভূমি পাঁচ শত দৃঢ়প্রতিজ্ঞ অস্ত্রধারী দ্বারা পূর্ণ হইল । প্রায় সকলের শেষে তুলীন উঠিলেন ।

উপত্যকাস্থ সৈন্তগণের অধাক্ষ কাপ্তেন ফেরেব থা ও মেজর সূজন সিংহের প্রতি পূর্ব হইতেই এই উপদেশ দেওয়া ছিল যে, “ভূর্গের অমুক ভাগ হইতে ‘রকেট’ নামক আগ্নেয় গোলা যেই তোমরা তিনবার শূন্য উঠিতে দেখিবে, অমনি জয়নাদ উচ্চারণ পূর্বক ফটক আক্রমণে ধাবমান হইবে : নন্দ সিং ভূর্গের অন্ত্র দিকে অপাক্ষতা করিতেছে, তাহার সৈন্তকে এ কাজে আবশ্যিক হইবে না, স্মরণ্য তাহাকে এ হুকুম কদাচ শুনাইবে না—কখনই শুনাইবে না !”

অধুনা তুলীন স্বীয় পাঁচশত সহচর সঙ্গে ক্রতপদে বন ভূমির বাহির হইবা মাত্র শূন্যপথে তিনবার রকেট ( হাউই ) ছাড়িয়াই ভীষণ জয়ধ্বনি সহকারে ভূর্গমধ্যে দৌড়িলেন । রকেট দর্শনে ফটকদ্বয় আক্রমণকারী উপত্যকাস্থ দুই-দল সৈন্ত হইতে ভয়ঙ্কর সিংহনাদের পর সিংহনাদ উঠিল—যুগপৎ অমনি অভ্যন্তরস্থ পাঁচ শত এবং বহির্ভাগস্থ শত শত বীর, ভিতর বাহির হইতে ফটকের দিকে দৌড়িল !

ওপক্ষে দণ্ডবরের লোক তখন ভিতরের ব্যাপার জানিতে পারিয়া এবং বহিরাক্রমণের অসম্ভব বেগ দর্শন করিয়া নিতান্ত হতাশ ও ভয়ে স্তম্ভিতবৎ হইয়া পড়িল । দণ্ডবর যথার্থ বীর যোদ্ধার ত্রায় স্বীয় ভগ্নোদ্যম সৈনিক-গণকে দলবদ্ধ ও পুনরুৎসাহিত করিতে বিধিমতে চেষ্টা পাইলেন, কিন্তু সম্পূর্ণ-রূপে সূক্ষ্ম হইতে পারিলেন না । কতক লোক লইয়া তুলীনের অভিমুখে ছুটিয়া আসিলেন বটে, কিন্তু কিছুতেই আর শত্রুর বেগ নিবারণে সমর্থ হইলেন না—সম্পূর্ণ পরাস্ত হইলেন—তাঁহার অসুবল অনুচরগণ যে যে দিকে পাঠল পলাইতে লাগিল । তুলীনের আদেশে তাঁহার সঙ্গিগণ দৌড়িয়া গিয়া ফটক ঝুলিয়া দিল—“জয় রণজিৎ—জয় তুলীন—গুরুজীকো ফতে” ইত্যাদি বীরনাদে বাহিরের সৈন্ত ভিতরে প্রবেশ করিল ! দণ্ডবর তখনও যুঝিতেছেন, কিন্তু বৃথা—সবই বৃথা হইল !

এ দিকে তুলীন শান্তি-পতাকা ও শান্তি দূত প্রেরণ দ্বারা দণ্ডবরকে বলিয়া

পাঠাইলেন “মহাশয় বিজ্ঞ, আমরা উভয়েই এক প্রভুর ভৃত্য—এক রাজার বাহিনী, তবে কেন বৃথা আপনা আপনি কাটা কাটি করিয়া মরি? অতএব ক্ষান্ত হউন—রাজাজ্ঞা মতে আমাকে দুর্গাধিকার ‘ছাড়িয়া দিউন’ কথাটা বলা বাহুল্য, তথাপি আপনি প্রাচীন, আপনি সম্রাট বীর, আপনার মাতৃ রাখা আমার সর্ব্বাংশেই উচিত।”

দণ্ডবরের নিকট দূত গেল, সেই অবসরে দুলীন স্বীয় সৈন্য মধ্যে দৃঢ় আজ্ঞা প্রচার করিলেন, কেহ যেন কদাচ কোন অত্যাচার বা লুণ্ঠনাদি না করে—যে করিবে ভয়ানক দণ্ড পাইবে। সুতরাং শত্রু হস্তে দুর্গ পতিত হইলে যে সমস্ত অত্যাচার সম্ভব, তাহার কিছুই হইল না—কেবল প্রধান প্রধান পুরী, স্থান ও পথ গুলি অধিকার করা এবং দুর্গ হইতে কোন পথে কোন মতে কাহাকেও বাহিরে বাইতে না দেওয়া, দুলীন-সৈন্যের এই পর্য্যন্তই কার্য-সীমা নির্দেশ হইল।

দণ্ডবর সিংহ দুলীন সাহেবের শৌর্য্য ও বুদ্ধিচাতুর্য্য দর্শনে যেমন নিকরংসাহ, তাঁহার সৌজন্য জ্ঞও ততোধিক সন্তুষ্ট হইয়া আপন প্রধান কর্মচারীগণ সমভিব্যাহারে দুলীনের সম্মুখীন হইলেন। দুলীন যথোচিত মাতৃ সহকারে সাদরে আলিঙ্গন পূর্ব্বক তাঁহার সহিত শিষ্টাচার ও নিষ্ঠালাপ করিতেছেন, এমন সময় সংবাদ আইল—একজন অস্বারোহী দূত রাজধানী হইতে রাজ্য-দেশ লইয়া আসিয়াছে। সে ফটকে প্রবেশ করিতে পারিতেছে না বলিয়া মহা অসন্তোষ প্রকাশ করিতেছে।

দুলীন তৎক্ষণাৎ তাহাকে আনাইলেন। তাহার ও তাহার অশ্বের অবস্থা দেখিয়া স্পষ্টই জানা গেল যে, যথার্থই অবিশ্রান্ত ভাবে অতি দ্রুত অশ্ব চালাইয়া সে আসিয়াছে। এত দূরার কারণ শুধু মহারাজ ও ফকিরজীর দৃঢ় আজ্ঞা। ফকিরজী কোন সূত্রে জানিতে পারিয়াছিলেন, দণ্ডবর সহজে কাংরা পরিত্যাগ করিবেন না। তিনি তৎক্ষণাৎ ইঙ্গিতে মহারাজকে তদাভাস জ্ঞাপন করেন। তখন মহারাজার স্মরণ হয় যে, “গোপনীয় সঙ্কেত-বিশেষ না পাইলে কাহাকেও দুর্গাধিকার ছাড়িয়া দিবে না” এই রাজাজ্ঞার ছল ধরিয়া দণ্ডবর সিংহ দুলীন সম্বন্ধীয় পরওরানা অগ্রাহ করিতে পারেন এবং দুলীনকেও যেরূপ ক্ষমতা ও পূর্ণাঙ্গ প্রদত্ত হইয়াছে, তাহাতে তিনিও ছাড়িবার লোক নন। কার্ণেই ঘোর বিগ্রহের সম্ভাবনা। সে বিগ্রহ তাঁহারই নিজের ছই সুযোগ্য উচ্চ কর্ম-

চারী মধ্যে এবং তৎফল নিজ সৈন্তকয় । অতএব ফকিরজীর প্রতি প্রতি-  
বিধানের আদেশ হয় । ফকিরজী বিশ্বাসী দূতদ্বারা দণ্ডবরের নামে এরূপ  
পত্র ও গুপ্ত অভিজ্ঞানাди পাঠাইয়াছেন যে, তাহাতে দণ্ডবর, নিতান্ত বিদ্রোহী  
না হইলে, পূর্ব পরওয়ানা আর অগ্রাহ্য করিতে পারেন না ।

কিন্তু ছুলীনের ভূজবলে পরওয়ানা আসিবার পূর্বেই পরওয়ানা-জারি হইয়া  
গিয়াছে ! দূত ফটকে আসিয়াই তাহা জ্ঞাত হইয়াছে । তথাপি রীতিমত  
অভিবাদনপূর্বক দণ্ডবরের হস্তে পুলিন্দা অর্পণ করিল । দণ্ডবর পাঠ করিয়া  
কহিলেন—

“রাজাজ্ঞা শিরোধার্য্য । যদিও সাহেব ছলে কৌশলে দুর্গাধিকার করিয়া-  
ছেন, কিন্তু শত্রুতার হস্তে শীঘ্র মুক্ত হইতে পারিতেন না—পুনর্বার স্বস্থান  
প্রাপ্তি পক্ষে বিশেষ চেষ্টা না করিয়া আমি কদাচই ক্ষান্ত হইতাম না—অন্ততঃ  
বহু সৈন্ত আনিয়া কিছুকাল অবরোধ ও বহির্ভাগ হইতে অশেষ উৎপাত  
করিতেও ছাড়িতাম না । কিন্তু উপযুক্ত সময়েই মহারাজার গুপ্ত অভিজ্ঞান  
আসিয়া সাহেবকে সে বিপদ হইতে রক্ষা করিল ! এখন আমি স্বদল বল  
লইয়া চলিলাম, সাহেব মনের সুখে রাজত্ব করুন !”

ছুলীন হাসিয়া কহিলেন “আপনি যে কারণে এই অভিজ্ঞানকে আমার  
সৌভাগ্যের হেতু বলিয়া বর্ণনা করিতেছেন, আমি কিন্তু তাহাকেই আমার  
হরিষে বিষাদ-সাধক বলিয়া ভাবিতেছি । কেননা, ইহা না আসিলে আপনার  
শায় প্রবীণ যোদ্ধার বুদ্ধ-প্রণালী ও অবরোধ-প্রণালী দেখিয়া অবশ্যই কিছু  
শিখিতে পারিতাম ! অতঃ আপনার দুর্গরক্ষণ-প্রণালী তো যথেষ্ট দেখি-  
য়াছি, সেইরূপে আবার অবরোধ-নৈপুণ্য যে দেখা হইল না, ইহাতে বড়  
আক্ষেপ রহিল !”

চতুর্দশস্থ উভয় পক্ষীয় কর্মচারিগণ পরস্পর মুখ চাহিয়া মৃদু হাসি  
হাসিল । তাহা দণ্ডবরের অলক্ষিত রহিল না । দণ্ডবর সরল-স্বভাব, সরল  
বোদ্ধা, সরল যোদ্ধা ; তথাপি এই টিটকারী তাঁহার হৃদয় ভেদ করিল—স্বগা,  
লজ্জা ও ক্রোধে তাঁহার কেশ ও গাত্রলোম উচ্চ হইয়া উঠিল—দেহ ও  
অঙ্গরোষ্ঠ কাঁপিতে লাগিল । তাঁহার গুল কেশ দশনে ছুলীনের অমৃতাপ-  
ও আত্মগ্নানি জন্মিল—একে প্রভুর স্বজাতীয়, তায় বৃদ্ধ, তায় বিজীত, তায়  
পুরাতন কর্মচারী, তায় পদচ্যুত, তায় তাঁহারই পদে নিজে নিযুক্ত, এমন

বাক্তি একটু গর্ব প্রকাশ করিয়াছিলেন বলিয়া একরূপ বক্র লাঞ্ছনা দ্বারা তাঁহার ছরনস্থা ও নিজের সৌভাগ্যের কথা স্মরণ করিয়া দেওয়া উচিত কাজ হয় নাই।

এই চৈতন্যোদয় হইবা মাত্র তুলীন তৎক্ষণাৎ বিনীত ভাবে দণ্ডবরের হস্ত ধারণ করিয়া কাতর স্বরে বলিলেন “আমার অপরাধ হইয়াছে, ক্ষমা করুন—আপনি বৃহদশী, জানী; আপনি অবশ্যই জানেন, আমরা কত কাজ আমাদের ইচ্ছার বিরুদ্ধে করিয়া ফেলি—আপনাকে সত্য বলিতেছি, আপনার প্রতি কোন অবস্থায় কোনরূপ অমাণ প্রদর্শন আমার অভি-প্রায়ের সম্পূর্ণ বিপরীত; তথাপি দৈবাকীর্ণ আমার মুখ হইতে এমন অনুচিত বাক্য কেন নির্গত হইল, বলিতে পারি না। যাহারা যুদ্ধ-ব্যবসায়ী, তাহারা প্রতিবন্দীর মুখে বল-দর্পিত উক্তি সহ্য করিতে পারে না, এই জন্তই হউক, অথবা আমার অল্প বয়সের স্বাভাবিক উদ্বৃত্ত্য দোষ জন্তই হউক, যাহা বলিয়া ফেলিয়াছি, তাহার আর উপায় নাই। গুনিয়াছি, আপনি উদারচেতা, অতএব অনুগ্রহ পূর্বক সেই উদার্যোগুণে আমার অনুতাপ গ্রাহ্য করুন—আমাকে মার্জনা করুন—আমার কথাটা ভুলিয়া যাউন।”

এই পশ্চাদ্ধাপমূলক ক্ষমাপ্রার্থনাটা তুলীন একরূপ অকপট ভাব ভঙ্গীতে করিলেন যে, দণ্ডবরের সরল প্রাণ প্রসন্ন না হইয়া থাকিতে পারিল না। তুলীনের পরবর্তী অশ্রুত সৌজন্য ও নম্র ব্যবহারেও মনোমালিন্য সম্পূর্ণ-রূপেই তিরোহিত হইল; এমন কি অল্প ক্ষণেই উভয়ের মধ্যে সখ্য ভাব দেখা দিল।

দণ্ডবর সেই প্রভাতেই ( অনেকক্ষণ প্রভাত হইয়াছিল ) স্বীয় দল বল লইয়া বাইতে উদ্ভূত; কিন্তু তুলীন তাঁহাকে ছাড়িলেন না। স্মরণ্যং তাঁহার অধিকাংশ লোক জন ঢালিয়া গেল, কেবল কতিপয় সহচর মাত্র তাঁহার নম্রভাব্যাহারে রহিল—তাঁহার সমুদয় দ্রব্যাদি তাঁহার ভৃত্যবর্গ পাঠাইতে লাগিল। তিনি সেই দিন সাহেবের নিমন্ত্রিত অতিথি রূপেই কাংরা দুর্গে অবস্থান করিলেন।

সাহেবের অনুতপ্ত ব্যবহারে ও অকৃত্রিম যত্নে ঋজুস্বভাব দণ্ডবর সিংহ পরিভূত হইয়া কাংরা সধক্ষীয় অনেক প্রয়োজনীয় কথা সাহেবকে বলিয়া দিলেন। পরদিন প্রভাতে যাত্রা করিলেন—বারার প্রাক্কালে যাহা কিছু



হইয়াছিল, তাহা পাঠক পরে জানিতে পারিবেন। ছলীন অশ্বপৃষ্ঠে দণ্ডবরের সঙ্গে গিয়া অনেক দূর আগাইয়া দিয়া আসিলেন। বিদায়কালে প্রেমালিঙ্গন প্রভৃতি সন্ধ্যাবহারে কোন পক্ষেই ক্রটি হইল না। পূর্বাদেশমত দণ্ডবরের স্বক্কাবার কয়েক ক্রোশ দূরে ছিল, তিনি তথায় গিয়া মিলিলেন—ছলীন কাংরা দুর্গে আসিয়া শাসন-কর্তৃত্ব-ভার গ্রহণ করিলেন।

### সপ্তম পরিচ্ছেদ ।

চৈতন ও নন্দ সিংহের কার্য।

ক্রিয়া বাড়ীতে কোন বড় লোক আসিলে কৰ্ম্মকর্তা অবধি চাকর লোক জন পর্য্যন্ত সকলেই সেই বড়লোককে লইয়াই মহা ব্যত্ৰিব্যস্ত হইয়া পড়ে; নিমন্ত্রিত সামান্ত কুটুম্বাদি জনগণকে তখন আর আদর অপেক্ষা করিবার বড় একটা সুবিধা হইয়া উঠে না।

আমাদেরও তাহাই হইয়া পড়িয়াছে—যুদ্ধাদি বড় ব্যাপার এবং সেই সব বড় ব্যাপারে লিপ্ত বড় লোকদের লইয়াই এতক্ষণ আমরা বড় ব্যস্ত ছিলাম, গরীব চৈতনের দশা যে কি হইল, তাহার তত্ত্বাবধান লইতে—এ কর দিন তিনি কোথায় কি ভাবে কি করিতেছেন, তাহা দেখিতেও সময় পাই নাই! বড়র সেবা তো এক প্রকার হইয়া গেল, এখন একবার সেই ক্ষুদ্র প্রাণীর তত্ত্বটা লওয়া উচিত।

\* চৈতন অচেতন হওয়ার পর যাহা ঘটয়াছিল, তাহা বলা হইয়াছে। তদন্তে কাংরা আগমন পর্য্যন্ত কয়েক দিনের মধ্যে উল্লেখ-যোগ্য বিশেষ কিছু ঘটে নাই। কাংরা দুর্গের সন্নিহিত হওনাবধি দুর্গাধিকার পর্য্যন্ত চৈতন যে কাজে কাটাইয়াছেন, তাহা বলিতে হইবে—কিন্তু তাহা বলিতে তাঁহার স্বজাতীয় লেখকের পক্ষে বিষম একটা লজ্জা বোধ হইতেছে! কেননা, সাহেবের সমভিব্যাহারে যে জাতীয় যত প্রকারের লোক (ঘোড়ার ঘাসিয়াড় পর্য্যন্ত) গিয়াছে, সকলেরই মুখে ও মনে একরূপ না একরূপ মহোৎসাহের চিহ্ন দেখা যাইত—ভয় কাহাকে বলে, প্রায় কেহই জানে নাই—কেবল আমাদের চৈতন মহাশয়ই সেই বৃদ্ধ রিপূর মান রাখিয়াছিলেন!

তিনি উপত্যকার মধ্যে একটা দিনও যান নাই—কি জানি দুর্গ হইতে দণ্ডবরের সৈন্য হঠাৎ যদি ছুটিয়া আইসে, কি উভয়পক্ষের গুলিটা গোলাটা হঠাৎ আসিয়া গায় লাগে, এই ভরে ! আবার ঐ প্রবল হেতুতেই জয়ন্তীর বাহু যুগলের উপরিভাগের ত্রিসীমা মধ্যেও তিনি পদার্পণ করেন নাই—কোট কাংরা কেমন দুর্গ, তদর্শনে কৌতূহল অন্তঃকরণে প্রবল ছিল, তথাপি ঐ আশঙ্কায় তাহার সাধন পক্ষে অপেক্ষা করিতে বাধ্য হইয়াছিলেন !

কিন্তু অন্তের দ্বারা সেলাম পাঠাইয়া “ম্যাষ্টারকে” সাবধান করিয়া দিতে ভুলিতেন না ! কিসের সতর্কতা ? এই ভাবের যে, “সাহেবকে বলিও, তিনি আমাদের সকলের মাথা, সকলের সহায়, সকলেরই জীবন, সকলেরই মা বাপ ; তিনি কেন অনর্থক অমন সম্মুখ ভাগে ঘুরিয়া ঘুরিয়া এমন অমূল্য জীবনকে বিপদগ্রস্ত করেন ? বলিও, চাণক্য শ্লোকে আছে ‘আত্মানাং সততং রক্ষৎ ।’ তিনি এই জয়ন্তী-মঠের নিকটে ব’সে ছকুম দিতে থাকুন, আমি সে সব লিখে লিখে পাঠাই, কর্মচারীরা তামিল করুক—এত লোক থাক্তে তিনি কেন সা’ম্নে যান ? এত লোক তবে কি জন্তে ? বিশেষ, এতে যে তাঁকে হাল্কা হ’তে হয়, তা ও কি তিনি ভাবেন না ?” ইত্যাদি ।

চৈতন এইরূপ নানা যুক্তিগর্ভ সন্দেহ পাঠাইতেন—এমন কি, সকাতির, সবিনয়, সবোধন প্রার্থনাপত্র পর্য্যন্ত ! ফলতঃ বিবিধ উপায়ে “ম্যাষ্টারকে” পশ্চাতে আনাঠতে বার বার চেষ্টা পাইয়াছিলেন ! তাঁহার এ সংকার্য্যটা আর এই প্রভুভক্তি-গুণটা তাঁহার শক্রর! পর্য্যন্ত (যদি কেউ থাকে) কেহই অস্বীকার করিতে পারিবে না—তিনি নিজেও তাঁহার অবশিষ্ট জীবনের চির-দিনই এই আত্ম-প্রশংসার প্রসঙ্গ লইয়া মহা গৌরব করিতেন ! কিন্তু অসাবধানী রণোন্মত্ত “ম্যাষ্টারের” এক গুঁ’য়েমো বুদ্ধি দোষে সকল চেষ্টাই বিফল হইল—তিনি কিছুতেই ভুলিলেন না ! নিদেন একত্র চৈতনের প্রতি তাঁহার কৃতজ্ঞতা ও ব্যথাভা স্বীকার করিতেও একবার আসা উচিত ছিল, তাহাও করিলেন না ! তাহা দূরে থাকুক, কয় দিনের মধ্যে একবার পশ্চাতে আসিয়া দেখা সাক্ষাৎ পরামর্শ বাদও করিয়া গেলেন না—এ ছুঁখেও চৈতনের কোমল হৃদয়খানি চির-সন্তপ্ত ছিল !

পাঠক জিজ্ঞাসা করিতে পারেন, চৈতন তখন কোথায় ছিলেন ? শুধু ভাবে— চৈতনকে নিরোধ ভাবিবেন না ।

জয়ন্তী দেবীর অধিষ্ঠান স্থানটী জয়ন্তী গিরির শির দেশে—বাহুতেও নয়—  
নিম্নেও নয়—হুর্গের ঠিক সম্মুখে বা অতি নিকটেও নয়—উপত্যকার বিপরীত  
দিকে ; দেবীর স্থান সে বিষয়ে নিরাপদ ! সে স্থান এক মহা তীর্থ, তাহার  
নামও “দেবী-স্থান” । তথায় অনেক সন্ত, মোহান্ত, সন্ন্যাসী, ব্রহ্মচারী প্রভৃতির  
অহোরহ অবস্থান ও গমনাগমন এবং বহু তীর্থ-যাত্রী ও পূজকদিগের সমাগম  
হয় । স্থানটী যেমন নিরাপদ, তরুলতা নদী নির্ঝরিণী প্রভৃতিতে তেমনি  
শোভাকর ও মনোহর । চৈতন এমন মনোরম আপদশূন্য পবিত্র আশ্রম  
পাইয়াও কি অমন বিগ্রহকালে সৈন্ত-শিবিরে আর থাকিতে পারেন ?

চৈতন তত্রত্য প্রধান মোহান্তের চেলা-দলের মধ্যে মিশিয়া পড়িলেন—  
ভক্তিরসে গলিয়া গেলেন—স্তাবকতা, শুক্রাষা এবং ঘন ঘন সাষ্টাঙ্গ প্রণিপাত  
দ্বারা মোহান্ত মহাত্মাকে তাঁহার প্রতি প্রসন্ন ও মেহরসাভিষিক্ত করিয়া  
তুলিলেন ! শুধু মুখের ভক্তি নয়, সাহেবের কল্যাণার্থ যথেষ্ট পূজা ও ভোগ  
দিলেন ; ভবিষ্যতের জন্ত পূজা মানিলেন ; প্রচুর দক্ষিণার আশা দিয়া  
ব্রাহ্মণগণকে স্বস্ত্যয়নে নিযুক্ত করিলেন ; কোন দিন লক্ষ হুর্গা নাম, কোন  
দিন লক্ষ মধুসূদন নাম জপাইতে লাগিলেন ; ব্রাহ্মণ, যতি, ব্রহ্মচারী ও  
অবধূতগণকে ভূরি ভোজন করাইলেন—ভোজন দক্ষিণাও প্রচুর দিলেন !  
সাহেবের খাস দেওয়ান বলিয়া পরিচিত হইয়া সকল দ্রবাই ( দক্ষিণার টাকা  
পর্য্যন্ত ) ধারে পাইলেন । ফলতঃ জপ পূজা ধ্যান স্বস্ত্যয়নাদি সর্ব বিষয়েই  
মহা ধুমধাম বাধাইলেন । ‘দেবীস্থানে বহুকাল এপ্রকার আর হয় নাই,’  
এরূপ একটা রব উঠিল !

দোকানী, পসারী, পাণ্ডা প্রভৃতিকে বুঝাইলেন, এমন ঘোর যুদ্ধের সময়  
শিবিরে—কোষাগারে—তিনি যাইতে পারিতেছেন না ! বিশেষতঃ এখন  
তিনি যে রূপ দৈব কর্মে ব্রতী আছেন, তদ্রূপ হবিষ্যাশী পবিত্র অবস্থায়  
দেবীস্থান ছাড়িয়া যাওয়াও উচিত নয় ; অতএব অর্থ পরে দিবেন । ফলতঃ  
সিপাহিরা তাঁহাকে ভালবাসিত অথবা তাঁহাকে ও তাঁহার আড়ম্বর  
লইয়া কোতুক করিতে ভালবাসিত ! সুতরাং সাবকাশমতে নানা লোক  
তাঁহার নিকট আসিত, সকলেই দেওয়ানজী বলিয়া ডাকিত এবং তিনিও  
স্তাহাদিগকে বিরলে সাহেবের উদ্দেশে নানা কথা বলিয়া পাঠাইতেন—মাঝে  
মাঝে তাড়াতাড়ি ইংরাজীতে পত্র পর্য্যন্ত লিখিয়া দিতেন, ইহাতে দেবীস্থান-

বাসীরা তাহাকে যথার্থই ক্ষমতাশালী দেওয়ানজী ভাববে, বিচিত্র কি ? সিপাহি ও কাম্ভারারা এই ব্যাপার টের পাইয়া আরও উৎসাহ দিতে লাগিল— তাহাতে তাহাদের নূতন একটা আমোদ এবং প্রসাদী ভোজ্য প্রাপ্তির সুগম পথ হইল ! কাজেই দেওয়ানজীর লোক তাঁহার সমস্ত কথাতেই অবিচলিত বিশ্বাস স্থাপনপূর্বক তাহাকে অকাতরে ঋণ-দান এবং যখনই তিনি যে আঞ্জা দিতেন, তদপেও প্রাণপণে তাহা পালন করিতে লাগিল !

পরে তাহাদের প্রাপ্য তাহারা পাইয়াছিল কি না, সেটাও এস্থলে বলিয়া দেওয়া উচিত। দুর্গাধিকারের পর ছলীন যখন সুস্থভাবে রীতিমত শাসন-কর্তা হইলেন, তখন চৈতন-দেওয়ানজী দুর্গমধ্যে গিয়া আবার প্রভুর সহিত মিলিলেন। একদা তিনি ছলীনের সমভিব্যাহারে ভ্রমণে বহির্গত হইয়াছেন, এমন কালে দুই তিন জন ব্যবসায়ী ধরণের লোক আসিয়া অভিবাদন পূর্বক তাঁহার হস্তে দুই তিন খানি ফদ দিল।

চৈতন স্বীয় উষ্ণীয় হইতে চসমা বাহির করিয়া কোঁচার মুড়ার মুছিয়া, ধীরে ধীরে নাকে দিয়া বুক ফুলাইয়া বক্র দৃষ্টিতে ফদগুলির এপৃষ্ঠা ওপৃষ্ঠা দেখেন, আর এক একবার ফদপ্রদাতাদের মুখের দিকে চাহেন ! আহা চিত্রকরের তুলির যোগা কি চমৎকার দৃশ্য !

ছলীন অত্যন্ত বিস্ময়ান্বিত হইলেন—চৈতনের নিকট কি কাজের জন্ত ব্যবসায়ী লোক ফদ আনিয়া উপস্থিত করিল ; এই অভাবনীয় ঘটনাই তাঁহার বিস্ময়ের কারণ ! সুতরাং কতক রঙ্গায়ক কতক প্রকৃতার্থক ভাবে ইংরাজীতে জিজ্ঞাসা করিলেন, “চৈতন ! হোয়াট্‌স্‌ দ্যাট্‌ ?”

চৈতন মহাডম্বরে বাহুর নিয়মদেশ পর্য্যন্ত মহা চিন্তা করিয়া পুনঃ পুনঃ সেলাম করিতে করিতে বিশাল মুখবাদান পূর্বক কাহতে লাগিলেন—

ইট্‌ হ্জ্‌ মাই মেনি নোন মোষ্টো বেষ্টো গুড্‌ ফ্যাচুন্‌ দ্যাট্‌, ম্যাষ্টার ম্যাক্‌ এণ্ড্‌ স্পিক্‌ উইথ্‌ শ্রাভ্যাণ্টো ইংলিস্—ম্যাষ্টার অর্ডারেড্‌ ওয়ান্‌ ডে নট্‌ স্পিক্‌ ইংলিস্—শ্রাভ্যাণ্টো সফারেড্‌ পেইন্‌ ফার দ্যাট্—টুডে ম্যাষ্টার এগেইন্‌ টাক্‌ হংলিস্—টুডে হোয়াট্‌ গুড্‌ ফ্যাচুন্‌ !” ছলীন সহাস্ত বদনে বলিলেন “ওয়েন্‌, হোয়াট্‌ আর দোজ্‌ পেপাস্‌ ইন্‌ ইওর্‌ হ্যাণ্ড্‌ ?”

চৈতন ফদ তিন খণ্ড এক হস্তে উচ্চ করিয়া ধরিয়া অপর হস্তখানি সাহেবের মস্তকের দিকে বাড়াইয়া সগৌরবে বলিলেন—

“ইট্ ইজ্ ফার্ ব্লেসিং অন্ড্ গড্ ঈশ্বর—লড্ ঈশ্বর ! (স্বয়ং বকে হস্ত দান)  
মাই দিস্ ব্রেণ্টো ফিয়ারেড্ ম্যাষ্টাসে। ফাইট্ উইথ্ ফোটে।—আই নট্ শ্লিপ্,  
নট্ ইট্, ওন্লি ইট্ হোলি হবিষ্য—মাই মাইণ্ডো থিঙ্কেড্, হাউ ম্যাষ্টার ক্যান্  
গেট্ ভিষ্টোরি এণ্ডো এণ্টার্ ইণ্টু দিস্ ফিয়ার্ফুলেণ্টো ষ্ট্রংয়েণ্টো ফোটে। ইফ্  
নট্ গেট্ বিফোর্ গেট্ গড্ ঈশ্বরসো ব্লেসিংসো ? ম্যাজ্ দিস্ আইডিয়া কমেড্  
ইণ্টু হেড, ইওর হৃদয় শার্ক্যাণ্টো রনেড্ জয়ন্তী—ক্যাচেড্ ব্রাক্শন-প্রিষ্টোস্  
ফুট্ ; রবেড্ দেয়ার ফুটসো ডেণ্টো অন্ দিস্ হেড্, ফাল্ডোন্ অষ্টাঙ্গে বিফোর  
দি গডেস্—অষ্টাঙ্গে, দ্যাট্ ইজ্ মাই এইট্ বডি টেম্পেলসো ফোরো রোল্,  
রোল্, রোল্ ! আন্ পিপেল্ কাল্ হরিবোল্, হরিবোল্, হরিবোল্ ! দেন্ দিঙ্ক্  
সাপুকিপাসে। গিভেড্ মি অন্ ক্রেডিট্ মেনি মেনি ওয়াসি প্লেসো থিংসো এণ্ডো  
মেনি মেনি ব্রাক্শন-জল্পান্সো থিংসো, নেম্লি (অনুলির পর্কে পর্কে প্রত্যেক  
নামের গণন পূর্কক)—অন্বয়েন্ডো (আতপ) রাইস্ ; ফ্লোরার(কল) ; গনি গনি  
ফ্লোর ( আটা ) ; সুগার ; ক্যারিফায়েড্ বটার ; মিলেড্ পিজ্ : ডালা ডালা  
সুইট্ মিটসো ; হাঁড়ি হাঁড়ি মিক্কো-ক্লে ( দপি ) ; জার জার মিক্কো ;  
এণ্ডো ম্যার্থেন পটসো এচ্ছেটেরা ফার ইটিং অভ ব্রাক্শনসো, প্রিষ্টোস্,  
সেইণ্টোস্ এণ্ডো নাগাস্ । দিস্ ইজ্ ( ফর্দ গুলির উপর, উপরি উপরি  
তিনটি চাপড় মারিয়া ) বিল্সো ফার্ দ্যাট্ !”

পাঠকের পক্ষে পড়িতে যত সময় লাগিতেছে, মনে করিবেন না যে,  
চৈতনের বলিতে তত দীর্ঘ সময় লাগিয়াছিল—চৈতন এত দ্রুত এইরূপ  
ইংরাজী বলিতে পারিতেন যে, ইংরাজীতে অনতিজ্ঞ শ্রোতা মাত্রেই তাঁহাকে  
এক জন সুপক ইংরাজী কহনেওয়াল বানিয়া ভাবিত !

ছলীনের আশ্র আর হাশ্র সম্বরণ করিতে পারে না ! পতিত কুমালখানি  
উঠাইবার ছলে স্বীয় হাশ্রমাখা আশ্র কাহারো দৃষ্ট হইতে দিলেন না !  
বাহাহউক, কথঞ্চিৎ মর্মান্বধারণে সমর্থ হইয়া জিজ্ঞাসা করিলেন “হাউ মচ্ ?  
ওয়ান্ট্ ইজ্ দি টোট্যাল্ ?”

চৈতন কহিলেন “মনি ? লেট্ মাই ওউন্ আইজ্ ফাণ্টো এক্জামিন্ দিঙ্ক্  
বিল্সো—দেন্ আই পাস্, দেন ইউ পাস্, দেন খাজাঞ্জি গিভ্ মনি !”

• ছলীন তাঁহাকে তরুণ করিতে বলিয়া এবং ভত্যোর প্রতি কোষাধাক্কে  
চৈতনের সহিমত যুদ্ধা দিবার কথা বলিতে আদেশ দিয়া স্থানান্তরে চলিয়া

গেলেন । চৈতন ফর্দ পরীক্ষা ও দোকানদারের সহিত বিতণ্ডায় নিযুক্ত  
রহিলেন । বহু তক্রারের পর শেষে একটা স্থির হইয়া তাহার অর্থ পাইল ।  
কিন্তু সময়ান্তরে ছলীন চৈতনকে বলিয়াছিলেন যে, তাঁহাকে না জানাইয়া,  
এরূপ দৈব কি অপদৈব কোন কাজেই আর যেন কদাপি ঋণ করা না হয় ।

দুর্গাবরোধ কালে যেমন সরল চৈতনের স্থিতি গতি ও কার্য্যাকার্য্যের  
কথা বলা হইল, তেমন খল নন্দ সিং তখন কি ব্যবহার করিয়াছিল, তাহাও  
বলা আবশ্যিক । ছলীন কি অভিসন্ধিতে কিরূপ উপায়াদি অবলম্বনে ব্যাপ্ত  
ছিলেন, খলমতি নন্দ তাহা জানিবার জন্ত বিশেষ চেষ্টা পায় । যেহেতু  
গুপ্তচর সহযোগে দণ্ডবরের জনৈক সেনানায়কের সহিত সে এরূপ ধাৰ্য্য করে  
যে, সাহেবের গতি মতি কৌশলের তাবৎ সন্ধান সে তাঁহাকে বলিয়া  
পাঠাইবে । অতিপ্রায় যে, তাহা হইলে দুর্গমধ্যে তৎ প্রতিবিধান হইয়া সাহে-  
বকে বিফল-মনোরথ ও অপদস্থ হইতেই হইবে ।

ছলীনের বিশ্বাসী কর্মচারীরা পূর্ব হইতে নন্দের প্রতি সন্দেহ করিয়া ও  
তাহার দুষ্টাভিসন্ধির আভাস কিছু পাইয়া সাহেবকে ইঙ্গিত দিয়াছিল । ছলীন  
সেই চক্রান্তকে বিফল করণার্থ এরূপ ভাণ করিলেন, যেন ফটকক্রমণই  
প্রকৃত উদ্দেশ্য—যেন সে বিষয়ের পরামর্শটা নন্দের নিকট গোপন করিতেছেন  
—যেন দুর্গের অপর কোন দিক্ দিয়া উত্থান ও আক্রমণ সম্ভব কি না, নন্দের  
সাক্ষাতে তদালোচনায় অনিচ্ছুক হইতেছেন না ।

ইহাতে এই ফল হইল—নন্দ ভাবিল “ পর্ত পার্শ্বের আক্রমণের প্রস্তাবটা  
কেবল কথা মাত্র—সেটা নিতান্তই অসাধ্য, তাহাতে কেবল সৈন্তস্বয় বৈ  
অন্ত লাভ কিছুই নাই, সাহেব কদাচ তাহা করিবেন না ; এই জন্তই ধূর্ত  
সাহেব আমার সাক্ষাতে ফটক সম্বন্ধীয় প্রকৃত মননটা গোপন করিয়া ঐ  
অনর্থ কথাই পুনঃ পুনঃ অনুশীলন করিতেছেন ; আমাকে এমনই বোকা  
পাইয়াছেন, আমি অসম্ভবকে সম্ভব বুঝিয়া ভুলিয়া যাইব এবং দণ্ডবরকে  
ফটক অবহেলন পূর্বক চারি পার্শ্ব বেষী লোক রাখিতে বলিব ! ”

ফলতঃ সাহেব যখনই কর্মচারীদের লইয়া গুপ্ত সভা করিতেন, তখনই সে  
সভা তজ্জ হইয়া তাঁহার তাঁহার শিবির হইতে চলিয়া গেলেই ছলীন স্বীয়  
বিশ্বাসী কর্মকর্তাদের সহিত এমনি ভাবে মিছামিছি পরামর্শ করিতেন, যেন  
ফটকই প্রধান লক্ষ্য ! কেননা, তাঁহার মনে মনে জানিতেন যে, নন্দ সিং বাহির

হইয়াই তাঁহাদের কি কি গোপনীয় কথা হয়, তাহা অবশ্যই যবনিকার অন্তরাল হইতে হয় স্বয়ং শুনিবে, নয় সে কাজে গুপ্তচর নিযুক্ত রাখিবে। অতএব ঐ দ্বিতীয় মন্ত্রণাকালে প্রকৃত মন্ত্রণাকে আবৃত রাখিয়া বা অকর্ম্মণ্য জানাইয়া তোরণাক্রমণের ইতিকর্তব্যতা অবধারণ পূর্বক তাহারই নানা কৌশল—নানা উপায় আলোচনা করিতেন। কিন্তু প্রকৃত লক্ষ্য সম্বন্ধীয় পরামর্শ তখন নয়—গভীর রজনীতে কোন বিশ্বস্ত নিভৃত স্থলেই হইত।

সুতরাং নন্দ নিতান্তই প্রতারিত হইল—নিতান্তই দ্বিগুণিত, ত্রিগুণিত জালের ফাদে পড়িল—অতি বুদ্ধির যে দশা হইয়া থাকে, তাহাই ঘটিল! অতএব ফটকাক্রমণের যে সকল সূচিক্রম ছিল কৌশল ঐরূপ কপট মন্ত্রণায় মিছামিছি ধার্য্য হইত, নন্দ সিং তাহারই সবিস্তার বিবরণ দুর্গমধ্যে পাঠাইয়া মহানন্দে ভাসিত! দণ্ডবর সেই সমস্ত কল্পিত কৌশলের প্রতি-কৌশল বিধানে এত ব্যস্ত হইলেন এবং তদ্বারা শত্রুকে জালবন্ধ রোহিতের ত্রায় করকবলিত করিবার ভাবী প্রত্যাশায় এত হর্ষোন্মত্ত থাকিলেন যে, সাহেবের মনোগত প্রকৃত লক্ষ্যের দিকে লক্ষ্যই রাখিলেন না!

যখন সে আশা কেবল দুরাশার স্বপ্ন হইল—যখন দুর্গস্থ বন-ভূমির দুারোহ পথ দিয়া সাহেব আসিয়া প্রায় বিনা রক্তপাতেই দুর্গাধিকার করিলেন, তখন নন্দের নিরানন্দের সহিত বিশ্বয়, রাগ ও আত্ম-ধিকারের ইয়ত্তা রহিল না! সে মনে মনে দৃঢ় সংকল্প করিল যে, “আচ্ছা, কেমন তুমি ফিরাজী বাচ্ছা, আমি দেখ্‌ব! আমাকে যেমন ঠকালে, তেঁয় ঠকান্ তোমাকে ঠকাতে পারি, তবে আমার নাম নন্দ সিং।”

কিন্তু প্রকাশে দুর্গাধিকার জন্ত রীতিমত জরোৎসবে যোগ দিতে ও হর্ষের নিদশন প্রদর্শনে নন্দের অণুমাত্র ক্রটি হইল না! স্বীয় কর্তব্যানুষ্ঠানেও মহোৎসাহ দেখাইল! কেবল অতিমান-স্বরূপে সাহেবকে ইঙ্গিতে বলা হইল “আমাকে সঙ্গে আনা সাহেবের উচিত ছিল—এমন . গৌরবের কাজে আমাকে বঞ্চিত করাতে আমার বড় দুঃখ হইয়াছে।”

ছলীন সহাস্ত্রে উত্তর দিলেন “পর্বত-পার্শ্বের প্রস্তাবে তোমাকে তৎপর দেখি নাই—তাহা অসাধ্য বলিয়াই তুমি ধার্য্য করিয়াছিলে। সুতরাং সেহটী অসাধ্য কি, সুসাধ্য, তাহা দেখাইবার জন্তই সে ভার আপন স্বক্কেই লইয়াছিলাম; তোমা-দের মতে যাহা সুসাধ্যবোধ হইয়াছিল, তোমাদিগকে সেইদিকেই রাখিয়াছিলাম!”

## অষ্টম পরিচ্ছেদ ।

উকীলের পত্র ।

যে প্রাতে গুপ্ত অভিজ্ঞান ও দণ্ডবরের নামে বিশেষ পরওয়ানা লইয়া রাজদূত আইসে, সেই দিনেরই অপরাহ্নে অপর এক অশ্বারোহী ছলীন ও দণ্ডবরের নামে রাজা ধ্যান সিংহের ছই পৃথক পত্র লইয়া দুর্গমধ্যে উপস্থিত হয়। আবার, তাহারই প্রহরেক পরে চাঁদ খাঁর প্রেরিত অন্য এক দূত আসিয়া সাহেবকে চাঁদ খাঁর এক দীর্ঘ লিপি অর্পণ করে। অতএব যে রজনীতে দুর্গাধিকার ব্যাপার ঘটে, তৎপর দিন পূর্বাহ্নে, পরাহ্নে ও রাত্রে উপন্যূপরি তিনজন অশ্বারোহী-দূত রাজধানী হইতে তিন প্রকার স্বতন্ত্র ব্যক্তির লিপ্যাদিবাহকরূপে আগত ! তখনও দণ্ডবর সিংহ দুর্গমধ্যে আছেন।

চাঁদ খাঁর পত্র খানি গোপনীয় বিজ্ঞাপন—তৎপাঠেই কর্ণেল সাহেব রাজা ধ্যান সিংহের দূত প্রেরণের তাৎপর্য্য এবং রাজসভার অবস্থাদি পরিজ্ঞাত হইলেন। পাঠকগণও সেখানি পাঠ করিলে সমস্তই জানিতে পারিবেন। এইজন্তই তন্মর্মানুবাদ নিম্নে প্রকাশ করিতেছি। কিন্তু তন্মধ্যে স্তাবকতা, তোষামোদ ও গৌরবান্বক রূপকালঙ্কারের যে সব ঘোর ঘটা আছে, সে সকলের অধিকাংশই পরিত্যক্ত হইল, কেবল নমুনা স্বরূপ প্রথম স্তবকটির পাঠ কিঞ্চিৎ দিলাম।

## [ চাঁদ খাঁর পত্রের চুম্বক ]

“বান্দানেয়াজ ! গরিব পরওয়ার ! খোদাবন্দ !” ( ইত্যাদি বহু )

“প্রচণ্ড মার্ত্তণ্ডের ঞায় ছড়ুরের দীপ্তিশালী শ্রীঅঙ্গ অন্তর্হিত হইবা মাত্র রাজসভা ও লাহোর নগর এককালে আঁধার হইয়া উঠিল ! কিয়ৎ কালের নিমিত্ত সজ্জন সভাসদু মাঝেই বিষন্ন ; মহারাজ নীরব, সুতরাং রাজসভা নিস্তন্ধ ছিল ! ( রাজসভার এ অবস্থা, বোধ হয়, চাঁদের নিজ কল্পনা-দৃষ্টিতেই অধিক দেখা হইয়া থাকিবে ! কিন্তু পরবর্তী বর্ণনা সেরূপ নহে—তাহাতে চাঁদ খাঁর স্বীয় স্বভাবানুসারে অকপট সরল সত্য বিবৃত—পূর্বের চিত্র, বোধ হয়, দেশাচারের অনুরোধে বা যে মুন্সি দ্বারা পত্র লেখা, তাহারই মুন্সিগিরি হইবে ! )



“সে যাহাহউক, হুজুরের বিপক্ষ পক্ষ হুজুরের অনবস্থিতির সুযোগ পাইয়া রাজ-কর্ণ অধিকারের বিবিধ চেষ্টা পাইল। কিন্তু মহারাজ প্রকৃত গুণবোদ্ধা, তিনি মানুষ চিনেন, হুজুরকে ভালরূপেই চিনিয়াছেন ; সুতরাং ঐ সব ঈর্ষাপরায়ণ সভাসদগণের কথা কর্ণে লইলেন না—এমন কি, কাহাকে চূপ করিতে, কাহাকে বা সাবধানে কথা বার্তা কহিতে বলিলেন।

“কয়েক দিনের মধ্যেই সংবাদ আইল—এবং এ অধীনসে সমাচার রাজ-কর্ণে তুলিয়া দিবার প্রয়াসে সম্পূর্ণ সফলও হইল—যে, সাহেবের বাহিনী চমৎকার নিয়মবশত ও শাসন-তন্ত্রানুসারে সুনিয়মে কুচ করিতেছে; সৈনিকগণ অশ্রুতপূর্ক আশ্চর্য্য ধীরতা ও স্থিরতার সহিত চালিত হইতেছে; গ্রাম, নগর, ক্ষেত্র, উদ্যান, যেখান দিয়াই তাহারা বাইতেছে, তাহার কোন স্থলেই কোনরূপ অত্যাচার, উপদ্রব কি বলপ্রকাশ ঘটিতেছে না; কাহারো কোনরূপ অনিষ্ট বা অপচয় দেখা যাইতেছে না, যে সব শস্ত্র ক্ষেত্রাদির অল্প অপচয় নিতান্তই অপরিহার্য্য, তাহাও এত অল্প যে, এদেশে এরূপ কুচের সময় এত সামান্য ক্ষতি আর কখনই ঘটে নাই; আবার ইহাও রাষ্ট্র যে, সেই সামান্য অপচয়ের সম্পূর্ণ ক্ষতিপূরণ স্বরূপ প্রজারা উচিত মূল্যও ধরিয়া পাইতেছে; যদি কুত্রাপি কোন হুচরিত্র সৈনিক কর্তৃক অত্যাচার হওয়া প্রকাশ পায়, সাহেব বাহাদুর তৎক্ষণাতঃ তাহার সমুচিত শাসন ও দণ্ড করিতেছেন।

“এই সংবাদে মহারাজা মহা সন্তুষ্ট হইয়া রাজা ধ্যান সিংহের মুখপানে চাহিয়া বলিলেন ‘কেমন রাজাজি, এমন সুধারা আমার নিজের কুচেও তো হয় না! দুলীনের বিস্তর গুণ, আমি ইচ্ছা করি, আমার সব কর্মচারী এমন সাহসী ও সন্ধিবেচক হয়!’ এই কথায় অনেকের মুখ চূণ, কিন্তু হুজুরের বন্ধু পক্ষ যে কত সুখী হইলেন, তাহা কি বলিব!

“কয়েক দিন পরেই হুজুরের প্রতি হুর্ভু হুঁরায়াগণের আক্রমণের কুসংবাদ আইল।” হুজুরের নিজের প্রেরিত এতলা আসিয়াও পৌঁছিল। মহারাজ অত্যন্ত কুপিত হইলেন। কিন্তু হুজুরের বৈরিপক্ষ বুঝাইতে চেষ্টা পাইল যে, এ কেবল সাহেবের একটা ছল মাত্র—বাস্তবিক উহা সত্য হইতে পারে না! মহারাজার মুখ যেন আরো অধীর হইয়া উঠিল! কিন্তু তিনি তত্বরে কোন অভিপ্রায় ব্যক্ত করিলেন না। যদি এ অধীনের বিচার-শক্তির প্রতি

ছজুরের বিশ্বাস থাকে, তবে নিশ্চিত জানিবেন, জুর কপটীদের ঐ কথায় তাদের নিজের অনিষ্টে বৈ অতীষ্ট সিদ্ধি ঘটে নাই !

“ধর্মাবতার যখন কোট কাংরার সমীপবর্তী হন, এখানে জনরব উঠিল, সাহেব দুর্গ-দ্বার মুক্ত পাইবেন না—সহস্র চেষ্টা ও প্রাণপণে সাহস বীরত্ব দেখাইলেও সে ফটক খোলাইতে কি নড়াইতে পারিবেন না—যে রূপ প্রফুল্ল বদনে গিয়াছেন, তদ্বিপরীতে রোদন-নয়নে ফিরিতে হইবে—কেবল গতাগতি আর মাতামাতিই সার হইবে ! লোকে কোন একজন বড় লোকের (ছজুর বসুর্সাই ফুল তো জানেন ? সেই) নাম করিয়াও বলিতে লাগিল যে, তিনি যখন দণ্ডবর সিংহের সহায়, তখন সাহেবের সাধ্য কি সফল হন ?

“ক্রমে এই জনরবের সর্বাঙ্গীণ তথ্য রাজগোচর হইল। (গোলামও সে পক্ষে প্রধান যন্ত্রী ! ) মহারাজ শুনিয়া ফকিরজীর প্রতি নিভূতে যে আদেশ করিয়াছেন, বোধ করি, তাহা এই বাহকের পূর্বে যে রাজদূত গিয়াছে, তাহার গমন প্রয়োজনেই সুবিদিত হইয়াছে। কিন্তু সেই দূত প্রেরণের অভিপ্রায়টী মহারাজ প্রকাশ্য দরবারে প্রকাশ করেন নাই। তৎপরিবর্তে তৎপর দিবসীয় সভায় রাজাজীর প্রতি যে হাব ভাব প্রকাশ করেন, তাহা আশাতিরিক্ত—তাহাতে সভাসুদ্ধ চমকিয়া উঠিয়াছে—তাহার প্রত্যেক বর্ণ ছজুরের জ্ঞাতসার হওয়া নিতান্ত আবশ্যিক, এজন্য অধীন তাহার আদ্যাপাস্ত স্বরণে গাঁথিয়া রাখিয়া এক্ষণে নিবেদন করিতেছে, শ্রবণাচ্ছা হউক ;—

“রাজসিংহ স্যায় প্রধান মন্ত্রীর সহিত সচরাচর যে ভাবে কথোপকথন করিয়া থাকেন, অদ্য প্রাতে তদপেক্ষা অধিকতর গম্ভীর স্বরে কাহিলেন, ‘রাজাজি ! অনেক দিন হইল, তোমার জায়গিরগুলি দেখি নাই—তোমার আতিথ্য গ্রহণও হেঁচকাল হয় নাই ; আমার বাসনা, কল্যাই যাত্রা করিব—প্রস্তুত হও, সকলকে প্রস্তুত হইতে আদেশ কর।’

“এই আদেশে রাজা ধান সিংহকে কিঞ্চিৎ চিন্তাকুল জ্ঞান হইল। কিন্তু যাহারা তাঁহাকে বিশেষ জানে, তাহারা ভিন্ন অন্য কেহ সে চিন্তাকুলতা বক্ষ্য করিতে পারে নাই—তাহারাও আবার অতি অভিনিবেশময় তীক্ষ্ণ দৃষ্টি ব্যতীত ধরিতে পারে নাই—গোলামের নাকি তেমন সূক্ষ্ম দৃষ্টিতে দেখা টেখা অভ্যাস আছে, এই জন্ত নিঃসন্দিক্তরূপেই জানাইতেছি যে, ঐরূপ

গুপ্ত চাকল্যের সহিত রাজাজী সবিনয় মৃদু মধুর স্বরে নিবেদন করিলেন 'রাজাজ্ঞা শিরোধার্য্য, কিন্তু—বড়—উত্তাপ—'

"এই কিস্তির আরম্ভ হইতে না হইতেই রণজিৎ ব্যস্ত হইয়া দৃঢ় ভাবে বলিলেন 'না, রাজাজি, কোন আপত্তি তুলিও না—অদ্য তাহা গুনিব না ! আমি জানি, এখন বড় রৌদ্র—আমি জানি, গম্য স্থানও বহুদূরে—কিন্তু তোমার স্থানগুলি তো শীতল; গুরুজীর প্রসাদে একবার গিয়া উপস্থিত হইতে পারিলেই পথকষ্টের প্রচুর পরিশোধ পাওয়া যাইবে ! সেনাপতি কোর্টনী সাহেবকে বলিয়া পাঠাও, তাঁহার নিজের আর খোসালের চতুরঙ্গিণী যেন অদ্যই প্রস্তুত হইয়া বাহির হয় এবং এমন ব্যবস্থা কর, যেন অদ্য রাত্রে তৃতীয় পাহারার সময় যাত্রা করিতে পারি। পেন্থানাও অদ্যই চালান দেও।'

"যে আজ্ঞা, বলিয়া রাজাজী উঠিয়া গেলেন। তৎকালে মহারাজের ওষ্ঠাধরের কোণ যেন ঈষৎ বক্র—যেন একটু কম্পনশীলও দেখা গেল। কিন্তু তদ্বিন্ন অন্য বাহু দৃশ্যে কে বলিতে পারিবে যে, তাঁহার অন্তঃকরণ কিঞ্চিৎ মাত্রও বিচলিত হইয়াছিল ! তৎক্ষণাৎ স্বাভাবিক স্ফূর্ত্য গাভার্য্য সহকারে অন্যান্য বিষয় ব্যাপারে লিপ্ত হইতে কিছু মাত্র ক্রটি হইল না !

"ধর্ম্মাবতার ! আমি অবহিত চিত্তে নিজ স্থানেই ছিলাম—শীকারাথেষী বাজপক্ষীর স্তার স্মৃতীক্ল দৃষ্টিতে এবং সন্মুখস্থ শ্রুতি-সাহায্যে সকলই তন্ন তন্ন দেখিতে গুনিতে লাগিলাম। কিন্তু আমার প্রাত্যহিক রীত্যনুসারে নীরব ছিলাম, একটীও বাঙনিম্পত্তি করি নাই।

"রাজাজীর সঙ্গে আরো তিন চারিজন প্রধান সহকারী উঠিয়া গেলেন। কিয়ৎক্ষণ পরেই ধ্যান সিংহ ফিরিয়া আসিলেন। ঐ সহকারিগণ আরো বিলম্বে প্রত্যাবৃত্ত হইয়া রাজাজীকে জানাইল 'সকলই প্রস্তুত করিবার আদেশ দেওয়া হইয়াছে।'

"তখন ধ্যান সিংহ গাত্রোথান পূর্বক করযোড়ে ( সূচরাচর তিনি এরূপ যোড়করে কথা কহেন না ) রাজসমক্ষে নিবেদন করিলেন 'এ দাস সরকারের কেনা গোলাম ; এ দাসের 'আমার' বলিতে যাহা কিছু আছে, সমস্তই মহারাজের ; মহারাজই নিজ দয়া গুণে এ দাসকে ধূলি হইতে পর্বতে তুলিয়াছেন ; এ দাসের কিম্বা দাস-ভ্রাতাগণের জায়গির বলিয়া মহারাজ যে সমস্ত প্রদেশ চিহ্নিত করিয়া দিয়াছেন, তাহাতে মহারাজার যে পদার্পণ হইবে, তদেপক্ষা

সৌভাগ্য কি ? কিন্তু অধীনকে চরিতার্থ করিতে গিয়া সরকারের যে প্রচুর ভ্রমণ-ব্যয় হইয়া যাইবে, এ দাস তাহা কখনই সহ্য করিতে পারিবে না । ভাগ্যবলে আমাদের তিন ভ্রাতার জায়গিরেই এবৎসর আশাতিরিক্ত উৎপন্ন হইয়াছে । অতএব মহারাজের ভ্রমণ-ব্যয় সাহায্যার্থ এ দাসেরা নয় লক্ষ মুদ্রা পেম্‌কস্ স্বরূপ প্রদানের ইচ্ছা করিতেছে ; সদয় চিন্তে গ্রহণাজ্ঞা হয় !’

“তাঁহার বাক্য সমাপ্ত হইতে না হইতেই বাহক-শ্রেণী ভারে ভারে অথ আনিয়া রাজসভায় উপস্থিত করিল । মহারাজা মুদ্রার চাক্‌চিক্যময় মূর্তি দেখিতে কেমন ভালবাসেন, বোধ হয়, এ অধীন ছজুরের সমক্ষে পূর্বে তাহা নিবেদন করিয়াছে ! ভারের উপর ভার দেখিয়া মহারাজার একাঙ্গি ঘেন জ্বলিতে লাগিল ! তিনি সহর্ষে প্রধান কোষাধ্যক্ষ বেণীরামকে ইঙ্গিত পূর্বক কহিলেন ‘বেণী মিশ্র ! যাও গণিয়া লও গে !’

“বেণী ও ভারশ্রেণী চলিয়া গেলেই রাজা ধান সিংহ কহিলেন, ‘সরকারের বিশ্বাসী সুযোগ্য ভৃত্য কর্ণেল তুলীনের প্রতি কি মহারাজার কোন বিশেষ আদেশ আছে ? আমি তাঁহার নিকট এই মর্ম্মের লিপি সহিত দ্রুতগামী দূত পাঠাইতেছি যে, তিনি ঘেন কোট কাংরা নির্কিঁবাদে অধিকার পাইয়া শাসনভার গ্রহণ করিবা মাত্র সে সংবাদটী রাজগোচর করেন—’

“মহারাজ প্রসন্ন বদনে কহিলেন, ‘হাঁ, তুলীনকে লিখিয়া পাঠাও, আমাদের ছাউনির নিমিত্ত একটী মনোরম সুশীতল স্থান মনোনীত করিয়া রাখো । যদিও এখন বৃষ্টিতেছি, এত প্রথর রৌদ্র ও এত অসহ গ্রীষ্ম থাকিতে আমার পর্যটন ও সাম্রাজ্য পরিদর্শন না ঘটিতে পারে, তথাপি কোন্ দিনে পূর্নাক্ষর গমনের প্রয়োজন উপস্থিত হয়, তাহার ঠিক কি ?’

“রাজাজী সভামণ্ডপ হইতে উঠিয়া গিয়া অদূরে দাড়াইয়াই উপদেশ দিয়া আসিয়া পুনর্বার স্বস্থানে উপবিষ্ট হইলেন । অবিলম্বেই দপ্তরখানা হইতে একজন দূত সজ্জিত হইয়া আনিয়া রাজসমক্ষে অভিবাদন করিয়া একটা তেজস্বী অখারোহণ পূর্বক চলিয়া গেল । সকলেই স্পষ্ট বুঝিল, প্রধান মন্ত্রীর দূত কোট কাংরায় গমন করিল ।

“অদ্যকার রাজসভায় মহারাজা ও রাজাজীতে ঐ যে সব ব্যাপার ঘটিয়াছে, তাহার তাৎপর্য্য ছজুরকে খুলিয়া বলা বাহুল্য ; তথাপি মনের চাকল্য বশতঃ কিঞ্চিৎ আভাস না দিয়া থাকিতে পারিতেছি না ।

“কেনই বা মহারাজ প্রথমে রাগত ও পরিভ্রমণে দৃঢ়-প্রতিজ্ঞ হইলেন ? কেনই বা রাজাজী নব লক্ষ মুদ্রা মুহূর্ত্ত মধ্যে প্রদান করিলেন ? কেনই বা তিনি সাহেবের প্রতি মহারাজার কোন আদেশ আছে কি না, জিজ্ঞাসা করিলেন ? কেনই বা মহারাজা পর্যটন-সংকল্প স্থগিত রাখিলেন ? ইত্যাদি ব্যাপারসমূহের কারণ আর কিছুই না—হুজুরকে কাংরা দুর্গাধিকার না দেওয়াতে রাজ-প্রেরিত প্রিয় কর্মচারীকে অবহেলন, স্মতরাং রাজাজার বিরোধী হওয়া বৈ আর কি বুঝায় ? ইহা সামান্য বৃকের পাটা নয় ! এই জগুই মহারাজা মনে মনে বিচলিত ও কুপিত হইয়া প্রতিজ্ঞা করেন, স্বয়ং গিয়া সমুচিত শাস্তি দিয়া আসিবেন । ধ্যান সিংহ তাহা সম্পূর্ণরূপেই বুঝিতে পারিয়া তন্নিবারণ ও নিতান্ত বশুতা জ্ঞাপন উদ্দেশে ভ্রমণ-ব্যয়চ্ছলে নয় লক্ষ মুদ্রার উপহার দিয়া প্রভুর ক্রোধ শাস্তি করিলেন ! হয় তো কাংরায় রাজা গোলাপ সিংহ যাহা করিতেছেন, ধ্যান সিংহ তাহা মূলেই জানিতেন না ; কি হয় তো সেরূপ কাজ তাঁহার অনুমোদিত নয় ; কি হয় তো জানিতে পারিলে পূর্বাঙ্কেই তাহা নিবারণ করিতেন ; স্মতরাং সেই কাজে মহারাজার সন্দেহ ও ক্রোধভাজন হওয়া এবং ( অল্প নয় ) নয় লক্ষ মুদ্রা দণ্ড দেওয়ার দায়ে বাঁচিয়া যাইতেন ! মহারাজাও স্পষ্টে বুঝিলেন, ধ্যান নিজে দোষী নন, স্মতরাং নয় লক্ষ তঙ্কা জরিমানা করিয়াই ক্ষান্ত ও সন্তুষ্ট হইলেন—অধিক দণ্ড আর দিলেন না !

“ধ্যান সিংহ দেখিলেন, জরিমানা গৃহীত হইল, মহারাজার মনও সুস্থপ্রায় হইয়া উঠিল ; অমনি বিরাগ-বহুিকে নিঃশেষে নিষ্কাশিত করণার্থ ‘কাংরায় সাহেবের প্রতি কোন আদেশ আছে কি না ?’ ইত্যাদি প্রশ্নরূপ শীতল জল শেতকালে ঢালিয়া দিলেন ! প্রকারান্তরে এই জানানো হইল যে, সাহেবকে আর আমার ভ্রাতা বাধা দিবেন না—সাহেব নিষ্কিবাদে, নিষ্কিব্ধে কাংরার প্রভু হইবেন—তাঁহার স্বহস্তের লিপি আনাইয়াই তাহা সপ্রমাণ করিয়া দিব !

“মহারাজ তাহা সর্বতোভাবে বুঝিতে পারিয়া ‘হাঁ শীতল স্থান ঠিক করিয়া রাগিতে লিখ’ ইতিভাবের যে উত্তর দিলেন, সেটি আর কিছুই না, প্রকারান্তরে এই জানানো হইল যে, ‘সাবধান ! পূর্বাঙ্কে জায়গির দিয়া তোমাদিগকে প্রতাপাঘিত করিয়া দিয়াছি বটে, কিন্তু দেখিও যেন একরূপে আর মদ-পঙ্কিত হইয়া উঠিও না ; তাহা হইলে তৎক্ষণাৎ স্বয়ং গিয়া সর্বনাশ-রূপ দণ্ড দিয়া আসিব—এবার মার্জনা করিলাম—এ যাত্রা আর গেলাম

না—এ যাত্রা রক্ষা পাইলে !’ ইহাই যে তাঁহার মনোগত ভাব, তাহা স্পষ্টই বুঝা গেল ।

“বান্দানমাজ ! এইরূপে অদ্যকার ভয়ানক অগ্নি নিবিয়া গিয়াছে । কিন্তু মনে ঠিক জানিবেন, রাজাজীর ঐ যে নয় লক্ষ তকা গিয়াছে, উটী আপনার নামেই ধরচ লেখা থাকিল ! হজুর যদি চতুর হন, তবে কোন কৌশলে গোপনে ঐ নয় লক্ষ পরিশোধের ইচ্ছা জানাইয়া কার্যতঃ ক্রমে ক্রমে তাহা শোধ দিতে থাকিবেন ! নতুবা পঞ্জাবের সর্ব প্রধান ও সর্বাপেক্ষা ক্ষমতাবান পুরুষ কয়জনকে ঘোর বৈরী যে করা হইল, ইহা এক প্রকার স্থির-সিদ্ধান্ত ! যত দিন তাহা না পারিবেন, তত দিন অধীনের মিনতি এই যে, হজুর যেন সর্বদাই বিশেষ সাবধানে কালযাপন করেন—সর্বদাই সশস্ত্র ও সুসজ্জিত থাকেন—সর্বদাই বিশ্বাসী শস্ত্রপাণি লোক নিকটে রাখেন—সর্বদাই একরূপ স্থির নিয়মে চলেন যে, অপরিচিত আগন্তুক মাত্রেই শরীর ও বস্ত্রভ্যন্তর পরীক্ষা না করিয়া সমীপবর্তী হইতে না দেন !\*

“এ অধীন এ দিক্ দেখিতে নিযুক্ত রহিল, হজুর ওদিক্ দেখিবেন—প্রিয় ভ্রাতা আলিবর্দিকেও দেখিতে অনুমতি করিবেন ! আপাততঃ আর অধিক বলিবার সময় নাই ; কেননা রাজাজীর দূত পৌছিয়াছে আমায় এই পত্র হজুরের হস্তগত হওয়া উচিত ! হজুরের বিশেষ আদেশ ছিল যে, কোন বিশেষ ঘটনার উপস্থিতি মাত্র ডাক-সওয়ারি পাঠানো হয়, তদনুসারেই কার্য করিলাম।” ইত্যাদি ।

### নবম পরিচ্ছেদ ।

বিদায় গ্রহণ ।

ছলীন, চাঁদ খাঁর পত্র পাঠ সমাপ্ত করিয়া কিয়ৎকণ গম্ভীর চিন্তায় মগ্ন রহিলেন । চাঁদ খাঁর বহুভাষিতায় বিরক্ত না হইয়া বরং সন্তুষ্টই হইলেন ।

\* পাঠক অরণে রাখিবেন, কে এই পত্র লিখিতোছে ! রাজা খান কি তাঁহার ভ্রাতারা ছলীনকে ঘৃণা করিতে অপব্যক্তি রাগত হইতে পারেন, কিন্তু তাহা বলিয়া নীচাশয় নন্দ সিংহের স্তায় ছলীনের বধ-চেষ্টা করিবেন, ইহা কদাচই সম্ভবপর নয় । এ কেবল চাঁদ খাঁর নিজের দূষিত করুণা-জনিত আশঙ্কা বলিয়াই অনুমিত হওয়া উচিত ।

এত বহুভাষিতা ব্যতীত অত প্রয়োজনীয় সমাচার তত পুঙ্খানুপুঙ্খরূপে কি জানিতে পারিতেন ? এই বহুভাষিতার গুণেই যেন স্বয়ং রাজসভায় বসিয়া সে সমস্ত দেখিতে শুনিতে পাইতেছেন, এমনি বোধ হইল ! চাঁদ খাঁ নিজের ভাষা পড়িতে জানিলে পাঠক মহাশয়ও সে সব হয় তো তেমনি প্রত্যক্ষবৎ ইন্দ্রিয়গোচর করিতে পারিতেন—আমাদের অপূর্ণ অনুবাদে তত কি সম্ভব হয় ? ফলতঃ চাঁদ খাঁ সুশিক্ষিত না হইলেও তাহার স্বাভাবিক বর্ণনা-শক্তি বিলক্ষণ উজ্জ্বল ! ভাগ্যে আমাদের প্রিয় বন্ধু পূর্বেই পারসিক ভাষা শিখিয়াছিলেন, এবং পঞ্জাবে আসিয়া অত্যন্ত মনঃসংযোগে তাহার বিশেষ উন্নতি সাধন করিতেছিলেন, নচেৎ তাঁহাকে চাঁদ খাঁর অমন বর্ণনা ভাষান্তরের অপরিহার্য্য দোষে কদর্য্যরূপেই শুনিতে হইত এবং গোপনীয় বিষয় অপরকে পড়িতে না দিলে চলিত না । যে রাজ্যে যিনি শাসক, তদ্রাজ্যের ভাষাজ্ঞান তাঁহার পক্ষে এতই অসীম উপকারক ! দুঃখের বিষয়, আমাদের ইংরাজ শাসকেরা তাহা জানিয়াও কার্য্যতঃ তৎপ্রতি সম্পূর্ণরূপে তাচ্ছিল্য করিয়া থাকেন ।

সে যাহা হউক, চাঁদ খাঁর পত্র পড়িয়া দুলীন বহুক্ষণ চিন্তামগ্ন রহিলেন । বুঝিলেন, প্রবল ঝঙ্কাময় বাত্যান্দোলিত সাগরেই জীবন-পোতকে ভাসাইয়াছেন ! কিন্তু তিনি অদূরদর্শী অনিপুণ কর্ণধার নহেন—এ সকল বিপদ-বাত্যা তাঁহার আশাতীত ঘটনাও নহে—যে কেহ যে সমাজে রাজ-প্রসাদ-ভাজন হইতে যত্ন করে, রাজসভার চক্রান্ত ও ঈর্ষাদির জন্ত তাহার প্রস্তুত থাকা উচিত । দুলীন তাহা জানিতেন, সুতরাং এ সংবাদে মনে মনে কিঞ্চিৎ চিন্তা ও কিংকর্তব্য, এ বিচার উপস্থিত হইল বটে, কিন্তু বিষয় ও নৈরাশ্র জন্মে নাই ! জন্মিবেই বা কেন ? কোন আশাতীত আকস্মিক ঘটনা তো ঘটে নাই ; যাহা ঘটিয়াছে, সেরূপ কিছুই যে ঘটিবে, তাহা এক প্রকার সিদ্ধান্তই ছিল !

“কিং কর্তব্য ?” প্রশ্নের উত্তরে, পূর্বে এবিধ সন্দেহের সঙ্কট অবস্থায় প্রশ্নের যেরূপ মীমাংসা করা তাঁহার অভ্যাসের তলে পড়িয়াছে, অদ্যও তাহাই স্থির হইল—“এ মহাসাগরে যত কেন প্রতিকূল বাত্যা প্রবাহিত হউক না, আমি ধর্ম্মরূপ হাল্কে শক্ত করিয়া ধরিব—কিছুতেই ছাড়িব না এবং কর্তব্যরূপ পালকে সত্য ও গ্ভায়রূপ গুণবৃক্ষে যথা বুদ্ধি, যথা জ্ঞান, যথা যোগ্যতা, নানা কোণে নানাদিকে ফিরাইয়া ঘুরাইয়া দিব—কিছুতেই শিথিল-হস্ত হইব না ! সর্ব্বপাতা পিতার রূপায় তাহাতে অবশ্রুই বিপদের উন্মি হইতে জ্ঞান

পাইব, কিম্বা তাঁহার ইচ্ছা হয়, অবশ্যই মগ্ন হইব, কিন্তু তথাপি নিষ্কলঙ্ক ও নিম্পাপহৃদয়ে মনুষ্যের যথা-কর্তব্য করিয়াছি বলিয়া তো আশ্ব-প্রসাদ সহিত সগৌরবে ডুবিত্তে পারিব !

“তবে মনে তো লাগিতেছে, ডুবিব না—কর্তব্যে অবিচলিত থাকিলে কেহই তো ডুবে না—সুতরাং আমিও ডুবিব না ! আমি স্বেচ্ছায় যাহাকে প্রভু বলিয়াছি, সেই মহারাজার এবং তিনি কৃপাপূর্বক যে লক্ষ লক্ষ প্রজার ধন, মান, প্রাণ, স্বাধীনতা, সুখ প্রভৃতি আমার হস্তে গুপ্ত করিয়াছেন—বিদেশী, অপরিচিত, অজ্ঞাত-কুলশীল হইলেও অত্যন্ত আলাপেই এবং স্বীয় অন্তরঙ্গ-বর্গের অনিচ্ছাতেও গুপ্ত করিয়াছেন—সেই ডুই পক্ষের মঙ্গল যাহাতে হয়, প্রার্থনায় তৎসাধনই আমার একমাত্র কর্তব্য ; আমি তাহাই করিব—আমার অন্তরিকে যাইবার কি দেখিবার প্রয়োজন নাই—সভাসদেরা যেমন দলে দলে বিভক্ত হইয়া পরস্পরে ঘোর বৈরান্যাতনে, কেবলই স্বপক্ষ সমর্থনে ও নিয়ত স্বার্থসাধনে নিযুক্ত থাকে—এক পক্ষ একরূপ মদ্যনা ও চক্রান্ত করে, অপর পক্ষ তাহার গুপ্ত সন্ধান লইয়া প্রতিচক্রান্ত করিতে ব্যস্ত থাকে—আমি সে সব কিছুই করিব না—আমি এ দল, ও দল, কোন দলেই মিশিব না—আমি কেবল শ্রম, দয়া, সারল্য ও কৃতজ্ঞতার দলেই রহিব। আমার এক মাত্র অবলম্বন প্রভুভক্তি ও প্রজাবাৎসল্য—আমার লক্ষ্য ধর্মের পর কেবল প্রভু ও প্রজারঞ্জন—ইহাদের কাছে কোন চক্রান্ত, কোন শত্রুতা স্থান পাইবে না ! আমি উৎকোচ দিয়া পদ-রক্ষা চাহি না ! উৎকোচ দিলেই উৎকোচ লইতে হইবে, নতুবা ঘোর প্রজাপীড়ন আবশ্যক হইবে, তন্নিম্ন এত টাকা কোথা হইতে আসবে ! ধিক্ ধিক্ ! দয়াকে, ধর্মকে ছাড়িয়া একান্তই নির্দয় নির্মম হইয়া রাজত্ব করা ! এমন শাসন-কর্তৃত্ব চাই না—ভাগ্যে যাই থাকুক ! কিন্তু কে যেন জনস্বয়ং হাত বুলাইয়া সাহস বাক্যে বলিয়া দিতেছে ‘ভয় কি ? সত্যের পথে—শ্রমের পথে থাক, কোন চিন্তা নাই ! যদিই শত্রুরা অপবাদ-মেঘে চরিত্রকে আবরণ করে, তাহা কতক্ষণ ? সূর্যকে মেঘে কি চিরকালই ঢাকিয়া রাখিতে পারে ? সত্য শেষ প্রকাশ পাইবেই পাইবে !’ তবে সহসা অতর্কিত ভাবে আবৃত না করে, সে জন্ত সাধ্যমত সতর্ক থাকা চাই !”

সমস্ত দিবসের অবিশ্রান্ত পরিশ্রম, নানা ঘটনা ও নানা বিষয়িনী চিন্তার অতি ক্লান্তি বশতঃ গভীর রজনীর ঐ সংকল্পের সহিত নিদ্রাদেবী তাঁহাকে



স্বীয় বিনোদ অঙ্কে আশ্রয় দান করিলেন ! অমনি কুহকিনী স্বপ্নদেবী তাঁহার কল্পনা-চক্ষুর নিকট স্বকীর মোহন মুকুরখানি ধরিলেন, তাহাতে দেখিলেন কি ? দেখিলেন, ভাবী সৌভাগ্য ; দেখিলেন প্রজ্ঞানুরক্তি ; দেখিলেন রাজানুগ্রহ ! সে সঙ্গে এ আবার কি ? সে সঙ্গে এ অদৃষ্টপূর্ব অপূর্ব চিত্রখানি—এ সুমধুর সুমোহিনী বালামূর্তিখানি কাহার ? ছলীন তাহা বুঝিতে পারিলেন না—পাঠকও আর কিম্বদন্তুর আমাদের অনুগমন না করিলে বুঝিতে পারিবেন না !

ইহা কোন্ রজনীর বর্ণনা, তাহা যেন স্মরণ থাকে—যে রাএে দুর্গাধিকার, এ তাহার পর রজনী—সে রাএে দণ্ডবর অতিথি, তখনও দণ্ডবর কাংরা ছাড়িয়া যান নাই—প্রভাতেই বাইবেন ।

প্রভাত হইল, ছলীন সুখ-স্বপ্নের শয্যা ত্যজিয়া উঠিলেন । দণ্ডবরের সম্মানার্থ তাঁহার সঙ্গে তাঁহার স্বকাবার পর্য্যন্ত বাইতে প্রস্তুত হইলেন । তদাভাস পূর্ব পূর্ব অধ্যায়ের শেষে দেওয়া হইয়াছে । কিন্তু সে স্থলে একটা কথা বলা হয় নাই—“উপযুক্ত স্থলে বলিব” ইহা বলিয়াই রাখিয়াছি । সেই উপযুক্ত স্থল এই ;—

অথাৎ যে অংশে ছলীন পাঁচশত সহস্রর সঙ্গে দুর্গারোহণ করিয়াছিলেন, দণ্ডবর দুর্গ ছাড়িয়া যাইবার পূর্বে সেই অংশটী একবার ভালরূপে দেখিবার ইচ্ছা প্রকাশ করিলেন । ছলীন পরমাচ্ছাদে তৎক্ষণাৎ সম্মত হইয়া আপনিই তাঁহাকে সঙ্গে করিয়া লইয়া গেলেন । উপর হইতে পর্বতগাত্র ও তলভূমি পর্য্যবেক্ষণ পূর্বক ছলীন-সৈন্তের উত্থান-কৌশল শুনিয়া দণ্ডবর ভূমোভূমঃ প্রশংসা করিয়া বলিলেন “আপনি যে কার্য্য করিয়াছেন, নিতান্তই অসম-সাহসিক ও অদ্ভুত চাতুর্য্যপূর্ণ—(সহস্রে) ‘চৌর্য্য’ বলাও অসম্ভব হইতে পারে না ! সেরূপ চৌর্য্য চাতুর্য্য ভিন্ন শুদ্ধ সাহাসকতায় কদাচই সিক হইতে পারিতেন না । একথা কেন বলিতেছি, আসুন, এই দৃষ্টি করুন ।” এই বলিয়া দুর্গাভ্যন্তরস্থ নানা কল কৌশল ও আক্রমণ নিবারণের উপায় সকল দেখাইলেন ।

ছলীন দেখিলেন, দুর্গের বুরুজের উপরে স্থানে স্থানে বৃহৎ বৃহৎ পাষাণ-খণ্ড-এরূপে সাজানো এবং তত্তাবৎ নিক্ষেপ করিবার ও গড়াইয়া দিবার জন্য এমন সকল কল কৌশল করিয়া রাখা হইয়াছে যে, শত্রুরা যখন আরোহণ করিবে, তখন আর আয়েয়াস্ত্রের প্রয়োজন নাই ; সেই পাষাণ গড়াইয়া

ফেলিলেই আরোহণকারীদের সমভবন দর্শন নিশ্চিত! আবার মনে করুন, ঐ সব পাষণ-পতনাঘাতেও যদি কতক লোক বাঁচে এবং গোলা গুলি, তীরের হস্তেও নিস্তার পাইয়া উপরে উঠিতে পারে, তখন হাতাহাতি নিকট-যুদ্ধের প্রয়োজনে শুদ্ধ অসির উপরই দণ্ডবরের নির্ভর ছিল না, ছোট বড় বাঁশের খোঁচা ও বংশ-দণ্ডের অগ্রভাগে ফলক ও বহুসংখ্যক ত্রিশির-কণ্টকাদি-বিশিষ্ট নানা মূর্তির ভয়ঙ্কর ভয়বিশেষ বিস্তর প্রস্তুত রহিয়াছে! তাহাতেও পার পাইলৈ দুর্গাভ্যন্তর প্রবেশের পথে পথে গভীর গর্ত সকল গুপ্ত কূপবৎ বিদ্যমান—তাহাদের আচ্ছাদন এক প্রকার পাতলা চেঁচাই, তাহা আবার তৃণদ্বারা আবৃত—বেগবান বৈরিপক্ষকে অনায়াসেই সেই সব ফাঁদে পড়িয়া হয় গতাস্থ নয় হুপি-বদ্ধ সর্পাকারে বন্দী হইতে হয়। কিন্তু হায়! দণ্ডবরের অর্দ্ধ-চক্র এত বক্র হইয়া উঠিল যে, এত ভীষণ উদ্যোগেও বিপক্ষ দলকে পেষণ না করিয়া তাঁহার নিজ দলকেই দলন করিল!

সে যাহাই হউক, এই সব দেখিয়া হুলীন বিস্মিত হইলেন এবং এত বিপদের একটীতেও যে তাঁহার একটীও লোক পতিত হয় নাই, এবং যে পথে ঐ সকল কূপ ছিল, সে পথ দিয়া বনভূমি হইতে তাঁহার দল যে নিষ্ক্রান্ত হয় নাই, তজ্জন্ত সর্বক্ষক শুভঙ্করের দয়াময় নাম স্মরণ পূর্বক মনে মনে কৃতজ্ঞতা পুষ্পে পূজা করিলেন।

দণ্ডবর তাঁহার হস্ত ধরিয়া বলিলেন “সাহেবের ভাগ্য এখন সম্পূর্ণ সুপ্রসন্ন, তাই হুরাশর নন্দ সিংহের কপট মিত্রতার কণায় নিতান্তই প্রতারিত হইয়া আমি ফটকের দিকেই বেশী মনোযোগী হইয়াছিলাম—আমার কপালে অয়ণ লেখা আছে, এই জন্তই আমার প্রধান সহকারী সেই বিশ্বাসঘাতকের সহিত কথাবার্তা চালাচালি করিয়াছিল। সে হুরাশ্রা যদি মিথ্যা সংবাদ না পাঠাইত এবং হুর্ভাগ্যবশে তাহাতে যদি পূর্ণ প্রত্যয় স্থাপন না করিতাম, তবে পূর্বে যেমন সূর্যদিকেই সমানভাবে সতর্ক ছিলাম এবং ঐ প্রত্যয়ের পরেও সর্বক্ষণ যেরূপ সতর্ক থাকাই উচিত ছিল, তাহাই থাকিতাম, সূত্রাং সাহেব কদাচই সকল হইতে পারিতেন না।”

হুলীন দেখিলেন, তাঁহার প্রতি নন্দের ব্যবহার সম্বন্ধে দণ্ডবরের একটা ঘোর ভ্রান্ত সংস্কার জন্মিয়াছে—দণ্ডবর ভাবিয়াছেন, নন্দ যাহা করিয়াছে, সমস্তই সাহেবের ইচ্ছায়—সকলই সাহেবের মন্ত্রণায়—সকলই সাহেবের

হিতোদ্দেশে—এবিষয়ে সাহেবই যেন নন্দের দীক্ষাগুরু ! ছলীন তৎক্ষণাৎ প্রকৃত অবস্থার সমুদয় আনুপূর্বিক পরিচয় দিয়া শেষে বলিলেন “অতএব ছরায়া আপনার প্রতি প্রতারণা বা বিশ্বাসঘাতিতা করে নাই, আমার প্রতিই বিধি মতে করিতেছে—এবারে সে নিজে প্রতারিত হইয়াছে, কাজেই আপনিও হইয়াছেন ! তাহার বিশ্বাসঘাতিতা ও গুপ্ত বিদ্রোহিতা দিন দিন এত বাড়িতেছে যে, আর সহ হয় না। অধিক কি, কয়েক বার আমার প্রাণ-হননের চেষ্টাও যে করিয়াছে, তাহাও তো গুনিলেন ; বোধ হয়, পুনর্বার তাহার সুযোগ সন্ধানও আছে। বিশেষ তাৎপর্য না থাকিলে, বিরলে এই দীর্ঘ পরিচয় শ্রবণের কষ্ট আপনাকে দিতাম না ! আপনি সরলপ্রকৃতি, সদাশয় ও মহৎ, আপনি অবশ্যই রাজধানী ও রাজসভায় গমনাগমন করিবেন ; এইরূপ অসহনীয় দুর্ভৃত্যতা ও অসম্ভব (সহকারীর পক্ষে নিতান্ত অনুপযুক্ত) বিশ্বাসঘাতিতার জন্ম যত্বপি আমাকে কদাপি তাহার সমুচিত দণ্ড বিধান করিতে হয় এবং সেই উপলক্ষে যদি ছল ধরিয়া তাহার আত্মীয়গণ রাজগোচরে বা অন্ত্র আমার কুংসা ঘোষণা করে, তবে তৎকালে আমার হইয়া ছুইটা কথা না বলিয়া আপনার সাধু স্বভাব কখনই পরিতৃপ্ত থাকিতে পারিবে না—আপনি তাহার দুষ্কৃতি প্রত্যক্ষ করিয়া যাইতেছেন !”

অস্বারোহণে পার্শ্বপার্শ্ব চলিতে চলিতে উভয়ের এবিধ বহুতর কথোপ-কথন, ভাবান্ত্রিয়ারের বিনিময় এবং বিবিধ শিষ্টাচার ও মিথ্যলাপ হইতে হইতে দণ্ডবরের সেনা-নিবাস পর্য্যন্ত তাঁহাকে রাখিয়া ছলীন প্রত্যাগমন করিলেন ।

‘ফটকে চৈতন আটক করিয়া বলিলেন, “হুজুর ! কাংরা রাজ্যের কতক-গুলি বড় বড় লোক এসেছেন—তাঁদের দরবার ঘরে বসিয়ে এসেছি—হুজুর ! মাপ করুন, ও দিক্‌দে যাবেন না ; এই দিক্‌দে আসুন ; পেছনের সিঁড়ি দে উপরে উঠুন ; মহারাজ যে খেলাত দিয়েছেন, সেই পোষাকটা পরুন ; আগে নকিব আর আশা, সোঁটা, বল্লম, পশ্চাতে আমি, আমার পশ্চাতে আদালি পাইক—হুজুর, মাপ করুন—ও দিক্‌দে যাবেন না।” ইত্যাদি বিবিধ !

‘কিন্তু চৈতনের কি মনস্তাপ ! নূতন শাসনকর্ত্তা হাসিতে হাসিতে নিষিদ্ধ দিক্‌দিয়াই একবারে দরবার-গৃহ-দ্বারে গিয়া অবতরণ করিলেন ! সেই বেশেই “রাজ্যের বড় বড় লোকদের” মধ্যে গিয়া তাঁহাদের সেলাম, সেলামী ;

রামরাম, রামরামী প্রভৃতি নজরানা গ্রহণ ও মিষ্ট বচনে সম্ভাষণ, আলাপ ও বিদায় দানাদ তাৎ কন্মই করিয়া ফেলিলেন !

### দশম পরিচ্ছেদ ।

#### নব শাসনকর্তা ।

স্বভাবতঃই শ্রমশীল ও অধ্যবসায়ী, তাহাতে স্বক্কে এখন অতিশয় গুরু ভার, স্মৃতরাং দিবা নিশি ছলীনের আর বিশ্রাম নাই । সেনাপাত ও অধিপাত, উভয়ই তিনি—মনোমত সুশিক্ষিত সহকারীর সাহায্যেও বঞ্চিত ; তদ্বিপরীতে বিশ্বাসঘাতক সহকারীর সাহচর্য্য ও সাহায্য গ্রহণে বাধ্য—কখনু কি সৰ্বনাশ ঘটাইয়া তুলে, কিছুই ঠিক নাই ! তবে সৌভাগ্য বটে যে, আর আর তাৎ কন্মচারীর অধিকাংশই বিশ্বাসী ও অনুগত—অনেকেই আন্তরিক প্রেমানুরাগের সহিত প্রভু-ভক্ত—প্রভুর নিমিত্ত প্রাণ দিতে প্রস্তুত ! আরো সুবিধা, দুর্গের ভিতরে বাহিরে—জয়স্তীর উপরে, জয়স্তীর পদতলস্থ কাংরা নগরে, জয়স্তীর চতুর্দিকে কাংরা প্রদেশে—সর্বত্রই সুরব—সর্বত্রই সাহেবের বুদ্ধি-প্রাথর্য্য, রণচাতুর্য্য, সাহস, বিক্রম, ক্ষমতা, যোগ্যতা, দয়া, দক্ষিণ্য, ত্রায়পরতা, সচ্চরিত্রতা এবং “দুর্জন দমন সূজন পালন” প্রভৃতি অসাধারণ গুণমাহাত্ম্যের কথা যথা তথা নিয়তই জল্পিত ও ব্যাপ্ত হইতেছে ! সর্ব কার্য্যেই, বিশেষতঃ যুদ্ধচালন ও রাজ্যশাসন পক্ষে নাম ডাক সামান্ত সহায় নয় !

নব শাসনকর্তার প্রতিদিনের ব্যবহারেও সে সুখ্যাতির আরো প্রতিপত্তি বাড়িল । তিনি দণ্ডবরকে বিদায় দিয়া আসিয়া অবধি অনবরতই কর্তব্য-বিষয়িণী চিন্তায় ও কর্তব্য সাধনেই অভিনিবিষ্ট হইলেন । প্রথমেই অধীন রাজ্যখণ্ড ও তদধিবাসী প্রজাপুঞ্জের স্বরূপাবস্থার প্রগাঢ় অনুসন্ধান ও যথাযোগ্য কন্মচারী নির্বাচন প্রভৃতি আণ্ড-প্রয়োজনীয় বিষয়ে যৎপরোনাস্তি পরিশ্রম ও যত্ন করিতে লাগিলেন । সহসা পূর্ব ব্যবস্থাদির কিছুই পারবর্তন করিলেন না—উৎকট উন্নতি-প্রিয় ব্যবস্থাপক-বৃন্দের ত্রায় বলপূৰ্ব্বক নুতন সংস্কার সাধনে প্রবৃত্ত হইলেন না—অতি সাবধানে নানা সূত্রে ভৌগোলিক, ভৌতিক, ঐতিহাসিক ও সামাজিক বর্তমান অবস্থা ও পূর্ববৃত্তান্ত তন্ন তন্ন

রূপে জ্ঞাত হহতে লাগিলেন । তিনি তচ্ছত্র ( স্বাস্থ্য জন্তুও বটে ) প্রত্যাহ  
সকালে বিকালে অভিজ্ঞ ও বিদ্বান বিজ্ঞ ব্যক্তিগণে পরিবৃত হইয়া ভ্রমণে  
বহির্গত হইতেন—বাস্তু-শোভাবর্দ্ধক বা ঐর্ষ্যাছাপক জাঁকজমক জন্তু  
কতক গুণা আড়ম্বরের লোক সঙ্গে নয় ! স্থল বিশেষে কখন অশ্ব, কখন  
পদব্রজেও যাইতেন !

পূর্বেই বলা হইয়াছে, কাংরা প্রদেশ পার্বত্য ও বন্য । কিন্তু পার্বত্য  
বলিয়া সমগ্র দেশটাই পর্বতময় নয় ; মধ্য মধ্য রীতিমত গ্রাম, উদ্যান ও  
ক্ষেত্রাদি সমন্বিত সুপ্রসারিত সমতল ভূখণ্ডও বিস্তর । কেবল এই বুদ্ধিতে  
হইবে যে, সগষ্টির তুলনার পার্বত্য ও বন্য অংশাবলাই বেশী । সেই সকল  
গিরি কাননের মধ্যেও এই লোকালয় আছে—অধিত্যকা ও উপত্যকাদির  
অভাস্তরে যেখানে যেখানে সুবিধা ও সুগম বোধ হইয়াছে, মনুষ্য সেই সেই  
স্থলেই বাস্তু-ভূমি স্থাপন বা জনপদ পত্তন পক্ষে ক্রটি করে নাই । আক্ষেপ  
এই, একে তো অগম্য ও মনুষ্য-বাসের অযোগ্য গিরিকানন ভাগ অনেক,  
তাহাতে সমতল ভূমির অনেক অংশও ( যথায় পূর্বে লোকালয় ছিল, তাহাও )  
মনুষ্যের অত্যাচারে গহন বন তুল্য হইয়া পাড়িয়াছে ! অল্পাহুসন্ধানেই ছলীন  
জানিতে পারিলেন, যখনাগমনের পূর্বে অখ্যাত আগা জাতির স্বাধীনাব্যায় সে  
সকল স্থলে সুন্দর জনপদ ছিল । অধিক কি, কাংরা রাজ্য শিখ-সাম্রাজ্যভুক্ত  
হইবার পূর্বে যখন ফর-কুলোড়ন সংসারচাঁদ কাংরার স্বাধীন রাজা ছিলেন,  
তখনও যে সব স্থান গ্রাম নগরাদি পদে বাটা হইত, ছলীনের পূর্ববর্তী কুশা-  
সকগণের কুশাসনে সে সবও বন-ভূমি-প্রায় হইয়া উঠিয়াছে বা উঠিতেছিল ।  
তবেই বুঝা যাইতেছে, শিখ শাসনকর্তারা মহারাজার, প্রধান মন্ত্রিগণের এবং  
আপনাদের স্বাথ দেবতার পৃথক্ পৃথক্ মহা পূজায় অত্যাধিক তৎপর  
থাকিতেন—তাহাতে প্রজাদের দশা কি হইল, সে সামান্য কথাটার প্রতি তত  
মনোযোগ দিতেন না—পেট চিরলে এককালে অসংখ্য উদ্ভয় পাইবেন, হাঁস  
বাঁচে কি মরে, তাহা ভাবিবার প্রয়োজন নাই !

যদি রাজ্য মধ্যে কুশাসন ও পৌড়ন জন্তু রাজাই দারী, সুতরাং কাংরার  
কুপালন জন্তু রণজিৎকেই দোষী বলা যায় ; তথাপি যথাথ বিচার করিলে,  
সে ক্রটি যে তাহার ইচ্ছাকৃত নয়—কেবল সচ্ছরিত্র সুশাসক অভাবেই ঘটত,  
তাহা ছলীনের নিয়োগেই বুঝা যাইতেছে । কুশাসনে কাংরার প্রজাবর্গ

প্রপীড়িত হইয়া পৈতৃক বাস পর্যান্ত পরিত্যাগে বাধ্য হইতেছে, এই কুসংবাদ শুনিয়া অবধি রণজিৎ তৎপ্রতিকারার্থ ব্যাকুল ছিলেন, এমন সময় তুলীনকে পাইবা মাত্র তাঁহার গুণবোদ্ধা হৃদয় “যোগ্য পাত্র পাইয়াছি” বলিয়া অহ্লাদিত হইল—মহারাজ শুদ্ধ সেই হৃদয়ের কথাতেই ( স্বীয় মন্ত্রীবর্গের অনিচ্ছাতেও ) অল্প-পরিচিত অপরীক্ষিত হস্তে অনায়াসে শাসন-ভার অর্পণ করিলেন—আশা যে, এ ব্যক্তির দ্বারা অবশুই কাংরার দুর্গতি দূর হইয়া তদ্রত্যা জনশৃগল জনপদ পুনর্বার জনপূর্ণ ও সুখসমৃদ্ধিসম্পন্ন হইতে পারিবে ! সে আশা-লাভ ফলবুতা হয় কি না, শীঘ্রই জানা যাইবে ।

সে যাহাহউক নব শাসনকর্তা স্বচক্ষে দেশের অবস্থা দেখিতে লাগিলেন—সুগম স্থানে হয়ারুঢ়, দুর্গম স্থলে পদব্রাজক, দূরস্থানে অশ্বশকটে পর্যটক ! কোন্ পর্বতে, কোন্ বনে, কোন্ উপত্যকায় কোন্ পথাপথ দিয়া যাইতে আসিতে হয় ; কোন্ গুপ্ত গিরিপথ দিয়া স্বীয়াধীন দেশে শত্রু প্রবেশ করিতে পারে—কিসে তাহা নিবারিত হয় ; কোথায় কি কি নৈসর্গিক পদার্থ ও নৈসর্গিক ব্যাপার—যথা, কোথায় কোন্ কোন্ হ্রদ, নদ, নদী, নিঝর, উৎস, প্রস্রবণ, প্রপাত ও গুহা প্রভৃতি আছে ( মানচিত্র ও সামান্যরূপে প্রস্তুত করিয়া লইলেন ) ; কোন্ লোকালয়ে, কোন্ পর্বতে, কোন্ বনে, কোন্ ভাগে কি কি আহাৰ্য্য ব্যবহার্য্য দ্রব্যাদি উৎপন্ন হয় ও চেষ্টা করিলে হইতে পারে ; কি প্রকার পশু পক্ষ্যাদি কোথায় জন্মে ও বাস করে ; কোন্ ভাগের জল বায়ু কিরূপ ; দেশের খনিজ, ক্ষেত্রজ, উদ্ভিজ্জ, শিল্পজ, কীটজ প্রভৃতির প্রকার ও অবস্থা কীদূশ ; দেশস্থ লোকের অশন, বসন, আচার ব্যবহারাদি কি প্রকার ; ইত্যাদি সুমত্য জ্ঞানী শাসনকর্তার জ্ঞাতব্য তাবদ্বিষয়েই দর্শন-শ্রবণ-শক্তিকে ( অত্যান্ত কর্তব্যের সঙ্গে ) প্রগাঢ়রূপে ও নিরালম্ব ভাবে ব্যাপৃত রাখিলেন । তাঁহার প্রবেশিকা সূক্ষ্ম বুদ্ধি অল্পদিনেই এ সমস্ত-বিষয়ক জ্ঞান আয়ত্ত করিতে সমর্থ হইল—যেখানে ঐকান্তিক ইচ্ছা, সেখানেই পস্থা !

ফলতঃ তাঁহার সর্ব সামঞ্জস্য-কারিণী প্রবৃত্তি ; প্রজা সাধারণের প্রতি বাৎসল্য ; আশ্রিতগণে কারুণ্য ; দুঃস্থে কাঠিন্য ; শিষ্টে সৌজন্য ; কর্তব্যে আগ্রহ ; কার্য্যে পটুতা ও তৎপরতা ; পরিশ্রমে অশ্রান্তি এবং সর্ব বিষয়ে যেমন আগ্রহ, তেমনই দীর্ঘতা—যেমন অধাবসায়, তেমনই আত্মস্থ দৃষ্টি, ইত্যাদি অসাধারণ গুণচর দর্শনে তাবল্লোকেই বিশ্বাসবিষ্ট হইল । মিত্রপক্ষের

সেই বিশ্বয়—আনন্দ, প্রীতি ও ভক্তি সহকৃত ! শত্রুপক্ষের ( সৌভাগ্যক্রমে অত্যন্ত সংখ্যক ) সেই বিশ্বয়—বিবাদ, ভয় ও ঈর্ষা মিশ্রিত ! অপরাপরের সেই বিশ্বয়—আশা, ভরসা ও অমুরাগ সম্পৃক্ত !

বস্তুকর্তৃক, ইতিপূর্বে আর কোন শাসনকর্তা বা সর্দারকে এরূপ ভাবাপন্ন কেহ কখনই দেখে নাই। সর্দারেরা বেলায় উঠেন ; আরো বেলায় দরবারে বার দেন ; তাকিয়া ঠেস দিয়া চক্ষু বুজিয়া আলবোলা টানিতে টানিতে কয় দণ্ড মাত্র দরবারে অবস্থিতি করেন ; লোকের আর্দ্রাশ ও আমলাগণের এতলা যৎকিঞ্চিৎ শুনে কি না শুনে ; তোষামোদকারীরা যেমন বুঝাইয়া দেয়, তেমনি বুঝেন ; যাহা হয় একটা হুকুম দিয়া বসেন—হয় তো আর্দ্রাশকারীর বড় হুঃখের কথাতেও কর্তার ব্যঙ্গোক্তি শুনিয়া মোসাহেবেরা হো হো করিয়া হাসিয়া উঠে, কর্তা বড় খুশি হইয়েন ! নয় তো বড় বিলাপজনক অভিযোগ উৎকোচগ্রাহীদের কুচক্রে পাড়িয়া অগ্রাহ করেন—অভিযোক্তাকে দুর্কাক্যে তাড়াইয়া দেন—প্রায়ই চক্রান্তকারী প্রবলের গ্রাসে দুর্কলের সর্কনাশ ঘটিয়া উঠে—শ্রায়াশ্রায়ের প্রতি দৃষ্টিই নাই, কেবল নজরানা, জরিমানা, রাজস্ব আদায়, বাব আদায় ও প্রভুত্ব বজায়, এই সকলের দিকে দেখিবার জন্তই শেষনাগের দৃষ্টি ধারণ করেন !

এইরূপ অপরূপ দরবার উদ্ধৃতঃ দশ দণ্ড বেলা পর্য্যন্ত। তখন ভৃত্যেরা গন্ধ তৈল লইয়া আইসে—হয় তো সেই স্থলেই স্থলোদরে মর্দন করিয়া দেয় ! তৎপরেই স্নান ভোজন। ভোজনাশ্তেই শয়ন। অপরাহ্নে বা সারাহ্নে উঠিয়া পুষ্পোদ্যানাদি ভ্রমণ ( কাংরা হুর্গে উত্তম পুষ্পোপবন ও ফলোদ্যান ছিল ) অথবা বহু পারিষদ সমভিবাহারে ধীরেধীরে কিয়ৎক্ষণ বাহিরে ( কিয়দূর মাত্র ) পদচারণ। রজনীতে তৌর্ঘাত্রিকাদি উৎসব ও অন্ত্র বিবিধ দূষিত বিলাসানুষ্ঠান। বহু রাত্রি জাগরণ হেতু তরুণ অরুণচ্ছটা কশ্মিন কালেই দেখিতে পান না—এত যে সঙ্গীত ভালবাসেন, কলকণ্ঠ বিহঙ্গমের প্রভাতী কুজনতান কখনই কর্ণকুহরে প্রবিষ্ট হইতে পায় না !

কিন্তু নূতন শাসনকর্তার ধরণ ধারণ, চলন চালন সকলই বিপরীত। ইনি অতি প্রত্যাষেই উঠেন ; বহু দূর বহু ক্ষণ পদব্রজে বা অশ্বপৃষ্ঠে ভ্রমণ করেন ; প্রত্যাগমনের পরই স্নান ভোজনাশ্তে দরবারে বসেন ; এ দরবার আর সে দরবার বিস্তর বিভিন্ন—ইহাতে আলবোলা তাকিয়া নাই—ইহাতে মেজ

কেদারা ; লোক বিশেষের জন্ত কেদারা, বেঞ্চ, ঢালা বিছানা, সবই আছে, কর্মচারীদের স্থান নিকটেই নির্দিষ্ট ; প্রত্যেক হিসাব, প্রত্যেক এতাল, প্রত্যেক প্রস্তাব, প্রত্যেক প্রার্থনা, প্রত্যেক প্রয়োজনীয় বিষয়ের পর্যায়ক্রমে তন্ন তন্ন দর্শন, আন্দোলন, মামাংনা, আদেশ ; ধনী দরিদ্র নাই, আপন পর নাই, স্বার্থ পরার্থ নাই, দৃষ্টিত প্রকারের উপরোধ অনুরোধ নাই, রাগ দ্বেষ নাই, তোষামোদের ব্যাপার নাই—কেননই বিষয় বুঝিয়া বাবস্তা—কেবলই শ্রয়তঃ, ধর্মতঃ, বুদ্ধিমত্তা, প্রাণসম্পত্তি সন্তানয় সর্বিচার, স্মৃতিরং সর্ব-সন্তোষকর সিদ্ধান্তই যে ঘটিবে, তাহা নিশ্চয় !

নব শাসকের সিংহাসিন্দে নাহি, এক ছক এক সূর্য্যে ছুট তিন বার আহাির আছে ! প্রায়ই আটটা তরতে নবাবের পর্যায় দরবার, তৎপরে গ্রন্থাদি পাঠ, অপরাহ্নে সৈনিক শিক্ষা, পতাকা ও পানদর্শন—সে পক্ষে কখনই ক্রটি নাই ! সায়াহ্নের পূর্বাঙ্কে আবার পর্যায়—প্রাত্যহিক, সন্ধ্যা, উভয় কালিক পর্যায়টন উপলক্ষেই সর্বপ্রকার প্রচার সচিত আলাপ, পরিচয়, সন্তোষণ, তত্ত্বাবধান ইত্যাদি। সন্ধ্যার পর সৈনিক বিভাগের বিজ্ঞাপনাদি শ্রবণ ও কর্তব্যাদেশ এবং দুর্গ রক্ষণের প্রাত্যহিক বাবস্তাদি বিধান। তৎপরে কিঞ্চিৎকাল সঙ্গীতানন্দ ; প্রথমে যামাংতেই শরন। ইহাই দুর্গানের পর প্রাত্যহিক সাধা-রণ কার্য-নিয়ম—প্রয়োজন-মতে তাহার রূপান্তর বা বাহিরেক ঘটিত মাত্র।

শিখ সর্দারেরা যখন বাহিরে যাইতেন, তখন গজ, বাজী, রথ, রথী, অশ্ব-রোহী, পদাতিক, পতাকা, আশা সোঁটা প্রভৃতি কতই সঙ্গে যাইত—কতই ধুমধাম ঘোর ঘটা বাঁচিত ! ছত্রধারা, চামরধারী, ময়ূরপুচ্ছধারী, পানবরদার, আলবোলা বা ভঁকাবরদার, নল-বরদার প্রভৃতি সঙ্গে সঙ্গে যাহার সে কাজ করিতে করিতে যাইত—ভ্রূর পর্যাণে বা আমািরবরে বা তাঞ্জাম নামা চতু-র্দোলে হেলান দিয়া উভয় পার্শ্ব পানিপাণিকদের সহিত হাশ্বালাপে কথা বার্তা কহিতে কহিতে, সুগন্ধ তাম্বকুট টানিতে টানিতে, মৃদু মন্দ গতিতে গান্ধীর্ষা, ঐশ্বর্যা, মদমাংসর্ষা দেখাইতে দেখাইতে চলিয়া যাইতেন—বিলাসের আবেশ নয়ন যুগলে প্রকাশমান—আগস্ত, উদাস্ত, আয়-মহত্ত্ব-ভাণ মূর্ত্তিমান—সর্ব মানবশ্রেণী যেন তাঁহারই ক্রীতদাস, এই সংস্কারের অসীম প্রভু দেদীপ্যমান ! ছত্রের একপ গমনে যে পল্লী—যে পথ ধ্যু হইত, তত্রতা তাবৎ অধিবাসী ও বহুর্বাহী লোক তাঁহার পথের দুই ভিত্তে দুই শ্রেণীতে দাঁড়াইত—জৈষ্ঠ বড়ে



মাঠময় ধাত্ত-চারা যেমন নত হইয়া পড়ে. তেমনই অবনত ভাবে সকলেই কুণিস করিত ! সে পক্ষে যদি কোন হুৰ্ভাগার তিলমাত্র ক্রটি ঘটিত, তবে আর রক্ষা থাকিত না—মহল্লার কোতোয়াল ঐ স্বত্রেই তৎপ্রতি ঘোর পীড়ন ও তাহার নিকট ( তৎসাধ্যাতীত ) পূজা গ্রহণ না করিয়া ক্ষান্ত হইত না !

এমন প্রভুর ভূজাশ্রিত চিহ্নিত অমুচর হওয়া কি সৌভাগ্য নয় ? সুচতুর সহচর ও কর্মচারী মাত্রেই অল্প কালেই প্রচুর ধনের ঈশ্বর হইয়া উঠিতে পারে ! তদ্ব্যতীত “প্রভু” নামে সমস্ত মনুষ্যের লোভনার একটি অদ্ভুত পদার্থ যে আছে, সেটার প্রাপ্তি পক্ষেও কোন অপ্রতুলতা থাকে না !

কিন্তু নূতন শাসনকর্ত্তা তো সে প্রভুর সন্ধান নন—তেমন ধরণে দরবার করেন না—তেমন জাকজমকে বাহির হন না—বাহার তাহার সঙ্গে স্বয়ংই কথা কন—~~সেখানে~~ সেখানে থপু থপু করিয়া যান—নজরানা বাতীত এবং আর্দানি অবধি দেওয়ান পর্য্যন্ত অনেকে ভুট্টে করা ব্যতীত তাহার সন্ধানের নিকট আসিতে পারিত না, এখন সেই সন্ধান সাহেব স্বয়ংই তাহাদের গ্রামে গ্রামে—দ্বারে দ্বারে গমন করেন ! শুদ্ধ কি গমন ? তাহাদের বৈষয়িক ও সংসারক ভাল মন্দ পয্যস্ত জিজ্ঞাসা করেন ; সুতরাং তাহারা আর কর্মচারি-গণের খোষামোদ বা তাহাদিগকে উৎকোচ দান করিবে কেন ? কাজেই কর্মচারীবর্গের প্রাপ্তি গণ্ডা প্রায় সমস্তই উঠিয়া গেল !

এই সকল বিবিধ প্রবল হেতুতে কর্মচারীদলে অসন্তোষ জন্মিয়া উঠিল—প্রথমে ভয়ে ভয়ে কাণাকাণি ; পরে সমবেত পরামর্শে দুই তিন জন প্রধানকে সকলের প্রতিনিধি স্বরূপে নব শাসনকর্ত্তাকে বুঝাইয়া পড়াইয়া পূর্ব ধরণে আনিবার জন্ত নিযুক্ত করা হইল ।

তাহারা সকলেই সাহেবকে ভালবাসিত । তাহাদের সংস্কার এই যে, সাহেব বিদেশী, এদেশের রীতি, নাতি, কার্য্যপদ্ধতি প্রভৃতি বড় একটা জানেন না, কেবল এই জন্তই এমন অচরণ করিতেছেন । তাহাকে শিখাইয়া বুঝাইয়া তৈয়ার করিয়া লওয়া উচিত !

ফলতঃ এ বিষয় এত গুরুতর বোধ হইয়াছিল যে, সাহেবের বিশ্বাসী লোকও কেহ কেহ এ দলে ছিল—তাহারা ভাবিত, এতদ্রূপ ব্যবহারে প্রভুর পদমর্য্যাদার গুরুত্ব রক্ষা হইতেছে না ।

নন্দ সিংহ প্রভৃতি কুচক্রী বৈরিপক্ষ এই অসন্তোষ-বাহিত্তে ফুৎকার দিতে

নাগিল—বিদ্রোহিতার ইঙ্গিত দিতেও ক্রটি করে নাই। কিন্তু তাহাদের তদাতাস কেহই গ্রাহ্য করিল না। বরং তদ্রূপ কুমন্ত্রণা “আর যদি মুখাণ্ডে আনিবে, তবে সমুচিত শাস্তি পাইবে,” এমন প্রত্যুত্তরও কেহ কেহ দিয়াছিল।

সে যাহা হউক, ঐ প্রতিনিধিরা সহেবের সুস্থ সময়ের সুযোগ বুঝিয়া যথার্থ হিতৈষী ভৃত্যের ভাব ভঙ্গীতে—অতি কুণ্ঠিতের স্থায়—কতক স্পষ্ট বাক্য, কতক আকার ইঙ্গিতে—এক দিনে নয়, মাঝে মাঝে—এইরূপ অভি-প্রায় ব্যক্ত করিত, যথা ;—

“হুজুর যে জাঁকজমক ব্যাভাত বহির্গত হন—একাকী বা অল্প সঙ্গীমাত্র সঙ্গে যথায় তথায় ভ্রমণ করেন, অধীনদের ক্ষুদ্র বিবেচনায় তাহা বড় ভাল দেখায় না। তাহাতে লাভই বা কি? হুজুর যে কেন একরূপ করেন, হুজুরের গোলামেরা তা ভাবিয়া চিন্তিয়া বুঝিয়া উঠিতে পারে না।”

“অধীন দেশের ও অধীন প্রজাবর্গের প্রকৃত অবস্থাদির প্রত্যক্ষ সম্যক জ্ঞান ভিন্ন সুশাসন সম্ভবে না—একরূপ পর্যবেক্ষণে মহোপকার” ইত্যাদি ভাবের কথা তুলীন বুঝাইয়া দিবার চেষ্টা করিলেন; তথাপি তাহারা প্রবুদ্ধ না হইয়া বিনীত ভাবে নিম্নলিখিতরূপ প্রতিবাদ, যুক্তিবাদ ও পরামশবাদ উপস্থিত করিল—

“দেশের আর প্রজার অবস্থা জানা! তা একরূপে কেন? হুজুর গদিতে বসিয়া থাকিবেন, আমরা সমুদয়ই বিদিত করিব। এই সামান্য কাজের জন্য হুজুরের এত কষ্ট স্বীকার আবশ্যিক কি? হুজুর এক চাকলার রাজা, কোথায় হুজুরের পাদপদ্ম দর্শন জন্য লোকে তপস্বী করিয়া মারবে, তাহা না হইয়া আপনি তাহাদের দ্বারে দ্বারে গিয়া দেখা দিতেছেন, ইহাতে যে হুজুরকে কত হান্ধা হইতে হয় তা আর আমরা কি বলিব, হুজুর মনে মনে ঠাহরিয়া দেখিলেই বুঝিতে পারিবেন! প্রজার প্রতি দয়া আর তাদেরই হিত জন্য হুজুর যে একরূপ করিতেছেন, তা কি কেউ বুঝবে? সেই প্রজারাই তা বুঝে কি না, সন্দেহ!

তুলীন কহিলেন “অবশ্যই বুঝিবে—বুঝিবে কেন, বুঝিমাছে—ইতি মধ্যেই আমাকে পিতার তুল্য ভক্তি শ্রদ্ধা করিতেছে—তাহাদের সুখ দুঃখের কথা অকপটে জানাইতেছে—তাহাদের উন্নতি উদ্দেশে যে সব আদেশ উপদেশ দিতেছি, বশীভূত পুত্রের স্থায় পরমোৎসাহে তৎসমুদয় পালন করিতেছে। আমি

যখন গ্রামে গ্রামে বাই, তখন যদি তোমরা গিয়া স্বচক্ষে তাহাদের ভাব দর্শন কর, তবে জানিতে পার তোমাদের কত ভুল—তাহা হইলেই বুঝিতে পার, এই অল্প কালেই তাহাদের হৃদয় মধ্যে আমার প্রতি কি ভাব দাঁড়াইয়াছে ! তোমরা আমার নিতান্ত হিতেচ্ছু, কিন্তু পুরাতন প্রথার পক্ষপাতে নিতান্ত ভ্রান্ত, এই জগুই এত কথা কহিয়া তোমাদের ভুল দেখাইতে চেষ্টা পাইতেছি, নতুবা 'কিছু দিনে আমার প্রবর্তিত নব পদ্ধতির সফল প্রত্যক্ষ করিয়া আপনাদের ভ্রান্তি আপনারাই বুঝিবে,' শুদ্ধ এই পর্য্যন্ত বলিয়াই ক্ষান্ত হইতাম !”

প্রতিনিধিরা ঘাড় নাড়িয়া সসম্মুখে যুক্তকরে পুনশ্চ নিবেদন করিল, “হুজুবু বাহা আজ্ঞা করিতেছেন, তাহা সত্য হইতে পারে ; কিন্তু তথাপি তাহাতে অনিষ্ট আছে ; কেননা, হুজুরের শক্ররা এই সূত্রে একটা শত্রু ছল ধরিয়া মহারাজার কর্ণ ভারি করিতে পারে !”

দুলীন সবিস্ময়ে বলিলেন “কর্ণ ভারি করিয়া দিবে ! ইহাতে সুখ্যাতি বৈ নিন্দার ছল কি ?”

তাহারা অবনত বদনে হুঃখের একটু মৃদু হাসি হাসিয়া কহিল “হুজুর অতি মহাত্মা ব্যক্তি, এদেশের ধর্মতা ও দৃষ্ট ব্যবহার সম্পূর্ণ জ্ঞাত নন। হুজুরের দেশে যে কাজে যশ, এ দেশে সে কাজে অযশ ও সন্দেহ। হুজুর যে ব্যবহারকে প্রজাবাসন্য, সূতরাং রাজা প্রজা উভয় পক্ষেরই হিতজনক কাজ ভাবিতেছেন, কুচক্রী সভাসদেরা সেই সংকার্য্যোকেই এমন মূর্খিতে গড়িয়া মহারাজার কর্ণে তুলিয়া দিবে যে, তিনি ভাবিবেন প্রজার নিকট সাহেবের এত অধিক প্রিয় হইবার কোন নিগূঢ় ছরতিসন্ধি অবশ্যই থাকিবে ! নতুবা প্রজাবর্গকে এতদূর বশীভূত করিবার চেষ্টা কেন ? আরো ভাবিয়া দেখুন, হুজুর যতই নিঃস্বার্থ ভাবে প্রজাপালক ও প্রজারঞ্জক হইবেন, দৃষ্ট সর্দারেরা ততই আপনার ঘোর বৈরী হইয়া উঠিবে—তাহারা ততই ভয় পাইবে যে, এ ব্যক্তির বর্ণ যেমন আমাদের চেয়ে বহুগুণে শাদা, ইহার কার্ষ্যও যদি তদ্রূপ শাদা হয়, তবে তো আমাদের শাসন-প্রণালীর ক্লেশবর্ণ শতগুণে আরো অধিক কাল দেখাইবে ! এই ভয় প্রযুক্ত আপনার প্রতি তাহাদের ঘোর ঈর্ষা জন্মাইবে। ঈর্ষা হইতে ঘৃণা ; ঘৃণা হইতে মর্মান্তিক শত্রুতা জন্মে কি না এবং তদ্রূপ শত্রুতা হইতে অনিষ্ট চেষ্টা কতদূর সম্ভবে, তাহা আর বিজ্ঞ সাহেবকে এই

ক্ষুব্ধবৃত্তি অধীনগন কি বুঝাইয়া দিবে ? তখন তাহারা সকলে একদল হইয়া ছজুরকে যে নিখা বড়চক্রে ফেলিবে, আশ্চর্য্য কি ? আমাদের দেশে একটা কথা আছে, 'দশচক্রে ভগবান ভূত !' ভগবান মরে নাই, তাহাকে সকলেই স্ব স্ব চক্রে দেখিতে পাইতেছে, এথাপি দশজন চক্র করিয়া সে দেশের রাজার নিকট তাহাকে ভূত করিয়া তুলিল—ভূত বলিয়া সমস্ত লোক পলাইল—রাজাও পলাইলেন ! ছজুরের প্রতি মহারাজার অতিশয় স্নেহ এবং বিশ্বাস থাকিলেও দশচক্রে না হয় কি ? তাহাদের বড়চক্রে দুই একজন বিদেশী 'সাহেবকে পূর্বে অপদস্থ হইতেও দেখিয়াছি ! গুরুজি এমন না করুন, কিন্তু বড়ঘন্টে পড়িয়া মহারাজাকে বুঝিতেই হইবে যে, ছজুর বৃদ্ধি প্রজা বশ করিয়া কাংরা অঞ্চলে স্বাধীন রাজা হইবার চেষ্টায় আছেন ! আমরা ছজুরের একান্ত অধীন—শুধুই পদের অধীন নই—ছজুরের অসীম সন্নিবেচনা ও করুণা শুনে ( বিশ্বাস করুন বা না করুন, কিন্তু সত্য বলিতেছি ) আমরা মনে প্রাণে জন্মের মত শ্রীচরণের অধীন হইয়া পড়িয়াছি—ছজুর ছাড়িলেও আমরা ছাড়িব না—ছজুরের মঙ্গলেই আমাদের মঙ্গল—ছজুর বাড়িলে আমরাও বাড়িব—ছজুরের ব্যাঘাত ঘটিলে আমরাও মজিব ! অতএব দোহাই ধর্ম্মাবতার ! আমাদের এই সব কথা কে বে-আদবী বা কেবল মুখের আশ্রয়তা জ্ঞান করিবেন না, আমরা বিনীত ভাবে নত মস্তকে চরণে ধরিয়া এই প্রার্থনা করি, ছজুর বৃদ্ধি চলুন—সর্দারদের রীতি নীতি হইতে বেশী দূরে যাইবেন না এবং এত বড় উচ্চ পদ পাইয়া নিছামিছি কষ্ট করিয়া বেড়াইবেন না !”

প্রতিনিধিদের মধ্যে যে ব্যক্তি সর্সাপেক্ষা প্রাচীন, সে তখন পূর্ব বক্তার প্রতিপোষক স্বরূপ অতি গম্ভীর ভাবে বলিল—

“ধর্ম্মাবতার ! অধিক টানাটানি করিয়া ধনুকের গুণ দিলে, হয় ভাঙ্গে, নয় ছিঁড়ে ! অতএব বেশী প্রজাবাৎসল্য উচিত নয় ! শরীরকেও অধিক কষ্ট দিবেন না—দু চারি দণ্ড বৈ গুদিতে কাজ করিবেন না ! যেমন বয়স, আর যেমন পদ, তারির মতন সুখভোগ করুন ! ভাল দেখিয়া একটা পঞ্জাবী মুসলমানী কন্যাকে বিবাহ করুন ! জীবন পয়পাতার জল, টল্ টল্ করিতেছে, এই বেলা সুখের মুখ দেখিবেন না তো কবে আর কি হইবে ?”

তুলীন হাসিয়া বলিলেন “আগি গরীব—আমাকে ভাল লোকে য়েয়ে দিবে, কেন ? আর দিলেই বা এখন আমি সংসার চালাই কিম্বা ? তবে এই কথের

বসিয়াছি মাত্র—কিছুকাল না গেলে তো সক্ষম হয় না । তার আবার, তোমরা ধেরূপ বলিতেছে, তাহাতে এ কর্ম কবে আছে কবে নাই !”

সকলেই একবাক্যে সবিস্ময়ে বলিয়া উঠিল “গরিব ! কাংরার শাসনকর্তা গরিব ! আজ্ঞা করুন, নজরানা আর নূতন বন্দোবস্তিতে দুই এক মাসের মধ্যেই নিদেন লাখ টাকার উপায় করিয়া দিই ! হুজুর সে দিকে কিছুই করিতেছেন না, অমনি অমনি প্রায় রিক্ত হস্তেই লোকে বন্দোবস্ত করিয়া যাইতেছে—যা যৎকিঞ্চিৎ সেলামি দিতেছে, তাকে রিক্তহস্ত বলাই ত্রায্য ! এই সকল দেখিয়াই তো অধীনেরা অত্যন্ত দুঃখিত হইয়া হুজুরকে দেশের রীতি নাতি পদ্ধতি জানাইবার জন্ত সাহস করিয়া আসিয়াছে—চিরকাল কাংরার হিন্দু রাজারা, তার পরে শিখ সদারেরা যাহা করিয়াছেন, হুজুর তাহা না করেন কেন ?”

ভুলীন পুনর্বার হাসিয়া স্নেহ অথচ গাম্ভীর্য সহকারে শেষ উত্তর দিলেন “আমার প্রতি তোমাদের আন্তরিক আনুরক্তি এবং আমার মঙ্গলের নিমিত্ত তোমাদের একপট বন্ধদেখিয়া আমি সন্তুষ্ট ও বাধিত হইলাম—তজ্জন্ত তোমাদের যাহাতে ভাল হয়, সে ভার আমার উপর রহিল । কিন্তু তোমাদিগকে পরিষ্কাররূপে বুঝাইয়া দিতেছি ও বলিয়া রাখিতেছি, অশ্রা বা পীড়ন দ্বারা অর্থ শোষণ বা স্বার্থ সাধন আমার সরকারে হইবে না—তোমাদিগকেও তাহার ছন্দাংশে যাইতে দিব না । অতএব সকলকেই ভাল করিয়া বলিয়া দিবে যে, আমার অনুযাত্রী অধীন কর্মচারীদের মধ্যে যে কেহ সেরূপ উপার্জন করিবে, সে আমার পরমাত্মীয় হইলেও, তৎক্ষণাৎ উচিত দণ্ড সহিত বিদায় অব্যর্থ । আমি জানি, তাহারা পূর্বহারে যে বেতন পায় তাহা অত্যল্প, তাহাতে ভদ্রলোকের সংসার চলিতে পারে না—পদোচিত মান মর্যাদা রাখা তো দূরের কথা—আমি শীঘ্রই তাহার প্রতিকার করিব ; কার্যোপযোগী ও গুণানুযায়ী যথেষ্ট বেতন ( সরকারের অবস্থানুসারে ), সকলেরই বাড়াইয়া দিব—কেহ অসন্তুষ্ট থাকিবে, কি চলে না বলিতে পারিবে, এমন জো রাখিব না । কিন্তু আমার অজ্ঞাত বা অনভিমত কোনরূপ উপায়ে—কোন সূত্রে—কোন ছলে—‘প্রজারা স্বৈচ্ছায় দিয়াছে’ বলিয়াও কোন শ্রেণীর প্রজা, অর্থাৎ, প্রতিদ্বন্দ্বী, ব্যবসায়ী বা পর্যটক প্রভৃতির নিকট কেহই এক কপর্দকও লইতে পারিবে না । আমি সত্বরেই এই মর্মে রাজ্যমধ্যে এক ঘোষণা প্রচার করিব ।

“ভাবিয়া দেখ, বেতন বৃদ্ধির এই নূতন প্রথা প্রচলন দ্বারা কেবল আমিই একাকী ক্ষতিগ্রস্ত হইব—রাজকোষে যাহা পাঠাইবার, তাহার বৃদ্ধি বৈ ন্যূনতা হইবার নয়। সুতরাং এই নব প্রণালীতে প্রতি মাসে যে অর্থরাশি ব্যয়িত হইবে, তাহা আমারই যাইবে। বল দেখি, কি জন্তে এত ক্ষতি স্বীকার করিতেছি? একি কেবল অন্য়, অধর্ম আর পীড়ন নিবারণ উদ্দেশে নয়? তোমরা আপনাই তো বলিলে, আমি পূর্ব-রীত্যনুসারে প্রজার অর্থার্ষণ করিলে কেহই আমার নিন্দা করিত না, প্রজারাও অতুষ্ট হইত না, রাজ-সভা-সদেরাও অমুরাগ ও সহানুভূতি বৈ বিরাগ ও শক্রতা দেখাইত না। অতএব নিজের স্বার্থনাশ বৈ স্বার্থ সাধনার্থ যে ইহা আমি করিতেছি না, ইহা কে না বুঝিবে?

“এ কথা শুনিয়া তোমাদের অন্য় প্রাপ্তি গণ্ডার হানি হইল বলিয়া কেহই আর শোক, দুঃখ, অসন্তোষ অনুভব করিতে পার না। যেহেতু তোমাদের অন্য় প্রাপ্তি যে বেতন, ক্রমে ক্রমে তাহার তো প্রচুর বৃদ্ধি হইতে চলিল। তাহাতেও পূর্বাপেক্ষা যদি তোমাদের আর কিছু কম বোধ হয়, তবু প্রধানের এত অসীম ক্ষতি স্বচক্ষে দৃষ্টি করিয়া তোমাদের যৎকিঞ্চিৎ লভা-হানিতে ক্লক হওয়া ভদের উচিত নয়।

“অতএব শেষ কালে সার কথা এই যে, এরূপ বিচার বিবেচনার উপর নির্ভর করিয়া যে ব্যক্তি সন্তুষ্ট চিত্তে কাজ করিতে না পারিবে, সে আমার সহচর থাকিবার অযোগ্য—সে নিতান্ত অমান্বিক ও স্বর্গপরায়ণ, লোভী ও নিষ্ঠুর, সুতরাং এমন পাপাসক্ত কন্য়চারী আমি চাই না—সে অন্ত্র চলিয়া যাউক। যে ব্যক্তি আমার অধীনতার থাকিয়া স্বীয় উন্নতির বাসনা করিবে, তাহাকে আমার আচরণকেই আদর্শ করিয়া সন্তোষে কাল কাটাষ্টতে হইবে—পূর্ব প্রথা ও পূর্ব প্রভুকে তাহার স্মরণ হইতে তুলিয়া ফেলিতে হইবে! তোমরা আর সকলের প্রতিনিধি, তোমরা আমার এই অবিচলিত, অভিপ্রায় এবং এই অখণ্ডনীয় নিয়ম অতি পরিষ্কার রূপে সকলকেই জানাইবে ও আপনারাও জানিবে—দৃঢ়রূপে ইহার অব্যর্থ ভাব তাহাদের ও তোমাদের মনে অঙ্কিত করিয়া রাখিবে।

“আর তোমরা যে আমীর ও সর্দারগণের শত্রুত্বভার ভয় করিতেছ—মহর্গ-রাজার কুসংস্কারের ভাবনা ভাবিতেছ, তাহা আর ভাবিও না। ঞ্চার আর দয়ার

পথে থাকিয়া যদি বিপদ ঘটে—যদি সহস্র সহস্র শত্রু জন্মে—যদি শত প্রভুর ক্রোধোদয় হয়, আমি তাহাতেও ভয় করি না—আমি তজ্জন্য কর্তব্য হইতে তিলমাত্র শিথিল হইব না ! যাও, তোমাদের নূতন প্রভুর প্রকৃত মন তো জানিয়া গেলে, এখন তদনুসারে অথবা দয়া ও ধর্মের উপদেশানুসারে যাহার যাহা কর্তব্য, তৎপালনে অবিচলিত থাক গে !”

### একাদশ পরিচ্ছেদ ।

নবশাসন ।

পাঠক ! এ পরিচ্ছেদের কিয়দংশ নীরস হইলেও পড়িবেন । কেননা, কাজে লাগবে ।

দুলীন এইরূপে দার্য্য আর দয়া, ভয় আর মৈত্রতা মিশ্রণ পূর্বক অচিরেই সিদ্ধ-মনোরথ হইলেন । সর্ব বিভাগেই সন্নিবেচনা পূর্বক বেতন বৃদ্ধি করিয়া দিলেন । যোগ্যতা ও বিশ্বসনারতা অনুসারে ভবিষ্যতে ক্রমে ক্রমে আরো বৃদ্ধি হইতে পারিবে, তাহার সোপান-বদ্ধ নিয়ম নির্ধারণ করিলেন । তাহাতে অসন্তোষবাহি নিকাশিত হইল—ক্রমে প্রায় তাবল্লোকই তাহার মহদাভিপ্রায়ের মর্মান্বধারণে সমর্থ হইয়া পরম সন্তোষ ও যশোগান সহিত কার্য্য করিতে লাগিল ।

বিশ্বাসী, অনুগত, সুদক্ষ ও গ্রায়পরায়ণ লোক বাছিয়া তাহাদের হস্তে শান্তি-কাযের (পালসের) ভারার্ণন করিলেন ; শান্তিরক্ষা ও অগ্রাগ্র শাসন উদ্দেশে সমস্ত প্রদেশকে তিন ভাগে বিভক্ত করিয়া লইলেন । প্রত্যেক ভাগের মধ্য হইতে সচ্চারিত্র, সম্ভ্রান্ত ও সুযোগ্য ধনী ভূম্যাধিকারী বাছিয়া তাহাদিগকে তত্রত্য অবৈতনিক ফৌজদার রূপে নিযুক্ত করিলেন—শান্তি সঙ্কীর্ণ লঘু ও সামান্ত বিচার তাহারা করিবেন—গুরুতর বিষয় তাহারা তদারক করিয়া চূড়ান্ত মীমাংসার নিমিত্ত সদরে পাঠাইবেন । এক এক জন বৈতনিক কোতয়াল তাহাদের আংশিক তত্ত্বাবধানের অধীনতায় নিযুক্ত হইল । সেই তিন জন নিয়ম কোতয়ালের উপর বরূকে প্রধান সদর কোতয়াল ও ধরূকে তৎসহকারী করিলেন । ঐ সকলের সহকারী, অনুচর ও গ্রাম্য প্রহরা প্রভৃতির বিশেষ উল্লেখ বাহুল্য । ইতিপূর্বে বিবিধ শান্তিভঙ্গ ও দস্যু তঙ্করাদির উপদ্রব অসহ্য পরিমাণে বৃদ্ধি হইয়াছিল এবং যাহার যাহা ইচ্ছা, তাহাই করিয়া পার

পাইত; বিশেষ দুর্বলের প্রতি সবলের অত্যাচার ঘোরতর বাড়িয়াছিল। এক্ষণে অল্পকাল মধ্যেই সে সকলের তিরোভাব ও সর্বতোভাবে নিরাপদ অবস্থার আবির্ভাব দেখিয়া প্রজালোক বার পর নাই আনন্দিত ও কৃতজ্ঞ হইয়া উঠিল। বিশেষতঃ স্থানে স্থানে জঙ্গলাদি কাটিয়া নানা প্রকারের ক্ষুদ্র বৃহৎ নূতন রাজপথ সমূহ নিষ্কাশন করিতে গমনাগমন, বাণিজ্য বাবসায় ও দস্যুদি দমনের সম্পূর্ণ সুবিধা ঘটয়া প্রজালোকের আরো সুখ-সন্তোষের কারণ হইল।

কাংরা রাজ্য প্রবেশের কয়টি প্রকাশ্য অপ্রকাশ্য বস্তৃশিরে 'কয়টি ক্ষুদ্র পার্বতীয় দুর্গ ছিল। তুলীন আত্মসত্ত্ব তাহাদের জীবনসংস্কার সাধন পূর্বক প্রত্যেকটিতে কামান ও অল্প বিস্তর সৈন্য রাখিলেন। বিশ্বাসী ও উপযুক্ত সৈনিক কৰ্মচারী নিৰ্বাচন পূর্বক তাহাদিগকে ঐ পথ-সীমার দুর্গরক্ষক পদে নিযুক্ত করিলেন। তান খেমন দণ্ডবরের সনয়ে বিনা বাধায় দুর্গদ্বার পযাস্ত আসিতে পারিয়াছিলেন, তাহার বা মহারাজার কোন বিপক্ষ সহসা সেরূপ না আসিতে পারে, এই জ্ঞানই ঐ ব্যবস্থা হইল।

তুলীন মধ্যে মধ্যে মৃগয়ায় যাইতেন। ভূম্যধিকারীদের মধ্যে যে কয়জন সম্ভ্রান্ত লোক ছিলেন, তাহার। সময়ে সময়ে স্ব স্ব অধিকারে মৃগয়ার্থ শাসন-কর্তাকে নিমন্ত্রণ করিয়া লইয়া যাইতেন। সেই উপলক্ষে এবং দূরস্থান সকল পরিদর্শনার্থ যখনই কয়েক দিনের নিমিত্ত অত্র গমনের প্রয়োজন পড়িত, তখনই তিনি সর্বপ্রকারে সুযোগ্য হাকিম সিংহের হস্তে দুর্গভার গুস্ত রাখিয়া আবশ্যকমত সহচর সমভিব্যাহারে যাত্রা করিতেন। কখন বা কোন দুর্দান্ত বন-দস্যুপতির সন্ধান পাইলে এবং শান্তিরক্ষক-দল-কর্তৃক তাহার দমন অসাধ্য হইলে, তদুচ্ছেদ সাধন জন্ত সৈন্য সহিত তাহাকে সমজ্ঞ হইয়া নিজেও যাইতে হইত। তৎকালে তদ্রূপ বন-দস্যুর সংখ্যা ও উৎপাত অত্যাধিক—তাহারা মৃগয়া-বধ্য হিংস্র জন্তু অপেক্ষাও নিষ্ঠুর ও ক্রুর-কৰ্ম্মা ছিল।

তুলীন এক বৎসরের মধ্যেই সেই সব ভীষণ দস্যু তৎস্বরের হস্ত হইতে কাংরা রাজ্য নিরূপদ্রব করিয়া তুলিলেন। তজ্জন্ত ও সর্ববিধ সদনুষ্ঠান জ্ঞানই প্রজারা মনের সহিত তাহাকে আশীর্বাদ করিতে প্রবৃত্ত হইল। ফলতঃ সুশাসনের সৎফল এমনি আশ্চর্যরূপে শুভ যে, কিয়ৎকাল পূর্বে যে সকল জনপদ জনশূন্য স্থাপদসঙ্কুল অরণ্যবৎ বা বিরল-বসতি হইয়া উঠিয়াছিল, ঐ বৎসরের মধ্যেই সে সব স্থান পুনর্বার প্রজাপুঞ্জ পরিপূর্ণ, কণ্টকাকীর্ণ



ক্ষেত্র সকল পুনর্বার শস্তপূর্ণ এবং সর্বস্তলই ব্যবসায় বাণিজ্যের কোলাহলে  
নির্নাদিত হইয়া উঠিল ! পূর্বে যাহারা পৈতৃক ভিটা ছাড়িয়া অত্যাধিকারে  
পলাইয়া গিয়াছিল, তাহারা তো এখন পূর্ণানন্দে প্রত্যাবৃত্ত হইলই,  
অধিকন্তু চতুর্দিকস্থ অত্রাণ অধিকার হইতেও তথাকার নিপীড়িত মানবসংঘ  
স্ত্রী পুত্র লইয়া দলে দলে কাংরার সুখাধিকারে আসিয়া ভূমি লইয়া বাস ও  
কৃষি বাণিজ্যাদি করিয়া পরম সুখী হইল ।

ক্রমে চাঁদ গাঁর বহু পত্র আইল—বহু উত্তর গেল । দরবারের সহিত  
লেখালোথ অধিক চলিল না । সাধারণতঃ ছলানের সকল অনুষ্ঠানই  
মহারাজার অনুমোদনীয় ও আন্তরিক সন্তোষোৎপাদক হইল ।

মহারাজার মনের কথা ফকিরজী যেমন জানিতেন, এমন আর কেহই না ।  
রাজাস্তঃকরণ জানিবার জন্ত ফকিরজীর গোপনীয় পত্রই অমোঘ উপায় । ছলী-  
নের প্রতি ফকিরজী নিতান্তই অনুকূল—পঞ্জাবের উচ্চপদস্থ সচিবশ্রেণীর মধ্যে  
আজিজুদ্দিনের গায় বিচক্ষণ মন্ত্রী এবং তেমন নিঃস্বার্থ রাজ-হিতৈষী রাজ-বন্ধু  
আর কেহই ছিলেন কি না সন্দেহ ; সুতরাং ছলীনের গায় গায়পরায়ণ, বিশ্বাসী,  
কৃতজ্ঞ, চাটুকারিতা-শূন্য, সুদক্ষ কন্সচারী দ্বারা ভূপতি ও প্রকৃতিপুঞ্জ উভয়  
পক্ষেরই যে অশেষ ইষ্টসিদ্ধির সম্ভাবনা, তাহা তিনি (দিব্য চক্ষু দেখিবার মত)  
বুদ্ধিতে পারিয়াছিলেন ; কাজেই তেমন সৎভৃত্যের পৃষ্ঠরক্ষা রূপ মহৎ কাৰ্য্যকে  
তিনি আপনার অবশ্য-প্রতিপাল্য কত্তব্য মধ্যে গণ্য করিয়া লইলেন । বিশে-  
ষতঃ সদাশয় মহদস্তঃকরণ, সদাশয়ের প্রতি স্বভাবতঃই আকৃষ্ট হয় । তদনুসারে  
প্রথম আলাপ অব্যাহত হ্রালনের প্রতি আজিজুদ্দিন প্রেমাকৃষ্ট ছিলেন । তিনি  
মধ্যে মধ্যে কাংরায় যে সব গোপনীয় পত্র প্রেরণ করিতেন, তাহাতেই তাহা  
প্রকাশ পাইত । সে পত্রগুলি সেই পূর্ব-বার্ণত সাক্ষেতিক অক্ষরে লিখিত—  
সে সঙ্কেত আজিজুদ্দিন এবং ছলীন ব্যতীত আর কেহই জানিত না, সুতরাং  
অন্য কাহারো হস্তে পড়িলেও রহস্য উদ্ভেদের শঙ্কা মাত্র ছিল না ।

ছলীন যে কয়খানি তদ্রূপ পত্র পাইয়াছিলেন, সকলগুলিই তাহার কাৰ্য্যা-  
নুমোদক—সকলই অনুরাগ-ব্যঞ্জক—সকলই উৎসাহ-বদ্ধক । পত্র গুলির  
সাধারণ ভাব এই ;—“যে রূপ করিতেছেন, উত্তম হইতেছে, তাহাই করবেন ;  
ঈশ্বর ও নেমকের চাকরের জয় অবশ্যই জানিবেন—অচিরে ইহার পুরস্কার  
পাইবেন ; ইহাতে সন্দেহ করিবেন না ! ইত্যাদি ।”

সে সময় তেমন হস্তের তেমন লিপি তুলীনের পক্ষে বড় কার্যকারী ও বলপোষক হইয়াছিল। তিনি যেরূপ ধর্মপথে থাকিয়া প্রাণপণে কেবল মহারাজা ও প্রজার মঙ্গলোদ্দেশ্যেই অসাধারণ আয়াস করিতেছিলেন, তাহাতে মহারাজা তাঁহার গুণের পরিমাণ বুঝিতে না পারিলে তাঁহার মর্যাদাত্তিক হুঃখাভিমান হইত। তদ্রূপ দুঃখ হইতেই মনুষ্যের হৃদয় ভগ্নোৎসাহ ও নিরাশ্বাস হইয়া পড়ে। সুতরাং তুলীনেরও হইত। ভগ্নহৃদয় হইলে তাহা হইতে আর তেমন সকল মহৎ কার্য্যানুষ্ঠান কদাচই সম্ভাবিত হইত না। সুতরাং শত্রুদল ছল পাইয়া সকলই বিপর্যাস্ত করিয়া তুলিত।

কিন্তু তদ্রূপ পত্র আসাতে কি হইল ? তুলীন জানেন, ফকিরজীর প্রতিষ্ঠাও যা, মহারাজারও তা ! অতএব গুণগ্রাহক প্রভু-কর্তৃক স্বকীয় ব্যবহারের মন্যাবধারণ ঘটিতেছে, এহ যে একটা সংস্কার, ইহাই তাঁহার পরিশ্রমকে সার্থক বোধ করাইতেছে—ইহাই তাঁহাকে সম্পূর্ণরূপে পুরস্কৃত করিতেছে এবং আর আর দিকে ঘেঘ হিংসার এত যে প্রতিকূলতা, তাহা তাঁহার স্মৃতি হইতে তাড়াইয়া দিয়া তাঁহার উৎসাহকে শতগুণে বৃদ্ধি করিয়া দিতেছে !

আমরা অনেকক্ষণ আলিবদ্দির কথা তুলিতে সুযোগ পাই নাই—সে গুরু বিষয় বর্ণনায় আর শৈথিল্য উচিত নয়।

যথাকালে আলিবদ্দি ফিরিয়া আসিয়াছে—বিরক্ত ভাবে নয়—বিফল হইয়া নয় ! সপ্তজন কয়েদী—সেই নদীপুলিনের (নালার ধারের) আক্রমণকারী সপ্তজনকে ধৃত করিয়া লইয়া আসিয়াছে। তাহারা প্রথমে সমস্তই অস্বীকার করিয়াছিল, শেষে খয়রাতালির চতুরতায় এবং আলিবদ্দির ভয় মৈত্রতা কৌশলে মুক্তকণ্ঠে সকলই ব্যক্ত করিল এবং প্রকাশ্য বিচার স্থলেও ব্যক্ত করিতে সম্মত হইল। কিন্তু এত অল্প কথায় এ বিষয় সারিয়া দিলে চলবে না—কি আশ্চর্য্য কৌশলে আর কি অসাধ্য সাধনে তাহাদিগকে ধরিল ও তৎসূত্রে কি কি ঘটনা ঘটিল, তাহার সংক্ষিপ্ত বর্ণনা পাঠক মহাশয়কে উপহার দেওয়া উচিত। অতএব আলিবদ্দি যে মৌখিক বিজ্ঞাপন দিয়াছিল, তুলীনের দৈনিক পুস্তক হইতে তাহার সারসংগ্রহ নিম্নে প্রকাশ করিতেছি।

এই সাত জনই চৌর্যাদি বহুতর দুষ্কার্য্য-ব্যবসায়ী। তন্মধ্যে চারিজন জাতিতে ইতরাপেক্ষাও ইতর—হিন্দুও নয়, মুসলমানও নয়—তাহারা যে কি, তাহা তাহারা আপনারাও জানেন না। ফলতঃ তাহারা কোন ধর্মেরই ধার

ধারে না—কেবল দস্যুতা, লুঠ, নরহত্যাদি পাপে বাস্ত্যাবধি অভ্যস্ত । যাহা-  
দিগকে ইংরাজীতে “Criminal Tribe” বলে, তাহারা তাই । অপর তিন  
জনের কেহ গুজর, কেহ কঞ্জর, কেহ চামার । রাষ্ট্রবিপ্লব, বিগ্রহ ও বিদ্রোহাদির  
কালই তাহাদের অভ্যুদয় পক্ষে সুসময় ! কোনরূপ কুচের সুযোগ বা গোল-  
যোগ দেখিলেই তাহারা গোলেমাতে দলে মিশিয়া যায় । তদনুসারে সাহেবের  
কাংরা-বাহিনীতে মিশিয়াছিল । তাহাদের দর্শন-শক্তি স্বভাবতঃ বা অভ্যাস  
বশতঃ অতি তাব্র—অল্প কালেই সাহেবের এবং প্রধান কামচারিগণের ভাব-  
গতিক জানিয়া গুনিয়া বুঝিয়া লইল—কে বা সাহেবের প্রিয়, কে বা নয়,  
ইত্যাদি সহজেই উপলব্ধি করিল । সুতরাং সাহেবের প্রতি নন্দের যে ভাব,  
তাহা বুঝিতেও তাহাদের অধিক সময় লাগে নাই । তাহারা যুক্তি করিল, তবে  
তো নন্দের দলে মিশিলে কাজ হইতে পারে—সাহেবের বিশ্বাসী দলের কেহই  
যে তাহাদিগকে বিশ্বাস করিবে না ও কাছে ঘেঁসিতে দিবে না, তাহা তাহারা  
জানে ! অতএব নন্দ-পক্ষে ঘেঁসিতে লাগিল !

একদা তাহারা নন্দের অনুগত মহম্মদ না নামা সামান্য সৈন্যধ্যক্ষের মুখে  
এমন ইঙ্গিত শুনে যে, জনকত সাহসী লোক যদি একটা বিশেষ গুপ্ত কাজ  
করিতে পারে, তবে অনেক টাকা পুরস্কার পায় । তৎক্ষণাৎ খোলাখুলি—  
তৎক্ষণাৎ পাচশত মুদ্রা চুক্তি ! ষড়ঘন্টের মধ্যে সর্ব লোক জন প্রবেশ করিল ।  
তন্মধ্যে চারিজন কাংরা প্রদেশের লোক—তাহারা পথ ঘাটের তাবৎ সন্ধান  
জানে—তাহাদের উপদেশ ক্রমেই নালায় গভটী হত্যার সংযোগ স্থল রূপে  
নির্গীত হয় । কিন্তু উপযুক্ত অধ্যক্ষ অভাবে বন্দোবস্তটী সর্বাপ-সুন্দর হইতে  
পারে নাই—নিয়োগকর্তার নিজে তো তত নিকটে গিয়া তত্ত্বাবধান করিতে  
সাহসী হইল না এবং হত্যাকারীরা হুর্কৃত বটে, কিন্তু বস্তকর্তৃক ভীক ভাবা-  
পন্ন । এই জন্তই ঈশ্বরানুকম্পায় ধর্ম্মে ধর্ম্মে সে দিন রক্ষা হইয়াছিল !

হুঁস্মারা স্বপ্নেও ভাবে নাই, একরূপে ধরা পড়িবে—একে বন, তায় অন্ধ-  
কার, চিনিবার কি দেখিতে পাইবার সম্ভাবনা কি ? বিশেষ তাহারা পদচিহ্ন  
লুকাইবার জন্ত যেরূপ কৌশল করিয়াছিল—একবার নদী পার, পূর্ব পদাঙ্কের  
উপর পা দিয়া পুনর্বার নদী পার, স্বল্পে ঘোটক বহনাদি ব্যাপার ( যাহা পূর্বে  
বর্ণিত হইয়াছে ) এবং নিম্নে বর্ণনীয় যেরূপ অদ্ভুত উপায়াবলীর শরণ লইয়া-  
ছিল, তাহাতে ধরা পড়িবার আশঙ্কা হইতেই পারে না ।

গোড়-গোয়েন্দাদের জন্য ভয় ছিল, কেননা সে দেশে সেরূপ গোয়েন্দা যে আছে, ও তাহাদের দ্বারা ছর্কুত্তগণ যে সর্বদা ধরা পড়ে, তাহা তাহার! জানিত। 'কিন্তু ছর্কুনের যমদূত রূপী অমন নিপুণ "গোড়গোয়েন্দা" যে চমু মধোই রহিয়াছে, এবং হনুমান যেমন রাম-গত প্রাণ, সাহেবের সেইরূপ ভক্ত আলিবর্দি যে ঐ গোয়েন্দাদের অবিশ্রান্ত ও একান্ত পরিচালক হইবে, তাহার! তাহার অনুমাত্র ও আভাস পায় নাই! ফলতঃ খয়রাতালি ও ওয়াবালি যে অসাধ্য সাধন করিয়াছে, কোন সুশিক্ষিত "গ্রে হাউণ্ড" কুকুরও তেমন পুঙ্খানুপুঙ্খরূপে পলাতকের গন্ধানুসরণ করিতে পারে না! এবং আলিবর্দিও যে স্নান্যবসায়, সাহস ও সর্হক্ষতা দেখাইয়াছে, তাহা অঙ্গনানন্দনের সীতা অন্বেষণ হইতেও নিম্নতর শ্রেণীর বলা যায় না! আবার তাহার দৃষ্টান্তে ও পারিতোষিকের লোভে (প্রভুভক্তিতেও বটে) তৎসহচর সৈনিকগণও সামান্ত সহকারিতা করে নাই!

কিন্তু শিকারী কুকুর যেমন চতুর, পলাতক শৃগালও তেমনি ধূর্ত! ঐ সাত জন চোর তাহাদের পদানুসারী দলকে যে কষ্ট দিয়াছে, তাহা আর বলিয়া শেষ করা যায় না! অনুগামী দল কতবার মনে করিত, এইবার ধরিলাম— অদ্যই ধরিব—কিন্তু হায়! ঠিক মরীচিকার খায় ছর্কুত্তেরা আবার দূরবর্তী হয়—যেন হাত পিছলিয়া পলায়! অধিক কি, যেখানে রন্ধন করিয়াছে, কতবার তেমন স্থলে গিয়া দেখিয়াছে, তখনও চুল্লির অগ্নি সম্পূর্ণ নিবিয়া যায় নাই— তবে তাহার! কখনই অধিক দূরে যাইতে পারে নাই—অমনি আপনার! বিনা আহারে, বিনা বিশ্রামে, অনুসরণে দৌড়িয়াছে, তথাপি ছুট্টেরা আয়ত্ত হয় নাই! পার্বত্য ও বন্য দেশের পথ অধিক জানে বলিয়াই হউক, কি প্রাণের ভয়ে অধিক দ্রুতগামী হইত বলিয়াই হউক, অথবা অনুগামীদের দলে বেশী লোক জুটাই হউক, কিম্বা পায়ের চিহ্ন দেখিয়া দেখিয়া যাইবার বিলম্ব বশতঃই বা হউক, দ্বারা ধরা পড়িয়াও পড়িত না—এই হেতুতেই কার্য-সিদ্ধি হইতে এত দীর্ঘ সময় লাগিয়াছিল।

পদচিহ্নের অপহব জন্ত ছুরাঝারা কত অসামান্ত কৌশল অবলম্বন করিত—কতক দূর গাছে গাছে, ডাল বাহিয়া বাহিয়াও পলায়ন করিয়াছে! কিন্তু খয়রাতালি ও ওয়াবালি ভুলিবার লোক নয়—এ ব্যবসায় তাহার! সুপ-প্রিত—স্বয়ং চাণক্য! যেখানে আর কেহ কোন চিহ্নই দেখিতে পার না,

তাহারা—বিশেষ খয়রাতালি—তেমন স্থলেও ভৌতিক দৃষ্টির গ্রাম অদ্ভুত দর্শন-শক্তির পরাকাষ্ঠা দেখাইয়াছে !

আলিবর্দি পরিচয় দিল “একদা, হজুর, ভাবিলাম, আর কেন ? সমুদয় পরিশ্রমই পণ্ড হইল । অতএব নৈরাশ্রের ক্রোধে খয়রাতালিকে গালি দিয়া বলিলাম ‘আর কেন মিছা ঘুরাচ্ছিস, মিথ্যাবাদী বজ্জাং জুরাচোর ? কৈ, মা’ন্বের পার দাগই তো আর নাই—তবে আর কি ছাই দেখে পিছু লা’গ’বি ?’ খয়রাতালি হাসিয়া ‘কি দেখে ? এই দেখ !’ বলিয়া একটা দাগ দেখাইল—সে মনুষ্যের পায়ের দাগ হইতেই পারে না, স্ততরাং আরো রাগিয়া বলিলাম ‘তুই গাধা, এ যে ভল্লুকের পায়ের দাগ !’ খয়রাত উত্তর দিল ‘বটে খাঁ সাহেব ! ক্রমে আপনি যখন এ কর্মের আরো কিছু ভাব বুদ্ধিতে পারিবেন, তখন আর খয়রাতালির কথায় এত অবিশ্বাস করিবেন না—এ কি ভল্লুক ? একি সেই আড়ুল-যোড়া খোঁড়া বেটার পা নয় ? সেই বেটাই এদের কুলমুঘল হইয়াছে—হবার হবার তারির দোষেই ইহাদের রাস্তা চিনিতে পারিয়াছি ! আপনি কি দেখেন নাই, সেই নালার ধারেই আমরা তাদের প্রত্যেকের পায়ের গড়ন আর মাপ টাপ সব ঠিক ঠাক করিয়া লইয়াছিলাম । এদের দলে খুব চালাক লোকই আছে, কেবল এই বোকা খোঁড়া বেটা মনে করে, মাঝে মাঝে পাখানাকে মুচ্ড়ে মুচ্ড়ে গোলালো করিয়া ঠকাইব ! কিন্তু খয়রাতকে সে জানে না—সে যদি তাহার পা আকাশে তুলিয়া মাথা দিয়া চলিয়া যায়, তবু খয়রাত তাহাকে ধরিতে পারে !’ ইত্যাকারের বচনের পর যাহা বুঝাইয়া দিল, তাহার ভাব এই ;—

“একটা বাঁশবনের নিকটস্থ হইয়া ( তত নিকট নয়, যথা হইতে মানুষে বাঁশের গোড়ায় উঠিতে পারে ) ঐ খোঁড়া বেটা ভল্লুকের মতন পা করিয়া দাঁড়াইয়াছিল, একে একে আর ছয় জন দূর হইতে লাফ দিয়া দিয়া তাহার ঘাড়ে উঠিয়া হাত বাড়াইয়া বাঁশ ধরিয়া শেষে খোঁড়াকেও তুলিয়া লইয়া বাঁশের ঝাড়ের উপর পথ করিয়া বহুদূর যায় ! মনে করিয়াছিল, তাহাতে আর তাহাদের কোন চিহ্নও রহিল না । অমন আশ্চর্য্য ক্ষমতাবান গোড়-গোয়েন্দা না হইলে, হজুর, সত্যই আর কোন চিহ্ন ধরিবার উপায় ছিল না !

“হজুর ! এই রূপে তো যাই—পাহাড়, বন, নদী, নালা, অপথ, কুপথ, কাঁটা, ঝোপ—কখন দৌড়, কখন লাফ, কখন গুড়ি গুড়ি, কখন জলে,

কখন গাছে—আহার, নিদ্রা, বিশ্রামের কথা হুজুর সকলই বুঝিতেছেন ! মানুষের বুদ্ধিতে যত ফিকির হইতে পারে, বোধ হয়, তাহারা সব খাটাইয়া ছিল। অধিক কি হুজুর, এক স্থানে তাহারা সকলেই পাশাপাশি উপুড় ভাবে শুইয়া পেটে হাঁটিয়া অনেক দূর গিয়া একের পীঠে আর এক জন, তার পীঠে অপরে, এমনি ভাবে তথা হইতে ঝাঁপ খাইয়া জলে পড়িয়াছিল—তাৎপর্য, পায়ে দাগ মোটেই থাকিবে না ! কখন বা সাঁতার দিয়া স্রোতে বহু দূর গিয়া তবে উঠিয়াছে ! কখন বা উঠিয়া উন্টা পাঁটা গিয়া গণ্ডগোল বাঁধাইয়াছে ! কখন কখন খয়রাত ও ওয়াব সমস্ত দিনে কিছুই ঠিক করিতে পারে নাই ; কখন বা দুই দলে তিন দিকে গিয়া আবার মিলিয়াছে ! কত আর এতাল্লা করিব—তন্ন তন্ন বলিতে গেলে হুজুরের অনেক সময়-নষ্ট হইবে।

“শেষের দুই দিন সাতজনেরই পায়ের দাগ স্পষ্ট দেখিতে দেখিতে চলিলাম—বোধ হইল ক্লান্ত হইয়াছে, আর পারে না। আহারাভাবেই হউক, আর খে জন্মই হউক, শেষে বন ছাড়িল। নন্দনপুর নামে একটা ছোট সহরে গিয়া পড়িল। খয়রাত এবং ওয়াব সহরের চতুর্দিক ঘুরিয়া বলিল ‘আর যায় কোথায় ? বেটারা প্রবেশ করিয়াছে, বাহির হয় নাই।’

“তৎক্ষণাৎ প্রত্যেক ফটক লোক দ্বারা আটক করিয়া সহরের মধ্যে গেলাম। তথায় পায়ের চিহ্ন পাওয়া অসম্ভব, সুতরাং থানায় গেলাম। খুব ভড়ং করিয়া থানাদারকে হুকুমের মত বলিলাম, এই সহরে কয়েক ঘণ্টার মধ্যে সাতজন খুনে বদমায়েস আসিয়াছে, বাহির করিয়া দাও। থানাদার গরম মেজাজ দেখাইল, এ অধীনও আরো অধিক দেখাইতে ক্রটি করিল না। বলিলাম ‘আচ্ছা সিংজী, তোমার যেমন ইচ্ছা; কিন্তু বোধ করি তুমি জান না আমি কে ? মহারাজার সর্কাপেক্ষা পেয়ারের শাসনকর্তা কর্ণেল হুলীন বাহাদুরের আমি এক জন অতি বিশ্বাসী প্রধান কামদার। ছরান্নারা সেই কাংরার অধিতীয় প্রতাপান্বিত শাসনকর্তার প্রাণ হরণে উদ্যোগী হইয়াছিলেন।’

“সিংজী অমনি তটস্থ হইয়া বলিল ‘একথা আগে বল নাই কেন ? আমার মনিব লেনা সিং বাহাদুর হুকুম দিয়াছেন, কর্ণেল হুলীন সাহেব যখন যাহা করিতে বলিবেন, যখন যে হুকুম পাঠাইবেন, তৎক্ষণাৎ তাহা করিবে। তুমি ঠাণ্ডা হইয়া বিশ্রাম কর, এ সহরে যদি ছুট্টেরা থাকে, তবে এখনি পাইবে।’

“আমি বলিলাম জলানুগী ফটকে আমি দলে বলে আছি, সেখানে

আগে তো রসদ পাঠাইবার হুকুম দাও—ক্ষুধায় তৃষ্ণায় আমরা মর মর—  
রসদের মূল্য দিব, সে বিষয়ে আমাদের সাহেবের কড়া হুকুম! আর এক  
কথা—এই লও,সাত জোড়া পায়ের মাপ লও, ইহাতে তোমার তল্লাসের খুব  
সুবিধা হইবে। এই পা বাহার, তাহার খোঁড়া বাঁ পায়ের আঙুল বোড়া;  
আর এই মাপ বাহার, তাহার দুইটা পদই মোচড়ানো; সকলেই খুব জের-  
বার হইয়া থাকিবে, কেননা বহু কাল তাড়া খাইয়া আসিতেছে, আর পেট  
ভরিয়া বড় কিছু খাইতেও পারি নাই!

“এই বলিয়া বিদায় লইয়া জলানুখীর কটকে আসিয়া কিয়ৎকাল বিশ্রাম  
মাত্র করিয়া আহাৰ করিতে বাই, ইহারই মধ্যে থানাদার কার্য্য সিদ্ধি করিয়া  
হাতে হাতকড়ি, পায়ের বেড়ি, পীঠমোড়া বাঁধা, সেই সাত বেটাকে স্বয়ং  
আনিয়া উপস্থিত। ধরিতে বিলম্ব হয় নাই, কারণ অমন ক্ষুধার্ত চেহারা  
সহরে আর কাহারই সম্ভবে না!

“আনিবা মাত্র খয়রাতালি লাকাইয়া উঠিয়া জিজ্ঞাসা করিল ‘সত্য কও  
বাছারা, এই গ্যাংড়া জোয়ানের কাঁধে চড়িয়া বাঁশ বন দিয়া অশ্বখ গাছে  
উঠিয়াছিলে কি না?’ কিন্তু হায়! ছুরাভারা কি তখন, ছজুর, পরিহাস  
রসের রসিক হইতে পারে? না উত্তরে ‘হাঁ’ দিয়া আপনাদের দোষ আপনারা  
স্বীকার করিয়া লইতে পারে?’

হুলীন বলিলেন “উহাদিগকে খাইতে দিয়াছিলে তো?” আলিবর্দি যোড়-  
হাতে উত্তর দিল “ছজুর! আপনার গোলাম হইয়াও কি আ’জো এত নিষ্ঠুর  
রহিব যে, অমন ভুকা জাবগুলোকে খেতে দিব না!”

### দ্বাদশ পরিচ্ছেদ ।

বিচার ও তৎফল ।

পঞ্চায়েতের সাহায্যে প্রকাশ্য দরবারে বসিয়া শাসনকর্তা তাহাদের বিচার  
করিলেন; কিন্তু দরবার গৃহমধ্যে নয়। হুলীনের ইচ্ছা, সৈনিক প্রভৃতি  
সকলেই এই বিচারটা দেখে। তজ্জন্ত হুর্গস্থ রাজপুরীর সম্মুখে মুক্ত স্থানে  
বিচারাসন এবং সম্ভ্রান্ত দর্শকদিগের আসন স্থাপিত হইল। এ বিচারে  
উচ্চ পদস্থ লোক লইয়া টান পড়িবার সম্ভাবনা, পাছে সে জন্ত কোনরূপ  
গোল বাঁধে, একারণ হুলীন পূর্বাঙ্কেই তন্নিবারক বিধানস্বরূপ হাকিম সিং,

আলিবর্দি ও বরু ধরুকে সতর্ক থাকিতে ইঙ্গিত করিয়াছিলেন—তাহারা স্ব স্ব অধীন দলেবলে সুসজ্জিতাবস্থায় বিচারস্থলের চতুর্দিক রক্ষা করিতে লাগিল। যথা সময়ে সাতজন কয়েদী বিচারস্থলে আনীত হইল। আকার প্রকার দর্শন মাত্রই তাহাদিগকে বদ্‌মায়েস বলিয়া সকলেরই বোধ জন্মিল। বিচার-রস্ত্রে আসামিগণকে অপরাধ শুনাইয়া প্রত্যেককে একে একে জিজ্ঞাসা করা হইল—“তুমি দোষী, কি নির্দোষী?” কেহ কেহ ঘাড় নাড়িয়া দোষ স্বীকার করিল—একজন যুবা স্পষ্টে “হাঁ” বলিয়া মাপ চাহিল—“প্রাণ রাখুন, এমন কর্ম আর করিব না” এই বলিয়া কাঁদিয়া ফেলিল এবং প্রশ্ন মত তন্ন তন্ন তাবদ্বিবরণ ধারাবাহিকরূপে স্পষ্ট বলিল! তাবলোক শুনিয়া অবাক! কয়েকজন পাকা দুর্কৃত্ত হাঁ, না, কিছুই বলিল না—ঘাড় শুঁজিয়া দাঁড়াইয়া রহিল—কেবল ঐ যুবকের রোদনকালে কোপনয়নে খট্‌মট্‌ করিয়া তাহার পানে চাহিল! সে যাহা হউক, অধিকাংশ অপরাধীর স্বীকৃত বচনে এবং অশ্রুত অকাটা সাক্ষ্য দ্বারা নন্দ সিং যে তাহাদের নিয়োগকর্তা ও পুরস্কর্তা এবং মহম্মদ সা ও বুদ্ধ মোহন সিং যে প্রধান যোগাড়দার এবং সরবরাহকার, তাহা পরিষ্কার-রূপেই সপ্রমাণ হইল। সুতরাং সেই তিন জনকেও অভিযুক্ত পদে স্থাপিত করা হইল—নন্দ সিং আসীন, অপর দুইজন দণ্ডায়মান রহিল।

সংসারে তেজীরান পাপীর উত্থান সময়ে তাহার পাপাচরণ প্রদর্শনে কেহই সাহসী হয় না, কিন্তু পতন কালে সকলেই ( সুহৃদগণও ) এবং সকল অবস্থাও প্রতিকূল হইয়া দাঁড়ায়। নন্দের আঁজু তাহাই হইল! যাহারা তাহার পরম সহায় ছিল—যাহারা বিরুদ্ধবাদী হইবে বলিয়া স্বপ্নেও সে ভাবে নাই, তাহারাও গুপ্ত কথা ব্যক্ত করিয়া দিল!

কেবল মোহন সিং মাত্র নন্দের নেমকের কাজ করিল—নন্দকৃত ষড়যন্ত্র ও নিয়োগ এবং নিজকৃত অপরাধ মাত্রই প্রথমে কিছুতেই স্বীকার করিল না—বরং বিশ্বয় সহকৃত নির্দোষিতার যুগাই দেখাইল! কিন্তু যখন বিচার-স্থানের পশ্চাতে একটা পর্দা উঠাইয়া তাহার ঘোড়াটা—যে ঘোড়া মরিয়াছে বলিয়া সে ও তাহার প্রভু নন্দ বিজ্ঞাপন দিয়াছিল, সেই ঘোড়াটা—দেখান হইল, তখন সে চমকিয়া উঠিয়া করঘোড়ে কাতরস্বরে বলিল “দোহাই খোদাবন্দ, আর আমার কিছুই বলিবার নাই—এ নিতাস্তই ধর্মের কল! কেবল এই মাত্র নিবেদন যে, এ গোলামকে দুষ্টলোক মিছা কথায় ভুলাইয়া-



ছিল—হজুরকে ঘোর অত্যাচারী বিধর্মী রাক্ষস বলিয়া বর্ণনা করিয়াছিল ! আমার নিতান্তই দুর্ভাগ্য, তাই নন্দ সিং আর মহম্মদের কথায় তখন ভুলিয়া-ছিলাম—তারপর আপনার সদ্যবহার দেখিয়া তাহাদের মিথ্যা কথা ও নষ্টামি বুঝিতে পারিয়া তদবধি কেবল ‘হায় হায়’ রবে বিরলে অনুতাপ করিয়াছি ! আমার এখন আর কোন কথাই নাই—এখন আর কোন আপত্তিই নাই, হজুরের বিচারে যাহা ভাল হয় করুন—পেটের কথা সমস্তই খুলিয়া বলিলাম, দর্শী করেন ভালই, নচেৎ যেমন কর্ম তেমন ফল ভাবিয়া মরিতে প্রস্তুত আছি ! তবে কিনা সহজেই আর বেশী দিন বাঁচবার বয়স নয়, দয়াতে এই টুকু যদি মনের কোণে স্থান দেন তো যথেষ্ট হয় !”

নন্দ সিংকে যখন জিজ্ঞাসা করা হইল, তোমার কিছু কথা আছে ? কেন তোমাকে দোষী সাব্যস্ত করিব না, তৎপক্ষে তোমার আত্মসমর্থন কি ?

তখন নন্দ একবার সর্গর্বে দৃষ্টিপাত করিল মাত্র । অর্থাৎ “আমি আবার এই বিচারকদের কাছে আত্মসমর্থন করিব !” কিন্তু মহম্মদ সা যখন তাহারই স্বক্কে সমুদায় দোষারোপ পূর্বক নিজের দোষোদ্ধারের চেষ্টা পাইল, তখন নন্দের ওষ্ঠাধর ঈষৎ কম্পিত ও নয়ন যুগল কিঞ্চিৎ চঞ্চল দৃষ্ট হইল—তাহাও ক্ষণিক—সেই গর্জিত ও উদ্ধত ভাব তখনি আবার দেখা গেল ! নন্দ সিংহের তাৎকালিক ভাব যদি কোন নবাগত ব্যক্তি দেখিত, তবে তাহাকে অপরাধী বলিয়া কখনই স্থির করিতে পারিত না—অত্যাচার-পীড়িত ব্যক্তিই জ্ঞান করিত ! দৃষ্ট নন্দের একরূপ ভাব ভঙ্গী প্রকাশের গূঢ় তাৎপর্য্যও ছিল, তাহা তখনই প্রকাশ পাইল—বিচার সমাধা হইতে না হইতেই কতকগুলি সৈনিক প্রথমে গালাঘুবা, শেষে সুবিচারার্থ চীৎকার করিতে লাগিল—যেন সুবিচার হয় নাই !

এরূপ হওয়া স্বাভাবিক । নন্দ সিংহ অত্র জাতীয় নয়, শিখ ; ল্যান্সার রেজিমেন্টের অধিকাংশই তাহার স্বজাতীয় ; নন্দ তাহাদের নায়ক ; নন্দের ভ্রাতা ও স্বসম্পর্কীয়গণও সেই দলভুক্ত ছিল এবং তাহাদের আত্মীয় ও আশ্রয়-দাতার মধ্যে অনেকে রাজসভায় গণ্য মাত্র ।\*

\* অধুনা ইংরাজ বিচারালয়ে প্রায় এই রূপই দৃষ্ট হইয়া থাকে । ক্ষেত্ৰজাতীয় অতি সামান্য পদের লোক হইলেও তাহাকে দণ্ডিত করা দুরের কথা, সে কেবল বিচারার্থী হইলেও আর রক্ষা থাকে না—অমনি ইংরাজদলে নানা ভাবের চীৎকার উঠে ! নন্দ সিংহের স্থায় সে ব্যক্তি স্পষ্ট অপরাধী হইলেও সাহায্যের অণুমাত্র ত্রুটি ঘটে না ।

সুতরাং সাহেবের হৃদয় উৎকণ্ঠাবেগে কিঞ্চিৎ চঞ্চল হইল—যখন পঞ্চায়েত সভ্যগণ একবাক্যে নন্দ-প্রমুখ সকল আসামীকেই “সম্পূর্ণ দোষী” বলিলেন, তখন ( নন্দের ) সমুচিত দণ্ডদানে তুলীনের মন কিঞ্চিৎ ইতস্ততঃ করিতে লাগিল । কিন্তু সে চঞ্চল ভাব—সে ইতস্ততঃ ভাব ক্ষণকালের নিমিত্ত ! তখনই ত্রায়তঃ কর্তব্য পালনের প্রতিজ্ঞা স্বরণে আসিল—তখনই মনে মনে স্থির করিলেন, বাহাই বটুক, আততায়ীর প্রাণদণ্ড অত্যাবশ্যক—একবার নয়, পুনঃ পুনঃ আততায়ী—পুনঃ পুনঃ বিশ্বাসঘাতক বিদ্রোহী !

তদনুসারে দণ্ডাজ্ঞা দিলেন যে, ঐ নয়জন সহকারী ছুরাঘাতের বাম স্বকোপরি “খুনে” ও দক্ষিণ স্বকোপরি “বদ্‌মায়েস” শব্দ দাগিয়া দেওয়া হইবে ; প্রত্যেকে দুইশত সংখ্যক কশাঘাত পাইবে এবং লৌহশঙ্খলাবদ্ধ বেড়ি পায় চিরজীবন কারাবাস পূর্বক চারের খাটনি খাটিবে । মোহন সিংহ বৃদ্ধ বলিয়া কশাঘাত পাইবে না । নন্দ সিংহ প্রধান অপরাধী, তাহার প্রাণদণ্ড হইবে !”

আজ্ঞানুযায়ী একটা ফাঁসি কাঠ নিৰ্ম্মিত ও নয়টা খুঁটা পোতা হইল । বিদ্রোহিতা বা কোনরূপ উচ্চ বাচ্য গোলযোগ না হইতে পারে, তৎপ্রতি-বিধানোপযোগী গোপনীয় বন্দোবস্তের কিছুমাত্র ত্রুটি ছিল না । আয়োজনগুলি ধীরে সূত্রে নিস্তরু ভাবেই হইল, আড়ম্বরে নয় । পরদিন নির্দিষ্ট সময়ে সৈন্ত শ্রেণীর মধ্য দিয়া সমভাসদ্ শাসনকর্তা স্বয়ং তথায় উপস্থিত হইলেন । প্রথমে নয়জন অপরাধীর স্বক্কে দাগ দেওয়া ও আট জনের পৃষ্ঠে কশাঘাত হইয়া গেল ।

নন্দকে সম্মুখে আনিতে আদেশ হইল । নন্দের মুখ বিবর্ণ, কিন্তু ভয় বা বিশেষ কোন চাকলোর চিহ্ন নাই, বরং অধিক মাত্রায় অহিফেণ সেবন জুগ্ম আরো উগ্রতর পাশব মূর্তি । আশ্বারোহী ও পদাতিক প্রভৃতি শ্রেণীবদ্ধ, দণ্ডায়-নান : তুলীন তাহাদের, বিশেষতঃ ল্যান্সার রেজিমেন্টের সম্মুখে, নন্দের নিকটস্থ হইয়া ধীরে, উন্নত স্বরে, পাপিষ্ঠের নানা পাপাচারণ অল্প কথায় স্পষ্ট স্পষ্ট বুঝা-তয়া দিয়া শেষে বলিলেন, “এমন হিংসাকারীকে একটা করারে এখনও মার্জনা করিতে প্রস্তুত আছি ; সে করারটা এই—এই ছক্কে যদি কেহ উহার প্রবর্তক বা উৎসাহদাতা থাকে, তবে সেই পশ্চাদ্বর্তী লোকের অপরাধের প্রমাণ সহিত নাম ধাম অর্পণ করুক, তাহা হইলে নিজে বাঁচিতে পারিবে, নচেৎ নয় !”

নন্দের নয়নতারা যেন ব্যাঘ্র-চক্ষুবৎ জ্বলিতে লাগিল—কহিল “কখনই নয় রে, কাফের কুত্তা, কখনই নয় ! তুই অপবিত্র, বিধূর্ষী, স্বেচ্ছ, তোর কাছে

মাপ ! তা কখনই হবে না ! তুই আমার হাতে পেয়েছিস, তাই তুই আমার হাতে বেঁচে গেলি, কিন্তু তোর মৃত্যু-বাণ প্রস্তুত রয়েছে—নিশ্চয় জানিস, তোর কাল ঘুনিয়েছে ! তুই আমার এই তুচ্ছ দেহটাকে নিরে যেমন যা ইচ্ছা কর্ছিস, ওরে বোকা ফিরীঙ্গী ! তেয়ি তোর শরীরের মাংসও শীঘ্র যাতে প'চে প'চে হাড় থেকে খ'সে খ'সে পড়ে, তার উপায় ক'রে গেলাম !”

হয় তো আরো কত বলিত, কিন্তু ছুলীন যথেষ্ট গুনিয়াছেন বোধ করিয়া, ইঙ্গিত দিয়া চলিয়া গেলেন । নিমেষ মধ্যে একটা বন্দুকের আওয়াজ—সাহেবের বাম স্কন্ধে গুলির আঘাত ! সহস্র সহস্র কণ্ঠ হইতে হাহাকার শব্দ ! আঘাতকারীকে তৎক্ষণাৎ শত হস্ত ধৃত করিয়া ছিঁড়িয়া ফেলিতে উদ্যত ! কিন্তু পতনের পূর্বেই সাহেব তাহা নিবারণ করিলেন ! সাহেব দাঁড়াইয়া থাকিতে প্রাণপণে চেষ্টা করিলেন ; বরু ও আলিবর্দি প্রভৃতি দৌড়িয়া আসিয়া ধরিল ; কিন্তু সাহেবের চক্ষু ঘুরিতেছে, আর দাঁড়াইতে পারেন না ! তথাপি যখন আঘাতকারীকে ছিঁড়িয়া টানিয়া আনিল, তিনি চিনিতে পারিলেন নন্দের ভ্রাতা । সাহেব তৎক্ষণাৎ তাহাকে ছাড়িয়া দিতে—দূর করিয়া দিতে হুকুম দিলেন । বলিলেন “ও পাগল ! শত্রুর যোগ্য নয়—কাংরা হইতে চালান দেও !” সে চলিয়া যাইবার কালে ব্যঙ্গ ভাবে সেলাম করিয়া কহিল “ফিরীঙ্গী আবার দেখা হবে !”

শোণিতধারা বেগে পড়িতেছিল—বরু উষ্ণীষ খুলিয়া বাঁধিতেছিল—সাহেব ক্রমে ক্ষীণ হইতেছেন, চক্ষে দেখিতে পান না, মাথা ঘুরিতেছে, আর দাঁড়াইবার শক্তি নাই, তথাপি চতুর্দিকস্থ নৈরাশ্র-দুঃখ-পীড়িত প্রিয় সৈনিকগণকে মৃদুস্বরে বলিলেন ‘তোমাদের মত না লইয়া নন্দসিংকে আমি ফাঁসি দিতাম না—তোমরা বৃষ্টিতে পার, এক স্থানে দুই প্রভু—এক শৃঙ্গে দুই সিংহ—সম্ভবে না ! বিশেষতঃ সাধু আর সমতান ! আমি যত ভালর চেষ্টা পাইব, ও সব উল্টাইয়া দিবে ! কাংরা হইতে আমার চলিয়া যাওয়াও ভাল, তবু অমন পাপাত্মার সঙ্গে স্বর্গস্থখও কিছু না ! উহার আত্মমুখেই আত্ম-দোষ স্বীকার করিল । আমি আর দাঁড়াইতে পারি না—আমার জ্ঞান আর থাকে না, কিন্তু আমি মনে করিলে এখনই উহার প্রাণদণ্ডের আজ্ঞা দিয়া নিশ্চিন্ত হইয়া পড়িতে পারি—সে ক্ষমতা, সে অধিকার আমার আছে ! কিন্তু আমি তাহা করিলাম না—উহার উচিতদণ্ডের ভার তোমাদের উপরেই দিয়া চলিলাম ।” এই পর্যন্ত বলিয়া আর যেন বলিতে পারেন না—তথাপি বর্ধি উচ্চারিত কয়েকটা কথা বদন হইতে বহির্গত হইল ।

কথা কয়টা এই;—“তোমরা মনোনীত কর—হয় আমাকে, নয় নন্দকে—  
নন্দকে চাও তো, আমার আর চিকিৎসা করিও না—আপনিই হইবে !  
আমাকে চাও তো—” এই পর্য্যন্ত বলিতে বলিতে চৈতন্য হারাইয়া বনুর  
বক্ষে পড়িয়া গেলেন !

সকলে একবাক্যে তখনই মনোনীত করিল—সাহেবের শোকে ও নন্দের  
প্রতি ঘোর ঘৃণা আর ক্রোধে উন্মত্ত হইয়া তৎক্ষণাৎ নন্দ সিংকে ধরিয়া অর্দ্ধ  
মৃত্যু টানিয়া লইয়া জল্লাদ দ্বারা ফাঁসি কাঠে ঝুলাইল—এত সহস্র সহস্র  
লোক, রব নাই—নিস্তরু ভাবে বহুক্ষণ থাকিয়া হাকিম সিংহের আদেশানুসারে  
সকলেই স্ব স্ব স্থানে চলিয়া গেল !

জানী ছলীন পূর্ব হইতেই ব্যবস্থা করিয়া রাখিয়াছিলেন যে, দ্বিতীয়  
আদেশ প্রচার না হওয়া পর্য্যন্ত তাহার অনুপস্থিতি, পীড়া বা মৃত্যু ঘটনাতে  
হাকিম সিংহ তাহার স্থলে প্রতিনিধি শাসনকর্তা ও প্রতিনিধি প্রধান সেনাপতি  
হইবেন । তদনুসারে কর্মচারীবর্গের প্রার্থনায় হাকিম পরম দুঃখিতান্তঃকরণে  
প্রতিনিধিত্ব ভারগ্রহণে কাল ব্যাজ করিলেন না—পাছে কর্তা অভাবে ক্ষণ-  
মধ্যেই কুত্তর ও কুচক্র বল করিয়া উঠে, এই ভয়ই ঘর ।

কিন্তু কুচক্রের বিষদস্ত ভাঙ্গিয়াছে—ক্রুর কালীর নাগ অভাবে কালিন্দী হুদ  
নির্বিষ হইয়াছে ! যদিও হুই একজন থাকে, এখন তাহারা বিব হারাইয়া শিষ্ট  
শাস্ত চোঁড়া হইয়া উঠিয়াছে ! ল্যান্সারের অধিকাংশ নন্দের স্বজাতীয় ও  
আত্মীয় বলিয়াই যাহা কিছু সপক্ষতা দেখাইয়াছিল ; কিন্তু ক্রমে তাহার  
ছরচরণের পরিমাণ বৃদ্ধি এবং সর্ব বিভাগীয় সৈনিক বাহের ঘোরতর ঘৃণা ও  
কোপ দেখিয়া তাহাদেরও সম্পূর্ণ ভাবান্তর ঘটিল ! সুতরাং হাকিম সিংহ বা  
আলিবর্দি ও বনু ধনু প্রভৃতিকে গুরুতর দায় কিছুই পোহাইতে হইল না !  
তদ্বিপরীতে বরং সমগ্র বাহিনী, সমগ্র কর্মচারী, সমগ্র ভৃত্যবর্গ, সমগ্র কাংরা-  
বাসী মহা শোকাকুল—নিরাশায় নিমগ্ন—দলে দলে বিষম বদনে কুশল জিজ্ঞা-  
সায় ছুর্গাগত ! অধিক কি, ঘরে ঘরে কয় দিন যথার্থই রোদনরোল উঠিয়াছিল !

এক্ষণে আমাদের আহত প্রিয়বন্ধুর কীদৃশ অবস্থা দেখা উচিত—এ সব  
কথার থাকিলে আর চলে না !

ত্রয়োদশ পরিচ্ছেদ ।

নীলা ।

রোদন-রোগের কারণ—দুর্লীন সপ্তাহকাল মৃতবৎ অচৈতন্য—অবস্থা নিতান্তই সংশয়াপন্ন ! অষ্টম দিবসের সায়ংকালে তিনি চক্ষু খুলিলেন । দুর্লীনের দৈনিক লিপি-পুস্তকে লিখিত আছে ;—

আমার চৈতন্য হইল—বিকৃত ভাবাপন্ন স্বপ্ন হইতে ঘুম ভাঙ্গিল—তখনও মস্তিষ্ক প্রকৃতিস্থ নয়—জ্ঞান, বুদ্ধি, স্মৃতি শিশুর অপেক্ষাও দুর্বল—এরা কেহই স্বকার্য সাধনে সম্যক্ সমর্থ নয়—আমি কোথায় আছি, কি করিতেছি, কিছুই অনুধাবন করিতে পারিতেছি না ! কর্ণে যেন মৃৎ মধুর বামাস্বর অল্প হিল্লোলে প্রবেশ করিতেছে—চক্ষু যেন একখানি স্মমোহিনী বাল্য-মূর্তি দেখিতেছে, স্পর্শেঞ্জিয় যেন সেই কমনীয় মূর্তির নবনীত সদ্‌শ কর-সঞ্চালন অঙ্গে অনুভব করিতেছে এবং ক্ষণপরে যেন সেই সুকোমল হস্তের মন্দ মন্দ সঞ্চালিত ব্যঞ্জন স্পর্শে সর্বাঙ্গ জুড়াইতেছে ! ইহাতে জ্ঞান, বুদ্ধি ও স্মৃতির আরো বিপর্যয় ঘটিল—কিছুই স্থির হইল না—এ কি স্বপ্ন, না মোহকরী বাহু বিদ্যা ? কথঞ্চিৎ এই তর্কাতাষ মনে উঠিল ! আবার চক্ষু বাজলাম—আবার যেন ঘুমাইলাম !

বোধ হইল, আমি এক পর্বত গহ্বরে—চতুর্দিকে নানা দেশস্থ লোক—কাটাকাটি, মারামারি, গুলি গোলা তীর ছোড়া, শিরোপরি অসির বন্ধনা শব্দ ! দৌড়িলাম, পারিলাম না, মস্তকে অসির আঘাত—মূর্ছা ! রমণীর রমণী-হস্তে জল-সিঞ্চনাদি শুশ্রূষা ; এক দৈত্য কর্তৃক সেই অলোক-সামান্য দেব কণ্ঠকে বল পূর্বক হরণ—রমণীর চীৎকার স্বরে রোদন ! আমিও চাৎকার করিয়া জাগিয়া উঠিলাম ! পিপাসার কণ্ঠে-রসনা শুষ্ক—দক্ষপ্রায়—মৃৎস্বরে জল চাহিলাম ! কৃপালে বিন্দু বিন্দু ঘন্থ ঝরিতেছে—সর্ব দেহ কাঁপিতেছে ! মোহিনী বাল্যমূর্তি শয্যাপার্শ্ব হইতে উঠিয়া গেল—বনু সত্বরে সরবতের পানপাত্র মুখে ধরিল ! পানে মিশ্র হইয়া দেখিলাম, অর্ধ-মুক্ত-দ্বারে চৈতনের মস্তক ও মুখ—চৈতনের গণ্ডন্য বাহিয়া অক্ষধারা ! পেস্বেজ্‌নৎ ত্রস্ত হস্তে রমণী-ত্যক্ত ব্যজনী লইয়া বীজন করিতেছে !

বনু হস্ত-সঞ্চালন-জনিত ইঞ্জিতে চৈতন্য দ্বার রুদ্ধ করিয়া চলিয়া গেল ।

সুমিষ্ট সরবত পানে স্মরণ হইয়া জিজ্ঞাসিলাম “আমি কোথায় ? কি হইয়াছে ? এ সব কাহারা ?”

বনু সজল নয়নে স্ময় মুখে অঙ্গুলি দিয়া বলিল, “চুপ করুন, হুজুর চুপ করুন—এখন বেশী কথা না—আপনি বড় কাতর ছিলেন, দয়াময়ের দয়ায় বিপদ কাটিয়াছে ! এখানে সকলেই সাঁচা বন্ধ—সকলেই সাহেবের পরম-হিতৈষী—কোন চিন্তা নাই—বনু গোলাম কাছে আছে !”

নিতান্তই নিঃশক্তি—চুপ করিতে—নীরব থাকিতেই হইল পুনর্বার তন্দ্রা আসিল—ক্রমে গাঢ় নিদ্রা—কয়েক ঘণ্টা পর্যন্ত সুখস্বপ্নেব সুনিদ্রা ! অধিক বাত্রে জাগিলাম, এবার শরীর অনেক সুস্থ—মনোবৃত্তি অনেক প্রকৃতিস্থ !

এবার জাগরিত হইবাব সঙ্গে স্মরণ ও জ্ঞানও জাগরিত হইল। উঠিয়া বসিবার ইচ্ছা প্রকাশ করিলাম। বনু ও পেস্বেজ্জমৎ ধোবে দীরে ধরিয়া তুলিতে লাগিল, তদবসরে সেই মনোহারিণী তরুণী পুনরুদিতা হইয়া উপাধান গুলি একরূপে সজ্জিত করিয়া দিল যে, বসিলে আমার কষ্ট না হয়। আমাকে ঠেস দিয়া বসানো হইলে সেই নবতরুণীও শয্যার এক পার্শ্বে বসিল—স্মিত-বদনে বীজন করিতে লাগিল। আমাকে সুস্থ দেখিয়া পবিত্র চন্দ্রাননখানি চর্মে বিকশিত হইল ! জ্বাহা, কত স্নেহশীল—ঠিক যেন আমার সহোদরাভগ্নী !

আশ্চর্য্য হইয়া মুখ পানে দেখিতে লাগিলাম। দেখিলাম, বয়স অনুমান চতুর্দশ কি সাদ্ধ চতুর্দশ বর্ষ ; কুশোদরী—স্বর্ণলতা ! দেহ খানি না স্থূল, না ক্ষীণ—দিব্য সুস্থ ও নবযৌবন-রসে পরিপুষ্ট ! সর্বাসঙ্গের গঠন কি চমৎকার ! করপদ্ম ও পাদপদ্ম তুলনা রহিত—করাঙ্গুলি চম্পককলি ! হস্ত পদের গঠন বর্জ্বল-গোল। হৃদয়ের পীনতা অধিক নয়, অথচ ক্ষীণ মধ্য হইতে কি সুডোলে উন্নত হইয়া উঠিয়াছে—আচ্ছাদক ঘন বসনাবলীও সে মনোহারিণী গোপন করিতে সমর্থ হইতেছে না ! গ্রীবা দেশ ধর্ম নয়, বরং সলজ্জ-বাক্য-বিগ্রাস কালে ঈষৎ বক্রভাবে দীর্ঘ দেখায়, তাগাতে কঙ্কু-রেখানিত সুগোল স্তর কি মনোহর ! বদন ও মস্তকের স্বতন্ত্র বর্ণনা করিব না—বর্ণনার সাধ্যও নাই—যে অংশের জন্ত যে উপমা মনে আইসে, কিছুই যথেষ্ট নয়—কিছুই যোগ্য বোধ হয় না ! সামান্ততঃ এই বলিতে পারি, তেমন চন্দ্রানন আর কখনো দেখি নাই ! চক্ষু আকর্ষণ বিস্তৃত নয়—তত দীর্ঘল চক্ষু দেখিলে আমার মনে যেন কেমন কেমন লাগে, আমার যেন ভয় করে। আমার এই মনো-

মোহিনীর নেত্রযুগল তদপেক্ষা কিঞ্চিৎ খর্ব্ব হওয়াতে ও গভীর কৃষ্ণতার দৃষ্টি সলজ্জ মুহূ জ্যোতিঃ ধারণ করাতে, কি যে এক প্রকার মুগ্ধকর স্নিগ্ধ দৃষ্টি নিক্ষেপ করিয়া থাকে. তাহা বাক্যে বলিয়া উঠিতে পারি না ! সে মধুর দৃষ্টিতে বিলাসলালসার নিদর্শন মাত্র নাই—তাহাতে কেবল শান্ত প্রকৃতি, ধীর বুদ্ধি ও শীলতা-মাধা মেহানুরাগ সমুজ্জ্বল ভাবেই দৃষ্ট হয় ! নাসিকা, গঠনে তিলপুষ্পবৎ নহে—মসৃণতা ও কোমলতায় বটে ! গঠনে সরলোন্নত—উচিত মত উন্নত—অত্যন্নত নয় ! নাসিকায় একটা দোষ ( বা গুণ ) আছে—অগ্রভাগে অতি ক্ষুদ্র এক বিন্দু তিল—নোলক নথ কিছুই নাই—তাহাই যেন ভূষণ ! কপাল—আমরি, কি প্রশস্ত, কি উজ্জ্বল, কি সুন্দর ! যেন সৌন্দর্য্যরাশির ফলকখানি—দেখিলেই তেজস্বী ক্ষাত্রয় কুলোদ্ভবার তেজোদীপ্ত ললাটপাট বলিয়া বোধ হয়—তজ্জগৎ পরিচয়ের প্রয়োজন নাই ! ক্রয়ুগল যেন যথার্থই তুলিতে আঁকা—দেখিলেই দেবী প্রতিমা স্মরণ হয় ! সুগঠিত সুগোল মস্তকের ঘন কৃষ্ণ কেশেরই বা কি শোভা ! তখন কবরীতে বদ্ধ—কবরীর স্থলতা দর্শনেই বুঝা যায় এবং পরেও দেখিয়াছি যে, মুক্ত করিয়া দিলে প্রায় আজানু প্রলম্বিত হয়—সুরভি বনপুষ্প সে কেশের কি মনোলোভা শোভা বিস্তারই করিতেছে ! আবার সেই সুবেষ্টিত মাল্যবন্ধন হইতে বিমুক্ত হইয়া কতক কেশ অংশবুগে অবিন্যস্ত ভাবে ইতস্ততঃ চঞ্চল ! কণ্ঠে এক ছড়া হীরক-কঙ্গী ব্যতীত অত্র কোন অঙ্গে কোন অলঙ্কারই নাই ; কিন্তু মস্তকের ত্রায় কর্ণে, কণ্ঠে, হস্তে পুষ্পাভরণের প্রাচুর্য্য দৃষ্টে সহসা বনদেবী বলিয়াই ভ্রম হয় ! তখনও সে মধুরাশ্রের সুস্পষ্ট হাস্য দেখি নাই, কিন্তু হিংস্র-রাগ-রঞ্জিত সুগঠন স্কন্ধ ওষ্ঠাধর স্তম্ভাবতঃই যেন সদা সহাস্য ! ফলতঃ কি অনুপম আনন—কি মনোরম গোলাপী গগু ! সর্ব্বত্রই সুকোমল কৈশোর লাবণ্য চল চল করিতেছে—দেহের ঈষৎ-আরক্তিম শুভ্র বর্ণই বা কি চমৎকার ! আমি বহু সভ্যতম দেশ ভ্রমণ করিয়াছি, এমন রূপবতী কন্তা কুত্রাপি দেখি নাই ! বিবিধ শ্রেণীর, বিবিধ প্রকারের সুন্দরী দর্শন করিয়াছি, কিন্তু এ প্রণালীর রূপরাশি কখনই চক্ষে পতিত হয় নাই ! প্রত্যেক অঙ্গ প্রত্যঙ্গ খুঁটিয়া খুঁটিয়া তুলনা কারলে কোন কোন বিধে অনেক রূপসী হয় তো অপেক্ষাকৃত শ্রেষ্ঠ হইতে পারে, কিন্তু সাধারণতঃ অথবা সর্ব্ব-সমঞ্জসীভূত দৃশ্য পক্ষে এই বরাননার মুখমণ্ডলে কেমন যে একটা অবর্ণনীয় মনোহর শ্রী ছাঁদ দোখলাম, তেমনটা আর কখনো

দেখিয়াছি বলিয়া তো স্বরণে আইসে না ! ইউরোপীয় নিতান্ত শুভকাস্তির সৌন্দর্য্য ইহার কাছে দাড়াইতেই পারে না—আমার চক্ষে এ এক নূতন মূর্তি !

কোন মান্নিক-হৃদয় পাঠক তুলীনের এই শেষ বর্ণনা পাঠে বলিতে পারেন, তিনি যে অবস্থায়, যে সময়ে এবং যে গৃহে সহসা সেই রূপসী কন্যাকে দেখিয়াছিলেন, তাহাতে সামান্যকেও অসামান্য উপলব্ধি হওয়া অস্বাভাবিক নয় । এ কথা সত্য, কিন্তু যদি সেই এক মুহূর্তের দর্শন-লাভেই পরিচয়ের পর্য্যবসান হইত, তবে বটে তাহা সম্ভব হইতে পারিত । তুলীন বলেন, তিনি তৎপরে সেই যুবতীকে যতই দেখিয়াছেন, ততই তাহার প্রথম দিনের সংস্কার আরো বহুগুণে বৃদ্ধি বৈ হ্রাস প্রাপ্ত হয় নাই ! যাউক, সে কথা এখন নয় !

তুলীন অনিমিষ নয়নে কেবল চাহিয়া দেখিতেছেন, আর বিষয়ে অভিভূত হইতেছেন, এ অসামান্য বনদেবী কে ? পাছে স্মতরণীর কষ্ট হয়, এই ভয়ে সপ্রীতি মৃদুস্বরে বীজন নিবারণ পূর্ব্বক কহিলেন “তুমি কে ?”

ধীরে, সলজ্জভাবে, অথচ নির্ভয়ে সরল-হৃদয়া বালা-যুবতী সাহেবের মুখপানে চাহিয়া বীণা-স্বরে কহিল “আমার মা এখন সাহেবকে দেখিতে আসিবেন—আ ! আজ্ তিনি কি আনন্দই পাইবেন !”

বলিতে বলিতে গান্ধার্যা-দীপ্তি-শালিনী এক বয়োধিকা রমণী একটা ঔষধ-পাত্র হস্তে সুধীর গতিতে গৃহ-প্রবেশ করিলেন—“হা ! এহ যে আজ্ দয়াময়ী দয়া ক’রেছেন !” এই বাক্যটা উচ্চারণ করিয়া উৎসাহোৎফুল্ল নয়নে শব্দ-পার্শ্বে আসিয়া সাহেবের মুখে সেই রোপা-পাত্র ধরিয়া কহিলেন, “বাবা ! পান কর ।” সাহেব বিনা সন্দেহে—বিনা জিজ্ঞাসায়—তথানি পান করিলেন !

রমণীকে দেখিবামাত্র সম্ভ্রান্তবংশীয়া বলিয়া তুলীন বুঝিতে পারিলেন—তিনি যে কিছু কাল পূর্বে অসামান্য রূপলাবণ্যবতা ছিলেন, অথপি তাহা বুঝা যাইতেছে এবং তিনিই যে তরণীর জননী, তাহা উভয়ের মুখশ্রী দৃষ্টে না বলিতেই বুঝা গেল !

রমণী বলিলেন “ভগবান দিন দিয়াছেন—সাহেব আজ্ অনেক ভাল ! দেখিতেছি, আমাদের এখানে দেখিয়া সাহেবের আশ্চর্য্য বোধ হইয়াছে—পরিচয় পাইবার জন্য মনে বাগ্রতাও জন্মিয়াছে ! কিন্তু এখনও আপনার সম্পূর্ণ বিশ্রামের প্রয়োজন । অতএব আজ্ কেবল অল্প কথায় কিছু জানাইতেছি ; আর একটু স্থহ হইলে আরো জানিতে পারিবেন ।” এই বলিয়া



নয়ভাবে গৃহাঙ্গনস্থ গালিচার উপর বসিলেন । তাঁহার কণ্ঠা যেখানে ছিল, সেই খানেই রহিল । বসু ও হাঁসনালি সসম্মুখে দূরে অবস্থিতি করিল । রমণী ক্ষণচিন্তার পর বলিতে লাগিলেন ;—

“সামান্যতঃ আমাদের অবস্থা এখন এ দেশে অসামান্য বলা যায় না— এমন দশা অনেকেরই ঘটয়াছে । তথাপি মনের আগুন তুলিতে বুক ফাটিয়া যায় ! কিন্তু বৎস ! তোমার পীড়ার সময়, অধিক কথা উচিত নয়—এই অভাগিনী এই কাংরা রাজ্যেরই রাজরাণী ছিল—এই যে আপনার শযায় বসিয়া কোমল লতিকাটী দেখিতেছেন, ইটি এই কাংরা বৃক্ষেরই চারা !”

এই পর্য্যন্ত বলিয়া বহু চেষ্টাতেও তিনি চক্ষুর জল রাখিতে পারিলেন না—দরদরিত ধারা আপনা হইতেই প্রবাহিত হইতে লাগিল ! ছলীন নিতান্ত ব্যথিত হইয়া হস্ত সঞ্চালন দ্বারা গল্প বন্ধ রাখিবার অভিপ্রায় জানাইলেন । রাজকণ্ঠা দ্রুত আসিয়া অঞ্চল দ্বারা জননীর অশ্রু মোচন ও বাহুদ্বারা কণ্ঠ বেষ্টন করাতে যথার্থই পরিবন্ধিত হুঁই-তরু-গুচ্ছে নবীনা মাধবীলতার বেষ্টনবৎ দেখাইল ! রাজ্ঞী প্রচুর আয়াসে শোকাবেগ সম্বরণ পূর্ব্বক তনয়াকে তদবস্থাতেই অঙ্কপার্শ্বে ধারণ করিয়া সক্রমণ স্বরে পুনর্ব্বার কহিলেন ;—

“না, বলিয়া ফেলি ! আমার শ্বশুর সংসার চাঁদ বহুকাল এবং তৎপরে আমার স্বামী অমুহূদ চাঁদ কয়েক বৎসর তাঁহাদের পুরুষানুক্রমিক এই প্রাচীন পার্বত্য দেশে রাজত্ব করিয়াছিলেন । সাহেব জ্ঞানী; অবশ্যই গুনিয়া থাকিবেন, কিরূপে কাংরা এবং শতদ্রু হইতে আটক পর্য্যন্ত পার্বত্য অস্ত্রান্ত বহু রাজ্য সঙ্গ্রাসকারী রণজিতের করতলস্থ হইয়াছে ! না গুনিয়া থাকেন তো পরে গুনিবেন, তাহা বলিতে গেলে অধিক রাত্রি হইয়া আপনার পীড়া বাড়িবে । অতএব সংক্ষেপে দুই চারি কথা বলিব ।

“আমার স্বামী নিদারুণ অধীনতা-শৃঙ্খলে বাঁধা পড়িয়া নিতান্তই অস্থির হইয়া উঠিলেন । শেষে শক্ররা এই ( রাজকুমারীকে নির্দেশ পূর্ব্বক ) প্রহরনটী হরণ করিবার চেষ্টা করিল ! কাহার জন্ত ? যদি কোন যোগ্য বরের নিমিত্ত হইত, হানি ছিল না । তাও তো লোকে সম্মানপূর্ব্বক প্রার্থনা করে । এ তা নয়, একপ্রকার জোরপূর্ব্বক আধুনিক রাজ্যোপাধি-প্রাপ্ত হুঁরাশয় ধ্যানসিংহের কনিষ্ঠ ভ্রাতার নিমিত্ত আমার কণ্ঠাকে চাহিল—অভিপ্রায়, প্রাচীন রাজবংশাবলীর সহিত কুটুম্বিতা ঘটাইতে পারিলে রাজকুলে গণ্য মাত্ৰ হইয়া

উঠিবে! সেই স্পন্ধার প্রভাবে দস্যুরাজ রণজিৎ অবশ্যই সম্মতি দান করিল—কোন কথাই শুনিল না। যদিও ধ্যান সিংহেরা ক্ষত্রিয় বটে, কিন্তু তাহাদের দৌগড় বংশ কিছুতেই আমাদের করণীয় ঘর নয়—তেমন নীচু ঘরে এবং অগ্ন্যাগ্ন অনেক কারণে স্মৃতেং সিংহকে কণ্ঠাদান কিছুতেই উচিত ও উপযুক্ত বোধ হইল না। অথচ পলায়ন ভিন্ন আর কণ্ঠা-হরণ নিবারণের অণু কোন উপায় রহিল না।

“গাগাই ধায়া হইল। আপাততঃ ইংরাজাধিকারে বাস করিবার অভি-  
প্রায়ে আমরা আপনাদের রাজতন্ত্র ও সমস্ত ঐশ্বর্য ত্যাগপূর্বক পলাইলাম।  
হঠাৎ গমনের প্রয়োজন হওয়াতে কোন উদ্যোগ করিতে এবং অধিক সংখ্যক  
রক্ষক সঙ্গে লইতে পারলেন না—বিশেষ, পলাতকের পক্ষে বেশী সমারোহ  
সম্ভবে না। আর এক দিন হইলেই ইংরাজ-রাজ্যে প্রবেশ করিয়া নিরাপদ  
হইতাম, এমন সময়ে অনুসরণকারী বহু সংখ্যক অশ্বরোহী আনিয়া আক্রমণ  
করিল। ঘোরতর যুদ্ধ বাধিল—জয়ের সম্ভাবনা কালেই কপাল পুড়িল—  
( সজল নেত্রে ) কাংরা-রাজ গভাসু হইলেন! সর্ব আশা ভরসা চুকিয়া গেল!  
শক্রেরা সঙ্গিগণকে নিদ্রারূপে কাটির ফেলিল; আমার বুক হইতে এই হৃদয়-  
ধন কাড়িয়া লইল; এবং আমাকে দূর করিয়া দিল। নরপিশাচগণের তাৎকালিক  
নিষ্ঠুর বাক্য এখনও কাণে যেন বাজিতেছে—বলিল ‘এখন তোমার বেধানে  
ইচ্ছা চলিয়া যাও!’ প্রাণাধিকা কুমারীর সঙ্গে আমাকেও লইয়া যাইতে এত বিনয়  
করিলাম—পায় পযাস্ত ধারিলাম—তথাপি তাহা করিল না! এককালে দুইটা  
হৃদয়-সর্বস্ব হারাইয়া ভয়হৃদয়ে—নৈরাশ্র-সাগরে ভাসিতে ভাসিতে কাংরায়  
ফিরিয়া আসিলাম! জয়স্তা মঠে নোহস্ত প্রদত্ত নিভৃত আশ্রমে আশ্রয় লইলাম!  
ঐ দয়াশীলা ( খট্টার পশ্চাদিকে নির্দেশ পূর্বক ) রমণী অল্পকাল হইল প্রাণের  
লীলাকে পুনরায় আনিয়া দিল—বিধির কৃপায় তাই সেই হারানিধি এই  
আবার পাইয়াছি!”

তুলীন পশ্চাৎ ফিরিয়া চাহিয়া দেখেন, এক প্রাচীনা জামু-শিরা হইয়া  
বসিয়া আছে—তাহার আকার প্রকার বেশ ভূষা সম্পূর্ণ বিভিন্ন ধাতুর।  
দেখিয়া তুলীন বলিয়া উঠিলেন “এ যে কাঞ্চনী দেখিতেছি?”

লীলার জননী কহিলেন, “হুঁ সাহেব, প্রায় তাই বটে, কিন্তু আপনি  
চঞ্চল হইবেন না—কথা কহিবেন না—আজ্জ্ আর আপনাকে বেশী শুনাইব

না । কেবল এই মাত্র বলিতে চাই যে, আপনার ঞ্চায় সদাশয় গুণজ্ঞ বক্তি অবশ্যই জানেন যে, সর্ক শ্রেণীর লোকের মধ্যেই ভাল মন্দ আছে—গেকুয়া বসনধারী সম্প্রদায়েও এমন চর্জ্জন আছে যে, দসু্যাদলেও তেমন নাই । দুর্ভাগ্য ও ঘটনাবশে গুলাপী কাঞ্চনী হইয়াছিল বটে, কিন্তু এমন মহৎ অন্তঃকরণ আর এত গুণ, বনচারিণী তপস্বিনীতেও আছে কিনা সন্দেহ ! ( গুলাপীর প্রতি ) আয় না, গুলাপি ! সাহেবকে আসিয়া বল না, কিরূপে তোর কি হইয়াছিল— কিরূপে এখানে আইলি, কিরূপে আমাদের আত্মীয়তা ঘটিল ! ভাল কথা, সাহেব, আহা ! আপনার কথাতেই মত্ত, গুলাপীই যে আপনার প্রাণদাতা—গুলাপীই যে আপনার চিকিৎসক হাকিম, তাহা কোথায় অগ্রে বলিব, না, সাহেব যে আশুন ভুলিয়া দিলেন, তাহাতেই ব্যস্ত হইয়া আর সব ভুলিয়া গেলাম !”

বন্ধু কিঞ্চিৎ অগ্রসর হইয়া সেলাম পূর্বক নিবেদন করিল, “হুজুরকে এই স্ত্রীলোকের গুণের কথা অধিক কি বলিব, আমাদের কাহারো মনে হুজুরের প্রাণের আশা ( এস্থলে বন্ধুর দেহ ঈষৎ কম্পিত হইল ) তিল মাত্রও ছিলনা, কেবল গুলাপীর অদ্ভুত ঔষধ এবং অবিশ্রান্ত-চিকিৎসা ও তদারকের গুণেই—”

তুলীন ব্রহ্ম হইয়া গুলাপীর দিকে দক্ষিণ হস্ত প্রসারণ পূর্বক উঠিতে উদ্যত—গুলাপী দ্রুতপদে আসিয়া সাহেবের অতি দুর্কল ও অতি ক্লশ হস্ত ধারণ ও সসজ্জমে নম্রভাবে চুষন পূর্বক কহিল “হুজুর ! যথেষ্ট হইয়াছে, আমি সম্পূর্ণ রূপেই পুরস্কৃত হইলাম ! কিন্তু কথা বার্তা আ’জ্ আর না—আ’জ্ কেবল আর একবার আর একপ্রকার চূর্ণ ঔষধ সেবন পূর্বক আপনাকে নিদা বাইতে হইবে—তাই তিন দিন পরে অভাগিনীর ইতিহাস সমস্ত শুনাইব !”

রোগীর গৃহে চিকিৎসকের আজ্ঞাই বলবৎ—সুতরাং সে দিন বিশ্রাম ! কিন্তু ইত্যবসরে, কাংরা সঙ্কীর কতিপয় ঐতিহাসিক প্রকৃত ঘটনাব কথা পাঠক মহাশয়কে আমরা শুনাইয়া ফেলি ।

কাংরাধিপতি সংসার চাঁদ আপনিই খাল কাটিয়া লোণা জল আনিয়া- ছিলেন—আপনিই আপনার সর্কনাশের সূত্রপাত করিয়াছিলেন । একদা তিনি প্রবল শত্রু গুর্খা-সৈন্ত কর্তৃক আক্রান্ত হন । তৎকালে অত্র উপায় না দেখিয়া অগত্যা রণজিতের সাহায্য ভিক্ষার্থ স্বীয় পুত্র অনুহাদকে তাঁহার নিকট প্রেরণ করেন । রণজিৎ এমন সুবোগ কি ছাড়েন ? অতএব অবিলম্বে সসৈন্তে স্বয়ং অনুহাদের সহিত যথায় গুর্গারা রণ-রঙ্গভূমি পাতিয়াছিল, সেই পর্বতমালা-

সান্নিধ্যে আসিয়া উপস্থিত । তাঁহার আগমনে গুর্খারা ভয় পাইয়া অন্তর্হিত হইল । বিপদদ্বারক মহারাজ অর্মান কাংরা দুর্গাভিমুখে চলিলেন । কিন্তু সংসারচাঁদ তঁতদূর সর্ব্বনেশে মিত্রতার প্রত্যাশা করেন নাই ! তিনি বিলক্ষণ বুঝিলেন, যিনি রক্ষক বেশে আসিয়াছিলেন, তিনি এখন ভক্ষক হইতে আসিতেছেন ! সুতরাং তেমন ভয়ানক বন্ধু ও সর্ব্বগ্রাসক অতিথির অভ্যর্থনার্থ দুর্গদ্বার মুক্ত রাখিতে সাহস করিলেন না ! কিন্তু তাঁহার পুত্র তখন রণজিতের হস্তে—এক প্রকার বন্দী ছিলেন ! ধৃত রণজিৎ জানেন যে, যে সৈন্য মধ্যে পুত্র আছে, তৎপ্রতি পিতা কখনই প্রকৃত প্রস্তাবে গোলা চাহাইতে পারিবে না । অতএব সুযোগমতে হঠাৎ একদিন দুর্গদ্বারাভিমুখে ধাবমান হইয়া প্রবেশ পূর্ব্বক সংসারের রক্ষীবর্গের পরিবর্তে দুর্গরক্ষার্থ নিজ সৈনিক দল স্থাপন করিলেন ।

সংসারচাঁদ অকস্মাৎ জালবন্ধবৎ নিক্রপায় হইয়া পড়িলেন । কাজেই রণজিতের অভিপ্রায়মত সন্ধিসূত্রে বন্ধ হইতে বাধ্য হইলেন । তাহাতে এই হইল, রাজ্য মধ্যে সৈন্য রক্ষা ও পররাষ্ট্র বিভাগীয় কার্য্য সম্বন্ধে তাঁহার আর কোন ক্ষমতাই থাকিল না—সে কার্য্য লাহোরের দরবারাধীন হইল । সংসার কেবল আধুনিক ভারতবর্ষের সাক্ষীগোপাল স্বাধীন রাজা-নামধারী ভূপালবর্গের গায় রণজিৎকে বার্ষিক নজরানা দিবার অঙ্গীকারে নিজ রাজ্যের কর-সংগ্রহ, বিচার ও কোতায়ালি কার্য্যে নিযুক্ত রহিলেন ! তাহাতেও কার্য্যতঃ পূর্ণ স্বাধীন রহিলেন না, কেননা রণজিতের সৈনিক কর্মচারী নামা হৃদ্যস্ত প্রতিনিধির ভয়ে সদাই তটস্থ—সদাই তাহার অনুগ্রহ-প্রার্থী—সদাই তাহাকে সদয় রাখিতে চেষ্টাবান্—ঠিক যেন এখনকার রেসিডেন্সি বাপার !

এত অপমানে দুর্ভাগা সংসারচাঁদের মৃত্যু ঘটতে অধিক বিলম্ব হইল না ! পিতার পরলোকে অনুহাদ সিংহাসনে বসিলেন এবং হারানিধি স্বাধীনতাকে পুনর্বার পাইবার নিমিত্ত প্রাণপণে চেষ্টা করিতে লাগিলেন । তৎফল স্বরূপ কিছু কাল নজরানা না লইয়া খাস দখলের ভয় দেখাইয়া দোর্দণ্ড রণজিৎ শীঘ্রই তাঁহাকে শিক্ষা দিলেন ! অনুহাদ অবশেষে অবনত হইয়া নজরানা ব্যতীত এক লক্ষ টাকা জরিমানা দিয়া আপাততঃ পরিত্রাণ ক্রম করিতে বাধ্য হইলেন ।

ছই তিন বৎসর এইরূপে যায় । শেষে তাঁহার প্রাণ-প্রতিমা অল্পময়া রূপবর্তী কস্তুর নিমিত্ত পূর্ব্ববর্ণিত রূপে পলায়িত ও হত হইলেন । তৎফলং কাংরা রাজ্য পঞ্জাব সাম্রাজ্যভুক্ত হইল !

চতুর্দশ পরিচ্ছেদ ।

চন্দ্রকুমারী ।

আমরা যাহাকে মন্দ ভাবি, তন্মধ্যেও ভাল লুকায়িত থাকে, অল্প বুদ্ধি জন্ম  
বুঝি না। ছলীন সঙ্কট-শয্যায় শয়ান থাকাতে এই একটা বিশেষ উপকার  
হইল যে, তাঁহার প্রতি সমস্ত শ্রেণীরই সৈনিকগণের আনুরক্তি ও সহানুভূতি  
আরো অধিক সম্বন্ধিত হইল এবং রাজ্যস্থ কৃষক হইতে ভূম্যধিকারী ও বাহক  
হইতে ধনী ব্যবসায়ী পর্য্যন্ত তাবলোকই আরো ভক্তি, আরো প্রীতি প্রকাশ  
করিতে লাগিল। তাঁহার অভাবে তাঁহার গুণ-স্মরণ আরো দীপ্ত হইল।  
অতএব যেই মাত্র রব উঠিল, সাহেবের সংশয়াবস্থা অতিক্রান্ত হইয়াছে—  
সাহেব চৈতন্য লাভ করিয়াছেন, অমনি স্বচক্ষে একবার দেখিয়া আসিবার  
জন্ত কাংরাস্থ প্রত্যেক শ্রেণীর প্রতিনিধি ও সম্ভ্রান্ত জমীদারগণ আসিতে  
লাগিলেন। তাঁহারা দেখা না করিয়া এবং সেলাম সহকৃত দুই পাঁচটা হৃদয়ের  
উচ্ছাস-ভাব ব্যক্ত না করিয়া কেহই প্রত্যাবৃত্ত হইলেন না! তাহাতে পীড়ার  
যন্ত্রণা বৃদ্ধি না হইয়া বা বৈরক্তি না জন্মিয়া বরং আন্তরিক সুখজনিত উপকারই  
হইল—সেই মানাসিক তৃপ্তি, গুলাপীর চিকিৎসা-কার্যে সাহায্যই করিল!

এদিকে ছলীন, সেই অপূর্ব চিকিৎসকের পূর্ব-জীবন এবং কি সূত্রে  
কাহার দ্বারা সে তাঁহার গৃহে আনীত হইল; বিশেষ রাজরাণী ও রাজনন্দি-  
নীই বা কিরূপে দুর্গাগতা; এসব জানিবার নিমিত্ত মহা ব্যস্ত হইলেন।  
রমনীত্রয় প্রায় সর্বদাই তাঁহার সমীপবর্তিনী ও অশেষ বিশেষরূপে গুরুসা-  
কারিণী আছেন—তাঁহাদের এই দয়া দেখিয়া দয়ালু ছলীনের মন কৃতজ্ঞতা  
রসে গলিতেছে। বিশেষতঃ স্থিরা সৌদামিনীবৎ সরলহৃদয়া লীলাকে দেখিয়া  
অবধি তাঁহার অন্তর মধ্যে কি এক প্রকার অনির্বচনীয় অভিনব ভাব যে উদ্ভিত  
হইয়াছে, তাহা তিনি বুঝিয়া উঠিতে পারিতেছেন না—সে ভাব স্নেহ, কি দয়া,  
কি প্রেমানুরাগ, কি সবই, তাহা তাঁহার হৃদয় চিরিয়া ভাল করিয়া দেখিবার  
শক্তিও হইতেছে না—কেবল ইহাই অনুভব করিতেছেন যে, যে ভাবই হউক,  
তাঁহা অতি পবিত্র!

স্বভাবতঃ লীলার হাব ভাব ও চরিত্র বেক্ষপ পবিত্র, তাহাতে অতি নিদা-

কৃষ্ণ দুর্জন পুরুষের মন না হইলে আর অপবিত্রতার পথে যাইতে পারে না ! লীলার সকল কার্যই কি মিষ্ট ! আহা ! কি সুমধুর সরল ভাবে মনে যখন যাহা উদয় হয়, তখন তাহা খপ করিয়া হাশ্বাধরে বলিয়া ফেলে ! সে সকল ভাবের একটীও তো দৃশ্য নয় যে প্রকাশ্য কি না ভাবিবে ! সুতরাং বলিয়া ফেলা সহজ কথা ! 'আবার কেমন সুমধুর সরল ভাবে খপ করিয়া এটা ওটা সেটা আনিয়া যোগায় । কেমন খপ করিয়া রোগীর অভাব ও মনের ভাব বুঝিয়া ঔষধ, পথ্য, শয্যাাদি সম্বন্ধে সকল সেবা—সকল কাজ—কেহ বুঝিতে না বুঝিতে—কেহ করিতে না করিতে—অতি পরিচ্ছন্ন পকারে সম্পন্ন করিয়া তুলে । কেমন সুন্দর ভঙ্গিতে নীববে আঠিসে, নীববে যায়—কেমন সুন্দর মধুর দৃষ্টিতে চায় ! সে সব দেখিলে গুনিলে হৃদয়হীন বর্ষের আঘাত আকৃষ্ট না হইয়া থাকিতে পারে না—এ তো অমন হৃদয়বান সুমতা ছলীন ! ফলতঃ সেই মধুরিম মাধুরী ও তেমন সম্মেহ স্নিগ্ধ দৃষ্টি তাঁহার পক্ষে মহা ভেষজের কার্য করিল ! লীলা যখন গৃহে না থাকে, তখন তাঁহার মহা অস্থখ হয় !

লীলা যাহা করে, লীলার সহবতী জননী কিছুতেই বাধা-দান বা বাঙ-নিষ্পত্তি করেন না—লীলার সব কাজই তাঁহার চক্ষে ভাল—সকলের চক্ষেও তাই—তাঁহার চক্ষে তো শতগুণে আরো ! সাহেবের গৃহে লীলার মাতা গালিচার এক পার্শ্বে বসিয়া গুলাপীর সহিত কথোপকথন করেন—সাহেবের নিকটে ও শয্যায় প্রায় লীলাই থাকে ! বন্ধু আর এখন সর্বদা আসিতে পারে না—বাহিরের কর্তব্যে তাহাকে বেশী নিযুক্ত থাকিতে হয় । হাঁসনালি সর্বদাই হাজির, কিন্তু প্রায়ই ঘরের বাহিরে । চৈতন নিশ্চিন্ত নহেন, দণ্ডে দণ্ডে আসিতেছেন, চুপে চুপে হাঁসনালিকে বাহির হইতে জিজ্ঞাসা করিয়া যাইতেছেন—কিন্তু দণ্ডে দণ্ডে ! কখন বা দ্বারের একখানি কবাট কিঞ্চিৎ খুলিয়া সজল নরনের দৃষ্টিতে এক একবার মাথা গলাইয়া দেখিয়া যাইতেছেন ।

সাহেবের চকুর সহিত যদি তাঁহার চকুর মিলন ঘটিল এং সাহেব সহাস্তে “ওয়েল, চৈতন ?” বলিলেন, অমনি হাত খানি বারজয় একটু উঠাইয়া নামাইয়া, ভঙ্গীতে যেন ইহা বলা হয় “থাকুন থাকুন, বেস, বেস !” অথবা উর্দ্ধ দৃষ্টির সহিত বুকু-হস্ত উর্দ্ধে তুলিয়া ভঙ্গীতে ঈশ্বরোদ্দেশে প্রার্থনা জ্ঞাপন পূর্বক যেন ইহাই বলা হয় যে “দেবতা! অবশ্যই সজল করিবেন !”

ছলীনের চৈতন্য হইবার দু তিন দিন পরে সন্ধ্যা উত্তীর্ণ হইলে, যখন বাহিরের কাণ্ডারো আর আনিবার সম্ভাবনা নাই, এমন সময় ছলীন গুলাপীকে বলিলেন “বুড়া মা! আর কেন ? এখন তো অনেক সুস্থ হইয়াছি, এখন আর আমার বাসনা পূরণে বিলম্ব কেন ? তোমার অঙ্গীকৃত পূর্ব কথা বর্ণন কর ?”

গুলাপী কহিল “এ অভাগিনীকে কল্প দিন হুজুর দয়া করিয়া ‘মা’ বলিয়া সম্বোধন করিতেছেন. কিন্তু এ পাণ্ডিত্যই সে অনুগ্রহের যোগ্য পাত্রী নয়! যাউক, যখন নিজ গুণে এ কৃপা করিয়াছেন, তখন যত কাল প্রাণটা থাকিবে, তত দিন এই বৃদ্ধ দেহ হুজুরের সেবার জন্তই রহিল !

“হুজুর! পরিচয় কি দিব ? এককালে এই হেয় কাঞ্চনীকে মা বলিবার হৃদয়ধন একটা ছিল, সেই সাহসী সুন্দর যুবাকে পাণ্ডিত্য শিখ রাখসেরা নষ্ট করিয়াছে—একবার তাদের ফাঁসিকাঠ থেকে কাংরার রাজা সংসারচাঁদ বাচাইয়াছিলেন, শেষবারে আর সে সুযোগ ঘটিল না! কিন্তু কাংরা রাজবংশের সে গুণ জন্মে ভুলিব না, সেই ঋণের কিয়দংশ পরিশোধের জন্তই প্রাণের লীলাকে প্রাণপণে আনিয়া দিয়াছি! নরপিশাচ শিখদের কথাও এই বুকে (বক্ষে সবলে চপেটাঘাত) শেল বিঁধিয়া রহিয়াছে—তাহাও ভুলিবার নয়—কতক শোধ দিয়াছি, আরো দিবার জন্তই বাঁচিয়া আছি!”

কাঞ্চনীর রক্ত-চক্ষু, উন্মত্তার স্থায় হস্ত প্রসারণ ও স্বীয় বক্ষে আঘাতাদি ভঙ্গী দর্শনে ছলীন বিস্মিত ও লীলা ভাত হইলেন !

কণেক নারব রহিয়া বৃদ্ধা আবার কাহতে আরম্ভ করিল, “যাউক, সে কথা এখন থাকুক, আগে তো আমাদের আনিবার সূত্র বলি। ঐ যে লোকটা দুয়ারে মাথা গলাইয়া দেখিয়া গেল, হুজুরের ঐ নেমকের চাকর চৈতন্যই আমাদের আনিবার কত্তা !”

ছলীন সর্বস্বয়ে কহিলেন “চৈতন্য?—কি রূপে ?”

গুলাপী উত্তর দিল “যখন হুজুর প্রথমে কাংরায় আইসেন ও দণ্ডবরের সহিত যুদ্ধ করেন, তখন হুজুরের দেওয়ানজী ঐ চৈতন্য জয়ন্তী মঠে দৈব কাজের জন্ত থাকিতেন। তিনি সন্ধ্যা এই রাণীজীর পবিত্র আশ্রমে যাই-তেন এবং সর্বদা হুজুরের শত শত গুণানুবাদ বেন শত মুখেই করিতেন। সেই সুখ্যাতি করিতে করিতে হুজুরের জনাহ এই বলিয়া ভাবনা করিতেন

যে, 'ভগবতী মুখ রক্ষা করিলে হয়—এখানে না ডাক্তার, না ভাল হাকিম, না কবিরাজ, না ঔষধ, কিছুই নাই ! সাহেব তো কথা শুনিবেন না, কেবল গোলা গুলির সম্মুখেই বেড়াইবেন, যদি দৈবাৎ একটা গোলা গুলি লাগে, তখন কি উপায় হইবে ?' সেই চিন্তার কথা শুনিয়া রাণীজী আমার চিকিৎসার প্রশংসা করেন । পথে এক দিন, এক সিপাহী ভয়ানকরূপে আহত হইলে চৈতন তাহাকে এক আত্র বাগানে রাখিয়া আমাকে ডাকিয়া লইয়া যান । ভগবানের কৃপায় আমার ঔষধে সে এবং তাহার পর অনেকে আরাম হয় ।

“তদবধি চৈতন আমার চিকিৎসার তথ্য জানিতেন—আমার চিকিৎসা আর কি, গাছ-গাছড়া ; কিন্তু গুমোর করিয়া বলিতে পারি, সেই সামান্য গাছ গাছড়ায় যে কাজ করে, বড় বড় হাকিম বৈজ্ঞতেও তা পারে না ! সে যাহা হউক, তার পর সে দিন সাহেবের নিজের এই বিপদ ঘটতে চারিদিকে হুলস্থূল পড়িয়া গেল—কে কি করিবে কিছুই ঠিক করিতে পারে না । কিন্তু চৈতন একবারে দৌড়িয়া গিয়া আমাদের বাড়ীতে পড়েন । ভাগ্যক্রমে আমি তখন বাড়ী ছিলাম—বনে পর্বতে গাছড়া কুড়াইতে যেমন নিতাই যাই, সে দিন যাই নাই—আমি অমনি ছুটিয়া আসিয়া চিকিৎসার ভার লইলাম ।

“চৈতনের গুণের কথা শতমুখ হইলেও বলিয়া উঠিতে পারি না । চৈতন সেই অবধি কত পূজা, কত স্বস্তায়ণ যে করাইয়াছেন, তাহার সংখ্যা নাই ! আবার একতিলের তরেও হজুরের নিকট হইতে চৈতন আমাকে ছাড়িয়া দিলেন না—পায় পর্যন্ত গড়াইয়া পড়িলেন । কিন্তু তাঁহার তত করা বাড়ার ভাগ, হজুরের ক্ষত স্থান পরিষ্কার করিতে গিয়া কক্ষের কাছে যে চিহ্ন দেখিলাম, তদর্শনে আমি অবাক হইয়া পুনঃ পুনঃ আপনার মুখ দেখি আর কাঁদি ! হায় ! সেই চিহ্ন চক্ষে পড়াতে কত পূর্ব কথা—কত যুগান্তের শোক উথলিয়া উঠিল—যাহা হইবার নহ, যাহা নিতান্তই অসম্ভব, তাহার আশাও মনে উদ্ভিত হইয়া পাগলিনীর হৃদয়কে আরো পাগল করিল ! কিন্তু সে কথা এখন না—আরো দুদিন পরে বলিব ! এখন যাহা বলিতেছিলাম, তাহাই বলি—

“একে আপনার গুণে রাজ্যশুদ্ধ যুগ, এ দুঃখিনীও সেই দলভুক্ত, স্ততরাং আপনার এমন অমূল্য প্রাণ রক্ষার জন্ত সহজেই ঘোর প্রবৃত্তি ছিল, তাহাতে ঐ অদ্ভুত চিহ্ন দর্শনে—মিথ্যা আশার প্রলোভনেই হউক অথবা অস্ত্র কোম অলৌকিক কারণেই হউক—একবারে সন্তানের প্রতি ( বে-আদবি কথা



মাপ করিবেন ! ) মায়ের যেমন বাৎসল্যভাব, ছজুরের প্রতি তেজি অগাধ স্নেহভাবেই অভাগিনীর মন প্রাণ ডুবিয়ে গেল ! তাই বলিতেছিলাম যে, চৈতনের পায় ধরা আর কান্নার প্রয়োজন ছিল না, আমি আপন্যর প্রাণের ব্যথাতেই যত্ন করিতাম । তবে সমস্ত রাত্রি দিন এখানে থাকিবার পক্ষে একটা বিশেষ বাধা ছিল । সে বাধা অল্প কিছই না, কেবল রাজনন্দিনী লীলার জন্মই ভাবনা, পাছে আমি রাণীর আশ্রমে না থাকিলে ছরাছারা আবার কোন বিপদ ঘটায় ! আহা ! সকল ঘুচাইয়া তবু পোড়া মন শেষ দশায় এই ননী়র পুতুলিকে পাইয়া অবধি তাহাকে না দেখিলে বাঁচে না— যেখানে থাকি দিনান্তে আসিয়া এ চাঁদমুখখানি একবার দেখিবই দেখিব এবং সারা রাত্রি অর্দ্ধ ঘুমন্ত, অর্দ্ধ জাগ্রত থাকিয়া পাহারা দিবই দিব ! ছজুর, একবাগা মনের রোগই এইরূপ—তায় বুড়া বয়সে !

“চৈতন আমার আপত্তি শুনিবা মাত্র আমাকে আশ্বাস দিয়া ছুটিয়া রাণীজীর নিকটে গেলেন—অনুন্নয় বিনয় চরণ ধারণ পূর্বক সম্মত করিয়া যান বাহন লইয়া গিয়া তাঁহাদিগকে এখানে আনিলেন ! রাণীজী যদিও সাহেবের অপেষ গুণ গরিমার কথা শুনিয়া ছজুরের প্রতি অত্যন্ত ভক্তিমতী ছিলেন, তথাপি দুর্গমধ্যে পুরুষমণ্ডলীতে—বিশেষ যেটা তাঁহারই নিজপুরী, কেবল ছষ্টের ছলনায় যে ঐশ্বর্য্যে বঞ্চিত হইয়াছেন, সেই শোকের পুরীতে এই কত্তা লইয়া আসিতে যে সম্মতা হইয়াছেন, ইহাতেই বুঝিবেন, চৈতন কিরূপ অসাধারণ লোক এবং চৈতন কিরূপ অসাধ্য সাধন করিতে সমর্থ !”

চৈতনের গুণ শ্রবণে ছলীনের নয়ন বথার্থই বাষ্প-ভারাক্রান্ত হইয়া উঠিল ! ক্ষেপা চৈতন তাঁহার দৃষ্টিতে তখন তাঁহার প্রাণদাতা দেবতাবৎ প্রকাশ পাইল ! মনে করিলেন, যদি বাঁচিয়া উঠি, তবেই এ অপরিশোধ্য ঋণের ( অন্ততঃ ) কিয়দংশ পরিশোধ করিয়া ধন্ত হইব ! এই মনোগত চিন্তা ও সংকল্পের পর বলিলেন, “তার পর, বুড়ী মা, কি বলিতেছিলে বল ?”

বুড়ী মা বলিল, “রাণী চন্দ্রকুনেয়ার ( চন্দ্রকুমারী ) স্বীয় কত্তার সহিত আসিয়া সমস্ত দেখিয়া শুনিয়া—বিশেষ, আমার মুখে ঐ চিহ্নের পরিচয় অর্থাৎ চিহ্ন দর্শনে আমার মনে যে ভাব জন্মিয়াছে, সেই কথাটা শ্রবণ করিয়া বিশ্বয়ে, সন্দেহে ও ভবিষ্যতের আশাতে এবং বর্তমানে ছজুরের প্রাণের আশঙ্কাতে ব্যাকুল হইয়া, চৈতনের সকাতির প্রস্তাব অগ্রাহ করিতে পারিলেন

না ! অর্থাৎ দুর্গমধ্যে তাঁহাদের পূর্ব অন্তঃপুরে অবস্থান করিতে সম্মত হইলেন এবং আপনাদের পদমর্যাদা সম্পূর্ণরূপে ভুলিয়া গিয়া ঠিক যেন ছজুরের আপনার মা ও ভগ্নীর গায় পরম মেহে রোগের শুক্রবার কাজে আমার সঙ্গে যোগ দিলেন ! দেওয়ানজী এবং বন্নু প্রভৃতি সকলেই তাঁহাদের অবস্থান পক্ষে যাহাতে কোন গোলযোগ ও কোন কষ্ট না হয়, সর্বতোভাবে তাহার তদ্বির করিয়া দিয়াছেন—তাঁহাদের জ্ঞা উপযুক্ত পরিচারিকা সকলও নিযুক্ত করিয়াছেন এবং রাজরাণী ও রাজনন্দিনীর উপযুক্ত যে সব দ্রব্য সামগ্রীর প্রয়োজন সে সকল শস্য সজ্জাদ কোন বিষয়ে সংগ্রহের ক্রটি করেন নাই !”

তুলীন সাশ্রনয়নে গদগদস্বরে উত্তর দিলেন “আ ! একজন ভিন্ন দেশীয়—ভিন্ন জাতিরের প্রতি এত দয়া ! মহতের স্বভাবই এই বটে ! এ গুণের আর এ ধনের প্রতিদান কিরূপে হইতে পারে, তাহা জানি না—প্রতিশোধ হইবারও নয় ! কেবল এই মাত্র প্রার্থনা যে, যেমন মা ভগ্নীর উপমা দিলে, তাঁহারা যেন এই মাতৃহীন ও ভগ্নীহীন অনাথের প্রতি দয়া করিয়া যথার্থই তাহার মা ভগ্নী হন—আমি অত্যাধি আপনাকে তাঁহাদের পুত্র ও ভ্রাতা বলিয়া জানিলাম—অত্যাধি একের সন্তান, অপরের সহোদর প্রকৃত প্রস্তাবেই হইলাম, তাঁহারা যেন কোন অংশে একদিনের নিমিত্তও আমাকে তদ্বিন্ন অত্র ভাবে না ভাবেন !”

রাণীজী সরোদনে বলিলেন “তোমার যদি দয়া থাকে, তবে বাবা আমরা কদাচ অত্র ভাবে ভাবিব না ! এ দুখিনী অনাথিনীদের এজগতে আর কেহই নাই—চারিদিকে শত্রু—চারিদিকে দুর্জন দুষ্ট শত্রু—আত্মীয় বন্ধু কুটুম সবই মারা পাড়িয়াছে—যাহারা আছে, তাহারাও রাজ্যহারা, বনবাসী বা আমাদের গায় পথের কাঙাল হইয়া বেড়াইতেছে—সর্বভক্ষক রাক্ষসদের গ্রাসে এই বৃহৎ পার্বত্য দেশের রাজ্যগুলি গ্রাসিত হইয়াছে—বহুরাজ্যের মধ্যে প্রায় কোনটাই ভ্রাণ পায় নাই—পরশুরামের গায় এ অঞ্চলকে একবারে নিঃকত্রিয় করিয়া ভুলিয়াছে বলিলেও হয় !”

তুলীন ব্যগ্রভাবে বলিলেন “না ! আর না ; কাস্ত হউন ; যাহা ঘটিলে ঘটয়াছে ; ফিরিবার নয় ! এখন, মা, আপনাকে আপনি আর অপুত্রক ভাবিবেন না, ইহাই আমার ঐকান্তিক প্রার্থনা—যতদিন তুলীনের প্রাণ থাকিবে—যতদিন এই হস্ত অসি ধরিতে সমর্থ হইবে, ততদিন আপনারাই

আমার সব ! এখন আর একটা গুনিলেই আমি নিশ্চিত হইয়া নিদ্রা যাই—”

রাণীজী । কি বাবা ?

তুলীন । সেই চিহ্নের কথা ? ( গুলাপীর প্রতি ) বুড়ী মা ! তোমার কথায় আমার অন্তঃকরণ ভয়ানক উদ্বেলিত হইয়াছে—আমার অঙ্গে চিহ্ন দেখিয়া কেন তুমি এত বিশ্বাসিত এবং কি আশায় আশাবিত হইলে ? কেনই বা সে আশা সফল হওয়া অসম্ভব বোধ করিলে ? এই কাণ্ডটা আমাকে ভালরূপে বুঝাইতে হইবে !

গুলাপী । আ'জ্ না হুজুর, আর না—ক্রমে রাত্রি হইয়া উঠিল—এ অবস্থায় আ'জ্ আর কোন কথা না—কা'ল্ সব শুনাইব ।

তুলীন । তা হবে না, বুড়ী মা, আ'জ্ বলিতে হইবে—না গুনিলে সারা রাত্রি ছট্ফট্ করিব—তিলেকের জন্ত নিদ্রা স্খামুভব করিতে পারিব না ! এ কথায় আমার মনে তুমি যে কি আশুন জালিয়া দিয়াছ, তাহা এখন কি বলিব, তোমার কথা শেষ হইলে তবে বুঝাইতে পারিব ! একথা গুনিবার পক্ষে বিশেষ গুপ্ত কারণ আছে, পরে জানিতে পারিবে !

গুলাপী । বাবা, সে কথা কি একটু যে, খপ্ করিয়া এখনি বলিয়া ফেলিব ! অতএব আ'জ্ মাপ কর—একটা রাত্রি অপেক্ষা করিয়া থাক—বলিব বলিয়াই তো স্ত্র তুলিয়াছি, আমাদের মনেও আশুন জলিতেছে ! কিন্তু কি করি, আ'জ্ কোন মতেই পারি না ! হুজুর তো নিরোধ নন—এখনও রোগের আপদ বিপদ সম্পূর্ণ কাটে নাই ! আ'জ্ আপনাকে ধৈর্য্য ধরিতেই হইবে !

তুলীন । বুড়ী মা, হুজুর টুজুর আর বলিও না—তবে কি আ'জ্ নিতাস্তই নয় ?

গুলাপী । না বাবা, আ'জ্ নয়—কা'ল্ ।

আমি রাও দেখিতেছি, সে কথা এ অধ্যায়ে আর হইবার নয়, পর অধ্যায়ে ।

## পঞ্চদশ পরিচ্ছেদ ।

গুলাপী ।

পরবর্তী সাংকালে গুলাপী কথা আরম্ভ করিল—পাঠক মহাশয় স্বরণ রাখিবেন, এই জীবনী মধ্যে এক চৈতন ভিন্ন অল্প যত পাত্র পাত্রীর উক্তি প্রত্যাঙ্কি, সকলই ভাষান্তরিত ; সুতরাং নাটকের গায় যে যেমন পাত্র, তাহার মুখে তদুপযুক্ত উক্তি প্রত্যাঙ্কি না হইয়া সে সব স্থলে ইতিহাস-লেখকের নিজের ভাষাই ব্যবহৃত হইতেছে । তদনুসারে গুলাপীর পরিচয়ও সংক্ষিপ্ত করিয়া কথোপকথন প্রণালীর পরিবর্তে সরল ঐতিহাসিক রীতিক্রমে নিজের ভাষায় বর্ণনা করা যাইতেছে ।

মজঃফরাবাদের দক্ষিণ-পূর্ব কোণে সুদান নামে একটা গিরি-প্রধান রাজ্য আছে । রাজ্যটি ক্ষুদ্র নয়—বৃহৎ পদ-বাচ্যও হইতে পারে । তাহাতে চৌহান বংশীয় ক্ষত্রিয় রাজগণ বহুকালাবধি রাজত্ব করিয়া আসিতেছিলেন । পার্শ্বতীয় ভূপালবর্গের দুর্ভাগ্য বশতঃ তাঁহাদের মধ্যে পরস্পরে অনৈক্য ও বিবাদ বিস-ম্বাদ ঘটয়া তাঁহারা নিম্ন-দেশস্থ পঞ্জাবের মিসল সমূহের সহিত সংশ্রব সাধনে ও তাঁহাদের সাহায্যাদি গ্রহণে প্রবৃত্ত হইলেন । পরস্পরের মধ্যে দীর্ঘস্থায়ী ঘরাও বিগ্রহ চলিলেই আভ্যন্তরিক ক্ষীণতা ও ছুরবস্থা অনিবার্যরূপে ঘটয়া থাকে ।

সুচতুর রণজিৎ সেই গোলযোগে দুই একবার মিশিতে পাইয়াই তাঁহাদের সেই দুর্বলতার বিষয় বিলক্ষণ অনুধাবন করিলেন । আর কি তাঁহার ভূ-লোলুপ নিজের প্রবৃত্তি ও মন্ত্রীগণ চূপ করিয়া থাকিতে পারে ? ক্রমে ক্রমে সুযোগ মতে তিনি বা তাঁহার সেনাপতির দ্বি একটা করিয়া প্রায় সমুদায় ক্ষুদ্র ও বৃহৎ রাজ্যগুলি হয় সম্পূর্ণরূপে আত্মসাৎ, নয় তো করদাতা অধীন প্রদেশ রূপে পরিণত করিতে লাগিলেন ।

বিশেষতঃ ধ্যান সিংহের জ্যেষ্ঠ ভ্রাতা রাজা গোলাপ সিংহ সেই পার্শ্বত্যা অঞ্চলে—কতক বা নিজের নিমিত্ত, কতক বা প্রভুর জন্ত—ভয়ানক দৌরাভ্যা সহিত অধীনতা শৃঙ্খল পরাইতে লাগিলেন । দৌরাভ্যের প্রধান হেতু ও উপলক্ষ এই যে, মহা তেজস্কর প্রাচীন ক্ষত্রিয় জাতি—সহস্র হৃদিশা ঘটিলেও—সহজে কাহারো বশতা স্বীকার বা অধীনতা রূপ শৃঙ্খল পরিবার ব্যক্তি

নহেন—সুতরাং তাঁহাদের অসম-সাহসিকতা-জনিত বিপক্ষতার গোলাপ সিংহকে তদীয় দিগ্বিজয় রূপ পর-রাজ্যাপহরণের কার্যে কখন কখন এত বাতিব্যস্ত ও ক্ষতিগ্রস্ত হইতে হইত যে, বহু লোকবল বা ছল কৌশল উপায়ে শেষে যখন তিনি জয়ী হইয়া উঠিতেন, তখন পূর্ব কষ্টের প্রতিশোধ স্বরূপ বর্ণনাভীত অত্যাচার ও নৃশংস ব্যবহার করিতেন।

তন্মধ্যে সূদানের সুবা রাজা বিক্রমজিতের নিকট গোলাপ সিংহ যেমন ঠেকিয়াছিলেন, এমন আর কুত্রাপি নয়। বিক্রমজিৎ যথার্থই সিংহ বিক্রমে অপেক্ষাকৃত অল্প সৈন্য সাহায্যে বার বার গোলাপের অধিক সৈন্যকে পরাস্ত ও নানারূপে হর্দশাগ্রস্ত করিয়াছিলেন! চিতোরের অমর-কীর্ত্তি মহারাণাগণ—বিশেষতঃ বীর-চূড়ামণি প্রতাপ বেরূপ মোগল সম্রাটের অতুলিত ভূজপ্রতাপকে লজ্জা দিয়াছিলেন ও মোগল-রক্তে মিবারের গিরি-পথ আপ্লুত করিয়াছিলেন—ধন-জন-রাজ্য-ভ্রষ্ট বনচারী হইয়াও পরাধীন ও নত হইয়েন নাই; বিক্রমজিৎ প্রায় তদ্রূপ শৌর্য্য, বীর্য্য ও স্থির প্রতিজ্ঞা প্রদর্শন করিয়াছিলেন! তজ্জন্য সন্ধীর্ণ-চেতা গোলাপ বার পর নাই জাতক্রোধ হইয়া উঠেন। অবশেষে যখন বহুতর সৈন্যাদি সাহায্যে বিক্রমের রাজ্য ও রাজধানী হস্তগত করিতে সমর্থ হইলেন, তখন আহা! তাঁহার ভয়ানক নিষ্ঠুরাচরণের কাণ্ড নিতান্তই অনির্বচনীয়! কথিত আছে যে, দ্বাদশ সহস্র সূদানবাসীকে ধরিয়া আনিয়া কতক লোকের মস্তক কাটিয়া; কতক লোকের পা ভাঙ্গিয়া, জন্মের মত তাহাদিগকে খোঁড়া করিয়া এবং কত শত বীরের গাত্র-চর্ম্ম—পাঁটা ছাড়াইবার ঞ্চায়—ছাড়াইয়া লইয়া নিতান্তই অমানুষিক পৈশাচিক আচরণ প্রদর্শন করিয়াছিলেন!\*

যখন রাজ্য রক্ষা পক্ষে পরকীয় প্রবল আনুকূল্য ব্যতীত আর কোন উপায়ই রহিল না, তখন বিক্রমজিৎ স্বীয় মাতুলালয় দণ্ডী রাজ্যে পলায়ন করিতে

\* স্ত্রাব হেনেরি লরেন্স লিখিয়াছেন,—“He has over-run the whole district between Kashmir and Attok and inflicted such terrible vengeance on the people of Soudan ( a large district south-east of Muzufferabad ) cutting up, maiming and flaying to the amount, it is said, of 12,000 persons, that the men of Dundi and Satti, two adjoining territories, sent in their submission, but begged not to see his face.”

বাধা হইলেন । তৎপরেই ঐ নিষ্ঠুর ঘটনা । দণ্ডী রাজ্য সূদানের নিকটবর্তী ও সূদানাপেক্ষা ক্ষুদ্র । যাহার পরাক্রমে সূদানই পরাজিত ও শ্রীভ্রষ্ট হইল, সে প্রবল শত্রুর প্রতিদ্বন্দী হওয়া দণ্ডীর কৰ্ম নয় । বিশেষতঃ সূদানের ঘোর হৃদশার দৃষ্টান্ত দেখিয়া দণ্ডীরাজ ভয়ে কাঁপিতে কাঁপিতে গোলাপের ভীষণ বদনখানি সন্দর্শন করিতে না হয়, পূর্বাঙ্কেই তৎপ্রতিবিধান স্বরূপ দূত দ্বারা নজরানা প্রেরণ ও অধীনতা স্বীকার করিলেন । কিন্তু গোলাপ সিংহ তন্মাত্রেরই সম্বন্ধে হইবার নন—তাহাতে তাহার উচ্চাকাঙ্ক্ষা ও ধনতৃষ্ণা চরিতার্থ হইলেও পূর্ব সঞ্চিত ক্রোধ ও প্রতিহিংসা প্রবৃত্তির শান্তি হয় কৈ ? বলিয়া পাঠাইলেন, “যদি ভাল চাও তো বিক্রমজিৎকে আমার হস্তে দান করিয়া কার্যতঃ জানাও যে যথার্থ অধীনতা স্বীকার করিলে !” একে শরণাগত আশ্রিতকে রক্ষা করা ক্ষত্রিয়ের অবশ্য-পালনীয় ধর্ম—সর্বস্বাস্ত হইতে হইলেও তাহা করিতে হইবে—তাহাতে সর্ব গুণাধার শূরাগ্রগণ্য বিক্রমজিৎ তাহার ভাগিনেয়, সূতরাং সে নীচ কাজ কি দণ্ডীরাজ করিতে পারেন ? অতএব জনৈক বিদ্রম মন্ত্রীকে গোপনীর ঋজু পথ দিয়া অতি শীঘ্র স্বয়ং মহারাজ রণজিতের নিকট ক্ষমা ভিক্ষার্থ পাঠাইলেন । কিন্তু রাজসভায় রাজা ধ্যান সিংহের প্রভুত্ব ও চক্রান্ত বিরূপ প্রবল, তাহা পাঠক পূর্বেই জ্ঞাত হইয়াছেন । সূতরাং দণ্ডীরাজের বিদ্রম মন্ত্রীর কোন মন্থণাই তথায় খাটিল না ; তিনি অতি-দ্রুতগামী দূত যোগে বিক্রমকে আপাততঃ পলায়নাথ পরামর্শ দিলেন । সেই যে কর্ণেল ডাউলিন গোশকটে হীরক-মণ্ডিত এক পত্রাংশ প্রাপ্ত হন, তাহাই এই পত্রের অংশ । তদনুসারে হৃভাগ্য সূদানরাজ স্বীয় স্ত্রী পুত্র লইয়া অতি অল্প সংখ্যক অনুচর সমাভিযাত্রারে ইংরাজ-রাজধানী কলিকাতা অভিমুখে ও ইংরাজানুকূল্য উদ্দেশে সঙ্কোপনে পলায়ন করিলেন । আমরা ঐ সব বড় বড় ঘটনা শৃঙ্খলাবদ্ধ-রূপে বলিবার অনুরোধে গুলাপীর পূর্ব-জীবনের কথা ছাড়িয়া আসিয়াছি, এখন তাহা বলিবার সময় । অতএব নীচে যাহা লিখিতেছি, তাহা ঐ সব বৃহৎ ঘটনার বহু পূর্বকার কথা ।

গুলাপীর পিতা ও ভ্রাতা, সূদানরাজের প্রজা ও সৈনিক ; গুলাপীর মাতা, বিক্রম-জননীর প্রিয় পরিচারিকা এবং তৎসঙ্গে গুলাপীও বাল্যাবধি তাশুল-করকবাহিনী পদে নিযুক্ত ছিল । গুলাপী পরিচারিকা ছিল বটে, কিন্তু রূপ গুণ খুব ভাল থাকাতে ভাল ঘরে বরেন্দ্রই অর্পিতা হইয়াছিল ।

পার্বত্য দেশের প্রথানুসারে তত্রত্য মহিলারা যথা তথা ভ্রমণে অপেক্ষাকৃত স্বাধীনা ; তাহাতে গুলাপী উচ্চ শ্রেণীর ভদ্র-কন্যা নয়, সুতরাং যথেষ্ট গমনাগমন পক্ষে তাহার তত বাধা ছিল না। অতএব গুলাপী যখন লাবণ্যবতী যুবতী, তখন একদা সমবয়স্কাগণ সঙ্গে পুষ্পচয়ন ও বনবিহার সুখে মগ্না ছিল, এমত কালে কতিপয় উজ্জ্বল অলঙ্কিত ভাবে হঠাৎ উপস্থিত হইয়া তাহাদিগকে আক্রমণ করিল। ছুরাঝারা আর কাহাকে বড় কিছু বলিল না, গুলাপীকেই বলপূর্বক হরণ করিয়া লইয়া চলিল। সঙ্গিনীরা চঞ্চল-পদে পল্লীমধ্যে সংবাদ দিল। গুলাপীর স্বামী ও ভ্রাতা সশস্ত্র অতিত্রস্ত ধাবমান হইয়া গুলাপীর চিংকার শব্দানুসারে নিকটস্থ হইয়া গুলাপীর উদ্ধার উদ্দেশে অপহারক দলকে আক্রমণ করিল। কিন্তু ছুরাঝারা সংখ্যায় অনেক বেশী—অল্পক্ষণ মধ্যেই গুলাপীর স্বামী ও ভ্রাতা উভয়েই পড়িল—স্বামীর মৃত্যু গুলাপী স্বচক্ষে দর্শন করিয়া বজ্রাহতের ন্যায় চৈতন্য হারাইল, পতিত ভ্রাতাও আর উঠিল কি না, জীবিত কি মৃত অবস্থায় রহিল, তাহাও অভাগিনী জানিতে পারিল না—ছুরাঝারা মূচ্ছিতা অবলাকে লইয়া ক্ষণ বিলম্ব ব্যতীত পলায়ন করিল।

এই অপহারক দল, দস্যু নয়—দস্যু হইলে বন-বিহারিণী তাবৎ তরুণীর অলঙ্কার অপহরণ করিয়াই পলায়ন করিত। ইহারা, পাপিষ্ঠ শিখসর্দার জয় সিং বাংঘীর লোক—তাহারা এইরূপ ঘোর অত্যাচারের কাজেই অনবরত নিযুক্ত থাকিত। পার্বত্য অঞ্চলের যুবতীরা স্বভাবতঃ সন্ধিক সুন্দা, বলিষ্ঠা ও সৌন্দর্যশালিনী, তরুণ পাপমতি সর্দার একদল ভীষণকর্ম্মা নারী-অপহারককে বহু পুরস্কার দানে পুষিত ; তাহারা সুন্দরী যুবতীর সন্ধানে গ্রামে গ্রামে, নগরে নগরে ছদ্মবেশে বেড়াইত ; যে ছুভাগা রূপসী তাহাদের মনোনীত হইত, তাহাকে সুযোগমতে বলে ছলে হরণ করিয়া লইয়া যাইত—প্রায়ই পিতা, ভ্রাতা, স্বামীর হত্যাও সেই সঙ্গে ঘটত।

গুলাপী সেই মূচ্ছাতে—সেই নিদারুণ শোকে মরিল না—বাঁচিয়া উঠিল। তাহার নির্মলতা, সরলতা ও অল্পবয়সের নৈরাশ্র-যাতনা দেখিয়া পাপাঝা জয় সিংহের মনে কিছুমাত্র দয়ার সঞ্চার হইল না ; তদ্বিপরীতে বরং সেই নির্মলতা, সরলতা ও অল্প বয়স, ঘটাহতিবৎ তাহার পাপপ্রবৃত্তি রূপ ছতাসনকে আরো উদ্দীপ্ত করিয়া তুলিল! আহা, গুলাপী প্রতিনিয়ত কত কাঁদিল, কত স্তম্ভিত

মিনতি করিল, কত পায় ধরিল, “ধরমের বাপ” পর্য্যন্ত বলিয়া সম্বোধন করিল, তথাপি নর-পিশাচ ক্রান্ত হইল না। গুলাপী অনাহারে রহিল; বলপূর্ব্বক খাদ্য সামগ্রী তাহার গলাধঃকরণ করিয়া দিতে লাগিল! গুলাপী আত্মহত্যার চেষ্টা পাইল, কিন্তু এমনি সতর্ক প্রহরী ছিল যে, সে চেষ্টাও বিফল হইল। যাহারা যে কাজে ব্যবসায়ী, বহুদর্শী ও অভ্যস্ত, তাহাদের নিকট সরলা বালার প্রতিকার প্রয়াস কোন্ কাজের? তাহাদের অধ্যবসায় ও চাতুর্য্যের পাশে দুর্ব্বলা অবলার প্রতিজ্ঞা কতক্ষণ? পাঠক বুঝিতেছেন, যাহা ঘটিল!

কিন্তু হায়! পূর্ণ যৌবনাবস্থা হইতে না হইতেই নবতরুণীতে গুলাপী নিতান্তই ভয়-হৃদয়া, নিতান্তই নৈরাশ্র-ময়া, নিতান্তই আত্ম-জীবনে ধিক্কার-বিশিষ্টা নিকৃষ্টা রমণীর পরাকাষ্ঠা হইয়া উঠিল—সুপবিত্র দাম্পত্য ও সাংসারিক সুখোৎসাহ রূপ পারিজাত কুসুমোদ্যমের সময়েই বিষাক্ত কীট দংশনে তাহার জীবন মরুক্ষেত্রবৎ নিষ্ফল ও হেয় হইয়া পড়িল!

কতবার পলায়নের সংকল্প মনে মনে উদ্ভিত হইয়াছে, কিন্তু সাধ্য কি যে, প্রহরীতা-পিঞ্জর ও অধীনতা-শৃঙ্খল হইতে এক পদও অগ্রসর হয়? যদিও বা দৈবানুগ্রহে সেই অসম্ভব সুযোগের সম্ভাবনা ঘটিত, তথাপি কোন্ মুখে আর পিতার পবিত্র ভবন অপবিত্র করিতে যাইবে, এই মর্শ্ব-বিদারক চিন্তা-তাপে সে সংকল্প ম্লান হইয়া যাইত!

কালবশে অসহ্যও সহ্য হইয়া উঠে—গুলাপী ক্রমে ক্রমে স্বীয় দুর্ভাগ্যের প্রতি উদাসীন এবং অদৃষ্টলিপি অনিবার্য্য ভাবিয়া তাহার বশ্বতা স্বীকার করিল; ক্রমে সে জঘন্য জীবন অভ্যাসাধীন হইয়া পড়িল! কাজেই যথার্থ সুখ না হউক, একপ্রকার স্বচ্ছন্দতা ও শান্তিভোগে রহিতে সমর্থ হইল!

কিন্তু ভাগ্য যাহার প্রতি বাম, তাহার পক্ষে দুর্ভাবনেই বাঘ! গুলাপীর পোড়াকপালে সেই শান্তি-ভোগ-টুকুও বেশী দিন সহিল না। দুরাখ্যা জয় সিংহের লালসায় কিছুদিনেই নির্ঝাপিত হইল—ভোগজনিত অবসাদ ঘটিল—লম্পটদিগের নূতন ভোগেচ্ছা জাগরিত হইল—অধীন তঙ্করেরা আবার কোন গৃহের সর্ব্বনাশ করিল—অন্য এক রূপবতী নবীনাকে আনিয়া দিল! সুতরাং পাপাশয় নির্দয় সর্দার জীর্ণ বস্ত্রের আয় গুলাপীকে পরিত্যাগ করিল! করুক; ভালই তো; ছাড়িয়া দিলে গুলাপী তো বাঁচে—অমূল্য হারানিধি সতীত্বকে তো আর পাইবেই না, কিন্তু বর্ত্তমান অবস্থায় স্বাধীনতা পাইলেও যথেষ্ট!



হুয়া যদি তাহাকে সেই স্বাধীনতার পথে ছাড়িয়া দিত, তবে কি না করিত ! কিন্তু নীচাশয় ক্রুর জয় সিংহ তাহা করিল না—সেদিকেও গেল না—এক কাঞ্চনীর সর্দারীর নিকট বিক্রয় করিল ! কোথায় পুরস্কার এবং চিরজীবন কষ্ট না পায়, এমন মসহরা দিবে, না তদ্বিপরীতে গুলাপীকে বিক্রয় দ্বারা নিজেই উপার্জন করিল—নিজে পুরস্কৃত হইল—যেন পাঁচি পোষণের খরচা তুলিয়া লইল ! তাহাও অন্ত্র নয়, সাক্ষাৎ রাক্ষসী-রূপিণী এক সর্দারীর হস্তে সমর্পণ করিল ! সে দেশে এরূপ ( ছুকুরী ) ক্রয় বিক্রয়ের অঘণ্ড প্রথা প্রবল ছিল, সুতরাং গুলাপীর মর্শ্বাঘাতী রোদন ও আপত্তি খাটিল না !

সে তো সর্দারী নয়, সাক্ষাৎ সন্নতানী ! প্রকৃত প্রস্তাবেই অভাগিনী-গুলাপী তাহার ক্রীতা দাসী হইল ! হা রাম ! ক্রীতা দাসীও তো সামান্ত কথা—সে দাস্ত্রপণা বৈ তো নয়—সে দাস্ত্রপণা এর চেয়ে সহস্র গুণে ভাল—রাজবাটীর পরিচারিকার বলিষ্ঠা কন্মিষ্ঠা কত তাহাতে কি ডরায় ? এ যে যার পর নাই হয় পদবীর ক্রীতা দাসী হইতে হইল !

কি ঘটিল—প্রিয় পাঠক—বুঝিয়া লউন ! বাহু সৌষ্ঠবে সৌষ্ঠবান্বিতা—রেসমী, পশ্মিনা, স্বর্ণ, হীরা, চূণি, পান্নাতে বিভূষিতা—মজ্লিসে নানা দৃষিত গৌরবে গৌরবান্বিতা ও নানা বিভৎসময় আদরে আদৃত্য—প্রকাণ্ডে হাস্য-তরঙ্গ-নৃত্যরঙ্গময়ী নর্তকী, ভিতরে ভিতরে অভিন্ন মাকাল ফল—দৈহিক ও মানসিক যন্ত্রণায় যার পর নাই প্রপীড়িতা ! কষ্ট ও অপমানের সীমা সংখ্যা নাই ! এত অর্থ উপার্জন করিয়া তাহার কড়া ক্রান্তিতেও নিজের অধিকার নাই—উঠিতে, বসিতে, খাইতে, শুইতে নীচের প্রভু-রাহ-গ্রন্থ ও বাক্যবাণে দগ্ধ, তিলেকের তরেও স্বস্তি নাই—বহু কাঞ্চনী-সমন্বিত সংসারের সামান্ত দাস্ত্রপণা কার্যেও নিযুক্ত হইতে হইত, অথচ দেশাচার ও রাজনিয়মানুসারে কিছুমাত্র প্রতিকারের উপায়ই ছিল না !

রাজধানী লাহোর নগরে গুলাপী একজন প্রসিদ্ধ নর্তকী হইয়া উঠিল—সর্বদাই সর্দারদের ও মহারাজার মজ্লিসে নাচিতে যাইত—স্বয়ং রণজিতের প্রিয়তমা কাঞ্চনী হইতে পারিল ! রণজিতের রাজ-যোগ্য বহু গুণ পূর্বে বর্ণন করিয়াছি, কিন্তু সত্যের অনুরোধে বলা আবশ্যিক যে, উপস্থিত বিষয় সম্বন্ধে—বাক্ষণী ও তরুণী-সহকৃত-বিলাস ব্যাপারে তিনি ও তাঁহার পারিপার্শ্বিকগণ নির্লজ্জ পিশাচবৎ ছিলেন । সে যোর অধোরপস্থি চক্রের—সে অশ্রোতব্য অতি

দুখ্য কাণ্ডের কিঞ্চিন্মাত্রও বর্ণনা করিয়া আমাদের নিষ্কলঙ্ক লেখনী কলঙ্কিত হইতে চাহে না !

শুলাপীর প্রতি রণজিতের এত কৃপা-দৃষ্টি যে, শুলাপী মনে করিলে নিজের একখানি জায়গির পর্য্যন্ত করিয়া লইতে পারিত ! পাঠক স্মরণ করিবেন, রণজিৎ তখন সুবক । কিন্তু জায়গির লইবে কে ? প্রকৃতি দেবী শুলাপীকে মহৎ হৃদয় দান করিয়াছেন—সে হৃদয় কি সেরূপ জঘন্য নারী-জীবন-ক্ষেপণে সম্ভুষ্ট থাকিতে পারে ? স্বভাব তাহাকে উচ্চ স্বভাব দিয়াছেন, সে স্বভাব কি নীচ নারকী ব্যবসায়ের উপার্জন দ্বারা স্বার্থ সাধনে সম্মত হয় ? শুলাপী অনিচ্ছাতেও যখন সুরা রূপী হলাহল পানে আত্মাহারা হইত, তখনই বাহা কিছু সদালাপ বা কদালাপাদিতে মনস্তৃষ্টি জন্মাইত ; নতুবা সহজ অবস্থায় স্বগৃহে ( সর্দারীর গৃহে ) সর্বদাই অনুতাপানলে পুড়িত—সর্বদাই তাহার বদন ভারি থাকিত—কিছুই তাহার ভাল লাগিত না ! এই দোষে কত তিরস্কার—কত প্রহার পর্য্যন্ত ভোগ করিয়াছে ।

তথাপি বহু বর্ষ পর্য্যন্ত এই নরক-যন্ত্রণা সহ্য করিতে বাধ্য হইয়াছিল । কতবার পলায়নের পন্থা দেখিয়াছে, কতবার ধৃত ও তজ্জন্তু ভয়ানকরূপে শাসিত, লাঞ্চিত ও অপমানিত হইয়াছে । শুলাপী বলে “এততেও কিরূপে আমার কঠিন প্রাণ বাঁচিয়া ছিল, তাহা ভাবিয়া ঠিক করিতে পারি না ।”

কিন্তু “চোরের পাঁচ দিন, সাধুর এক দিন !” “যেখানে ইচ্ছা আর ঐকান্তিকতা, সেই খানেই উপায় আর পন্থা !” অবশেষে কোন সুযোগে শুলাপী পুরুষ বেশ ধরিয়া পলায়ন করিতে সমর্থ হইল—পাছে রণজিতের রাজ্যে থাকিলে পুনর্বার ধৃত হইয়া সয়তানীর নিকট আনীত হয়, এই ভয়ে এককালে ইংরাজাধিকৃত লুধিয়ানায় গমন করিল । সঙ্গে স্বীয় বহুমূল্য আভরণাদি ছিল, তাহারই একখানা বিক্রয় দ্বারা নিভৃত স্থলে বাসা লইয়া কিছু দিন গোপনে কাটাইল ।

কিন্তু অল্পকালেই স্বদেশের মায়ায় প্রাণ উচাটন হইল । পিতা মাতা ভ্রাতা ও স্নেহকারী রাজ-পরিজনগণকে দেখিবার নিমিত্ত প্রাণ কাঁদিতে লাগিল । “কপালে যাহা থাকে হইবে, জন্মভূমি ভিন্ন অন্য স্থানে মন তিষ্ঠে না, অরশুই যাইব” এই প্রতিজ্ঞারূঢ়া হইয়া বহু উপায় কৌশলে ও বহু কষ্ট আয়াসে হৃদান নগরে প্রত্যাগমন করিল ।

আনিয়া দেখিল, পিতা মাতা কালকবলিত ! ভ্রাতা নিরুদ্দেশ—শুলাপীর

অপহারকদের আঘাতে সেই ভ্রাতা কাঁচিয়াছিল এবং গৃহে প্রত্যাগত হইয়া বহুকাল পিতা মাতার সহিত রাজ সেবার নিযুক্ত ছিল, কিন্তু পিতা মাতার মৃত্যুর পর নিরুদ্দেশ ! কেহ বলে শিখ হস্তে বন্দী হইয়াছে, কেহ বলে গুলাপীর সংবাদ পাইয়া ছদ্মবেশে লাহোরে তাহার অনুসন্ধান গিয়াছে । পিতৃগৃহ এককালেই জনশূন্য—জীর্ণাবস্থায় পতিত । গুলাপী প্রতিবাসীদের ভবনে বসিয়া বিস্তর কাঁদিল । শেষে সকলের প্রবোধবাক্যে ভ্রাতার পুনরাগমনের প্রত্যাশায় এই স্থির করিল যে, জীর্ণ পিতৃভবনের সংস্কার সাধন পূর্বক অগ্রজের প্রতীক্ষায় কালা হরণ করিবে । কিন্তু রাজবাটীতে সাক্ষাৎ করিতে গিয়া সে সংকল্পের রূপান্তর ঘটিল । পূর্ববৎ প্রিয় পরিচারিকার কন্ম পাইল, সুতরাং রাজবাটীতেই অবস্থান করা ধাৰ্য্য হইল ।

তখন রাজপুরীর অবস্থাও পরিবর্তিত হইয়াছে ; মহারাজার স্বর্গারোহণে বিক্রমজিৎ কয়েক বৎসর সিংহাসনে বসিয়াছেন । গুলাপী বিক্রমজিৎকে বালক দেখিয়া গিয়াছিল, এক্ষণে সেই বিক্রমজিৎ পার্শ্বত্যা অঞ্চল মধ্যে একজন মহা-বিক্রমশালী যুবা, সৰ্ব্বগুণাকর সৰ্ব্বপূজ্য কেশরী তুল্য পরাক্রান্ত মহীপাল— তাঁহার সুপালনে ও দোর্দণ্ড প্রতাপে সূদান যেন রামরাজ্য হইয়া উঠিয়াছে । আরো সুখের বিষয়, বিক্রমজিৎ বিবাহ করিয়া রূপে গুণে সাক্ষাৎ লক্ষ্মী-স্বরূপিণী এক রাজকন্যাকে গৃহে আনিয়াছেন । গুলাপী আসিয়া দেখিল, সেই পটু মহিষী পূর্ণগর্ভা । তাঁহার স্নেহশীলা স্বশ্রু ( পূর্ব রাজরাণী ) সেই গর্ভিণী বধুর বিশেষ সেবা শুশ্রূষা নিমিত্ত পুরুষানুক্রমিক কিঙ্করী-বংশজাতা গুলাপীকে নিযুক্ত করিলেন । গুলাপীর রূপলাবণ্য ও সহৃদয়তা প্রভৃতি গুণাবলীতে সকলেই সন্তুষ্ট—তাঁহার জঘন্য জীবনের তথ্য প্রাচীনা রাণী বৈ আর কেউ বড় জানিতে পারিল না । বৃদ্ধা রাজ্ঞীও যৎকিঞ্চিৎ বাহা শুনিলেন, তাহা গুলাপীর দোষ বলিয়া জানিলেন না, তাহার দুর্দৃষ্টের ফল বলিয়া তাহাকে গোপনে প্রামাণ্ডিত্ত করাইয়া লইলেন । অতএব গুলাপী আসিয়া মহা সুখী হইল ও সকলকেই সুখী দেখিল ।

কেবল একটা মানুষিক উৎপাত উপস্থিত হইয়া রাজ্যময় সকলকেই চিন্তাকুল করিয়াছিল । পূর্ব বৎসর অতি সামান্য সূত্রে বা বিনা কারণেই দুর্দান্ত গোলাপ সিংহ গর্ভিত শিখ সৈন্য লইয়া সূদান আক্রমণ ও কোন কোন ভাগ ছার খার করিয়াছিল । বীর বিক্রমজিৎ যদিও অসামান্য শৌর্য্য ও সমর-

চাতুর্য্য বলে সেবার শত্রুকে পরাজিত ও বিদূরিত করিয়াছেন, কিন্তু বৈরিপক্ষ যেরূপ শাসাইয়া গিয়াছে, তাহাতে শীঘ্রই যে আবার অধিক আয়োজনে আসিবে এবং সর্বনাশ বাধাইবে, সে পক্ষে সন্দেহ বড় ছিল না।

দুর্ভাগ্যক্রমে তাহাই ঘটিল। এ দিকে অপূর্ব একটা রাজকুমার জন্মিয়াছে বলিয়া জাত কন্মাদিতে এবং অন্নপ্রাশনোপলক্ষে কয়েক মাস ধরিয়া রাজ্য মধ্যে মহোৎসব চলিতেছিল, ও দিকে শত্রুগণ বিভিন্ন ভাগ হইতে বিভিন্ন দলে আসিয়া বিভিন্ন ধাতুর আক্রমণ ও উৎপাত আরম্ভ করিল। তাহার ফল পূর্বেই ব্যক্ত হইয়াছে। তাহাতে যেরূপে মৃত্যুলালয় দণ্ডীরাজ্যে বিক্রমের আশ্রয় গ্রহণ ও তথা হইতে কলিকাতাভিমুখে পলায়ন হয়, তাহা পাঠক পূর্বেই পাঠ করিয়াছেন।

এই পলায়ন আরো বিলাপজনক, যেহেতু তৎপূর্বেই নানা মনস্তাপে উৎকট রোগগ্রস্তা হইয়া বৃদ্ধা রাজমাতা পরলোক গমন করিয়াছেন।

শুলাপী রাজকুমারের পালয়িত্রী রূপে রাজা ও রাজরাণীর সঙ্গিনী হইয়াছিল—শুলাপীর স্ত্রীর বিখ্যাতী ও সর্বশুণে, শুণবতী পরিচারিকা আর কেহই ছিল না।

ত্রিভুজ নামে বহু কন্মঠ এক শঠ ব্যক্তি কন্মধ্যাক্ষ রূপে রাজা বিক্রমজিতের সঙ্গে চলিল। ত্রিভুজের নিবাস কোথায় এবং পূর্বে সে কি কন্ম করিত, তাহা কেহ জানিত না। শুলাপী হৃদান-রাজপুরীতে প্রত্যাবৃত্ত হইয়া দেখিল, সে প্রভুর সর্বাপেক্ষা প্রিয়তম কন্মচারী হইয়া উঠিয়াছে। রাজা সর্বদাই তাহাকে ডাকেন, সকল কন্মেই তাহার সহিত পরামর্শ করেন—ভাবে বোধ হইত, রাজা ভাবিতেন ত্রিভুজের তুল্য সর্ব-কন্ম-পারদর্শী ও সর্ব-বিষয়জ্ঞ লোক আর কেহই নাই। কিন্তু বৃদ্ধ মন্ত্রীবর্গ প্রভৃতি পুরাতন রাজহিতৈষী ব্যক্তি মাত্রেই এই নবাগত ত্রিভুজের স্বভাব চরিত্রের প্রতি সন্দেহান হইতেন—রাজা ভাবিতেন, ইঁহারা ঈর্ষার বশেএরূপ সন্দেহ করেন। রাজপুরীতে শুলাপীর আগমনের পর যখনই ত্রিভুজের সহিত তাহার সাক্ষাৎ হইত, তখনই যেন শুলাপীর প্রতি ত্রিভুজ সপ্রণয় দৃষ্টিপাত ও প্রেম-শরবিদ্ধ নায়কের স্ত্রীর কোমল ভাবের মধুর সঘোষনাদি বিশ্বাস করিত। শুলাপী তখন আর নব্যা বালিকা নয়—বহুদর্শী—সে কি আর ধলের ছলচাতুর্য্যে ভুলে? সুতরাং সে অসুরাগের বিরুদ্ধে বিরাগ প্রকাশ বৈ কখনই উৎসাহদান করে নাই; তথাপি ত্রিভুজ কাস্ত হইত না,

বরং অধিক ছলে বলে, অধিক কোশলে, অধিক গুণপনায়, দুর্গাক্রমণে অধ্যব-  
সায়ী হইল । গুলাপী এক এক বার ভাবিত, “রাজরাণীকে বলিয়া দিই,” আবার  
ভাবিত, “একে আমি নিজে দোষী, তাহাতে ত্রিভুজ যেরূপ অতিশয় চতুর ও  
বহুরূপী ভাবাপন্ন লোক এবং প্রভুর যেরূপ অতি প্রিয় কাম্ভচারী, সে অন্যায়সে  
ছলে কোশলে বিপরীত ঘটাইয়া আমাকেই অপরাধিনী করিয়া তুলিতে  
পারে ; অতএব কান্ন কি ? ও কেন অমন করিয়া মরুক না—আমি এতই কি  
সতী সাবিত্রী যে, এরূপ মিষ্ট কথায় ও বাক্য দৃষ্টিতে গলিয়া পড়িয়া যাষ্টব ?  
নিজে সাবধানে থাকিলেই যথেষ্ট !”

কলিকাতাভিমুখে পলায়নের পর পশ্চিমণ্যে ত্রিভুজ একজন অতিরিক্ত  
দ্বারবান ও বেহারা নিযুক্ত করিল—প্রভুকে বুঝাইল, তাহারা তাহার পূর্ব-  
পরিচিত অতি বিশ্বাসী ও সাহসী লোক, সঙ্গে রাখা ভাল । ফলতঃ রাজা  
বিক্রমজিৎকে ত্রিভুজ এমন বশ করিয়া লইয়াছিল যে, সে যাহা করিত প্রায়  
তাহাই হইত এবং সে নহিলে তাহার এক দণ্ড চলিত না । ক্রমে ঐ দুই নূতন  
ভৃত্যের আচরণ ও প্রভুভক্তি দেখিয়া রাজা মহা সন্তুষ্ট হইলেন ।

পশ্চিমণ্যে গুলাপীর প্রতি ত্রিভুজের প্রণয়-চেষ্টার বহুশুণে বৃদ্ধি বৈ হ্রাস  
হয় নাই । পূর্বেই বলা হইয়াছে, ত্রিভুজ সর্বশুণে গুণবান পুরুষ ; অধিকন্তু  
শ্রীমানও বটে । তেমন স্ত্রীপুণ যোদ্ধার পুনঃ পুনঃ বিবিধরূপ আক্রমণে  
কীর্ণ-প্রাণা অবলার হৃদয়-দুর্গ কত দিন আর অভেদ্য থাকিতে পারে ? বিশেষ  
তাহারা যখন রাজপুরীতে ছিল, তখন দেখা সাক্ষাৎ বা আলাপের সুযোগ  
অত্যল্পই ঘটিত ; এখন অহনিশি অতি নিকট—মধ্যাহ্ন ভোজনের পরক্ষণ  
হইতে পাছশালা বা চটিতে প্রায় নিষ্কম্বাবস্থায় সর্বদাই একত্রে অবস্থান—  
রাজকুমারকে কোলে লইয়া গুলাপী যখন বৈকালে বেড়াইত, তখন সুযোগ  
আরো বেশী । ত্রিভুজ কি এরূপ সুযোগকে বিফলে কাটাইবার লোক ? ক্রমে  
সে গুলাপীর হৃদয়ধিকারে সম্পূর্ণরূপেই সমর্থ হইল—ক্রমে গুলাপী তৎপ্রতি  
এমন অসম্ভব অনুরাগবতী হইয়া উঠিল যে, যেন তাহাকে নিতান্তই মন্ত্রমুগ্ধা—  
যেন একান্তই বশবর্তিনী আজ্ঞানুসারিণী কিঙ্করী করিয়া তুলিল ! ধন্য কপটতার  
কূহক—ধন্য প্রতারণার ইন্দ্রজাল !

একদিন চটিতে অবস্থান সময়ে সন্ধ্যার পর ত্রিভুজ কোথায় যেন গোপনে  
ঘাইতেছে, দেখিয়া গুলাপী তাহার অনুসরণ করিয়া দূর হইতে দেখিল, ত্রিভুজ

একটা আম-বাগান মদ্যে করেক জন সন্ন্যাসীর সহিত গিয়া মিশিল। গুলাপীর হৃদয়ে যে বিষরূপী বিষ জ্বলিতোঁছিল, তাহাতে মুক্তি পাইল ! কাজেই সুস্থ চিত্তে রাজকুমারের লালন পালন ও রাজরাণীর সেবা কার্যের নিমন্ত স্বস্থানে ও জ্যাকৃত হইল। বহুক্ষণ পরে ত্রিভুজ আইলে গুলাপী সন্ন্যাসীদের সহিত সাক্ষাৎকালের কারণ জিজ্ঞাসু হইলে ত্রিভুজ সহাস্তে উত্তর দিল, “সিদ্ধি বটিকার জন্ম গিয়াছিলাম।” এই বলিয়া একটা সিদ্ধি বটিকা গুলাপীকে যত্নপূর্বক খাওয়াইল। গুলাপী পূর্বে এককালে অধিক পারমাণে সুরাপানেও অভ্যস্ত ছিল, সামান্য সিদ্ধির নেশায় তাহার আপত্তি কি ? বিশেষ হৃদয়নাথ অনুরোধ করিতেছে . অবিচারাভাবে তৎক্ষণাৎ সেবন করিল। কিন্তু কয় দণ্ড অতীত না হইতেই তাহার শরীরের ভাব ভয়ানক হইল—মস্তিষ্ক মধ্যে কি যেন ঘুরিতেছিল—সর্বত্র অবশ লটয়া আইল, আর বসিয়া কি চক্ষু চাহিয়া থাকিতে পারিল না—রাজরাণীর নিকট “অস্থিত হইতেছে” বলিয়া বিদায় লইয়া শকট মধ্যস্থ স্বীয় কক্ষে গিয়া শয়ান শয়ন করিল। সর্বশুদ্ধ হই খানি সুদীর্ঘ গো-শকট ছিল। তাহার প্রধান খানিতে রাজা, রাণী ও রাজকুমার এক প্রকোষ্ঠে এবং তৎপশ্চাতেব কামরার মধ্যে গুলাপী ও অপর এক প্রোচা পরিচারিকার শয়ন-স্থান নির্দিষ্ট ছিল। অপর শকটে ত্রিভুজ ও পরিচারক-গণের স্থান ছিল। তদ্বিন্ন করিপয় পদাতিক পদব্রজেই সহচর ছিল।

গুলাপী ঐ যে শয়ন করিল, সে রাত্রি ও তৎপরবর্তী দিন রাত্রি মধ্যে আর উঠিল না—দোর অট্টেত্তা, মৃত্যবৎ পাড়িয়া রহিল—সেই সময় মধ্যে কি হইয়াছে, কিছুই জানিতে পারিল না !

সেই দীর্ঘ নিদ্রা হইতে জাগ্রত হইয়া যখন চক্ষু চাহিল, তখন দেখে এক গভীর অন্ধকারাচ্ছন্ন স্থান—শকটস্থ রাজ প্রকোষ্ঠে সারা রাত্রি যেরূপে আলো জ্বলিত, তাহার চরুমাত্রও নাই এবং দৈবাৎ কোন কারণে সে আলোক যদি নিবিয়া গিয়া থাকে, তথাপি এত গাঢ় অন্ধকারই বা হইবে কেন ? বিশেষ ইঙ্গ তো দেখ প শয়ান নয়—চতুর্দিকে হস্ত বুলাইয়া দেখে, পাবাণ তুল্য কঠিন ও নীতল স্থান, শকটস্থ শয়ান ভাব কিছু মাত্র নয় এবং নিকটে প্রোচা পরিচারিকাও নির্দ্রত নাই ! তখন ভয় হইল—প্রথমে মৃদুস্বরে বলিল “এ কি ? কোথায় আমি ? গরু বা লোকজন কাহারই বা কোন শাড়া শব্দ নাই কেন ?” কোন উত্তর না পাইয়া উঠিয়া বসিল—এদিক্ ওদিক্ হাত বাড়াইয়া আবার

ভালরূপে দেখিয়া চীৎকার করিয়া উঠিল ! বুঝিল, ইহা একটা কারাগার, কি পর্ত্ত গুহা !

ত্রিভূজ সেই ভীষণ পর্ত্ত-গহ্বরের অন্তর শয়ান ছিল, চীৎকার শব্দে জগরিত হইয়া “ভয় কি ? ভয় কি ?” বলিতে বলিতে নিকটে আসিয়া গুলাপীকে আশ্বাস দিল, কিন্তু নিঃশব্দ করিতে পারিল না । রাজরাণী, রাজকুমার ও মহারাজ কোথায়—তাহারা সেরূপ জনশূন্য ভীষণ স্থানে কেন, ইত্যাকারের ঘোর আশঙ্কা ও চিন্তায় গুলাপী উন্মাদিনীবৎ হইয়া বিষয়ে ও ভয়ে নানা প্রশ্ন করিতে লাগিল । ত্রিভূজ যথা বুঝাইল, তাহাতে গুলাপীর হৃদয় কিছুতেই প্রবুদ্ধ ও পরিতৃপ্ত হইল না—গুলাপী অজস্র কেবল রোদন করিতে লাগিল । ত্রিভূজ বুঝাইল ;—“আমাদের প্রণয়-ব্যাপার রাজা জানিতে পারিয়া গত রাত্রে তুমি সিদ্ধির নেশায় অভিভূত হইয়া পড়িলে, আমাকে ডাকিয়া বৎপরোনাস্তি তিরস্কার করিলেন—এমন কি, প্রহার পর্য্যন্ত করিতেও উদত । পুনঃ পুনঃ বলিলেন, তোরা দুই জনেই চলিয়া যা—তোদের মুখ আর দেখিতে চাই না । আমি প্রথমে লজ্জায় ও ঘণায় অবনত মস্তকে ছিলাম ; পরে বিস্তর কাকুতি মিনতি করিয়া ক্ষমা চাহিলাম ; তাহাতেও তিনি ক্ষান্ত না হওয়াতে ভাবিলাম, এখন স্থানান্তরে যাই, পরে বাহা হয় হইবে । এই সংকল্পে দূরে অবস্থান করিলাম । তিনি তৎক্ষণাৎ আমাকে আর তোমাকে দূর করিয়া দিতে আদেশ দিলেন । দাস দাসীরা বোধ হয়, আমাদের পতি ঈর্ষান্বিত ছিল, একারণ আজ্ঞামাত্রই অপমানের সহিত আমাকে তাড়াইয়া দিল এবং তোমাকে ধরিয়া চটির প্রান্তে ফেলিয়া দিয়া আইল । তখন করি কি ? চটির দোকানদারেরা সকলেই নিদ্রিত—কেহই উঠিল না । ভাগ্যবলে সন্ন্যাসীদের সঙ্গে আলাপ করিয়া-ছিলাম, তাহাদের অগ্নির নিকটে তোমাকে লইয়া রাত্রি কাটাইলাম, নতুবা বাঘে খাইয়া ফেলিত । প্রভাতেও তোমার চৈতন্য হইল না ; তোমাকে সেই আমবনে রাখিয়া রাজ-সমীপে পুনর্বার ক্ষমা ভিক্ষা জ্ঞাত্ত গেলাম : গিয়া দেখি তাহারা রাত্রি সবেই চলিয়া গিয়াছেন । সন্ন্যাসীরা বন্ধুভাবে বলিলেন ‘আমাদের সঙ্গে আইস ।’ তাহাই করিলাম, তোমাকে বুকে তুলিয়া আমার স্বন্ধে মাথা রাখিয়া চলিলাম । লজ্জায় লোকালয়ে না গিয়া তাহাদের সঙ্গে বনে বনে বহুকষ্টে সমস্ত দিন কাটাইয়া শেষে এই খানে আইলাম । তোমাকে খাওয়াইবার অনেক চেষ্টা করিলাম, সববৎভিন্ন আর কিছুই খাওয়াইতে পারিলাম

না। আপনি কিঞ্চিৎ আহার করিয়া দ্বারে পাথর চাপাইয়া শুইয়া পড়িলাম। সন্ন্যাসীরাও এই গুহায় ছিলেন ; বোধ হয় রাত্রি শেষ হওয়াতে এবং আমাদিগকে অচৈতন্যে নিদ্রিত দেখাতে না বলিয়াই চলিয়া গিয়াছেন। বাহা হউক, একটু পরেই প্রভাত হইবে, হইলেই আমরাও যাইব—বল তো কলিকাতার দিকে তাঁহাদেরই পশ্চাতে যাইব। কিন্তু আমি তো রাজার যে ভাব দেখিয়াছি, তাহাতে সে আশা আর বৃথা ! আমার বিবেচনায়, আর তাঁহারা আমাদিগকে গ্রহণ করিবেন না—করিলেও সেই পূর্ব মান এবং পূর্ব বিশ্বাস আর পাওয়া যাইবে না—অতএব চল, কোন ভাল সহরে গিয়া ছই জনে পরম স্নেহে ঘরকর্মা করি গে :

### ষোড়শ পরিচ্ছেদ ।

পূর্ব কথা—বিদ্যালিকা— উৎসব ।

তুলীন ব্রতক্ষণ পর্যন্ত নিস্তরক ভাবে শুনিতেছিলেন, আর স্তির থাকিতে পারিলেন না ! শেষটা শুনিতে শুনিতে হৃদয়ভেদী দীর্ঘশ্বাস ঘন ঘন নিঃসৃত হইতে লাগিল ! তাঁহার ভাব দর্শনে সমবেদনশীল লীলা মহা ভীতা হইল—রাণীচন্দ্রকুমারী হস্তের উজ্জিতে গুলাপীকে আর বলিতে নিষেধ করিলেন—গুলাপী সাহেবের মর্শ্ব বুঝিল, নিরস্ত হইল !

ব্রতক্ষণ নিস্তরকতার পর, বিবাদ-গদগদ গভীর স্বরে তুলীন কহিলেন “কৈ ? চিহ্নের কথা তো কিছুই বলিলে না ?”

গুলাপী বলিল “হুজুর ! তাহাটী বলিতেছিলাম। সেই যে চন্দ্রতুলা রাজকুমারকে প্রায় চতুর্দশ মান এই দণ্ড বৃকে রাখিয়া লালন পালন করিয়াছিলাম, তাহার কক্ষদেশের পাশে পদ্ম ফুলের ত্রায় আরক্তিম জড়ুরের দাগ যেমন দেখিতাম, হুজুরের অঙ্গেরও ঠিক তেমি স্থলে অভিন্ন তেমি আকারের পদ্ম-জড়ুর দেখিয়াছি ! তাই দেখিয়াই আপনার মুখপানে চাহিয়া চাহিয়া অবাক হইয়াছি—বিস্ময়ে অভিভূত হইয়া রাণীজীকে পুনঃ পুনঃ বলিতেছি, কোথায় বিলাতী সাহেব, আর কোথায় বা সেই প্রাণাপেক্ষা প্রিয় সূদানরাজ-শিশু ! কিন্তু সেই অমূল্য হারানিধির চিহ্ন আর আপনার শ্রীঅঙ্গের চিহ্নে কিছু



মাত্র যে প্রভেদ নাই, তাহা আমি শপথ করিয়া বলিতে পারি ! মুখের আকৃতির তুলনা যদিও এত যুগযুগান্তে তত ঠিক করিয়া বলা যায় না—বলিলেও কেহ প্রত্যয় করিবে না—কিন্তু আমার মনে তিলেকের তরেও সন্দেহ নাই ! আহা, সেই মুখ, সেই চক্ষু, সেই নাক, সেই কপাল, সেই সব যেন কেহ তুলিয়া আনিয়া ডাগর করিয়া আপনার শরীরে দিয়াছে ! আমার একটা প্রবল প্রমাণ আছে ; সেইটী এখন আমার স্মরণ হইল । সেই রাজপুত্রের দক্ষিণ পদের কনিষ্ঠাঙ্গুলি বামপদের কনিষ্ঠাঙ্গুলির অপেক্ষা কিছু বড় ছিল—তজ্জন্ত সৃদান-রাজমহিষী কতই অসুখী হইতেন—বলিতেন, ‘বিধাতা বৃষ্টি জগতে কিছুই নিখুঁত করিয়া গড়েন না, নতুবা আমার বাছার সর্কাদ সম্পূর্ণভাবে সুগঠন করিয়া এখানেই বা একটু খুঁত করিয়া দিবেন কেন ?’

এই সময় লীলাবতী ব্যস্তা হইয়া সলজ্জ মৃদুস্বরে বলিয়া ফেলিলেন “আপনার পা খুলিয়া কেন দেখুন না ! আমরা নয় ওষরে যাই—” বলিয়াই উঠিতে উদ্যতা । ছলীন সন্দেহে হাত ধরিয়া বসাইয়া অস্পষ্ট স্বরে কহিলেন “খুলিয়া দেখিতে হইবে না, আমার জানাই আছে, সেইরূপই বটে !”

পুনর্বার গৃহটী নিস্তরু—সকলেই নীরব । ছলীন স্বীয় ক্রমাল লইয়া মুখ চাকিলেন—বীর ছলীন কাঁদিতে লাগিলেন—স্বীগণ সমক্ষেই কাঁদিতেছেন—হৃদয়ের উচ্ছ্বাস-তরঙ্গ ভয়ানক—সে বেগ সম্বরণ কাহার সাধ্য !

রাণী চন্দ্রকুমারীও নীরবে কাঁদিতেছেন—কাহারো চুঃখ তাঁহার সহে না ! লীলাও কাঁদিতেছে—কেন তা জানে না ! গুলাপী কাঁদিতেছে না—গুলাপী যেন শুষ্ক কাষ্ঠবৎ অসাড়—কেন তাহা মনোস্তব্ধ বৃথেরাই বলিতে পারেন, আমরা জানি না !

কাঁদিতে কাঁদিতে চন্দ্রকুমারী উঠিলেন ; ধীরে ধীরে গিয়া ছলীনের হাত ধরিয়া মৃদু-মধুর রবে বলিলেন “বাবা ! তোমার স্তায় মহাপুরুষের চক্ষে জল দেখিয়া বুক ফাটিয়া যায় ! বৎস ! কান্ত হও—তোমার স্তায় মহাপুরুষ যে রাজপুত্র হইবেন, বিচিত্র কি ? রাজবংশে জন্ম না হইলে কি এমন সুশাসন—এমন প্রজাপালন—এমন রামরাজ্য করিতে পারিতে ? গুলাপী যা বলিতেছে, আমরা কয়দিন যা অনুমান করিতেছি, তা যদি সত্য হয়, তবে ভালই তো—সেই জন্ত এত চুঃখই বা কি ? তোমার কিসের অভাব—লোকবল, বাহুবল, যশোশল, সবই আছে ; পিতৃরাজ্য দূরে নয় ; হৃষ্ট হৃৎমনেরা ভোগ করি-

তেছে—ছারথার করিয়া ফেলিতেছে ! নিজ ভ্রজপ্রতাপে পিতৃরাজা উদ্ধার করিয়া মুখে রাজত্ব কর ! আমাকে যে এত অনাথিনী কাঙালিনী দেখিতেছ, এখনও কাংরার লোক আমাকে এত ভক্তি করে, আর তোমার উপর তাহাদের যে শ্রদ্ধা, তাহাতে আমি আর তুমি এক কথা বলিলেই তৎক্ষণাৎ তোমার জন্ত তাহারা প্রাণ দিতে প্রস্তুত হইবে—যেখানে বলিবে সেই খানেই যাইবে—তুমি মনে করিলে আর আমি বলিলে কা'লই তুমি কাংরার স্বাধীন রাজা হইতে পার, তাহার পর পিতৃরাজা উদ্ধার তো তোমার পক্ষে সহজ কথা !”

তুলীন ক্রমাৎ চক্ষু মুছিয়া ক্রমাৎ তুলিয়া চাহিয়া দেখেন, লীলার চক্ষে জলধারা ! আশ্চর্য্য বাক্যে উঠিয়া বসিলেন এবং হাসিয়া বলিলেন “ছি, দিদি, আর কেন ? এই দেখ, আমি হাসিতেছি !”

লীলাও চক্ষু মুছিল—লীলাও হাসিল !

তুলীন রাণীজীর দিকে চাহিয়া বলিলেন “না, মা, ওরূপ কথা আর মুখে আনিবেন না—আমি বিশ্বাস-ঘাতক বিদ্রোহী হইব না—যাহার রুটি খাইতেছি, তিনি যাহাই হউন, তাহার দয়ার পরিবর্তে অকৃতজ্ঞতা দেখাইব না—আশীর্বাদ করুন, সে প্রবৃত্তি যেন তোমার সম্মানের মনে কখনো উদয় না হয় ! আমি মা, রাজ্য কি রাজত্বের জন্ত কাঁদি না—আমার রোদনের, মা, বড় নিগূঢ় কারণ আছে—এখন তা শুনিতে পাইবেন—আপনি আমার মা, লীলা আমার প্রাণের ভগ্নী, গুলাপী আমার প্রাণদাতা দ্বিতীয়া জননী, এখন এ পৃথিবীতে আপনাদের মত ব্যথার ব্যথী হিতৈষিনী আর আমার কেহই নাই—আপনাদের নিকট কোন কথাই গোপন করিব না—আমার মর্মান্তিক দুঃখের কারণ তোমাদের কাছে কাঁদিব না তো কাহার নিকট কাঁদিব ! গুলাপী যত কথা কহিল, আমার মনে প্রাণে সমস্তই সত্য বোধ হইল—যদি ঘুণাগ্রে বৃষ্টি-তাম বে, সিদ্ধি বটিকার কথা মিথ্যা এবং সেই ভয়ানক রাত্রে ঘটনায় সে লিপ্ত ছিল, তবে আর কথা কওয়া দূরে থাকুক, এতক্ষণ কি কাণ্ড বাধাইতাম, তাহা দেখিয়া তোমরাও অবাক হইতে—ভয়ে কাঁপিতে ! কিন্তু ধর্ম্ম আর ঈশ্বর জানাইয়া দিতেছেন, গুলাপী সম্পূর্ণ নির্দোষী—সে যাহা বলিল, তন্নিম্ন অন্য আর কিছুই জানে না ! তাহা না হইলে—সে আপনাকে মনে মনে দোষী বলিয়া জানিলে, আমার অঙ্গের চিরু দেখিয়া এরূপ ব্যবহার করিত না—কিছুই প্রকাশ করিয়া বলিত না, বরং চিকিৎসার ছলে আমাকে মারিয়া ফেলিত !

অতএব যদিও গুলাপী একজন নর-রাক্ষসের প্রতারণা জালে পড়িয়া তাহার সাহিত্য পাপ করিয়াছে, কিন্তু সে পিশাচের নিদারুণ পৈশাচিক বৃত্তির সহকারিণী বা ভাগিনী হওয়া দূরে থাকুক, তাহার অমানুষিক স্বভাব ও ভয়ানক ভাব সে কল্পনাতেও অনুভব করিতে পারে নাই ! তাহার আর ত্রিভুজের পরবর্তী ইতিহাস আমি গুনিতে চাই না—কিয়ৎকাল ভোগতৃপ্তির পর সে নারকী নর যে উহাকে নির্দয়রূপে বর্জন করিয়া গিয়াছিল অথবা উহার প্রতি আরো কোনরূপ অসম্ভব নিষ্ঠুরাচরণ দেখাইয়াছিল, তাহা আর পরিচয় দ্বারা জানিতে হইবে না ! তৎপরে গুলাপী যে অনুতাপে দন্ধা-হরিণীবৎ অর্দ্ধ উন্মাদিনী ভাবে ঘুরিয়া বেড়াইতেছে—সাধামতে লোকের হিতই করিতেছে, তাহাও কেহ না বলিয়া দিলেও বুঝিতে পারিতোঁছি ! ভুল ভ্রান্তি সকলেরই হয়—যাহার মহদস্তঃকরণ, সে সেই ভুল বুঝিবামাত্র পুনর্বার পবিত্র পথে যাইতেই চেষ্টা করে ! গুলাপীর হৃদয় মহৎ, ছুরাঘ্রাদের দৌরাভ্যে স্থানভ্রষ্ট ও ধর্মভ্রষ্ট হইয়াছিল মাত্র—অশেষ যন্ত্রণার পর শেষে সুযোগ পাইবা মাত্র আবার সেই মহৎ হৃদয় হৃদান-রাজসংসারে আসিয়া মহৎ পথেই দাঁড়াইয়াছিল ! এ সংসার সয়তানপূর্ণ, পুনর্বার এক সয়তান তাহাকে সয়তানি-চক্রে ফেলিয়া পেষণ করিল ; তথাপি হৃদয়ের মহৎগুণে গুলাপী সম্পূর্ণ চূর্ণ না হইয়া আবার মহত্বের পবিত্র মন্দিরে আসিয়া আশ্রয় লইয়াছে ! অতএব আমি এত অবোধ নই যে, এমন মহৎ হৃদয়-বতী ছুর্ভাগা কামিনীকে এমন সয়তানের সহযোগিনী ভাবিব !”

হুলীন এই বক্তৃতাটী রাণী চন্দ্রকুমারীকে সম্বোধন করিয়াই বলিতে আরম্ভ করেন—প্রথম স্তবক পর্য্যন্ত তাহাও করিয়াছিলেন, কিন্তু শেষের স্তবকটী অশ্রমনস্ক ভাবে যেন স্বগত রূপেই ব্যক্ত করিলেন । অতি ধীরে বলাতে দীর্ঘ সময়ও লাগিল ।

গুলাপী যে কষ্ঠ-পুস্তলিকা ছিল, তাহাই রহিল ! বক্তৃতা কালে লীলার নয়ন যেন নিনিমেষ হইয়া হুলীনের ( রোগে শোকে শীর্ণ ও বিবর্ণ ) মুখ পানে এক দৃষ্টিতে দেখিতে লাগিল—লীলার ললাটে, গণ্ডে, নেত্রে ও মধুরাধরে বক্তার প্রতি অনুরাগ যেন মাথা রহিয়াছে, ইহাই প্রকাশ পাইল !

৫ চন্দ্রকুমারী পুনশ্চ বলিলেন “বাবা ! রাজা বিক্রমজিৎ আমার স্বস্তরের পরম বন্ধুর পুত্র—বিক্রমের পিতার সহিত আমার স্বস্তরের সখ্য এ অঞ্চলে প্রসিদ্ধই

ছিল ! সেই জন্মই আমার স্বামী অমৃতহাদ চাঁদকে রাজা বিক্রমজিৎ দাদা এবং এ অভাগিনীকে বিক্রম-মহিষী দিদী বলিয়া ডাকিতেন ! হায়, কত পুরাতন নির্দোষিত আগুন আজ আবার দ্বিগুণ তেজে জলিয়া উঠিতেছে ! সেই প্রিয় ভগ্নী নন্দ্যদাসুন্দরী পুত্রবতী হইলে আর তাঁর সঙ্গে আমার দেখা সাক্ষাৎ ঘটে নাই—পুত্রের পৃথিবী দর্শনের পূর্ক হইতেই তাঁহাদিগকে বিপদে ঘেরিয়াছিল—আমাদিগকে তখনও ঘিরে নাই ! আহা বৎস ! তবে যথার্থই কি তুমি সেই ভূ-দেবী নন্দ্যদাসুন্দরীর পুত্র ? তুমি কি তবে এত কাল এ পরিচয় জানিতে না ? তবে কি তাঁহাদের ক্রোড়ে তুমি পালিত হও নাই ? তবে কি অকস্মাৎ তাঁহাদের কোন দৈব বিপাক ঘটয়াছিল ? না, কোন অনিচ্ছনীয় অনিবার্য কারণে কোন সাহেবের হস্তে তুমি সমর্পিত হইয়াছিলে ? বল, বল, বাবা, মন বড় ব্যাকুল হইয়াছে ! প্রিয় ভগ্নী-পুত্র—প্রিয় সখী-পুত্র—প্রিয় দেবর-পুত্র বলিয়া তোমাকে হৃদয়ে ধারণ করিতে প্রাণ যেন ব্যগ্র হইতেছে—একবার মাত্র একটা 'হাঁ' বলিয়া সন্দেহ ভঞ্জন কর !”

হুলীন দীর্ঘ নিশ্বাসের সহিত “হাঁ মা তাই !” বলিয়া ত্রস্ত হইয়া হিন্দু-প্রথা-মুসারে উঠিয়া মাতৃ-সখীর ( বাঙ্গালী হইলে মাসী-মা বলিতেন ) চরণ বন্দন করিলেন—মাতৃ-সখী অমনি যেন হারাধন পাইয়া সজল নেত্রে আলিঙ্গন ভাবে ধারণ পূর্কক শিরোশ্চুস্বন করিয়া দুর্বল রোগীকে পুনর্কবার শয়নার্থ অনুরোধ জানাইলেন—হুলীন সে অনুরোধ রাখিবার পূর্ক সত্বর পদে লীলাকে “ভগ্নি, ভগ্নি” বলিয়া ধারণ ও শিরোশ্চুস্বন করলেন—তখনই অমনি গুলাপীর কোলে ছুটিয়া গিয়া বাহুদ্বারা কণ্ঠ-বেষ্টন পূর্কক বাষ্প ভারাক্রান্ত স্বরে বলিলেন “মা ! এই বুকে বৎসরাধিক মানুষ হইয়াছি—সাহেবি ধরণ দূর হ—গর্ভধারিণীকে দেখিয়া জন্ম সার্থকতো করিতে পাইবই না, তুমি দ্বিতীয়া জননী—প্রাণরক্ষাকারিণী, আজ তোমাকে পাইয়াও কতক ছঃখ নিবারণ হইল !”

গুলাপী কাষ্ঠ বা লৌহপুতলী ছিল, এখন গলিল—কেবলই অশ্রুধারায় পালিত পুত্রের সঙ্গাঙ্গ ভিজাইয়া দিল—দেশ, কাল, পাত্র ভুলিয়া যেন সেই পদ্ম জড়ুর-বিশিষ্ট শিশুকেই আবার কোলে পাইয়াছে, এই ভাবে পুনঃ পুনঃ বদন চুবন করিল এবং গুয়ানক বিক্রম-জনিত মোহে উদ্ভ্রান্ত হইয়া বিলাপ-স্বরে প্রলাপ বকিতে লাগিল ! প্রলাপের ভাব এই :—“আহা, বাছা, ছুট লোকে আমার কাছ থেকে তোমার কাড়িয়া লইয়া গিয়াছিল—আহা, বাছা, তোমার চাঁদ মুখ-

ধানি মনে পড়িত, আর বুক ফাটিয়া যাইত—আহা, বাছা, যেখানে যে ভাল খেলেনাটী পাইয়াছি, তোর জন্তে রাখিয়াছি—আহা, বাছা, অমুক স্থানে, অমুক সময়ে, অমুক অবস্থায়—” ইত্যাদি ! সেই সক্রম প্রলাপের মধ্যে গুলাপীর ত্রিভুজাধীন জীবনের এবং তৎপরবর্তী সময়ের বহু বহু ঘটনাবলীর বিবরণ শ্রুত হইল ! ক্রমে সে প্রলাপ বিষম হইয়া উঠিল—শ্রোতৃগণের ভয় হইল, বৃষ্টি বা গুলাপী এই সূত্রে জ্ঞান হারাইয়া প্রকৃত প্রস্তাবে বাতুল হইয়া উঠে !

ছলীন অনেক বুঝাইলেন—লীলার মা অনেক বুঝাইলেন—শেষে লীলা তাহার গলা জড়াইয়া যখন কাঁদিতে লাগিল, তখন কিছু সুস্তা ও প্রকৃতিস্থা হইতে পারিল ! রাত্রি অধিক হইয়া উঠিল, ছলীনের পিতা মাতার শেষাবস্থার কথা সে দিন আর হইল না । রাণী চন্দ্রকুমারী ছলীনের পীড়াবৃদ্ধির ভয়ে শঙ্কিতা হইয়া তাঁহাকে শয়নার্থ অনুরোধ করিয়া মায়ে বিয়ে গুলাপীকে ধরিয়া লইয়া আপনাদের অন্তঃপুরে গেলেন । ছলীনের গৃহ হইতে অন্তঃপুর অতি নিকট—একটি বারাণ্ডা ও একটি ছাদ পার হইলেই যাওয়া যায় । তথায় গিয়া গুলাপীর মস্তকে তৈল জল প্রদানাদি বিস্তর সেবা শুশ্রূষা ও ঔষধ পথ্য বিধান দ্বারা শেষ রাত্রে তাহাকে ঘুম পাড়াইলেন—রাণী কন্যাকে শয়নে পাঠাইয়া স্বয়ং গুলাপীর নিকট বসিয়া প্রহরিতা করিতে লাগিলেন ।

পর দিন রজনীতে ছলীন গামছা-মোড়া-কর্তৃক আপন পিতা মাতা প্রভৃতির লোমহর্ষণ হত্যাকাণ্ডের ব্যাপার এবং আপনি যেরূপে কর্ণেল ঘোলাীন সাহেব কর্তৃক লালিত পালিত হইয়াছিলেন এবং কাংরা আগমন পর্য্যন্ত স্বীয় জীবনের তাৎসং বৃত্তান্ত—কতক বাহুল্যে, কতক সংক্ষেপে—বর্ণনা করিলেন । শ্রোতৃগণ কখন হা হতোস্মি, কখন রাগ, কখন বিস্ময়, কখন ভয়, কখন বিষাদ, কখন ঘৃণা ইত্যাদি বখনকার যে ভাব সম্ভব, তাহা প্রকাশ পূর্বক ক্রমে যেন আরো অধিক পরিমাণে ছলীনের ব্যথার ব্যথী হইয়া উঠিলেন । বিশেষতঃ সেই দীর্ঘ ইতিহাস আকর্ষণে লীলা নিতান্ত অধীরা আত্ম-হারা হইয়া মহাকবি সেক্ষপীয়রের দেস্‌দেমনোর গ্রাম আপন অজ্ঞাতসারে ওথেলো রূপী ছলীনের গুণপক্ষপাতিনী ও তৎপ্রতি যার পর নাই অনুরাগিনী হইয়া পড়িল ! সরলা বালা যদি নিজ হৃদয় পরীক্ষা করিতে জানিত, তবে হয় তো আপন অবাধ্য হৃদয়কে জন্মের মত বিক্রীত হইতে দেখিয়া পরিণাম-ভয়ে মহা ভীতা হইত !

সকলের সব বলা ও শুনা হইয়া গেলে ছলীন জিজ্ঞাসিলেন, “বুড়ী মা !

সুচেং সিংহের দুর্ভক্ত রক্ষিগণের হস্ত হইতে প্রাণের ভগ্নী লীলাকে কিরূপে উদ্ধার করিলে ?”

বুড়ী মা বলিল “বাবা ! সে অনেক কথার কথা ; কেবল এইটী বলিলেই বুঝিতে পারিবে যে, শিখ জাতি বড়ই নরাধম, বড়ই পামর, বড়ই কৃতঘ্ন, বড়ই বিশ্বাস-ঘাতক—তাহারা স্বার্থই বুঝে—তাহারা অর্থ পাইলে না পারে আর না করে এমন কস্মই নাই ! পরম ভাগ্য যে আমার কাছে কিছু সঞ্চিত অর্থ ছিল। হুয়ায়ারা যে পণ দিয়া লীলাকে লইয়া যাইতেছিল, সেই পথের ধারেই আমার বাস। তৎসন্নিহিত সহর মধ্যে গাছ গাছড়া ঔষধাদি বিক্রয় দ্বারা এবং রোগ ভাল করিয়া যাচা উপাঙ্গন করতাম, একটা পেট বৈ তো নয়, সে পক্ষে যথেষ্ট হইয়া ও গরীব দুঃখীকে কিছু কিছু সাহায্য করিয়াও টাকা বাচিত—নিকটস্থ বনের মধ্যে তাহা পুতিয়া রাখিতাম।

“একদা ঐ বনে গাছড়া কুড়াইতেছি, দেখি রোদনবতী লীলাকে লইয়া তিন চারি জন মৈনিক ও এক শিখ কস্মচারী (গোল্লায় যাউন!) বিশ্রামার্থ তন্নিকটে বসিল। আমার ঐ কস্মচারীর সহিত, পূর্বে যখন লাহোরে ছিলাম, তখনকার আলাপ ছিল। অন্য সময় হইলে দেখা দিতাম না, পলাইতাম। কিন্তু লীলাকে দেখিবা মাত্র চিনিলাম—চিনিবা মাত্র শরীব লোমাঞ্চ হইল। তখনই মনে মনে উদ্ধারের উপায় স্থির করিয়া হুয়ায়াদের সমীপবর্তী হইয়া ফল মূল জল আনিয়া দিলাম। তাহারা মহা সন্তুষ্ট হইল এবং নিকটে ডুলি বেছারা পাওয়া যায় কিনা জিজ্ঞাসা করিল। কস্মচারী আমাকে চিনিতে পারিয়া আমার দুঃবস্থার নিমিত্ত আপশোষ করিতে লাগিল।

“আমি তাহাকে গোপনে লইয়া বিনয় পূর্বক বলিলাম ‘তুমি যদি দয়া কর, তবে আমাব দুঃবস্থার অবসান হয়। আমার কিছু টাকা আছে, কম জনে তাহা লইয়া যদি এই বালিকাটীকে আমায় দেও, তবে উহাকে কাঞ্চনী করিয়া আপন দুঃখ দূর করি।’ বাবা ! লীলার পবিত্র নামের সঙ্গে অপবিত্র কাঞ্চনী নামটী যুক্ত করাতে আমি যেন কত পাপ করিলাম এমনি বোধ হইল—আমার জিহ্বা যেন পুড়িতে লাগিল—সর্বাঙ্গ কণ্টকিত হইয়া উঠিল। কিছু কি করি—সে ছল ভিন্ন অন্য উপায় তখন পাইলাম না।”

ছলীন । সে যাহা হউক, তাহার পর কি হইল ?

শুভাঙ্গী । প্রথমে পাগায়াারা সম্মত হয় না, শেষে অনেক বলাতে এবং

কেহট ইচ্ছা জানিতে পারিবে না, বঝাইয়া দেওয়াতে ধন-লোভী বিশ্বাসঘাত-  
কেরা পরামর্শ পূর্বক হো হো করিয়া হাসিয়া বলাবলি করতে লাগিল যে,  
“মন্দ নয়, কাংরা রাজকন্যা নাচনে ওয়ালী হবে, এ কাব্য মন্দ নয় !” পাপি-  
ঠেরা এইরূপে হাস্য পরিহাস করিবার পর আমাকে বলিল, “দে তবে এক শত  
টাকা দে—এক পয়সা কমে হবে না !” ছুরাছাদের পরিহাস শুনিয়া সর্কাস  
দগ্ধ হইতে লাগিল। কি করি, বনে গিয়া টাকা ভুলিয়া গিয়া দেখি, সাত  
টাকা কম হইল। তাহাই দিয়া হাতে পায় ধরিয়া প্রাণময়ী লীলার উদ্ধারে  
সমর্থ হইলাম। আর এক স্থানে আরো কিছু পোতা ছিল, তাহা আর পাপিঠ-  
দের দেখাইলাম না। গমন কালে দুর্জনেবা শাসাইয়া গেল, “যদি এ কথা  
প্রকাশ হই, তবে তোরে আর পরে এক খাদে পুতে ফেলব !” আমি গোপন  
রাখিবার জন্য বার বার শপথ করিলে ছুরাছারা চলিয়া গেল। তখন তথা  
হইতে লীলাকে লইয়া পলাইলাম, কিছু কাল গোপন রাখিয়া সুযোগমতে  
বিশ্বাসী লোকের শকটে কুরিয়া মায়ের কাছে আনিয়া দিলাম।”

\* \* \* \* \*

ছলীন ক্রমে সুস্থ ও সবল হইতে লাগিলেন। কিন্তু শবীরের এত শোণিত-  
ক্রম হইয়াছিল ও তজ্জন্ত এত দৌর্বল্য ঘটয়াছিল যে, প্রায় দুই মাস কাল বাত্মির  
হওয়া কিম্বা কাজকর্ম করা সম্ভব হইয়া উঠিল না। কেবল পুরী মধ্যে থাকিয়া  
যতদূর তত্ত্বাবধান ও কর্তব্য বিধান সম্ভব—বিশেষতঃ দেহের পুষ্টি-বিধায়িনী  
শুলাপী ও মনের পুষ্টি-বিধায়িনী লীলা যত টকু করিতে দিত—তত দূরই হইত !

ভিন্নাবস্থায় এই দুই মাস কাল গৃহমধ্যে অবস্থান ছলীনের পক্ষে কত  
কষ্টকর হইত, তাহা পাঠক বুঝিতেই পারিতেছেন। কিন্তু বর্তমান অবস্থায়  
সেই দীর্ঘ কালের ক্লম-শয্যা স্বথ-শয্যাই হইয়াছিল ! কখন বা শুলাপীর  
মুখে নানা প্রদেশের, নানা লোকের, নানা ঘটনার কথা শুনিতেন ;  
কখন বা রাণী চন্দ্রকুমারীর মুখে জানিয়া লইতেন, কিরূপে দুই শিপেরা  
ছলে কোশলে কোট কাংরা হস্তগত করে, ছল ভিন্ন এ দুর্ভেদ্য দুর্গ শুদ্ধ  
বল-প্রকাশে কখনই লইতে পারিত না—অধিক কি, স্বয়ং দিল্লীখর আকবর  
কাংরা দুর্গ এক বৎসর অবরোধে রাখিয়াও বিফল হইয়া ফিরিয়া গিয়াছিলেন !  
কিরূপে বাহুবল অপেক্ষা কেবল মন্ত্রণা, গৃহভেদ ও উৎকোচাদি দ্বারাই কুচক্রী  
রণজিৎ পার্শ্বতা অঞ্চল বশীভূত করিয়াছে, ইত্যাদি বিবিধ দুঃখের গল্প

দৃষ্টান্ত সহিত শুনিতেন; কখন বা ( ইহাই অধিক ) লীলার সহিত বহুবিধ মনোহর সদালাপে মুগ্ধ হইয়া কোথা দিয়া সময় কাটিতেছে, জানিতেও পারিতেন না ! মধ্যে মধ্যে সঙ্গীত বিষয়ে সুশিক্ষিতা গুলাপীর গান শুনিয়া সুখী হইতেন এবং মধ্যে মধ্যে অশিক্ষিতা কিন্তু কোকিল-কণী লীলার মধুমাখা গানে বংশী-স্বরাস্ত কুরঙ্গের শ্রায় অবশ হইয়া পড়িতেন ! লীলার হাব ভাব ও সরল সৌন্দর্যের কথা পূর্বেই বলিয়াছি, সুতরাং তেমন শ্রীমুখের স্নেহানুরাগ-মিশ্রিত সরল সঙ্গীতের নিকট স্বয়ং উর্ধ্বশীর গানও ছলীনের কর্ণে যে অকিঞ্চৎকর, তাহাও কি আর বলিয়া দিতে হইবে ?

সেই দুই মাস মধ্যে আর একটি বিশেষ উল্লেখ-যোগ্য কাণ্ড হইল, অথবা কাজটা আরকু হইয়া নিয়মিতরূপে প্রাতিনিয়ত চলিতে লাগিল—লীলার বিদ্যাভ্যাস ! লেখা পড়া শেখা অতি কর্তব্য, লীলার মাতাকে ছলীন বুঝাইলেন—লীলাও এই উপলক্ষে সর্বদা গুরু মহাশয়ের কাছে থাকিতে ও কথা শুনিতে পাইবেন, অন্তরের এই গুপ্ত আশ্লাদেই কর্তব্য বলিয়া প্রথমে বুঝিলেন ! ক্রমে অধ্যাপকের সরস অধ্যাপনা ও অধীত বিদ্যার প্রতিও সমভাবে আসক্তি দেখাইতে লাগিলেন ! প্রথমে উর্দ্ধু আরকু হয়, কিন্তু তাহাতে ছলীনের মনোমত পাঠ্য গ্রন্থ না থাকাতে বিশেষতঃ তাঁহার অবলম্বিত অষ্টৈতবাদ ব্রাহ্মধর্মের শিক্ষা-সাহায্য হয় না দেখিয়া ছলীন আকুল হইলেন । তিনি যৎকালে কলিকাতায় থাকিতেন, তখন আর্ঘ্য-গৌরব রাজা রামমোহন রায়ের সহিত তাঁহার বিশেষ হৃদ্যতা হইয়াছিল—সুযোগমতে সর্বদাই একত্রে ধর্মালোচনা করিতেন । এক্ষণে স্মরণ হইল যে, লীলাকে বাঙ্গালা শিখাইতে পারিলে ব্রাহ্মধর্মের শিক্ষা সহজেই হইতে পারিবে । অতএব প্রথমে চৈতনকে শিক্ষক করিবার প্রস্তাব তুলেন, লীলা অসম্মতা হওয়াতে নিজে হস্তাক্ষর বর্ণমালাদি প্রস্তুত করিয়া শিখাইতে লাগিলেন এবং রাজা বাহাদুরকে প্রথম শিক্ষণীয় বর্ণমালা হইতে বাঙ্গালা ভাষায় যত ভাল পুস্তক হইয়াছে, তত্তাবৎ পাঠাইবার নিমিত্ত কলিকাতায় পত্র লিখিলেন । তৎকাল লুধিয়ানায় তাঁহার লোক অপেক্ষা করিয়া রহিল । রাজা রামমোহন স্কুলবুক-সোসাইটি-কর্তৃক নবপ্রকাশিত পাঠ্য পুস্তকাবলী ও অশ্রান্ত উচ্চতর এবং স্বীয় লেখনীপ্রসূত সমস্ত গ্রন্থনিচয় মহানন্দে প্রেবণ পূর্বক ক্রমশঃ আরো পাঠাইবার বিধান করিয়া দিলেন । তাহাতেই লীলা বিদ্যাবতী ও নবধর্মে দীক্ষিতা হইতে লাগিল !



ছলীন সেই দুই মাসে সম্পূর্ণ সবল হইয়া উঠিলেন ; তথাপি তেমন দেববাহিত পবিত্র স্মৃতি ফেলিয়া শীঘ্র বাহির হইতে তাঁহার প্রাণ বড় ইচ্ছুক নয় ! কিন্তু কি করিবেন, প্রত্যহ নানা গোলযোগের সংবাদ, স্মৃতরাং স্মৃথের আলসে কাল কাটাইতে আর সক্ষম হইলেন না !

যে দিন বাহির হইবেন, তাহার পূর্ব রাত্রে হাকিম সিংহকে আদেশ দিলেন, প্রাতে সর্ব সৈন্য যথা রীতিক্রমে দণ্ডায়মান হয়, তিনি সাময়িক অভিনয় পরিদর্শন করিবেন । সকলেই পরমোৎসাহে আর পরমাল্লাদে শ্রেণীবদ্ধভাবে ভাগে ভাগে যার যে স্থানে দণ্ডায়মান হইল । ছলীন আসিবা মাত্র যার পর নাই আগ্রহে প্রাণ ভরিয়া জয়-ধ্বনিতে বার বার কাংরা ছুর্গ নিনাদিত করিল ! ছলীন সহর্ষে পদানুসারে সকলের সহিত প্রীতি-পূরিত সম্ভাষণাদি করিলেন । দেখিলেন, ইতর ভদ্র, ছাট বড়, সমস্ত সৈনিকগণই তাঁহাকে স্মৃশ শরীরে পুনর্কার পাইয়া যথার্থই অপরিমেয় পুলক প্রাপ্ত হইয়াছে—সকলেরই উৎসাহের সীমা নাই—যাহারা মনে মনে ঘেঁষ-হিংসা-পরায়ণ, তাহারাও তখন সাধারণ আনন্দে যোগ না দিয়া থাকিতে পারিল না ! ছলীন তাহাদিগকে পূর্ব হইতেই চিনিতেন, স্মৃতরাং তাহাদিগের কপটোৎসাহ তাঁহার স্মৃষ্টি অগোচর রহিল না । সৌভাগ্যক্রমে তাহাদের সংখ্যা তখন অতি অল্প ।

পরিদর্শন হইয়া গেলে ছলীন হর্ষোৎকুল বদনে প্রকাশ করিলেন, তাঁহার স্বাস্থ্য-লাভোপলক্ষে অদ্য রজনীতে সকলকেই একটা মহা ভোজ্য দিবেন এবং সৈনিক ও ভৃত্যবর্গ তাবতেই সেই আমোদে আমোদী হয়, ইহাই তাঁহার ইচ্ছা !

এই নিমন্ত্রণ শুনিবা মাত্র পুনর্কার জয়নাদ উচ্চারণ পূর্বক সকলেই মহানন্দে স্ব স্ব স্থানে চলিয়া গেল ।

রজনীতে ঘোর ঘট—দীর্ঘতাং ভোজ্যতাং—কেবলই দেও দেও, খাও খাও, আর চাই আর চাই, আর চাই না আর চাই না, এইমাত্র কলরব ! পোলাও, কাবাব, পুরী, তরকারী, মিঠাই, লাডু প্রভৃতির ঢালাঢালি, ছড়াছড়ি বলিলেও বলা যায় ! নৃত্যগীতামোদেরও ক্রটি হইল না ! যে যত আমোদ পায়, সে ততই সাহেবের নিমিত্ত নিজ প্রাণদানের প্রতিজ্ঞা করিতে থাকে—এইরূপ চলিল ! “পেটে খেলেই পীঠে নয়” কথাই আছে !

## সপ্তদশ পরিচ্ছেদ ।

ভাবী বিপদ — উদ্বোধন ।

পাঠক পাঠিকা ! এক্ষণে কি আপনারা রাজ-দরবারের সংবাদ—বিশেষতঃ নন্দ সিং ও ঢলীন সম্বন্ধে তথ্য কি কি হইতেছে, তদ্বারা শুনিতে ইচ্ছা করেন না ? অবশ্যই করেন । কিন্তু সে সব সমাচার চাঁদ খাঁর প্রেরিত পত্রাবলীতে যেমন সূচাক্রমে প্রকাশ, এমন আর কাহারও নিকট পাওয়া যাইবে না । অতএব চাঁদের আরজী শুনী হইতে সার উদ্ধৃত হইতেছে ;—

“হুজুরের অমলা জীবন যে রক্ষা হইয়াছে এবং শিখকুন্তা নন্দ যে সমুচিত প্রতিফল পাইয়াছে, তজ্জন্য আল্লার পবিত্র নাম গৌরবান্বিত এবং গোলামের অন্তঃকরণ পুলকপূর্ণ হইয়াছে ! কিন্তু দুরাগ্র্যকে প্রকারান্তরে লোকান্তরে পাঠাইতে পারিলেই ভাল হইত !” এক্ষণে ষাঁড়ের দল না ফেপাইয়া কার্য-সাধন পক্ষে শতবিধ গুপ্ত উপায় ছিল ! আপনাদের দেশের মত দোষীকে প্রকাশ্য দণ্ড দেওয়াতে এই ফল হইয়াছে যে, যে দুরাচার নিজের নামের পর ‘সিং’ বসাইতে পারিয়াছে, সেই বেটাই নন্দের রক্তের বদলে সাহেবের রক্ত চাহিতেছে—বিচার বিচার করিয়া চেষ্টাইতেছে ! দুর্জন নন্দের যে বহু বন্ধুজন আছে, হুজুর তাহা জানেন এবং তাহারা যে হুজুরের সর্বনাশ পক্ষে সম্পূর্ণ চেষ্টা করিতেছে ও করিবে তাহাও হুজুর বঝিতে পারিতেছেন ! যথার্থ খালসা মতাবলম্বীরা গোহত্যাকে যেরূপ অতিপাতক বলিয়া জানে এবং গোহত্যা দেখিলে কি শুনিলে যেমন শিহরিয়া উঠে, নন্দের বধকার্যকে ঠিক তাহারা সেইরূপ অমার্জনীয় মহা অপরাধ বলিতেছে ও হুজুরের প্রতি ঘৃণা ও রাগে ফুলিতেছে !

“মহারাজা নিজে এখনও আপনার অটল বন্ধু আছেন ; কিন্তু এত কুসংস্কার, কুতর্ক ও বিরাগের বেগে পড়িয়া সৈর্য্য রাখিতে পারেন কি না, সেই ভয়ে গোলাম সর্বদাই কাঁপিতেছে ! যেরূপ গোলযোগ, তাহাতে গোলামের লাহোরে অবস্থান হুজুরের পক্ষে বড় আবশ্যক ও হিতজনক বোধ না হইলে

\* চাঁদ খাঁ এবং আফগান জাতীয় অনেকের নীতিশাস্ত্রানুসারে শত্রুকে বাঘ বা সাপের ন্যায় যেন তেন প্রকারে ইহলোক হইতে অবস্থিত করিয়া দিতে পারিলেই হইল—তাহাতে কোন দোষ নাই !

একশত চাঙ্গা সোয়ার সঙ্গে গোলাম এতক্ষণ কোন্‌কালে শ্রীচরণ সমীপে গিয়া উপস্থিত হইত ।

“সময়টা পড়িয়াছে বড় বিপরীত, বড় মন্দ, বড় কঠিন । রোগ হইলে উপশম করা যাইবে, ইহা না ভাবিয়া যাচাতে রোগ জন্মিতে না পারে, পূর্বাঙ্কে তচ্ছটা করাই বুদ্ধিমানের কর্তব্য । এই বিবেচনাতেই কি শত্রু, কি মিত্র, সকলকে মিষ্ট কথার সহিত আর্থিক পূজা দিতে গোলাম ক্রটি করিতেছে না ! যদি শত্রুকে নিরস্ত করা যায়, তবে আর মিত্রকে বড় দরকার করে না এবং মিত্রদলকে সুসজ্জিত করিয়া রাখিতে পারিলেও শত্রুকে নিরস্ত করা বড় একটা বেশী ভার বোধ হয় না !”

চাঁদের দার্শনিক ও নৈতিক পাণ্ডিত্য পড়িয়া দুলীন চুংখের মধোও কোতুকের হাসি না হাসিয়া থাকিতে পারিলেন না ! হাসিয়া আবার পড়িতে লাগিলেন ;—

“সে যাহা হউক, অধীনের বিনীত প্রার্থনা, হুজুর যেন একতিলও অসতর্ক বা অপ্রস্তুত না থাকেন—বিপক্ষেরা চতুর্দিকে টাকা চালিতেছে—সর্বোচ্চ বিপক্ষও নাকি এই সুযোগে কাংরার শাসনভার আপনাদের হস্তে আনিবার বিশেষ চেষ্টায় আছে—অধিক কি সু'চং সিংহ চুপে চুপে সসৈন্য হুজুরের দিকে চলিতেছে এবং বড়টীর নামে নানা দিক হইতে সৈনিক বিভাগ সকলকে কাংরা অঞ্চলে গিয়া তাহার সহিত মিলবার আদেশ পাঠাইতেছে—অভিপ্রায়, কাংরায় পৌঁছিতে পৌঁছিতে এ দিকে তাহার দাদা মহাশয় মহারাজকে বুঝাইয়া সুঝাইয়া বা ছল বল করিয়া হুজুরের অপমানজনক রোকশোধের পরওয়ানা বাহির করিতে পারিবেন !

“এখনই তাহার সূত্রপাত হইতেছে । অদ্য সভা ভাঙ্গের পূর্বে যখন আর সকলে উঠিয়া গেলেন, কেবল বিশ্বাসী মন্ত্রী প্রভৃতি জনকত উচ্চ পদস্থ লোক মাত্র ছিলেন, তখন গৃহের বাহির হইতে আমরা উচ্চরবের তক্ররাদি স্পষ্ট শুনিতে পাইলাম । শেষে মহারাজ ইহা পর্য্যন্ত বলিলেন যে, সাহেব যাহা যাহা করিতেছে, সব ঠিক কাজ, কেবল এইমাত্র ভুল যে, পূর্বাঙ্কে আমাকে এতলা করিয়া পাঠায় নাই । যাহা হউক, আমার এমন গুণের চাঁকর যদি সকলে হয়, তবে সৌভাগ্য বলিয়া মানি—যে ব্যক্তি সকলের প্রতিই সমান বিচার করে, যে ব্যক্তি হস্ত-পদ-নাঙ্গ-কর্ণচ্ছেদের নিষ্ঠুর দণ্ডাজ্ঞা দেয় না

এবং যে ব্যক্তি দণ্ডদানক্ষেত্রে কাহারো সর্বস্ব লুটিয়া পুটিয়া লয় না, এমন কর্মচারী আবার মন্দ ?

“মহারাজার স্বর উচ্চ ও উত্তেজিত । মন্ত্রিগণও প্রায় সেইরূপ উগ্রভাবে কথা কহিতেছিল ।\* ধ্যানসিংহ রাগতভাবে মহারাজকে ইঙ্গিতে এমনও বলিল যে, তিনি স্বজাতীরের রক্ষক না হইয়া বরং বিশ্বাস-ভঙ্গকারী হইলেন ! এক্ষেপে বিধর্মীর সম্ভোষার্থ স্বধর্মীর অনিষ্টকারী হওয়া কি তাঁহার উচিত ? রণজিৎ সে কথা যেন শুনিতে পান নাই, এমনি ভাব জানাইয়া কহিলেন ‘সাহেব যদি ক্ষমতা বহিষ্ঠৃত কার্য্য করিয়া থাকে, তবে শীঘ্রই তাহার জরিমানা করিব !’

• “হজুর ! দরবারে এখন একরূপ কাণ্ড প্রায় প্রত্যাহ ঘটিবে । তাহার ফল-স্বরূপ শেষকালে একখানা পরওয়ানার বাহির হইবে । পরওয়ানার লক্ষ্য হইবা মাত্র এ গোলাম কাংরার ছুটিবে—পরওয়ানার পূর্বেই সদলে নিকট পৌছিতে পারিবে, এমন ভরসা আছে । কিন্তু খেদাবন্দ ! সাবধান ! কদাচ সে পরওয়ানা মত কার্য্য করিবেন না ! ইটী যেন স্বরণে থাকে যে, সে হুকুম মহারাজার আন্তরিক নয় এবং হজুর যে নিজ পদ ত্যাগ করেন, ইহা তাঁহার নিতান্তই অনিচ্ছা ! অতএব অমন সহস্র হুকুমনামাকেও গ্রাহ্য করিবেন না । হুর্জাগ্যবশতঃ যদি তা করেন অথবা কুচক্রীরা সেই দলিলানুসারে আপনার নিকট হইতে কাংরা যদি কাড়িয়া লইতে পারে, তবে নিশ্চিত জানিবেন আপনার প্রাণ আর তিলেকের তরেও নিরাপদ নয় ! কেননা, হজুরের যত্নাও বা, তাহাদের স্বার্থ সিদ্ধি হওয়াও তা, সুতরাং তৎসাধনপক্ষে তাহারা কোন উপায়-বলধনেই ক্ষান্ত হইবে না ! পরে শত শত সাক্ষ্যদ্বারা প্রমাণ করাইবে যে, আপনি প্রকাশ্যরূপে রাজ-বিদ্বেষী হইয়া যুদ্ধ করিতে সেই যুদ্ধে গতাস্ত হইয়াছেন !

“অধিক আর লিখিব না—কেবল আমার আত্ম-সম্বন্ধে আর একটা গুরু-তর কথা বলিলেই হয় । পাপিষ্ঠেরা আমাকেও যুস দিয়া কিনিতে চেষ্টা পাইয়া-

\* কাপ্তেন অস্বরণ লিখিয়াছেন, রণজিৎকে তাঁহার মন্ত্রীরা রাগের কথা কহিতে অথবা অথবা বিক্রম করিতেও সাহসী হইত, তাহাতে তিনি ক্রোধ করিতেন না । দৃষ্টান্ত স্বরূপ বলেন “That in 1825, when Ranjit Singh refused to join the confederacy against the British at the time of the Second Bharatpur Seige, his Sirdars brought him woman's apparel. In Durbar, there is often a license of speech that would astonish a European subject.”

ছিল—তাহারা নাকি নিজে বিশ্বাসঘাতক, তাই ভাবিয়াছিল আমিও তাই ! ছজুর মাক করিবেন, পূর্বে ঐ চোর জাতির প্রতি আমার যতটুকু ঘৃণা ও ঘেব ছিল, এখন এই কাজে ও আর আর ব্যবহারে আরো বাড়িয়া উঠিতেছে ! ছরা-আরা আপনারা যেমন, সকলকেই তেঙ্গি ভাবে—বড় ছঃখের কথা, পাঠ'নকে পণা দ্রব্য ভাবিয়াছিল—ধূর্তেরা ইটী জানেনা যে, পাঠান জাতিকে যে মনিব বলপূর্ব্বক কাজ করায়, তেমন মনিবের কাজেই আমরা পণা দ্রব্য হই, কিন্তু যিনি কৌশিক সূতরাং স্বাভাবিক প্রভু, আর যিনি প্রাণের ভালবাসার প্রভু, তাঁহার কাজে প্রাণ দিয়া থাকি—সোণার পর্ব্বত আনিয়া ঘুস দিলেও তাঁহার নেমথারামি করি না ! উক্তি ।”

চাঁদখার সমস্ত কথাই যে সত্য এবং সে নিজে যে পরম বিশ্বাসী, ইহা ছলীনের হৃদয়ঙ্গম হইল । কিন্তু কি বিপজ্জনক সংবাদ ! সকল দিকেই গোল-যোগ—সকল দিকেই বিভ্রাট ! বহুক্ষণ চিন্তার পর “দেখি রাজাজী ও ফকিরজী কি লিখিয়াছেন ?” এই বলিয়া ছলীন প্রথমে রাজা ধ্যান সিংহের পত্রখানি উন্মোচন করিলেন । তাহাতে লেখা এই ;—

“পরম সাহসী, পরম জ্ঞানী, কর্ণেল ছলীন সাহেবের সর্ব্বাঙ্গীণ মঙ্গল হউক ! প্রিয় বন্ধুকে দেখিবার নিমিত্ত নয়ন-চাতক তৃষাতুর হইয়াছে—একবার সাক্ষাৎ হওয়া বড় আবশ্যক ! সাহেবের বন্ধু মাত্রেই তাঁহার দীর্ঘস্থায়ী পীড়ার সংবাদে নিরানন্দ ছিল, অধুনা উপশমের শুভ সমাচারে তেমনিই সুখী হইয়াছে ! যদি জল বায়ুর পরিবর্তন এবং শীতল স্থানে অবস্থান প্রয়োজন হয়—বোধ করি, বিলাতীর পক্ষে তাহা আবশ্যক—তবে জম্বু ও চায়া প্রভৃতি যে সব স্নিগ্ধকর স্থান এ হিতৈষী মিত্রের অধিকারে আছে, তন্মধ্যে যেটী মনোনীত করিবেন, তদুত্তেই তাহা মিত্রবরের বাস-জন্তু নির্দিষ্ট ও সেবার্থ কক্ষচারী নিযুক্ত হইবে ।

“নন্দ সিংহের আকস্মিক মৃত্যু ঘটনাটী বড়ই দুর্ভাগ্যের বিষয়—সে কি সত্যই বিদ্রোহী সৈনিকগণের হাতে হত হইয়াছে ? বিজ্ঞ বন্ধু অবশ্যই পরিষ্কার রূপে সে মর্দেহ ভঙ্গন করিয়া দিবেন ! কিন্তু আপাততঃ মহারাজার হৃদাকাশ কিছু মেঘাচ্ছন্ন আছে ; এবং ত্রীত্ৰীযুত জানিতে ইচ্ছা করেন, নন্দের হত্যা-কারীদের প্রতি কি দণ্ড বিধান হইয়াছে ?”

ছলীন মূছ মূছ হাসিয়া স্বগত বলিলেন “হা ! ধূর্ত বন্ধু ! তুমি কি ‘বিলাতীকে’ এমনই বোকা বুঝিয়াছ যে, সে ইচ্ছা পূর্ব্বক বাঘের গহ্বরে মাথা গলা-

ইবে ! তুলীনকে কি এমনি কাঁচা লোক পাইয়াছ যে, সে জানিয়া শুনিয়া তোমার জম্বু নামক শীতল কাঁচা পা দিয়া আর আর বন্দীর সহিত জন্মের মত শৃঙ্খল ধারণ করিবে ? তাহা তো প্রাণ থাকিতে হইবে না—যদিই বা তোমার কর-কবলিত হইতে হয়, তাতো সজীবাবস্থায় নয়, সশস্ত্র অনেক লড়িয়া—অনেক কাটিয়া কুটিয়া যখন পড়িব, তখন সেই শব লইয়া যাহা ইচ্ছা করিও—জম্বু, চাঞ্চা, যথা ইচ্ছা পাঠাইয়া দিও !”

এইরূপ ভাবিতে ভাবিতে ফকিরজীর পত্র খুলিলেন, স্বস্তি বাচনাদির পর তাহার পাঠ এই :—

“এ অধীন বন্ধু নিতান্তই সাধা হীন দীন—কীটামুকীট—কিন্তু সাহেবের হিতান্বেষী ! এ প্রসূক্ত, কেবল এই মাত্র ইঙ্গিত দানে সমর্থ মে, নন্দসিংহের প্রাণ-দণ্ড ব্যাপারটা জ্ঞানী সাহেবের পক্ষে বড় সুবিবেচনার কার্য্য হয় নাই, তদ্ব্যতীত ভবিষ্যৎ-মঙ্গলের ব্যাঘাত ঘটবার সম্ভাবনা ! এই প্রণয়গর্ভ পত্রী চাঞ্চল্য ও বৈরক্তি উৎপাদন উদ্দেশে নয়, সতর্ক করিয়া দিবার নিমিত্ত—পাছে অতর্কিত অবস্থায় আরো অধিক অহিত ঘটয়া উঠে ! মহামহিমাম্বিত নরসিংহ মহারাজা তাঁহার প্রিয় কর্মচারী ও বিশ্বাসভাজন প্রতিনিধিকে বিশেষ অনুগ্রহ এবং বিশেষরূপেই বিশ্বাস করেন । তজ্জন্ত এ দীনের দ্বারা পূর্ব রাজাদেশ আপনাকে স্মরণ করাইয়া দিতেছেন—তাঁহার ইচ্ছা, এই লিপি পাঠ মাত্র আপনি সেই সর্কাদেশ-পূর্ণ ও উপদেশ-গর্ভ পত্র খানি পুনর্বার একবার বাহির করিয়া তাহার প্রত্যেক স্তবক, প্রত্যেক ছত্র ও প্রত্যেক শব্দ পুনর্বার পাঠ এবং তাহার প্রকৃত ভাবের প্রতি যথোচিত চিন্তার্পণ করেন ! জ্ঞানীই উন্নত—বিশ্বাসীই পুরস্কৃত—কৃতজ্ঞই সুখী হয়—আব কি বলিবার আছে ? প্রিয় বন্ধুর সর্ব প্রবেশক ও সর্বগ্রাহক সূক্ষ্ম বুদ্ধির পক্ষে এতাবশ্যকই যথেষ্ট !”

তুলীন ভাবিতে লাগিলেন “আঃ ! এ তো প্রাহেলিকা—সম্পূর্ণ না হউক, আংশিক বটে ! প্রবোধ এই যে, মহারাজার প্রথাই এই—যা শত্রু পরে পরে ! প্রকাণ্ড পরওয়ানা দ্বারা পদ-ত্যাগের আদেশ ; অথচ তাহা অমার্গ্য করিবার ভার ইঙ্গিতে নির্দেশ ! লক্ষ লক্ষ বিপক্ষ ‘বিদ্রোহী’ বলিয়া চীৎকার করিবে—‘কৃতঘ্ন, বিশ্বাসদ্রোহী’ বলিয়া গালি দিবে ; নির্দাক্ষব দেশে নিঃসহায়ের পক্ষে সামান্য সঙ্কট নয় ! সম্রাট্ শিরোমণি আক্বেবর বলিতেন ‘সোজা পথে কেহ স্তম্ভ হারায় না !’ আমার ইচ্ছাও সেই সোজা পথে যাই ; কিন্তু যাহার অধীন, তিনি

যাইতে দিবেন না—নিজেও যাইবেন না ! উঃ ! কতই ষড়যন্ত্র—কতই চক্রান্ত ! নবাবিকৃত বাঙ্গালী যন্ত্রের আয় এ রাজ্যতন্ত্রে চক্রের মধ্যে চক্র, তন্মধ্যে উপচক্র, অপচক্র, বড় চক্র, ছোট চক্র, কেবলই চক্র ! হায়, আমার ভাণ্ডা কি বক্র ! কিন্তু এত চিন্তাই বা কি ? চির সংকল্পানুসারে যে যাহা করে করুক, নিজে ঠিক থাকিলেই হইল—ধর্মের প্রতি বিশ্বাসী আর নিয়োগকর্তা প্রভুর প্রতি কৃতজ্ঞ থাকিয়া যথা-জ্ঞান-কর্তব্য পালন করিব—কর্ম-ফল, সর্বকলদাতা ঈশ্বরের প্রতি নির্ভর !”

পত্র কয়খানি পুনর্বার মোড়ক মধ্যে রাখিতে গিয়া দেখেন, চাঁদখাঁর মোড়ক হইতে এক টুকরা ক্রোড় পত্র বাহির হইল। ব্যগ্র হইয়া পড়িলেন। তন্মর্ম এই ;—“আমি এই মুহূর্ত সঠিক সংবাদ পাইলাম যে, পরওয়ানার হুকুম হইয়াছে—সুচেং সিংহের প্রতি ভার্য্য হইয়াছে—হুজুর আর কাংরার শাসন কর্তা নহেন। সন্ধ্যা সকলই মূলপত্রে লিখিয়াছি—বাহকের বিলম্ব ভয়ে আর লিখিলাম না—হুজুরের মঙ্গল হউক—গোলাম নিকটে পৌঁছিতে ব্যস্ত—অনুমতির অপেক্ষা মাত্র।”

চাঁদের মূল পত্র ও অপর দুই লিপি পাঠে এ প্রকার ঘটনার জ্ঞান ইতিপূর্বেই প্রস্তুত ছিলেন, সুতরাং বিশ্বয়ান্বিত, কি ব্যস্ত, কি ভীত, কিছুই হইলেন না। ক্ষণেক ভাবিয়া স্থির করিলেন যে, লৌকিকতা ও ভব্যতা আর রাখিব না—ধ্যান সিংহের বিপক্ষদলকে এবং যাহারা তাঁহাদের না বিপক্ষ না সপক্ষ, এমন মধ্যাবস্থ সকল সর্দারকে হস্তগত করিবার চেষ্টাই এখন কর্তব্য—আর কেন বাহু আত্মীয়তা রক্ষার বিফল আয়াসে সময় ও অর্থ নষ্ট করা যায় ? বিশেষ ধ্যানসিংহ ও তাঁহার ভ্রাতারা শুধু তাঁহার প্রতিই বিনা কারণে—বিনা দোষে শত্রুতা করিতেছেন না—এখন জানিয়াছেন, তাঁহার তাঁহার পিতারও ঘোর বৈরী ছিলেন—আ ! ইহাদের হইতেই জনক বিক্রমজিৎ রাজ্য, পদ, ধন, মান, প্রাণ সকলই হারাইয়াছেন—ইহাদের অনির্কচনীয় নিষ্ঠুরাচরণ রূপে একমাত্র হেতুতেই তাঁহাকে অতি শৈশবেই অমন পিতা মাতার স্নেহময় লালন পালনে বঞ্চিত এবং বিদেশীয় লোকের করুণাশ্রয়ে মানুষ হইতে হইয়াছে ! ইহারা পিতার সহিত যুদ্ধে জয়ী হইয়াছিলেন, তাহাতে তাঁহার তত ক্ষুধ নাই, কেননা জয় পরাজয় ভূপতি মাত্রেই ভাগ্যে ঘটিয়া থাকে ; কিন্তু পিতার রাজ্যাপহরণ করিয়াও ক্ষান্ত না হইয়া জীবন-হরণ উদ্দেশে শেষে শৃগাল

কুকুরের ঞায় তাড়াতাড়ি পর্যাস্ত করিয়া, আহা, তাঁহাদের নিরাশ্রয় নির্কাস-  
নের হেতু হইয়াছিলেন !

এমন হৃদয় শূন্য নির্দয় শত্রুর সহিত আবার বাহ্যিক মিত্রতার যত্ন ? যদি রণ-  
জিতের প্রতি স্বামী-ধর্ম-নিগড়ে বন্ধ না থাকিতেন এবং তাঁহারই রুচী খাইয়া  
তাঁহারই সৈন্য লইয়া ক্ষমতাশালী হইতে পারিয়াছেন, এ ধর্ম ভয় না থাকিত,  
তবে এখনও পার্শ্বত্যা অঞ্চলে যাহারা অধীন রাজা আছেন, ছলীন অনায়াসে  
তাঁহাদের সহিত যোগ দিয়া এবং তাঁহাদের পরিচালক হইয়া বিপক্ষ পক্ষকে  
সম্পূর্ণ শিক্ষা দিতে ও পৈতৃক রাজ্য উদ্ধার পূর্বক দোর্দণ্ড পার্শ্বতীয় রাজা হইতে  
পারিতেন। কিন্তু ধর্মভীত ছলীন তাহা করিবেন না ! যদি ধর্মরক্ষার সহিত  
পৈতৃক অধিকারের পুনঃ প্রাপ্তি ঘটে, এমন কোন সুযোগ বা উপায় উপস্থিত  
হয়, তদবলম্বনে অবশ্যই প্রস্তুত আছেন ! কিন্তু মনুষ্যের দৃষ্টি-শক্তির সীমা  
যতটুকু, তদনুসারে সেরূপ ঘটনার সম্ভাবনা তো এখন দেখা যায় না !

আপাততঃ যে পদে যে অবস্থায় স্থিত, সেই পদে থাকিয়াই বিপক্ষ ভ্রাতা-  
ত্রয়কে শিক্ষা দিবার কোন উপলক্ষ পাইলেও কিয়দংশে তাঁহার মন সম্তুষ্ট  
হয়। বিশেষ পাপমতি গোলাপ সিংহকে কোন সূত্রে কবলে পাইতে পারি-  
লেও ধন্য হন। দুঃখের বিষয় নূতন পরওয়ানা তাঁহার অনুকূলে না হইয়া  
সুচেতের নামে হইয়াছে। তথাপি আনন্দ যে, তিনজনের একজনকেও তো  
পাইবেন—এক জনকে শিক্ষা দিলেই তিন জনকে শিখানো হইবে !

অতএব তনুহুর্ভেই চাঁদখাঁকে লিখিলেন "তুমি কি পাগল যে, এই ভয়া-  
নক গোলযোগের সময় যথায় থাকিলে প্রকৃত কাজ হইবে, তুমি সে স্থান  
ত্যাগ করিয়া যথায় আসিবার প্রয়োজন নাই, তথায় আসিতে চাহিতেছ ?  
কদাচ এমন প্রস্তাব স্বপ্নেও আর তুলিও না ! তোমাকে কে বলিল যে, আমি  
আর কাংরার শাসনকর্তা নই ? সে সব জল্পনার কল্পনা ছাড়িয়া দিয়া যাহা  
করিতেছ, তাহাই করিবে—আমার প্রসন্নতা ও প্রত্যয় সম্পূর্ণরূপেই তোমাতে  
আছে ও থাকিবে—ভরসা করি থাকিতে দিবে। সে যাহাহউক, এখন রাম  
সিংহ ও গোবিন্দরাম, এই দুই সম্ভ্রান্ত ভ্রাতার সহিত যাহাতে আমাদের বিশেষ  
ঘনিষ্ঠতা ও হৃদয়তার বৃদ্ধি হয়, তৎপক্ষে সম্পূর্ণরূপেই চেষ্টাবান রহিবে ; ফঁতে  
সিংহ মান এবং খোসাল সিংহকে আমার অভিবাদন জ্ঞাপন পূর্বক বলিবে  
তাঁহারা আমাকে যেন ভিন্ন না ভাবেন—তাঁহাদের সহিত সম-হৃদয়তা ও



আনুকূল্যের বিনিময় আমার ঐকান্তিক ইচ্ছা ; এবং উতারি ও সান্দনওয়ালার সর্দার প্রভৃতির প্রতিও তদ্রূপ ব্যবহার প্রদর্শন করিবে ।” ইত্যাদি ।

তৎক্ষণাৎ দ্রুতগামী অশ্বারোহী দ্বারা ঐ পত্র এবং অন্ত্র লিপিবদ্ধের যথোচিত উত্তর প্রেরণ পূর্বক অদূরবর্তী স্থানবাসী পণ্ডিত প্রবর লেনা সিংহ মাজিতাকে হুলীন নিম্ন ভাবার্থক একখানি পত্র স্বহস্তে লিখিয়া পাঠাইলেন—

“শ্রীযুক্ত লেনা সিংহ বাহাদুরের নাম যশঃ পঞ্জাবেই আবদ্ধ নয়, দ্বিতীয় ভাস্করাচার্য্য রূপে ভারতময় ব্যাপ্ত আছে এবং ভারত-সীমা অতিক্রম করিয়াও ভারতের প্লেটো বলিয়া বহু পশ্চিমের (ইউরোপের) লোক জানিয়াছে ! আপনার অনুরাগী এ হিতৈষী বন্ধু বিদেশী ও নির্ঝাঁকব—কেবল নিষ্পাপ-হৃদয় ও সবল-হস্ত-ধৃত অসির উপরই তাহার নির্ভর । সেই সঙ্গে পঞ্জাবাধিপতির নিজের ও পঞ্জাবের কোন কোন ধর্মনিষ্ঠ প্রধানের গ্রামপরতা ও গুণগ্রাহিতার প্রতি তাহার বেশী আশা ভরসা ! কিন্তু তন্মধ্যে লেনা সিংহের গ্রাম ধনে, মানে, জ্ঞানে, সাহসে, সন্ধিবেচনায় ও সুমন্ত্রণায় কোন্ সচিব শ্রেষ্ঠ ? কাংরার বিগত ঘটনা ও তৎসম্বন্ধে ছলগ্রাহিগণ-কর্তৃক আমার বিরুদ্ধে যে ঝঞ্ঝা-বাত্যা উখিত হইয়াছে, তাহা আপনার অগোচর নাই । আমার প্রতি আপনার পূর্ব দয়া স্মরণ করিয়া এই দুঃসময়ে শরণপ্রার্থী হইতে সাহস করিতেছি । সুবর্ণের পরীক্ষা অধিতে—বন্ধুতার পরীক্ষা বিপদকালে ! আপনাকে অকপট বন্ধু বলিয়াই আমার অন্তঃকরণ জানে । সেই হৃৎ-প্রত্যয় বলে বলীয়ান হইয়াই এই সন্ধির প্রস্তাব করিতেছি যে, আমার এই অসময়ে যদি কোনরূপ আনুকূল্য করেন, তবে শপথ সহিত আমার স্বীকার, আপনার প্রয়োজনে সাধ্যমত সাহায্য দানে এ পক্ষে ক্রটি হইবে না ! অদ্য আর অধিক নয়, সহুত্তর প্রত্যাশার পথ চাহিয়া রহিলাম !”

এইরূপে বাহিরে যা কিছু ব্যবস্থার আবশ্যক ও সম্ভব, তাহা করিয়া তদুত্তর হইতেই দুর্গাভ্যন্তরের ব্যবস্থায় হুলীন ব্যস্ত হইলেন । সীমান্তবর্তী কয়টা ক্ষুদ্র দুর্গ এবং ঐত্যেক চৌকী ও থানা স্বয়ং গিয়া পরিদর্শন করিলেন । যেখানে যেক্রম সতর্কতা ও প্রহরিতা প্রভৃতির প্রয়োজন, তত্তাবতের উপযুক্ত বিধান ও বিশেষ বিশেষ আজ্ঞা দান করিয়া আইলেন । দুর্গমধ্যে বুরুজের উপরিভাগে ও তোরণ দ্বয়ের নিকটে নানা আয়োজনে বহু বহু লোক নিযুক্ত করিলেন—এখানে পরিষ্কার, ওখানে সংস্কার, সেখানে খাদ্যদান, অন্ত্রস্থানে স্তূপ নির্মাণ

—কোথাও বিস্তৃতি, কোথাও হাসতা, কোথাও বৃহৎ ও ক্ষুদ্র পাষণ খণ্ডাদির সংগ্রহ, কোথাও বৃক্ষাদি ছেদন (বিশেষ সেইস্থলে, যথায় আপনি উঠিয়াছিলেন), কোথাও বা তোপ সজ্জা, কোথাও বা যন্ত্র-সুস্তাদির রচনা, ইত্যাদি দুর্গের সুরক্ষণ ও দুর্গ হইতে আক্রমণের সর্বাক্ষীণ উদ্যোগে দিন যামিনী ব্যাপ্ত রহিলেন ।

দুর্গের সম্মুখ ভাগে, চতুর্পার্শ্বে ও বাণগঙ্গার তীর প্রভৃতি স্থলে যাহা যাহা করিবার তাহার কিছুতেই ক্রটি হইল না । জয়ন্তী পূর্ব্বতের বাহু ষ্টিগলে ও তাহার অন্ত্যন্ত অঙ্গে একরূপে তোপ ও যন্ত্রাদি সজ্জিত রহিল যে, তোরণাক্রমণ-কারীদের বিশেষ অনিষ্ট ঘটবার সম্ভাবনা । দুর্গমধ্যে একটা বৃহৎ ও দুইটা ক্ষুদ্র বাজার ও বিস্তর বসতি আছে, তাহাকে নগর বলিলেও বলা যায় ; তদ্ব্যতীত জয়ন্তীর দক্ষিণ বাহুর দক্ষিণে ও পশ্চাতের পাদদেশে দুর্দশাপন্ন একটা উপনগর ও গঙ্গা পূর্ব্ব হইতেই ছিল, এক্ষণে দুলীনের সময়ে তাহা বিলক্ষণ শ্রীসম্পন্ন হইয়া উঠিয়াছে । যাগাতে সে নগরের প্রতি বৈরিপক্ষ বিশেষ কোন উপদ্রব করিতে না পারে, তদুপযুক্ত আয়োজনও হইল—সে কার্যের ভার অধিকাংশই বঙ্গুধরুর অধীন নব সৃষ্ট স্থানীয় শাস্তিসৈনিকগণের প্রতিই অর্পিত হইল । তদ্ব্যতীত অবৈতনিক স্বেচ্ছাপ্রবৃত্ত সৈনিকগণও প্রস্তুত রহিল—কার্যকালে তাহারা আসিয়া ভারগ্রহণ ও আদেশ পালন করিবে ।

দুলীন অন্ত্যন্ত সমাবেশের সঙ্গে দুর্গমধ্যে যথেষ্ট খাদ্য সংগ্রহ বিষয়েও বিশেষ মনোযোগী হইলেন—কি জানি যদিই বা দীর্ঘকাল অবরোধে থাকিতে হয় । কিন্তু দুর্গের জায় সেই নগরটীকে উর্ভেদ্য বা তেমন নিরাপদ করিবার জো নাই, কাজেই পারিলেন না । জয়ন্তীর উপর হইতে যতদূর হওয়া সম্ভব, তাহাই এবং প্রতিদন্দী আক্রমণকারীদের সংখ্যা অসঙ্গতরূপে অধিক না হইলে সম্মুখ-সংগ্রাম, ইহাই মাত্র সুসাধ্য ।

দুলীন মধ্যে মধ্যে কর্মচারিগণ সমভিবাহারে রাজ্যের নানা ভাগে অখারোহণে ভ্রমণ ও গ্রামপতি প্রভৃতির সহিত সাক্ষাৎ পূর্ব্বক ( দেশের নাড়ী ধরিয়া দেশের জায় ) পদাবর্গের মনের ভাব গতিক বুঝিতেন । দেখিলেন ইতর, ভদ্র, ধনী, নির্ধন, তাবৎ লোকই তাঁহার প্রতি অনুকূল এবং সর্বাস্তঃ-করণে তাহার যেমন সাধ্য তাঁহার আজ্ঞা পালনে প্রস্তুত ! তাহার অকাটা প্রমাণ উপরিলিখিত অবৈতনিক নিয়োগেই প্রকাশ—অস্ত্রধারণক্ষম যুবা মাত্রেই তজ্জন্ত মহা ব্যগ্র—অত লোকের অস্ত্র যোগাইয়া উঠা ভার । বিশেষতঃ পাছে

অসঙ্গতরূপে বেশী লোককে স্বেচ্ছাপ্রবৃত্ত সৈনিক পদে নিযুক্ত করিলে ছল-গ্রাহীরা বিদ্রোহিতার রব রটনার সুযোগ পায়, সেই ভয়ে ছলীন সকলের বাহু পূর্ণ না করিয়া প্রত্যেক বিভাগ হইতে সম সংখ্যক লোক বাছিয়া তিনটি বিভাগে তিনটি রেজিমেন্ট প্রস্তুত করিলেন ।

ফলতঃ তাঁহার প্রতি প্রজাপুঞ্জের এইরূপ আন্তরিক অমুরাগ দর্শনে তিনি মনে মনে যতটা নিশ্চিন্ত হইলেন, এমন আর কিছুতেই না। যেহেতু প্রকৃতি-পুঞ্জের হৃদয়-দুর্গে যে ভূপাল স্থান পান, তিনিই কেবল নিরাপদ, নতুবা শুদ্ধ অস্ত্র-বলে বলীয়ান, তেমন রাজার সিংহাসন আর পদপাতায় জল, দুইই সমান !

### অষ্টাদশ পরিচ্ছেদ ।

আশার স্মার ।

দিবা রজনী এই সব উদ্যোগায়োজনে এত ব্যস্ত যে, ছলীন তাঁহার জীবন-দাত্রী ধাত্রীগণকে এবং নব-জীবন-সঞ্চারিণী লীলাকে বারেক সন্দর্শন করিবারও সাবকাশ পান না। দিবা ভাগে তো এখন আর তেমন দেখা হইবার সম্ভাবনাই নাই, যামিনীতেও যখন তিনি গৃহে আসিবার অবসর পান, তখন এত রাত্রি যে তাঁহারা অবশ্যই নিদ্রিতা। নিদ্রিতা না হইলেও সে অসময়ে অন্তঃপুরে তাঁহার গমন কি অন্তঃপুর হইতে তাঁহাদের আগমন ভাল দেখায় না ! কাজেই বহুদিন সাক্ষাতাভাব ।

একদা দিনমান প্রায় অবসান—সে দিন ছলীনের আরো বেশী শ্রম, বেশী ক্লান্তি হইয়াছে—আর পারেন না, কিয়ৎকাল বিশ্রাম নিতাস্তই আবশ্যক হইয়া উঠিয়াছে—সেই অবশ্য-প্রয়োজনীয় বিশ্রাম ও শান্তি লাভস্বরূপ স্বগৃহে গমন করিলেন। কিন্তু চতুর্দিকে গিরি-বন-বিহারী বিবিধ বিহঙ্গমকুলের সুধাস্রাবী গান এবং চতুর্দিকেই মুগ্ধকর দৃশ্য—তেমন সময় কি গৃহে থাকা যায় ? অর্থাৎ বাহিরে গেলেই ঝঞ্জাট ! অতএব আপরাহ্নিক মৃদুগধুর বায়ু সেবনার্থ অন্তঃপুরের দিকে যে বারাণ্ডা, তথায় কিয়ৎক্ষণ পাদচারণান্তে এক-খানি সুন্দর কোচের উপর অর্ধশায়িত ভাবে অবস্থিত হইলেন ।

নানা চিন্তায় চিত্ত অভিনিবিষ্ট, এমত কালে স্বর্গীয় সঙ্গীতবৎ গীত শুনিয়া চমকিয়া উঠিলেন—সে সঙ্গীত লীলার মধু-কণ্ঠ-নিঃসৃত—সে গীত প্রণয়-গীতি

ও করুণ-রসপূর্ণ—গান্ধিকার স্বরও সবিষাদ, স করুণ—স্থানটী অতি নির্জন, সে সমস্ত সহসা সেরূপ গান আশাতিরিক্ত ; সুতরাং সকল মিলিত হইয়া কল্পনাকে মাতাইল—কি যেন অপার্থিব পবিত্র মোহে কল্পনা মুগ্ধ হইল ! ছলীনের লোমাঞ্চ হইল—বিশেষতঃ সমগ্র গানটীর ভাব শুনিয়া বিশ্বয়ে, আশার, পুলকে দেহ মন দুইই কণ্টকিত হইয়া উঠিল ! সে গানটী এই ;—

রাগিণী মূলতান । তাল তেতাল ।

প্রাণ আমার কেন এমন করে—না দেখে তাহারে !

যাহারে দেখিতে চাই, সে তো দেখিবারে নারে ।

( ১ )

জীবন হ'লো অসার,

রহিতে না চাহে আর,

এ দুখে করিতে পার,

যে পারে সে রহে দূরে !

( ২ )

নিরাশা দহনে যদি,

দহিতে রাখিল বিধি,

তবে কেন দিবে নিধি,

নিদয় হ'য়ে নিল হ'রে !

নিকট গমনে নিতান্ত ইচ্ছা—যাওয়া উচিত কি না ইহাই চিন্তা ! উচিত অনুচিত যাহাই হউক, না গিয়া থাকিতে পারিলেন না ! পূর্বেই বলিয়াছি, বারাণ্ডার পর ছাদ, ছাদ পার হইলেই শুদ্ধান্তঃপুর । বারাণ্ডা হইতে ছাদে উঠিতে তিনটী ধাপ । যাই কি না যাই, ভাবিতে ভাবিতেই ধাপে ধাপে উঠিলেন—ফিরি কি যাই, ভাবিতে ভাবিতেই ছাদ পার হইলেন—“উঁহ ! এখন যাব না” বলিতে বলিতে ধীরে ধীরে নিকটে গেলেন—কে যেন ঠেলিয়া দিয়া ধরিয়া লইয়া গেল !

গিয়া দেখেন, একি ! করকমল-যুগলে বদনকমল আবৃত—নভমস্তকে লীলা কাঁদিতেছে—কোলের বীণা কোলেই পড়িয়া আছে ! ছলীন ধীরে ধীরে কাঠাসনস্থ গালিচার উপর গিয়া বসিলেন । পরম স্নেহে কোমল করকমল ধারণ পূর্বক বদনারবিন্দু হইতে সরাইলেন । তাঁহার আগমন, লীলা জানিতে পারে নাই ; সচকিতে বাম্পাকুল মধুর দৃষ্টিতে চাহিয়া দেখিল ; সেই দৃষ্টিতে হর্ষ নাই, বৈরক্তি—একি ! বহুদিনান্তে পুনর্দর্শন ; কোথায় উল্লাসের দৃষ্টিতে চাহিবে, তাহা না হইয়া বিরক্তি ! মধুর মিষ্ট সম্ভাষণ দূরে থাকুক, ত্রস্ত ভাবে হস্তের প্রত্যাখ্যান ! এবং অশ্রু মার্জন করিতে করিতে অধোদৃষ্টিই বা কেন ?

“আমার প্রাণের ভগিনী লীলা ‘আ’জ রোদনলীলা কেন ? আমার

লীলার কিসের ছুঃখ ? যদি প্রাণ দিলে সে অসুপের—” ঢুলীনের এই পব্যস্ত বলা শেষ না হইতেই লীলা সেই অধোবদনে সেই তটন্ত ভাবে অস্পষ্টস্বরে বলিল “হুজুর ! আমি বালিকা নই—যদিও হটা আপনার পুরা—তবু এখন আমি একা—আমি গিয়া মাকে পাঠাইয়া দিতেছি !” এইরূপ বাক্য অর্দ্ধা-চারণ করিতে করিতে লীলা উঠিয়া যাইতে উদ্যতা !

ঢুলীন সহাস্ত্রে পুনর্বার হস্ত ধরিয়া বসাইলেন । “কেন কেন, আমার সরলী লীলার বাক্য আ'জ্ বাকা কেন ? আমার সদানন্দ-হৃদয়ার হৃদয় আ'জ্ বিবাদভরা কেন ? আমার বন-কোকিলার মুখে হর্ষ গীতিই বাহির হয়, আ'জ্ কেন বিয়োগ-ছুঃখের করুণা-গাথা শুনিলাম ?” পুনর্বার এইরূপ স্নেহের প্রশ্ন করিলেন ।

একটা দীর্ঘ নিঃশ্বাস লীলার হৃদয়োদ্বেদ করিয়া উঠিতেছিল, লীলা চাপিবার চেষ্টা করিল, পারিল না ! ছল ছল চক্ষে আরো যেন বিরক্তির সহিত উত্তর দিল “এখানে হুজুরের থাকা উচিত নয় ! সত্য, আপনার আশ্রয়ে, আপনার খাইয়া, আপনার অধীনে আছি ; কিন্তু অনাথা অনুহাদ চাঁদের কন্যাকে পূর্বে তো সম্বন্ধই করিয়াছেন !”

ঢুলীন কতক বুঝিলেন, বলিলেন “হুজুর ! আমার লীলার মুখে এ কর্কশ কথা আ'জ্ যে নিতান্ত নূতন ! লীলার জন্ত ঢুলীন প্রাণ দিতে পারে, তা কি লীলা জানে না ? সত্য বল, লীলা ! আমার কাছে গোপন করিও না—আমার প্রাণের ভগ্নী লালা কি কোন সৌভাগ্যবানকে হৃদয় দানে ধন্য করিয়াছে ? সে পক্ষে লীলার ভ্রাতা কি সাহায্য করতে পারে না ?”

লীলা সগর্বে উত্তর করিল “রাজপুত্র-কন্যারা কি অযাচিত হইয়া হৃদয় দান করে ?” এই কয়টা কথার অদ্ভুত বলিতে না বলিতে গর্ব যেন কোথায় চলিয়া গেল—হৃদয়-বেগ কি এক প্রকার হইয়া উঠিল—নয়নে নয়নে মিলিবা মাত্র কিরূপ একটা বা কয়েকটা অনির্করণীয় ভাবের উদ্বেক হইল—লীলা আর আত্মসম্বরণে সমর্থ হইল না—বদনমণ্ডল পাণ্ডুবর্ণ হইয়া অজ্ঞানে খট্টা হইতে পড়িয়া গেল—মোহ হইল !

ঢুলীন আপনাকে অপরাধী জ্ঞানে ব্যথিত হইলেন ; দ্রুতপদে উঠাইয়া হৃদয়ে তুলিলেন : পুনঃ পুনঃ চুঘনাদি রূপ ঔষধ প্রয়োগ করিয়াছিলেন কি না, তাহা তিনিও পরে স্বরণ করিতে পারিতেন না ! কিন্তু খট্টায় যে শোয়াইলেন, ইটা নিশ্চিত ; কাহাকেও ডাকিলে পাছে গোলমাল হয়, এজন্য দৌড়িয়া স্বগৃহে গিয়া

জল, গোলাপ ও তীব্রগন্ধের শিশি আনিলেন ; পুনঃ পুনঃ জলসেকাদি শুষ্কতা করিতে লাগিলেন । হা ! এই যে নিঃশ্বাস ! এই যে কম্পন ! এই যে সেই মধুর স্বর নিঃসরণ—আধ আধ—অর্ধস্পষ্ট—ক্রমে মৃদু মৃদু পরিষ্কার বচন—কিন্তু সকল কথাই যেন স্বপ্নের কথা ! সে প্রলাপ—সে কথায় দুলীনের হৃদয় নাচিয়া উঠিল—পর পর যত শুনে, ততই যেন কে তাঁহাকে ভূতল হইতে তুলিতেছে—ততই যেন তাঁহার হৃদয় নাচিতে নাচিতে ধাপে ধাপে স্বর্গের সোপানে উঠিতেছে—ততই যেন কোন স্বর্গাধিষ্ঠিতা দেবী তাঁহাকে দেববাঞ্ছিত পবিত্র স্নান পান করাইয়া অমর ভবনে অমর করিয়া লইতেছেন !

তিনি কি শুনিলেন—কি জানিলেন—কি বুঝিলেন ? শুনিলেন লীলার হৃদয় তাঁহারই—অন্তের নয় ! জানিলেন, লীলার হৃদয়েশ্বর তিনিই—অন্তের নয় ! বুঝিলেন, যে মানবী-রূপিণী দেবীকে তিনি এত কাল ভগ্নী বলিতেন, তাঁহার প্রতি সেই দেবীর চিত্তভাব সোদর্যাপেক্ষাও গাঢ়তর—শত গুণে প্রিয়তর—সহস্র গুণে মোহকর—লক্ষ গুণে সুখদ ! যদিও তাঁহার নিজের অন্তস্তলে তদনুরূপ গাঢ় ভাব গুপ্তরূপে নিহিত ছিল, কিন্তু সে গরীয়সী ভাবকে মূর্ত্তিবিশিষ্ট করিয়া লইতে সাহস পাইতেন না—পূর্বে সাহেব ছিলেন, আর্ঘ্য-বংশীর চক্ষে সাহেব তো অনার্য্য ! যদিও এক্ষণে ক্ষত্রিয় রাজপুত্র বলিয়া পরিচিত হইয়াছেন, তথাপি স্নেহানুরূপিত বলিয়া আশাকে প্রসারিতা করিতে ভয় পাইতেন ! ইহাতেই ত্রাত-স্নেহাপেক্ষা প্রিয়তর অমুরাগ প্রদর্শনে কুণ্ঠিত হইতেন—পাছে রাজকন্ঠা ও রাজমহিষী অপমান জ্ঞান করেন—পাছে তাঁহারা অভিমান করেন যে, হীনাবস্থা দেখিয়া আর অধীনতা পাইয়া অযোগ্য প্রস্তাব করিতেছেন !

এখন সে আতঙ্ক দূর হইল—সে অন্তর্জালা জুড়াইল ! এখন অবাধে প্রাণের বছদিনের সাধ মিটাইতে পারেন—এখন হৃদয়েশ্বরীকে অবাধে হৃদয়ে তুলিতে পারেন ! অব্যাজে করিলেন ও তাই—পুনঃ পুনঃ বুকে তুলিতে লাগিলেন—পুনঃ পুনঃ বদন-বিধু-মণ্ডল, ললাট ফলক ও পবিত্র বিদ্যায় দীর্ঘ ওষ্ঠাধর দ্বারা বাগ্রভাবে স্পর্শ করিয়া শীতল হইলেন এবং উষ্ণ স্পর্শে শীতল করিলেন ! লীলার তখন সম্পূর্ণই চৈতন্য হইয়াছে—লীলার মধুরাশ্রে সুখহাস্ত যেন লুকায়িত রহিয়াছে—লীলা একবার মাত্র পদ্ম-দলোপম নেত্র পত্র উন্মীলন করিয়া মুদ্রিত করিয়াছে—প্রাণেশ্বরের সুধোন্মত্ততাময় আলিঙ্গনে আশাতিরিক্ত হর্ষোন্মত্ততার হৃদয় মগ্ন রহিয়াছে—অবশ হইতেছে । জীবিতনাথের পীযুষবৎ নানা প্রেমালোপ,

নানা প্রণয়-প্রলাপ, অনুতাপীবৎ নানা সানুরাগ বিলাপ, নোহাগীবৎ ভবিষ্যতের নানা অঙ্গীকার, লীলা নীরবে আকর্ষণ করিতেছে—পূর্বে দুঃখের মোহে মূচ্ছিতা হইয়াছিল, এখন সুখের মোহে গলিতেছে !

বহুক্ষণ হইল, পাছে কেহ আইসে, এই ভয়ে লীলা সলজ্জ দৃষ্টির ভঙ্গীতে নিবারণ করিল—উঠিতে চাহিল। যে কথোপকথন হইল, তাহা অতি বিরল—অতি গুপ্ত—কাহাকেও বলা উচিত নয়—সুতরাং বলিলাম না—পাঠক ! ক্ষমা করুন, বুঝিয়া গউন !

উভয়ে সুস্থির হইলে, কেন যে এতদিন দেখা সাক্ষাৎ ঘটে নাই, তুলীন তাহা বুঝাইলেন। কিন্তু শুনিয়া আশ্চর্য হইলেন যে, লীলা তাহাকে সর্বদাই দোখত—তুলীন যে দিন যে সময়ে ভোজন শয়ন করিতেন, তাহা লীলা সকলই জানিত ! লীলার আভ্যন্তর এই যে, যদিও তুলীন সকল দিন গৃহে আসিয়া ভোজন করিতেন না, তথাপি মধ্যে মধ্যে তো আসিতেন এবং যত রাত্রিই হউক, নৈশ ভোজন ও শয়ন জগুও তো গৃহাগত হইতেন, তখনই কেন লীলাকে আর লীলার জননীকে আর গুলাপীকে ডাকাইতেন না ? কষ্ট ! তুলীনের কাছে ( যখনই হউক ) আসিতে আবার তাঁহাদের কষ্ট ! নিদ্রা ! তুলীন নিদ্রিত না হইলে কি তাঁহারা কোন দিন শয়ন করিয়াছেন ? তাঁহাদের কি আর কেহ আছে ? তাঁহাদের কি আর কাহারো কথা এত হয় !

তুলীন অপরাধ স্বীকার করিলেন—“এমন আর হইবে না” প্রতিজ্ঞা করিলেন !

লীলা কাঁদিয়া বলিল “আমার জীবনে এখন আর অণু সাধ কিছুই নাই—কেবল এক একবার তোমাকে দোখতে পাই, এই হইলেই হইল ! তোমার নিকট যেমন থাকিতাম, তেমনি থাকিতে পাই—তুমি আমাকে সঙ্ঘর্ষিণীর উচ্চ পদ দেও বা না দেও—তুমি আমাকে ভগ্নী বল, দাসী বল, আর ঘাই বল, কেবল কোনমতে সেইরূপে আবার তোমাকে দেখিতে পাইলে, তোমার কাছে বসিয়া তেমনি করিয়া আবার লেখা পড়া শিখিতে পাইলে, তেমনি করিয়া আবার তোমার সেবা গুরুত্ব করিতে পাইলে, আর মাঝে মাঝে তোমার মুখে মধুমাখা ‘লীলা’ নামটা শুনিলেই জীবন সার্থক জ্ঞান করিব !” আরো কত কি বলিবার ছিল, লীলা বলিতে পারিল না !

‘তুলীন বাক্যে হাঁহার উত্তর না দিয়া যেরূপে দিলেন, ভাবুক পাঠক বুঝিতেই পারিতেছেন ! শেষে যখন বাক্য ব্যয় করিলেন, তখন কেবল এই

আশঙ্কা প্রকাশ করিলেন যে, লীলার জননী কি এ সম্বন্ধে সম্মত হইবেন ?

—না জানি, না শুনিয়া কি বলেন ?

লীলা স্খুধাসিক্ত হস্তের সহিত বলিল “এ পর্যন্ত আমার কোন কথাই মার অগোচর নাই—আমার মনের ভাব, কি জানি কিরূপে, তিনি আপনিই বুঝিতে পারিয়া আমাকে জিজ্ঞাসা করিয়াছিলেন—আমি লজ্জায় বলিতে পারি নাই, কাঁদিয়াছিলাম—পরে তিনি সকলই জানিয়াছেন ! কেবল আপনাদের দুঃখের দশা স্মরণ করিয়াই দুঃখিতা আছেন—‘অসম্ভব’ বলিয়াছেন—অন্য আপত্তি বা কিছু মাত্র অসম্মতি বাক্য করেন নাই !”

• তুলীন সহস্র গাষ্ঠীর্যো কাহলেন “দুঃখের দশা ভাবিয়া ‘অসম্ভব’ বলিয়াছেন ! তবে কি তিনি আমাকে ধনী রাজপুত্র ভাবিয়াছেন ? তিনি কি জানেন না, এ বিষয়ে তাঁহার লীলারও যে দশা, তাঁহার তুলীনেরও সেই দশা ! প্রভেদ মাত্র এই, তোমরা জ্ঞানলোক, আমি পুরুষ—আমি খাটিয়া খাই-তেছি ! নচেৎ তোমরাও রাজা হারাইয়াছ, আমিও গৌতক রাজত্বে বঞ্চিত হইয়াছি—আ ! পালক পিতা যে অতুল বিভব রাখিয়া গিয়াছিলেন, দুর্জনেরা কুচক্র জাল বিস্তারিয়া তাহাও কাড়িয়া লইয়াছে !”

লীলা বিষাদ-পূর্ণ নয়নে স্বীয় হৃদয়নাথের ক্ষাত্র-তেজোপূর্ণ বদনের দিকে কেবল সাহুরাগ দৃষ্টিতে চাহিয়া রহিল, কোন কথাই কহিল না !

তুলীন তদনুশনে লীলার কোমল হস্তখানি স্বীয় হস্তোপরি লইয়া আবার বলিলেন “লীলা ! জন্মের মত হৃদয় প্রাণ তোমাতেই সমর্পণ করিয়াছি, কিন্তু দুঃখ এই, তোমার এই পারিগ্রহণ এখন সম্মত হইতে পারি না—এ কথায় আমার প্রাণের লীলা শিহরিয়া উঠিল, তাও দেখিলাম—এ কথা বলিতে বক্ষঃস্থল বিদারিত হইতেছে—যে অমূল্য রত্নকে রাজরাজেশ্বরও বহু যত্নে পায় না, আ’জ হৃদয় বিধি সেই অতুল্য নিধিকে অযত্ন-লভ্য করিয়া দিয়াছেন, সে মহা নিধি অবিলম্বে হৃদয়ে ধারণ করিতে হৃদয় যে কি অধৈর্য্য হইতেছে, তাহা যদি দেখাহবার হইত, এখানি বুক চিরিয়া দেখাইতাম, কিন্তু তবু আমার মর্শ্ব-বিদারক এই নিদারুণ কালগৌণের কথা যে বলিতেছি, তাহার বিশিষ্ট হেতু আছে। এখন আমার অবস্থার কিছুই স্থিরতা নাই—যে পদে অবস্থিত, ইহা কখন আছে, কখন নাই—মহারাজার দয়া আছে সত্য, কিন্তু দেখিতেছি, তাঁহার তরাচার পারিপার্শ্বিকগণের চক্রান্তে তিনি অব্যব-



স্থিত-চিত্তের শ্রম কার্য করিতে বাধ্য হন—অধিক কি, তাঁহার নিয়োগ-পত্র পাইয়াও তাঁহার কর্মচারীর সহিত ভয়ানক যুদ্ধ করিয়া তবে এই দুর্গাধিকার করিয়াছি এবং বোধ হইতেছে, এই রাজ্যাধিকার ( তাঁহার নিমিত্তই) রাখিতে শীঘ্রই আবার তাঁহারই সৈন্ত সহ ঘোর সংগ্রাম করিতে হইবে ! তাহার ফল কি হয়, কে বলিবে ? এরূপ অদ্বুত শাসন-তন্ত্র আর কখন দেখিও নাই, শুনিও নাই ! অতএব এখনও আমি নলিনী-দল-গত জলবৎ টল টল করিতেছি ! এ অবস্থায় তোমাকেও কি সেই অশ্রুচোষিত ভাগিনী করিতে পারি ? এমন অর্থ-সঙ্গতিও কিছু করিতে পারি নাই যে, তাহার সাহায্যে তোমাকে কোন নিরাপদ স্থানে লইয়া গিয়া সুখে বাস করি ! বিশেষ আমার ইচ্ছা, আরো কিছু সময় লইয়া ভালরূপে তোমার মন তুমি পরীক্ষা করিয়া দেখ—”

এই শেষের কথায় লীলা কাদিয়া ফেলিল—বলিল “পরীক্ষা ! কিসের পরীক্ষা ? অগ্নি প্রবেশে সীতার পরীক্ষা—না হয় তাই করিয়া দেখ !”

দুলীন অপ্রতিভ হইলেন—লীলার কথায় যত নয়, লীলার ভাব, ভঙ্গী, দৃষ্টিতে প্রকৃত পরীক্ষা পাইয়া মহা অপ্রতিভ হইলেন ! সে অভিমান দূর করিতে তাঁহাকে বহু যত্ন, বহু কষ্ট, বহু আদর, বহু বাক্যব্যয় করিতে হইল । সীতার পরীক্ষার সঙ্গে যেন রামেরও অনল পরীক্ষা হইয়া গেল—বিশ্ববিদ্যালয়ের পরীক্ষার অপেক্ষাও কৃচ্ছ্রসাধ্য সাধন সাধিতে হইল—সুখের মধ্যে পরিশেষে উত্তমরূপে পরীক্ষোত্তীর্ণ হইয়া তখনকার মত সমুচিত পারিতোষিক লাভ ঘটিল, ভবিষ্যতের চিরস্থল ছাত্রবৃত্তির আশাও রহিল !

দুলীন হৃদয়েশ্বরীকে পুনঃ পুনঃ হৃদয়ে লইয়া—পুনঃ পুনঃ গাঢ় প্রেমালিঙ্গন করিয়া—কার্য্য ব্যপদেশে না গেলে নয়—বিদায় লইলেন—যেন আপনাকে আপনি বলপূর্ব্বক ছিন্ন করিয়া লইয়া গেলেন !

লীলা নাচিতে নাচিতে মায়ের নিকট বলিতে গেল—দুর্ভাগ্য দুলীনের বলিবার কেহ নাই, তথাপি তাঁহার হৃদয় নাচিতে নাচিতে পরমাত্মীয় আপন আশ্রয় সহিত চূপি চূপি শুভালোচনা করিতে লাগিল !

.সূর্য্যদেব অস্তাচলে গিয়াছেন ; অবগুণ্ঠনবতী সন্ধ্যা আসিয়াছেন ; নিশা-নায়ক উদিত হইতেছেন ; দুলীন বেলুনারোহণে দুর্গের প্রায় চতুর্দিক্ ও দিক্‌বিদিক্ জ্ঞানহীন ভাবে কত দিকেই ধাবমান হইলেন—পরিদর্শন যেন উদ্দেশ্য, কিন্তু কিছুই পরিদর্শন করিলেন না—নয়ন আর মন কোন দিকেই

নয়—সঙ্গী সওয়ারেরা অবাক হইল, পরস্পর মুখ চাওয়াচাই করিল, কিছুই বুঝিল না ! সেই গতিকে ও সেই গতিতে ছুর্গে ফিরিলেন—কাহারো সহিত কোন কথা নয়, কোন বাতী নয়—শয়নে গেলেন ! সারারাত্রি এপাশ ওপাশ—নিতান্ত ক্লান্ত, তথাপি নিদ্রা হইল না ! শেষ রাত্রে হইল বটে, কিন্তু ভঙ্গ নিদ্রা ! তাহাতে কেবল বিচিত্র বিচিত্র বিবিধ সুখদ স্বপ্ন দেখিলেন—শেষে বোধ হইল কে যেন রুদ্র বেশে গলার হাত দিতে আসিতেছে, চমকিয়া জাগিয়া উঠিলেন—এক দীর্ঘাকার ছায়া যেন দ্রুতপদে গৃহ হইতে বহির্গত হইল—প্রহরিগণকে ডাকিয়া “কে গেল ? কে গেল ? ধর, ধর,” বলিলেন ! তাহারা উত্তর দিল “কৈ ? কেহইতো না !”

পর দিন তাঁহার বিশ্বাসী কন্মচারীরা প্রহরীদের মুখে এই বৃত্তান্ত শুনিয়া বিস্তর বিনয় পূর্বক প্রিয় পেশখজ্জমকে তাঁহার গৃহে শয়নার্থ অনুমতি চাহিয়া লইল ! তদবধি তাহাই হইল ।

### উনবিংশ পরিচ্ছেদ ।

প্রথম যুদ্ধ ।

এইরূপে কিয়দিন গত । লীলা বাহা করে বা করিতে চাহে, কন্যাবৎসলা চন্দ্রকুমারীর চক্ষে অবিচার্যরূপে তাহাই গরীয়সী—তাহাই শ্রেয়ঃ । সুতরাং এমন সুপাত্রে ও করণীর কুলোদ্ভব রাজপুত্রে নন্দিনী যে আত্ম-সমর্পণ করিয়াছে, ইহাতে যার পর নাই সুখিনী এবং লীলার জন্ত ভাবী ভাবনা যে ছিল, তাহা হইতে নিস্তার পাইলেন—নিশ্চিত হইলেন । গুলাপীর আমোদ তো রাধিবার স্থান হয় না !

তুলীন মহা বাস্ত, তথাপি তাঁহাদিগকে—বিশেষ লীলাকে দেখিতে ও শিখাইতে—যেখানে যখন হটক অবসর করিয়া লয়েন !

এই ভাবে কিয়দিবস গত । এক দিন অতি প্রত্যাষে সংবাদ আসিল, বল সৈন্য সহিত সূচেং সিংহ আসিতেছেন ।

ইতিপূর্বে লেনা সিংহ এবং অপর দুই একজন পার্শ্বতীয় সর্দার আনুকূল্য-দানের আশা দিয়াছেন । কিন্তু তুলীন যাহার অধীন, সূচেং সিংহও তাঁহার কন্মচারী—বিশেষ সূচেং রাজাদেশ লইয়াই আসিতেছেন ; সুতরাং অর্থে তাঁহাকে আক্রমণ বা তাঁহার গতি রোধ করা হইতেই পারে না । একজন

রাজ্যের প্রান্তভাগস্থ দুর্গাধিকারী প্রভৃতিকে তাহাদের নিরুপিত স্থানে না রাখিয়া কতক জয়ন্তীতে কতক কাংরা দুর্গ মধ্যে আনিলেন। আভ্যন্তরিক শান্তিরক্ষক ও গ্রামপতি প্রভৃতি সকলকেই গুপ্তাদেশ পাঠাইলেন যে, অচা-চারিত হইলেও অস্ত্র প্রয়োগ করিবে না, অথচ রসদ ইত্যাদি কিছুই দিবে না। বিপক্ষের গতিরীতি সম্বন্ধীয় তাবদ্ব্যাপারের সন্ধানসন্ধান ও প্রকৃত সংবাদ যাহাতে প্রতি দণ্ডে পাইতে পারেন, তদ্বিধান করিলেন—প্রজারা বিনা উপ-দেশেই সে কার্য সুন্দররূপে করিতে প্রস্তুত ! সুচেতের নামে তাহাদের গায় জর আসে এবং তুলীনকে তাহারা মনে প্রাণে ভালবাসে, সুতরাং তাহার শুভপ্রার্থী ও সাহায্যকারী হইবে, বিচিৎ কি ? তুলীন এইরূপে আগতক-দলের যথোপযুক্ত অভ্যর্থনায় সমুদয় আয়োজন ঠিকঠাক করিয়া অপেক্ষা করিতে লাগিলেন।

সে অপেক্ষা অধিক দিন নয়—অচিরেই (নানা দিক হইতে আগত) দ্বাদশ সহস্র সুসজ্জিত সৈন্য কয়েক সহস্র রেসেলা সহিত কাংরা দুর্গ সমক্ষে উপস্থিত ও উপবিষ্ট হইল। তদ্বিকল্পে তুলীনের পাঁচ ছয় সহস্র পাকা সৈনিক বৈ নয় ; কিন্তু তাহারা সর্বথা উৎকৃষ্ট প্রশিক্ষিত ও সম্পূর্ণ রূপে সর্বপ্রকার অস্ত্র শস্ত্রাদিতে সুসজ্জিত। তদ্ব্যতীত প্রায় তত সহস্র সংখ্যক অবৈতনিক অপক অথচ অব্যবসায়ী সৈনিক এদিক ওদিক চারিদিকে লুক্কায়িত ভাবে প্রস্তুত আছে—প্রয়োজনমতে নগর রক্ষায় বা প্রত্যেক অধিকারী, উপত্যকা, গিরি, বন হইতে তীর ধনু বন্দুক পাঠি প্রভৃতি নানাবিধ অস্ত্র লইয়া ভয়ঙ্কর বধ কাণ্ডে নিযুক্ত হইতে পারিবে। আবার লেনা সিংহ প্রভৃতিও নিশ্চিন্ত না রহিতে পারেন।

শুভ রাজ্যাধিকারই সুচেতের এক মাত্র উদ্দেশ্য নয়—অপর একটী রত্না-ধিকারের প্রয়াসে বৈর-নির্যাতনের সম্পূর্ণ সাধও আছে—সে রত্ন “লীলা !”

সুচেৎ সিংহ দেখিতে অতি সুন্দর বীর পুরুষ, সংগ্রামেও সাহসী ও নিপুণ। সুচেৎ বহু গুণে সেনানায়কের যোগ্য, কিন্তু সৈনিক শাসনতন্ত্রতা পক্ষে শিথিল—তাৎকালিক পঞ্জাব সৈন্য মধ্যে এই শিথিলতাই দোষ ছিল—সৈনিকেরা যদৃচ্ছা আচরণ করিয়াও প্রায় দণ্ডিত হইত না। তজ্জন্তই অধীন সৈন্তের নিকট সুচেৎ বিশেষ প্রিয় ছিলেন। এমন পুরুষ রমণীকুলেরও অনুরাগাস্পদ হইতে পারেন। কিন্তু এস্থলে তাহা না হওয়াতে, অর্থাৎ লীলার বিরাগ দর্শনে মহা জাত-ক্রোধ হইয়াছেন এবং যাহার প্রতি লীলা অনুরাগবতা

শুনিয়াছেন, তাঁহার প্রতি মন্যাহত ভূজঙ্গের শ্মশ্রু বৈরশোধে দৃঢ়প্রতিজ্ঞ হইয়া আসিয়াছেন ! গুপ্তচর দ্বারা লীলা-বটিত সৰ্বতর শুনিয়াছেন ।

শুভ্র-সন্ধি-পতাকা সহিত সূচেতের দূত কাংরা দুর্গে আসিয়া হুলীনকে মহারাজার পরওয়ানা দেখাইয়া সৌজন্য অথচ গৰ্ব্ব সহকারে কাংরা রাজা ও দুর্গাধিকার চাহিল । হুলীনও তদ্রূপ সৌজন্য অথচ গৰ্ব্বসহকৃত এইরূপ উত্তর দিলেন, “এই পরওয়ানা যে রাজ দরবার-প্রেরিত, তাহাতে সন্দেহ করি না, কিন্তু তথাপি রাজা ও দুর্গাধিকার দিতে পারি না ; যেহেতু আমার প্রতি মহারাজার বিশেষ আস্থা আছে যে, তিনি স্বয়ং না আইলে আর কাহাকেও অধিকার ছাড়িয়া দিবে না ।”

সে উত্তরের প্রত্যুত্তর আইল—পুনর্বার উত্তর প্রত্যুত্তর চলিল—হুলীনের ঐ একই উত্তর ! অবশেষে হুলীন বলিয়া পাঠাইলেন যে “শতবার চাহিলেও তাঁহার প্রথম উত্তরের মর্ম্মই শেষ উত্তর হইবে ; অতএব বৃথা তক্রারে সময় ও সৌহৃদ্যকে নষ্ট করা উচিত নয় ; বিশেষ রাজাজীর বিপুল সৈন্য কর্তৃক তাঁহার প্রজাবর্গের বিপুল অনিষ্ট হইতেছে, অতএব রাজাজী ইহা স্মরণ পূর্ব্বক প্রতিগমনে যেন এক তিলও আর বিলম্ব না করেন !”

রাজা সূচেতের ছাউনি দুর্গ-গিরির সম্মুখ ও উভয়পার্শ্বের কিয়দূর বেষ্টিত করিয়াছে—জয়গুঁকে দুর্গ হইতে সম্পূর্ণ বিচ্ছিন্ন করিয়াছে—প্রথম আঘাতের দায়িত্ব স্বীয় স্বন্ধে লইতে হুলীনের ইচ্ছা নয়, এই নিমিত্তই সূচেৎ স্বীয় সুবিধা ও স্বচ্ছামত সেনা-নিবাস স্থাপন করিয়াছেন, কেহই বাধা দান করে নাই । শুধু তাহাই নহে, হুলীনের আদেশানুসারে দুর্গস্থ ও নগরস্থ লোক সূচেতের সৈনিকগণের অভয়তা ও ঔদ্ধত্য-ব্যবহার বিস্তর সহ করিতেছে—অপমানিত হইয়াও কেহ কিছু বলিতেছে না । সূচেতের অমুচরগণ হাতে বাজারে যথায় তথায় যদৃচ্ছা গমনাদি করিতেছে এবং দুর্গ মধ্যস্থ বাজারে বাইতে চাহিলেও নিরস্ত্র ভাবে ক্ষুদ্র ক্ষুদ্র দলে অনায়াসে যাইবার অনুমতি পাইতেছে ।

সূচেৎকে সাহসা বোকা জানিয়াই হুলীন তাঁহার প্রত্যেক গতি রীতির প্রতি বিশেষ সতর্ক দৃষ্টি রাখিতেছেন । তাঁহার গুপ্ত চরেরা দিবানিশি সূচেতের শিবির মধ্যে ছদ্মবেশে গিয়া সকলই দেখিয়া আসিতেছে এবং বোধ হয় দুর্গ মধ্যও সূচেতের গুপ্তচর সে কাজ করিতেছে—অর্থ দ্বারা উভয়েই উত্তরের অমুখ্যাভিগণকে গুপ্তচর করিয়া লইতেছেন ! কটকে ও বিশেষ বিশেষ

হলে দোহারা ভেহারা পাহারা নিযুক্ত আছে । কামানগুলি পূর্ব হইতেই ভীষণ পথ-রোধক-রূপে সজ্জিত ছিল, গোলন্দাজেরা গুপ্তাদেশে সর্বদাই ছদ্মবেশে এদিক্ ওদিক্ পাদচারণ করিতেছে—যেন নিষ্কর্মা দর্শক, কিন্তু মূহূর্ত্ত মধ্যে কার্যো নিযুক্ত হইতে পারিবে একরূপে প্রস্তুত । তাহাদের পৃষ্ঠ রক্ষা নিমিত্ত এক রেজিমেন্ট পদাতিকও সেই ভাবে প্রস্তুত ছিল এবং দুর্গাভ্যন্তরস্থ বৈরী-পক্ষীয় লোক উপযুক্ত সময়ে বাহিরের আক্রমণকারীদের অনুবল হইয়া না উঠিতে পারে, তৎপ্রতিবিধান জন্ত বিখ্যাত সৈনিকদলও প্রতিনিয়ত তাহাদের প্রতি সতর্ক প্রহরিতা করিতেছে । এবশ্রকারে সর্ব দিকে সর্বতোভাবে সাবধান হইয়া ছলীন অপেক্ষা করিতে লাগিলেন ।

মাসটা বৈশাখ—বসন্তের প্রাচুর্য্য যেন তেজস্কর, বিবাহ পক্ষেও তেমনি শুভকর । স্মতরাং প্রায় প্রত্যহই বাদ্যোদ্যম ঘোর ঘটা সহিত দুর্গতোরণ পার হইয়া “বরাত” আইসে যায় । কিন্তু স্মৃচেষ্টের আগমনাবধি বিনা আদেশে বরাত আসিতে যাইতে পারে না ।

বৈশাখী অঁধি চিরপ্রসিদ্ধ—ঠিক সন্ধ্যার পূর্বে সেইরূপ ঝড় বৃষ্টি হইয়া গিয়াছে । পথ ঘাট কিছু কর্দমাক্ত, কিন্তু বসন্তের নব শাখাপল্লব ও নব দুর্কানল নব ধৌত হইয়া কি সমুজ্জ্বল শ্রামল বর্ণ ধারণ করিয়াছে ! পক্ষিগণ পুনর্বার নবোল্লাসে বাহির হইয়া শাখী'পরে কি মনোহর পূরবী ও গৌরী তান ছাড়িতেছে ! কত সন্ধ্যা-ভার বিহঙ্গম কিচি মিচি করিতে করিতে অথবা প্রাণাধিক শাবকগণের নিমিত্ত চঞ্চুপুটে আহাৰ্য্য লইয়া সাঁই সাঁই রবে কুলা-য়াতিমুখে অতি ত্রস্ত উড়িয়া যাইতেছে ! মানবালয়ে গৃহে গৃহে দীপালোক জলিয়া উঠিতেছে । বিমানে একটা একটা করিয়া নক্ষত্র ফুল ফুটিতেছে । স্বয়ং তারাপতিও দেখা দিতেছেন । এমত সময় বাদ্যোদ্যমে তোলপাড় করিয়া বক্র গিরি-পথ বাহিয়া দুর্গ-দ্বারাতিমুখে বড় জাঁকের এক দল বরাত আসিতেছে । বোধ হইতেছে খুব বড় ঘরের বর—সঙ্গে বহু পতাকাধারী, বহু বহু মশালধারী, শতধিক আশা-সোঁটাধারী বরকন্দাজ, লোকগুণ্ডাল সকলেই খুব জোয়ান—সকলেরই মাজগোজ চমৎকার—নানা বর্ণের বসন ভূষণ, কোমরে বিচিত্র বিচিত্র কোমরবন্ধ, মস্তকে লৌহ শৃঙ্খলযুক্ত বড় বড় উষ্ণীয়, কেবল ঢাল তলবার সড়কী বন্দুক লইয়া যাওয়ার নিষেধ প্রযুক্ত তত্তাবতের পরিবর্তে লোহা-বাধানো লাঠি প্রায় সকলেরই হস্তে । পালকী ডুলি' চৌপায়া অশ্ব

প্রভৃতি যান বাহনও অনেক । বৈবাহিক মঙ্গলিক গান গাহিতে গাহিতে সেই অতি-জম্কাণো বরাতী দল তোরণাভিমুখে উঠিতেছে । পশ্চাতে দিক্তর লোক—তাহারা যেন তামাসা দেখিতে যাইতেছে—সেই সমভিব্যাহারে এখানে সেখানে জনকত সূচেতের সৈনিক যেন রঙ্গদর্শী-ভাবে দলে মিশিয়া চলিতেছে । কিন্তু তখন যদি কেহ তীব্র-দৃষ্টিবান দর্শক উপস্থিত থাকিত, তবে দলস্থ লোককে গুহ্ব বরযাত্রী ও রঙ্গদর্শী বলিয়া ভাবিত না !

দ্বারপালেরা তোরণের বাহিরে আসিয়া বলিল, “হুকুম বেগর এত লোক যাইতে দিতে পারিব না—এখানেই থাক, আমরা সংবাদ পাঠাই ।” বরাতের অধ্যক্ষগণ তাহাদের সহিত বচসা বাধাইল । বচসার মধ্যে বরাতী দল ক্রমে বনপূর্বক ঠেলিয়া উঠিতে লাগিল । দ্বাররক্ষকগণের তখন সন্দেহ হইল, তাহাদের প্রধানাধ্যক্ষ সেই সময় তোরণ হইতে তাহাদিগকে গালি দিয়া সীত্র ফিরিয়া যাইতে ডাকিলেন । কিন্তু তখন আর ফিরিতে হইল না—চকিতের মধ্যে সেই বরাতিদল “গুরুজীকে ফতে !” বলিয়া ভয়ঙ্কর জয়নাদ ছাড়িল—কতক হড়-মুড় করিয়া দ্বার-প্রবেশ করিল ; কতক ডুলি পালকীর ভিতর হইতে অসি লইয়া নিষ্কাশিত হইয়া নির্যোধ দ্বারপালগণের মুণ্ডচ্ছেদন ও তোরণাধিকার পূর্বক তেহারা পাহারার প্রত্যেককে বধ করিয়া বাছা বাছা জোয়ান দ্বারা দ্বারের উভয় পার্শ্বস্থ প্রহরীদের গৃহদ্বয়ও অধিকার করিল ! পালকী, ডুলী, চৌদোলা হইতে বন্দুক গুলি প্রভৃতি রাশি রাশি বাহির হইল ; পার্শ্বস্থ প্রত্যেক কামরায় বিংশতি জন করিয়া বন্দুকধারী প্রস্তুত রহিল ; অবশিষ্ট সৈনিকগণ দুর্গস্থ বা তোরণোপরিস্থ কামানের হাতে রক্ষা পাইবার নিমিত্ত ফটকের আড়ালে ও অন্তান্ত আবৃত স্থানে লুকাইয়া সসৈন্ত সূচেতের আগমন প্রতীক্ষা করিতে লাগিল । সূচেৎ সিংহও নিশ্চিন্ত নন—দলে বলে অদূরে অঝারোহণে প্রস্তুত—প্রথম জয় শব্দ শুনিবা মাত্র অতি প্রচণ্ড বেগে ধাবমান হইলেন ।

সেই শব্দে দুর্গভ্যন্তরে যে সব বিপক্ষ ছিল—যাহারা নানা ছলে ছদ্মবেশে দিবাভাগে ভিতরে আসিয়াছিল—তাহারা পূর্ব সংকেতানুসারে ধারাবিমুখে ছুটিতেছিল, কিন্তু তাহাদের পশ্চাতে যাহারা গুপ্ত প্রহরী ছিল, তাহারা দ্বারপালগণের স্তায় নির্যোধ ও অসতর্ক নহে । তাহারা পলক মধ্যে তাহাদিগকে ও অল্প সংখ্যক দুর্গবাসী-বিদ্রোহিগণকে নিরস্ত ও ধৃত করিল ।

সেই শব্দে তুলীন নিজে ও তাহার, সমুদয় সুযোগ্য বিশ্বাসী কর্মচারীবর্গ

তোরণাভিমুখে ছুটিলেন । তাঁহাদের আগমনের পূর্বেই গোলন্দাজের দল এবং দলপতিরা আপনাপন কার্য আরম্ভ করিয়াছে এবং পদাতিক রেজিমেন্ট প্রভৃতি সৈনিকগণ ও সেনাপতিরা আপন আপন স্থানে প্রস্তুত হইয়াছে ।

কয়েক পল মধ্যেই হুলীন সসৈন্ত বুরুজ ও প্রাচীরের উপর উঠিলেন । তাঁহার সঙ্কেত মাত্র গোলন্দাজেরা, বন্দুকীরা ও ধাতুকীরা গোলা-গুলি-তীর-বৃষ্টির দ্বারা আগত ভীষণ সেনা-প্রমুখ সূচৎ সিংহকে অভ্যর্থনা করিল ! বাড়ের উপর বাড় ঝাড়াতে সূচেতের দল ভয়ানকরূপে পাতলা হইতে লাগিল । তথাপি তাহারা ফটক সান্নিধ্যে যাইবার প্রয়াসে যেমন ধাবমান হইল, অমনি পূর্ব-প্রস্তুতীকৃত নিকট-সন্ধান-যোগ্য ক্ষুদ্র ক্ষুদ্র গুপ্ত কামানের গোলা-বর্ষণে ঘোড়া সহিত আসোয়ার সব দলে দলে গড়াগড়ি দিতে লাগিল—তাহাদের শবরাশির বাধাতেই পশ্চাদনুবর্তীরা আর অগ্রসর হইতে পারিল না ।

কিন্তু তথাপি সূচৎ বীর ছাড়িবার লোক নহেন—বহু অশ্বারোহী সমভি-ব্যাহারে বেগে দ্বারদেশে গিয়া পূর্বকার ছদ্মবেশী বরযাত্রীগণকে প্রাচীরের কোল ঘেঁসিয়া উভয় দিকে ছড়াইয়া পড়িতে বলিলেন, আপনারা তাহাদের স্থলে তোরণাধিকার করিলেন ।

হুলীন ইহারও প্রতীকার জানেন—ইহারও নিমিত্ত প্রস্তুত ছিলেন । তৎক্ষণাৎ ভীষণ শব্দে শেল্ গোলা আসিয়া তাহাদের মধ্যে পড়িল—অশ্ব ও অশ্বারোহীগণ ছট্ ফট্ করিয়া পতিত হইতে লাগিল—যন্ত্রণার আর্ন্তনাদ ও রাগের চীৎকার শব্দে তোরণ-দেশ যেন নরকপুরী হইয়া উঠিল—কতক পলাইল, কতক পলাইবার চেষ্টা করিল, পারিল না—অবশিষ্ট সাহসিক দল তাহাদের সাহসী নায়কের উৎসাহে ও দৃষ্টান্তে ভীষণ পরাক্রমে নিম্ন বুরুজারোহণ পূর্বক গোলন্দাজগণকে আক্রমণ করিল । ওদিকে পদাতিকগণ প্রাচীরের কোল ঘেঁসিয়া গিয়া গোলন্দাজদিগের সেই স্থানে উঠিয়া “গুরুজীকো ফতে” শব্দে পশ্চাৎ হইতে ধাবমান হইল—গোলন্দাজেরা সম্মুখ পশ্চাৎ উভয় দিক হইতে যুগ্ম আক্রান্ত ও বিপদগ্রস্ত হইয়া পড়িল । কিন্তু হুলীনের প্রিয় নাজিবেরা নিশ্চিন্ত ছিল না—তৎক্ষণাৎ দৌড়িয়া গিয়া সাজিগান্ধে ঘোর যুদ্ধ বাধাইল । হুলীনের শিক্ষিত নাজিবদলের সাহস ও সৈহ্য আশ্চর্য—বলিতে যত বিলম্ব, তাহার অর্ধেক সময় মধ্যেই বিপক্ষ দলকে হঠাইল—বাত্যার সম্মুখে যেমন তুলা উড়ে, অভিন্ন সেই রূপেই সূচৎ-সৈন্ত যেন উড়িয়া গিয়া তোরণ

দেশে পড়িতে বাধা হইল—সুচেৎ স্বয়ং স্বয়ং আহত হইয়াও যতদূর সম্ভব চেষ্টা পাইলেন, আর অধিক হওয়া নিতান্তই অসাধ্য, কাজেই পশ্চাৎপদ হইলেন ।

তুলীন ক্ষণকালের নিমিত্ত অগ্নি-বৃষ্টি রহিত করিলেন—তাৎপর্য, ধোঁয়া-পরিষ্কার হইলে বিপক্ষের স্থান ও অবস্থা দর্শন । সেরূপে লক্ষ্য যেমন নির্দিষ্ট হইল, অমনি কামানের মুখ ফিরাইয়া এককালে কামান ও বন্দুক হইতে গোলা, গুলি ও শেলের বাড় ঝাড়া হইল—আবার একবার—আবার একবার—এই বারেই কার্য্য সামাধা হইল—অধিকাংশই পড়িল, অবশিষ্ট কে কাহার ঘাড়ে পড়িয়া কে কোন্ দিকে পলাইবে তাহার ঠিক নাই ! দুর্গদ্বার শত্রুহীন হইল !

তুলীন সদলে তোরণে নামিলেন । স্তূপাকার শবের নিমিত্ত তৎক্ষণাৎ বিশাল কবাট রুদ্ধ করিতে পারিলেন না—শব অপসারিত করিয়া তবে সে কার্য্য হইল ।

দুর্গের অন্ত্যান্ত দিকেও আক্রমণ হইয়াছিল, কিন্তু সে অতি সামান্য ও ক্ষীণ, একা হাকিম সিংহের কর্তৃত্বই সে সব বিপদ কাটিল । সেই দিন বিপক্ষের চারি শত হত, ছয় শত আহত, কিন্তু তুলীনের বিংশতি জন মাত্র হত ও সেই সংখ্যায় আহত হইল ।

সুচেৎ সিংহের কাংরায় আগমনাবধি লীলাতে আর লীলা ছিল না—লীলা ভাবিল, তাহারই নিমিত্ত সুচেতের এই আক্রমণ ! তুলীনের প্রতি লীলা সরোদনে বিস্তর বিনয় করিয়াছিল যে, “সংগ্রামের ফলাফল কিছুই বলা যায় না—ভগবান্ অবশ্যই ধর্ম্মের জয়, অধর্ম্মের পরাজয় বিধান করিবেন—তথাপি যদি কিছু বেগতিক দেখিতে পাও, তবে এইটী স্বীকার কর যে আমাকে তৎক্ষণাৎ সংবাদ পাঠাইবে ; আমি পাপিষ্ঠের হাতে পড়িবার পূর্বে স্বীয় বক্ষে ছুরিকাঘাত দ্বারা আত্ম-হত্যা করিব !”

এখন এই তোরণাধিকারের জনরবে লীলা বেরূপ অবস্থায় রহিয়াছে, সহদয় পাঠক তাহা কল্পনা করুন ! তুলীন সে অবস্থা সম্পূর্ণ অনুভব, করিয়াছিলেন, অতএব জয়লাভ মাত্র স্বয়ং একবার লীলার নিকট গিয়া, তাহাকে আশ্বস্ত করিয়া তখনই আবার দৈনিকগণ মধ্যে প্রত্যাবৃত্ত হইলেন ।



বিংশতি পরিচ্ছেদ ।

দ্বিতীয় যুদ্ধ ।

ছলীন ভাবিলেন “আর সৌজন্যে কি কাজ ? কয়েক দিন যে উদ্দেশে অপমান সহ করিয়াছি, তাহা পূর্ণ হইয়াছে—শত্রু আপনা হইতেই পথ দেখাইয়াছে, এখন সূদ শুদ্ধ পরিশোধ আশু আবশ্যক !”

আবার ভাবিলেন “অদ্যই উত্তম স্মযোগ—একে পরাজয়, সৈন্তক্ষয়, তদ্ব্যতীত সর্ব সৈন্ত বিষণ্ণ ও নিরুৎসাহ আছে ; তাহাতে এই যুদ্ধের পর আমি যে অদ্য রজন্যেই আবার আর কিছু করিব, ইহা তাহারা কখনই প্রত্যাশা করিবে না ।”

মনে মনে এই সংকল্প স্থির করিয়া অস্ত্রের নিকট তাহা গোপন অথচ কৌশলে তৎসাধন জ্ঞাত, কর্মচারিগণকে ছল করিয়া বলিলেন “বোধ হয়, বল-গর্ভিত সূচেত সিংহ এ অপমানের প্রতিশোধ না লইয়া নিজা ঘাইতে পারিবে না—আমরা জয়োল্লাসে নিশ্চিন্ত রহিব, অমনি যামিনীযোগে পুনর্বার আক্রমণ করিবে । অতএব যাহার যে কর্মে সতর্ক থাক, গুপ্তচর প্রেরণ কর এবং খোসাল সিংহের পণ্টন, আমার নাজিব ও সোহনলালের ল্যান্সার রেজিমেন্টকে মধ্যরাত্রি পর্যন্ত সমজ্জ ও সশস্ত্র থাকিতে বল ; তখন আমি আসিয়া পুনর্বার বিচার পূর্বক যাহা হয় আদেশ করিব ।”

এই হুকুম দিয়া নিজকাম্বালয়ে গমন পূর্বক ত্রস্ত হস্তে সঙ্ঘ্যার তাবৎ ঘটনা, রজনীর সংকল্প ও যেরূপে যে স্থলে সাহায্যের প্রয়োজন, তৎ প্রার্থনাদি সাক্ষাতিক পত্র যোগে লিখিয়া অতি সংগোপনে দ্রুতগামী অশ্বে লেনা সিংহের নিকট বিশ্বাসী দূত পাঠাইলেন—একজন নয়, বিভিন্ন পথে তিন জন বিভিন্ন লোক দ্বারা ঐ এক পাঠের বিভিন্ন পত্রত্রয় পাঠাইয়া দিলেন । লেনা সিংহ মৃগয়াচ্ছন্দে বনে অনতিদূরস্থ এক শৈল-শিখরে অবস্থান করিতেছিলেন ।

তখন আলিবর্দি ও বয়সকে গোপনীয় পথদ্বারা জয়ন্তী হইতে আনাইলেন—অতি নিভূতে যথা-কর্তব্যের উপদেশ দিয়া তাহাদিগকে পুনর্বার জয়ন্তীতে পাঠাইলেন । হাকিম ও সোহনলাল প্রভৃতিকে এখনও প্রকৃত কথা না খুলিয়া কেবল বিশেষ সতর্কভাবে তত্ত্বাবধান ও এক প্রাণীও যেন অদ্য

রজনীতে দুর্গ হইতে বাহিরে যাইতে না পারে, পুনঃ পুনঃ তদ্বিষয়ের তার সমর্পণ করিয়া বিশ্রামার্থ গমন করিলেন ।

সোহনলাল জাতিতে কারস্থ ; ব্রিটিস অধিকারস্থ করকাবাদ নিবাসী ; তাহার আকার অতি দীর্ঘ, মুখও তেমনি কদাকার-দীর্ঘ, বাহুগলও আজানু-লবিত দীর্ঘ, নাসিকাও অসম্ভব দীর্ঘ ও উন্নত ; দৃশ্যে বিক্রী, বলিষ্ঠ ও ভয়োৎপাদক ; ভাব ভঙ্গী চলন চাণন কিছুই নরন-রঞ্জক নহে ; কিন্তু সাহসে অতুল্য, সর্বদা প্রফুল্ল, মিষ্টকথার গোলাম ! তাহার মেজাজ বুঝিয়া তাহাকে চালাইতে জানিলে তাহার একা দ্বারাই দেশের কার্য হইতে পারে ! যদি বড়র সহিত ছোটর তুলনা অসম্ভব না হয়, তাহা হইলে ত্রেতাযুগে পবনপুত্র হনু-কর্তৃক রামকার্য যে পরিমাণে সাধিত হইয়াছিল, সোহনলালের দ্বারা ছলীনের প্রায় তদ্রূপ উপকারই ঘটিয়াছিল । সোহনলাল শুধু মোটা বুদ্ধির গৌরার নহে, অসাধারণ বাহুবলের সহিত প্রশংসা-যোগ্য বুদ্ধিবল ও সমর-কৌশল-জ্ঞান প্রভৃতি সৈন্তাধ্যক্ষের উপযুক্ত যোগ্যতাও তাহার ছিল । দোষের মধ্যে ধর্মনীতিতে ধর্ম, অসহিষ্ণু ও পানাসক্ত । কিন্তু অত্যন্ত অসামান্য গুণাবলীর নিমিত্ত ছলীন ঐ দোষত্রয় উপেক্ষা পূর্বক দয়া-দাক্ষিণ্য-মূলক সম্মেহ ব্যবহার দ্বারা তাহাকে সন্তুষ্ট ও সংশোধিত করিবার চেষ্টা পাইতেন । সন্তুষ্ট সে বিশেষরূপেই ছিল ; কিন্তু তেমন বিশেষরূপে যে সংশোধিত হয়, এমন বিশ্বাস কাহারো ছিল না । সমস্ত দিন সূচারূপে স্বীয় কর্তব্য সম্পাদন করিত, কিন্তু রজনীতে সুরাপানে স্তম্ভিতপ্রায় পড়িয়া থাকিত । তজ্জন্ত ভঙ্গ-প্রদর্শন করিলে, ছলীনকে করযোড়ে বুঝাইত “দিবা রাত্রির তিন ভাগ—পঁয়তাল্লিশ দণ্ড হজুরের, পনের দণ্ড আমার নিজের হইবে না ?” ছলীন হাসিয়া আর কিছু বলিতেন না !

কিন্তু আ'জ্জ্ বলিলেন—শয়নে যাইবার সময় নির্জনে বলিলেন “প্রিয় সোহনলাল ! আ'জ্জ্ আর পনের দণ্ড কি অর্ধ দণ্ডও তোমার হইবে না—আ'জ্জ্ মোটেই তোমার সুরাপান সম্ভবে না—আ'জ্জ্ আমার বিশেষ কাজ আছে ।” সোহন অগ্নানবদনে উত্তর দিল “বো হকুম ! হজুরের জন্ত সোহন সব পারে—সোহন এমন প্রভু কখনো পায় নাই—সোহনকে চিরকাল সকলেই স্বগার সহিত নীচু পদে ফেলিয়া রাখিত, হজুরই তাহাকে সেই তলা হইতে কুড়াইয়া গর্ভিত ল্যান্সার দলের কর্তা করিয়াছেন—নন্দ সিংহের উচ্চ পদ দিয়াছেন—

এমন প্রভুর জন্তু সোহন প্রাণ দিতে পারে, এ তো সামান্য কথা !” অম্বর বলাক্রান্ত সাহসী সোহনের যে কথা সেই কাজ !

ঠিক মধ্যরাত্রে ছলীন সমজ্জ হইয়া বেলুনারোহণে দেখা দিলেন । বিশ্বাসী নায়েব ও প্রধান কর্মচারীবর্গকে নির্জনে লইয়া গিয়া তখন তাহাদিগের নিকট আপন সংকল্প জ্ঞাপন করিলেন । সোহন শুনিয়া মহা উৎসাহী—মহা উল্লাসিত হইল । কিন্তু হাকিম সিংহ বিরস মুখে নিবেদন করিল “হুজুর! এ অধীনের ক্ষুদ্র বিবেচনার ইহা বড় ভয়ানক বলিয়া বোধ হইতেছে—”

সোহন ব্যস্ত হইয়া ভূজাফালন পূর্বক কহিল “ভয়ানক ?”

হাকিম উত্তর দিল “অদ্যকার কার্যের নিমিত্ত ভয়ানক বলি না—এক তিলও ভাবি না—এখনই ছুট দলকে শিক্ষা দেওয়া যাইতে পারে, কেবল ভবিষ্যৎ চিন্তাতেই—দরবারের ভাবী ভাব ভাবিয়াই ‘ভয়ানক’ বলিতে ছিলাম !

ছলীন বলিলেন “সে জন্তু চিন্তা করিও না—আমি কি আদ্যস্ত না ভাবিয়া কোন কাজ করি ? শত্রু বুকের উপর বসিয়া এত দিন এত অসহ ঔদ্ধত্য দেখাইতেছিল—এত অপমান করিতেছিল, তবু সে সব সেই ভাবী ভয়ানক চিন্তাতেই সহ করিতেছিলাম—ঔদ্ধত্যের বিনিময়ে শিষ্টতা ও অপমানের বিনিময়ে মান দান করিতেছিলাম । কিন্তু আর না, যথেষ্ট হইয়াছে—এখন লোকতঃ ধর্মতঃ ভাবী দায়িত্ব হইতে মুক্ত হইয়াছি—উহারা অগ্রে তরবার খুলিয়াছে বৈ আমি খুলি নাই—উহারা আততায়ী হইয়া আমাকে বধ করিতে আসিয়াছিল, আর আমি ভাল মানুষটী হইয়া বুকে হাত দিয়া চুপ করিয়া থাকিব, ইহাতে কি ভীকতা, কাপুরুষতা ও আত্ম-গৌরব-হীনতার কলঙ্ক রটিবে না ? আঘাতকারীকে প্রত্যাঘাত না করিলে কি সেই দরবারেই আর মুখ দেখাইতে পারিব ? অতএব সন্দেহ দূর কর—তাহারা যখন অসি নিক্ষেপ করিয়াছে, তখন যতক্ষণ না তাহাদিগকে আপন অধিকার হইতে তাড়াইতে পারিব, ততক্ষণ পর্যন্ত আমরাও অসির কোষ দূরে ফেলিয়া রাখা উচিত, সঙ্গত ও শ্লাভাবিক !”

আর কাহারো সন্দেহাপত্তি রহিল না—হাকিম করযোড়ে এইরূপে তাহার সন্তোষ জানাইল “হুজুর যাহা বলিবেন, আমরা অবিচার্য্য রূপে তাহাই পালন করিব, আমাদের এই পর্য্যন্তই কর্তব্যের সীমা । তথাপি পাছে ভবিষ্যৎ না ভাবিয়া রাগভরে দরবারের কথা ভুলিয়া যান, তজ্জন্তুই মনে করিয়া দিলাম ।

এখন যাহা শুনিলাম, তাহাতে সে আশঙ্কাও আর রহিল না । এক্ষণে কোথায়, কাহাকে, কখন, কিরূপ করিতে হইবে, আশ্রয় করুন ।”

ছলীন আশ্রয় করিলেন—সকলের মস্তক টেবিলের উপর মণ্ডলাকারে নত করাইয়া অতি যত্নপূৰ্ণে আক্রমণ-প্রণালীর ব্যবস্থা বলিলেন । প্রথমতঃ রজনী আড়াই প্রহরের সময় খোসালের পল্টন ও নাজিবের এক শাখা, নিঃশব্দে দুটি ফটক হইতে বাহির হইবে ; কিয়দূর গিয়া ক্ষুদ্র ক্ষুদ্র দলে বিভক্ত হইয়া পর পর এক এক দল চোরের আয় গুড়ি মারিয়া সূচের সিংহের নিজের শিবির যে ভাগে, সেই দিকের পাহারার আড়ার যত নিকটে নিরাপদে যাওয়া সম্ভব, ততদূর গিয়া নীরবে বাসিয়া পড়িবে ; কতক দল শত্রু শিবিরের প্রান্ত দেশে গিয়া তদ্রূপে উপবেশন করিবে—যেন কোনমতে তাহাদের উপস্থিতি প্রকাশ না পায় ; এ দিকে জয়ন্তী গিরি হইতে আলিবর্দীর অধীনস্থ মুলতানী প্রভৃতি ও বনুর অধীন সৈনিকগণ অবতরণ পূর্বক তাহাদের নিকটবর্তী শত্রু-শিবিরের দিকে ঐ ভাবে থাকিবে ; অপর দিকে লেনা সিংহ যে স্বীয় সৈন্যকে তদ্রূপ গোপনে রাখিবেন, সে ব্যবস্থা হইয়াছে । ছলীন নিজে নাজিবের অবশিষ্ট শাখাসমূহ ও ল্যান্সার প্রভৃতি সঙ্গে লইয়া ফটক হইতে বাহির হইয়া দুর্গ-সম্মুখস্থ ছাউনী-বিভাগের আক্রমণ হইবেন । শুক্রতারার উদয়ই সকলের পক্ষে সর্ব দিকে যুগপৎ আক্রমণের সময় ও সঙ্কেত ধার্য্য রহিল । এই সুন্দর ব্যবস্থাতে শত্রু-শিবিরকে প্রায় বেষ্টন করাই হইবে ।

অব্যাহাতে সৌভাগ্য সেই রূপই ঘটাইল । শত্রু-সৈনিকগণ সন্ধ্যার সমর্য্য-বসাদে, পরাজয়-জনিত নিরুৎসাহে এবং এরূপ কোন বিপদের আশঙ্কা করনায় না আসাতে সুখ-নিদ্রার ক্রোড়ে নিশ্চিন্ত ছিল—অল্প দিন যেরূপ সতর্ক থাকিত, সে দিন ততও না ! কেননা অসঙ্গত এত সাহস ছলীন যে দেখাইবেন, তাহা তাহারা ভাবে নাই । সুতরাং আশা-সিদ্ধির সম্পূর্ণ সম্ভাবনা রহিল ।

যখন দিক্‌পক্ষ হইতে ভয়ঙ্কর সিংহনাদের সহিত ছলীন-সৈন্য ও লেনা-সৈন্য যুগপৎ আক্রমণ করিল, তখন বেষ্টিত দাবানল-মধ্যস্থ যুগযুদ্ধের আয় সূচের সিংহের বাহিনী মহাত্রাসযুক্ত ও নিরুপায়বৎ নিরুৎসাহ হইয়া উঠিল । অনেকের যেমন জাগরণ, অমনি মরণ ! ছাউনি যদি বহু সারিতে পুরু না হইত, তবে আরো ছারখার ব্যাপার ঘটত ! সূচের আর এক সৌভাগ্য, তমি প্রচুর পারমাণে অহিফেন-ভোজ্য ; সুতরাং নিশা-নিদ্রা জাণিতেন না—

প্রায়ই আমোদ আহ্লাদে রাত্রি কাটাইয়া প্রভাতে শয়ন করিতেন । সাক্ষ্য সমরের মনস্তাপে ও আহত-দেহের বেদনা প্রতিকারের উদ্দেশে সে রাত্রে দ্বিগুণ মাত্রায় মোতাত চড়াইয়া বাকুণী ও নর্তকী তরুণীগণ সহ সারা রজনী কাটাইয়া সবে মাত্র শয়নে যাইতেছিলেন, এমত সময় সিংহনাদ । তিনি নিদ্রিত থাকিলে কি সর্কনাশ ঘটত, বলা যায় না—নিজে হত বা বন্দী হইতেও পারিতেন—জাগ্রত থাকিতে তত দুর্কিপাক ঘটিল না । তখন অমনি কথঞ্চিৎ প্রকারে সম্ভবমত সুব্যবস্থা করিলেন । কিন্তু তদবসরেই তাহার বিস্তর লোক মৃত ও আহত হইল । তাহা হইক, কিন্তু সৈন্য সংখ্যা বিস্তর ছিল, সুতরাং পার্শ্বদল ছিন্ন ভিন্ন হইলেও ছাউনির মধ্য-স্থলস্থ সৈন্যগণকে সজ্জিত করিয়া বহির্গত হইতে পারিলেন । বাহির হইয়াই কামান চালাইতে আজ্ঞা দিলেন । ছলীন পূর্বাচ্ছেই সে কাজ সারিয়াছেন ; অর্থাৎ কামান কয়টা অগ্রেই হস্তগত করিয়াছেন ! তাহা স্মৃচৎ জানিতেন না—এখন জানিয়া নিতান্ত নিরাশ হইলেন । এই ঘটনা এবং আক্রমণ-কারীদের অতুল পরাক্রম সহ অগ্নিবৃষ্টি ও অস্ত্র-চালন দর্শনে বুঝিলেন কোনমতে পলায়ন করিতে পারিলেও এখন যথেষ্ট ! এই অভিপ্রায় সিদ্ধার্থ প্রাণপণে বহু করিতে লাগিলেন—সফলও হইলেন । তাঁহাকে দূরীভূত করাই ছলীনের উদ্দেশ্য—তাঁহার ধ্বংস-সাধন অভিপ্রেত নয় । সুতরাং স্মৃচৎকে পলায়ন-পরায়ণ দেখিয়া ছলীন আর প্রকৃত প্রস্তাবে বাধা দিলেন না, বরং তাহার সুযোগ করিয়া দিলেন । কেবল আপনার সর্ক বিভাগীয় সৈন্য একত্র সংগ্রহ পূর্বক ভয় প্রদর্শনার্থ পশ্চাৎ তাড়াইয়া চলিলেন । কিয়দূর গিয়া সে ভার মোহন লালের উপর অর্পণ পূর্বক আপনি প্রত্যাগমন করিলেন ।

শত্রু-পরিত্যক্ত বহুসংখ্যক সুন্দর শিবির ; প্রচুর শিবির-সজ্জা ; অশ্ব, গো, উষ্ট্রাদি বাহন ও নানা প্রকারের যান ; বিবিধ অস্ত্র শস্ত্র এবং কয়টা কামান প্রভৃতি জয়-লব্ধ হইল । ছলীন শত্রুশিবিরস্থ আহত ব্যক্তিপুঞ্জের চিকিৎসা ও শুশ্রূষার সুন্দর ব্যবস্থা করিয়া দিলেন । তাহাতে তাহারা বিস্মিত ও কৃতজ্ঞ হইল—মনে মনে অনুগতও হইয়া উঠিল ! মৃতদেহ জাতি-ভেদে দগ্ধ বা কবরস্থ হইল ।

• লেনা সিংহ কার্যসাধন মাত্র অন্ধকার থাকিতে থাকিতেই চলিয়া গিয়া-ছিলেন, সুতরাং ছলীন প্রত্যক্ষ বাধ্যতা প্রকাশে অসমর্থ হইয়া পরোক্ষ

সে কর্তব্য পরে সম্পন্ন করিয়াছিলেন। আপাততঃ ঐ সব ব্যবস্থাদি শেষ হইবা মাত্র অতি সহজে লীলার সমীপবর্তী হইলেন।

লীলা পূর্বেই সুসংবাদের আভাস পাইয়াছিল, এখন জীবিতনাথকে জীবিত ও অব্যাহত পাইয়া আনন্দে মগ্ন হইল—ছলীনের প্রসারিত বাহুল্যায় বদ্ধ হইয়া সুখানুরাগের কত চিহ্নই প্রদর্শন করিল—কত খেলাই খেলিল—স্বহস্তে ছলীনের সমর-সজ্জা খুলিয়া বিশ্রাম-শয্যায় শোয়াইয়া পৌড়িতাবস্থার শ্রায় বীজনাদি করিতে লাগিল! আহা! স্মৃচেষ্টের আগমনাবধি যে মধুরাধর শুক হইয়াছিল, তাহা আ'জ্ আবার সরস হাস্যযুক্ত হইল—যে মধুর স্বর মিষ্টতা ও মিষ্ট সঙ্গীত ভুলিয়াছিল, তাহা আবার সুমধুর সুধাস্রোত ঢালিতে লাগিল—যে গগুদয় স্বাভাবিক বর্ণ হারাইয়াছিল, তাহা আবার গোলাপ পুষ্প পরিণত হইল—যে নয়নে কদিন জ্যোতিঃ ছিলই না, তাহা আবার ধঞ্জনের শ্রায় গুথের নাচ নাচিতে লাগিল—যে কোমল হৃদয়, ভয়ে ও সন্দেহে কদিন কেবল কাগি তেছিল, তাহা আ'জ্ আবার নির্ভয় ও সুস্থির হইয়া উঠিল।

শুলাপীর সহিত লীলার মাতা আইলেন—অনেক দিনের পর পূর্বভাবে বসিলেন—কত আনন্দ প্রকাশ করিলেন—পূর্ববৎ কত কথাই কহিলেন! শুলাপীও বোগ দিল। কিন্তু বহুকণের পর যখন রাণী ও লীলা চলিয়া গেলেন, তখন শুলাপী গভীর ভাবে ছলীনকে পরামর্শ দিল, “বাবা! আমি এদেশের ভাব গতিক বেস জানি; এরূপ গোলযোগ সর্বদাই ঘরে বাহিরে ঘটবে; তোমাকে রণসাজে কোন্ দিন কখন বাহির হইতে হয়, কিছুই ঠিক নাই; সে অবস্থায়, এবার যেমন মায়ে ঝিয়ে, বিশেষ লীলা, ভয় ভাবনায় মৃত্যুপ্রায় হইয়াছিলেন, ভবিষ্যতে তেমনটী আর না ঘটে, তজ্জন্ত আমি তোমাকে পরামর্শ দিই, তোমার কোন বিশ্বাসী লোক জনকে ইহাদের রক্ষণাবেক্ষণ কাজে নিযুক্ত রাখ—তাহাদের তখন দেখিলে ও তাহাদের নিকট তোমার সংবাদাদি পাইলে তবু অনেক সুস্থ থাকিবেন। তেমন তেমন হয় তো, ইহাদিগকে লইয়া তাহার। গুপ্ত সুড়ঙ্গ পথ দিয়া অনায়াসে কিছু দিন নিরাপদ স্থানে লুকাইয়া রাখিতে পারিবে। আমি যত কেন সাহসী হই না, তবু জীলোক—বিশেষ কখন কোথায় থাকি স্থির নাই।”

ছলীন এই উপদেশে মহা সন্তুষ্ট হইলেন। সেই দিনই আলিবর্দীর মহ-চরস্বর—আক্ৰাম ও আক্‌বর খাঁ এবং ধন্নু ও তৎসহচর বজ্র সিংহকে অন্তঃ-

পুরের ও রাণীদিগের বিশেষ রক্ষক ও বিশেষ ভৃত্যরূপে নিযুক্ত করিলেন। তাহাদের সঙ্গে আরো আটজন ছিল, কিন্তু তাহারা কেবল সিফাহির স্ত্রীর প্রহরী—তাহাদের প্রতি অন্য কার্যভার কিছুই রহিল না। প্রথমোক্ত চারি-জনের মধ্যে আক্ৰাম খাঁ সর্বাধিক বলবান, সাহসী, সুচতুর ও ভদ্র, তজ্জগৎ তাহাকেই প্রধান অধ্যক্ষ ও ধনুকে তৎসহকারী করিলেন। ধনু পাছে অভিমান করে, তৎপ্রতিবিধানার্থ ধনুর প্রতি দুর্গের শান্তি সম্বন্ধীয় অস্ত্র একটা অতিরিক্ত ভার দিলেন।

### একবিংশ পরিচ্ছেদ ।

ফাঁদে চাঁদ ।

তিন চারি দিন পরে সোহনলাল আসিরা সংবাদ দিল, কাংরার সীমা-ত্যাগ করিয়া শত্রু চলিয়া গিয়াছে—শীঘ্র যে ইচ্ছাপূর্বক আর আসিবে, এরূপ বোধ হয় না! সোহন, নিশা-যুদ্ধে অসম্ভব শূরত্ব দেখাইয়াছিল এবং এই কার্য উত্তমরূপে সম্পন্ন করিয়া আইল, সুতরাং কন্মচারী প্রভৃতির পদোন্নতি ও পুরস্কার দান কালে, সোহন কাপ্তেন ছিল, মেজর পদে উন্নীত হইল। হুলীন নিজে কর্ণেল হইলেও শাসনকর্তা বলিয়া তাঁহার সৈনিক পদোন্নতি দানের সম্পূর্ণ ক্ষমতা ছিল।

জয়লাভ ও বিপক্ষ দূরীকরণ তো হুলীনের পক্ষে সহজ কাজ, কিন্তু দরবারকে সন্তোষজনক-রূপে বুঝানাই বড় কঠিন ব্যাপার! বিশেষ রাজসভায় যিনি সর্ব-প্রধান—যাঁহার হাতেই বিচার-ভার, তাঁহার সহোদরকেই পরাজিত, লাঞ্চিত, অপমানিত করা হইল; সুতরাং তাঁহার প্রতিই অবজ্ঞা-প্রদর্শন ও তাঁহার বিরুদ্ধেই অপরাধ ঘটিল! এ অবস্থায় সুবিচার ও স্ত্রায়ের আশা করাই বৃথা—এ অবস্থায় হুলীনের পক্ষে কোন ওকালতিই খাটিবে না—এ অবস্থায় সত্যের পরিবর্তে অপ্রকৃত বিজ্ঞাপন বিজ্ঞপ্তি ও প্রচারিত হওনেরই সম্ভাবনা। হুলীন মনে মনে ইহা সম্পূর্ণ অনুধাবন করিলেন।

তথাপি কিছু লেখা কর্তব্য বোধে, স্থলতঃ কেবল এই মন্তব্য একখানি সরল এতাল পাঠাইলেন যে, “রাজা সূচেৎ সিংহ কাংরাধিকার বাসনায় দুর্গের

উপর আক্রমণ করিয়াছিলেন ; মহারাজার একবালে এ অধীন তাঁহাকে হঠা-  
ইতে সমর্থ হইয়াছে। তাঁহার পরিত্যক্ত আহত সৈনিকগণকে সরকারের  
লোক জানিয়া যথোচিত যত্ন পূর্বক স্মৃতিকিৎসার সহিত রক্ষা করা যাইতেছে।”  
ইত্যাদি। কিন্তু ফকিরজী ও চাঁদ থাকে স্মৃষ্মানুস্ম রূপে তাবৎ কথা লিখিতে  
ক্রটি করিলেন না।

তদন্তরে রাজা ধ্যান সিংহ ও ফকির আজিজুদ্দিন, উভয়েরই রক্ষণ ভাবের  
হুই খানি পত্র পাইলেন—প্রত্যেকেরই মন্তাথ এই যে, “তুমি তোমার নায়েবের  
প্রতি রাজ্যভারার্পণ করিয়া তিলমাত্র বিলম্ব ব্যতীত দরবারে উপস্থিত হইবে—  
মহারাজ তোমার সহিত সাক্ষাৎ জ্ঞা আতশয় বাগ্র আছেন—অতএব ত্বর  
করিবে, কদাচ অন্তথা না হয়।

কিন্তু চাঁদ খার পত্রের ভাব অন্তরূপ,—

“হজুর আচ্ছা করিয়াছেন—বাঃ ! কি সাক্ষাই কাজই হইয়াছে ! মহারাজা  
মনে মনে যারপর নাই তুষ্ট হইয়াছেন ! তাঁহার চক্ষু আনন্দের জ্যোতিঃ—  
মুখে বলুন আর নাই বলুন ! কিন্তু ধ্যান সিংহের মুখ অঁধার—সিংহের কেশর  
কাঁপিতেছে : সিংহ ক্রোধে কুলিয়া কুলিয়া গর্জন করিতেছে ! হুঃখের বিষয়,  
ফকিরজীকে হাত করিয়াছে—ফকিরজী দুর্দাস্তদিগের পরাক্রম-ভয়ে ভীত  
হইয়াই বশাভূত হইয়াছেন—হজুরের পক্ষ ত্যাগ করিয়াছেন ! কিন্তু ভরসা  
করি কিছুতেই হজুর ভয় পাইবেন না—কিছুমাত্র করিবেন না—কাহারও  
আদেশ উপদেশাদ গ্রাহ্য করিবেন না—হয় তো হাজির হইবার পরওয়ানা  
অন্ত যাইতেছে, তাহা মাত্র করিবেন না—মহারাজার নিজের মুখের হুকুম ভিন্ন  
অন্ত কোন কথাই শুনিবেন না ! হজুর নিশ্চিত জানিবেন, আপনার হস্ত  
হইতে কোট কাংরা তিন-ভ্রাতার গ্রাসে পতিত হয়, ইহা রণজিৎ সিংহের  
তিলেকের ওরেও ইচ্ছা নয় !

“পুনর্বার হজুরের চরণে ধারণা প্রার্থনা করি, এ দাসকে হজুরের নিকটে  
যাইতে ও হজুরের অপূর্ব বীর-কার্যের কিঞ্চিৎ অংশী হইতে অনুমতি দিয়া  
দাসের জীবন সার্থক করুন ! আমার এখানে নিরাপদে থাকা দিন দিন হ্রাস  
হইয়া উঠিতেছে—প্রলোভন অতি প্রবল—কার্যের দায়িত্ব অত্যন্ত গুরুতর  
হইতেছে—দাসের মস্তিষ্ক অপেক্ষা হস্ত সবল—কি জানি, না বুঝিয়া “অথবা  
দৃষ্টদলের চক্রান্তে পড়িয়া চাঁদ খাঁ যদি একটা ভুলের কাজ কি অন্তায় কাজ



অনিচ্ছাতেও করিয়া ফেলে, তবে সে আশোষ আর সে কলঙ্ক ইহ জন্মে যুচিবে না। এই জন্মই চরণ সমীপে গমন ভিক্ষা চাই।’ ইত্যাদি।

হুলীন চাঁদ খাঁর লিপির প্রথমার্শে যেমন সন্তুষ্ট, শেষাংশ পাঠে তেমনি চিন্তিত হইলেন। চাঁদ খাঁ লাহোরে থাকতে কত যে উপকার, তাহা বলা বাহুল্য; একারণ তাহাকে কাংরায় আনিতে হুলানের হচ্ছা নয়। কিন্তু লাহোরে থাকতে চাঁদ খাঁ পুনঃ পুনঃ আনচ্ছা জানাইতেছে—অনিচ্ছাকৃত কাব্য কাহারো দ্বারাই সুচারুরূপে সম্পন্ন হইতে পারে না। সুতরাং তাহার ইচ্ছার বিরুদ্ধে এত গুরু কাব্যে তাহাকে বলপূর্বক আর বান্ধিয়া রাখা সুবিবেচনার কাব্য হয় না। বরং চাঁদের শ্রায় বিশ্বাসী ও চতুর সহকারাকে কাংরায় পাইলে অশেষ বিশেষরূপেই উপকারের সম্ভাবনা। হুলীন মনোমধ্যে এই সকল আন্দোলন পূর্বক চাঁদকে নিকট আনাই কতব্য স্থির করলেন। কিন্তু তৎপদে কাহাকে মনোনীত করবেন—চাঁদ খাঁর শ্রায় বিশ্বাসী, চতুর ও সর্বাংশে সুযোগ্য লোক কাহাকে পাইবেন, এই চিন্তাতেই কয়দিন ধরিয়া হুলীন ব্যাকুল আছেন, এমত কালে একটী অভাবনার কাণ্ড ঘটয়া উঠাতে সে ভাবনা আর তাহাকে ভাবিতে হইল না। সে ব্যাপারটা এই;—

রাজা ধ্যান সংহ স্বার্থ সাধনায় অথব্যয়ে মুক্তহস্ত; ধ্যান সংহের প্রকাশ্য অপ্রকাশ্য চর সর্বত্র ব্যাপ্ত; তাহার ভয় মৈত্রতা ও পুরস্কার শাসন বহু অবশীর্ণ; অতএব পঞ্জাবের ক্ষুদ্র বৃহৎ ঘটনা কোথায় কখন এক ঘটিতেছে—ছোট বড় কে কোথায় এক করিতেছে, তাহা নথ্য-দর্পণের শ্রায় তাহার সুগোচর হইয়া থাকে। চাঁদ খাঁ মনে ভাবিত, তাহার পূর্ব জীবনের কথা ধ্যান সংহ কিছুই জানেন না; কিন্তু সেটি তাহার ভূগ! ধ্যান সংহ সমস্তই জ্ঞাত ছিলেন। এবং চাঁদ খাঁ হুলানের উকীলী ভায় প্রাপ্ত হইবার পর তাহাকে সেই পূর্ব সূত্র তুলিয়া রসাতলে দিবার মানসও করিয়াছিলেন। কিন্তু দোধলেন, এ ব্যক্তি খুব চতুর ও খুব তেজস্বী; ইহাকে হাতে আনিয়া হুলান সখকে স্বায় হুরাওসাক পূর্ণ কারবার সম্ভাবনা আছে। তজ্জন্ম তখন কিছু বলিলেন না, পরে প্রলোভনের কাদ পাতিয়া তাহাকে আনন্ত করিবার চেষ্টা পাহতে লাগিলেন।

যখন দেখিলেন, কিছুতেই সেই সামান্য-পদস্থ, নিঃসহায় ও নিধন মূলতানী ব্রষ্ট হইবার লোক নয়, তখন তাহার বিশ্বয় ও রাগের হয়ত রহিল না—তখন তাহাকে নষ্ট করিবার জন্ম কৃত-সঙ্কল্প হইলেন। দাউদ খাঁ নামক জনৈক

মূলতানী পাঠানকে সেই হুকার্যের উপযুক্ত যন্ত্র পাইলেন বা করিয়া লইলেন ।  
দাউদ খাঁ চাঁদের স্বজাতীয় ও সম-দশাপন্ন, কিন্তু চরিত্র বিষয়ে তদপেক্ষা নিতান্তই  
হীন—দাউদ খাঁ নির্ভুর, নরাধম, বিশ্বাসঘাতক—সামান্য অর্থের জন্য না পারে  
এমন কাজই নাই ।

দাউদ খাঁ, সরল-হৃদয় চাঁদ খাঁর প্রতি অশেষ বিশেষরূপেই প্রণয়ানুরাগ  
দেখাইতে লাগিল—মুক্ত-প্রাণ চাঁদ খাঁ, স্বজাতীয় বন্ধুর হৃদয়ে যে কপটতা রূপ  
কালকূট আছে, তাহা স্বপ্নেও সন্দেহ না করিয়া তাহার বাহু মধু-মাখা বাক্য  
ও মৈত্রব্যবহাররূপ মায়া জালে পতিত হইল—প্রিয় সখার কপট প্রেমভাবে  
গলিয়া সরল প্রেম প্রতিদান করিল ।

ধূর্ত দাউদ কথায় কথায় শিখজাতির নিন্দা করিত ; স্বজাতীয় রাজার ও  
আপনাদের দুর্দশার প্রসঙ্গ তুলিত ; মূলতানী মারেরই সুযোগমতে প্রতিশোধ  
লওয়া কর্তব্য বলিয়া সিদ্ধান্ত করিয়া দিত ; তত্কালে স্বদেশানুরাগ ও স্বজাতি-  
বৎসলতার বেগে সে যেন অধীর হইয়া উঠিত—তাহার বদন আরক্তিম হইত—  
নয়ন হইতেও যেন অগ্নি-স্ফুলিঙ্গ বাহির হইতেছে এমনি দেখাইত ।

পাঠক মহাশয় চাঁদ খাঁর পূর্বকার মনের গতি জানেন । কেবল ভুলীনের  
সহৃদয়, মহদৃষ্টান্ত ও স্নেহে গুরু দায়িত্ব, এই তিন কারণে—বিশেষতঃ প্রভুর  
প্রতি তাহার আন্তরিক ভক্তি প্রযুক্তই হৃদয় চিত্তবেগকে দমনে রাখিয়া সাধু  
হইয়া উঠিয়াছিল । কিন্তু অন্তস্তলে প্রবৃত্তি-অনল এককালে নিৰ্বাপিত হয় নাই  
—অগ্নির শেষটুকু ভস্ম-চাপা ছিল—যদি প্রিয় প্রভুর নিকটে তদবধি থাকিতে  
পারিত, তবে বোধ হয়, সেটুকুও সম্পূর্ণরূপে নিবিয়া যাইত । এক্ষণে লঘু ইন্ধন  
ও ফুৎকার পাইতে পাইতে সেই প্রচ্ছন্ন-অগ্নি ক্রমে তেজ করিয়া উঠিল ।

তথাপি চাঁদ খাঁ প্রথম প্রথম সতর্কতা বিস্মৃত হয় নাই—দাউদের বচনা-  
বলীর উত্তরে সাবধান করিয়া দিত ; বলিত, “আমি এখন সরকারের চাকর,  
এখন ভাই এ সকল জল্পনা করা বা কর্ণে তোলাও আমার উচিত নয় !”

দুঃস্থ দাউদ কখন বা হাস্য, কখন বা ঘৃণার সহিত ছদ্ম কোপে টিট্কারি  
দিয়া বলিত “ছি চাঁদ, তোমার প্রতি আমার অশ্রদ্ধা জন্মিল—এমন কথা  
আর বলিও না—পাঠান হইয়া এমন ছরপনের কলঙ্কে মজিও না—আমাদের  
ভাই বন্ধুরা এ কথা শুনিলে কর্ণে হাত দিবে ! হায়, ইহারি মধ্যে এত খয়েরখাঁ  
—এত সাধু হইয়া উঠিলে ! বিশ্বাসী উকীল মহাশয় কি ইহারি মধ্যে পূর্ব

কথা সব ভুলিয়া গেলেন ? স্বাধীন ভাবে বীর্যবান বলপ্রয়োগ-কার্যে পর্যটন ও পাপিষ্ঠ অপহারকদের অপহরণ করণের সাধ আহ্লাদ কি এই বয়সেই মিটিয়া গেল ? এস দেখি কাণে কাণে একটা কথা মনে করিয়া দিই !” এই বলিয়া হুরায়া দাউদ, চাঁদ খাঁর কর্ণমূলে আপনার মুখ আনিয়া যাহা বলিল, তাহাতে চাঁদ খাঁ চমকিয়া উঠিল—তখন মনে পড়িল, এই দুর্জনের নাম দাউদ নয়, মেয়াব খাঁ ; সে তাহাদের দলের একজন ছিল, কিন্তু তাহার হত্যা-প্রবৃত্তি ও নিষ্ঠুরতার জন্ত চাঁদ খাঁর পরামর্শেই তাহাকে দল হইতে তাড়াইয়া দেওয়া হয় । পরে একটা বিশেষ খুনের জন্ত তাহাকে গ্রেপ্তার করিতে শিখ শান্তি-রক্ষকেরা অনেক চেষ্টা পাইয়াছিল । এক্ষণে ছদ্ম-বেশে ও নাম পরিবর্তন-উপায়ে পুনর্বার সদর হইয়া সহরে বেড়াইতেছে ও রাত্রিকালে অপকর্ম করিতেছে ।

চাঁদ খাঁ তাহার হাতে আছে—পূর্ব কীতিসমূহের অধিকাংশই সে প্রমাণ করিতে পারে—চাঁদ খাঁর ভয় হইল । সেই সময়েই কাংরায় পলাইয়া যাইবার বাসনা করিয়া ভুলীনের নিকট অনুমতি চাহিয়া পাঠায় । ভুলীনও তাহার পুনঃ পুনঃ প্রার্থনাতে সম্মত হইয়াছিলেন, আর কিছু দিনেই সে আদেশ আসিত । কিন্তু দুর্ভাগ্য যাহাকে লক্ষ্য করে, তাহার মতি গতি কিরূপে যে বিকৃত হইয়া পড়ে, কিছুই স্থির করা যায় না ! চাঁদ খাঁ ক্রমে কুহক-মস্ত্রে ভুলিল—একটা সাহসের কাজে দাউদ তাহার সাহায্য ভিক্ষা করিল—“কেবল তুমি একবার মাত্র আসিয়া আমাদের মত-ভেদের মিমাংসা করিয়া দিয়া চলিয়া আসিলেও বথেষ্ট হইবে—কার্য্য সমাধা পর্য্যন্ত থাকিতে পার, ভালই ; নতুবা যাহা বলিলাম, তাহা করিয়াই ক্ষান্ত হইবে—স্বজাতীয় বন্ধুগণের অনুরোধে ইটা তোমাকে করিতেই হইবে, কিছুতেই ভাই ছাড়াছাড়ি নাই !”

হায় ! সময়ানের কুচক্রে পড়িয়া চাঁদ খাঁ সে দিন তাহার সঙ্গে গেল—দলে মিশিয়া পূর্ব প্রবৃত্তি পুনরুদ্ধীপ্ত হইল—শুধু সে দিন নয়, আরো গেল—মিশিল—উৎসাহ বাড়িল !

দুর্চারিত্রতা শোধন পক্ষে সাধুসঙ্গ যেমন শ্রেষ্ঠ উপায়, সংশোধিত চরিত্রের পুনঃপতন পক্ষে কুসঙ্গের উৎসাহ তেমনই সর্বনাশক পণ ! আমরা কত বঙ্গীয় যুবকে একদিন দেখিলাম সুরাদি পরিত্যাগে স্থির-সংকল্প, হায় ! পরদিন আবার পূর্বসঙ্গী জুটিয়া সেই শুভ-ব্রত-পথে কণ্টক হইয়া, কি কুহক মস্ত্রেই সেই কালীয়দহে ডুবার ! দ্বিতীয়বার চৈতন্য লাভ ; দ্বিতীয়বার প্রতিজ্ঞা এবং যে

পর্যন্ত পূর্ব রক্তের রঙ্গী কোন উত্তেজক সঙ্গী আবার ভুলাইতে সুযোগ না পায়, সে পর্যন্ত সে প্রতিজ্ঞা কি অটুটই থাকে !

যখন সুশিক্ষিত সুসভ্য বাবুদের দশা এই, তখন ক্ষুদ্র-প্রাণ মূর্খ চাঁদ খাঁর নিকট অধিক আর কি প্রত্যাশা ? চাঁদ খাঁ মজিল ! কিন্তু মজিবার পূর্বে দাউদ খাঁকে শপথ করাইল যে, হত্যাদি নিষ্ঠুর কাজে লিপ্ত হইবে না, কেবল ঘণিত শিখদের অনিষ্ট ও ক্ষতিমাত্র করিয়াই ক্ষান্ত থাকিবে । কপট দাউদ খাঁ কিছু দিন সে শপথানুসারে কাজ করিয়া মুখপাত দেখাইল ; কিন্তু অবিলম্বেই স্বমূর্ত্তি ধরিয়া এমন একটি নৃশংস হত্যা ( চাঁদ খাঁর অজ্ঞাতসারে ) করিয়া তুলিল এবং তাহাতে এমন একটি কৌশল খাটাইল যে, আত্ম-দোষ অপ্রকাশ রহিল ; কিন্তু নির্দোষী চাঁদ খাঁই যেন দোষী, এমনি প্রমাণ করাইয়া দিল !

এদিকে উপযুক্ত উকীল অন্বেষণে বহু দিন গেল । সে সময়ের মধ্যে চাঁদ খাঁর দুই একখান পত্রও তুলীন পাইলেন । সেই সব পত্র মধ্যে আর সে প্রকার “অনুমতি-ভিক্ষার” নাম গন্ধও নাই ! তুলীন ভাবিলেন, চাঁদ বুঝি তবে লাহোর ত্যাগের অভিপ্রায় ত্যাগ করিয়া স্বীয় কন্ঠে পূর্বের ত্রায় নিযুক্ত থাকিতে ইচ্ছুক আছে—ভালই হইয়াছে ! এইরূপে চাঁদের সন্তোষ কল্পনা করিয়া নিজেও সন্তোষ পাইলেন—নিশ্চিত হইলেন ।

## দ্বাবিংশ পরিচ্ছেদ ।

স্বামী-ধর্ম ।

প্রভাতে বেলুনারোহণে তুলীন সঙ্গিগণ-সঙ্গে মনোরঞ্জে পার্শ্বতীর বাসন্তী সমীরণ সেবন করিতেছেন, এমনত সময় সম্মুখে এ কে ? “ঐ না চাঁদ খাঁ আসিতেছে ?” বরু সেলাম করিয়া কহিল “হজুর ! তাই বটে !”

“এ কি ? তুমি এখানে কেন ? না বলা না কওয়া, আপন কন্ঠ ফেলিয়া তুমি যে হঠাৎ আইলে ?” এরূপ স্কোপ প্রশ্নোত্তরে চাঁদ খাঁ কুনির্ম সহকারে সবিনয়ে কহিল “হজুর ! মাপ করিবেন—গোলাম কুচক্রে পড়িয়া বড় ভুলের কাজ করিয়া ফেলিয়াছে ! ( উর্ধ্বে অঙ্গুলি নির্দেশ পূর্বক ) যিনি সকল প্রভুর প্রভু, তিনি ব্রাহ্ম পুত্রগণের দোষ অপরাধ মার্জনা করেন ! এ গোলামের বুদ্ধির ভুল হইয়াছে, কিন্তু ( বকে চপেটাঘাত ) আল্লা জানেন, হৃদয়ের ভুল

হয় নাই—গোলাম বিশ্বাস ভঙ্গ করে নাই—গোলাম যাহা কিছু করিয়াছে, হুট্টদের ষড়যন্ত্রে পড়িয়াই—সরল প্রাণে না বুঝিতে পারিয়াই করিয়াছে—গোলাম হুজুরের সন্তান, সন্তানকে মাপ করিতে হইবে !”

পাগলের মত এইরূপ বকিতে বকিতে ইঙ্গিতে নির্জনে বলিতে উচ্চা প্রকাশ করিল। তুলীন তৎক্ষণাৎ ফিরিয়া বিরল গৃহে আসিয়া সমস্ত শুনিলেন। চাঁদ খাঁ আমূল বর্ণন করিয়া শেষ বলিল “হুজুর! দোড়াই পনের! হুট্ট ধ্যান সিংহের ষড়যন্ত্রের প্রধান যন্ত্রা মেয়াব খাঁই হত্যা করিয়াছে, আমি কিছু মাত্র জানি না—আমাকে ফাঁদে ফেলিবে বলিয়া অস্ত্র ছলে লইয়া গিয়া এবং আমাকে একখান পশ্মিনা যে দিয়াছিল, তাহা দেখাইয়া প্রমাণ করিয়া দিয়াছে! হুজুর! আমাকে যখন প্রণয়োপহার ছলে পশ্মিনা দিয়াছিল, তখন জানিও না যে হত্যা করিয়াছে।

তুলীন। কাহাকে হত্যা করিয়াছে?

চাঁদ খাঁ বলিল, “হুজুর! আপনি নাউরিয়াদের জানেন তো? তাহারা পশ্চিম ভারতের অতি শিষ্ট সদাগর—তাহারা কাহারো কোন অনিষ্ট করে না ও শঠতা প্রবন্ধনা জানে না—তাহাদের প্রতি কোন মূলতানী কদাপি কোন বিদ্বেষ ভাব রাখে না। পাপিষ্ঠ মেয়াব আপনার জায় সহচরগণ সঙ্গে সেই নিরীহ বণিকদলকে আক্রমণ, তাহাদের দলপাতিকে খুন এবং তাহাদের বহু সহস্র মুদ্রার দ্রব্যাদি লুণ্ঠন করে। কিরূপে যে সে ব্যাপার ঘটয়াছিল, তাহার বিশেষ কিছুই জানি না; অথচ প্রকাণ্ড দরবারে আমার বিরুদ্ধে হত্যাপরাধের অভিযোগ উপস্থিত হইল। আমি শপথ পূর্বক অস্বীকার করিলাম। কিন্তু মেয়াব খাঁকে মীরগাঁই\* রূপে হাজির করা হইল—আমি সর্দার, সে এবং অন্যান্য লোক আমার সহকারী, ছুরায়া অবলীলাক্রমে এইরূপ সক্ষ্য দিল! আমি পুনঃ পুনঃ ধর্ম সাক্ষী করিয়া আপন নির্দোষিতা জানাইলাম। কিন্তু সেই পশ্মিনা আমার গায় ছিল, ছুরায়া অঙ্গুলি নির্দেশে ছাসিয়া দেখাইয়া দিল! সেই মুক্কে অধিকারীর চিহ্ন ছিল—কয় জন নাউরিয়া ও তাহাদের ভৃত্যগণ চিনিল—অপর প্রমাণের আর আবশ্যক হইল না! তথাপি আমি পশ্মিনা প্রাপ্তির বৃত্তান্ত বর্ণনা করিলাম, কিন্তু সে কথা আর কে শুনে? রাজা ধ্যান সিংহ মেয়াবকে তখনই জমাদারিতে নিয়োগের হুকুম দিয়া আমাকে বলিল

\* বাহাকে ইংরাজীতে Queen's evidence বলে।

‘এক দিন মেঘাদ দিতেছি, ইহার মধ্যে দোষ স্বীকার করিস ভালই, নচেৎ কল্য তোকে কোতয়ালিতে ঢেরাকলে আর ঘুগুরা কলে ফেলিয়া দেখা যাইবে তোার নষ্টামি ভাঙে কি না—যতক্ষণ না সত্য বলিবি, ততক্ষণ যন্ত্রণা পাইবি ।’

“হুজুর ! তখনই আগাকে ধরিয়া বেড়ী পরাইয়া অন্ধ-কূপ-কারাগারে নিক্ষেপ করিল । সেই দিনে ধ্যানসিংহের এক লোক আসিয়া ছই তিন বার জিজ্ঞাসা করিল ‘যদি এখনও রাজা বাহাদুরের কথা রাখ ও সাহেবের পক্ষ ত্যাগ কর, তবে নিক্ষেপ্তি এবং প্রচুর পুরস্কার পাইয়া আবার যে উকিল সেই উকীলই থাকিতে পাও ।’ আমি য়নার সহিত সেই বিশ্বাসঘাতিতার প্রস্তাব অগ্রাহ করিলাম । বলিলাম ‘তোদের যা ইচ্ছা কর, আমি নেমথারাম হইতে পারিব না ।’

“পর দিন সেইরূপ প্রশ্নের সেইরূপ উত্তর পাওয়াতে আমাকে নিদারুণ প্রহার করিল । শেষে যখন মৃতবৎ হইয়া পড়িলাম, তখন উপুড় করিয়া ফেলিল ; হাত পা ছড়াইয়া দিয়া বাঁধিল ; পীঠে ও কোমরে বড় বড় পাথর চাপাইয়া চলিয়া গেল । আমি কতক্ষণ এরূপে ছিলাম, বালতে পারি না, কারণ প্রহারে আমার জ্ঞান চৈতন্য গিয়াছিল । যখন চৈতন্য হইল, তখন রাত্রি ; দেখি কারাধ্যক্ষ রাম সিংহ পাথর তুলিয়া বাঁধন খুলিয়া আমার মুখে বুক জল দিতেছে । তৃষ্ণায় আমি ব্যাকুল, আমার ইঙ্গিতে জল পান করাইল । রাম-সিংহের সদয় ব্যবহার দেখিয়া ও স্নেহের বাক্য শুনিয়া বিস্ময় মানিলাম । রাম সিংহ বলিল—‘কি করি ভাই, ছুরাঙ্গাদের ভয়েই তাহাদের সাক্ষাতে তোমার প্রতি নিষ্ঠুর বাক্য ও নিন্দয় ব্যবহার প্রয়োগ করিতে বাধ্য হইয়াছিলাম ; তাহাদের কথার ভাবেই তোমাকে নিদোষী বলিয়া জানিয়াছি । আমি এমন নিদারুণ দুর্জন প্রভুর অধীনে আর থাকিতে চাহি না ; তুমি যদি তোমার সাহেবের নিকট আমার পরবস্তি করিয়া দিতে স্বীকার পাও, তবে এখনই তোমাকে মুক্ত করি ও আমিও তোমার সঙ্গী হইয়া এ পাপের কণ্ঠে মুক্তি পাই ।’

“হুজুর ! আমি তখন চিঁ চিঁ করিতেছি, কিন্তু দয়ালু রাম সিংহের প্রস্তাবে তখনই যে সম্মত হইলাম, তাহা আর বলা বাহুল্য । রাম সিংহ বলিল ‘কিন্তু এ অবস্থায় তুমি ঘোড়া চড়িয়া যাইতে পারিবে না, তাহা বুঝিতে পারিয়া আমি তোমার চাকরকে ডুলি আনিতে বলিয়াছি ; সে আনিয়াছে । আপাততঃ তোমাঞ্চে লুকাইয়া রাখিবার স্থানও ঠিক করিয়াছি, চল সেখানে যাই—

বিলম্ব করিলে এমন সুযোগ আর ঘটবে না—হুঁরাওয়ারা আমাকে বড় বিশ্বাস করে না, ইদানী সর্বদাই সন্দেহ করে ।’

“আমার চাকরের সাহায্যে রাম সিংহ আমার ধরিয়া তুলিয়া ডুলিতে লইয়া গেল। লাহোরের বাহিরে উপনগরে তাহার এক আত্মীয়ের বাটীতে কয় দিন লুকাইয়া রাখিয়া ও স্বয়ং নিকটে থাকিয়া আমার শুশ্রূষা করিতে লাগিল। যখন কিছু সুবল হইলাম, আমার চাকর গোপনে গিয়া আমার ঘোড়া ও আর দুইটা ঘোড়া আনিল। দিবাভাগে লুকাইয়া থাকি, আর রাত্রে রাত্রে চলি, এইরূপে বহু ক্রম্বে হুজুরের চরণ সমীপে তিনজনে আসিয়া পৌঁছিয়াছি। যে বৃদ্ধ শিখর আমার ও আমার চাকরের সঙ্গে আসিতে দেখিয়াছেন, সেই ব্যক্তিই রাম সিংহ। যদিও প্রাচীন হইয়াছে, কিন্তু জোরানের কাজ করিতে এখনও সম্পূর্ণ সক্ষম, অতএব হুজুরের যেমন দয়া হয় ।”

চাঁদ খাঁ সমুদয়ই যে সত্য বর্ণনা করিল, তাহা হুলীন স্পষ্টই বুঝিতে পারিলেন। তাঁহার জন্ত চাঁদ অসম্ভব যত্নগা সহ করিয়াছে—মৃত্যু পর্য্যন্ত স্বীকার করিয়াও বিশ্বাস, কৃতজ্ঞতা ও স্বামী ধর্ম রাখিয়াছে, এইটা হৃৎ-প্রত্যয় হইবা মাত্র হুলীনের স্নেহশীল অন্তঃকরণ তাহার প্রতি যে প্রকার ভাবে গলিল, সে ভাবের নামকরণ করা হুঁরুহ! চতুর চাঁদ তাঁহার মুখছাঁদ ও নয়নের ভাব দেখিয়াই কতক তাহা বুঝিয়া লইল।

বহুক্ষণ নিস্তব্ধ থাকিয়া হুলীন কহিলেন, “চাঁদ! তুমি যেরূপ বিশ্বাস ও নেমকের কাজ করিয়াছ, তাহা তোমার গ্ৰাম অবস্থাপন্ন লোকের মধ্যে আর কেহ পারে কি না সন্দেহ; তজ্জন্ত তোমার পুরস্কার, মঙ্গল ও উন্নতির ভার আমার প্রতি গুরুতর রূপে বর্তিল। কিন্তু গুণের কথা যেরূপ বলিলাম, দোষের কথাও সেইরূপ বলা উচিত; তুমি যে অসহ্য কষ্ট পাইয়াছ ও উচ্চ ভদ্র পদ হারাইয়াছ, তাহা আমার জন্তই নয়—তোমার নিজ কুবুদ্ধির ও জন্ত। আমার জন্তই তোমার প্রতি ধ্যান সিংহের আক্ৰোশ বটে; কিন্তু তুমি যদি খাটি থাকিত—অতি জঘন্য পূর্ব পাপের গহ্বরে ইচ্ছাপূর্বক অঁধারে পা বাড়াইয়া না পড়িত, তবে ধ্যান সিংহের শত চক্রান্তেও কিছু করিতে পারিত না! তুমি যখন কয়েক বৎসর সল্লোকের গ্ৰাম উচ্চ ওকালতি কার্য্য সুচারুরূপে করিয়া আসিতেছ, তখন সে তোমার পূর্বজীবনের কুকাহিনী ও কলঙ্ক তুলিয়া কিছুই করিতে পারিত না। হুঁরুতি-কুশল প্রধান মন্ত্রী তাহা বেস জানিত,

তাই মেয়াব খাঁর শ্রায় চণ্ডালকেও সহায় করিতে বাধ্য হইয়াছিল। তোমাকে নূতন পাপে জড়াইবে বলিয়াই এই ফাঁদ পাতিয়াছিল। কিন্তু তাহাতে কি? তুমি স্বৈচ্ছায় সে ফাঁদে পা না দিলে ছুরায়া কিছই করিতে পারিত না। তুমি আমার দৃঢ় আদেশ ও উপদেশ ভুলিলে—আমার নিকট তুমি যে পুনঃ পুনঃ দৃঢ় শপথ ও প্রতিজ্ঞা করিয়াছিলে, সে সব ভুলিয়া সেই ফাঁদে পা দিলে, তাই না তোমার নিজের সর্বনাশ ও আমার বিশেষ অনিষ্ট ঘটাইলে—কিছুতেই আমার শত্রুর পক্ষে যাইবে না প্রতিজ্ঞা করিয়াও পাকে প্রকারে আমার শত্রুর মনোবাহাই পূর্ণ করিলে! আমার এই ঘোর বিলাটের সময় দরবারে আমার পক্ষে এক প্রাণীও রহিল না—উকীল রাখা দরবারের নিয়ম ও মহারাজার আজ্ঞা, সে উকীল রহিল না! তাহাতে শত্রুর বল বৃদ্ধি হইবে এবং তোমাকে যদি আশ্রয় ও প্রশ্রয় দান করি, তাহাতে শত্রু পক্ষ ছল ধরিবে যে, 'কারাগার হইতে খুনে আসামী ও বিশ্বাসঘাতক কারারক্ষক পলাইল, সাহেব সেই দুইজনকেই আশ্রয় দিয়াছে—সাহেব এমনি খয়ের খাঁ চাকর!"

চাঁদ খাঁ। না, হুজুর! দরবারে আপনার উকীল থাকিবে না, চাঁদ খাঁ এমন কাঁচা কাজ করিবার লোক নয়! যখন মেয়াবের সংশ্রবে পড়িলাম, তখন ভাবিলাম, কি জানি আমার কখন কি হয়, এই জন্ত হুজুরের সহ-মোহর-করা একখানি ওকালত নামা প্রস্তুত করিয়া লালা সুখনলাল নামা একজন সুবুদ্ধি, বিশ্বাসী ও সম্ভ্রান্ত হিন্দুস্থানীকে উকীল করিয়া দিরাছিলাম—সেই এখন কাজ করিতেছে। হুজুরের সহ মোহরের নাম শুনিয়া হুজুর চমকিয়া উঠিতেছেন—আশ্চর্য্য হইতেছেন; কিন্তু হুজুর অবশ্যই জানেন, দু এক টাকা দিলেই লাহোরে এমন জালিয়াত অনেক আছে যে, যাহার তাহার স্বাক্ষর অনায়াসে নকল করিয়া দিতে পারে! আর হুজুরের মোহর তো আমার কাছেই ছিল!

ভুলীন। যা হউক চাঁদ খাঁ, তোমার জিহ্বা যেমন যাহা মুখে আইসে তাহাই বলে, তোমার স্পর্ধাও তেমনি যাহা ইচ্ছা তাহাই করিয়া ফেলে! কিন্তু এ প্রসঙ্গ এখন আর না—যথেষ্ট হইয়াছে—তুমি যে কাজ করিয়া আসিয়াছ, তোমার সহিত এখন বিরলে অধিক কথাবার্তা কহিলে ভাল দেখায় না। আমি অন্তরের সহিত তোমার দোষ মার্জনা ও গুণ গণনা করিতেছি, কিন্তু আপাততঃ তোমাদের প্রতি যেন অত্যন্ত কুপিত ও প্রতিকূল হইয়াছি, এমন ভাব দেখাইতে এবং দৃশ্যতঃ তোমাকে কিছু দিনের নিমিত্ত কয়েদীর শ্রায়



রাধিতে বাধ্য হইব । ইহাতে বিরূপ ভাবিও না—বর্তমান অবস্থায় ইহা অতি কর্তব্য হইয়াছে ।

চাঁদ খাঁ । হুজুর ! আপনি মা বাপ—যাহা ইচ্ছা করুন, কেবল পাপিষ্ঠ-দের হাতে না পড়ি, এইটী হইলেই চাঁদ খাঁর আর কিছুতেই ভয়, ভাবনা, অসন্তোষ নাই ।

দুলীন । সে জ্ঞান চিন্তা করিও না—তোমাকে অল্প কারাগারেও রাখিব না—আলিবর্দির নিকট নজরবন্দি থাকিবে—তাহাকে ভিন্ন আর কাহাকেও ইহার গৃহ তাৎপর্য্য বলিও না । আর রাম সিংহকে নাম পরিবর্তনপূর্ব্বক কিছু দিন অপ্রকাশ্য ভাবে থাকিতে বল—তাহার ভার হাকিম সিংহের প্রতি দিব—কোন চিন্তা নাই, সে সুখে থাকিবে ও প্রয়োজনমত কার্য্য করিতে পাইবে ।

প্রকাশ্য দরবারে আলিবর্দিকে ডাকাইয়া রুম্মভাবে ঐরূপ আদেশ দেওয়া হইল । সকলেই, বিশেষতঃ আলি ও অশ্ৰাফ মুলতানীরা চাঁদ খাঁর এই দুর্গতি দেখিয়া অবাক ও অসন্তুষ্ট হইল । অধিক কি, চৈতন্যও চাঁদ খাঁর নিমিত্ত বিনয় সহিত ক্রমা প্রার্থনা করিলেন ।

অবিলম্বে লাহোর হইতে এক পত্র ও পরওয়ানা আইল । তন্মর্মে এই-রূপ ;—“দরবারে আসিতে পূর্বে তোমাকে লেখা হইয়াছে, অদ্যাপি সে হুকুম তামিল না করাতে তোমাকে পুনর্বার লেখা যায়, তুমি পত্র পাঠ আসিবে ; তোমার নিকাশিতে অনেক বাকী বকেয়া পড়িতেছে, তাহা পরিষ্কার করা তোমার আশু কর্তব্য ; তজ্জন্ত ও অল্প বিশেষ কারণে তোমার উপস্থিতি নিতান্ত আবশ্যক, কার্য্য শেষ করিয়া আবার তুমি কাংরায় কিরিয়া যাইবার অনুমতি পাইবে ।”

এই পর্য্যন্ত পড়িয়া দুলীন হাসিয়া স্বগত বলিলেন “রাজাজী ! একি আর কোন শাসনকর্ত্তা বা জায়গিরদার পাইয়াছ যে, বাকী টানিবে—তোমার সাধ্য কি, সে ছল ধরিয়া মহারাজার মন গরম করিবে—মহারাজা তাহা বিলক্ষণ জানিতেছেন ।”

আবার পড়িতে লাগিলেন—“তোমার উকীল চাঁদ খাঁ অতি দুর্কৃত্ত লোক, সে হত্যা অপরাধে দোষী সাব্যস্ত হইয়াছে ; সে তাহার রক্ষক সহিত পলাইয়াছে ; তাহার দুজনে অবশ্যই কাংরায় গিয়া থাকিবে ; তোমাকে লেখা যায়

যে, গত মাত্র তাহাদিগকে লোহ-শৃঙ্খলাবদ্ধ করিয়া এখানে পাঠাইবে। তোমার নূতন উকীল সুখনলাল সুযোগ্য ও উত্তম লোক বটে; তাহাকে দরবারে হাজির থাকিতে অনুমতি দেওয়া হইয়াছে; এমন সন্ধ্যাক্তিকে ওকালতি দিয়া ভাল করিয়াছ—এরূপ লোক পূর্বেই নিযুক্ত করা উচিত ছিল। যাহা-হউক, এই পরওয়ানার লিখিত হুকুম বড় তাগিদ জানিবা—ক্ষণ বিলম্ব ব্যতীত সে সব তামিল করিবা ইতি।”

সেই দিনের রজনীতে আলিবদ্দির দ্বারা চাঁদ খাঁকে গোপনে আনাইয়া তুলীন তাহাকে দরবারের পরওয়ানা শুনাইয়া তৎসম্বন্ধে নিজ দায়িত্বের গুরুত্ব বুঝাইয়া শেষে বলিলেন “আমার স্বাধীন হইবার ইচ্ছাও নাই, শক্তিও নাই; কিরূপে তোমাকে সম্পূর্ণরূপে রক্ষা করি ইহাই চিন্তা—ধ্যান সিংহ যে অল্পে ছাড়িবে, এরূপ বোধ হয় না! এখন করি কি?”

চাঁদ খাঁ উত্তর দিল “তলয়ার! কেবল তরবারই এ রোগের ঔষধ। কেবল তলয়ার দ্বারাই দুর্জনদের জুলুম জালের গ্রন্থি সকল কাটিতে হইবে। আপনার অসাধ্য কি আছে? আপনার সহায় কে না হইবে? যাহাকে এখন সমস্ত রাজ্য মধ্যরাজ্য বলে, যিনি একাকী রাজ্যকে সাম্রাজ্য করিয়া তুলিয়াছেন, তিনি কি ছিলেন? পৈতৃক এক ঘোড়া আর এক তলয়ার মাত্র ছিল—সে সময় তাহার ক্ষমতা ও অধিকার হুজুরের অপেক্ষাও হীন। সকলেই তাঁহার প্রতিকূল—চতুর্দিকেই শত্রু—বারটা মিশলের মধ্যে সর্বাপেক্ষা ক্ষীণ মিশলের কর্তা—বালক রণজিতের আপন পরিজন রক্ষার নিমিত্ত কাংরার আয় একটু নিরাপদ দুর্গও ছিল না। ভেড়ার গোয়ালের আয় গুজরাওলি দুর্গ তাঁহার মাথা গুঁজিবার স্থান এবং আর সকল ব্যক্তির সম্পত্তিকে নিজের করিয়া লওয়া তাঁহার মনে মনে উদ্দেশ্য, এতাবনাত্র ছিল। ইহাতেই বুদ্ধিবলে, সাহসবলে, (বাহুবলেও বটে, কিন্তু তত নয়) এবং অধ্যবসায় বলে, না করিলেন কি? না হইলেন কি? মেঘ হইতে সিংহ হইয়া উঠিয়াছেন! হুজুরও মনে করিলে তাহাই হইতে পারেন—হুজুরের যোগ্যতার সামান্য নাই, কেবল ইচ্ছা হইলেই হয়! খোলামের কথা শুনুন, পুরাতন সন্দারগণের সহিত যোগ দিউন—তাহারা মনের ঝাল মনে মিটাইতেছে, অত্যাচারে শশব্যস্ত আছে—প্রস্তুত হইয়া আছে। একজন উপযুক্ত পরিচালক পাইলেই কপট অধীনতা ছাড়িয়া নিজ মূর্তি দেখায়—কাংরা হইতে ডেরা ইম্বাইল খাঁ পর্যন্ত সমুদয়, পার্শ্বতা ও অগ্ৰান্ত রাজ্য প্রস্তুত;

কাশ্মীর প্রস্তুত ; মূলতানও প্রস্তুত ; কতে সিংহ আলুয়ালা এক প্রকার প্রকাশ্য বিদ্রোহী ; কেবল একজন যোগ্য কর্তা পাইলেই—ছজুরের ঞায় চালাক ও ছজুরের ইঞ্জিত মাত্র পাইলেই দলে দলে সব ক্ষেপিয়া উঠে—শিখ সর্দার-দের সঙ্গে পার্শ্বীয় ক্ষত্রিয়গণের যোগ হইলে এবং আপনি তাহাদিগকে চালনা করিলে কি আর রক্ষা আছে ? খালসা মালসা আকালি মাকালি কোথায় উড়িয়া যাইবে !”

ছলীন হাসিয়া বলিলেন “চিরদিনই চাঁদ তোমার সাহসিক বা ছঃসাহসিক মন্ত্রণা ! কিন্তু আমি শ্রদ্ধা ও বিশ্বাস ভঙ্গ করিব না ! যাও, রাত্রি হইয়াছে, শয়ন কর গে—ভাগ্যে যাহা থাকে হইবে !” তথাপি চাঁদ অনেকক্ষণ রহিল ।

চাঁদের নিকট ক্রমে কথাপ্রসঙ্গে অসন্তুষ্ট শিখ সর্দার ও পার্শ্বীয় ক্ষত্রিয় রাজগণের, বিশেষ সূদান রাজ্যের অবস্থাদি জানিয়া লইলেন । চাঁদ চলিয়া গেলে বহুক্ষণ ধরিয়া বহু চিন্তা করিলেন । শেষে দীর্ঘ নিঃশ্বাস ত্যাগ পূর্বক আপনা আপনি বলিলেন “না, ক্ষণভঙ্গুর দেহ ধারণ করিয়া ধর্মের নিকট রাজ্য ধন কিছুই নয়—মহারাজার বেক্রপ স্নেহ দয়া, দেখিতেছি পৈতৃক রাজ্য উদ্ধারের উপায়াভাব ! তবে যদি, সেই স্নেহ দয়া ও আপনার ভক্তিমূলক সদ্ভাব-হারের পুরস্কার স্বরূপ সূদান রাজ্যটী জায়গির বলিয়া পাইতে পারি, তৎপক্ষে যত্ন করায় হানি নাই !”

পুনশ্চ চিন্তার পর যেন কোন অভিনব উপায় মনোমধ্যে সহসা সঞ্চারিত, এইরূপ হর্ষের উৎসাহে স্বগত বলিলেন “ভাল ! চাকরী ত্যাগ করিয়া স্বাধীন কেন হই না ? তখন তো বিশ্বাসভঙ্গের দোষ থাকিবে না ! চাঁদ খাঁ বলিল এবং অপর সূত্রেও ইঞ্জিত পাইয়াছি, পার্শ্বীয় ক্ষত্রিয়গণ ( আমারই জাতি-কুটুম্ববর্গ ) স্বাধীনতার প্রয়াসে কি একটা ষড়যন্ত্র নাকি করিতেছে ; আমি যদি লাহোরের অধীনতা পদ বর্জন পূর্বক তাহাদের নেতা হইতে যাই, তাহারা হাত বাড়াইয়া চাঁদ পাইবার ঞায় পরমোৎসাহে আমাদ্কে মস্তকে রাখিবে ! গুলাপীড় মুখে আমার তেজস্বী মাতামহবংশের কথাও শুনিয়াছি—সিমলা পার্শ্বতের সান্নিধ্যে তাঁহাদের গিরিময় রাজ্য—তাঁহারা দলে অল্প বটে, কিন্তু ভূজ-বলে সাক্ষাৎ হতাশন—এ পর্য্যন্ত হিন্দু, যবন, শিখ, কেহই তাঁহাদিগকে অধীনতা শৃঙ্খল পরাইতে পারে নাই ! প্রথমে তাঁহাদের নিকট সদলবলে গমন পূর্বক প্রমাণ সহিত পরিচয় দিয়া মাতুল চোহানরাজের আশ্রয়ে থাকিয়া সেই

ছরভিগমা কুলু \* প্রদেশকেই আমার বিশাল কার্য্যাক্ষেত্রের কেন্দ্রস্থল করিয়া তুলি ; তথায় সৈন্তসংগ্রহ ও তথা হইতে প্রস্তুত রাজসৈন্য ও সন্দারবর্গের উৎসাহ ও বল-বর্ধনাদির সমুদয় ব্যবস্থা করিয়া পরে যথাকালে মহা-নদের প্রপাত তুল্য পর্ব্বত চূড়া হইতে অবতরণ পূর্ব্বক সর্ব্ব উদ্দেশ্যই সিদ্ধ করিতে পারি !”

কল্পনা-তরী-যোগে এই নব ভাব তটিনীর শাখা প্রশাখা বাহিয়া ছলীন যতই যাইতে লাগিলেন, ততই স্বার্থ-পুলিনের মনোহারিতা, কুল-গর্ভ রূপ বালু-চরের মাধুর্য্য এবং দূরস্থ কীৰ্ত্তি-শৈলের অনূপম সৌন্দর্য্য দর্শনে মোহিত হইতে লাগিলেন ! কিন্তু যখন কল্পনা-তরী হইতে নামিয়া ধর্ম্মনীতির কর্কশ গুহা মধ্যে প্রবিষ্ট হইয়া সমাজের অনাদৃত ফলমূলাহারী ( কভু বা বাতাহারী ) “শ্রায় বুদ্ধি” নামা কুশ-তপস্বীর সহিত পরামর্শ করিলেন, তখন তাঁহার উপদেশ ও পরামর্শের সহিত স্বীয় বুদ্ধি মিলাইয়া সূক্ষ্মানুসূক্ষ্ম রূপে বুঝিতে পারিলেন যে, “না, তাহা হইতে পারে না—তাহাতেও প্রায় সমান বিশ্বাস-ভঙ্গ—সমান অকৃতজ্ঞতা—সমান অধর্ম্ম ! যাহার প্রসাদে কাকাল অবস্থা হইতে এই উচ্চপদ পাইয়াছেন—যাহার অভাবনীয় অপার দয়ার প্রভাবেই পৈতৃক রাজ্যোদ্ধারোপযোগী বর্ত্তমান যোগ্যতা ও সুযোগ প্রাপ্ত হইতেছেন—যাহার আশাতিরিক্ত অপরিমিত বিশ্বাস-স্থাপন জন্মি ও যাহার ধন লইয়াই অধীন সৈন্ত-বাহিনী প্রস্তুত বা লাভ করিতে পারিয়াছেন, তাহারই মস্তকে খজাঘাত করণ জন্ম তাহার চাকরি ত্যাগ করা ধর্ম্মের কর্ম্ম হইতে পারে না—তাঁহারই কিরণে ক্ষমতাশালী হইয়া এখন সেই ক্ষমতা তাঁহারই বিরুদ্ধে চালনা করা কোন অবস্থাতেই শ্রায়সঙ্গত কর্তব্য কার্য্য বলিয়া গণ্য হইতে পারে না ! অতএব বল-প্রয়োগ দ্বারা বাহ্য পূরণের প্রস্তাব, যাগ স্বপ্নবৎ একবার কল্পনার উদিত হইল, তাহাই ভাল—আর যেন এমন স্বপ্ন কখনই না দেখিতে হয়, হৃদয় ও মনকে একরূপ সুদৃঢ় করাই উচিত । এবং এ স্বপ্ন দেখিবার পূর্বে

\* কুলু নামক ক্ষুদ্র রাজ্যটি অদ্যাপি সিমলা পাহাড়ের নিকট অর্ধ স্বাধীনাবস্থায় আছে ; তৎকালে তৎসম্বন্ধে স্তার হেনরি এইরূপ লিখিয়াছিলেন ;—“This is a hill state, situated to the North-West of the British Station of Simlah, and lying along the Sutlej : wild and inaccessible, the pinnacles studded with forts, and the country inhabited by a bold and active race, little inclined to submit to any yoke.”

ষিটি মনে উঠিয়াছিল—স্বামী বর্ষ পালনের পুরস্কার স্বরূপ পৈতৃক রাজ্যোদ্ধারের যে সংকল্প হইয়াছিল, তৎপক্ষে যত্ন পাওয়াই কর্তব্য ।”

### ত্রয়োবিংশ পরিচ্ছেদ ।

জীবন বহু ।

রাজ-দূত অপেক্ষা করিতেছে, একখান প্রত্যাভ্র তো লেখা আবশ্যিক । চাঁদ খাঁর নিমিত্ত ভাবিয়া সে রজনীরে ছলীনের নিদ্রার ব্যাঘাত ঘটিল । ছলীনের কোন অনুষ্ঠানেই প্রধান মন্ত্রী যথার্থতঃ দোষ দেখাইতে সমর্থ হইবেন না ! তবে মিথ্যা দোষারোপ ? সে স্বতন্ত্র কথা ! তাহাতে আত্মগোপন তো হইবে না—নিজে নিষ্পাপ, এ আত্মপ্রসাদ তো রহিবে ! সুতরাং তজ্জন্ম চিন্তা কি ? কিন্তু পাছে চাঁদ-খাঁ-সংক্রান্ত অপরাধ, একটী যথার্থ অপরাধ রূপে নিজ মনেও গণ্য করিতে হয় এবং পাছে এই ছল ধরিয়া বিপক্ষেরা বল করিয়া উঠে, ইহাই চিন্তা ।

চৈতন মারামারি কাটাকাটি ভিন্ন আর সকল শাকেই আছেন—কেহ না বলিতে কহিতে আপনিই সর্ব বাপারে কর্তৃত্ব করিয়া বেড়ান—রাজ দূত আইলে তাহাকে যত্ন করা, আহাৰ্য্য ব্যবহার্য্য দেওয়া, কি জন্ম আসিয়াছে ( দূত যদি জানে ) তাহা বাহির করিয়া দেওয়া, এ সমস্ত কাজে তিনি বিশেষ ব্যস্ত থাকেন ! এবারে দূত কি জন্ম আসিয়াছে, তাহা দূত জানে, সুতরাং চৈতনও জানিতে পারিয়াছেন ।

প্রাতে দূত চৈতনকে কহিল যে, “বেলা হইতেছে, প্রত্যাভ্র এখনও পাওয়া গেল না, তাহাতে রৌদ্রে বড় কষ্ট হইবে ।” চৈতন তৎক্ষণাৎ প্রভুর কার্য্য-মন্দিরে গেলেন । গিয়া দেখেন, ছলীন একবার করিয়া লিখিতেছেন আর ছিঁড়িয়া ফেলিতেছেন । চৈতন বুঝিলেন । চৈতনের একটী গুণ আছে, মনে যাহা উদয় হয়, তাহা তৎক্ষণাৎ ফুটিয়া বলেন—চৈতন বাঁললেন—“হজুর ! কিসের এত ভাবনা ? এ রাজ্যে এই রীতি যে, যে সর্দারের যে চাকর বা প্রজা বা অধীন লোক যে কোন দোষ করে, তিনিই তাহার সাজা দিয়া থাকেন । চাঁদ খাঁ আপনার চাকর, লিখিয়া দিউন, আপনিই তাহার বিচার ও দণ্ড করিবেন ।”

তুলীন যেন সূতার খেই খারাইয়াছিলেন, চৈতন যেন খেই ধরিয়া দিলেন ! তুলীন দৃষ্টি দ্বারা সন্তোষ ও মস্তক চালন দ্বারা কৃতজ্ঞতা প্রকাশ পূর্বক খন্-  
খন্ করিয়া সেই ভাবে উত্তর লিখিয়া দিলেন ! অবশেষে লিখিলেন ;—“অত-  
এব চাঁদ গাঁর উচিত দণ্ড যাহা হয়, আমিই দিব—মহারাজকে এই সামান্য  
বিষয়ের জন্ত কষ্ট পাইতে হইবে না—তাহাকে কয়েদে রাখিয়াছি—তাহার  
বিচারও এক প্রকার করিয়াছি। তাহাতে আমার বোধ হইল, সে হত্যা পাপে  
লিপ্ত নয়, অন্তর্বিধ অপরাধে অপরাধী হইতে পারে। যাহাহউক, প্রচলিত  
প্রথানুসারে আমার চাকরের দণ্ড আমিই যথা-বিহিত-রূপে প্রদান করিব।”

প্রত্যুত্তর চলিয়া গেল। তুলীন আশ্চর্য্য ভাবিলেন, পরওয়ানার মধ্যে সূচৎ  
সিংহের হৃদশা সম্বন্ধে কোন কথাই উল্লেখ নাই কেন ? অনুমান করিলেন,  
হয় তো লজ্জার কাহিনী সূচৎ বা তদগ্রজ গোপন রাখিতে বাধা হইতেছে।  
যাহাহউক, তুলীন মনে জানেন যে, তিনি ক্ষমতা ও কর্তব্যের বহির্ভূত কিছুই  
করেন নাই—স্বীয় প্রভুর আদেশানুসারেই কার্য্য করিয়াছেন। তজ্জন্ত ভয়ের  
বিষয় কিছুই হইতে পারে না। বিশেষতঃ লেনা সিংহের সহিত তাঁহার সৌহৃদ্য  
ও সূচতের শিবিরাক্রমণ কাজে লেনা সিংহের সহযোগিতা তুলীনের পক্ষে  
বিশেষ হিতজনক ঘটনা। কারণ লেনা সামান্য ব্যক্তি নহেন, রাজসভায়  
তাঁহার প্রচুর মান ও প্রভুত্ব। তুলীন আশ্চর্য্য জন্মই সূচৎকে আক্রমণ  
করিয়াছেন, লেনা সিংহের পক্ষে সেরূপ কোন কারণ বিদ্যমান ছিল না, সূতরাং  
তাঁহার সহানুভূতি বরং অধিক দোষের বিষয় হইতে পারে। তথাপি লেনা  
যখন এ কাজ করিতে সাহসী হইয়াছেন এবং এ পর্য্যন্ত তাঁহার বিরুদ্ধে যখন  
একটা কথাও কেহ তুলে নাই, তখন বোধ হয়, সেই লজ্জাজনক পরাভবের  
কথা লইয়া বেশী গোলগোল বাঁধাইতে “ব্রাতরয়ের” বড় একটা ইচ্ছা নয় !

যাহাহউক তুলীন লেনা সিংহের প্রতি অন্তরের সহিত কৃতজ্ঞতা প্রকাশ  
করিলেন—তাঁহাকে সর্কাদাই উপহার, বিশেষতঃ মৃগয়া-লব্ধ ও বনপর্ব্বত-জাত  
হুপ্রাপ্য দ্রব্যাদি সহিত বাধাতা-বোধক পত্রাদি পাঠাইতে লাগিলেন—স্বয়ং  
তাঁহার নিকট গমন করিলেন এবং তাঁহাকে নিমন্ত্রণ পূর্বক সমাদরে কাংরায়  
আনিলেন। উভয়ের মিত্রতা ক্রমশঃ আরো সুদৃঢ় হইয়া উঠিল।

যথাকালে তুলীনের পদোত্তরে দরবার হইতে ফকিরজীর স্বাক্ষরিত এক  
লিপি আইল। সে পত্র অতি কৃপা ভাবে লিখিত। চাঁদ গাঁ সম্বন্ধে তুলীন যাহা

লিখিয়াছিলেন, মহারাজা তাহাতে অসম্মত এবং ছলীন যেন পত্রপাঠ দরবারে হাজির হইলেন, না হইলে হাজির করণার্থ সমুচিত উপায় অবলম্বিত হইবে, ইত্যাদি সে লিপির মর্ম্ম । ছলীনকে ফকিরজী যেরূপ আত্মীয়তা ও সৌজন্য সহকারে পত্রাদি লিখিয়া থাকেন, এ পত্রে তাহার বিন্দু বিন্দু নাহি । ছলীন বুঝিলেন, হয় কোন অজ্ঞাত কারণে ফকির যথার্থই প্রতিকূল হইয়াছেন, নয় তো ধ্যান সিংহের ভয়ে প্রতিকূলতার ভাণ মাত্র দেখাইতে বাধ্য হইতেছেন । শেষেরটীর উপরেই তাহার হৃদয় অধিক নির্ভর করিল ।

সেই বাহক-হস্তেই নূতন উকিল সুখনলালও এক আরজি পাঠাইয়াছে । ছলীনের সহিত পাঠক মহাশয়েরও তাহা পাঠ করা উচিত । তন্মর্ম্ম এই ;—

“গ্রহমণ্ডলে যেমন আদিত্য, পঞ্জাবের শাসনকর্ত্তা ও সর্দারমণ্ডলে তেমনি হুজুরের নাম; বশঃ, কীর্ত্তি দীপ্তিমান আছে এবং ভগবানের নিকট প্রার্থনা, আরো হউক ! যদিও এ দাস হুজুরের পুরাতন ভৃত্য নহে, কিন্তু শুভাকাজ্জীর মধ্যে পুরাতন ও প্রধান, তাহাতে সন্দেহ মাত্র করিবেন না । অধীনের কার্য্যেই তাহা প্রকাশ পাইবে—বাক্যে অধিক বলা নিস্প্রয়োজন ।

“ধর্ম্মাবতার ! সময় বড় কর্ণ্য ; বড়র দলে প্রায় সকলের মনই সন্দিহান—প্রত্যেকেই স্বীয় প্রতিবাদী বা প্রতিযোগীর উপর প্রহরিতার তীব্র দৃষ্টি রাখিতেছে—কাহাকে বিশ্বাস করা উচিত বা অনুচিত, কেহ স্থির করিতে পারে না—হুজুরের পক্ষে হুজুরের দাঁন প্রতিনিধিও সেই সংশয় দোলায় ঢলিতেছে !

“স্বয়ং মহারাজার মন বিপর্য্যস্ত হইয়াছে—তাহার স্বাভাবিক শৈশ্বা, গাশ্ঢ়ীয়া ও ধৈর্য্য, এ তিনটা ভাবের এককালেই ব্যত্যয় ঘটয়াছে—তাহার আকার ইঞ্জিতে হুশিস্তা, অশান্তি ও বৈরক্রি স্পষ্ট বিরাজমান দৃষ্ট হইতেছে ! হুজুরের বিপক্ষ বর্গদ্বারা মহারাজা অহর্নিশ পরিবৃত ; হুজুরের বিরুদ্ধে তাহার সর্বদাই তাহার কর্ণাধিকার, মনোযোগাকর্ষণ ও হৃদয়াক্রমণ করিতেছে ; অধিক কি, ভূগতির ভ্রমণ ও বিশ্রাম কালেও তাহার ক্ষান্ত নয় ।

“গত বর্ষা মহারাজা সালিমার উদ্যানে যাইতেছিলেন, আমরা সভাশুদ্ধ সংহতি ছিলাম ; রাত্তার একটা গোড় ফিরিবা মাত্র পার্শ্বতীয় কৃষকের বেশধারী ত্রিশ চল্লিশ জন সহসা পথের পার্শ্ব হইতে মহারাজার অশ্ব সম্মুখে আসিয়া মাষ্টাঙ্গে ভূতলে অবলুণ্ঠন পূর্ব্বক সক্রমণ স্বরে কাংরার শাসনকর্ত্তা সাহেবের অতি নিদারুণ দোরতর সত্যাচার হইতে রক্ষা পাইবার নিমিত্ত আদাঁশ করিল—চীংকাব

পূর্বক শত শত দোহাই দিতে লাগিল ! তাহাদের শরীর জীর্ণ, বদন বিশীর্ণ—  
যেন পেট পূরিয়া থাইতে পার না ! তাহাদের বস্ত্র অতি মলিন, নিতান্ত ছিন্ন—  
শত-গ্রহ্ময় ; যেন অশনই জুটে না, বসন পরিবে কোথা হইতে ! তাহারা  
প্রজা-পীড়ন ও লুণ্ঠনের বর্ণনা পূর্বক ছজুরের নামে যে সব কলঙ্কারোপ আর  
দোষাদ্বেষণ করিল, তাহা এ দাস সবিস্তার লিপিতে অক্ষম ; মেহেতু সে সব  
উক্তি অমর্যাদা-বাচক ! হরকরা ও পাইকেরা তাহাদিগকে তাড়াইয়া দিবার  
ভাগ করিতে লাগিল, কিন্তু তাড়াইল না । চতুর্পার্শ্বস্থ সর্দারগণের অনেকের  
মুখে 'আহা ! আহা ! উঃ ! প্রজাদের এত কষ্ট দেখা যায় না—এরা তো মানুষ  
বটে !' ইত্যাকারের দয়া-মায়া-করণা-প্রকাশক বাক্য-শ্রোত বহির্গত হইতে  
লাগিল ! ঐ কৃষকদিগকে যে সাজাইয়া, গোজাইয়া, শিখাইয়া, পড়াইয়া আনা  
হইয়াছে, তাহা দৃষ্টিমাত্র এ অধীনের বোধ-লব্ধ হইল—অমনি চীৎকার পূর্বক  
বলিলাম 'কখনই সত্য নয়—ইহারা কখনই কাংরার প্রজা নয় !' কিন্তু ছষ্ট সর্দার-  
গণের অত গোলমালের মধ্যে সে কথা মহারাজার কর্ণগোচর হইল কি না,  
নিশ্চয় বলিতে পারি না—সর্দারেরা আমাকে ঠেলিয়া পশ্চাতে ফেলিল, আমি  
সামান্য বাক্তি, সাধ্য কি তাহাদের ঠেলিয়া অগ্রসর হই ?

“রাজা ধ্যান সিংহ তাহাদিগকে প্রতীকারের আশ্বাস দিয়া বিদায় করিলেন  
—মহারাজা কিছুই বলিলেন না, কিন্তু অভিনয়টা বেরূপ সুন্দর প্রণালীতে  
প্রদর্শিত হইল, তাহাতে তাঁহার মন যে কিয়ৎপরিমাণেও বিচলিত ও বিপর্যস্ত  
হইয়াছিল, তাহা যাহারা তখন তাহার মুখ দেখিয়াছিল, তাহাদের মুখে শ্রবণ  
করিয়াছি । বিশেষতঃ মহারাজা বহুক্ষণ পর্য্যন্ত—উদ্যানে গিয়াও—পূর্ববৎ  
হাস্ত পরিহাস বা কথোপকথন করেন নাই, তাহাতেই চিন্তার লক্ষণ স্পষ্ট অনু-  
ভূত হইল । ইহাতে ওহই বুঝায় ;—ছজুরের প্রতি সন্দেহ, প্রথম ভাব ।  
মন্ত্রীগণের প্রতি সন্দেহ, দ্বিতীয় ভাব : অর্থাৎ হয় প্রজাপীড়ন সত্য ভাবিয়া  
ছঃখিত, নয় তো অভিনয়ের মন্থ বুদ্ধিয়া ছজুরের শ্রায় উচ্চতর বিমল-চরিত্র  
কর্মচারীর প্রতি মন্ত্রীগণকে ষড়যন্ত্রা হইতে দেখিয়া বিবাদিত ! ছষ্টের শেষটাই  
যেন ঈশ্বরের কৃপায় সত্য হয় !

“রাজা সূচৎ সিংহ কাংরা হইতে আসিয়া বিপরীত বর্ণে চিত্র করিয়াছেন ।  
তিনি বহু লোকের মিথ্যা সাক্ষ্য দ্বারা প্রমাণ করিয়াছেন যে, তিনি সাহেবের  
কপট মিত্রতা ও শাস্তিপূর্ণ কথায় প্রত্যয় করিয়া নিশ্চিন্ত ভাবে শিবিরে নিদ্রা



যাইতেছিলেন ; সাহেব রাত্রিবোগে অসংখ্য সৈন্ত লইয়া ছাউনিতে পড়িয়া তাঁহার সৈন্ত সংহার করিয়া গেলেন । তিনি তো শত্রুর রাজ্যে যান নাই যে সতর্ক থাকিবেন ! সরকারের চাকর দ্বারা সরকারী সৈন্তের উপর আক্রমণ হইবে, ইহা স্বপ্নের অগোচর । তাঁহার সঙ্গে অতি অল্প সংখ্যক সৈন্ত ছিল, বিশেষ নিরাতঙ্কে নিদ্রিত, তাহাতেই সাহেব নিস্তার পাইয়াছেন । যদি শত্রু-বতার ভাব পূর্বে জানিতেন ও দিবা বা সন্ধ্যাকাল হইত, তবে সেই অল্প সংখ্যক সৈন্ত লইয়াই উপযুক্ত শিক্ষা দিতে পারিতেন—তথাপি তাঁহার অজ্ঞেয় অল্প সৈনিক পরাজিত হয় নাই, বরং সাহেবের বহু সেনা বিনাশ পূর্বক শেবে তাহাদিগকে হটাইয়া দিয়াছিল ।

“জনৈক সভাসদ জিজ্ঞাসিলেন ‘সাহেব এত অসংখ্য সৈন্ত কোথায় পাইলেন ?’ সূচেন্ সিংহ উত্তর দিলেন ‘কেন ? কাংরা ও অগ্রান্ত পার্শ্বত দেশে কি লোক নাই ? দেখিয়া ও শুনিয়া আইলাম, সাহেব প্রতিনিয়তই সৈন্ত সংখ্যা বৃদ্ধি করিতেছেন এবং কোন কোন চুপ্ত সর্দার ও ক্ষত্রিয় রাজার সহিত যোগও দিতেছেন ! নৈলে কি এত বৃকের পাটা হয় যে, সরকারী পরওয়ানা অবহেলা পূর্বক সরকারী সৈন্ত আক্রমণ করিতেও ভয় জন্মে না ! আমি দরবারে এই গুরুতর সংবাদ দিবার জন্তই ফিরিয়া আইলাম, নতুবা যাহা হয় একটা শাসন না করিয়া ছাড়িতাম না ।’

“হজুর ! মহারাজা জানী—মহারাজা প্রায় সকলই বুঝিতে পারেন—কিন্তু একাধিপতি নৃপতি মাত্রেই মন যে স্বভাবতঃ সন্দিগ্ন, তাহা আর ক্ষুদ্রবুদ্ধি দাস জানবান প্রভুকে কি বুঝাইবে । মহারাজা যত শুনিলেন, ততদূর বিশ্বাস না করিতে পারেন ; কিন্তু শুনিয়াছি, সভা ভঙ্গের পর সূচেন্ সিংহ যে সব সর্দার ও রাজাদের নাম করিয়াছেন, তাহারা মহারাজার বিরুদ্ধাচারী, এজন্ত রাজ-হৃদয় চিন্তা-ভারাক্রান্ত হইয়া পড়িয়াছে—কয় দিন তাঁহার পূর্বকার মেজাজ দেখা যায় নাই—একদিবস স্বয়ং কাংরাভিমুখে যাত্রার নিমিত্ত উদ্যোগের আদেশও করিয়াছিলেন ; জানি না, কি কারণে তখন তাহা স্থগিত হইল । কিন্তু বহু সৈন্ত সমাবেশ হইতেছে এবং তত্পর নানা আয়োজন চলিতেছে ; মহারাজ শীঘ্রই যে যাত্রা করিবেন, তাহাতে আর সন্দেহ মাত্র নাই । জনরব তোলা হইয়াছে যে, পর্ততাঞ্চলের কুলু ও মান্নি প্রভৃতি অবশিষ্ট স্বাধীন রাজা গুলিকে অধীন করণোদ্দেশেই যাওয়া হইবে ; কিন্তু সে

কেবল ছল, কাংরাই গম্যস্থল—হয় তো স্বচক্ষে দেখিয়া যাহা হয় করিবেন, ইহাই অভিপ্রায় ।

“লেনা সিংহের সহিত যাহাতে হুজুরের সৌহৃদ্য না থাকিতে পারে, তাহার উপায় চেষ্টা হইতেছে। শুনিতেছি, তাঁহাকে কাংরার শাসন-কর্তৃত্ব পদ প্রদানের প্রস্তাব দ্বারা সে অভিলাষ পূর্ণ করা হইবে—ইহা মহারাজার নিজের কি রাজা ধ্যান সিংহের কৌশল, তাহা সঠিক জানি না ; বোধ হয় শেষোক্ত মহাশয়েরই হইবে ।

“অতএব নিশ্চিত জানিবেন, শবকালে প্রধান মন্ত্রী ছলে বলে এমন ব্যবস্থা করিয়া তুলিবেন যে, মহারাজার নিজের গমন রহিত হইয়া এই সমাহৃত বহু-সৈন্তের শিরে হয় গোলাপ সিংহ নয় সূচেন সিংহকে অধিস্থাপন পূর্বক বিগত পরাজয়ের প্রতিশোধ ও হুজুরের হস্ত হইতে রাজ্যাধিকার হরণ জন্ত তাহারা কাংরায় প্রেরিত হইবে ।

“হুজুর ! রণজিতের বাহিনী পরাভব কাহাকে বলে, বহুকাল জানিত না । কাংরায় সেই পরাভব সংঘটন এবং দরবারের হুকুমনামার অমাণ্ড লইয়া কুচক্রী দল নানা কথা রটাইতেছে। কিন্তু হাটে বাজারে হুজুরের কার্যের প্রকৃত অভিপ্রায় ও প্রকৃত ঘটনার বিবরণ অপ্রকাশিত নাই—জনরবের শত সহস্র মুখে হুজুরের প্রশংসাবাদে লাহোর ও সমগ্র পঞ্জাব পরিপূরিত হইয়াছে—শুদ্ধ সূচেনের প্রশংসা নয়, হুজুরের অসাধারণ গুণমালা ও শাসন সংক্রান্ত সর্বাঙ্গীণ যশঃধ্বনির স্রোত প্রতিনিয়তই তরঙ্গায়িত ভাবে প্রবাহিত হইতেছে—সকলেই, বিশেষ ব্যবসায়ীলোকে মুক্ত-কণ্ঠে কেবল গুণানুবাদ করিতেছে, আর বলিতেছে, লাহোর ও অমৃতসর প্রভৃতি প্রত্যেক স্থানে এমন শাসনকর্তা পাইলে রণজিতের প্রজাদের ভাগ্যে রাগরাজ্য হইয়া উঠে ! তাহা শুনিয়া শুনিয়া শত্রুগণের হিংসা ও ঘেম শতগুণে অধিক প্রবল হইয়া উঠিয়াছে ।”

তুলীন এই সকল প্রতিকূল সংবাদ পাঠে শঙ্কাকুল হইলেন না—পূর্ব প্রতিজ্ঞা স্মরণ এবং সর্ব মঙ্গলাকর পরম বিভূর হস্তে আত্ম-সমর্পণ পূর্বক স্বীয় কর্তব্য পথে অবিচলিত রহিলেন—অধিকন্তু দ্বিগুণ উৎসাহ, দ্বিগুণ অধ্যবসায়, দ্বিগুণ পরিশ্রম সহিত অতি সতর্কতায় স্বকীয় করণীয় কার্য সমূহ সুনির্বাহ এবং যাহাতে ছুষ্টের দমন শিষ্টের পালন সহিত প্রজাপুঞ্জের সুখ সমৃদ্ধির উদ্যোগের শ্রীবৃদ্ধি হয়, তৎপক্ষে প্রাণপণে যত্ন করিতে প্রবৃত্ত রহিলেন ।

হুলীন পার্কত্যা রাজাগণের ষড়যন্ত্রের আভাস পূর্বেই কিছু পাইয়াছিলেন, এক্ষণে তাহা সত্য বলিয়া বুঝিতে পারিলেন । কিন্তু তত গুরু ব্যাপার পরিচ্ছেদের অবসানাবস্থায় বলা উচিত নয় ; তজ্জন্ত “আভাঙা” পরিচ্ছেদের প্রয়োজন !

### চতুর্বিংশ পরিচ্ছেদ ।

উদাসীন ।

জনরব উঠিল—হুলীনের কর্ণেও অধিকার লাভ করিল যে, জয়ন্তী ঘুঠে একজন উদাসীন আসিয়াছেন । তিনি না অবধূত, না পুরমহংস, না দণ্ডী—তিনি যে কি, তাহার নাম পাওয়া ভার ! তাঁহার দেহ অতি অসঙ্গত দীর্ঘ ; তাঁহার তপোবল যেমন হটক, কিন্তু দৈহিক বল অপরিমেয় ; অঙ্গে অস্ত্রাঘাত ও কর-তলে জ্যাঘর্ষণের ছায় চিহ্ন ; সঙ্গে শিষ্যগুলিও প্রায় তদ্রূপ—যেমন গুরু, তেমনি চেলা—কেবল তত দীর্ঘাকার ও তত বলশালী অবশ্যই নহে । শিষ্যগণ সঙ্গে গুরুজী নিশা-শেষে বৃহৎ মুদগরসঞ্চালন এবং বায়াম চর্চা করেন, ইহাও নাকি কেহ কেহ দেখিয়াছে ।

হুলীন গুনিয়া বিশ্বয়াবিষ্ট ও সন্ধিহান হইলেন । একবার স্বচক্ষে দেখা আবশ্যক বিবেচনা করিয়া অগ্রে বরুকে অনুসন্ধান লইতে বলিলেন । কিন্তু চৈতন আসিয়া যাহা নিবেদন করিল, তাহাতে তাঁহার গানস পূর্ণ হইবার সুযোগ ঘটিল—চৈতন নিভূতে বলিল “উদাসীন বাবাজী বিরলে আপনার সচিত একবার সাক্ষাৎ প্রার্থনা করেন ।” ওদিকে গুলাপী আসিয়াও অতি নির্জনে ঐরূপ প্রার্থনা জানাইল । হুলীন বহু চিন্তার পর এবং গুলাপীর বিশেষ অনুরোধে শেষে সন্মত হইলেন । বলিলেন “রাত্রিযোগে উদাসীন যেন একাকী আইসেন ।” গুলাপী বলিল “তিনিও তাই চান ।”

তাহাই হইল—রাত্রি ছয়দণ্ডের পর গুলাপীর সঙ্গে বাবাজী একাই আইলেন—হুলীনের বাসগৃহে সমাদরে গৃহীত হইলেন—তথায় আর কেহই রহিল না—গুলাপীও না । বাবাজীর আকার প্রকার দেখিয়া কনিষ্ঠ ভীম বলিয়া হুলীনের ধারণা হইল !

আমরা পূর্বে বলিতে বিশ্বস্ত হইয়াছি যে, যে রজনীতে হুলীন নিশ্চিতরূপে

জানিতে পারিয়াছিলেন যে, তিনি সূদান-রাজ-কুমার, তাহার পর দিন হইতে নিজগৃহে যতক্ষণ থাকিতেন, ততক্ষণ তাঁহার আর ইউরোপীয় প্রণালীর বেশ-ভূষা বা ভোজন, শয়ন উশবেশনাদির ভাব কিছুই রহিল না। ছলীন তদবধি ক্ষত্রিয় কুলানুক্রমিক প্রথা-প্রিয় হইয়া উঠিলেন। সুতরাং বাবাজীকে গালি-চায় বসাইয়া আপনিও এতদেশীয় প্রথানুসারে তাকিয়াবলপনে বসিয়া আল-বোলা যোগে সুগন্ধ তাম্বুকুটের ধূমপান করিতে লাগিলেন।

বাবাজী ক্রিয়াক্ষণ গৃহের চতুর্দিকের সজ্জাদি নিরীক্ষণ করিতে করিতে ছলীনের মুখপানে বার বার চাহিতে লাগিলেন। শেষে কিসে যেন সন্তোষ লাভ করিয়া হর্ষ-বিকসিত বদনে বলিলেন “সাহেব ! দেখিতেছি, আপনি সে সাহেব নহেন—আপনার ধরণ ও আপনার গৃহের সজ্জাদি দেখিয়া মহা সন্তোষ পাইলাম—আপনার মেজাজ ও বিলাতী রকমের তেড়া বাক্য নয়—আপনার এই সব মহদুগুণ শুনিয়াই সাক্ষাৎ লাভের প্রার্থনা করিতে সাহসী হইয়াছি।”

ছলীন দেখিলেন সন্ন্যাসী ঠাকুরের গায়ের যেমন, নয়নের তেমনি, বাক্যেরও তেমনি জোর। অণ্ড বাক্যাবলী কর্কশ বা শ্রুতি-কঠোর নয়—কণ্ঠস্বর তেজস্বী অণ্ড মিষ্ট—যেন প্রভুত্ব করা তাঁহার অভ্যাস, এমনি সুসত্য সুভব্য উচ্চপদের লোক।

বাবাজী পুনশ্চ আরম্ভ করিলেন “আপনি ইউরোপীয়, আপনার সহিত একজন সন্ন্যাসী আসিয়া দেখা করিতে চাহে, ইহা শুনিয়া আপনি অবশ্যই আশ্চর্য হইয়াছেন। কিন্তু আমাকে যাহা দেখিতেছেন, আমি তাহা নই—আমি যে কে, তাহা এখন বলিতে পারি না, আমার সমুদয় বক্তব্য শুনিবার পর আপনি যেরূপ ব্যবহার করিবেন, তদনুসারেই আমার পরিচয় দানের ব্যবস্থা হইবে। আপাততঃ এই ভিক্ষাটী চাই, আমি যাহা বলিব, তাহা দীর্ঘ বক্তৃতা হইলেও অনুগ্রহ পূরক সাভিনিবেশে শ্রবণ করেন এবং আমার অভিপ্রায় ও প্রস্তাব আপনার অনভিমত হইলেও গোপন রাখেন ও আমার মনের কথা লইয়া আমাকে মানে মানে যাইতে দেন।”

ছলীন বলিলেন “এ ভিক্ষা প্রদানের আর কোন আপত্তি দেখি না, কেবল শুনিবার যোগ্য কথা হয় তো, যত দীর্ঘই হউক, অবশ্যই শুনিব এবং গোপন রাখা ও আপনাকে যাইতে দেওয়ার কথা—তাহা স্বীকার্য্য; তবে শেষেরটী, এই দুর্গ হইতে কি এককালে এই রাজ্য হইতে তাহা পরে বিচার্য্য।”

বাবাজী কহিলেন “জ্ঞানীর যোগ্য কথা বটে, কিন্তু না শুনিগেই বা যোগ্য-যোগ্য বুঝিবেন কিসে ? মনে করুন, প্রথমে আমি একটা ক্ষুদ্র ইতিহাস বর্ণনা করিব—তাহার প্রত্যেক বর্ণ সত্য—বোধ করি তচ্ছ্রবণে আপনার আপত্তি না হইতে পারে ?”

ছলীন । ( মহাশ্বে ) আচ্ছা বলুন—

উদাসীন । এই পঞ্জাব মধ্যে দাসু নামে জাঠজাতীয় এক কৃষক ছিল ; তাহার তিনখানি লাঙ্গল ও একটা কূপ । এদেশে প্রায় কূপের জলেই চাষ হয়, সুতরাং কৃষক সমাজে কূপ যে মহা সম্পত্তি, তাহা আপনি অবগতই জানেন । একটা কূপ আছে বলাতে, তাহার প্রায় শতাবধি বিধা চাষ, ইহাই বুঝায় । সুতরাং দাসু একজন সম্ভ্রান্ত কৃষক । দাসুর পুত্র নোধ এক জমীদারের কন্যা বিবাহ করিল । জমীদার নিজে পহল গ্রহণ করিয়া শিখ হইয়াছিল, জামাতাকেও পহল গ্রহণের প্রবৃত্তি দিয়া শিখ করিয়া লইল ।

ছলীন । পহল গ্রহণ কিরূপে হয় ?

উদাসীন । পথে ঘাটে বাড়ীতে বা ধর্ম্মমন্দিবে যেখানেই হউক, অন্যান্য পাঁচজন শিখ যথায় একত্র উপবিষ্ট, তথায় হিন্দু যবন যে হউক, গিয়া যদি বলে “আমি পূর্ব্ব ধর্ম্মমত ছাড়িয়া অন্তরের সহিত পহল লইতে অর্থাৎ শিখ ( বা শিষ্য ) হইতে চাই,” তৎক্ষণাৎ ঐ শিখেরা নিকটস্থ দোকান হইতে কিছু বাতাসা আনায় ; ভাল জলে সেই বাতাসার সরবৎ করিয়া সেই সরবৎ পহল-গ্রহণার্থীর সঙ্গে ছিটায় ও তাহাতে তাহার চক্ষু ধৌত করে ; তাহাদের মধ্যে যে শিখ সর্কাপেক্ষা বিজ্ঞ ও অভিজ্ঞ, সেই সেই সময় তাহাকে শিখ-ধর্ম্মের মর্ম্ম বুঝাইয়া তাহাকে নব-দীক্ষিত ধর্ম্মানুযায়ী আচরণাদি আজীবন করিবার প্রতিজ্ঞা করাইয়া লয় ; এই মাত্র দীক্ষার প্রক্রিয়া ! পরে সে এক জন গুরু বাছিয়া লয়, সেই গুরু তাহাকে গুরুমুখী ভাষা শিখান ও ধর্ম্মোপদেশ দান করেন । ইহাতেই সে পাকা শিখ হইয়া উঠে ।

ছলীনগণ নোধ সিংহ পহল গ্রহণ করিল, তাহার পর ?

উদাসীন । নোধ সিংহ জমীদারের জামাতা হইতে পারিল ও শিখ হইল, কাজেই সে চাষার পদ ত্যাগ করিয়া সামরিক কক্ষে প্রবৃত্ত হইয়া ফৈজুল্লা-সুল্লিয়া নামা মিশলের কর্তা ( গুজরাট নিবাসী ) কর্পূর সিংহের সৈনিক দলে মিশিল । যথাকালে নোধ সিংহ তিনটা পুত্র রাখিয়া বাঙ্গালা ১১৫৭

সালে \* মরিল । তাহার জ্যেষ্ঠ পুত্র ছত্র ( ছত্র ) সিংহ স্বীয় অমুজ্জ্বল তুল সিংহ ও যোধ সিংহের সাহচর্যে প্রথমে কিছুদিন লুঠ-কারী দস্যুবৎ কাল কাটাইয়া শেষে দলপতি বা মিশলপতি রূপে আপনাদের নিশান উড়াইয়া “ডেয়া” বা শিবির স্থাপনে সমর্থ হইল । ছত্র সিংহ স্বীয় যোগ্যতাবলে অল্প কালেই প্রবল বল-দর্পিত অগ্ৰাণ্য পুরাতন মিশল সমূহের সহিত প্রায় সমকক্ষতা দেখাইতে লাগিল ।

লাহোরের উত্তরে অনতিদূরে গুজরাওলি নামে একটি ক্ষুদ্র গ্রামে ছত্রসিংহ বিবাহ করে । তাহার পত্নীর যত্নে ও শ্বশুর বংশের পাতিরে তথায় আপন পরিজন ও লুণ্ঠিত ধন রক্ষার্থে ছত্রসিংহ একটি সামান্য মাটির কেল্লা নির্মাণ করিল । লাহোর নগর তখন আফগানস্থানীয় যবনদিগের অধীন ; ঐ নূতন কেল্লা লাহোরের যবন শাসনকর্তার চক্ষুশূল হওয়াতে সে কতক গুলি বৈতনিক শিখ সৈন্য লইয়া ছত্র সিংহকে আক্রমণ করিল । কিন্তু শিখেরা বিশ্বাস-ঘাতিতা পূর্বক তাহাকে ফেলিয়া চলিয়া যাওয়াতে যবনপতি কোনমতে আপন প্রাণ বাঁচাইয়া পলাইয়া আইল ।

ইহাতেই আফগানাধিপতি সুপ্রসিদ্ধ আহম্মদ সা আবদালি বাং ১১৬৯ সালে পঞ্জাবে অবতরণ পূর্বক সরহিন্দের যুদ্ধে ভয়ানকরূপে শিখ-শোণিত প্রবাহিত করিয়া যায়—এই জন্মই শিখেরা সে সংগ্রামের “ঘুলু-গোরা” অর্থাৎ “রক্ত-ক্ষেত্র” নাম রাখিয়াছিল ! কিন্তু পরবৎসরে শিখেরা তাহার প্রতিশোধ লইতে সমর্থ হয় এবং শাসনকর্তা জীন খাঁকে বধ পূর্বক সরহিন্দ নগর ছাড়ি ধার করে—সরহিন্দ অদ্যাপিও ধ্বংসাবস্থায় আছে ।

তুলীন । তখন শিখদের কয়টি মিশল ?

উদাসীন । বারটি ; সকল মিশল-পতিই নীচ বংশজ—কেহ বা জাঠজাতীয় কুষক, কেহ বা মেঘপাল, কেহ বা সামান্য শিল্পীর পুত্র । কিন্তু প্রত্যেকেই অসাধারণ রণোৎসাহী—প্রত্যেকেই সামান্য অবস্থা হইতে লুণ্ঠনশীল অসংখ্য অশ্বারোহীর সাহায্যে পদস্থ ! কোন কোন মিশলে দশ বার হাজার এবং বারটি মিশলের সমষ্টিতে দশ বার হাজার সৈন্য ছিল ।

ছত্র সিংহের দল, কি লোক সংখ্যায়, কি অগ্ৰাণ্য বিষয়ে সর্বাপেক্ষা ক্ষীণ-

\* উদাসীন সম্বৎ ধরিয়া বলিয়াছিলেন, পাঠকগণের সুবিধার্থে আমরা তৎপরিবর্তে বাঙ্গলা সাল বনাইলাম—পরবর্তী সন্দর্ভেই এইরূপ করিব ।

তর মিশল ছিল ; কিন্তু নিজ বাহুবল ও বুদ্ধিবলে ছত্র সিংহ অচিরে আপন মিশলকে প্রবল প্রতাপান্বিত করিয়া তুলিল । অমৃতসরে বৈশাখ মাসে ও দেওয়ালি সময়ে মহা-সমারোহময় জাতীয় ষান্মাসিক সভায় ছত্র সিংহের ক্ষমতা ও গুরুত্ব ক্রমে শ্রেষ্ঠরূপে পরিগণিত হইতে লাগিল । সেই মহা-সভায় স্বদেশ-রক্ষা প্রভৃতি অতি গুরুতর বিষয়ের পরামর্শ ও বিচার হইত, ইহা বোধ হয় আপনি শুনিয়াছেন ?

তুলীন । হাঁ শুনিয়াছি— তাহার পর বলুন ?

উদাসীন । জম্মু-রাজপুত্র ব্রজরাজ পিতৃবিরুদ্ধে বিদ্রোহী হইয়া ছত্র সিংহের দৌর্দণ্ড ভূজাশয় গ্রহণ করে । প্রতিপক্ষে পুরাতন ঘনি-মিশলের কর্তা মহা-পরাক্রান্ত জয় সিংহ যোগ দেন । তথাপি ছত্র সিংহের প্রভাবে ব্রজরাজের দলই প্রবল হইতেছিল, এমন কালে স্বীয় বন্দুক ফাটিয়া ছত্রের মৃত্যু ঘটিল, সুতরাং ব্রজরাজেরও পিতৃ-দ্রোহিতার চেষ্টা রহিত হইল, যেহেতু ছত্রই তাহার ছত্র স্বরূপ ছিল ! ছত্রের বয়স্কম মৃত্যু-কালে পরমতাম্বিস বৎসর মাত্র । ছত্র সিংহের পুত্র মহা সিংহ ( বাং ১১৮১ সালে ) পিতৃত্যক্ত বার্ষিক তিন লক্ষ টাকা আয়ের ভূসম্পত্তি এবং পরাক্রান্ত সৈন্যদলের অধিকারী হইল । কিন্তু নিজে নাবালক বিধায় তাহার মাতা তাহার হইয়া সুযোগ্যতাব সহিত অধ্যক্ষতা করিতে লাগিল এবং ঘনি-দল্যতি জয় সিংহের যোগে বাংঘী মিশলাধিপতি ঝাণ্ডা সিংহের বধসাধন দ্বারা পুত্রের সম্পত্তি ও প্রতিপত্তি বৃদ্ধিসাধন করিল ।

তুই বৎসর পরে সিন্ধুরাজ গজপতি সিংহের কন্যার সহিত মহা সিংহের বিবাহ হইল । মহা সিংহ তরুণ বয়সেই অতুল সাহস পরাক্রম প্রকাশ দ্বারা এমন খ্যাতি প্রতিপত্তি লাভ করিল যে, অস্তান্ত মিশল হইতে বহু নিম্ন সর্দার আসিয়া তাহার দলে মিশিল । উষ্ণীষ বদল প্রকরণ দ্বারা মহা সিংহের সহিত উক্ত ব্রজরাজ ধর্ম্য ভ্রাতা সম্পর্ক পাতাইল । পিতৃবিরোধে ব্রজরাজ জম্মুর সিংহাসন পাইল । কিন্তু ইন্দ্রিয়-সেবায় অতিশয় আসক্তি ও অস্তান্ত-কারণে স্ত্রীণ রাজাদের যে দুর্দশা ঘটে, তাহাকে তদবস্থ হইতে হইল । তাহাকে আশ্রু-সমর্থনে অসমর্থ দেখিয়া স্বার্থ-কুশলী মহা সিংহ ধর্ম্য-সম্পর্ক উপেক্ষা পূর্বক স্বয়ং আসিয়া সেই জম্মু রাজ্য আয়সাং করিয়া লইল ! এই ঘটনাতে মহা সিংহের পদৈশ্বর্য প্রচুর পরিমাণে উন্নত হইতে দেখিয়া অনেকে হিংসা করিতে লাগিল । বাংঘী দলের সহিত পূর্ক্যাবধি শত্রুতা ছিল, মহা সিংহ দ্বারা তাহাদের অনেক

অপচরও হইয়াছিল। সুতরাং তাহারা তো শত্রু হইবেই; অধিকন্তু মহা সিংহের পূর্ববন্ধু ঘনিয়া জয়সিংহও হিংসাবশে তাহার বৈরিপক্ষে দাঁড়াইল।

কথিত আছে, উক্ত জয় সিংহকে প্রসন্ন রাখিবার উদ্দেশে মহা সিংহ জম্বু-জয়োসব পরিত্যাগ করিয়াও অমৃতসরে ছুটিয়া আইসে। তথায় জয় সিংহের নিকট গিয়া নানা উপহার দিয়া সান্নিধ্য সস্তাষণ সহিত পূর্ব স্নেহের দরুণ কৃতজ্ঞতা প্রকাশ করে। জয় সিংহ তখন চৌপায়ার উপরি শয়ান—উঠিয়া অভ্যর্থনা কিছই করিল না—তৎপরিবর্তে ঘণার সহিত বলিল “ভাগৃতিরার ( নাচের ছোকরার ) মিষ্ট কথা আর শুনিতে চাই না!” এরূপ কদর্য উক্তি তরুণ মহা সিংহের উষ্ণ শোণিত আরো উষ্ণ—যেন প্রজ্বলিত হইয়া উঠিল, অপমানের প্রতিশোধ ও অহঙ্কারের প্রতিফলদিবার প্রতিজ্ঞা করিয়া মহা সিংহ প্রত্যাগমন করিল। সেই প্রতিজ্ঞা সর্বতোভাবেই সম্পূর্ণ হইয়াছিল।

বাংঘী ও খনি উভয় মিশলের বিরুদ্ধে একাকী সফল হওয়া হুরূহ বোধে মহা সিংহ অল্প সহায় সংগ্রহ করিল। আপনি এখন যে কাংরার শাসনকর্তা, এই কাংরা রাজ্যের বিখ্যাত রাজা সংসারচাঁদকে ছুঁষ্টেরা তখন নানা ছলে রাজ্য-ভ্রষ্ট করিয়াছিল, মহা সিংহ তাহাকে ও রাম ঘরিয়্যার পদচ্যুত যশোধর সিংহকে আহ্বান করাতে তাহারা আছলাদ পূর্বক মহা সিংহের সহিত সংযুক্ত হইল—এবং অবিলম্বেই বিপক্ষগণকে যুদ্ধ দান করিল। সেই যুদ্ধে জয় সিংহ স্বীয় সুযোগ্য প্রিয় পুত্র গুরুবন্দকে হারায় এবং এত নিশ্চমরূপে পরাস্ত ও নিস্তেজ হইয়া পড়ে, পূর্ব গর্ব সর্ব সম্পূর্ণ খর্ব হইয়া অপমানজনক সন্ধি ভিক্ষা দ্বারা সে যাত্রা কোনমতে কথঞ্চিৎ পারিগ্রাণ পাইতে বাধ্য হয়।

কালের গতি অতি বিচিত্র—যে সংসারচাঁদকে মহাসিংহ স্বীয় পৈতৃক রাজ্যের ভ্রষ্ট সিংহাসনে বসাইয়া পুণ্য সঞ্চয় করিল, সেই মহাসিংহের পুত্রই সেই সংসার চাঁদের সিংহাসন হরণ রূপ মহা পাপ করিল! সংসারচাঁদের পুত্রবধু ও পৌত্রী আপনার আশ্রয়ে দীনা-হীনাৎ কালহরণ করিতেছে, আপনি তাহাদের প্রতি প্রশংসিত দয়া মায়া বিতরণ করিতেছেন, সেই জন্তই সংসারচাঁদের কথাটা এত করিয়া বলিলাম।

তুলীন। আপনার এ সব বর্ণনার অতিপ্রায় কি?

উদাসীন। আর একটু অপেক্ষা করুন—কালের কুটীল কাণ্ড আর একটু শুনুন। ঐ ঘটনা-বাং ১১৮৯ সালে ঘটে; তাহারি তিন বৎসর পরে সেই



পরাজিত জয় সিংহের পৌত্রী, অর্থাৎ মহা সিংহ-কর্তৃক যে গুরুবল্ল নিহত, সেই রণশয্যাশায়ী গুরুবল্লের কন্যা মহাতাপকুমারীর সহিত জেতু মহা সিংহের পুত্র—আপনাদের যিনি এখন মহারাজা—তাঁহারই বিবাহ ঘটয়া উঠিল ! এমন অসম্ভব ব্যাপার কিসে ঘটিল, তাহা বলি ;—জয় সিংহের পূর্বকার গর্ভ কথা তো শুনিলেন । পরে সেই গর্ভিত জয় সিংহের এমন দুর্দশা ঘটে যে, তাহার বিধবা পুত্রবধু সূধা-কুনয়ার ( কুমারী ) বলে ছলে শত্রুরের সমস্ত অধিকার হইতে শত্রুরকে ও শত্রুরের অপর দুই পুত্র, নিধান ও বাঘ সিংহকে বঞ্চিত করিয়া আপনি সর্বেশ্বরী হইয়া উঠিল ! শুদ্ধ সম্পত্তি-হারিণী নয়, মান-ঘাতি-নীও হইল ! কেননা, স্বীয় স্বামীহস্তা ও শত্রুরের পরম শত্রু যে মহাসিংহ, তাহারি পুত্র রণজিৎকে স্বীয় কন্যা সম্প্রদান করিল !

স্বার্থোপাসক ও সর্বগ্রাসক মহাসিংহের শেষ কার্য্যও তাহার নিজের পূর্ব জীবনের ও তাহার বিশ্বাসদ্রোহী বংশের অনুরূপই হইয়াছিল ! মহা সিংহের ভগ্নীপতি সাহেব সিংহ, গুজরাটের স্বাধীন সর্দার । এত ঘনিষ্ঠ সম্পর্ক সত্ত্বেও সাহেব সিংহ স্বীয় পিতৃ-বিয়োগে যেই মাত্র পৈতৃক পদে বসিয়াছে, অমনি মহা সিংহ তাহার নিকট কর চাহিয়া পাঠাইল । সাহেব সিংহ ভৎসনা ও ঘৃণার সহিত তাহাতে অসম্মত হইলে মহা সিংহ অনায়াসে তাহার দুর্গ আক্রমণ করিল । কিন্তু সাহেব সিংহ অকুতোভয়ে আত্ম-সমর্থনে সমর্থ হওয়াতে কয়েক মাস ধরিয়া এই লজ্জাকর অবরোধ চলিল । এমন সময় তত্রত্য শিবিরেই মহা সিংহ সাংঘাতিক রোগাক্রান্ত হইয়া স্বীয় আবাস-দুর্গ গুজরাটলিতে বাইতে বাধ্য হইল । সেই রোগে, যৌবনাবস্থাতেই, সপ্তবিংশতি বৎসর মাত্র বয়ঃ-ক্রমে, মহা সিংহের প্রাণবিয়োগ ঘটিল ।

মহা সিংহ সপ্তদশ বর্ষ বয়সে পৈতৃক আধিপত্য স্বহস্তে গ্রহণ করে । সেই তরুণ কালেই অতুল সাহস, পরাক্রম, বিষয়বুদ্ধির সুপকতা ও সুদক্ষতা দেখা-ইয়া স্বীয় অধিকার ও ক্ষমতা বিস্তার করিতে সক্ষম হয় । কিন্তু যোগ্যতায় কি করে, বহু বহু বিশ্বাসঘাতিতার সঙ্গে মাতৃ-হত্যা রূপ ভয়ানক মহাপাপে লিপ্ত হইতেও কুণ্ঠিত হয় নাই ! যদিও তাহার মাতার অপরাধ অসহনীয়—এক ব্রাহ্মণের সহিত ব্যভিচার—তথাপি মাতৃহত্যা ! তাহার পুত্র রণজিৎ সিংহও পিতৃ দৃষ্টান্তানুগমনে ঐরূপ অসহনীয় কারণে স্বীয় জননীর হস্তা হইয়াছে !

পিতৃবিয়োগ সময়ে রণজিতের দ্বাদশ বর্ষ মাত্র বয়স্ক । সেই অপ্রাপ্ত-

ব্যবহারাবস্থায় তাহার স্বশ্রম সুধাকুমারী ও তাহার মাতা ( স্বীয় উপপতির সাহায্যে ) রাজ্য রক্ষা করিয়াছিল । বাঙ্গালা ১২০০ সালে রণজিৎ সপ্তদশ বর্ষ বয়সে স্বহস্তে শাসনভার গ্রহণ করে । কিন্তু কয়েক বৎসর চতুরা সুধাকুমারীর তীক্ষ্ণ বুদ্ধির দ্বারাই রণজিৎ চালিত হইয়াছিল । স্বার্থ-সাধন উদ্দেশে রণজিতের বিশ্বাসঘাতিতা ও ধর্ম্মাধর্ম্ম-জ্ঞান-শূন্যতার কথা, আপনি যখন এত বৎসর পঞ্জাবে আছেন, অবশ্যই শুনিয়া থাকিবেন । কেননা, সেই শাণ্ডী সুধাকুমারীর দশা এখন যেরূপ স্মরণীয় হইয়াছে এবং মূলতান ও কাশ্মীরাদি রাজ্য রণজিৎ যেরূপে অপহরণ করিয়াছে—বিশেষতঃ এই কাংরা ও অগ্নাত্য পার্বত্য প্রদেশ সকল যে পকার ছলে, বলে, কৌশলে—যে প্রকার অতুলনীয় বিশ্বাসঘাতিতা ও নিন্দয়তান সাহচর্য্যে স্বীয় কর-কবলিত করিতে পারিয়াছে, সে সব কথা সর্ব্বত্রই রাষ্ট্র আছে এবং সর্ব্বদা সর্ব্বশ্রেণীর লোকই তাহার জল্পনা করিয়া থাকে ! পঞ্চনদ-ময় পঞ্জাবের দশা বাহাই হউক—তরতা প্রজা ও সর্দারমণ্ডলী সুখে দুঃখে যে অবস্থায় থাকুক—যথার্থ বলিতে গেলে, অত্রতা অধিকাংশ লোক বরং একপ্রকার সুখ-স্বচ্ছন্দতায় আছে এবং রণজিতের গৌরবে আপনাদিগকে গৌরবান্বিত জ্ঞান করিতেছে ; কিন্তু পার্বত্য অঞ্চলের অধীন রাজা প্রজারা যেরূপ মর্ম্মভেদী যন্ত্রণায় কালক্ষেপণে বাধা হইতেছে, তাহা আমি সম্পূর্ণরূপে বুঝিলেও বুঝাইতে অসমর্থ । কাংরায় আসিয়া আপনি তাহার ভাব কিয়দংশে প্রত্যক্ষ করিয়াছেন ও ক্রমে তাহার অশেষ বিশেষ প্রতীকার করিয়া তুলিতেছেন—তচ্ছত্র ভগবান আপনার মঙ্গল করুন ! কিন্তু তথাপি আপনার সে প্রত্যক্ষ কিয়দংশে ! কারণ, অগ্নাত্য স্থানীয় শাসকের তুলনায় দণ্ডবর সিংহকে তো দয়ালু ঠাকুর বলিলেও বলা যায় ! সুতরাং অগ্নাত্য বাহা হইয়া আসিতেছে, কাংরার দশা দর্শনে তাহার আংশিক ভিন্ন কদাচই সর্বাঙ্গীণ মর্ম্মোদ্বেদ করিতে পারেন নাই । কাংরা তো রণজিতের “খাস” অধিকারভুক্ত—তোষামোদকারী পারিষদগণের—বিশেষ প্রধান তিন রাক্ষস ভ্রাতার—বিশেষতঃ সর্ব্বজ্যেষ্ঠ সর্ব্বভূক্ত গোলাপ সিংহের জায়গির নহে !

মহা শত্রুর দোষ গুণ বর্ণনাতেও ধর্ম্ম কথা বলা উচিত । অতএব ধর্ম্মতঃ বলিতে গেলে, মহারাজা রণজিতের অন্তঃকরণে বরং দয়া মায়া ও সুপালনের ইচ্ছা বলবতী আছে—রণজিতের অন্তরে রাজ-যোগ্য বহু বহু গুণ দৃষ্ট হয়, কেবল দুই একটি প্রধান দোষেই পয়ঃপূর্ণ কুস্ত্রে গোরোচনা পতনবৎ সকল গুণ

নষ্টপ্রায় হইতেছে ! তন্মধ্যে শ্রেষ্ঠ দোষ এই যে, মন্ত্রী ও কর্মচারী নিরীক্ষণ বিষয়ে অপারকতা অথবা তাহাদের ধৃষ্টতা ও অবখা আধিপত্য-দমনে উদাসীন ! রণজিৎ যে লোক চিনিতে পারেন না, তাহাও স্বীকার করা যায় না—নচেৎ আপনাকে অতাল্প আলাপে এমন পদ প্রদানে কখনই সাহসী হইতেন না ! তবেই হইল, সমস্ত জানিয়া শুনিয়া বুঝিয়া ও যখন এমন শাসকগণ দ্বারা রাজ্য শাসন করিতেছেন, তখন এই সব কুশাসন জন্ত রণজিৎ আরো অধিক অপরাধী ! রাজার শাসন থাকিলে বা প্রশয় না পাইলে কি এত নিদারুণ অত্যাচার করিতে অদীন কর্মচারীরা সাহসী হইতে পারে ? যেন-তেন-প্রকারেণ সেই প্রশয় ও অনুগ্রহ লাভে সমর্থ হয় বলিয়াই তো তাহাদের এতদূর বৃকের পাটা !

আপনার নিকট কোন কথা কি কাহারো নাম মুক্তকণ্ঠে ব্যক্ত করিতে কোন দোষ নাই—আপনি সাধু, সজ্জন, সদাশয় পুরুষ ! ব্যক্ত করিব বলিয়াই আ'জু আসিয়াছি । আপনাকে সতাই কহিতেছি, পার্শ্বত্যা অঞ্চল জালাতন হইয়া উঠিয়াছে । সর্বাপেক্ষা নিষ্ঠুর নরাদম গোলাপ সিংহের অত্যাচার নিতান্তই অসহনীয়—বহুকালাবধি তাহার পাপের ভারে বসুমতী অস্থিরা—পর্কতবাসী প্রজা-কুলও নিতান্ত ব্যাকুল হইয়া পড়িয়াছে—আর তাহাদের সর না ! আমাদের শাস্ত্রে বলে, বরং সূর্যের প্রথরতম কিরণও সহ হয়, কিন্তু সূর্যাতপে উত্তপ্ত যে বালুকা, তাহা নিতান্তই অসহ—তাহার উত্তাপে পায়ে ফোঁকা হয়—তাহার উপর দিয়া চলা যায় না—মরুভূমে তাহার জন্তই জীবের জীবন নষ্ট হয় ! আমরা পার্শ্বত্যা অঞ্চলের লোক সেই মরুভূমে পতিত, তন্মধ্যে আপনিই কেবল উসরভূমি—আপনার করুণাই স্বচ্ছ সরোবর—তৎপ্রতিই লোকের এখন আশা ভরসা সব !

তুলীন । (সবিস্ময়ে) আমার উপর আশা ভরসা ? আপনি যাহা বাহা বর্ণনা করিলেন, সকলই সত্য হইতে পারে এবং আমার দ্বারা—আমার দেহ পাত দ্বারাও—স্বধর্ম রক্ষা-পূর্বক আমার কোনরূপ যত্নে বা সাধনে যদি কোন প্রতীকারের সম্ভাবনা থাকে, তবে আমি তদন্তেই তৎপক্ষে—অতি দুঃস্থ হইলেও—প্রাণপণ করিতে প্রস্তুত আছি । কিন্তু আমার দ্বারা যে কিঞ্চিন্মাত্রও হইতে পারে, এমন তো আমার ক্ষুদ্র বুদ্ধি ভাবিয়া পাইতেছে না ।

উদাসীন অবনত বদনে বহুক্ষণ চিন্তার পর এবং মুখ তুলিয়া সাগ্রহ দৃষ্টিতে

হুলীনের প্রশান্ত মূর্তির প্রতি কিয়ৎক্ষণ নিরীক্ষণের পর মৃদুস্বরে কহিল “যদি অভয় পাই, বলিতে পারি ।”

হুলীন । কিরূপ অভয় ?

উদাসীন । যাহা শুনিবেন, তাহা আপনার মনোমত হউক না হউক, আপনার হৃদয়েই নিহিত রহিবে—ভুলিবার সম্ভাবনা না থাকিলেও সে কথা যেন ভুলিয়া গিয়াছেন বা আপনি শুনে নাই, এইরূপ ভাব দাঁড়াইবে—এক কথায়, তৎস্মৃত্তে, তৎসম্বন্ধে, তদবলম্বনে বা তদ্বিকল্পে আমার সম্মতি ব্যতীত আপনি কোন কার্য্যামুষ্ঠান করিবেন না ও কাহাকেও কিছু বলিবেন না, এইটী স্বীকার ও এই অভয় দানটী করুন, তাহা হইলে নিরুদ্ধেগে নিবেদন করি !

হুলীন । ( সহাস্তে ) এখন যদি সেইরূপ স্বীকার করিয়া কথাটী শুনিয়া শেষে অঙ্গীকার ভঙ্গ করি ?

উদাসীন । আমার সে ভয় থাকিলে, অঙ্গীকার চাহিব কেন ? আপনাকে আমি জানি, জানি বলিয়াই বিন্দুমাত্রও আমার সে আশঙ্কা নাই !

হুলীন । তথাপি একজন অল্প-পরিচিত বিদেশীর সত্য-পালন-ধর্ম্মের উপর নির্ভর করিয়া এত বড় গুরুতর বিষয়ের দায়িত্ব স্বন্ধে লওয়া আপনার উচিত নয় ! আপনার উচিত বোধ হইলেও সেরূপ প্রগাঢ় গুহ্য কথা শ্রবণ করা আমারও কর্তব্য বলিয়া বোধ হইতেছে না । অতএব ক্ষমা করুন, আমি তাহা শুনিতে চাহি না—আমার গৃহে পদার্পণ পূর্ব্বক কিয়ৎক্ষণ সদালাপ দ্বারা ধস্ত করিলেন, এই পর্য্যন্ত ভাল, আর অধিক আবশ্যক করে না—আপনি আশা-তীতরূপে আমার প্রতি অতিরিক্ত বিশ্বাস স্থাপন রূপ যে অসাধারণ অমুকম্পা প্রকাশোদ্যত, কোন বিশিষ্ট হেতু বশতঃ আমি সে দয়ার অযোগ্য অথবা সে দয়া গ্রহণে অসমর্থ !

উদাসীন আশ্চর্য্য হইয়া বিস্তর অনুরোধ ও অমুনয় করিল—শেষে কোন প্রতিজ্ঞায় বদ্ধ না করাইয়াও আত্ম গূঢ়-কথা শুনাইবার জন্ত অশেষ বিশেষ যত্ন করিল, কিন্তু ধর্ম্মশীল প্রাজ্ঞ হুলীন কিছুতেই সম্মত হইলেন না—অবশেষে সৌজন্তের সীমা অতিক্রম পূর্ব্বক স্পষ্ট বলিতে বাধ্য হইলেন যে, “আমি কোন-মতেই আপনার গূঢ় কথা শুনিব না এবং আপনার যে কোন অভিসন্ধি থাকুক, আমি হইতে তাহার এক-কণিকামাত্রও সিদ্ধ হইবে না, বরং বিপরীত ফলের সম্ভাবনা ; অতএব গুলাপীকে ডাকি, অমুগ্রহ পূর্ব্বক যথাস্থানে গমন করুন—

অধিকন্তু ভরসা ও বিনীত প্রার্থনা এই, জয়ন্তা তীথে আপনার দীর্ঘ অবস্থান অপেক্ষা অন্য তীর্থে গিয়া স্বীয় মন্ত্র সাধন করুন, তজ্জন্তু অদ্য প্রত্যয়েই বাত্রা হইলে ভাল হয়—আপনি সুনিষ্ঠ, আপনাকে অধিক বলা বাহুল্য—সুমেধা বীরের প্রতি ইঙ্গিত মাত্রই যথেষ্ট।”

### পঞ্চবিংশ পরিচ্ছেদ ।

স্বতঃসম্মতি :

যখন কোন গোলযোগ বা বিশেষ কিছু ঝগড়া না থাকিত, ছলীন অপরাহ্নিক ভ্রমণের পর পরিচ্ছদ পরিবর্তন করিয়া প্রতি সন্ধ্যাকালে সদয়েশ্বরী লীলাকে সঙ্গে লইয়া যুগল অশ্বারোহণে দুর্গ-বুরুজের উপর চতুর্দিক তত্ত্বাবধানে বাহির হইতেন। লীলা যে তাঁহার ভাবী পত্নী, এ কথা সকলেই জানিত। সুতরাং এই সুধময় সাক্ষ্য ও নৈশ পর্ষটন গোপন করিবার প্রয়োজন ছিল না—ইহাতে তাঁহাদের সুখ যেমন অসীম, দর্শক মাত্রেরই সন্তোষ তেমনি গভীর হইত। প্রত্যাগমনান্তে আলোকমালায় খচিত একটি সুবিশাল সুরমা গৃহে গিয়া ছলীন প্রিয়তমা রাজপুত্র-কন্যাকে অসিচালনা শিক্ষা দিতেন। ইটী লীলার নিজের ইচ্ছা ও প্রার্থনাতেই আরম্ভ হয়—লীলা বাল্যকালেও অশ্ব-চালনে সম্পূর্ণ ও অসি-চালনে কিয়ৎ পরিমাণে অভাস্তা ছিল। সুতরাং অল্প সময় মধ্যেই স্বেচ্ছায় অশ্বচালনার অল্পময় দীক্ষার ফল ফলিল—লীলা সুশিক্ষিতা বীর-নারী হইয়া উঠিল। ঐ ব্যায়াম চর্চার পর উভয়ে ছলীনের গৃহে আসিয়া, রাণী চন্দ্রকুমারী ও গুলাপীর সহিত মিলিতেন। প্রায় প্রত্যহই এইরূপ হইত—নানা কথোপকথন চলিত।

পূর্ব-পরিচ্ছেদ-বর্ণিত সন্ন্যাসী-সংক্রান্ত ঘটনার পর রজনীতে গুলাপীকে সন্দোধন করিয়া ছলীন কহিলেন “বুড়ী মা ! সেই উদাসীন বীর কে ? তুমি তাহার পরিচয় অবশ্যই জ্ঞাত আছ—নচেৎ তাহার জন্ত অত অনুরোধ করিতে না—সঙ্গে করিয়াও আনিতে না !”

গুলাপী প্রথমে নিরুত্তর রহিল; শেষে পুনর্বার জিজ্ঞাসিত হইলে বলিল, “হঁা বাবা ! আমি তাঁহাকে জানি, কিন্তু তিনি যখন তোমার রাজ্য হইতে চলিয়া গিয়াছেন, তখন আর তাঁহার নাম শুনিয়া ফল কি ?”

হুলীন । ফল আছে, বিশেষ প্রয়োজন না থাকিলে তোমার যাহাতে অনিচ্ছা, তাহা জানিতে যত্ন করিতাম না । আমার প্রতি তোমার বথার্থ পূত্রবৎ স্নেহ, তাহা আমি নিশ্চিত জানি ; কিন্তু তুমি ত্রীলোক—তুমি যত বুদ্ধিমতীই হও, তথাপি তুমি বুঝিতে পার নাই যে, সেই লোকটীকে আমার কাছে আনাতে আমার কত দূর অমঙ্গল হইয়াছে !

তিন জন শ্রোতাই চমকিয়া উঠিয়া বলিলেন “অমঙ্গল !”

হুলীন । হাঁ অমঙ্গল ! এখনও যদি তাহার পরিচয় পাই, তবে হয় তো প্রতিবিধান করিলেও করিতে পারি ।

লীলা । বুড়ী মা ! বল ? না বলিলে আমি ছাড়িব না—

শুলাপী । বাবা ! এ ব্যক্তি আলুওয়াল মিশলের কর্তা অহমদ সিংহের পুত্র ; ইঁহার নাম প্রচণ্ড সিংহ ; ইঁহারা অগ্ৰ্য সর্দারদের সহিত রণজিতের বিরুদ্ধে উখিত হইয়াছিলেন ; শতদ্রু নদীর দক্ষিণে নিশানওয়াল, সাহিদ ও কুলকিয়া মিশল তিনটী ইংরাজের শরণাপন্ন হইয়া যার যাহা বিষয় স্বচ্ছন্দে ভোগ করিতে পাইল—ইংরাজের সঙ্গে কিরূপ বন্দোবস্ত হওয়াতে রণজিৎ তাহাদের কিছুই বলিতে পারিল না । সেই দেখা দেখি আলুওয়াল এবং আর দুই এক সর্দারও বিদ্রোহী হইয়া ইংরাজের আশ্রয় ভিক্ষা চায় । কিন্তু ঐ বন্দোবস্তের মধ্যে ইংরাজ ও রণজিতের অধিকারের যে সীমা স্থির হইয়াছিল, তাহাতে ইংরাজেরা নাকি ইঁহাদিগকে আশ্রয় দিতে ও রক্ষা করিতে পারেন না । তাহাতেই রণজিৎ ইঁহাদের সমস্ত কাড়িয়া কুড়িয়া লইল । ইঁহারা যদি আর সকলের গ্ৰাম পদানত হইতেন, তবে হয় তো এক প্রকার সুখে দুঃখে থাকিতে পাইতেন । কিন্তু ইঁহারা বড় তেজস্বী, সে অধীনতা স্বীকার না করিয়া কেবল ঘুরিয়া ঘুরিয়া বেড়াইতেছেন ! কতবার কত চেষ্টা করিলেন, কিছুই হয় নাই । ইঁহার পিতা শেষে কানীধামে বাস করিতেছেন ; ইনি লুধিয়ানা, কর্ণাল ও সিমলা প্রভৃতি নিকটবর্তী ইংরাজাধিকারের মধ্যে সুযোগ সন্ধানে বেড়াইতেছেন—আমি যখন পলাইয়া লুধিয়ানাতে গিয়াছিলাম, তখনই ইঁহার সহিত আমার আলাপ পরিচয় হইয়াছিল ।

হুলীন । এখন এখানে সন্ন্যাসী বেশে আসিবার অভিপ্রায় কি ?

শুলাপী । তাহা জানি না—আমার মত সামান্ত লোককে কি তিনি তাহা বলেন ? আমি যখন জয়ন্তী মধ্যে তাঁহাকে চিনিতে পারিলাম—অমন

ভীমকে যে একবার দেখিয়াছে, কে না চিনিতে পারে?—অমন আগুন কি ভস্মে ঢাকা থাকে?—যেই মাত্র তিনিও বুঝিলেন যে, আমি তাঁহাকে চিনিতে পারিলাম, অমনি আমার বর্তমান অবস্থানের স্থানাঙ্গ জিজ্ঞাসার পর কাহাকেও তাঁহার পরিচয় বলিতে নিষেধ পূর্বক আমাকে শপথ করাইলেন যে, তোমার সহিত তাঁহার সাক্ষাতের পূর্বে তোমাকেও তাঁহার নাম পর্য্যন্তও বলিতে পারিব না। সুতরাং এখানে যে কেন আসিয়াছিলেন, তাহা আমার জানিবার সম্ভাবনা কি? তবে অনুমানে বোধ হইতেছে, পাহাড় অঞ্চলের সকল রাজা রাজ্জা সর্দার প্রভৃতি একবাক্য হইয়া কি একটা ঘটাইবে বলিয়া যে জনরব শুনা যাইতেছে, তিনি হয় তো তাহাদেরই দলে মিশিয়াছেন ও তাহাদের পরামর্শানুসারেই হউক, বা নিজের বুদ্ধিতেই হউক, তোমাকে সেই পরামর্শে ফেলিতে বা উপরোধ অনুরোধ করিতে আসিয়াছিলেন।

হুলীন। এ যদি ভাবিয়াছিলে, আর এত যদি বুঝিতে পার, তবে কি বলিয়া অগ্রে আমাকে তাহার কিছুমাত্র আভাস না দিয়া ও আমাকে সন্দেহ না করিয়া একেবারে তাঁহাকে আনিলে? তাহাতে মহারাজার কাছে শক্ররা আমার নামে যে সর্বনাশ ঘটাইয়া তুলিবে, সে সহজ কথাটাও কি তুমি বুঝিতে পার নাই?

লীলা কাপিতে লাগিল—কাঁদিয়া ফেলিল—লীলা হুলীনের কাছেই বসিয়া ছিল, চুপি চুপি বলিল, “এ দেশে আর না—চল আমরা পলাইয়া যাই!”

হুলীন অভয়দানে সাহসনা করিলেন।

গুলাপী বলিল “বাবা! বুঝিব না কেন, তাহার কতক আভাস মনে উদয় হইয়াছিল, কিন্তু অভাগিনী আর একরূপ ভাবিয়াছিল—এখনও তাহাই ভাবিতেছে—যদি এই সুযোগে সূদানের উদ্ধার করিতে পার, তবে কি না হয়—আবার যে রাজপুত্র সেই রাজপুত্রই হও—রাজপুত্রই বা আর বলি কেন? এখন মহারাজা—পিতৃপিতামহের সিংহাসনে আবার বিক্রমজ্বিতের পুত্র মহারাজা হইবে, এক সামান্য আহ্লাদের কথা! (উর্দ্ধমুখে) মা ভবানি! এমন দিন কি দিবে মা? হায়, এই পোড়া চক্ষু কি আবার তাহা দেখিতে পাইবে?”

গুলাপীর নয়ন যেন বাতুলের চক্ষুর ঞ্চায় ঘুরিতে লাগিল—গুলাপীর সর্বাঙ্গ কম্পিত হইয়া উঠিল—গুলাপী যেন বাহু জ্ঞান হারায় এমনি বোধ হইল! সে ভাব দেখিয়া রাণী চন্দ্রকুমারী মিলি বচনে সাহসনা করিতে লাগিলেন।

হুলীন দেখিলেন, শুদ্ধ মিশ্র কথার কন্ঠ নয়. অতএব একটু বৈরক্তি সহিত বিবিধ ভয় প্রদর্শন করিলেন । ভয় ভাবনায় গুলাপী প্রকৃতিস্তা হইয়া কহিল “তবে এখন উপায় কি ?”

হুলীন বলিলেন “চিন্তা এমন কিছুই না ; এখন অধি সাবধান হও, কদাচ কাহারো কথায় ভুলিও না—মহারাজার বিরুদ্ধে কোন কথায় থাকিও না—তাহার প্রতিকূল কোন ব্যক্তির সহিত আলাপও করিও না । তোমার আমার জন্ত তো তও ভাবি না—তুমি প্রাচীনা, তোমাকে কেহই কিছু বলিবে না—”

• গুলাপী . বলিলেও আমি গ্রাহ্য করি না—বড় জোর পাঁপঠেরা শুলে দিবে, তাহাতে গুলাপী ভয় পায় না ।

হুলীন । আমার জন্তও ভাবি না—পোড়া আর তরবার আর জনকত বিখ্যাতী সহচর লইয়া আসিয়াছি, তাহা লইয়াই চলিয়া যাইব ! কিন্তু আমার নিজের প্রাণ অপেক্ষাও প্রিয়তর এই দুইটা অমূল্য জীবন জন্তই চিন্তা—পাছে দুষ্টগণ ছলে বলে আমার এই মন্থস্থানে কোনরূপ আঘাত করিবার সুযোগ পায়, ইহাই আমার এখনকার অপর চিন্তা ! অতএব যেমন বলিলাম, বুড়ী না ! তোমাকে নিদান ইহাদের নিমিত্তও সাবধানে চলিতে হইবে ।

লীলা । হায় ! আমার বুড়ী মার এত ভুল হইল কেন ? তুমি কি জাননা, এ পোড়া দেশের, পুরাতন বংশ মাত্রেই প্রতি বিধাতা প্রতিকূল ? এখন কি আর কাংরা বা সুদান রাজা ফিরিয়া পাইবার তিল মাত্রও সম্ভাবনা আছে ? খদ্যাপও কোনমতে আমার জীবিতের তাহার ও আমার পৈতৃক রাজ্য উদ্ধার করেন, তাহাতেই কি আর শান্তি-সুখ হইতে পারিবে ? পঞ্জাব-সিংহের এখন অতুল বিভব—সিংহ-প্রভাপ । তিনি কি তাহার সাম্রাজ্যের অঙ্গ প্রত্যঙ্গ হারাইয়া নিশ্চিন্ত হইয়া বসিয়া থাকিবেন ? তিনি কি এই অপচয় আর এই অপমান জীবন-সহে সহ্য করিবেন ? তিনি কি তাহার অসংখ্য সৈন্য ও অসীম ক্ষমতার সহায়তায় প্রাণপণে প্রতিশোধ লইতে চেষ্টা পাইবেন না ? পার্শ্ব গ্য সমস্ত রাজগণ এখন নিতান্ত নিস্তেজ—বিশ হারাইয়া চোঁড়া—মনের আক্রোশ ভিন্ন তাহাদের আর অন্য যোগ্যতা এখন কি আছে ? আমার হুলীন কি এতই নিরোধ বে, সেই অকম্পন্য সাম্রাজ্য সাহায্যবল লইয়া অধিতীয় গণ-জিহের সহিত প্রতিদ্বন্দ্বীতা ও মনকর্মতা দেখাইতে যাইবেন ? তাহাকে কি



এমনি আমার অবোধ বুঝিয়াছ যে, তিনি জানিয়া শুনিয়া অগ্নিতে হাত দিবেন—কালফণির মাথার মণি কাড়িয়া লইতে হাত বাড়াইবেন ? অপরিহার্য ঘোর দাবানল-বেষ্টনের মধ্যে পড়িয়া চির-দগ্ধ হইতে যাইবেন—ইচ্ছাপূর্বক ঘোর বাত্যা অবশ্রম্ভাবী জানিয়াও ভেলা অবলম্বনে সমুদ্র পারের চেষ্টা পাইবেন ? মনে কর, যদিও তাঁহার অনুপম ইউরোপীয় প্রণালীর শিক্ষাবলে ও অতুলনীয় অধ্যক্ষতা গুণে সেই অসীম বিপদ-সিন্ধু হইতে উত্তীর্ণ হইবার সম্ভাবনাও থাকে, তবু কি বুড়ী মা ! তুমি আমার ছলীনকে এমনি বিশ্বাসঘাতক অপমর্ষী দেখিয়াছ যে, তিনি ধার্মিকের অবশ্র-সেবনীয় স্বামীধর্ম ভুলিয়া যাহার বলে বলী, যাহার দয়া-তেই শাসনকর্তা, যাহার ধনেই সৈন্যাদিকারী, তাঁহারই বিরুদ্ধে তাঁহারই সেই সব উপকরণ লইয়া বিদ্রোহী হইবেন ? তিনি যদি তাহা করিতে পারেন, তবে তাঁহাকে যাহা ভাবিয়া এই ক্ষুদ্র হৃদয় দান করিয়াছি, তিনি তাহা নহেন বুঝিয়া তখনই শাণিত ছুরিকাঘাতে এই ভ্রান্ত হৃদয়কে বিদীর্ণ করিয়া সকল জালা জুড়াইব !

চন্দ্রাবতী । ক্ষান্ত হ মা—আর না !

লীলা । বুড়ী মা ! তোমার এই পুত্র সেরূপ বিশ্বাস-দ্রোহী, প্রতিপালক-দ্রোহী, প্রভু-দ্রোহী, ক্ষুদ্রাশয় নহেন ! বুড়ী মাগো ! তোমার এই দীনা ক্ষীণা কন্যা—যাহার মুখে কখনই দশটা কথা একত্রে শুন নাই, আজ্ সহস্র শুনিতোছ—সেই জন্ম-ছধিনী কন্যাও এমন লঘু-হৃদয়া ভোগবিলাসিনী নয়-যে, পাটরাণী হইবার লোভে—হীরা মণি পরিবার লোভে—ধর্ম ও ন্যায়কে ভুলিয়া তাহার প্রাণের প্রাণ হৃদয়নাথকে পাপপথে—অযথা প্রলোভনের পথে—স্বতরাং মরণের পথে, আর ইহ-পরকাল নষ্ট করে এমন ছুরাচরণের পথে বাইতে উত্তেজনা করিবে ! তুমি কি ভুলিয়া গেলে যে, রাজপুত্রীরা ধর্মের জন্ত—কুলের জন্ত—স্বামীর জন্ত পৃথিবীর সকল অসহনীয় কষ্ট যন্ত্রণাও সহ করিতে পারে—প্রয়োজন পড়িলে প্রিয় জনের পাশে অসি চর্ম বর্ম ধরিয়া যুদ্ধ করিতেও জানে—প্রয়োজন বুঝিলে স্ত্রীলোকের সর্ব প্রধান সুষমার বস্ত্র যে মস্তকের কেশ, তাহাও কাটিয়া ধনুকের ছিলা করিতে জানে—প্রয়োজন হইলে দলে দলে অগ্নিতেও ঝাঁপ দিতে জানে ! কিন্তু যে কাজে অধর্ম—যে কাজে বংশের গৌরবের পরিবর্তে অগৌরব—যে কাজে মহত্বের পরিবর্তে নীচতা, সে কাজে ইন্দ্রাণীর অতুলনীয়-ঘোর প্রলোভন থাকিলেও তাহারা তরৈ ব্রণায় পশ্চাৎপদ হয়—তাহারা আপ-

নারা আসি ধরা দূরে থাকুক, পুরুষদেরও ধরিতে দেয় না ! অতএব এ সব কুমন্ত্রণা হইতে ক্রান্ত হও—চল (ছলীনের প্রতি সজল নয়নে) হৃদয়েশ্বর ! চল, আমাদের এই তিনটি ভাগ্যচ্যুত প্রাণ লইয়া চল, সেই দেশে যাই, যথায় তোমাকে লইয়া আমরা নিরুদ্ধেগে, নিরুপদ্রবে, নিশ্চল হৃদয়ে, পবিত্র শান্তিসুখ উপভোগ করিতে পারি ! আমাদের রাজ্যধনে কাজ নাই, তাহাতে সুখ নাই—স্বাহাতে সুখ তাহা তোমার মুখে শুনিয়াছি—তাহা আমার হৃদয় বৃষ্টিয়াছে ! ফলতঃ তুমি যে এত কাল এত যত্নে আমাকে ইংরাজী বাঙ্গালাতে এত বিদ্যা শিখাইলে—সর্বমঙ্গলাকর সর্বেশ্বরের অপার কারুণ্যময় মহিমার তত্ত্বকথায় মুগ্ধ করিলে—এই পাপ-তাপ-পূরিত মর্ত্য-মণ্ডলে কিসে যথার্থ সুপবিত্র স্বর্গীয় সুখ হইতে পারে, বিশেষরূপে নিতাই প্রায় বুঝাইলে—চল, গিয়া কার্ণাতঃ দেখাই, তোমার ছাত্রী, শুদ্ধ কথার ছাত্রী কি অমুষ্ঠানেরও পাত্রী ! অর্থের চিন্তা করিও না—যিনি জীবন দিয়াছেন, তিনি পোষণও করিবেন ! তিনি জীবন দিয়া সর্বত্রই জীবনোপায় প্রস্তুত করিয়া রাখিয়াছেন—এ দেশ ভিন্ন অন্য কোথাও তা নাই, এমনটী তো নয়, তবে এত চিন্তাই বা কি ? বিশেষ আমার জননী মনিময় অলঙ্কার প্রভৃতি কিছু গুপ্ত ধনও আছে—তাহাতেই সামান্যভাবে সুখে কাটাইব !

সকলেই অবাক—সকলেই মন্ত্র-মুগ্ধবৎ লীলার বদনচন্দ্র-নিঃসৃত সুধাধারা পান করিতেছিলেন—সকলেই লীলার সেই অশ্রুতপূর্ব অভাবনীয় নবভাব ও উৎসাহ-মাধুরীর দর্শক হইয়া বিস্ময়ে অভিভূত হইতেছিলেন ।

ছলীন প্রেমালুরাগের প্রথর বেগে স্থান-কাল-বিস্মৃত হইয়া প্রেমসীর চিবুক ধরিয়া সাদরে বার বার মুখচুম্বন করিলেন—লীলা মহা লজ্জায় জননীর সান্নিধ্য কথা স্মরণ করাইয়া সরিয়া বসিল !

ছলীন অল্প কথায় বুঝাইয়া দিলেন “তোমা হেন অপূর্ব স্বর্গীয় নিধি বিধি যখন সদয় হইয়া আমাকে অর্পণ করিয়াছেন, তখন রাজ্যপদ ধন জন কিছুই আর চাহি না—তোমার সুমধুর মোহন গতানুসারে এখনই—আঃ ! অদ্য যামিনীতেই তোমাদিগকে লইয়া কোন শান্তি-নিকেতন উদ্দেশে চলিয়া যাইতাম ; কিন্তু আপাততঃ তাহা হইবার নহে—সে বাঞ্ছনীয় সুখের পদ এত শীঘ্র পাইবার নহে—অধুনা আমার এই রাজ্যে চতুর্দিকে অসংখ্য শত্রু, আমি একপেঁ চলিয়া গেলে তাহারা ছল পাইয়া বিধিমতে কত কলঙ্ক যে রটাইবে, তাহা

তোমরা লাহোর দরবারের সকল স্তম্ভ তবু ও আমার বর্তমান অবস্থা অজ্ঞাত থাকতে বুঝিতে পারিবে না—হয় তো পশ্চাতে সৈন্ত পাঠাইয়া চোর দস্যুর ঞ্চার ধরিয়া আনিয়া অবিচারে আমাকে কারাগারে নিক্ষেপ করিবে, তখন তোমাদের দশা যে কি হইবে, তাহা ধ্যান করিতেও হৃদয় স্তম্ভিত হইয়া উঠে ! অতএব প্রাণাধিকে ! আর কিয়ৎকাল মাত্র অপেক্ষা কর—শুনিতেছি, মহা-রাজ এতদুঞ্চলে শীঘ্রই আসিবেন—তিনি আইলেই তাঁহার হস্তে তাঁহার রাজ্য প্রত্যর্পণ করিয়া প্রকাশ্যরূপে অনুমতি লইয়া আমার অমূল্য হৃদয়হার প্রাণের লীলাকে কণ্ঠে বাঁধিয়া আর এই দুইটা মস্তক-মণিকে মাথার লইয়া রাজার মত চলিয়া যাইব—চোরের মত পলাইব কেন ?”

সকলেই নিস্তব্ধ । গুলাপী মৃদুস্বরে কহিল “তবে ইতি মধ্যে শুভ বিবাহ নিরূহ হউক—তাহা হইলে রাণীজীও নিশ্চিন্ত হন, আর তুমি তাঁহাদের রক্ষা করিবার গুরু ভারে সম্পূর্ণরূপেই অধিকারী হও !”

দুলীনের প্রেমোৎফুল্ল নয়ন লীলার দিকে সানুরাগ দৃষ্টিপাত করিল—লীলা দুলীনের শয্যা পারিপাট্য কার্যে মহা ব্যস্তা হইল—দুলীন তাহার বাম গণ্ডের কিয়দংশ ব্যতীত বদন-বিধু-মণ্ডলের আর কিছুই দেখিতে পাইলেন না—তবু সেই গণ্ডদেশ আরক্তিম দেখিলেন ! এত আরক্তিম যে, গণ্ডে বুঝি কোন আঘাত লাগিয়াছে বোধে প্রথমে চমকিয়া উঠিলেন ! কিন্তু পরক্ষণেই আশ্র-ভ্রান্তি বুঝিয়া মৃদু হাসি হাসিয়া জননীৰ মুখপানে চাহিলেন ! দেখিলেন, রাণী চন্দ্রকুমারীর দীর্ঘায়ত নয়নও যেন তাঁহার উত্তর প্রত্যাশায় চিন্তাদৃপ্ত, সংশয়াবিষ্ট এবং সোৎসুক !

“মা ! রাত্রি অনেক হইয়াছে !” বলিয়া লীলা, মাতার হস্ত ধরিয়া তুলিল—তাঁহাদের গমনের পূর্বেই দুলীন মস্তক ভঙ্গীতে গুলাপীকে শুভ লগ্ন নির্ণয়ের শুভ সম্মতি জ্ঞাপন করিলেন ! গুলাপী সে শুভ সংবাদ মাতা ও কন্যাকে জানাইতে, বিলম্বও করে নাই !

## ষড়্বিংশ পরিচ্ছেদ ।

বিবাহ সিদ্ধ ।

“লীলা ! আ'জ্ তোমার নিকট শিবিকারোহণে কে আসিয়াছিল ?” এক দিন সন্ধ্যার পর যুগল অশ্বারোহণে উভয়ে যখন ভ্রমণ করেন, সেই কালে তুলীন সাদরে এই প্রশ্নটা লীলাকে জিজ্ঞাসা করিলেন ।

লীলা মুখ তুলিয়া তুলীনের প্রেমমাথা স্নিগ্ধ দৃষ্টির উত্তরে অবিকল তদ্রূপ মধুর দৃষ্টি প্রত্যর্পণ পূর্বক হাসিয়া বলিল “এ শিবিকা কি আর কখনো দেখ নাই ?”

তুলীন । হাঁ হাঁ, আরো দুই একবার দেখিয়াছি বটে—সঙ্গে সেই দাসী আর সেই দ্বারবানহঁতো বটে—কিন্তু কিছু জিজ্ঞাসা করি নাই !

লীলা । তবে আ'জ্ যে জিজ্ঞাসা করিলে ?

তুলীন । আ'জ্ কিছু বিশেষ দেখিলাম—বিশেষ শুনিলাম ! অত্র দিন শিবিকাখানি সম্পূর্ণ আচ্ছাদনাবৃত থাকিত, আ'জ্ সেই শিবিকা অনাবৃত এবং দ্বারও একটু মুক্ত ছিল—আমি বাহিরের বারাণ্ডায় দণ্ডায়মান ছিলাম, শিবিকা-দ্বারহা পরিচারিকা অভ্যন্তরস্থা যুবতীকে অঙ্গুলি নির্দেশে “ঐ যে বারাণ্ডায়” বলিয়া আমার দিকে দেখাইয়া দিল ! তরুণী তিলেকের তরে তাঁহার পূর্ণচন্দ্র-নিভ বদনখানি প্রায় বাহিরে আনিয়া আমাকে স্নেহ দৃষ্টিতে দেখিলেন—আমার সহিত চক্ষে চক্ষে মিলিত হইবা মাত্র চন্দ্রমণ্ডল জলদান্তরালে গেলে যেমনটা হয়, ঠিক তেমনি ঘটিল ! দেখিলাম, এক জনের সহিত তুলনা না তুলিলে তিনি অতুলনীয় সুন্দরীর শ্রেণীতে গণ্য হইলেও হইতে পারেন !

লীলা । (সহাস্ত্রে) সে দেখা দেখাই নয়—সেই এক জনের প্রতি হয় তো তুমি স্নেহের দৃষ্টিতে দেখিয়া থাক, তাহাতেই আমার প্রিয়তমা সখী প্রমীলা দেবীর অতুল সৌন্দর্য্যরাসিকে কল্পনা-তুলে লঘু করিয়া লইতেছ !

তুলীন । প্রমীলা দেবী কি ব্রাহ্মণী ? তিনি কি তবে এই দুর্গবাসী আমার পরম হিতৈষী স্ত্রীদেব শাস্ত্রীর কন্যা ?

লীলা । শাস্ত্রী মহাশয়কে আমার পিতামহ ও এ অঞ্চলের অন্যান্য ভূপালগণ গুরুদেবের স্মরণ মাগ্ন করিতেন । হৃদান্ত শিখেরা পূর্বরাজবংশের অল্পগত ব্যক্তিগণকে হিংসা কারত, কিন্তু শাস্ত্রী মহাশয় এমনি নিরীহ ভদ্র

—বিশেষতঃ অসাধারণ শাস্ত্র-জ্ঞান ও ধর্ম্মানুষ্ঠান জ্ঞাত তিনি এত বিখ্যাত যে, তাহারা কখনই তাঁহাকে কিছু বলে নাই। বরং কাংরার শাসনকর্তা ও অগ্রাণ্ড শিখ মাত্রেই তাঁহাকে যথেষ্ট মান্ত করিত এবং অল্পের বিষয় বিভবে যেমন ঈর্ষান্বিত হইয়া ব্যাঘাত জন্মাইত, তাঁহার প্রতি তদ্রূপ উপদ্রবের পরিবর্তে অশেষ বিশেষরূপে আনুকূল্যই করিত। প্রমীলা ভাল ঘরে ও উত্তম বরে অর্পিতা হইয়াছে—প্রমীলার স্বশুর, লেনা সিংহের সমৃদয় ভূসম্পত্তির কার্ব্যা-ধক্ষ—প্রমীলার স্বামী, লেনা সিংহের একজন সৈন্যধ্যক্ষ। প্রমীলার সহিত বাণ্যকালাবধি আমার বড় ভাব—আমরা অভিন্ন-হৃদয় !

তুলীন। তোমার প্রিয় সখী আমাদের শুভ বিবাহের কথায় কি বলিলেন ? সাহেব বর শুনিয়া কোন আপত্তি করিলেন না ?

লীলা। যদি তোমাকে সে সাহেব বলিয়াই জানিবে, তবে আর আমার সহিত তাহার অভিন্ন-হৃদয়তা কি ?

তুলীন। প্রকৃত পরিচয় কি তিনি আ'জ্ জানিলেন, না পূর্বাধি জানিতেন ?

লীলা। পূর্বেই জানিয়া গিয়াছেন—স্বামীকেও বলিয়াছেন—তাঁহাদের আনন্দের সীমা নাই—তাঁহার স্বামী রঘুবর দয়াল তজ্জন্ত আলাপ করিতে শীঘ্রই আসিবেন।

তুলীন। বড় ভাগ্যা ! তবে কি ইহারি মধ্যে বিবাহেরও সংবাদ তথায় গিয়াছে ?

লীলা। মা, শাস্ত্রা মহাশয়ের নিকট দিন ও লগ্ন নির্ণয় জ্ঞাত গুলাপীকে পাঠাইয়াছিলেন—আমিও সেই উপলক্ষে তাঁহার কণ্ঠকে আনাইবার প্রার্থনা করিয়া পাঠাইয়াছিলাম—শাস্ত্রী মহাশয় জামাতাকে যে পত্র লিখেন, তাহাতেই বিবাহের কথা লিখিয়া দিয়াছিলেন, কিন্তু আর কেহ না শুনিতে পায়, তাহাও সে গোপনীয় পত্রে লেখা ছিল—আমিও সেই সঙ্গে সখীর নামে একখানি লিপি পাঠাইয়াছিলাম।

তুলীন। ওঃ ! ভিতরে ভিতরে এত কাণ্ড চলিতেছে, তাহা জানিভাম না ! বাহাহউক, অমন সখী আর অমন সখা লাভে এমন সুখের দিনে আমার সুখাণব যে আরো কত উচ্চ উন্মিত্তে উথলিয়া উঠিতেছে, তাহা বলিয়া উঠিতে পারি না ! সেই শুভ দিনে তোমার আর কোন সখীরা কি আসিবেন ?

লীলা । আমার সখী আর এক জন—তিনি ক্ষত্রীয় কণ্ঠা—তিনি এই দুর্গেই আছেন, অন্ততসরে তাহার স্বপ্নরায় । তন্ত্রির মা'র নিমন্ত্রণে তাহার আর দুটি বিবাহিতা জ্যেষ্ঠা ভগ্নী এবং তাহার পিতা মাতাও আসিবেন । সম্পর্কে তাহারা আমাদের দূর কুটুম্ব ।

হুলীন । আর কেউ ?

লীলা । জীলোকের মধ্যে প্রমীলার মাতা আর তাহার পুত্রবধু এবং পুরুষের মধ্যে শাক্তী মহাশয়েবা পিতা পুত্র—এ ত্রিণ, মা আর কাহাকেও নিমন্ত্রণ করিবেন না—তবে যদি—

হুলীন । তবে যদি কি ?

লীলা । তবে যদি আর কাহাকে বলিতে তোমার ইচ্ছা হয়—

হুলীন । অমৃতের কাহার অসাধ ? আমার প্রাণের লীলার বিবাহে ঘট করা কি দশজনকে বলা, তদপেক্ষা উচ্চতর সাধ আহ্লাদ আমার জীবনে আর কি হইতে পারে ? আমার তো ত্রিকূলে কে আছে, কে না আছে, কিছুই জ্ঞাত নই—সুদানে পিতৃকূলে ছরায়ারা কাহাকেই প্রায় রাখে নাই, যদিও কেহ থাকে, সন্ধান পাওয়া ভার—সন্ধান করা কর্তব্যও নয়—তবে গুনিয়াছি, মাতা-মহকূলে সকলেই জাজল্যমান আছেন. কিন্তু বিবিধ প্রকারের বিশিষ্ট হেতুতে তাহাদের নিকট এখন আমার পরিচিত হওয়াই উচিত নয়, নিমন্ত্রণ করা তো দূরের কথা ! তার পর তোমার পিতৃকূলের কাহিনীও যাহা গুনিয়াছি, তাহাতেও স্তম্বেচ—যে করুণের নাম করিলে, তাহারাই এখন তোমাদের অতি নিকট আশ্রয় । যদিও তন্ত্রিয়-পদবীর আশ্রয় রূপে গণ্য হইতে পারেন, এমন কেহ কেহ থাকিতে পারেন, কিন্তু আপনাদের বর্তমান অবস্থা বিবেচনায় এই শুভ কাজটা যত সঙ্গোপনে সুনিরীহ হয়, ততই সকাংশে শ্রেয়ঃ ! মা নিজেও তা বলিয়াছেন, আমিও তাহাকে বুঝাইয়া দিয়াছি ! বিশেষ আমার লীলা তো তেমন লঘুহৃদয়া অবলা নয় যে, বাহ্যিক আয়োদ উৎসবের উপর তাহার মনের আয়োদ নির্ভব করিবে—

লীলা । যদি জান, তবে কেন সে কথা আর মুখে আন ? স্ত্রী পুরুষ যত গুলির নাম করিলাম, এত জনকে বলাও আমার ইচ্ছা ছিল না—শুদ্ধ মার জন্তই তাহা হইতেছে ।

হুলীন । এ সব তো তুচ্ছ কথা, মার অনুরোধে অবশ্যই কবিতো হইবে ।

কিন্তু আর একটি অত্যন্ত গুরুতর বিষয়ে তাঁহার যে অনুরোধ আছে, তাহাতে কর্তব্যের অগ্রথা হইতেছে কি না, জানিনা ; কিন্তু স্বীকার করিতে হইয়াছে !

লীলা। আ ! পৌত্তলিক মতে বিবাহ—তাই না ?

দুলীন। তার চেয়ে গুরুতর কথা আর কি ? মনে করিয়া দেখ, আমার লীলার মুখে “আশার ছলনা” বিষয়ক গানটা যে দিন গুনিয়াছি, সে কত কালের কথা ! সেই স্মৃতিতে এই শশী-বদনে প্রেমের সুখা পানে আর এই কোমল ভূজমৃগাল দ্বারা কণ্ঠবেষ্টনে যখন ধন্য হইয়াছিলাম এবং হৃদয়ে হৃদয়ে পরস্পরে মাণ্যবদল দ্বারা ঈশ্বরের নিকট যখন দাম্পত্যবন্ধনে অনন্তকালের নিমিত্ত দৃঢ় আবদ্ধ হইয়াছিলাম, তাহার ত্রিরাত্রি মধ্যোই কি লৌকিক পাণি-গ্রহণ রূপ শুভ কার্যটি সম্পন্ন করিয়া হৃদয়ের নিধিকে অবিচ্ছেদে হৃদয়ে তুলিয়া লওয়া আমার উচিত ছিল না ? তজ্জন্ম কি তোমার দুলীনের অন্তঃকরণ নিতান্ত অধৈর্য্য হইয়া উঠে নাই ? তথাপি তিনটি প্রবল কারণে তখন তাহা করিতে পারি নাই—প্রথমতঃ যদিও বুঝিয়াছিলাম, তোমার পবিত্র প্রণয়-বারিধি অতি গভীর, তাহা কখনই হ্রাস হইবার নয় ; তথাপি তুমি তখন বালিকা, তোমাকে ভালরূপে তোমার হৃদয় বুঝিতে সময় দেওয়া আবশ্যিক—ইটা আমার পাশ্চাত্য শিক্ষার উপদেশ—

লীলা। ও কথা আর বলিও না—ও কারণটি যে তোমার প্রতিবন্ধক হইয়াছিল, ইহা গুনিয়া এখন আমার হৃদয় বিদীর্ণ হইতেছে—হায় ! তবে তোমার লীলার অন্তস্তলে এই বুঝি তুমি প্রবেশ করিয়াছিলে ?

দুলীন। না, সে পক্ষে আমার কিছুমাত্র সন্দেহ ছিল না—তবু কিছু অপেক্ষা করা উচিত বোধ হইয়াছিল ! বিশেষতঃ আর দুইটি কারণ মিলিয়া সে ভাণ্ডের সহকারিতা করিয়াছিল—তাহাও একে একে বলিতোঁছি শুন । নিশ্চল ব্রহ্মজ্ঞানের যে যৎকিঞ্চিৎ আমি জানি এবং যাহাকে সনাতন ধর্ম-বিশ্বাস বলিয়া আমার দৃঢ় ধারণা আছে, আমার নিতান্ত ইচ্ছা ছিল, লেখা পড়া শিখাইবার সঙ্গে তোমাকে সেই বিশুদ্ধ সংস্কারের পথে যত দিন না লইয়া যাইতে পারি, তত দিন ধৈর্য্যাবলম্বন অত্যাবশ্যক !

লীলা। হাঁ, ইটা মহৎ হৃদয়ের যোগ্য মহৎ কারণ বটে ! তার পর তৃতীয়টি কি ?

দুলীন। তৃতীয় কারণটি তখন উগাহিত ছিল না—সুচেষ্টা সিংহের পরা-

জয় ও প্রত্যাভর্তনের পর ঘটনাচ্ছে । বিশ্বস্ত সূত্রে নিশ্চিত জানিয়াছি, সেই ছুরাচার পরাজিত ও তোমাকে অধিকার করিবার আশায় বিফল-মনোরথ হইয়া রাজসভায় গিয়া আমার নামে এই নিদারুণ কলঙ্ক ঘোষণা করিয়াছে যে, 'আমি কলে কৌশলে তোমাদের হস্তগত করিয়াছি ; আমি তোমাদের নামে কাংরা রাজ্যের সমুদয় প্রজাবর্গকে রণজিতের বিরুদ্ধাচারে উত্তেজিত করিয়া তুলিয়াছি ; আমি তোমাকে ছলপূর্বক বিবাহ করিয়া অনুহাদ চাঁদের জামাতা বলিয়া কাংরার ভ্রষ্ট-রাজপদে পুনরধিষ্ঠিত হইবার জন্ত যারপর নাই' চেষ্টা পাই-তেছি এবং তদুদ্দেশে শুদ্ধ কাংরায় অসংখ্য সৈন্য সংগ্রহ নয়, পার্শ্বতীয় অঞ্চলের সমগ্র রাজ্য ও সর্দারবর্গের সহিত যোগ দিয়া এক ভয়ানক বিদ্রোহ ব্যাপার বাধাইয়া তুলিবার উদ্যোগে আছি ! ইত্যাদি ।'

লীলা । ( উর্দ্ধমুখে করবোড়ে ) হে নিরাশ্রয়-রক্ষক সর্কপালক পরমেশ্বর ! এমন দুর্জনের হস্ত হইতে রক্ষা করিয়া তোমার ব্রতদাসীর প্রতি কি অসীম করুণাই প্রকাশ করিয়াছ !

তুলীন । প্রথমে এই সংবাদ শ্রবণে স্তম্ভিত হইয়াছিলাম—ভাবিয়াছিলাম, এ অবস্থায় পরিণয়-সুখে সুখী হইতে বিলম্ব করা আবশ্যিক । কিন্তু বহু বিবেচনার পর স্থির করিলাম, শুভ কার্যো আর বিলম্ব উচিত নয়—বিবাহ সূত্রে আবদ্ধ হইয়া আমার লীলাকে নিতান্তই আমার করিয়া লই—তাহাতে বরং ছুরাআদের কোন ছুরভিসন্ধি আর খাটিবে না—বিদ্রোহিতার মিথ্যা কলঙ্ক মহারাজ স্বয়ং আসিলেই সব দেখিতে শুনিতে বুঝিতে পারিবেন—সত্য-সূর্য্য আপনা হইতেই মিথ্যাপবাদরূপ জলধরপটল হইতে দিগুণ দীপ্তিতে পুনরুদ্ধাপ্ত হইবে ! এই ভাবিয়াই শুভ দিনের জন্ত প্রস্তুত ও ব্যগ্র হইলাম । কিন্তু মানস ছিল, কলিকাতায় রাজা রামমোহন রায়, যাঁহার মাহাত্ম্য-কথা তোমাকে কত বার বলিয়াছি, সেই মহাত্মাকে লিখিয়া বহু ব্যয় স্বীকারেও জনৈক ব্রাহ্ম উপাচার্য্য আনাইয়া ব্রাহ্মমতে তোমার পাণিগ্রহণ করিব । কিন্তু মা কিছুতেই তাহা শুনিলেন না—বলিলেন, তিনি বাঁচিয়া থাকিতে তাহা কদাচই হইতে পারিবে না—এমন পর্যাণ্ড ভয় দেখাইলেন যে, ব্রাহ্মণ পুরোহিত দ্বারা শাস্ত্রমত একাধা না হইলে, তিনি আত্মঘাতিনী হইবেন ! শেষে এই মাত্র অল্পমতি দিলেন যে, "এখন আমার মানসপূর্ণ কর, পরে যখন কলিকাতায় যাইলে, তখন না হয় আর একবার তোমাদের উপাচার্য্য দ্বারা যাহা বিহিত হয়,



করিও !” একথা আর কাটি কিনে ? ভাবিলাম, মাতৃবক্ষে আঘাত দিয়া কোন কর্মই উচিত নয়—সে কাজ কদাচই ঈশ্বরানুমোদিত হইতে পারে না—বিশেষতঃ যিনি কণ্ঠা সম্প্রদান করিবেন, তাঁহার মতানুযায়ী পদ্ধতিই শ্রেয়ঃ বলিয়া বোধ হয় !

লীলা । হৃদয়েশ্বর ! কিছু মাত্র ব্যথিত হইও না—মাতৃ আজ্ঞায় একাধা করিলে পরমপিতা কখনই আমাদিগকে অপরাধী করিবেন না—তিনি পূর্ণ দয়াময়—পদ্ধতি বাহাই হউক, আমরা মনে মনে তো তাঁহাকে স্মরণ করিব আর তাঁহাকে সাক্ষী রাখিয়া পরম্পরকে পতি পত্নীত্বে বরণ করিয়া লইব—তাহাতেই যথেষ্ট—উপচার্যের প্রয়োজন কি ? পিতার নিকট সন্তান অঙ্গীকার করিবে তাহাতে উকীলের মধ্যস্থতা আবশ্যিক কি ?

যখন এই কথা হয়, তখন তাঁহারা অশ্ব ত্যাগ পূর্বক পরম্পরের বাহু-পাশ-বন্ধ হইয়া বেড়াইতে বেড়াইতে একটা সুরমা লতাকুঞ্জে প্রবেশ করিয়াছেন । লীলার মধুর বাক্য শুনিয়া ছলীন অতি-মাত্র-হর্ষে প্রণয়িনীকে পূর্ণ প্রেমভরে হৃদয়ে আকর্ষণ ও বার বার শ্রীমুখ মণ্ডলে পবিত্র চুষ দান পূর্বক যেন ইহাই জানাইলেন যে, তাঁহারও মনের কথা ঐ এবং অদ্যই যেন ব্রাহ্ম-মতে শুভ বিবাহ সিদ্ধ হইয়া গেল !

## সপ্তবিংশ পরিচ্ছেদ ।

ভীষণ চক্রান্ত ।

এই সময় ছলীন এক পরওয়ানা পাইলেন—প্রধান সচিবের স্বাক্ষরিত । তদন্বয় এই ;—“চাঁদ গাঁকে পত্র পাঠ অবশ্য অবশ্য পাঠাইবে—সে যদি মরিয়া থাকে, তথাপি তাহার শবও প্রেরণ করিবে ! না পাঠাইলে, এই অবাধ্যতার দায়িত্ব ও প্রতিফল তোমাকে ভোগ করিতে হইবে—অধিক লেখা বাছল্য !”

ছলীন পাঠ করিয়া স্বগত বলিলেন, “ক্ষুদ্র বটে, কিন্তু অতি মিষ্ট ! দেখি-তেছি, ইহারা ক্রমে গুরুতর ও গাঢ়তর করিয়া তুলিতেছে—অথবা উক্তিও লিখিতে আরম্ভ করিয়াছে ! ফল কথা, কাংরায় আমাদের আর তিষ্ঠিতে দিবে না—আসিতে যে কেন দিয়াছিল, ইহাই আশ্চর্য্য ! যেরূপ শাসন-প্রণালী,

তাহাতে আমার ত্রায় লোককে বিনা প্রহরীতায় একবারে যে একটি প্রদেশের শাসনকর্তৃ-রূপ এত বড় বিশ্বাসের ভার অর্পণ করিয়াছিল, ইহাই বিশ্বাসের বিষয় ! বোধ হয়, তাহাদের সম্পূর্ণ হাত থাকিলে ঘটিত না—মহারাজার গুণেই ঘটিয়াছে ! সুতরাং আমার পক্ষে এমন প্রভুর প্রতি প্রকৃত স্বামী-ধর্ম পালন আরো উচিত ! ইহারা হয় তো তখন ভাবিয়াছিল, আমাকে লোভ ও ভয় মৈত্রতা দেখাইয়া ক্রমে ক্রীত দাস করিয়া লইবে, সে আশায় নিরাশ হওয়াতে দুরীভূত করাই শ্রেয়ঃকল্প স্থির করিয়াছে ! কিন্তু সেই দুরীকরণ সহজে হইবে না—মহারাজকে স্বয়ং আসিয়া তিনবার মাথা গলাইতে হইবে ! বস্ত্রকর্তৃক, তাঁহার শত শত কন্মাদ্যক্ষের মধ্যে অন্ততঃ এক জনও যে যথার্থরূপে তাঁহার আজ্ঞা-পালক ও নেমকের চাকর আছে, ইটা তাঁহাকে না দেখাইয়া যাওয়া হইবে না !”

ছলীন মনে মনে ও গোপনে গোপনে প্রস্তুত হইতে লাগিলেন—সর্ব বিষয়ে এরূপ প্রস্তুত যে, যদি সহসা এমন অবস্থাই ঘটে যে, দণ্ডকের মধ্যেই কাংরা ত্যাগ না করিলে নয়, তাহাতেও কোন গোলযোগ, ক্রটি বা হানি না হয়। কয়েক বৎসরে ত্রায়োপাজ্জন দ্বারা বাহা কিছু সঞ্চয় করিয়াছিলেন, তৎসম্বন্ধে এইরূপ বিধান করিলেন ;—ছলীন-গঞ্জ নামে তিনি যে নগর স্থাপন করিয়াছেন, সেই গঞ্জে যে সকল ধনী সদাগর বা তাহাদের কন্মাদ্যক্ষগণ বাবসায় করিত, তাহাদের কুঠি ভারতবর্ষের নানা স্থানে ছিল। তন্মধ্যে যে ব্যক্তি সর্বাপেক্ষা সম্ভ্রান্ত, ধনী ও বিশ্বাসী, তাহার গদিতে বিংশতি সহস্র মুদ্রা জমা দিয়া এক বরাত-চিঠি লইলেন ; সেই হাঁও দিল্লা, মথুরা, পাটনা, কলিকাতা প্রভৃতি যে যে স্থলে তাঁহার কুঠি আছে, তাহার বেখানেই হউক ভাঙ্গাইতে পারা যাইবে। এতদ্বিন্ন কয়েক-শত-সংখ্যক আকবরি মোহর সংগ্রহ করিলেন, একপ্রকার কটিবন্ধ করাইয়া তন্মধ্যে ঐ স্বর্ণ-মুদ্রাগুলি ও কয়েক খণ্ড হীরকাদি নিহিত রাখিয়া স্বায় বস্ত্রভ্যন্তরে কটিদেশে সর্বদা পরিধান করিতে লাগিলেন ! তদ্বাদে আপনার ও লীলার অস্থূলিতেও বহু মূল্যের হীরকাসুরী কয়টা অবিচ্ছেদে ব্যবহার দ্বারা অর্থ বহনের একটা সুগম উপায় করিয়া লইলেন ! সর্ব সমষ্টিতে দ্বাত্রিংশত সহস্র মুদ্রার অধিক সমাবেশ হইল না ! বৎসর গণনায় ও পদ বিবেচনায় এ সঞ্চয়কে সামান্যই বলা যায় ! যেহেতু ছলীনের বার্ষিক বেতনটী তো পঞ্চদশ সহস্র ছিল।

দুলীন মনে জানেন যে, যে ঘটনাই হউক, বরু, ধনু, চাঁদ খাঁ, আলিবর্দি খাঁ ও তাহাদের অধীন লোকজন ও পেসখেজমৎ প্রভৃতি অতি বিশ্বাসী প্রিয়-পাত্রগণকে সঙ্গে সাথী করিতে স্বেচ্ছায় তো বিমুখ হইবেন না। তথাপি, কি জানি, যদি কোন সূত্রে তাহাদের সকলকে লইয়া যাইতে না পারেন, তাহা হইলে তাহাদিগকে এক প্রকার নিরাশ্রয় ও নিঃস্বয়ল করিয়া যাওয়া হয়। অতএব সংকল্প করিলেন, এবং লীলাকেও বলিলেন যে, যে শুভক্ষণে তাঁহাদের সুখময় শুভ-পরিণয় সংঘটন হইবে, সেই দিনে তদুপলক্ষ করিয়া ঐ সব অনুগত জনের প্রত্যেককে পারিতোষিক দানচ্ছলে প্রচুর অর্থ বণ্টন করিয়া দিবেন— পরে সঙ্গে যায় ভালই, না যায়, তথাপি তাহাদের মূল ধন সঞ্চিত রহিল !

এই ভাবে কিছু দিন গত। মধ্যো মধ্যো নানা সূত্রে পার্শ্বত্যা অঞ্চলের অসন্তোষমূলক বিদ্রোহ-দাবানলের কিছু কিছু আভাস দুলীনের কর্ণগোচর হইতে লাগিল। শুদ্ধ আভাস কেন? প্রকারান্তরে তাঁহার সাহায্য প্রার্থনার প্রস্তাবও দুই তিন বার আইল—উদাসীন বিমুখ হইয়া গিয়াও ক্ষান্ত হন নাই— তাঁহার দল হইতে পত্র আসিতে লাগিল! যে দূত সেরূপ বেনামি পত্র দুর্গদ্বারে দিয়া যায়, সে আর প্রত্যুত্তরের নিমিত্ত অপেক্ষা করে না। শেষ বারের পত্রে একরূপ ভয় প্রদর্শনের কথাও ছিল যে, “যদি তুমি সাহায্য না কর, তবে তোমারও ঘোর বিপদ ঘটবে—ইহা বুঝিয়া এখনও আমাদের প্রস্তাবে সম্মত হও—জয়ন্তী মঠের নিকট যে মহা অজ্জুন বৃক্ষটী আছে, তাহার উত্তরের ডাল কাটিবার হুকুম দিলেই বুঝিব যে তুমি সম্মত—তৎক্ষণাৎ শুণ্ড দূত তোমার নিকট গোপনে যাইয়া সকল বন্দোবস্ত ধার্যা করিয়া আসিবে!” দুলীন সে সব পত্র অগ্নিসাৎ করিয়া সে কথা কাহাকেও বলিতেন না এবং সে বিষয়ের প্রতি বড় আর চিন্তাপণ করিতেন না—আত্ম নির্দোষিতা ভাবিয়া সম্পূর্ণরূপেই নিশ্চিন্ত থাকিতেন! কিন্তু “নগর পুড়িলে দেবালয় কি এড়ায়?” তাহা তিনি ভাবেন নাই!

রাত্রি দেড় প্রহর অতীত—সে রাত্রিতে গুলাপী ছিল না। বলিয়া রাণী ও রাজকন্যা দুলীনের ঘর হইতে সকাল সকাল অন্তঃপুরে গিয়াছেন—গুলাপী মাঝে মাঝে চিকিৎসা বা শৈল-কানন-ভ্রমণেচ্ছা বশতঃ একরূপে অনুপস্থিত থাকিত—দুলীনও সকাল সকাল শয়ন করিয়াছেন। বিবাহের আর চারিদিন মাত্র অবশিষ্ট—আশাময়ী বামিনী-চতুষ্টয় গত হইলেই পঞ্চম দিবসে সুপ্রভাত

উরিবে ও সুখযামিনী আসিবে—সে যামিনীতে লীলাকে আর তাঁহার গৃহ হইতে উঠিয়া যাইতে হইবে না, অথবা অন্তঃপুরে গিয়া লীলার সহিত যামিনী যাপনে তাঁহার আর বাধা থাকিবে না ! এই সুখের ভাব ভাবিতে ভাবিতে অজ্ঞাতসারে নেত্র-পত্র নিদ্রা-ভারাক্রান্ত হইতেছে মাত্র, এমন কালে গৃহমধ্যে সহস্রা গুলাপী আসিয়া ( কোন সময়েই গুলাপীর যাতায়াতের নিষেধ ছিল না ) ব্যগ্রভাবে অমুচ্চস্বরে বলিল “বাবা উঠ—”

এমন সময়ে এরূপ বাক্য শুনিয়া হুলীন চমকিয়া উঠিলেন । গুলাপী কহিল “উতলা হইও না—কিন্তু মনোযোগে শুন—সামান্য হেতুতে তোমার বুড়ী মা এমন সময় আসিয়া তোমার ঘুম ভাঙায় না ! প্রকাণ্ড কাণ্ড উপস্থিত—ভগবানের দয়াতেই আমি আ'জ্ পাহাড়ে গাছড়া কুড়াইতে গিয়াছিলাম !”

হুলীন সচকিতে কহিলেন “প্রকাণ্ড কাণ্ড—পাহাড়ে ? সে কি ?”

গুলাপী । হাঁ পাহাড়ে—পর্বত গহ্বরে—আমি বাহা শুনিয়া আইলাম, তাহা স্বরণে এখনও আমার গায় কাঁটা দিতেছে—তখন তো থর থর কাঁপি-রাছি—পাছে পাষাণেরা আমার টের পায়, এই ভয়ে কাঁপিরাছি—টের পাই-লেই মারিয়া ফেলিত ! ফেলিত ফেলিত, বালাই চুকিত, সে ভয়ে কাঁপি নাই—পাছে তোমায় সংবাদ না দিয়া মরিতে হয়, এই ভয়ে—

হুলীন । কাহারো ? কি করিয়াছে ? শীঘ্র বল !

গুলাপী । বলি শুন—এই আমি তথা হইতে আসিতেছি—দৌড়িয়া দৌড়িয়া আসিয়াছি—এখনও হাঁপাইতেছি ।

এই বলিয়া হুলীনের ইঙ্গিতমতে গুলাপী বসিল ও ক্ষণেক স্থির হইয়া বসিতে লাগিল ;—

“কিছু খাবার লইয়া প্রাতেই বনে গিয়াছিলাম—সারা দিন ঘুরিয়া বড়ই ক্লান্ত হইয়াছিলাম । একটা নিভৃত শীতল গুহার গিয়া কিছু আহার করিয়া শুইয়া পড়িলাম । একবারে অগাধ ঘুম, উঠিয়া দেখি রাত্রি হইয়াছে । তুণিলাম আ'জ্ নাই গেলাম । এই মানসে গুহার এক কোণে বাইয়া শয়ন করিয়াছি মাত্র, এমন সময় বাহিরে লতাবল্লরী সরাইয়া কে যেন আসিতেছে, এমনি শব্দ পাইলাম । এক অস্ত্রধারী দীর্ঘাকার ভয়ঙ্কর মূর্তি আইল ; গুহা-দ্বারের নিকট বসিল ; কিছু পরেই আর দুই মূর্তি আসিয়া যোগ দিল । গুহার মধ্যে পাষাণময় স্বাভাবিক একটা অস্থূল ও অমুচ্চ দেয়াল ছিল, আমি নিঃশব্দে সরিয়া তাহারি

আড়ালে গেলাম—তাহারা সেই দেয়ালের অপর দিকে, সুতরাং তাহাদের কথা বার্তা সমস্তই শুনিতে পাইলাম ।”

হুলীন । কি কথা ?

শুলাপী । হায় ! তোমারি কথা ! তোমাকে মারিয়া ফেলিবার কথা— তোমাকে মারিয়া দুর্গটী অধিকার করিবার কথা—রণজিতের সঙ্গে যুদ্ধ করিবার জন্য দুর্গটী তাহাদের বড় দরকার ! ও বাবা ! এই দেখ, আমার গা এখনও কাঁপিতেছে—পাপিষ্ঠেরা চলিয়া গেল ; আর আমি ছুটিয়া আইলাম !” বহু প্রশ্নের পর শুলাপীর নিকট হইতে ষড়যন্ত্রকারীদের ছরভিসন্ধি ও বন্দোবস্ত বিয়য়ে হুলীন যাহা সংগ্রহ করিলেন, তাহার সংক্ষিপ্ত চূর্ণক এই ;—

ভণ্ড সন্ন্যাসীর প্রস্তাবে হুলীন সম্মত না হওয়াতে এবং নির্দারিত সময় মধ্যে অর্জুন বৃক্ষের শাখাচ্ছেদের আদেশ না দেওয়াতে বিদ্রোহীরা তাঁহার প্রতি অতিশয় রুষ্ট হইয়াছে । সন্ন্যাসীকে দূরীভূত করিবার পরেও তাহাদের যে যৎকিঞ্চিৎ ভরসা ছিল, এখন তাহাতে সম্পূর্ণ নিরাশ হইয়া এবং সন্ন্যাসী আপনাকে অপমানিত বোধ করিয়া প্রতিফল দিতে স্থিরপ্রতিজ্ঞ হইয়াছে । বিশেষতঃ বিদ্রোহ ব্যাপারের সুসিদ্ধি পক্ষে কাংরার গায় দুর্ভেদ্য দুর্গ একটা নিতান্ত আবশ্যিক । অতএব নানা প্রবল হেতুতে হুলীনকে বধপূর্বক দুর্গাধিকার করাই বিদ্রোহের প্রধান ও প্রথম সোপান বলিয়া ধার্য্য হইয়াছে । তদুদ্দেশে বহুতর গুপ্ত চেষ্টা এবং প্রচুর উৎকোচাদি দান দ্বারা দুর্গস্থ কোন কোন আত্মীয়কে ও কোন কোন সৈনিক কর্মচারীকে বশীভূত করিয়া তুলিয়াছে । ইহারা আবার সহচর জুটাইতে সক্ষম হইয়াছে ।

অদ্য হইতে চতুর্থ দিবসে কয়েকটা পার্শ্বীয় প্রদেশের সৈন্য ও নির্দারগণ গুপ্ত বেশে কাংরার দক্ষিণ-পশ্চিম দিকস্থ গিরি-বন-মধ্যে অল্প অল্প সংখ্যায় আসিয়া নির্দিষ্ট স্থলে একত্র দলবদ্ধ হইবে । সে দিকে লোকের বসতি অতি বিরল—নাই বলিলেই হয়—কেবলই অরণ্য ও সঙ্কীর্ণ শৈলপথাদিতে পরিপূর্ণ । সুতরাং উদ্ভূপ দুর্গম পথ দিয়া শত্রু আসিবার সম্ভাবনা অল্প বলিয়া সে দিকে সতর্ক প্রহরিতার ব্যবস্থাও ছিল না । পার্শ্বীয় লোকের পক্ষে সেরূপ পার্শ্বীয় পথ অস্ত্রের গায় ততটা ছরভিগম্য ও ছরতিক্রম্য নয় । এই জন্য ষড়যন্ত্রীরা ধার্য্য করিয়াছে যে, উক্ত চতুর্থ দিবসীয় জ্যেৎস্নাময়ী নিশাযোগে তাহারা উক্ত পথ দিয়া অতি সঙ্কোপনে নিদ্রিত দুর্গ-সমীপে আসিয়া উপস্থিত

হইবে । দুর্গের কোন কোন স্থলে মৈ লাগাইয়া আক্রমণের ভাণ মাত্র দেখা-  
ইবে । দুর্গরক্ষকগণ সেই সেই কপট হস্তার দিকে অবশ্রুই ছুটিবে ; সেই গোল-  
যোগে তাহাদের উৎকোচ-গ্রাহী দুর্গস্থ বান্ধবদের মধ্যে কেহ কেহ বা তুলীনকে  
ও তুলীনের বিশ্বাসী অধ্যক্ষগণকে বধ করিবে, কেহ কেহ বা তোরণদ্বার  
খুলিয়া দিবে । তখন বিপক্ষদল দুর্গে প্রবেশ পূর্বক অনায়াসে মস্তকহীন—  
চালকহীন সামান্য সৈনিকগণকে আয়ত্ত করিতে পারিবে । একা প্রচণ্ড  
সিংহই সিংহ-বিক্রমে তাহাদিগকে মেঘপালরূপে যে পরাস্ত ও নিরস্ত করিয়া  
তুলিবে, তাহা আর আশ্চর্য্য কি ? পরে তাহাদিগকে কিছু বেশী বেতনের  
লোভ দেখাইলেই তাহারা অব্যাজে বিদ্রোহী-দলে মিশিবে !

দুঃস্থদের এই দুঃস্থ মন্ত্রণা শুনিয়া তুলীন গুলাপীকে ও ঈশ্বরকে শত ধন্যবাদ  
দান করিলেন । গুলাপী উৎকোচগ্রাহীদের কাহারো কাহারো নাম শুনিয়া-  
ছিল, কিন্তু চিত্তচাঞ্চল্য বশতঃ একজনেরও নাম মনে রাখিতে পারে নাই ;  
তজ্জন্ত তুলীন কিছু ক্ষুব্ধ হইলেন । কিন্তু কোন্ কোন্ কর্মচারী তাঁহার  
বিরুদ্ধাচারী, তাহা তিনি পূর্ব হইতেই মনে মনে জানিতেন । অতএব গুলা-  
পীকে শয়নে যাইতে বলিয়া হাকিম সিংহ, চাঁদ খাঁ ও আলিবদ্দিকে ডাকাইলেন ।  
গুলাপীর নাম করিলেন না ও সমুদয় কথাও বলিলেন না ; কেবল কোন  
বিশ্বস্তসূত্রে একটা ষড়যন্ত্রের বাস্তা পাইয়াছেন, এতাবশ্যে শুনাইয়া প্রতি-  
বিধানের পরামর্শ আটিলেন । প্রথমতঃ মৃত নন্দ সিংহের সখা সম্ভিয়ার খাঁ,  
পল্টন সিংহ ও হরদয়াল সিংহ নামক তিনজন সৈনিক কর্মচারীকে চুপে চুপে  
গোলযোগ ব্যতীত তৎক্ষণাৎ ধৃত করিতে ও পৃথক্ পৃথক্ কারাগারে লৌহবন্ধ  
রাখিতে আদেশ দিলেন । বলিলেন “ঐ তিন জনের গৃহদ্বারে তেহারা চৌহারা  
পাহারা রাখিবে এবং নিজে তোমরা সমস্ত রাত্রি তদ্বাবধান করিবে । তদ্ব্য-  
তীত, সেনা-নিবাসের মধ্যে যাহারা যথায় অবস্থিত আছে, তাহারা যেন তথা  
হইতে একপাদ ভূমিও অগ্রত্ৰ যাইতে না পারে এবং দুর্গের চতুর্দিকে, বিশেষতঃ  
তোরণদ্বারের তিতর বাহিরে এমন সতর্ক ও বিশ্বাসী প্রহরী-শ্রেণী স্থাপিত কর,  
যাহাতে দুর্গাভ্যন্তর হইতে এক প্রাণীও বাহিরে যাইতে বা বাহির হইতে  
আসিতে না পারে—যদি কেহ মানা না মানিয়া যাইবার কি আসিবার উদ্যম  
করে, তবে তৎক্ষণাৎ তাহাকে গুলি করিয়া মারে । রাত্রির মত এই, প্রাতে  
উঠিয়া অগ্রাত্ৰ বন্দোবস্ত করিব ।”

এই হুকুম তামিল করিতে বিশ্বাসী প্রিয় কর্মচারীত্রয় চলিয়া গেলে হুলীন নিদ্রার আরাধনায় নিযুক্ত হইলেন ; কিন্তু বহুক্ষণ পর্য্যন্ত দেবীকে প্রসন্ন করা ভার হইল, শেষ রাত্রে দেবী সে কৃপাটী করিলেন !

### অষ্টাবিংশ পরিচ্ছেদ ।

সাহসনা—যাত্রা ।

কাংরা দুর্গ একটা স্বতন্ত্র শৈলোপরি স্থিত । ইহার প্রায় চতুর্দিকই কিয়দূর পর্য্যন্ত মুক্ত । ইহা যে পর্বত-শ্রেণীর প্রত্যঙ্গ, তাহা ইহার দক্ষিণ পশ্চিমে স্থিত । তাহার নাম ভৈরবগিরি । তাহার সহিত ইহার অন্তর্নিবিষ্ট সংযোগ থাকিতে পারে, কিন্তু বাহু-দৃশ্যে তাহা হইতে ইহা সম্পূর্ণ বিচ্ছিন্ন । সম্মুখ ভাগের অর্থাৎ উত্তর দিকের উভয় পার্শ্বে যে দুইটা উচ্চ টিপি আছে, তাহাও ইহা হইতে বিচ্ছিন্ন—সে দুইটা এবং জয়ন্তীর দুটা বাহু যদি দুর্গ-শৈলের সহিত সংযুক্ত থাকিত, তবে তাহারা যেন তাহার স্বরূপ ও ভূজরূপে প্রতীয়মান হইত । কিন্তু তাহা না হইয়া ঐ স্বরূপ যুগল দুর্গ হইতে যেমন, জয়ন্তী হইতেও তেমনি পৃথক্—পরস্পরের মধ্যে অনেকটা মুক্ত স্থল আছে । আবার, স্বরূপ যুগল যে পরস্পরে সর্বাংশে সমান্তরালবর্তী তাহাও নহে ; তাহাদের মধ্যে বক্র গতিতে দুর্গের পথ—সেই পথ ক্রমে ক্রমে খুব উন্নত হইয়াছে এবং কিয়দূর গিয়া একটা গৈরিক প্রাচীর কর্তৃক দুই ভাগে বিভক্ত হইয়া দুর্গের দুই কটকে গিয়া মিলিয়াছে—ঐ দেয়াল আবার অতিশয় উচ্চ, তাহার পাদদেশ স্থল, কিন্তু শিরোদেশ ক্রমে ক্রমে এত পাতলা হইয়া উঠে উঠিয়াছে যে, দেখিতে ঠিক ক্ষুরের ত্রায় বোধ হয়—ক্ষুরেরও নিম্নভাগ পুরু, ধারের দিকে পাতলা—এই দেয়ালের পীঠও তেয়ি ধারালো । সেই ধারালো দাড়ার উপরে মানুষ দাঁড়াইতে পারে না । এই গেল উত্তর দিকের বর্ণনা ।

পূর্ব ও দক্ষিণে বাণগঙ্গা ও বাণগঙ্গার পারে কতক বা ক্ষুদ্র ক্ষুদ্র গিরিময় বনভূমি, কতক বা উর্বর শস্যভূমি । দক্ষিণ-পশ্চিম কোণে ও পশ্চিম দিকে প্রায় এক ক্রোশ পর্য্যন্ত সমতল ভূমি—তাহাতে মধ্যে মধ্যে বৃহৎ মহীকুহ ও মনোহর দুর্কা ক্ষেত্রাদি বিরাজমান—হুলীন সর্বদা তথায় : বায়ু সেবন করিতেন । সেই ক্ষেত্রাদির পরেই ভৈরব পর্বতমালা !

উক্ত দক্ষিণ-পশ্চিম কোণস্থ পর্বতমালাই বাণগঙ্গার জন্মস্থান এবং উহা ভেদ করিয়া আসিয়াই বাণগঙ্গা সমতল-ক্ষেত্রে পড়িয়াছে । এবং লীলা-ভঙ্গীতে ক্ষেত্র বাহিয়া দুর্গের দক্ষিণ ও পূর্ব পাদমূল ধৌত করিয়া নিম্ন প্রদেশে চলিয়া গিয়াছে । অধুনা আমাদের ঐ দক্ষিণ-পশ্চিম কোণের উপত্যকা ও গিরি-পথ লইয়া সম্পর্ক, সুতরাং তাহার বিশেষ বর্ণনারই প্রয়োজন ।

দুর্গ হইতে এক ক্রোশ দূরে ঐ কোণে ভৈরব-গর্ভে একটা সঙ্কীর্ণ গিরি-সঙ্কট-পথ আছে, তাহার নাম “যম-ঘুলি !” পাঠক মহাশয় নামেতেই তাহার ভয়ানক ভাব হৃদয়ঙ্গম করিতে পারিতেছেন ! সেই ঘুলি বা উপত্যকার দুই দিকে পর্বত, সেই ঘুলি মধ্য দিয়াই বাণগঙ্গা প্রবাহিত—যেন বাণগঙ্গারই নিমিত্ত প্রকৃতি গিরি-হৃদয় চিরিয়া পথ করিয়া দিয়াছেন ! কিন্তু আশ্চর্য্য এই, বাণগঙ্গা যেমন কাংরার দিকে নামতেছে, পার্শ্বস্থ পথটা তেমন নামিয়া আসিতেছে না—ধাপে ধাপে ক্রমশঃই উঠিতেছে ! অর্থাৎ পর্বতের অপর পার হইতে একটু একটু করিয়া প্রায় অর্ধ ক্রোশ উঠিয়া আসিয়াছে । তাহার পর দুই তিনটা লক্ষ দিয়া দুই তিনটা উচ্চ ধাপে উঠিবার পর ছাদের ন্যায় একটা স্থানে উপস্থিত হইতে হয় । সেই ছাদ পার হইয়া আবার অবতরণ করিলে তবে দুর্গ-সন্নিহিত ক্ষেত্রে আসা যায় । যে অর্ধ ক্রোশ বঙ্গুর পথটাতে আরোহণ আবশ্যিক, তাহারই নাম “যম-ঘুলি !” তাহারই নিম্নে বাণগঙ্গার খরস্রোত—সে প্রবাহ এত নিম্নে যে পথ হইতে হেঁট মুখে দেখিতে ভয় হয় !

এই যম-ঘুলির কোন অংশই শত হস্তাপেক্ষা অধিক পরিসর নয় ; এবং কোন কোন স্থলে এত সঙ্কীর্ণ যে, উভয় পার্শ্বস্থ শৈল-শিরে দাড়াইয়া চুপি চুপি কথাবার্তা কহাও যায় ! কোথাও বা দুইজনের পাশাপাশি-ভাবে গমন করাও হুসর ! সেই উভয় পার্শ্বস্থ পর্বতের গাত্র অধিকাংশ স্থলেই প্রাচীরের ন্যায় ঋজু । পথের মাঝে মাঝে ক্ষুদ্র বৃহৎ শিলা খণ্ড পতিত—কোথাও বা মস্তকোপরি গিরিগাত্র হইতে প্রায় বাহির্গত প্রকাণ্ড প্রকাণ্ড পাষাণ খণ্ড ভগ্ন-সেতুর অংশবৎ অবস্থিত—ঠিক যেন আকাশে প্রায় নিরবলম্ব ঝুলিতেছে, হয় তো প্রবল বাত্যা উঠিবা মাত্র পতিত হইতে পারে !

এই ভয়ানক “যম-ঘুলি” দিয়া চক্রান্তকারী দুর্গাক্রমক দল আসিবে, গুলাপী এইরূপ গুলিয়া আসিয়াছে । এ দুর্গম পথ অতিক্রম ব্যতীত সঙ্কোপনে আসি-বার দ্বিতীয় পস্থা আর নাই । ছিপে মৎস্য ধরিবার জন্ত ছলীন সাবকাশ মতে



কত শত দিন সেখানে গিয়াছেন এবং মৎস্ত ধরিতে ধরিতে ঘুলির অবস্থা দেখিয়া এমন করনাও করিয়াছেন যে, জনকত বিশ্বাসী ও সাহসী লোক লইয়া সে স্থলে বহু সৈন্তকেও বিমুখ করিতে পারা যায় ।

এখন সেই কথা মনে পড়িল—সে করনা কার্যে পরিণত করিবার দিন আসিয়াছে ভাবিয়া মনে মনে কত উৎসাহই হইল ! তবে গোপনে ও নিৰ্ঝঙ্ক্রে নিৰ্কাহ করিয়া তুলিতে পারিলে হয় ! যেরে শত্রু আছে বলিয়াই চিন্তা, নচেৎ সুসিক্তির অসম্ভাবনা কি ?

ক্ষেত্র ও পৰ্ব্বত-পথের সন্ধি-স্থলের মুখে কয়েকজন মূলতানী সহিত আলি-বদিকে রাখিলেন ; পৰ্ব্বতের ওপারে সেরূপ সন্ধি-স্থলে বন্ধুকে সদলে রক্ষা করিলেন ; উভয় দলই পাহাড়িয়া শ্রমজীবীদিগের বেশ ধরিয়া লুকায়িত রহিল—কেবল একজন করিয়া বাহিরে থাকিয়া পাহারা দিত—তাহাও সামান্য পথিকবেশে ! তাহাদের প্রতি উপদেশ, জনপ্রাণীকেও এদিকে কি ওদিকে পথ মধ্যে প্রবেশ করিতে দিবে না—প্রস্তর-চাপ পড়িয়া পথ বন্ধ হইয়াছে বলিয়া লোক জনকে ফিরাইবে। নিতান্ত না শুনে, বলপূর্বক কয়েদ করিবে। একে তো সে পথে লোকজনের গতাগতি অতি বিরল, তাহাতে তিন দিন মাত্র ; সুতরাং দুলীন ও চাঁদ খাঁ কতকগুলি বিশ্বাসী অনুচর লইয়া যম-ঘুলিতে যাহা করিতেছিলেন, তাহা প্রকাশ পাওয়া এক প্রকার অসম্ভব !

যম-ঘুলিতে করিলেন কি ? বেশী কিছুই করিতে হইল না—স্বভাব স্বয়ং সে স্থানটাকে যেরূপ ভীষণ করিয়া রাখিয়াছেন, তাহাতে অধিক আয়োজনের প্রয়োজনও নাই। যাহা কিছু প্রয়োজন, অধিক লোক লাগাইলে এক দিনেই হইতে পারিত, কিন্তু অত্যন্ত বিশ্বাসী লোক চাই, বিশেষতঃ বেশী লোক লইয়া গেলে দুর্গমধ্যে ও বাহিরে সন্দেহ উৎপাদন এবং মনোযোগাকর্ষণ হওয়া সম্ভব। এই জন্ত অতি অল্প সংখ্যক অতি বিশ্বাসী সহচরই নিযুক্ত করা হইল। তাহারাও সামান্য পাহাড়িয়া মজুরের মত ছদ্মবেশ ধারণ করিল।

যথায় লক্ষ্য দিয়া ছাদে উঠিতে হয়, তথায় মৃত্তিকা ও পাষণ দিয়া অর্ধ-চক্রাকারে এমন একটা দেয়ালের বাঁধ বাধাইলেন যে, শত্রুরা সহজে তাহা উল্লঙ্ঘন করিয়া উঠিতে না পারে। পথ-পার্শ্বস্থ গিরি-শিরে যেখানে যেখানে আশ্রয়-রক্ষার উপযুক্ত স্থান পাইলেন—অর্থাৎ নিম্নদেশ হইতে ভীর বা গুলি নিক্ষিপ্ত হইলে যে যে স্থলে উপরিস্থ লোকের গায়ে না লাগে, অথচ উপর হইতে তাহা

নিরাপদে হইতে পারে, স্বভাব-দত্ত একরূপ সুবিধার স্থল বুঝিয়াই তাহার আরো পারিপাট্য করিলেন এবং যথায় তদ্রূপ সুবিধা সম্পূর্ণরূপে অপ্রাপ্য, তথায় কৌশলময় কৃত্রিম ভিত্তি প্রভৃতি রচনা করিয়া লইলেন। এ সব ব্যবস্থা ধানুকী ও বন্দুকীদিগের জন্য যেমন হইল, তেমনি “সুইভেল্” নামক বূর্ণন-শীল ক্ষুদ্রকামান ছুইটো বসাইবার ও গাহাদিগকে যে মুখে ইচ্ছা ছুড়িবার জন্য উপযুক্ত স্থান নিশ্চিত এবং অশ্রান্ত কৌশলও রচিত হইল। তদ্ব্যতীত ক্ষুদ্র বৃহৎ অসংখ্য পাষণথও আনাহরা উভয়দিকের ধারে ধারে সাজাইয়া রাখা হইল—ইহাতে আবরণও হইবে, আক্রমণও চলিবে !

ঢলীন সন্দেহা তথাগ থাকিতেন না—প্রাতে ও অপরাহ্নে ভ্রমণের এবং মধ্যাহ্নে মৎস্য শীকারের ছলে যাইতেন। সৌভাগ্যক্রমে সে কয় দিন বেশী লোক জন সে পথে বা পর্ষতে যায় নাই—যদিও ছুই একজন গিয়াছে, ছদ্মবেশী প্রহরীরা পথ বন্ধ ইত্যাদি ছলে ফিরাইয়া দিয়াছে। যে রজনীতে আক্রমণের প্রত্যাশা, সেই দিনের অপরাহ্ন মধ্যাহ্নে অভিপ্রেত কার্য্য সমূহ সম্পূর্ণ করিয়া ঢলীন আলিবর্দিকে সঙ্গে লইয়া দুর্গে আইলেন।

হাকিম সিংহের প্রতি দুর্গের ভার্য্যপণ ও বিবিধ উপদেশ দান পূর্বক লীলার গৃহে গমন করিলেন। কয়দিনের চাঞ্চল্য ভাব লীলার অলক্ষ্য ছিল না—কল্যাণ ভোদ্যাহ, তথাপি ঢলীনকে দিবসত্রয় পূর্বে যত উৎকুল দেখিয়াছেন, কোথার দিন দিন সে আনন্দোৎসাহের বৃদ্ধি দেখিবেন, না, ঢলীন যেন চিন্তা-মগ্ন—ঢলীন যেন অশ্রু কাঞ্জে মহা ব্যস্ত—ঢলীন যেন থাকেন থাকেন কোথায় বিলুপ্ত হন ! অতএব একটা অসাধারণ কি যেন ঘটিতেছে এবং একটা অজ্ঞাত বিপৎপাত যেন নিকটবর্তী, এইরূপ ভাব অক্ষুটরূপে লীলার হৃদয়াধিকার করিয়াছে ! তজ্জন্ত লীলাও অতি বিষণ্ণা, অতি ব্যাকুলা ! লীলা স্বীয় হৃদয়ের সেই গুরু ভার ও সেই মন্দের আশঙ্কাকে দূর করিয়া দিতে বিপুল চেষ্টা করিতেছেন—আত্ম মনকে কতই বুঝাইতেছেন, তথাপি সকলই বিফল হইতেছে ! “মনই বা কি ঘটবে ? এমন সুখসৌভাগ্যের সময় বৃথা কেন অপ্রত্যাশিত দুর্ভাগ্যের অপ্রার্থনীয় মূর্ত্তিকে নিমন্ত্রণ করিয়া আনিয়া আপনা আপনি দুঃখ-ভারাক্রান্ত হই ?” ইহা ভাবিয়া সকলের সহিত আমোদ আহ্লাদ ও সদালাপে যতই অশ্রমনক হইতে বন্ধ করেন—প্রত্যহ প্রায় প্রমীলাকে আনাইয়া বৃত্তই সুখের সুখাবলোকন নিমিত্ত নানা উপায় অরলম্বন করেন, হায় ! ততই

যেন সেই সুখ দূরে যায়—ততই যেন হুশিস্তারাহ আসিয়া আরো গ্রাসোদ্যত হয় ! কেন যে এমন জাজল্যমান সুলক্ষণের দিনে এমন লুক্কায়িত অলক্ষণ অন্তস্তলে লক্ষিত হয়, তাহা কিছু মাত্র বুঝিতে পারেন না !

বেলা অবসান হইয়াছে ; প্রমীলা চলিয়া গিয়াছেন ; লীলা আপন কক্ষে বসিয়া বাম করতলে বাম গণ্ড স্থাপন পূর্বক ঐরূপ গভীর চিন্তায় মগ্না, এমন সময় বিদায় গ্রহণার্থ দুলীন তথায় উপস্থিত । লীলার এই মিয়মান ভাব দর্শনে দুলীন চমকিয়া উঠিলেন—দুলীনের বক্ষঃস্থল যেন বিদীর্ণ হইতে লাগিল—স্বরে ও সাদরে প্রেমসীর বদন-কমল হইতে কোমল করকমল সরাইয়া কারণ জিজ্ঞাসার ইচ্ছায় স্বীয় ওষ্ঠাধর মুক্ত করিতে না করিতে লীলা স্বীয় নাহ-লতার প্রিয়তমের কণ্ঠ বেষ্টন পূর্বক রোদন করিতে লাগিলেন !

“কেন ? কেন কি হইয়াছে ? কাহার সাধা, কে কি বলিয়াছে ? কাহার ঘাড়ে ছটা মাথা, কে তোমার অপ্রিয় করিতে সাহসী হইয়াছে ?” ইত্যাকারের সক্রম সানুরাগ প্রলাপের প্রশ্নমালা চলিতে লাগিল !

অশ্রু বিসর্জন উপায়ে হৃদয়ের ভার অনেকটা লাঘব হওয়াতে লীলা কথঞ্চিৎ প্রকৃতিস্থ হইয়া বলিলেন “না হৃদয়নাথ, কেহই আমাকে কিছু বলে নাই—কেহই কিছু করে নাই—সকলেই আমার আদর আর সমাদর করিতেছে—সকলেই আমার সুখ আর সন্তোষের জন্ত ব্যতিব্যস্ত আছে ; আমার দুঃখের কারণ বাহিরে নয়, ( বক্ষ দেখাইয়া ) এই ভিতরে !” এই ভূমিকার পর আশ্র-মনোগত অভাবনীয় ভাব, অকারণ হুশিস্তা এবং অনিমন্ত্রিত আশঙ্কার যতদূর প্রকাশ করা সম্ভব, লীলা তাহা অভিব্যক্ত করিলেন । দুলীন শুনিয়া মহা ব্যাকুল হইলেন—কি বলিলে কি করিলে প্রিয়তমার এই আকস্মিক চিত্ত-ব্যাধির উপশম হয়, তন্নিকরণার্থ অধৈর্য হইলেন ! ভাবিলেন, হুশিস্তা বিদ্রোহীদের হু-ভিসন্ধি ও তিনি তৎপ্রতিবিধানের যে সব মহোদ্যোগ করিয়াছেন, তত্তাবৎ খুলিয়া বলিলেই লীলার অশান্তি দূর হইতে পারিবে । অতএব যাহাতে লীলার মনে অধিক ভয় ভাবনার সঞ্চার না হয়, ভাবী বিপদ-বার্তাকে এইরূপে লঘু করিয়া এবং তাঁহার নিজেয় আয়োজনকে সুরাগে রঞ্জিত করিয়া সংক্ষেপে সকলই বলিলেন ।

• লীলা সাভিনিবেশে আকর্ষণ পূর্বক উত্তর দিল “এখন আমি তোমার কয় দিনের চাঞ্চল্য ও অন্তমনস্কতার কারণ বুঝিলাম । তাহাতে এ প্রেম দাসীর

হৃদয়-বেগের একাংশ—অতি লঘু অংশ মাত্র হাস হইল, কিন্তু তোমাকে বলিব না তো আর কাহাকে বলিব, ইহাতেও আমার বিপদাশঙ্কা দূরীভূত হইল না ! মনে করিও না যে, তুমি যুদ্ধে যাইতেছ বলিয়া এই ছশ্চিন্তা ! আমার দেহে ক্ষত্রিয়-শোণিত প্রবাহিত, আমি কি এমনি ভীকু বালা যে, তোমার রণোদ্যমে তত কাতর হইব ? যখন বীর কার্য্যে নিযুক্ত আছি, তখন অস্ত্রের ষাত প্রতিঘাত-সূচক সংবাদে আমার হৃদয় ভয়-বিহ্বল হইবার নয় ! বিশেষ নিজেও আমি অস্ত্র-চালনা শিখিয়াছি, সুতরাং সশস্ত্র পুরুষবেশে তোমার সঙ্গে গেলেই সে চিন্তার হাতে ত্রাণ পাইব ! কিন্তু তত্ত্বিন্ন অথু কি গূঢ় কারণে আমার অস্ত্রঃকরণ বিলোড়িত, ভয় তাড়িত ও বিপর্যাস্ত হইতেছে, তাহা কিছুই বুঝিতে পারিতেছি না—যেন কোন অজানিত আশাতিরিক্ত বিপদ আসন্ন, এম্মি একটী অক্ষুট আশঙ্কায় আমার চিত্ত ব্যাকুল !”

দুলীন বিবিধ প্রবোধ-ময় সপ্রণয় বাক্যে সাস্বনা করিয়া শেষে হাসিয়া বলিলেন “তুমি পুরুষ বেশে অথু রজনীর ভয়ানক কার্য্যে আমার সঙ্গে যাইবে, ইহা আমার ত্রাণ থাকিতে হইবে না ! আমার আর বিলম্ব করা উচিত নয়, অতএব প্রসন্ন বদনে বিদায় দাও—সর্ব্ব ভয়-ত্রাতা করুণাসাগর পিতার নিকট প্রার্থনা কর, আমি নির্ঝিয়ে কার্য্য সিদ্ধি করিয়া শেষরাত্রে বা প্রভাতে আসিয়া তোমার আনন্দ বর্দ্ধন ও বিবাহোদ্যোগ করিব—কোন চিন্তা করিও না !”

লীলা সজল নয়নে বার বার সঙ্গিনী হইবার জন্তু অশেষ কাকুতি মিনতি করিলেন, দুলীন কিছুতেই সন্মত হইলেন না ! কি জন্তু কোথায় যাইতেছেন, সে কথা, যা ভিন্ন অথু কাহাকেও বলিতে নিবেদন পূর্ব্বক লীলার কোমল বাহুপাশ হইতে আপনাকে যেন ছিন্ন করিয়া লইয়া গেলেন ! চৈতনকে ডাকাইয়া বলিলেন “মাকে সঙ্গে লইয়া লীলার গৃহে যাও—লীলা কিছু অসুস্থ আছে—আমি কার্য্যান্তরে যাইব—গুলাপীও বুঝি বাড়ীতে নাই !” পরে আকরাম খাঁ ও ধন্নুকে সাবধানে পুরী রক্ষার ভার দিয়া সুসজ্জায় বহির্গত হইলেন ।

পুনর্বার হাকিম সিংহ প্রভৃতি বিশ্বাসী কর্ম্মচারিগণকে “কেহই যেন অদ্য রাত্রে দুর্গ হইতে বাহিরে যাইতে ও দুর্গমধ্যে প্রবেশ করিতে না পার” ইত্যাদি উপদেশ আদেশ দিয়া বার বার সতর্ক করিয়া গেলেন ।

সোহনলাল ও আলিবর্দি সঙ্গে চলিল—চাঁদ খাঁ ও ধন্নু পূর্ব্ব হইতেই পূর্ব্বতে আছে ! সাত শত অতি বিশ্বাসী বাছা বাছা লোক সন্ধ্যার কিছু পরে

কাংরা দুর্গ হইতে বহিষ্কৃত হইল—অত লোকের রণযাত্রা কি সংগোপনে হইতে পারে ? যদিও যাহারা বুরুজে, তোরণে বা অন্ত্র পাহারা দিতেছিল, তাহারা ব্যতীত আর সকলকে প্রদোষকালে রাত্রির মত সেনা-নিবাসে যাইবার ও শয়ন করিবার আজ্ঞা প্রচার হইয়াছিল, তথাপি অনেক চক্ষু—সু, কু, ছুইই—ঐ সাত শতের গসজ্জ নিষ্ক্রমণ ব্যাপার দর্শন করিয়াছিল। কিন্তু কি কৌর্য্যোদ্দেশে এই যাত্রা, তাহা কেহ নিশ্চিতরূপে জানিতে পারিল না—যে যাহা অনুমান করুক এই যাত্রা ! সে অনুমান শতদলে শতবিধ হইতেছিল, কিন্তু হাকিম সিংহের কৌশলে এমন একটা গালাগুমা উঠিল যে, সাহেবের দরকারের সময় লেনা সিংহ যেমন সবলে আসিয়া সাহায্য করিয়াছিলেন, এখন লেনা সিংহের কি একটা বিশেষ বিপদ উপস্থিত হওয়াতে সাহেব তেমনি তাঁহার আনুকূল্যার্থ সৈন্তে গমন করিলেন। হাকিম সিংহ এই কৌশলে সৈন্ত-যাত্রার প্রকৃত উদ্দেশ্য গোপন রাখিতে পারিলেন বটে, কিন্তু হয় ! ভবিষ্যতের তদ্বানভিজ্ঞ ভ্রান্ত মানব চিত্তোদ্দেশে যাহার প্রয়াস পায়, ভবিতব্যতা তাহাতে আর একখানা ঘটায় ! হিতৈষী পরম বিশ্বাসী হাকিম যদি ভবিষ্য-দর্শী হইত, তবে এ কৌশলের নিকটেও যাইত না—তাহাতে দুর্গস্থ উৎকোচগ্রাহী বিপক্ষ দল সৈন্তকূচের প্রকৃত মর্শ্ব বুদ্ধিতে পারিলেও তত অনিষ্ট ঘটিত না ! কিন্তু সে কথা এখন না—যথাকালে ।

### উনত্রিংশ পরিচ্ছেদ ।

হরিষে নিষাদ ।

দুলীন সকল ব্যবস্থা করিয়া কম্পিত হৃদয়ে শত্রুর অপেক্ষায় রহিলেন—প্রত্যেক প্লীংকী, প্রত্যেক বন্দুকী, প্রত্যেক গোলন্দাজ, প্রত্যেক আস-শড়্কী-ধারী এবং প্রত্যেক নায়ক স্ব স্ব নির্দিষ্ট স্থানে অবস্থিত—কেহ উপবিষ্ট, কেহ শয়ান, কেহ দণ্ডায়মান। কিন্তু সকলেই লুকায়িত, সকলেই নীরব—প্রত্যেক বিভাগের ও প্রত্যেক ব্যক্তির পৃথক কর্তব্য পরিষ্কাররূপে পূর্বেই নির্ধারিত হইয়া আছে—যে যে অবস্থা ঘটিলে যে সম্প্রদায়ের দ্বারা যখন যাহা করণীয়, তাহা সেনাপতির দৃঢ় উপদেশে সকলের হৃদয়েই যেন মুদ্রিত হইয়া রহিয়াছে

—কার্যকালে কোন স্থলে যে কোন হড়াহড়ি, কোন গোলযোগ, কোনরূপ সিংহনাদ, কোনরূপ বচসা, অসময়ে অঙ্গপ্রয়োগ ও বার্থ সন্ধান ইত্যাদি ঘটিবে, তাহার সম্ভাবনা মাত্রই নাই—সেনাপতি যখন একটা হাউই ছুড়িবেন, তখনই কার্য আরম্ভ হইবে—অধিক দূর হইতে, অনিশ্চিত অবস্থাতে বা অমোঘ প্রয়োগ না বুঝিলে কেহই কিছু করিবে না !

সে নিশাতে নিশাকব সেনা অধিকতর নিশ্চল জোৎস্না বিকীরণ করিতেছেন—রাত্‌নর সেনা দিন, প্রায় এমনি বোধ হইতেছে—কক্সা ত্রয়োদশী, চাঁদ দণ্ড রাত্রি সময়ে নিশানাথ ঘুমাইতে বাইবেন, সূতরাং তিনি প্রায় সারা নিশাট 'আলুতুলা' বিতরণে যে রূপণ হইবেন না, ইহারই সম্ভাবনা ।

তুলীন অপেক্ষা করিতেছেন—অধিতাকা, উপতাকা, গিরি, কন্দর, বন নিস্তক—মাকে মাকে ছই একটা নিশাচর পশু পক্ষীর ককশ ধ্বনি ও তলহু ফুৎ তটিনীর স্নমবুর কুলু কুলু রব বাতাত আর কিছুই শ্রুত হইতেছে না ! প্রকৃতির এই গাভীদাময় মাধুর্যের মধ্যে উপস্থিত বক্ষ্যমাণ ব্যাপার, কি ভয়ানক—কি শান্তিহর ! তুলীনের হৃদয় সেই ভীষণ চিন্তার মধ্যে স্বায় হৃদয়েশ্বরীর নানা ভাবে পরিপূর্ণ—লীলার হৃদয়-পন্ন কি অভাবনীয়, অনিশ্চিত হতাশে আ'জ্ মলিন হইল, তাহার কাব্যাত্মসন্ধানের নিমিত্ত তদন্তশীলনে মাকে মাকে ব্যাপৃত ।

ত্রিঘানার তৃতীয়াংশও আর নাই, এমন সময় পাষণ-শয্যায় অন্ধশায়িত, চিন্তান্দোলিত, অন্ধ-সুপ্ত সেনাপতিকে বার্তাবহ ব্রহ্ম আসিয়া সংবাদ দিল "বিপক্ষেব অগ্রণী-দল দেখা দিরাছে ।"

তুলীন গিথা দেখিলেন—নিঃসন্দেহে, উৎসাহ ভরে, উল্লাসের কোলাহলে তুলাগারা ঘন-গুলি বা স্মপুবীর পথে উঠিতেছে—যদি তাহাদের উপযুক্ত সেনাপতি থাকিত, এমন সফট স্থলে এমন নিরাতঙ্ক কদাচ আশিত না—অবশ্যই পাপের উভয় পার্শ্বের শিষ্যদেণ অধিকারার্থ, অস্ততঃ অবেষণার্থ, সন্নাগে লোক পাঠাইত। তাহাকেই বলে "সেনাপতা !" তদভাবই "গোয়া-কুর্গি !" সেই গোয়াকুর্গি অর্থাৎ উপযুক্ত বুদ্ধিবলের সাহায্য ব্যতীত শুধু পাশব-বল ও উৎকোচদান রূপ নাচ পুষ্ঠিত বলের উপর নির্ভর করিয়াই যে বিপক্ষ পক্ষ আসিবে, তাহা তুলীন পূর্বে হইতেই বুঝিতে পারিয়াছিলেন ।

তাহারা উগর হইতে নীচের কোলাহল ও হাস্য পরিহাস শুনিতে লাগিলেন—শত্রুর অগ্রণী-দল যেমন অগসর হইতে লাগিল, তুলীনও তাহাদের মস্ত-

কোপরিষ পথ বাহিয়া সঙ্গে সঙ্গে আসিতে লাগিলেন—শত্রু এত দূর নিঃস-  
নিষ্ক ও সফলতা পক্ষে এত আশ্রয় যে, নিদ্রিত দুর্গকে কিরূপে চম্কাইয়া  
তুলিবে, কিরূপে “দোচকো” কাটিবে, বনাগার ভাঙিবে, পুটিবে, মাতেবের  
সঞ্চিত অপরিমিত অর্থ রাশি আধিক্য করিবে, কোন পদস্থ লোক কিরূপ ভাগ  
পাইবে, কেহ কেহ বা বাজারের বড় বড় মহাজনের গদি লুঠ করিবে ইত্যাদি  
“কালনিম্বর লক্ষ্যভাগের’ আনোদে মহা আনোদা !

যখন অগ্রণী দল পূর্বদিকের তিনটা ছলংঘা ধাপের কাছাকাছি গিয়াছে তখন  
যখন ছলীন সংবাদ পাইলেন যে, পশ্চাদর্তী সমগ্র দল স্থানীয় মধ্যে সম্পূর্ণ  
প্রবিষ্ট হইয়াছে, তখন অমান নিষ্ক নৈশ গগন ভেদ কাব্যসৌন্দর্যে শব্দে  
জলন্ত হাউটে উঠে উঠিল—সেমন হাউটে উঠা, অমান শত শত বজনাতে শত শত  
বন্দুকের যুগপৎ ভীষণ ধ্বনিতে গভীর গিরি-পথ ও গভীরা বজনা যেন সহসা  
কম্পিত ও নিনাদিত হইয়া উঠিল—বিশেষতঃ ছুট পক্ষত মধ্যস্থ অতি মঙ্গীর  
পথ, তজ্জন্ত প্রতিধ্বনির সাহায্যে শব্দের ভীষণতা সহস্র গুণে বাড়িয়া গুলিগীর  
গর্ভপাত হয়, একপ একটা ভয়ানক শব্দ উৎপন্ন হইল—যেন সেই পক্ষতদ্বয়  
শত শত অশনিপাতে চূর্ণ বিচূর্ণ হইয়া গেল, এমন ব্যাপার ঘটিল ! সেই সঙ্গে  
নিম্ন দেশ হইতে সহস্র সহস্র মানব-কণ্ঠ নিঃসৃত ঘোরতর আর্তনাদ, ভয়ানক  
চীৎকার, অশ্রুতপূর্ব বিকট কোলাহল উখিত হইয়া ছলীন-সৈন্যের চতুর্দশ  
শত কর্ণকে যেন বধির করিয়া তুলিল ! হায়, চীৎকারের পর চীৎকার—কি  
রাফসী চীৎকার—সে চীৎকার তখন মানবের শব্দ বলিয়া বোধ হইল না,  
যেন যথাথই দাবানল-বেষ্টিত অসংখ্য প্রকার জানোয়ারের স্বর-বিকার বলিয়া  
জ্ঞান হইতে লাগিল !

ছুট—সম্মুখে ছুট—পশ্চাতে ছুট—মাহারা বাঁচিল—মাহারা আহত না  
হইল, তাহাদেরই ঐ ছুট ! কিন্তু হায় ! যে মুখে দাঁড়াবে, সেই দিকেই অগ্নিবৃষ্টি,  
ভীষণবৃষ্টি, পাবান-বৃষ্টি ! সবে মাত্র যাইবার পথ দুর্গ-দিকে, সে দিকে ছলংঘা ধাপ  
ও বাঁধ, পশ্চাতে শব ও মঙ্গীর বাধা ! তথাপি ছুট—উভয় দিকেই ছুট—পশ্চা-  
ভাগেই বেশী—শবের উপর দিয়া, জীবিতের উপর দিয়াও ছুট ! কে কাহার  
গারে পড়ে, কে কাহাকে ঠেলিয়া যায়, কিছুই ঠিক নাই ! দুর্বলকে ঠেলিয়া  
মুদল পলায়—দুর্বল পড়িয়া যায়, অথো তাহাকে পদতলে মর্দিত করিয়া  
যায়—তাগাতেও অনেক মরিল—কিন্তু মাহারা ওরূপে পলাইতেছে, তাহারাই

বা কোথা যাইবে ? ছই পা যাইতে না যাইতেই তাহাদের আবার পতনের পালা—পলাইবার সাধ্য কি ? বড় ছঃসাহসিকেরা হাঁচড় পঁচড় করিয়া পর্কত গাত্রে উঠিতে যায়, উপর হইতে ছোট বড় প্রস্তর খণ্ড গড়াইয়া আসিয়া তাহাদের লইয়া ভয়নক শব্দে যম-ঘুলির তলায় পড়িয়া যমপুরী পূর্ণ করে !

যাহারা সকলের পশ্চাতে ছিল, তাহাদেরও নিস্তার নাই—যেমন হাউই উঠিল, অমনি বনু নিজ লুকায়িত দল লইয়া উভয় পার্শ্ব বন হইতে, দ্রুতপদে আসিয়া বহির্গমনের দ্বার রুদ্ধ করিল—তাহাদের অনল-বৃষ্টির প্রতিবন্ধে কার সাধ্য পশ্চৎপদ হইয়া বাঁচিতে পারে ?

যাহারা সম্মুখ ভাগে ছুটিল, পূর্বেই বলিয়াছি, সে দিকেও বাধা পাইল ! একে তো সহজেই ধাপ কয়টান উল্লংঘন ছঃসাধ্য, তাহাতে সম্মুখে উচ্চ প্রাচীর ! আবার প্রাচীরের ছিদ্র মালা হইতে প্রচণ্ড অনল ক্ষেপণ কাণ্ড ! অতএব কোন পথে কোন মতেই নিস্তার নাই—অনেকে ক্রোধাক্ত হইয়া পিঞ্জর-বন্ধ ব্যাঘ্রের স্থায় ভয়নক গর্জন করিতে লাগিল—উর্দ্ধমুখ হইয়া বন্দুক ও তীর ছুড়িতে লাগিল—হায় ! তাহাতে কি হইবে ? বিফল রাগ—বিফল সন্ধান—আপনাদের তীর ও গুলি গুলি হটিয়া আসিয়া আপনাদেরই গায় পড়িতে লাগিল !

ছলীন দেখিলেন যথেষ্ট হইয়াছে—আর না—ভয় প্রদর্শন যত, সৈন্যবৃন্দের উদ্দেশ্য তত নয়—বিপর্যয়ে নিজ বাহুবল, নিজ বুদ্ধিবল, নিজ অপ্রতিহত সৈন্যপত্য-কৌশল দেখাইয়া বিঘ্নদৃষ্ট ভঙ্গ করাই প্রধান লক্ষ্য, তাহা সম্পূর্ণরূপে সর্কতোভাবেই সিদ্ধ হইল—আর কেন ?

অতএব পূর্ব নির্দিষ্ট নঙ্কেন্দ্রসারে পুনর্বার ছইটা হাউই যেমন উৎক্লিষ্ট হইল, অমনি ভেঙ্কির স্থায় সন্ধ্যানের অস্ত্রপ্রয়োগ বন্ধ হইল—যেন পর্কতো-পরি মানুষ্য নাই, এমনি নিস্তর হইয়া উঠিল !

কিন্তু নীচের গোল অতি ভীষণ—নীচের অনাহত যোদ্ধার তর্জন, গর্জন ও বিফল আক্রোশ নিতান্তই অনানুযায়িক—পৈশাচিক ! আবার আহত জন-পুঞ্জের হাহাকারে, চাঁৎকারে, আর্তনাদে, “জল জল” রবে গিরি-পথ বিকট-রূপে নিনাদিত ! ছলীনের দূত বহু কষ্টে বহুবার চেচাইয়া নীচের লোকের মনোবোগ আকর্ষণ পূর্বক বলিল “ওহে নিরোধগণ ! শুন শুন—এখন তোমরা স্বচ্ছন্দে ফিরিয়া যাইতে পার। কেবল তোমাদের যিনি প্রধান, তিনি সকলেই হইয়া ধর্মকে মাফী রাখিয়া শপথ করুন যে, এমন কাজ আর করিবেন না—



সাহেব তোমাদের কখনই কোন অনিষ্ট করেন নাই, বরং তোমাদের হিত অভিলাষই করেন—যাঁহার নেমক খান, তাঁহার বিরুদ্ধে নেমখারামি কাজ করিতেই তিনি অসম্মত ; নতুবা অন্য যেক্রমে বল, সাধ্যমতে বরং তোমাদের উপকার করিতেই প্রস্তুত। তোমাদের পাগলামি দেখিয়া তিনি অত্যন্ত দুঃখিত হইয়াছেন—তোমাদের যত কিছু বড়যন্ত্র, যত কিছু কুমন্ত্রণা, তিনি তাহার সমস্তই জানেন—তা তো স্বচক্ষেই দেখিয়া গেলে—অতএব এমন কাজ আর করিও না, এইটী ধর্ম্মতঃ শপথ করিলেই পথ পাইবে !”

যত মহারাজা, রাজা, সর্দার ও গণ্য মান্য সম্ভ্রান্ত বীরগণ—আহা ! যাঁহারা বাঁচিয়াছিলেন—সকলেই এককালে হতদর্প, হুড়ুপি-বন্ধ সর্পের ঞায় নতশির—লজ্জায়, দুঃখে, পরিতাপে, অপমানে মৃতবৎ—প্রাণের জ্বালা চাপিয়া অন্ততপ্ত হইয়া একজন প্রধানের দ্বারা সম্মতি জানাইলেন। তিনি নম্র-ভাবে ডাকিয়া কহিলেন “আমরা এই অস্ত্র পরিত্যাগ করিলাম, একবার সাহেবের সহিত সাক্ষাৎ বাসনা করি—আর কিছুর জ্ঞান নয়, তাঁহার ভদ্রতা ও দয়ালুতার নিমিত্ত কৃতজ্ঞতা প্রকাশ মানস—এমন যো পাইয়া, যাঁহারা তাঁহার ধন প্রাণ মান হরণে যাইতেছিল, তাহাদিগের সম্মুখে সকল সংহার না করিয়া এমন অসীম দয়া প্রকাশ নিতান্তই আশাতিরিক্ত—এমন মন্ত্রপূত কৌশলে সহসা একবারে অর্ধ ক্রোশ পথের অস্ত্রাঘাত বন্ধ, ইহাও সামান্য আশ্চর্য্য নয়—যেন দৈব ব্যাপার—আদ্যন্ত দেখিয়া আমরা মোহিত হইয়াছি—শত্রুতার কামনা পরিত্যাগ করিয়া অস্ত্রের সহিত তাঁহার অনুগত আশ্রিত মিত্র হইয়া পড়িয়াছি ! সেই কথাটা তাঁহাকে বলিয়া তিনি যে শপথ চাহিতেছেন, তাহাও সর্বাস্তঃকরণে করিয়া নমস্কার পূর্বক চলিয়া যাইব, ইহাই আমাদের এখনকার বাসনা !”

ছুলীন তৎক্ষণাৎ দেখা দিলেন—তাঁহারা বথার্থই অকপট সৌজন্ম, আন্তরিক ব্যাঘাতা, গভীর কৃতজ্ঞতা প্রকাশ পূর্বক “এমন কাজ আর করিব না” বলিয়া প্রত্যেকেই শপথ করিয়া চলিয়া গেলেন—আহত বাছিয়া লইবার ও হত ব্যক্তিগণের সংকার করিবারও অনুমতি পাইলেন—তজ্জন্ম তাহাদের কতক লোক রহিল, আর সব চলিয়া গেল। অষ্ট সহস্র আসিয়াছিল, শ্বদ্বিসহস্র হত, ত্রিসহস্র আহত এবং ত্রিসহস্র মান্য স্নানাত দেখে কিছু আহত পাগে কিরিল।

যখন সর্দারগণের সহিত ছলীন দেখা করেন, তখন প্রায় প্রভাত হইয়াছে । ভদ্রতা, শিষ্টালাপ, কৃতজ্ঞতা-প্রকাশ ও শপথাদির সহিত সন্ধি-বন্দন-বাপার সিক্ত হইতে কিছু বেলা হইয়া পড়িল । সংকারাদির নিমিত্ত তাহাদের কতক লোক যেমন থাকিল, ছলীনও তেমনি তাহাদের সাহায্য ও প্রহরিতার নিমিত্ত মোহন ও বঙ্গুর দল রাখিয়া অবশিষ্ট সহচর সঙ্গে ছুগাভিমুখে ফিরিলেন ।

লীলাকে দেখিতে, স্বীয় অক্ষত দেহ লীলাকে দেখাইতে এবং সম্পূর্ণ জয়ের সুসবাদ স্বমুখে লীলাকে শুনাইতে তাহার হৃদয় অধৈর্য ! অতএব চাঁদ ও আলিবর্দি প্রভৃতিকে জয়পতাকা উড়াইয়া ও জয়বাদ্য বাজাইয়া সসৈন্তে আসিতে অনুমতি দিয়া আপনি বেলুনারোহণে কেবল ছাদশজন মাত্র অশ্বারোহী সহিত অতি দ্রুত বেগে অগ্রসর হইলেন—সে দিন বেলুন বুকিল, প্রিয় প্রভুর বাসনা-বেগের সহিত বেগবান হওয়া তাহারও সাধ্য নয়—বেলুন কস্মিন্কালে কশাঘাত খায় নাই, আ'জ্ ভাগ্যে তাহাও ঘটিল ! সুতরাং উচ্চৈশ্রবাকেও হারাইয়া পবনবেগে ছুটিল—সঙ্গীরা পশ্চাতে কোথায় পড়িয়া রহিল—তাহারা অতি বিষয়ে পরস্পরের মুখ চাওয়া-চাই করিতে লাগিল ।

সম্পূর্ণরূপে মনোরথ পূর্ণ হইয়াছে—এক কার্যে ত্রিবিধ মহৎ ফল ফলিয়াছে । প্রথমতঃ—পার্কীতা অঞ্চল নিস্তেজ হইয়াছে ; তাহার প্রতি তাহাদের এত যে শাসানি, এত যে গর্ব-ভাব ছিল, সে গর্ব খর্ব হইয়া তাহারা জন্মের মত—অস্ততঃ বহুকালের নিমিত্ত শক্রতার পরিবর্তে মিত্রতা দেখাইবে, তাহাতে সন্দেহ নাই ! দ্বিতীয় ফল—এ কাজে তাহার নাম যশঃ সর্বত্র এত বিস্তৃতরূপে পরিব্যাপ্ত হইবে যে, সহসা পঞ্জাবের কোন দুষ্ট সর্দার আর তাহার বিরোধী হইতে সহসা সাহসী হইবে না ! তৃতীয় ফল—সর্বাপেক্ষা শুভকর ও বর্তমান অবস্থায় বিশেষ কার্যকর, অর্থাৎ কুচক্রী দুষ্ট মন্ত্রীদল তাহাকে পার্কীতীয় বিদ্রোহীদের প্রধান রূপে বর্ণনা ও প্রমাণ করিয়া মহারাজার কর্ণে যে ভারি করিতেছিল, এক্ষণে বচনে আর তাহার প্রতিবাদ করিতে হইবে না, অচ্ছেদ্য প্রতিবাদ আপনা হইতেই দেদীপ্যমান হইবে—মহারাজা এত নির্যোধ নন যে, ইহার পরেও আর কোন দুর্জন তাহার সমীপে সেরূপ মিথ্যা গানির আভাস মাত্রও দিতে সাহস পাইবে !

অতএব ছলীনের হৃদয় আ'জ্ অতুল আনন্দোৎসাহে পূর্ণ—ছলীন আ'জ্ এই সুব সুমহান্ শুভ সংবাদের তথ্য স্বীয় প্রাণাধিকা প্রিয়তমাকে বুঝাইয়া

দিয়া তাঁহার চিত্তোদ্বেষ্টা শাস্ত করিবেন এবং নিরাতঙ্কে আর নিশ্চল প্রেমানন্দে অদ্য রজনীতে লীলার পবিত্র পাণিগ্রহণ পূর্বক অভিন্ন-সুগল-হৃদয়কে চিরকালের মত দৃঢ়বদ্ধ করিয়া লইবেন !

এই মহোৎসাহে—এই হৃদয়োচ্ছ্বাসে—জীবনের এই উচ্চতম আশাভরে ব্যগ্রবেগে ছুটিয়া যাইতেছেন ! কিন্তু তথাপি—কি জানি কেন—তাঁহার অন্তঃস্থলের হৃৎকোণে কি এক প্রকার অনাহত, অজ্ঞাত, অনির্করণীয় অমঙ্গলের ভাব অব্যক্তরূপে দেখা দিতেছে—কি যেন একপ্রকার অপরিষ্কৃত ছন্দিতা আসিয়া হৃদয় অধিকার করিতেছে—কি যেন একপ্রকার গুপ্ত বিনাদবক্তির শিখা ধিকি ধিকি জ্বলিয়া উঠিতেছে—যত তাহাকে যুক্তিকলে নির্দোষিত করিতে চেষ্টা পান, ততই যেন আরো উদ্দীপ্ত হইয়া উঠে ! তাহাতে অন্তরের ব্যগ্রতা সহিত গমনের বেগ আরো বাড়িল !

কাহারো সহিত কোন কথা না, বার্তা না—কাহাকেও কিছু জিজ্ঞাসাবাদ না—একবারে স্বীয় পুরীর দ্বারে উপস্থিত ! বেলুন হঠতে এক লক্ষ্মে অবতরণ—দুই তিন লক্ষ্মে আরোহণ—স্বর্গহে প্রবেশ নয়, একবারে অন্তঃপুরে গমন—গমন নয় ধাবন—চতুর্দিকে অবেষণ—সব শূন্য ! ভায় সব শূন্য ! কেহই নাই ! জনপ্রাণীও নাই ! দশ দিক্ শূন্য ! হৃদয় শূন্য ! মস্তিষ্ক শূন্য ! চক্ষে দেখিতে পান না—মস্তক ঘুরিতে লাগিল ! বসিয়া পড়িয়া ক্ষণেকের নিমিত্ত কিঞ্চিন্মাত্র প্রকৃতিস্থ হইয়া উচ্চৈঃস্বরে “লীলা ! লীলা !” আহ্বান—কোন উত্তর নাই ! “মা, মা, রাজ্ঞী চন্দ্রাবতি !”—কোন উত্তর নাই ! “বুড়ী মা, বুড়ী মা !”—কোন উত্তর নাই ! পরিচারিকাদের নাম ধরিয়া ধরিয়া ডাকিতে লাগিলেন—কাহারো কোনই সাড়া শব্দটা নাই ! শেষে “চৈতন, চৈতন !” ডাকিবা মাত্র সজল নরনে চৈতন উপস্থিত !

ফলতঃ প্রভুর অত উগ্রভাবে আগমন ঈক্ষণ করিয়া তাঁহার পশ্চাৎ পশ্চাৎ শুধু চৈতন নয়, হাকিম সিংহ প্রভৃতি কেহ কেহ নিঃশব্দে উপরে উঠিয়া অদূরে দাঁড়াইয়াছিল—সম্মুখে যাইতে কেহই সাহস পাইতেছিল না—আহ্বান মাত্র অশ্রু জলাভিষিক্ত চৈতন গিয়া প্রাণাধিক প্রিয় প্রভুর অপার শোক পারাবারের ভয়ঙ্কর উচ্ছ্বাস বেগ যেন আপন বক্ষে পাতিয়া লহতে ইচ্ছুক, এমি ভাবে অগ্রসর !

দুলীন নিতান্তই ধৈর্যহারী—জ্ঞানহারা বলিলেও বলা যায়—সে গাভীর্যা,

সে মাধুর্য্য, কিছুই নাই—অভিন্ন উন্মাদবৎ ! তথাপি স্বাভাবিক হৃদয়বলে, লজ্জার অনুরোধে এবং সংবাদ প্রাপ্তির আশায় বহু চেষ্টায় সহিষ্ণুতার আশ্রয় গ্রহণ পূর্ব্বক কিয়দংশে বাহ্যিক ধৈর্য্য ও সুস্থতা প্রদর্শনে সমর্থ হইলেন ! হৃৎবেগে প্রশ্নের পর প্রশ্ন করিতে লাগিলেন ! করিয়া চৈতনের মুখে যাহা শুনিলেন এবং চৈতনের আস্থানে “মেনকা” নামা প্রাচীনা পরিচারিকা আসিয়া যাহা কহিল ; এবং হাকিম সিংহ প্রভৃতি যে সব ঘটনা বর্ণনা করিল ; এবং পেস-থেজ্‌মৎ যত টুকু বলিতে পারিল ; সে সমস্ত মিলাইয়া দেখিয়া তুলীন যাহা বুঝিলেন, পাঠকগণের কষ্ট নিবারণ ও বোধ-সৌকর্য্যার্থ নিম্নে তাহা বিবৃত করিতেছি ।

লেনা সিংহের সাহায্যার্থ সাহেব গিয়াছেন, এই জনরবটী হাকিমসিংহ এক ভাবিয়া প্রচলিত করিলেন, ফল আর একরূপ দাড়াইল ! হাকিম ভাবিয়া ছিলেন, ইহা না রটাইলে দুর্গস্থ কুচক্রীরা কুচের প্রকৃত তত্ত্ব অনুমানে বুঝিয়া পাছে কোন সুযোগে আক্রমণাগত বিপক্ষদলকে সংবাদ পাঠায়, তাহা হইলে যম যুলিতে সাহেব যে এত উদ্যোগ করিয়াছেন, সে সব শুধু ব্যর্থ মাত্র হইবে না, অধিকন্তু, সাহেবের বিপদ ঘটবারও সম্ভাবনা ; যেহেতু তাহার সাত আট হাজার, সাহেবের সঙ্গে কেবল সাত শত ! তদবস্থায় প্রবল বিলক্ষদল অন্য পথ দিয়া যুরিয়া আসিয়া সাহেবকে বেঁধেন ও দুর্গাধিকার, উভয় অমঙ্গলই ঘটাইতে পারে !

এই কৌশলে সাহেব যদিও নিরাপদ হইলেন, কিন্তু দুর্গের বিপদ ঘটিল । দুর্গস্থ বড় বজ্রীরা যখন বুঝিল যে, সাহেব স্বয়ং ও ভাল ভাল কর্মচারী ও বাছাবাছা সাত শত যোদ্ধা তো বহু দূরে চলিয়া গেল—দুর্গের সাহায্যে তাহাদের আসার আর আশা নাই ; তখন দুর্গাধিকার অতি সহজ ব্যাপার হইয়া উঠিল । যদিও তাহাদের প্রধান তিনজনকে তুলীন কারাবদ্ধ রাখিয়াছিলেন, তথাপি নায়কের অভাব ছিল না—শুন্‌রাও সিং নামা একজন সৈনিক কর্মচারী সে ভার লইল । শুন্‌রাও এত কপট ও এমনি ধূর্ত প্রকৃতির লোক যে, সাহেবের প্রতি ভক্ত ভক্তি প্রকাশ দ্বারা স্বীয় হুরভিসন্ধি ও ছুরাচরণ সম্পূর্ণরূপে আবরণ করিতে সমর্থ হইয়াছিল—তাহার প্রতি তিলেকের তরেও সন্দেহ হয় নাই—সে সকলের চক্ষেই ধূলা দিয়াছিল !

তাহাদের বহির্বাধকগণের সহিত যেসময়টী নিরূপিত ছিল, অর্থাৎ নিশার

শেষ প্রহর । ঠিক সেই ক্ষণে ঐ ধূর্তের অধ্যক্ষতায় বিদ্রোহীদল সহসা ফেপিয়া উঠিল—অস্ত্রে শস্ত্রে সমজ্ঞ হইয়া বাহির হইল ; তাহারা জানে বাহিরের বৈরিপক্ষ এখন আসিয়া যোগ দিবে ; সুতরাং ভিতরের বিদ্রোহীদল সংখ্যায় তত বেশী না হইলেও হানি নাই । তাহারা কতকগুলি মশাল জালিল ; ঘোর চীৎকার রবে কতক বা দুইটী তোরণাভিমুখে, কতক বা হাকিম সিংহের গৃহাভিমুখে, কতক বা অজ্ঞাগারাভিমুখে, কতক বা অন্য দুই একজন কর্মচারীর বাসস্থানাভিমুখে ছুটিল ।

তোরণের প্রহরিগণকে অনায়াসেই আয়ত্ত করিতে পারিল, যেহেতু তাহাদের অনেকেই নিদ্রিত ছিল । তখন হাকিম সিংহ যদি স্বগৃহে থাকিতেন, তবে নিশ্চয়ই তাহাকে বধ করিতে পারিত । কিন্তু সৌভাগ্যক্রমে হাকিম সিংহ নিশ্চিন্ত হইয়া ঘুমাইয়া থাকিবার লোক নহেন । হাকিম তখন চতুর্দিক তত্ত্বাবধান করিয়া ফটকের উপরিভাগস্থ গোলেন্দাজদিগের নিকট সবে মাত্র আসিয়া দাঁড়াইয়াছেন, এমন সময় এই দুর্ঘটনা উপস্থিত । দুর্জনেবা ফটকের প্রহরিগণকে বাধিল, হাকিম তাহা উপর হইতে দেখিলেন—তখনও কিছু বলিলেন না । কিন্তু যেইমাত্র বাধিয়া পার্শ্বস্থ গৃহমধ্যে পুরিয়া শৃঙ্খল টানিয়া দিল, অমনি গোলেন্দাজগণকে গোলা বর্ষণ করিতে আদেশ দিলেন, এবং বুরুজের অন্যান্য ভাগে তিনচারি স্থলে, যে সব সৈনিক ও কর্মচারীগণকে একরূপ দুর্ঘটনার প্রতিবিধানার্থ সুসজ্জ রাখিয়াছিলেন, তেরিধ্বনি দ্বারা তাহাদিগকে আহ্বান করিলেন । তাহাদের প্রত্যেক দল যে যে স্থানে নামিয়া যেক্রম অবস্থায় যে যে কার্য্য করিবে, তাহা তাহাদিগকে পূর্বেই উপদেশ দেওয়া ছিল । সুতরাং হাকিম এখন তাহাদের সাহায্যে বিদ্রোহিগণকে উত্তম শিক্ষা দিতে সমর্থ হইলেন ! কামানের গোলা বর্ষণে তোরণস্থ বিদ্রোহিগণের অধিকাংশ পড়িল, সন্নাংশ মাত্র ফটক খুলিয়া পলাইতে পারিল, তাহাও নিশ্চিন্দ্রে নয়, তজ্জন্তুও কামান ও কামানচালক প্রস্তুত ছিল, সুতরাং পলাতকের মধ্যে অনেকেই দুর্গ বাহিরেও শরন করিল ! ফটক, বিদ্রোহী-শূন্য হইতে না হইতেই হাকিমের প্রেরিত বিশাসী সৈনিকগণ গিয়া শব ঠেলিয়া পুনর্বার দ্বার রুদ্ধ করিল ; পার্শ্বের গৃহদ্বয়ের শৃঙ্খল খুলিয়া দিল ; পুনর্বার অধিকতর বলে তোরণের বক্ষা ও সতর্ক প্রহরিতা চলিতে লাগিল ।

ওদিকে দুর্গাভ্যন্তরে দুই তিন স্থলে অল্পক্ষণ মাত্র যুদ্ধের পরেই বিদ্রোহিগণ

নির্জিত হইয়া পড়িল—কতক বা হতাহত, কতক বা বন্দী হইল। যাহারা অন্ধকারে পলাইয়া বাজারে বা নগরে লুকায়িত ছিল, প্রভাতে তাহারা সকলেই ধরা পড়িল। এইরূপে সুযোগ্য হাকিম সিংহের প্রতাপে বিশেষ অনিষ্ট ও অত্যাচার ঘটিতে না ঘটিতেই বিদ্রোহানল প্রশমিত হইয়া দুর্গ নিরাপদ হইল।

কিন্তু হায়, সেই সময় টুকুর মধ্যেই গোলযোগের সীমা পরিসীমা রছিল না—দুর্গ মধ্যে যে ক্ষুদ্র নগর ও বাজার, তদধিবাসীরা মহাতঙ্কে জাগিয়া উঠিয়া ডাকাডাকি, চোঁচোঁচি, কেলাহল করিতে লাগিল ও বিশেষ কিছুই বৃদ্ধিতে না পারিয়া কিংকর্তব্য-বিন্দ্যাবস্থায় কেবল ছুটাছুটি ও চীৎকার শব্দে তুমুলকাণ্ড ধাইয়া তুলিল। ইহাতেও তত ঘাইয়ে যায় নাট : কিন্তু হায় ! এই বিষম গোলযোগের আর একটি বিষম ফল যে উৎপন্ন হইল, তাহাই শেষে মহা শোচনীয় হইয়া উঠিল !

ছুরাঘাদের প্রথম সিংহনাদ ৬০ হাজার শব্দ শুনিতে পাইয়া অন্তঃপুরবাসিনীরা মহা শঙ্কাকুল হইয়া উঠিলেন। আকরাম খা ও ধন্নু এক জন অনুচরকে সংবাদ জানিতে পাঠাইল। বিদ্রোহীরা তাহাকে তাড়া করিয়া আইল—সে দৌড়িয়া অন্তঃপুরের দেউড়িতে আসিয়া দ্বার বন্ধ করিয়া ঠাঁপাইতে ঠাঁপাইতে কহিল “সর্বনাশ হইয়াছে—দুর্গের সমস্ত দৈনিক ক্ষেপিয়াছে—কটক খুলিয়াছে ; বাহির হইতে হাজার হাজার বিপক্ষ আসিয়া তাহাদের সঙ্গে মিলিয়াছে ; হাকিম প্রভৃতিকে মারিয়া ফেলিয়াছে ; ঐ শুন কামান ছুড়িতেছে ; ধনাগার ও বাজার লুটিতেছে ; এখানেও শত শত জন আসিতেছে !” ইত্যাদি।

এ সংবাদে পলায়ন ভিন্ন অন্য মন্ত্রণা আর কি হইতে পারে ? চৈতন্য তো আগেই পলাইয়া যে গৃহে ইন্ধন কাঠাদি থাকে, সেই কাঠগাদায় লুকাইলেন—আহা ! সর্ব্বাঙ্গে কি ছড, কি শোণিতপাত !

লীলা তবু পলাইবার কথার বড় সম্মত হন নাই—বিশেষ বয়ঃস্থা মাতাকে লইয়া কোথায় বাইবেন ? কিন্তু সেই মাতার নির্লক্ষ্যতাবোধে পলায়ন সম্মত হইতে বাধ্য হইলেন। তাড়াতাড়ি একখণ্ড ক্ষুদ্র কাগজে পেন্সিলযোগে দুই ছত্র লিখিয়া মেন্কার হাতে দিয়া সূত্রপথে মাতাকে লইয়া চলিয়া গেলেন। সঙ্গে আকরাম খাঁ, ধন্নু ও আর একজন মুলতানী ; তদ্ব্যতীত “জান্‌কী” নামা লীলার সননয়ন্যা অতি বিশ্বাসী, অতি সাতর্কী প্রিয় পরিচারিকা সঙ্গিনী হইল ! লীলা মেন্কারকে বলিয়া গেলেন “মার জন্মই জান্‌কীকে লইলাম, নচেৎ দল

পুরু করিতাম না ।” এত সহর গমনে বসন ভূষণ দ্রব্যাদি গুছাইয়া লওয়া অসম্ভব ; কেবল হাতের মাথায় যে দুই চারি খানি পরিধেয় বস্ত্রাদি ছিল, তাহাই লইতে পারিলেন ।

বিশেষ জিজ্ঞাসায় দুলীন জানিতে পারিলেন, লীলা স্ত্রীবশে যান নাই— পুরুষ পরিচ্ছদে অসি বর্ষাধারী হইয়া গমন করিয়াছেন !

দুলীন অগাঞ্জে দিক্দিগন্তে—বনে, পর্বতে, জনপদে—অনুসন্ধান করিতে ভাল ভাল লোক জন পাঠাইয়া, হাকিমকে তুর্গ ও বিদ্রোহী বন্দী রক্ষার ভাবার্পণ পূর্বক চাঁদ খাঁ ও মোহন সমভিব্যাহারে সুড়ঙ্গ প্রবেশ করিলেন । বন-বধ্যাং যে ভয় পুড়ীতে সুড়ঙ্গের অপর প্রান্ত, এবং যথায় মন্দুরা স্থাপন-চ্ছল কতিপয় দত্তগামী তেজস্বী অশ্ব ও অশ্বপাল রাখিতেন, তথায় আলি-বদ্বিকে সশস্ত্র অশ্বাবোহিগণ সঙ্গে দূর্গ-বতিঃস্ব পথ দিয়া অতি শীঘ্র যাইতে বলিয়া গেলেন । পাছে কোন বিপক্ষ ইতিপূর্বে সে স্থানে আশ্রয় লইয়া থাকে, সুতরাং তাঁহাদের সুড়ঙ্গ হইতে উঠিবার কালে যদি তাহারা আক্রমণ করে, তৎপ্রতিবিধান উদ্দেশেই এই বাদশ্য করিলেন ।

হায় ! সকলই বিফল হইল ! প্রাণাধিকা প্রিয় পলাতিকাগণ সুড়ঙ্গেও নাই ! ভয় মন্দুরা-বাগীতেও নাই ! চতুর্দিক্স্থ গিরি, কানন, গুহা, কন্দর, গ্রাম, নগর, কুত্রাপি নাই—যেন যথার্থই পাতালে প্রবিষ্টা বা আকাশে উড্ডীনা হইয়া গিয়াছেন !

পলাতকগণ সুড়ঙ্গ পার হইয়া মন্দুরায় যে উপনীত হইয়াছিল, এমন প্রমাণ স্পষ্ট রহিয়াছে, যেহেতু মন্দুরা হইতে তাহারা পাঁচটী অশ্ব লইয়া গিয়াছে । অশ্ব-পালকেরা কহিল, শ্রেষ্ঠ অশ্বে লীলা, তাঁহার জননীকে পশ্চাতে বসাইয়া ; অপর একটী অশ্বে সাহসী জান্কাই ; অপর তিনটীতে তিন জন পুরুষ ; এই ভাবে “তাঁহারা ত্রৈ পথ দিয়া গিয়াছেন” বলিয়া একটী পথ দেখাইয়া দিল ।

দুলীনের হৃদয় প্রকৃতপক্ষেই বিদীর্ণ হইতে লাগিল—লোক জন সমক্ষে সে ভাব কথঞ্চিৎ অব্যক্ত রাখিতে পারিলেন, কিন্তু স্বীয় নিঃস্বজন গৃহে গিয়া কি যে করিলেন—জন্মাবধি আপন ভাগ্যের খেলা স্মরণ করিয়া আপনাকে সংসারের মধো বিরূপ হতভাগা ও অপদার্থ যে ভাবিলেন—স্ত্রীলোকের গায় কত যে উচ্চ অশ্রুপাত করিলেন, তাহা আর বর্ণনা করিব না—সহস্র গাঠক ধ্যান করিয়া গাউন !

কিন্তু পাঠক ! জ্বীলোকের ক্রন্দনকে অবজ্ঞা করিও না—সে রোদন-রব. সে অশ্রু বিসর্জন ( Safety Valves ) দ্বারা হৃদয়ের অসহনীয় তাপোদগম কতকটা বাহির হইয়া না গেলে, সাংঘাতিক বাপার ঘটিতে কতক্ষণ ? আঁজ-বাঁর তুলীন তাহাতেই নিস্তার পাইলেন !

চতুর্দিকে—চতুর্দিকে কেন. অষ্টদিকে—অষ্ট কেন. প্রায় দশদিকেই অনুসন্ধান চলিতে লাগিল—নিকটে দূরে. দেশ-দেশান্তরে. বিশ্বাসী ও নিপুণ দূত ছুটিল । কত পুরস্কারের অঙ্গীকার—কত গুপ্ত আদেশ, উপদেশ. বিশেষ-বিশেষকপেত দেখিয়া হইল—মুম্বা বৃদ্ধিতে যতদূর যাহা হইতে পারে, সকলই হইতে লাগিল !

### ত্রিংশ পরিচ্ছেদ ।

শুলাপীৰ পরিণাম—দরবারের সংবাদ ।

শুলাপী কোথায় গেল ? পাঠক এ প্রশ্ন করিতে পারেন এবং তদন্তর দেওয়াও আমাদের উচিত ।

তুলীন যম-ঘুলিতে যে সব মহোদোগ করিয়াছিলেন. শুলাপীই তাহার সূত্র ; সুতরাং শুলাপী সব জানিত এবং সে কয় দিন সর্বদাই তথায় যাতায়াত করিত । যখন বুদ্ধ হয়, তখনও শুলাপী পর্তে ছিল—কিন্তু বিবাদিতা—কয় দিনই চিন্তাচকিতা—কারণ কেহই বঝিতে পারিত না ।

বিপক্ষ দল যখন আপনাদের আহতগণকে চিকিৎসার্থ ও শবগুলিকে সং-কারার্থ স্থানান্তর করিবার অনুমতি পাইল, তাহার কিছু পূর্ব হইতেই শুলাপী যমঘুলিতে নামিয়া প্রত্যেক হতাহত ব্যক্তির বদন ঈক্ষণে নিযুক্ত হইল । বিশেষতঃ যে যে স্থলে হৃদয় রাজ্যের সৈনিক পরিচ্ছদধারী দেখিতে পাইল, তথায় ব্যগ্রভাবে ছুটিয়া গিয়া উন্টাইয়া পাণ্টাইয়া প্রত্যেক শব পরীক্ষা করিতে লাগিল । যমঘুলির নিয়মদশ হইতে আরম্ভ করিয়া ধাপের দিকে যতই যায়, ততই যেন তাহার পূর্ব বিষয়তা একটু একটু করিয়া হ্রাস হইয়া অন্তরের প্রসন্নতা একটু একটু দেখা দিতে লাগিল । বোধ হইল, কোন প্রিয় জনের মৃত দেহ তথায় পাঠবে বলিয়া আশঙ্কা করিয়াছিল, খাঁজিতে খাঁজিতে যতই



তাহা অপ্রাপ্য হইতে লাগিল, ততই ভরসা হইল, বুঝি সে আসে নাই, আই-লেও হয় তো মরে নাই ! এই ভাবেই বোধ হয় মুখখানি প্রকল্প হইতেছিল ! যাহা হউক, এ কাজে গুলাপীর অসামান্য শ্রম হইতেছিল, তথাপি শেষ পর্য্যন্ত সমস্ত শব না দেখিয়া ক্ষান্ত হইবে না. এমনি বোধ হইতে লাগিল। এ পরি-শ্রমের উদ্দেশ্য কেহ জানিতে চাহিলে গুলাপী কোন উত্তর দেয় না ; তথাপি গুলাপীকে বাধা দিতে কাহারো সাধ্য বা ইচ্ছা হইল না !

শেষে সেই ধাপ তিনটির শেষ ধাপে সূদানী-বেশধারী কয়টি শব দূর হইতে দেখিতে পাইয়া প্রকৃত উন্মাদিনীবৎ গুলাপী আপনার পরিণত বয়সকে তুচ্ছ করিয়া শবত্রীর ত্রায় অসঙ্গত লক্ষ্য প্রদানে তত্পরি উঠিল !

দুই একটা দেখিবাব পর একপ্রকার ভয়ানক স্বর নিঃসরণ পূর্বক একটা দীর্ঘাকার শবের নিকট বিকট ভঙ্গীতে গমন করিল। সেই দেহটা উপুড় ভাবে পড়িয়াছিল ; যাহার শব. তাহার বয়ঃক্রম ষষ্টিবৎসরেরও অধিক হইয়া-ছিল. তথাপি অতি দৃঢ়-কায় বলিষ্ঠ বীর ছিল বলিয়া বোধ হইল ; গুলির আঘাতে সে মরে নাই—সেই বীর তাহার পার্শ্বস্থ সঙ্গিগণ অপেক্ষাও অধিকতর অগ্রসর হইয়া অকুতোভয়ে প্রাচীরের পশ্চাদভী ছলীন সৈনিকগণের সহিত অসি বর্ষা দ্বারা হাতাহাতি যুদ্ধও যে করিয়াছিল, গুলাপী তাহাকে উণ্টাইয়া ফেলিলে তাহা বুঝা গেল ; কেননা, তাহার কপালে বর্ষা-ফলকের আঘাত হা করিয়া রহিয়াছে. সেই ক্ষত হইতে অজস্র শোণিত-স্রোত বহিয়া সমগ্র মুখ মণ্ডলে চাপ বাধিয়া রহিয়াছে। তাহার স্বক্কে, ভুঞ্জে, বক্ষের বিস্তর অস্ত্রচিহ্ন। তাহার পৃষ্ঠভাগে একটাও না ! তাহার হস্তও যে অসাধারণ কার্য্য করিয়াছে, তৎপ্রমাণও প্রাচীরের পশ্চাতে তিন চারিটা শব পড়িয়া থাকাতে দেদীপ্যমান আছে—সেই স্থলে ঐ কয়টি ভিন্ন ছলীন-সৈন্ত মধ্যে আর কুত্রাপি একটাও শব পতিত নাই ! তাহার বেশ ভূষা তাহার স্বদেশীয় সঙ্গিগণের ত্রায়, অধিক কেবল, তাহার শিরোভূষায় একটা পালক ও তাহার অস্ত্র শস্ত্র অত্মাপেক্ষা উৎকৃষ্ট ও অধিকতর মূল্যবান—অসি চন্দ্রাদি ব্যতীত তাহার কটিনাক্ষে রৌপ্যমণ্ডিত কোষ মধ্যে দীর্ঘ ছুরিকাভং এক প্রকার সুগঠন অস্ত্র—হইতেই বুঝাইল. সে তাহার সঙ্গীদলের পরিচালক বা নায়ক ছিল। পূর্বেই বলিয়াছি, গুলাপী সেই দেহটাকে ফিরাইল—গুলাপী প্রাচীনা হইলেও খুব বলিষ্ঠা, এখন যেন আরো বলশালিনী হইয়া উঠিল—তাই অবলীলাক্রমে শব-দেহ ফিরাইয়া আপন

অঞ্চল দ্বারা বহু যত্নে মুখের রক্ত-চাপগুলি পরিষ্কার করিল—অনেকে গুলাপীর এই সব অসামান্য প্রক্রিয়া দেখিতেছিল ।

বেই মাত্র এই নিহত বীরের মুখমণ্ডল শোণিত-মুক্ত হইল, অমনি গুলাপীর নয়নদ্বয় একপ্রকার অস্বাভাবিক জ্যোতিঃ ধারণ করিল—গুলাপীর বদন একপ্রকার অমানুষিক চীৎকার নাদ ছাড়িল —গুলাপী, “ওরে ! আপনার ভাইকে আপনি মা’ল্লেম রে !” বলিয়া সেই শবের বক্ষে অজ্ঞানে পড়িল !

দর্শকেরা শোক দুঃখে কণকাল স্তম্ভিত প্রায় । কিন্তু তখনই গুলাপীকে তুলিয়া তাহার চ’কে মুখে বুকে জল সিঞ্চনাদি সুশ্রাব্য তৈতল সম্পাদন করিল । গুলাপী উঠিল ; সঙ্গেতে শবটী লইয়া ঘাইবার সাহায্য প্রার্থনা জানাইল ; গুলাপী কাঁদিল না ; গুলাপীকে সকলেই ভালবাসিত—বিশেষ, সাহেবের “বুড়ী মা” বলিয়া সকলেই মাতার আয় শ্রদ্ধা ভক্তি করিত । অতএব লোকের ব্যস্ত সমস্ত হইয়া তাহার সঙ্গে সঙ্গে মৃত দেহটী লইয়া চলিল । গুলাপী একটা উন্নত গিরি-শেখরে উঠিল । গুলাপীর মূর্তি তখন অতি দিকট—এলো চুল, সর্বাঙ্গ রক্তমাখা, চক্ষু রক্তবর্ণ, ঠাণ্ডার আয় বর্ণায়মান—কখন কখন আকাশের দিকে চাহিতেছে, দন্ত কিড়িমিড়ি করিতেছে ! গুলাপী শবটী তথায় রাখিয়া ঘাইতে ইঙ্গিত করিল ! লোকজন ততপদেশ পালন করিয়া ধীরে ধীরে যখন ফিরিতেছে, তখন গুলাপী কখন উর্দ্ধগত হইয়া কখন শব সম্বোধন করিয়া, কখন বুক চাপড়াইয়া নানা প্রমত্ত ভঙ্গীতে উচ্চঃস্বরে বলিতে লাগিল ;—

“ঠিক হইয়াছে—পাপের জীবনের শেষ কাজ যেমন হইতে হয়, তাহাই হইয়াছে ! এই দুর্কহ দেহভার এত দিন কি জন্তু বহিয়া বেড়াইতেছিলাম ? ওরে ভাই ! কেবল তোরে আর একবার দেখবো ব’লে না ? তা বেস দেখিলাম—ভগ্নী হইয়া ভা’য়ের যাহা করিতে হয়, তাহাও বেস করিলাম ! ( বক্ষে সবলে করঘাত ) আপনার সহোদরকে পাপীয়সী আপনি বধ করিল—রাক্ষসী পিতৃবংশ আপনি লোপ করিল—তা ভালই হইল—পাপিষ্ঠার জন্তে আগে তো সব মজিয়াছিল, শেষ এই এক বংশধর ছিল—রাক্ষসী আ’জু তাও গ্রাস করিল ! সব খেয়ে ফেলে এখন কি নাচিয়া কুঁদিয়া বেড়াইবার জন্তু ওরে নিষ্পর্ণ পাষণ প্রাণ ( পুনঃ পুনঃ বক্ষে করঘাত ) এখনও এ পোড়া দেহে রহিয়াছিস ? তা’তা কখনই হবে না—তুই নির্লাভ, তুই আপনি যাবি না—যাইতিস তো

যখনি চিনিয়াছিলি, তখনি যাইতিস্, মরা ভায়ের বুক থেকে আর উঠতিস না ! তাই ছেনেছি, তুই আপনি যাইবি না—তোরে বল করিয়া এই পাপ-তাপ-ভরা ধরা হইতে—এই পাপ-দেহ হইতে তাড়াইয়া দিতে হইবে—তবে আর তার দেরি কি ? এমন দিন আর কবে পাবি ? এমন সাথীই বা আর কোথা পাবি ? দাদা যা'চ্ছেন—ঐ যে দাদা চ'লেন—চল না—তুইও সঙ্গেই সঙ্গী হ'না—হা বিধি ! তোর মনে যা ছিল, তাই হ'লো—কপালে যা লিখে দিছিলি, তা হ'লো—এখন একটু পদাশ্রয় দে—আর রাখিস না !”

গুলাপীর মুখে ফেনা উঠিতেছে—গুলাপী কাঁপিতে কাঁপিতে—ঐ কথা বলিতে বলিতে সহসা অসুর-বলে ভ্রাতার মৃত দেহ সাপুটাইয়া ধরিয়া চঙ্কু বুজিয়া দৌড়িল ! কোথায় ? হায় ! শেখরের সীমায়—হায় ! সেই সীমা হইতে সহস্র হস্ত নীচে শব সহিত মহা শব্দে মহাখাদে কাঁপ খাইয়া পড়িল !

সরল-হৃদয়া নিস্পাপা গুলাপী, দুরাচার লোকের দৃষ্ট চক্রে পড়িয়া সপাপা হইয়া চিরজীবন এত যে মঙ্গলা ভুগিতেছিল, আজ্ সকল জালা জুড়াইল ! উচ্চতম বিচারকর্তার বিচারাধীন হইল—তথায় পাপ পুণোর বাহ্যিক প্রমাণ আবশ্যক করে না—কেবল মর্শ্ব লইয়া—কেবল প্রাণ লইয়াই কথা—গুলাপীর দেহ অপবিত্র, প্রাণ তো নয়—যিনি দয়ার সিকু অনাথবন্ধু—যিনি অগতির গ'ত সঙ্গপতি—যিনি সর্ব আত্মার পরমাত্মা, তিনি কি এমন আত্মার অগতি বিধান করিবেন ? কদাচ নয় !

হায় বিপদ কখন একা আইসে না ! তুলীন একে লীলা-হারা আর মাতৃ-হারা, তাহাতে বুড়ী মাকেও যে হারাইয়াছেন, এ সংবাদ শীঘ্রই পাইলেন ! পাইয়া শোকের উপর কি শোকাকুল—ব্যাকুলতার উপর কি ব্যাকুল—কি ভগ্নহৃদয় নিরাশ্রয় হইয়া উঠিলেন, তাহা সমবেদনশীল পাঠক অবশ্যই অনুভব করিতেছেন ! পূর্ব জীবনে আপনার বলিতে যেখানে যে কেহ ছিল, সে সকলে পুনঃ পুনঃ বঞ্চিত হইয়া, শেষে এই স্বদেশে আসিয়া বাহাদিগকে যথার্থই আপনার বলিয়া পাইয়াছিলেন—পাইয়া পূর্ব কথা ভুলিয়া যাইতে শিখিয়াছিলেন—শিখিয়া সুখের আশায় ভাসিতেছিলেন, এমনি অদৃষ্ট, সে সব কি না কয়েক দণ্ড মধ্যেই, দেখিতে দেখিতে, নিতান্তই অভাবনীয়রূপে, নিতান্তই স্বপ্নাতীতরূপে, অন্তর্হিত হইল ! হায়, তুলীনের তখনকার হৃদয়-ব্যথার পরিমাণ করা যদি মানবহৃদয়ের আয়ত্ত-বিষয় হইত, তবে বোধ হয়, তাঁহার পরম শত্রুও

দয়া না করিয়া থাকিতে পারিত না—তবে বোধ হয়, ধ্যান, গোলাপ ও সূচৎ সিংহও আর তাঁহার হিংসা করিত না—তবে বোধ হয়, নন্দের ভ্রাতা ভূপ সিংহও আর তাঁহার প্রতি ঘেঁষতাষ রাখিত না! কেননা, তাঁহার তখনকার অবস্থা কূটীরবাসী ছুর্ভিক্ষ-পীড়িত দীন হীনের দশা অপেক্ষাও ঘোর শোচনীয়! স্মৃতরাং তিনি আর এখন ঘেঁষ-হিংসার যোগ্য পাত্রই নন—দয়ারি পাত্র!

ফলতঃ বরু, চাঁদ ও আলিবর্দি প্রভৃতি কয়েকজন অতি বিশ্বাসী, অতি প্রিয়, প্রভুভক্ত, সুহৃদ-ভৃত্য যদি নিকটে না থাকিত এবং ছুর্নামের সম্ভাবনার সহিত গুরুতর রাজ্যশাসন-ভার যদি স্বকোপরি না থাকিত, তবে ছলীন নিশ্চয়ই পাগল বেশে লীলার উদ্দেশে ছুটিয়া বাহির হইতেন!

শুলাপীর মৃত্যুকালে ছলীন তথায় ছিলেন না, তজ্জন্ত তাঁহার আরো ক্ষোভ! ভাবিলেন “হায়! আমি ছুর্ভাগা যদি তাড়াতাড়ি চলিয়া না আসি, তবে কদাচই এই দারুণ মর্শ্ব-বিদারক ঘটনা ঘটিত না—আমি নিকটে থাকিলে অবশ্যই শাস্ত করিতে পারিতাম! হায়! তাড়াতাড়ি আসিয়াই বা কি হইল—যাহার জন্ত ত্বরা সে হৃদয়নিধিট বা কোথায়? আমার মরণই মঙ্গল!”

পরক্ষণেই শেষের এই মরণেচ্ছারূপ অবৈধ চিন্তা-ভাব জন্ত মহা অনুতপ্ত হইয়া হৃদয়নাথ মহেশ্বরের নিকট ক্ষমা ভিক্ষা এবং হৃদয়-বল নিমিত্ত বিনীত প্রার্থনা করিয়া অনেকটা স্তব্ধ হইলেন!

শুলাপী কেন যে “আপনার ভাইকে আপনি মারিলাম” বলিয়া গিয়াছে, তাহার তাৎপর্য্য কেবল ছলীনই বুঝিলেন—অন্ত কেহ কিছুই অনুভব করিতে পারিল না—তাহারা ভাবিল, শোকোন্মাদের প্রলাপ মাত্র!

ছলীনের অনুমতির অপেক্ষা না করিয়াই আলিবর্দি সেই বিখ্যাত গোড়-গোয়েন্দা \* খয়রাতালিকে লীলা প্রভৃতির অশ্ব-পদান্বসরণে নিযুক্ত করিয়াছে শুনিয়া, ছলীন মহা ক্রুদ্ধ, কিন্তু আলিবর্দি নিজের সঙ্গে না যাওয়াতে কিছু উদ্বিগ্ন হইলেন। আলিবর্দি জানাইল, “যে চারিজন মূলতানীকে সঙ্গে দিয়াছি, তাহারা আমার অপেক্ষা কোন অংশে কম অধাবসায়ী নয়; তথাপি ছজুবের ইচ্ছা হইলে আমিও গিয়া তাহাদের সঙ্গে যোগ দিতে পারি—তাহারা পদচিহ্ন ধরিয়া বাইতেছে, স্মৃতরাং অধিক দূর যাঁতে পারে নাই।” কিন্তু সেই চারি জনের

\* শ্রীযুক্ত বাবু সত্যেন্দ্রনাথ ঠাকুর মহাশয় “ভারতী” পত্রিকায় লিপিয়াছেন, সিন্ধু প্রদেশে গ্রামে গ্রামে এইরূপ গোড়-গোয়েন্দা চোকীদার আছে, তাহাদিগকে তদকালে “পগী” বলে। অজ্ঞান লেখকদের লিপি পাঠেও জানা যায় যে; এ সব অকলে অদ্যাপি পগীরা আছে—অদ্যাপি তাহারা চোর ডাকাইত খুঁজে প্রভৃতি পবিয়া দেয়।

নাম ও চাঁদ খাঁর মুখে তাহাদের গুণানুবাদ শুনিয়া ছলীন আশ্চর্য ও নিরস্ত হইলেন ।

দিনের পর দিন—সপ্তাহের পর সপ্তাহ বাইতে লাগিল, তথাপি কোন সংবাদই নাই । ছলীন স্বীয় করণীর সকল কাজই করেন, কিন্তু সে উৎসাহ নাই—সে উল্লাস নাই ! চেষ্টা আছে, কিন্তু নিরাশ—শীতল ! উদ্যোগ আছে, কিন্তু অভিকৃষ্টি-হীন । ছলীন যেন সকলেতেই উদাস—সর্ব বিষয়েই অনাসক্ত ! স্বামী-ধর্মপরায়ণ সমবেদনশীল কর্মচারীবর্গ তাই এখন আরো মনোযোগে, আরো সাবধানে, আরো বিশ্বসনীয়রূপে স্ব স্ব কর্তব্য কার্য সুনির্ভীত করিতে লাগিল—প্রভু কোন মহা পীড়ায় শয্যাগত থাকিলে, শ্রায়-ধর্ম-শীল বিশ্বাসী ভৃত্যগণ যেরূপ আচরণ করিয়া থাকে, কাংরাইর সুযোগ্য কর্মচারীরা এখন তাহাই করিতে লাগিল—উপাশ্রয় দেবতার শ্রায় তাহাদের পরম ভক্তিভাজন প্রভুর দৈহিক পীড়া নয় সত্য, কিন্তু মানসিক তো বটে ! শুদ্ধ এই কারণেই শাসন-শৃঙ্খলার কোন ব্যত্যয়—কোন অঙ্গহানি ঘটিল না । সদৃশের ফল এই—“যেমন রোপিব, তেমনই ফল পাইবে ।” *“As you sow, so you reap.”*

ছলীনের নিদারুণ চিত্ত-বৈকল্য জন্মিলেও চাঁদ খাঁর পরামর্শে যম-যুলার কাণ্ডের ছই এক দিন পরে দরবারে তাহার বিজ্ঞাপন প্রেরিত হইল—চাঁদ খাঁই সে বিজ্ঞাপনের পাণ্ডুলিপি লেখক—চাঁদ খাঁই প্রেরক—কেবল মুসিরা নকল করিল, ছলীন সহি দিলেন, এত পর্যন্ত !

সে রজনীতে দুর্গমধ্যে যাহারা বিদ্রোহানল জালিয়াছিল, এবং কাংরা রাজ্য মধ্যে যে সব পাপী ব্যক্তিকে সেই দলভুক্ত বলিয়া হাকিম সিংহ জানিতে পারিলেন, তাহাদের সকলকেই কারাবদ্ধ রাখা হইল । কিন্তু ছলীনকে তাহাদের দণ্ডদান বিষয়ে উদাসীন অবলোকন করিয়া চাঁদ খাঁ উক্ত বিজ্ঞাপনী মধ্যে পঞ্জাব রাজ্য হইতে তাহাদিগের নিরাসন আজ্ঞার নিমিত্ত দরবারে প্রার্থনা জানাইল ।

যথাকালে এই আরজীর উত্তর আহল—ফকিরজার সহি মোহরাঙ্কিত । সেই প্রত্যুত্তর-লিপিতে সাহেবের সাহস, নৈপুণ্য ও স্বামী-ধর্মের প্রচুর প্রশংসা, দরবারের সন্তোষ এবং রাজানুগ্রহ ও সমুচিত পদোন্নতি প্রভৃতি পুরস্কারের আভাসও ছিল । উপসংহারে লেখা আছে, “রূপাড় নামক স্থানে ভারতবর্ষের গবর্ণর জেনারেল লর্ড বেণ্টিঙ্ক বাহাদুরের সহিত মহারাজার সাক্ষাৎকালে ছলীনের এক দল সৈন্তের অভিনয় প্রদর্শন আবশ্যক হইতে

পারিবে, তজ্জন্তু সাহেব যেন তাহাদিগকে উত্তমরূপে শিক্ষিত, সজ্জিত ও প্রস্তুত করিয়া রাখেন, যথা সময়ে পরওয়ানা বাইবা মাত্র তাহাদিগকে পাঠাইতে, এবং ( হয় তো ) সাহেবকে নিজেও আসিতে হইবে ।”

সেই সঙ্গে ফকিরজীর পূর্ব প্রথানত একখানি মেহগর্ভ গোপনীয় লিপিও দৃষ্ট হইল । তাহাতে ঐরূপ বা উহার অধিকও প্রতিষ্ঠাবাদের পর “সাহেবের ভাগ্য-তরুতে এই নব মুকুলোদগম দশনে সাহেবের পরমহিতৈষী এই ক্ষুদ্র অকপট বন্ধুর হৃদয়-ভ্রমর কি আশাবিত—কি আনন্দিত হইতেছে !” ইত্যাদি আনন্দ-বিকাশক রূপকও সন্নিবিষ্ট ছিল !

হুলীন স্পষ্টই বুঝিলেন, ধ্যান সিংহের ভয়ে বা যে কারণেই হউক, ফকিরজী কিছুকাল যে রূপ মেহ-হীনতা দেখাইয়াছিলেন, সৌভাগ্যক্রমে সে ভাব অপগত হইয়াছে !

উকীল সুখনলাল যে দীর্ঘ পন পাঠাইয়াছে, তাহার কিয়দংশ পাঠকের পাঠ করা আবশ্যক বোধে নিম্নে মর্মানুবাদ দিতেছি ।

“গরীব পরওয়ার ! আ’জ্ এই আরজি লিখিতে অধীনের লেখনী ও হৃদয় আনন্দে নৃত্য করিতেছে ! সাহেবের উন্নত শির আরো উন্নত হইয়াছে—নীল গিরি ঘুচিয়া ধবলগিরি হইয়াছে ! সাহেবের যশঃ-সূর্য্যের কিরণে অগ্ন্যাগ্ন শাসক সেনাপতি প্রভৃতি সকল সর্দারেরই দীপ্তি নিস্তৃত হইয়া পড়িয়াছে ! সকলেই একবাক্যে ধন্য-ধ্বনি ঘোষণা করিতেছে—শক্ররাও দ্বিধামত প্রকাশে সাহসী হইতেছে না—পরম হিংসাকারীরাও বুঝিয়াছে, এখন আর বিদ্রোহী-দলভূক্ত বলিয়া ছজুরের মানি করা অসম্ভব, কাজেই শ্রোতে গা ঢালিয়াছে !

“মহারাজার মনের কোণেও আর কোন দ্বিধাভাব মাত্রই নাই—তিনি বুঝিয়াছেন এবং স্পষ্টই বুঝিয়া বলিয়াছেন যে, এই লোকের নামে যাহার তেমন ভয়ানক গুরু মানি ভুলিয়াছিল, তাহাদের অকরণীয় কিছুই নাই ! ( ধ্যান সিংহের প্রতি ) কেমন হে, রাজাজি ! হুলীন কি পার্বতীয়, বিদ্রোহী-দলের মিত্র না শত্রু ? এখন কেমন বোধ হয় ? এমন বিশ্বাসী নেমকের চাকরের নামে কুংসা রটাইয়া তাহার মনে যে ব্যথা দেওয়া হইয়াছে, তাহা কি দূর করিবার চেষ্টা পাওয়া উচিত নয় ?” যথার্থ বলিতে কি, রাজা ধ্যান সিংহের মনে ছজুরের প্রতি পূর্বে যে কোন প্রতিকূল ভাবই থাকুক, এখন তাহা সম্পূর্ণ তিরোহিত হইয়াছে—এখন তিনি সাহেবের একজন হিতৈষী মুকবি

হইয়া উঠিয়াছেন—প্রকাশ দরবারে যে ভাব ভঙ্গীতে প্রশংসাদি করিলেন, এবং গোপনে এ অধীন দীন ব্যক্তিকে যাহা যাহা বলিলেন, তাহাতে তাঁহার সদয় ভাবের কোন সন্দেহই আর নাই ।

“দিবাকর মেঘমুক্ত হইলে যেমন প্রপরতর প্রভা বিকীর্ণ কবেন, মহারাজা ও প্রধান মন্ত্রীর হৃদয়াকাশে হজুরের মাহাত্ম্যাবি সেইরূপে কলঙ্ক-রাহ-মুক্ত হইয়া শতগুণে অধিক সমুজ্জ্বল হইয়াছে ! নতুবা হজুরের এই ক্ষুদ্র গোলামকে খেলাত দিয়া গৌরবান্বিত করা হইবে কেন ? হজুরের আরজি আসিবার পূর্বেই বম-ঘুলির অনুপম কীর্তির কথা লাহোরময় রাষ্ট্র ও দরবার পর্য্যন্ত পরিব্যাপ্ত হইয়াছিল । পরে হজুরের আরজি আসিবা মাত্র হজুরের প্রতি দরবারের প্রশংসা দেখাইবার জন্ত হজুরের এই সামান্য চাকরকে তৎক্ষণাৎ সর্ব সমক্ষে সপ্তদণ্ডময় খেলাত দানের হুকুম হইল—বোধ হয় রাজা ধ্যান সিংহই ইহার পরামর্শ দিয়া থাকিবেন—ইহাতেও তাঁহার পূর্ব ভাবের পরিবর্তন বুঝা যাইতেছে ! তাঁহার ভ্রাতাদয়ও যে বিপক্ষতায় বিরত হইয়াছেন, তাহাও বহু সূত্রে জানিতে পারিয়াছি ।

“মহারাজা হজুরকে উপযুক্ত মানদানের ইচ্ছা প্রকাশ করিয়াছেন—জন-রব, জায়গির সহিত রাজোপাধি প্রদানই মহারাজার অতিপ্রায়—সম্প্রতি রাজ্য পরিদর্শনার্থ মহারাজা ভ্রমণে বহির্গত হইবেন ; হয় তো সেই উপলক্ষে তিনি কাংরায় গিয়া স্বয়ং ঐ পুরস্কারের জ্ঞাপক হইবেন ! সর্ব-শুভঙ্কর মহেশ্বর আপনার মঙ্গল করুন ! এ গোলাম, প্রভু-কার্য্যে প্রতিনিয়তই বেকুপ সত-কতার সহিত কায়মনোবাক্যে নিবিষ্ট আছে, তাহা বিশেষরূপে বলিতে গেলে আত্মপরিমা প্রকাশ করা হয়, এই ভয়ে কিমধিক নিবেদনমিতি ।”

এই আরজি পাঠে তুলীনের মন সুখনলালের ব্যবহারের প্রতি সন্দেহাবিষ্ট হইল—“পুনঃ পুনঃ ভ্রাতৃত্বের চিত্তবৃত্তির পরিবর্তন সংবাদ বিজ্ঞাপ্তি জন্ত এত আগ্রহ কেন ? আমাকে নিতান্তই ইচ্ছার দাস করিয়া লইতে না পারিলে, ভ্রাতৃত্ব কখনই সদয় হইবার পাত্র নয়, ইহা আমি বেস জানি—তাহাদের স্বার্থময় পাবাণ-হৃদয় কি এক বম-ঘুলির কাণ্ডেই গলিতে পারে যে গলিবে ? কদাচ নয় ! ইহাতে বরং আরো গুপ্ত হিংসানলে দগ্ধ হইবে—আরো গোপনে, আরো নৈপুণ্যে, অনিষ্ট চেষ্টা করিবে ! অতএব অবশ্যই সুখনলালকে দুই বিপ-ক্ষেরা হস্তগত করিয়াছে—অবশ্যই তাহাকে বন্দ করিয়া কুমন্ত্রী কুমন্ত্রীয়া কি

ফাঁদে ফেলিবার চেষ্টার আছে ! খেলাত দেওয়াতেই তাহা আরো প্রকাশ পাইতেছে ! কিন্তু হয় তো, যন্ত্রী তত পাকা নয়, অথবা যন্ত্রী পাকা হইলেও যন্ত্র তেমন নয়—দেখিতেছি, সেই যন্ত্ররূপী সুখনলালের ছদ্মবেশরূপ ছাউনি বড় পাতলা, তাই এক চাটিতেই চটিতেছে—তাই মুখোশের ভিতরে চেহারা খানি স্পষ্টই চেনা গাইতেছে ! যাহাই হউক, আর যে কেহ যে ষড়যন্ত্র করুক, আমার আর কিছুতেই ক্ষতি বৃদ্ধি নাই—এখনই এ বিরক্তিকর পা পরিত্যাগ করিয়া চলিয়া যাইতাম, কেবল এ পদে না থাকিলে এ বিপদে ত্রাণ পাওয়া তরুণ—শাসকের ক্ষমতা ও প্রভুত্ব ছাড়িলে প্রেমসীর তত্ত্ব পাওয়া সুদুর্লভ ; এই জগুই আছি ! আমার অন্তঃকরণ নিশ্চয় বগিতেছে, এই অভাবনীয় নিকরদেশ বিষয় দুর্জন দাতার, অস্ত্রঃ সূচৎ সিংহই চক্রী—সূচৎই অথবা সূচৎের নিমিত্ত কেহ অদৃষ্টই লোনাংক ভরণ করিয়া লইয়া কোন স্থানে অতি গুপ্ত ভাবে লুকায়িত রাখিয়াছে—সঙ্গিগণকে ছাড়িলে স্থানটী প্রকাশ পাইবে বলিয়া তাহাদিগকেও ছাড়িতেছে না ! এমন বন্ধ-বৈরীকেও বিশ্বাসঘাতক উল্লীল, মিত্ররূপে চিত্তিত করিয়াছে !”

তুলীন তখনই চাঁদ থাকে ডাকাইয়া সুখনের পত্র শুনাইয়া চাঁদের অভিপ্রায় জানিবার নিমিত্ত বাক্যে কিছু না বলিয়া কেবল তাহার মুখপানে চাহিলেন । চাহিবামাত্র চাঁদ খাঁ মহা অপ্রতিভ হইয়া বলিল “ভজুর ! পাপিষ্ঠ হিন্দু সম্মান এমন বেইমান হইবে, গোলাগ আগে তাহা বুদ্ধিতে পারে নাই—বাছিয়া বাছিয়া বড় ভাল লোক ভাবিয়াই তাহাকে নিয়ুক্ত করিয়াছিলাম । যাহা হউক, ইহান প্রতিফল অবশ্যই দিতে হইবে !”

সুখনলাল যে বিশ্বাসঘাতক হইয়াছে, দমাল তুলীন তাহা বুঝিয়াও সম্পূর্ণ বিশ্বাস করিতে একটু অনিচ্ছুক ছিলেন, এখন চাঁদের কথায় আর সন্দেহ মাত্র রাখিল না ! চাঁদকে এ কথা প্রকাশ করিতে নিষেধ পূর্বক বলিলেন “কিন্তু সুখনকে এখন জবাব দিব না ; তাহা হইলে তুষ্ট বিপদেরা জানিতে, পারিতে যে আমরা সব বুঝিয়াছি ! আমাদের কর্তব্য, এখন সুখনের সহিত সাবধানে চলা—বিশেষ কিছু না লিখিয়া কপটতার উত্তরে কপট সৌজন্ত ও আগড় বাগা বলা—দরবারে প্রকৃত প্রকালতি আর আমার কিছুমাত্র আবশ্যক নাই !”



একত্রিংশ পরিচ্ছেদ ।

সুফল ।

পাঠক ! একবার লাহোরে চলুন—উকীল সুখনলালের আরজিতে আর বিশ্বাস নাই—অস্তুতঃ ভ্রাতৃত্বের সম্বন্ধে বাহা লিখিয়াছে, তাহা নিতান্তই অগ্রাহ ! হুলীন আর তাহাকে বিশ্বাস করেন না । সুতরাং অগোপায়ে সঠিক সমাচার আনাইতে লাগিলেন । অতএব চলুন, সে সংবাদ আসিবার পূর্বেই আমরা লাহোরে গিয়া সকল জানিয়া আসি !

লাহোরের রাজপুরীর একটা নিভৃত গৃহ—মহারাজ ও ফকির আজিজুদ্দিন উপস্থিত । কাংরা সম্বন্ধে অনেক কথার পর মহারাজ বলিলেন ;—

“কি কর্তব্য, ফকিরজি ? স্পষ্ট কথা কও—এখানে আর কেহই নাই—তোমার আদগো আদগো শিষ্টাচারের ভাব ছেড়ে দেও !”

সেরূপ স্পষ্টবাদিত্ব ফকিরজীর অভ্যাস নয় ; সুতরাং সতর্ক শিষ্ট ভাষায়, অথচ বিলম্ব ব্যতীত আজিজুদ্দিন উত্তর দিলেন “সরকারের শত্রুই এ দীন ফকিরের শত্রু ; সরকারের মিত্রই তাহার মিত্র ; অতএব হুলীন সাহেবকে আমি যে মিত্র ভাবি ও প্রাণের সহিত ভালবাসি, তাহা বলা বাহুল্য !”

ফকিরজী এই পর্যন্ত বলিয়াই সশকভাবে চারিদিক নিরীক্ষণ করিলেন—ইটীও মহারাজার অগোচর রহিল না !

মহারাজ ! আঃ ! কারে এত ভয় ?

ফকিরজী । হুজুর ! আমি দরিদ্র ফকির ; রাজাজী ক্ষমতাবান, ধনবান, যোগ্যতাবান—এ দাস তুণ ; রাজাজী মহাক্রম—তাহার ইচ্ছার বিরুদ্ধে এ ক্ষুদ্র প্রাণী কি করিতে পারে ?

মহারাজ । ঠিক ! আমি বাহা ভাবিবারিছি, দেখিতেছি, প্রকৃতই তাই !—এই রাজা, নামে আমার, পাকতঃ দোগড়া-রাজার ! আমি দ্বিতীয় পদে গণ্য, দোগড়া-রাজাই প্রথম ও প্রধান ! সে বন্দী, রণজিৎ কেবল তাহার বন্দ—সে যেক্রম বাজাইবার ইচ্ছা করিতেছে, যন্ত্রে তাহাই বাজিতেছে ! সে বাহাকে প্রতিকূল, রণজিৎ তাহাকে অনুকূল হইলেও তাহার নিস্তার নাই—সে যত ক্ষমতাবান, রণজিৎ তো তত নয়, সুতরাং তাহার ক্ষমতাকেই ভয় করিতে হয় ! ফকিরজী ! তোমার ঐ কথার তাৎপর্য এই না ?

ফকিরজী । ( তটস্থ ও ত্রস্তভাবে ) হজুর—

মহারাজ । না, না, মিথ্যা বল নাই—একতিলও অন্তায় ভাব নয়—ভয় পাইতে পার—রাজার পৌত্র, রাজার পুত্র, নিজে মহারাজ—সম্রাট! তবু তাহার নিজের দরবারে নিজের চাকর ( যাহাকে নিজের হাতে কূপ হইতে পক্ষতে তোলা হইয়াছে, সেই চাকর ) যখন তাহার প্রভুর নিজের দাড়ি ধরিয়াই টানিতে পারে, তখন তেমন অকস্মাৎ প্রভুকে হিত পরামর্শ দিতে ভয় পাইবে, আশ্চর্য্য কি ? একথা—আত্মদোষের একথা স্বীকার করি ! কিন্তু ফকিরজী, যথার্থ বল, আমার প্রতি কৃতজ্ঞতা হইতেও তাহার প্রতি ভয় কি তোমার এত ?

ফকিরজী । হজুরের জন্ত অধানের তুচ্ছ প্রাণ বলিদানও সামান্য কথা—অনুমতি হইলে, এখনি ও গোলাম কূপমধ্যে পড়িতেও সঙ্কোচ করিবে না ! যথার্থ শুনিতে চাঞ্ছিনেন, শপথপূর্ব্বক যথার্থই বলিতেছি, যিনি আমার প্রাণের প্রভু, তাহার নিমিত্তই এ জীবন উৎসর্জিত আছে !

মহারাজ । ফকিরজী, তোমার আন্তরিক আনুরক্তি বিষয়ে তিলমাত্র সন্দেহ করি না ; কিন্তু তবু যেন রাজাজীর দিকে তোমার টানটা কিছু বেশী—তাহা ভুক্তিতেই হউক, আর ভয়েই হউক, ফল একই ! তাহাতে আমার কার্যের যে কত অসুবিধা ঘটে, তাহা বলিয়া উঠিতে পারি না!—একটু চূপ কর—জবাব দিও না—শোন আগে—আমি বেস জানি, আমার নিজের প্রদত্ত প্রশ্রয় হইতেই তাহার ক্ষমতা অসীম হইয়া দাড়াইয়াছে, কিন্তু আলস্য প্রযুক্তই হউক, বা কাহারো অপ্রিয় করিতে ও প্রচলিত বন্দোবস্তে গোলযোগ বাধাহতে ভালবাসনা বলিয়াই হউক, যাহাতে তাহাতে সেই ক্ষমতা অযথা-রূপে বৃদ্ধিত দেখিয়াও বিশেষ বাধা দেওয়া হয় নাই ! যদি স্বচ্ছন্দে থাকিতে দেয়, তবে এখনও বাধা দানে ইচ্ছা নাই ! কিন্তু তোমাকে নিশ্চিত জানাই-তেছি, আমার রাজ্যে আমি কাঠের মুরাদ থাকিব, আর অপরে যাহা ইচ্ছা করিবে, ইহা কদাপি সহ হইবে না—পরাগজীর প্রসাদে আমি অবশ্যই স্বীয় সাম্রাজ্যের প্রভু থাকিব এবং আমার বিশ্বাসভাজন স্বামী-ধর্ম-পালন-যোগ্য কর্মচারীগণকে অবশ্যই রক্ষা করিব—কদাচ তাহাদিগকে অন্তায়রূপে পদদলিত করিতে দিব না—ছলীন সাহেব ঞ্চায়বান ও সত্য-পরায়ণ ; সর্ব্বাংশে বিশ্বাস-ভাজন ; সর্ব্বাপেক্ষা যোগ্য পাত্র—তাহার প্রতি কোন অত্যার কখনই সহ

করিব না—যাহারা তাহাকে কুচক্র ফাঁদে কেলিবার চেষ্টা পাইবে, তাহাদের ভাল হইবে না—তাহাদিগকে কদাচই ক্ষমা করিব না—তাহাকে যথোচিত পুরস্কার ও প্রচুর মানদান করিব, কেহই নিবারণ করিতে পারিবে না ! ফকিরজী, বার বার তাহার ভার তোমার প্রতি অর্পণ করিতেছি, দেখিও তাহার একগাছি কেশের অগ্রভাগও যেন কেহ স্পর্শ না করে—বন্ধি করে, তবে তক্ষুণ্ণ তোমাতেই দায়ী হইতে হইবে, অধিক কি বলিব, আমি তোমাতে সে ভার দিয়া নিশ্চিন্ত রহিলাম ।

বলিতে বলিতে মহারাজার স্বাভাবিক প্রশান্ত ভাব তিরোহিত—উগ্রমূর্ত্তি অবলোকিত হইল ! তেমন উগ্রতা হৃদয়ের অসামান্য ব্যগ্রতা ও উত্তেজনা ব্যতীত ঘটে না, ফকিরজী ইহা জানিতেন । বিশেষতঃ ছলানের প্রতি আজি-জুদিনের স্নেহ-প্রবণতা যথার্থ ছিল । অতএব ঐকান্তিকতার সহিতই সে গুরুভার গ্রহণে সম্মত হইলেন !

শেষে বলিলেন “ছলান যথার্থই এই কৃপার যোগ্য পাত্র । আমি সর্বদাই কাংরার বিশেষ তত্ত্ব রাখি—যাহা গুণিতে পাই, তাহাতে অত্র কোন বিভাগেই এমন সুশাসন—এমন ছুষ্টির দমন, শিষ্টের পালন ঘটে না । কিন্তু দুঃখের বিবরণ, তথাপি হিংসাকারীরা তাহার নামে না রটাইয়াছে, এমন মানিই নাই—এখনও যে তাহারা ক্ষান্ত হইবে, এমন সম্ভাবনাও দেখি না—ভূজঙ্গের স্বভাব বিষোদগীরণ, খলের স্বভাব ছলান্বেষণ—ছলগ্রহীর নিকট কাহারই নিস্তার নাই—কখন কোন্ ছলে মহারাজার কণ ভারি করিয়া তুলিবে, এ দাসের তাহাই চিন্তা—তখন আমার পর্য্যাপ্ত মন ভার ঘটিবার আশ্চর্য্য কি ?”

মহারাজ । যাহাতে সেরূপ না ঘটে, তাহার যে বিধান ভাল হয়, তাহাই কর ।

ফকিরজী । ( ব্যগ্রভাবে ) কেবল এক উপায়ে সেটা নিবারণিত হওয়া আপাততঃ সম্ভব—ছলানের প্রতি হৃদয়ের যে কৃপা আছে, তাহার আর একটু বিস্তার হইলেই সব গোল মিটিতে পারে !

মহারাজ । কিরূপে ?

ফকিরজী । একবার স্বচক্ষে দর্শন—কাংরার অবস্থা আর ছলানের প্রণালী একবার স্বচক্ষে দর্শন করিয়া আইলেই মানির রসনা তত আর প্রবলা থাকিতে পারে না ! বিশেষতঃ তাহাতে তাহারও শতগুণে উৎসাহবৃদ্ধি হয়—একবার

রাজদর্শন পাইলে যথার্থ অল্পগত জনের পক্ষে যেরূপ হর্ষ-বিকাশ ঘটে, এমন আর কিছুতেই না !

মহারাজ। এখনি কর্তব্য ! আমি অবশ্যই স্বয়ং যাইব—এই বাত্নাতেই রূপাড়া যাত্রা—এখন ভাদ্র মাস, অনাগ্রাসে কাংরা অঞ্চল বেড়াইয়া গিয়া দশ-হরার সময় লর্ড বাহাদুরের সঙ্গে “মুনাকাত” হইতে পারিবে। হুকুম দেও—অজিৎ সিং ও আতর সিং চন্দন ওয়ানা সশ্রেণ্তে সঙ্গে যাইবে। তদ্বাদে কর্ণেল আদম সিং ও আলিবক্স যেন নিজ নিজ সৈন্য লইয়া হাজির থাকে, আর প্রত্যেক জায়গিরদার যেন আপন আপন লোক জনকে উত্তম পরিচ্ছদে, উত্তম অশ্বে, উত্তম অস্ত্রে শস্ত্রে সুসজ্জিত করিয়া আনে—ইংরাজচক্ষে কোন পক্ষে কাহারও যদি ক্রটি লক্ষিত হয়, তবে আর যক্ষা রাখিব না !

ফকিরজী উত্তর দিতে না দিতে রাজা ধ্যান সিংহ আসিয়া উপস্থিত। প্রতিদিন প্রধান মন্ত্রীকে উভয়ে যে ভাবে গ্রহণ করিয়া থাকেন, এখনও তাহার অণুমাত্র অশ্রুতা হইল না—সেই স্নেহ, সেই শিষ্টাচার, সেই সমাদর ! কিন্তু তথাপি ধ্যান সিংহের সর্ব-প্রবেশক তীব্র দৃষ্টি প্রতারিত হইল না—দৃষ্টি বলিয়া দিল “সব ঠিক নয়, কোন কিছুর অবশ্যই ব্যত্যয় ঘটয়াছে।” মহারাজার মূর্তি ও ব্যবহার নিতান্তই দুর্ভেদ্য ; কিন্তু ফকিরজীর নয়নতারা ও ওষ্ঠাধর ধ্যানের মর্শ্বেভেদী দৃষ্টি শরের আঘাতে ঈষৎ কাঁপিয়াছিল ; আবার সেইটীর সংশোধনার্থ ফকিরজী সে দিন কিছু বেশী শীলতা দেখাইলেন ! এই দুইটী কারণেই ধ্যান আরো প্রকৃত অবস্থা ধ্যান করিয়া লইতে সমর্থ হইলেন ! মনে মনে করিলেন, “ধৃষ্ট ফকির আজি কি একটা খোঁচা লাগাইয়াছে—আচ্ছা বাছা থাক !”

কিন্তু ধ্যান সিংহ সম্পূর্ণ অবিচলিত সহজ ভাবেই গুপ্ত রাজকার্যের পর্য্যালোচনা, নিত্য যেমন, অদ্যও অবিকল সেইরূপ করিলেন—যে আয় ব্যয়াদির তালিকা হস্তে লইয়া আসিয়াছিগেন, তাহা শুনাইয়া গ্রাহ্য করাইয়া লইলেন—মহারাজার একবার দরবার-গমনের দরকার, বিজ্ঞাপন করিয়া সঙ্গে লইয়া চলিলেন ।

সে দিবস দরবারের বাদানুবাদ ঘোরতর হইল—যখন কাংরার কথা পড়িল, তখন মহারাজার মনের গতি লক্ষ্য করিয়া বহু সর্দার ধ্যান সিংহের বিরুদ্ধে প্রকাশ্যরূপেই বিদেশী সাহেবের পক্ষাবলম্বন ও তাঁহার যশোগান করিল।

ফলতঃ উটেরা যেমন দূর হইতেই জানিতে পারে, জল কোন্ দিকে ; সভাসদ-গণ তেমনই রাজানন ঈক্ষণ মাতেই বুঝিতে পারে, ভূপতির মনের গতি কোন্ দিকে ! অতএব সে দিন কাংরার শাসনকর্তার প্রতিষ্ঠাবাদ ঘোষিত ও প্রধান মন্ত্রীর বিপক্ষেও তাঁহার গুণপক্ষ সমর্থিত হইবে, বিচিত্র কি ? অথ কি, ফকিরজীও সে দিন স্বকীয় স্বাভাবিক সতর্কতা ভুলিয়া সত্যের দিকে—শ্রায়ে পক্ষে অনেক স্পষ্ট কথাও বলিলেন ! কিন্তু তজ্জন্তু ধ্যান সিংহ তাঁহার প্রতি যে কণিক তীব্রতম কটাক্ষপাত করিলেন, তাহাতে তিনি কাঁপিলেন—তাহাতে তিনি জানিলেন যে, ভ্রাতৃত্বের বৈরনির্যাতনের খাতায় তাঁহার নামও লেখা রহিল ! কিন্তু খোসাল সিংহ—যাঁহাকে অপদস্থ করিয়া ধ্যান সিংহ পদস্থ—তিনি তেমন ভয় পাইবার—একটুকুও কাঁপিবার লোক নহেন ! তিনি ছলীনের প্রশংসা ও তাঁহার শত্রুগণের নিন্দা অকুতোভয়েই করিলেন ! ছলীন যে সমস্ত সন্নিয়ম, সুপরিবর্তন ও সদগুণানাদি করিয়াছেন, শত্রুও যে সব প্রতিকূল ব্যবহার ও গ্লানিবাদাদি প্রচার করিয়াছে—সে সব যেরূপ স্পষ্ট স্পষ্ট ব্যক্ত করিলেন, তাহাতে প্রধান মন্ত্রীর দলস্থ সদায়েরা আর মুখ পাইল না ! তাহারা প্রথমে ভীত তর্ক-শ্রোতে খোসালকে ডুবাইয়া দিবার জন্তু অশেষ বিশেষ চেষ্টা করিয়াছিল, কিন্তু সত্যরূপ শোষক বাণে তখনই সে মায়া-জলরাশি শুকাইল—লাভে হইতে জলারূপ কর্দমে পড়িয়া তাহারা আপনারাই লুটাপুটি খাইতে লাগিল ! তদর্শনে মহারাজ মনে মনে মহা তুষ্ট—এত তুষ্ট যে, পূর্ব-কার চিত্তভার আর রহিল না ! কিন্তু হায় ! এ পরিতোষের ফল তাঁহার নিজের ও ছলীনের কল্যাণ পক্ষে শ্রেয়স্কর নয়—সেই পূর্ব চিত্তভার থাকিয়া গেলে প্রতিজ্ঞার ভারও গুরু থাকিত—কোটুক ও উল্লাসের সঙ্গে, তাহা লঘু হইয়া ভাসিয়া গেল—কুচক্রিগণকে বাক্যবুদ্ধে পরাস্ত দেখিয়া তাহাদিগকে কার্যতঃ নত করিতে তত ইচ্ছা আর রহিল না !

এইরূপ গুরুতর বিষয়ে এইরূপ লঘু-চিত্ততা, এইরূপ আলস্য ও ঔদাস্য জন্তুই তাঁহার শাসন আশাহুরূপ সুশাসন হইতে পারে নাই—তাঁহার এই চকুলজ্জা ও ছষ্ট সচীবগণের দুষ্কৃতি দমনে অনিচ্ছা দোষটী যদি না থাকিত, তবে তাঁহার স্বভাবদত্ত যেরূপ যোগ্যতা ও প্রবৃত্তি ছিল, তাহাতে তাঁহার সম্রাজ্য দ্বিতীয় রামরাজ্যই হইতে পারিত—অধিকন্তু তাঁহার তিরোভাবের পরেও তাঁহার বংশে তাহা অবশ্যই অটুট থাকিত ! কিন্তু যেটা হইবার নয়,

সেটা হইবে কেন ? ভারতাকাশে নবোদিত শ্বেতাঙ্গ-জাতির সৌভাগ্য-সূর্য্যাকে তেজোদীপ্ত করা ঈশ্বরের ইচ্ছা, তাহাই হইল !

যখন রণজিৎ দেখিলেন বাদানুবাদ যথেষ্ট হইয়াছে—“তক্কার” রূপ উপায়ে যাহা কিছু জানিবার, জানা হইয়াছে, তখন রূপাড় সঙ্ঘর্ষীয় আয়োজনের কথা পাড়িলেন। প্রত্যেক সর্দারকে সমুচিত উদ্যোগ করিতে—প্রত্যেককে স্ব স্ব সঙ্গী দলের শিক্ষা ও সজ্জা বিষয়ে সম্পূর্ণ মনোযোগী হইতে বলিলেন। কতক তাঁহার সমভিব্যাহারে কাংরাভিনুখে যাইবে, কতক বা ( বাসস্থানান্তরসারে ) অমৃতসরে গিয়া অপেক্ষা করবে। গোলন্দাজ শ্রেণীর অধাঙ্কগণকে তখনই ডাকাইলেন। যাহার যাহা করণীয়, তন্ন তন্ন ব্যবস্থা করিয়া দিলেন। বন্দুক ও কামানের লক্ষ্য যাহাতে নিখুঁত হয়, তদুদ্দেশে পুনঃ পুনঃ অনুশীলনের ভারার্পণ করিলেন। লর্ড বাহাদুরের সমক্ষে সর্ব প্রকার অস্ত্রধারীর মধ্যে যাহারা সন্তোষজনকরূপে পরীক্ষোত্তীর্ণ হইতে পারিবে, তাহাদের পুরস্কার ও পদোন্নতির আশা দিয়া ছোট বড় সকলকেই উৎসাহিত ও উত্তেজিত করিয়া—ঠিক যেন মাতাইয়া তুলিলেন—লাহোরে ও সমস্ত পঞ্জাবে ছলছল পড়িয়া গেল !

তুলীন অবিলম্বে এই সব ব্যাপারের সম্পূর্ণ সংবাদই পাইলেন—নিজ উকীলের দ্বারা নয়—অগ্ৰোপায়ে ! ফলতঃ অনেক সর্দার এখন তাঁহার সঙ্গে—কেহ বা প্রকাশ্য, কেহ বা অপ্রকাশ্যরূপে যোগ দিতে ইচ্ছুক—তিনি মনে করিলে ভ্রাতৃত্বের বিরুদ্ধে এক প্রবল পরাক্রান্ত দল বাধিতে ও নিষ্ক্রিয়বাদের তাহার মস্তক হইতে পারিতেন ! কিন্তু যদিও তাহার তাঁহার পরম শত্রু—যদিও হৃদয়ে-স্বরী-হরণ তাহাদিগের দ্বারাই হইয়াছে বলিয়া তাঁহার হৃদয় জানিয়াছে, তথাপি কোনরূপ বড়বন্দু পাপে লিপ্ত না থাকাই প্রতিজ্ঞা—সুতরাং লিপ্ত হইলেন না ! বিশেষ তাঁহার চিত্ত তখন উদাস, কিছুই তাঁর ভাল লাগে না ! তিনি কি আর কোন গণ্ডগোলে তখন জড়ীভূত হন ? না, লীলার পুনঃ প্রাপ্তির আশা না থাকিলে পঞ্জাবে আর এক তিলও তিষ্ঠেন ?

দরবার হইতে বিশেষতঃ ফকিরজীর হস্ত হইতে এই সময়ে তিনি যে সব পরওয়ানা ও পত্রাদি পাইতে লাগিলেন, তাহার প্রতি খণ্ডই তাঁহার প্রতি অমুকুল ভাবার্থক ও অনুগ্রহ-প্রকাশক। তাহাতে তাঁহার হৃদয় আরো গলিল—মহারাজার প্রতি আরো ভক্তিপ্রবণ হইয়া উঠিল ! এই ভাবটা তাঁহার তখনকার চিন্তব্যাবধির পক্ষে বহুলাংশে শান্তিসাধক হইল ! মহারাজ কাংরায়

আসিবেন, তাঁহার চিত্তরঞ্জনোপযোগী নানা আয়োজনে ব্যাপৃত হইলেন, সুতরাং ব্যস্ততা ও ব্যগ্রতা ক্রমে আবার দেখা দিল—ক্রমে রাজকার্য্য ব্যাপদেশে পূর্বের মত বা তদপেক্ষাও অধিক অভিনিবেশ ঘটয়া অন্তর্ব্যাদি বহুলাংশে উপশমিত, কাজেই আশাতিরিক্ত সুফল ফলিত হইল ।

### দ্বাত্রিংশ পরিচ্ছেদ ।

সংবাদ ।

শরৎ আগত, কিন্তু বর্ষার দৌরাণ্য সম্পূর্ণ অপগত হয় নাই, এমত সময় । জলাশয় নিশ্চল, নৈশ গগন ধবল, সেফালিকা প্রফুল্ল, শরতের এসব নিশান উড়িতেছে, অথচ মাঝে মাঝে ধারাপাতের উৎপাতও আছে ! যদিও বনদলের ঘোর ষটা তেমন আর নাই—যদিও তাহাদের দৌরাণ্যো “চন্দ্র সূর্য্য ৬ জনার, মুখ দেখা হ’লো ভার, দিন রাত্ সমান হইল” এই যে ভাব খানি ছিল, তেমনটা আর নাই ; তবু বর্ষণ করে, কিন্তু বর্ষণ অপেক্ষা এখন গর্জ্জনই বেশী—দিন দিন ডাক হাঁকের বিফল আড়ম্বরের ডাক বরং বাড়িতেছে ! গিরি-গাওঁ-বাহিনী নিষ্ক-রিণীর কলুষিত খর বেগ এখন মন্দীভূত ও সুপরিষ্কৃত হইতেছে । বাণগঙ্গার প্রাত্যহিক ভীষণ প্লাবন এখন রহিত হইয়াছে—স্বচ্ছ জল চল চল করিতেছে ! কাংরা দুর্গের চতুর্দিকে কোথায় বা তরু-লতা-গুহাদল শরতের প্রভাবে পূর্ণ যৌবনের পরিপুষ্টতা অথবা প্রৌঢ়াবস্থা প্রাপ্ত হইয়াছে . কোথায় বা ক্ষেত্রজ ধাতু-শৌখ আপরাহ্নিক বায়ুহিল্লোলে সূচ্যর জলোন্মিবৎ তরঙ্গায়িত হইতেছে, তাহাদের সেবায়েৎ কৃষকগণের উচ্চ গাতিধ্বনি, নিকটে শতিকঠোর হইলেও, দূর হইতে দুর্গ-বুরুজের উপরে আসিয়া সূশ্রাব্য হইতেছে—সে সঙ্গে নানা জাতি বন-বিহ-ঙ্গের স্বরট্টেচি এা মিলিয়া কি আশ্চর্য্য ঐক্যতান-মাধুর্য্য উৎপন্ন করিতেছে !

দুলীন ধীরে ধীরে দুর্বাদল-মণ্ডিত প্রশস্ত বুরুজবক্ষে পদচারণ করিতেছেন—তাঁহার চিন্তা-কুঞ্চিত ললাটপাট দর্শনে পূর্বের অক্ষুণ্ণ প্রসন্ন বদন স্মরণ হয়—স্মরণ হইয়া সমবেদনশীলের হৃদয় হৃৎখের ভারে দ্রবীভূত হইতে থাকে ! হীয় । প্রণয় এমনি পরিবর্তক—বিচ্ছেদ এমনি শাস্তি-হারক !

দুলীন ধীরে ধীরে পদসঞ্চারণে গমন করিতেছেন—পশ্চাতে হাবিম সিংহ

ও চাঁদ খাঁ প্রভৃতি সহকারী সহযোগীগণ—প্রভু নীরব, সকলেই নীরব ; অন্ত  
কি স্বয়ং চাঁদ খাঁও আজি নীরব ! পর্যবেক্ষণ ও উপদেশাদেশ অর্পণই সেই  
ব্রহ্মণের উদ্দেশ্য কিন্তু চতুর্দিকের শোভা দেখিয়া সহসা চিন্তা আসিয়া হুলীনকে  
অন্যমনস্ক করিল—এরূপ সময়ে এস্থলে লীলা প্রায় সন্ধেই থাকিতেন—চারি  
দিকে ঐ সব পার্শ্বতীয় দৃশ্য সন্ধ্যা ও বাণগঙ্গার উপলক্ষে লীলা যখন যাহা বলি-  
তেন, একে একে তাহাই এখন স্মৃতি-পটে উথিত হইতেছে—আনুষ্ঙ্গিক কত  
কথাই মনে পড়িতেছে—হায় ! সেই শোণিত-শোষক স্মৃতিই এখন আগমনের  
উদ্দেশ্য আর পূর্ব সংকল্পকে ভুলাইয়া দিতেছে ! সহচরগণ তাঁহার এরূপ অন্ত-  
মনস্কতায় অধুনা অভ্যস্ত হইয়াছিল, সুতরাং মর্শ্ব বুদ্ধি—ব্যথিতহইল—কিষ্ক-  
ন্দুরে পশ্চাতে পিছাইয়া পড়িল—কোন কথা বলিয়া প্রভুর সেই পবিত্র স্মৃতি-  
ধ্যান ভঙ্গ করিতে সাহসী ও ইচ্ছুক হইল না !

হুলীন এইরূপ প্রিন্সা-ধ্যানে নিমগ্ন হইয়া ধীর পদে গমন করিতেছেন,  
সহসা সঙ্গীত-শব্দ কর্ণে আসিল । দেখিলেন, নিম্ন প্রান্তরে তিন জন অন্ধ ভিক্ষুক  
সারঙ্গ, ধঞ্জনী ও মন্দিরা বাজাইয়া অতি সুন্দর গান করিতেছে—চতুর্দিকে  
মণ্ডলাকারে সৈনিক ও নাগরিকগণ শুনিতোছে । হুলীন স্বভাবতঃ ও শিক্ষা-  
বশতঃ সঙ্গীত-প্রিয় । বিশেষতঃ অন্ধ গায়কেরা সুমার্জিত মিষ্ট স্বরে বিস্তৃত  
প্রণালীতেই গাহিতোছিল, তথাপি তিনি তাহা অগ্রাহ করিয়াই চলিয়া যাইতে-  
ছিলেন ; কিন্তু সহসা সে গান থামিল—মধ্যস্থলেই থামিল—অন্য গান আরম্ভ  
হইল—এই গান শুনিয়া হুলীন শিহরিয়া উঠিলেন—একি ? এ গান ইহারা  
কোথায় পাইল ? এ যে প্রিয়তমা লীলারই সেই অতি প্রিয় গান ! গানটা এই—

খান্ধাজ । চিমে তেতালা ।

( স্পষ্ট হৃদয় চিত্র ব্যতীত সমস্তই অজস্র করিয়া পড়িতে ও গাইতে হইবে )

আশার ছলনা, বিফল কলনা, সকলি বকনা !

অবোধ ললনা—

বুকেও বুঝিনা ! জেনেও জানি না !

চিনেও চিনি না ! শিখেও শিখি না !

( ১ )

( আশা ) ছায়া-বাজি হতে আরাবিনী !

( আশা ) মরীচিকা হতে কহকিনী !



ছায়া-বাজী মিছা জানি, ভয় তাতে হয় না !  
 মরীচিকা বধে বটে, জ্বালা এত দেয় না !  
 নিশি দিনে, এমন করে দহে না !  
 প্রাণ হরি, জুড়ায় সে বাতনা !  
 একেবারে, যুচায় সব বাতনা !

( ২ )

( আশা ) মিছা কহে, তবু সাঁচা ভাবি !  
 ( আশা ) মনে আঁকে, মনোহর ছবি !  
 গড়ে রুদি-পদ্ম-রবি—তারে, যারে পাব না !  
 “দিব দিব দিব” বলে, দেয় দেয় দেয় না !  
 বুঝি গো তাই, সে জন আমার হবে না !  
 হ'তো যদি, কেনই বা হয় হয় না !

( ৩ )

( সে যে ) গুণমণি, আমি গুণহীনা !  
 ( সে যে ) রাজ্যপতি, আমি অতি দীনা !  
 মহা রত্ন তরে যত্ন, দরিদ্রে সম্ভবে না !  
 সুধাংশু ধরিতে যথা, শিশু করে কামনা !  
 শেখর যেতে, পঙ্কুর যথা বাসনা !  
 সাগর যেতে, নালা যথা পারে না !

( ৪ )

( সে যে ) সহোদর সম যত্ন করে !  
 ( ও ভায় ) অগ্নিজলে, যেন রে অন্তরে !  
 সে অনলে পুড়িতে চাই, পাপ আশা ছাড়ে না !  
 ভাবী প্রিয়তর ভাব, একে বলে “পুড়ে না” !  
 বাসনা তায়, বাড়ে বৈ হয়, পড়ে না !  
 তাইতে ভুলে, পোড়া প্রাণ, আর পুড়ে না !

কোন ছলে ছুলীন দাঁড়াইলেন—যেন আকাশের দিকে—যেন পর্বতের দিকে  
 কি দেখিতেছেন, এম্মিতাবে গানের দিকে পশ্চাৎ করিয়া দাঁড়াইলেন—আত্মস্তু  
 ঠুনিলেন । “হাঁ ! নিশ্চয়ই তাই !—হা ! সেই সুধাংশু বদনেই সুধা বটে ! এ  
 সুধা যে পূর্বে কর্ণ দ্বারা পান করিতে পাইতাম—কার্য্য-বশতঃ নিয়মিত

সময়পেক্ষা যাইতে আমার বিলম্ব হইলেই এ গান প্রায় স্তনিত পাইতাম !  
এখন মনে হইতেছে, হায়, কেন আমি অল্প কাৰ্য্যকে গুরুতর ভাবিতাম ?  
কেন আমার গীতাকে এমন নিদারুণ বিরহ-ব্যথার গান গাইবার উপলক্ষ  
দিতাম ? হায়, প্রিয়া আমার পলকের বিচ্ছেদে কি প্রলয় জ্ঞানই করিতেন !  
আমি অতি নিদ্রুর, তাই এমন প্রেম-সকল হৃদয়েও বিরোগ-শর হানিতাম !”  
আবার ভাবিলেন “সে যাহা হইউক, হঁহারা এ গান কোথায় পাইল ? কাহার  
কাছে শিখিল ? তবে কি হঁহারা আমার গীতাকে দেখিয়াছে ?” চকিতবৎ মুখ  
ফিরাইলেন—সান্তানবেশে গায়কাদগকে দৌখিতে লাগিলেন !

• দেখিলেন, মারঙ্গ-বাদকের নয়নবয় একবার যেন ক্ষণমাত্রের নিমিত্ত এমন  
জ্যোতিঃ বিকীর্ণ করিল, তাহাতে তাহাকে আর অন্ধ জ্ঞান করা উচিত হয় না !  
কিন্তু সে ভাব মুহূর্ত্ত তরে, তখন অর্মানি পূর্ববৎ জ্যোতিঃহান হইয়া পড়িল !  
সন্দেহ হইল ! পুনশ্চ ভালরূপে দেখিলেন—এবার যেন চিনিতে পারিলেন—  
যেন বলি কেন, ঠিকই চিনিতে পারিলেন—সহস্র ছন্দ বেষের মধ্যেও প্রণয়-  
তাড়িত মন প্রণয়-সংক্রান্ত আপনার জন চিনিতে পারে—তাই ছলীন চিনিলেন !  
চিনিবা-মাত্র হৃদয় অস্থির হইল—সকল কণ্টকিত, কম্পিত হইয়া উঠিল !

সে গান বন্ধ করিয়া অন্ধেরা অতি ত্রস্ত অল্প গান গাহিল—এ গানে সন্দেহ  
নির্মূল হইল—এ গানে সন্দেহ ছিল ! গানটা এই—

পিলু । জং ।

( স্পষ্ট হৃদয় চিত্ত ভিন্ন সব অজ্ঞ )

সখা মনে দেখা করো গোপনে ।

দূরে থেকে, আপে দেখে, তবে যেয়ো সেখানে !

( ১ )

কেউ কাছে থাকিলে তথা, ভুলো না আমার কথা,  
সে কাণ, বিনা প্রাণের ব্যথা, চলো না অল্প কাণে !  
কহিবে বারতা, যেমন দেখে গেলে নয়নে !

( ২ )

না পেরেছ যা দেখিতে, তিনি পারিবেন বুঝিতে,  
এ হৃদয়ে প্রবেশিতে, তিনি বৈ নাহি ভুবে !  
বেশী করে শুনায়ে নী—ব্যথা দিও না সেপ্রাণে !

গান সমাপ্ত হইতে না হইতেই ছলীন গানের সাক্ষেতিক ভাব বুঝিয়া চলিয়া গেলেন—চাঁদ খাঁকে বিরলে বলিলেন “এই অন্ধ গায়কগণকে গোপনে ডাকাইরা তোমার গৃহে লইয়া যাও—যত্র পূরক রাখিও !”

চাঁদ উত্তর দিল “হুজুর ! আমিও চিনিরাছি, কোন চিন্তা নাই !”

দিবার অবশিষ্ট ভাগটুকু সে দিন বেন আর যায় না—ছলীনের এইরূপই বোধ হইতে লাগিল ! “আকরাম খাঁ ও ধন্নু অন্ধ সাজিয়া আইল কেন ? আইল যদি একবারে আমার নিকটে গেল না কেন ? সংবাদ দিতে এত বিলম্ব, এত ভয়ই বা কেন ? হায় ! প্রাণের লীলার কিরূপ সমাচারই বা শুনাইবে ?” এই ভাবিতে ভাবিতে ছলীন নিতান্ত অধৈর্য্য হইয়া উঠিলেন—প্রতি মুহূর্ত্ত বেন বৎসর বলিয়া জ্ঞান হইতে লাগিল—তিনি যথার্থই ছট্ ছট্ করিয়া সমস্তটুকু কাটাইতে লাগিলেন—বিশ্বাসী পেম্পেজ্জমৎকে পুনঃ পুনঃ পাঠাইতে লাগিলেন ! অবশেষে তাঁহারই পরামর্শে আকরাম খাঁ সন্ধ্যার পর গর্জিত খালসা শিখ সাজিয়া একটা পুলিন্দা স্বক্কে লাহোরের প্রেরিত রাজদূত বেশে শাসন-কর্ত্তার বসিবার গৃহে উপস্থিত হইল ! গৃহে তখন যে যে ছিল, ছলীন তাহা-দিগকে উঠিয়া বাইতে বলিলেন ।

ছলীনের প্রথম প্রশ্ন—“লীলা কোথায় ?”

আক্ । হুজুর, তাঁহারা নিরাপদে আছেন !

ছলীন । যন্ত্রণা দেও কেন ? একবারে কি বলিতে জান না, কোথায় রাখিয়া আইলে ? আর কেনই বা ছাড়িয়া আইলে ? আর কোন্মুখেই বা ছাড়িয়া আসিতে সাহসী হইলে ?

আক্ । হুজুর গুস্তাকি মাপ করিবেন—আকরাম খাঁ কি হুজুরের মুণ খাইয়া নেমখারানি বা গাফিলি করিবার লোক ? ( আপন বৃকের বসন খুলিয়া অস্ত্রাঘাতের ভয়ানক এক গভীর ক্ষত—যাহা এখনও সম্পূর্ণ সারে নাই—দেখাইরা ) হুজুরের কাজে—তাঁহাদের রক্ষার নিমিত্তই এই যা দেখুন—অঙ্গের আরো অনেক স্থানে এইরূপ চিহ্ন আছে ! এখনও যে আসিরাছি, তাহাও তাঁহাদের আদেশে—তাঁহাদেরই উদ্ধার উদ্দেশে !

ছলীন । প্রিয় আকরাম খাঁ, কিছু মনে করিও না—আমি অন্তরের অধৈর্য্য-স্বগে না বুঝিয়া তোমাকে ওরূপ সন্দোধান করিরাছি ! এখন বল তাঁহারা কোথায় ?

আক্ । হজুর সকল কথাই সংক্ষেপে নিবেদন করিতেছি । আমরা যে কয়টা অশ্বে যে রূপে যে পথে গিয়াছিলাম, তাহা অবশ্যই শুনিরাছেন । রাত্রে রাত্রে গিরি বন জলা ভূমি অতিক্রম করিয়া যখন আমরা কাংরার সীমা ছাড়াইয়া মুক্ত প্রদেশে সরল পথে যাইতে লাগিলাম—

ছলীন । কোথায় ? কোথায় যাওয়া উদ্দেশ্য ছিল ?

আক্ । লেনা সিংহের অধিকারে আমার আলাপী কিল্লাদার, মাণিক চাঁদের গির্হি কেলায়—আমি জানি মাণিক চাঁদ হজুরের বড় অমুরাগী, তাই একটু ঘুরিয়া তাঁহার আশ্রয়েই যাইতেছিলাম । আমরা পুরুষ কয় জন কেউ বা আগে, কেউ বা পিছে, রাণীজীদের মাঝে রাখিয়া যাইতেছি—তখনও একটু রাত্রি ছিল—পথে দুই এক দল অস্বারোহীর সঙ্গে দেখা হইল—সাহসে নির্ভর করিয়া শিখের মতন গলার আওয়াজে “ওয়া গুরুজী” বলিয়া অতি দ্রুতবেগে তাহাদের পাশ কাটাইয়া চলিয়া গেলাম । শেষে ভোর বেলা যখন এক দল শিখ সওয়ারকে ঐ রূপে অতিক্রম করিয়া যাই, তখন তাহাদের প্রধান আমাদের সঙ্গী জেঙ্গিস্ গাঁকে তীব্র দৃষ্টিতে দেখিয়া গর্জন পূর্বক বলিয়া উঠিল “ওরে এরা সিং নয়—দুষ্ট মুসলমান—সঙ্গে মেয়ে মানুষ—মার বেটাদের !”

হজুর ! সে লোক অচেনা নয়—সেই ছরাওয়া নন্দ সিংহের তাই ভূপ সিং ! তৎক্ষণাৎ পাপিষ্ঠেরা অশ্ব ঘুরাইল ; আমরা তিন জন, তাহারা বার জন, তাঁহা আমাদের সঙ্গে স্ত্রীলোক—স্ত্রীলোক না থাকিলে ঘোড়া ছুটাইয়া পলাইতে কতক্ষণ ? আমাদের তেজস্বী ঘোড়ার কাছে তাহাদের ঘোড়া গুলোতো গাধা ! আর যদি না পলাইয়া যুদ্ধেরই আবশ্যক হইত, স্ত্রীলোক না থাকিলে তাহাতেই বা ভয় কি ? তাঁহাদের অন্তই ভাবনা ; কিন্তু দেখিলাম, রাজকুমারী আর জানকী কিছুমাত্র ভীতা নন—বলিলেন, “তোমরা যত বেগে দৌড়িবে, আমরাও সেইরূপ পারিব !” আমরা খুব বেগে দৌড়িলাম—অল্পক্ষণেই তাহাদের ছাড়াইয়া প্রায় শত হস্ত দূরে গিয়া পড়িলাম—নির্বিঘ্নে পলায়নের সম্পূর্ণ ভরসা করিলাম ।

আমিই পশ্চৎ রক্ষার ভার লইলাম । পশ্চাতে চাহিয়া দেখি, শত্রুদের দুই একজন অধিক অগ্রসর হইয়াছে ! অমনি সঙ্গিগণকে বেগে যাইতে বলিয়া আমি থামিলাম—ফিরিলাম—অটল পর্বতবৎ পথমধ্যস্থলে দাঁড়াইলাম ! বিপক্ষেরা আমার সাহস দেখিয়া চমকিয়া উঠিল—থামিল ! সেই সুযোগে অব্যর্থ

সন্ধানে আমার বন্দুক ছুড়িলাম—অগ্রবর্তী বিপক্ষ ঘোড়া হইতে পড়িল । আমি অমনি ফিরিয়া তীরবেগে সঙ্গিগণের দিকে ছুটিলাম । ছুটিতে ছুটিতে পুনর্বার গুলি পুরিলাম । গুলি পোরা হইলেই সহসা ছুরাআদের অভিমুখে কতক দূর ফিরিয়া আসিয়া আর এক গুলিতে আর এক জনকে ভূপাতিত করিলাম । এবারে তাহারাও যুগপৎ কয়টা বন্দুক ছুড়িল, কিন্তু আমার বন্দুকের ধোঁয়ার জন্ত লক্ষ্য ঠিক করিতে পারে নাই—গোলেমালে তাড়াতাড়ি ছুড়িয়াছিল— তাহাতেই বাঁচিলাম, কেবল জানুদেশে গুলির একটু ঘেস লাগিয়াছিল মাত্র । আর তাহাদেরই বন্দুকের ধূমের আবরণে আমার পলাইবার সুবিধা হইল । আমার গায় ধনু ও জেঙ্গিস গাও ঐরূপে এক এক শত্রুকে নিপাত করিল । কিন্তু আমার গায় নিরাপদে নয়—উভয়েই গুরু আঘাত পাইল । আমার বিনা আদেশে সেরূপ করাতে আমি তাহাদিগকে তিরস্কার করিলাম ।

যদিও পূর্ক্যাপেক্ষা বৈরীদলের সংখ্যা অনেক কমিল, তথাপি এখনও তাহারা আট জন, আমরা তিন জন বৈ নই, তাহাতে দুইজন আহত ! ধনু ছুটিতে ছুটিতে আপনার পাগড়ীর কাপড়ে পায়ের ক্ষতস্থান বাঁধিয়া রক্তপাত বন্ধ করিল ; কিন্তু জেঙ্গিস গা সন্ধে আহত হওয়াতে সেরূপ বন্ধনের সুবিধা পাইল না—তাহার শোণিতপ্রাব দৃষ্টে ভয় পাইলাম । কিন্তু আমাদের কৌশল-সিদ্ধির জয়োল্লাসে তাহার সাহস রুদ্ধ হইল । তাহারা আশাতীত-রূপে আপনাদের সঙ্গীবধ ও সংখ্যা-হ্রাস দেখিয়া নিকরংসাহ হইয়া পড়িল । তথাপি সংখ্যার এত ন্যূনত্বেরক বে, সম্মুখ-রণে প্রবৃত্ত হইয়া আমরা যে জয়ী হইতে পারি, এমন সম্ভাবনা কিছুই নাই । অতএব রাণীজীদের অগ্রবর্তী করিয়া আমরা পলাইতে লাগিলাম—আমি কেবল দৌড়িতে দৌড়িতে মাঝে মাঝে পলকের তরে মুখ ফিরাইয়া দুই একবার বন্দুক ছুড়িলাম, কিন্তু সে বিনা লক্ষ্যে, সূত্রাং পূর্বের গায় ফলদায়ক হইল না ।

এইরূপে পূরা এক ঘণ্টা ছুটিয়া প্রায় সাত আট ক্রোশ পার হইলাম—দূরে গির্হি কেল্লার উন্নত শেখর দেখা যাইতেছে, এমন সময়, হার কি ছুৎখ ! রাণীজী অশ্বপৃষ্ঠে আর ঠিক হইয়া বসিতে পারগ নন, ইহা স্পষ্ট দৃষ্ট হইল ! রাজকুমারী কত সাহস দিতে লাগিলেন ; আমরা কত বুঝাইলাম—“ঐ কেল্লা দেখা যাইতেছে, একটু স্থির থাকুন” বলিয়া কত বিনয় করিতে লাগিলাম ; কিন্তু তাঁহার শরীর ক্রমেই অবশ হইতে লাগিল—কেবল মনের বলেই তিনি

এতক্ষণ এত বেগ সহ করিয়াছিলেন, আর পারেন না ! আমার পশ্চাতে বসাইতে চাহিলাম, তাহাতে সম্মত হইলেন না ; তাঁহার কণ্ঠকে একটা পেটা ফেলিয়া দিলাম, সেই অনুপমা বীর-নারী ছুটিতে ছুটিতেই তাহা দিয়া আপনার কোমরের সঙ্গে মাতার দেহ বাধিলেন ! হায়, তথাপি তিনি চলিয়া চলিয়া পড়িতে লাগিলেন—শেষে একবারেই বলিয়া পড়িতে লাগিলেন ! ধন্নু ও জেঙ্গিস্কে দুই পার্শ্বে গিয়া ধরিয়া যাইতে বলিলাম, তাহারা তাহাই করিল ; কিন্তু এই সব কারণে গমন-বেগ নিতান্তই কমিয়া আসিল—কিয়ৎক্ষণ দাঁড়াইতেও হইয়াছিল। আমার মানস, জনকীর সহিত রাণীজীকে পশ্চাতে রাখিয়া রাজকুমারীকে লইয়া কেলায় চলিয়া যাই—দুর্জনেরা প্রাচীনা রাণীকে কখনই কিছু বলিবে না, যত আক্রোশ তাঁহার কণ্ঠের জন্ত, ইহা আমরা বুঝিয়াছিলাম। সে ভাবের আভাসও দিলাম ; কিন্তু রাজকন্যা তাঁহার মাতাকে রাখিয়া যাইতে কোনমতেই স্বীকার পাইলেন না !

হুলীন । ( স্বগত ) হা প্রিয়ে ! এ কাজ তোমারই যোগ্য !

আক্ । তখন পরিত্রাণের সকল আশাই নিশ্চল-প্রায় হইয়া উঠিল ! আমাদের ও বিপক্ষদের মধ্যে পূর্বে যে দূরতা ছিল, তাহাতে গুলি ছুড়িলে আমাদের গায় লাগিত না ; এখন সেই দূরতা ক্রমেই হ্রাস পাইতে লাগিল—দুরাত্মারা সে সুযোগ পাইবা মাত্র নির্দয়রূপে এক বাড় বাড়ি—স্বীহতা হইতে পারে, তাহাও ভাবিল না ! জেঙ্গিস খাঁ পড়িল । হজুর ! হুণের গুলি যদি স্মরণ না করিতাম, তবে অনায়াসেইতো পলাইতে পারিতাম । কিন্তু হজুর, মূলতানীদের সে নীচ স্বভাব নয়—তাহারা প্রভুর কাজের সময় স্বার্থ জানে না—প্রাণের মারাত্মক করে না ! ধন্নুকেও ধন্যবাদ দিই ! রাণীজীদের রক্ষার্থে উভয়েই প্রাণ দানের সংকল্প করিলাম—যাহাতে তাঁহাদের গায় গুলি না লাগে, সাধ্যমত সেইরূপ আড়াল করিয়া ছুটিতে লাগিলাম । যদিও তাহাতে তাঁহাদের প্রাণ বাঁচিল, কিন্তু বিপদ কাটিল না । দুর্ভাগ্য বশতঃ বিপক্ষের একটা গুলিতে রাণীজীদের ঘোড়াটা মর্মান্তিক আঘাত পাইল । যেই দেখিলাম, গুলি খাইয়া ঘোড়াটা ঘুরিয়া পড়ে, অমনি একলাকে গিয়া তাঁহাদের দুইজনকেই এক সাপটে ধরিয়া তুলিয়া, দৈবের কৃপায় তাঁহাদিগকে সেই পতন-নীল অশ্বের দেহ চাপ হইতে বাঁচাইতে পারিলাম । তৎক্ষণাৎ অমনি আমার ঘোড়ার রাজকন্যাকে উঠাইয়া দিলাম ও জেঙ্গিসের ঘোড়ার রাণীজীকে লইয়া

আমি উঠিলাম । পাছে গুলি লাগে বলিয়া, তাঁহাকে আমার সম্মুখে বসাইলাম । ততক্ষণে রাজকন্যাকে ছুটিয়া ধাইতে বলাতে তিনি তাহা করিলেন । দেখিলাম, বন্দুকের আওয়াজ শুনিয়া গির্হি কেলা হইতে লোকজন ছুটিয়া আসিতেছে—ভাবিলাম, আর কি, নিষ্কৃতি পাইলাম ! কিন্তু তখনও কেলায় লোক বহু দূরে । তাহাদিগকে দেখিতে পাইয়া বিপদের আশঙ্কায় প্রতি বাড়ের উপর বাড় ঝাড়িতে লাগিল—ধনু ও আমি উভয়েই ভয়ানক রূপে আহত হইয়া অশ্ব হইতে পড়িয়া গেলাম—হুঁসুটিয়া ছুটিয়া আসিয়া তরবারের দ্বারা এই বুকে মারিল—আমাকে ও ধনুকে মৃত ভাবিয়া কেলায় লোক না আসিতে আসিতে রাণীজীদের তিনজনকে লইয়া বেগে পলাইয়া গেল—তবু সৌভাগ্য হজুর যে, তাঁহাদের কাহারো গায় গুলি লাগে নাই !

হুলীন । কেন, লীলা তো আগে আগে ছুটিয়াছিল, তাহাকে হুঁসুটিয়া কিসে পাইল ?

আক্ । আমি যেমন পড়িলাম, রাণীজীও পড়িলেন—রাজকন্যা ও জান্কা তাই দেখিয়া ফিরিয়া আইলেন ।

হুলীন । এখন তাঁহারা কোথায় ?

আক্ । হজুর ! অপেক্ষা করুন, সব শুনিতে পাইবেন ।

হুলীন বুঝিলেন যে, এমন অনেক ব্যক্তি আছে, যাহারা আদ্যন্ত বর্ণনা ব্যতীত শুদ্ধ মূল কথাটি বলিয়াই সন্তোষ পায় না, আক্রাম খাঁ সেই শ্রেণীর লোক । অতএব নিরাশ হইয়া ধৈর্য ধরিলেন ও আক্রামকে তাহার নিজের প্রণালীতেই বলিতে দিলেন ।

আক্ । আমরা হজুরের সম্ভান—আমাদের দশা কি হইল, তাহা কি হজুর শুনিতে ইচ্ছা করেন না ? পূর্বেই নিবেদন করিয়াছি, বন্দুকের আওয়াজ শুনিয়া গির্হির লোক ছুটিয়া আইল—আমরা যে কে, আর আমাদের আক্রমণকারীরাই বা কে, তাহা তখন তাহারা জানে না । তাহারা আসিয়া দেখিল, হুঁসুটিয়া কয়েকটি স্ত্রীলোক লইয়া দূরে পলায়ন করিতেছে ; আর দেখিল, একজন মৃত এবং দুইজন মৃত-প্রায়—জীবন আছে মাত্র, বাঁচিবার আশা নাই—এইরূপ অবস্থায় পড়িয়া আছে ! তাহাদের মধ্যে একজন আমাকে চিনিতে পারিয়া আমাকে আর ধনুকে বহুপূর্বক কেলায় মধ্যে লইয়া গেল এবং মুসলমান ডাকাইয়া জেসিস্ খাঁর কবরের ব্যবস্থা করিয়া দিল ।

হজুর ! তাহাদের সেবায় এবং আমাদের সুস্থ ও বলিষ্ঠ যৌবনের গুণে আমরা দুইজনেই বাচিয়া উঠিলাম—বহু দিনে আরোগ্য লাভ করিলাম ! কিন্তু এমনি ভয়ানক আঘাত যে, অদ্যাপি সকল ক্ষত সম্পূর্ণ সারে নাই !

তুলীন । যখন চৈতন্য হইল, আমাকে কেন সংবাদ পাঠাইলে না ?

আক্ । হজুর ! চৈতন্যের মতন চৈতন্য কুড়ি পঁচিশ দিনের পর হইয়াছিল ; কিন্তু যখন মাণিকচাঁদের মুখে শুনিলাম যে, তাঁহার লোকেরা সেই অপহারক ছুরাঙ্গাদের পশ্চাতে পশ্চাতে গিয়া তাহাদিগকে রাজকোটের মধ্যে প্রবেশ করিতে দেখিয়া আসিয়াছে. তখন একটা হেস্ত নেন্ত না করিয়া আপনাকে সংবাদ দিতে ভয় পাইলাম ।

তুলীন । রাজকোট ? হজুর উত্তরে যে রাজকোট ? রাজা ধ্যান সিংহের দুর্ভেদ্য রাজকোট ? ( আক্রামের “হাঁ” শুনিয়া ) হায় ! আবার সেই ভ্রাতৃত্ব ! যে দিকে ফিরি, সেই শত্রু ! আশা ও অনুমান করিয়াছি, সেই দুর্জনদের দ্বারাই অবশ্য কিছু ঘটনা থাকবে ! যাউক, তাহার পর ?

আক্ । হজুর ! আমি যখন চলৎশক্তি পাইলাম, ধনু তখনও শয্যাগত । কিছু রলাধান হইবা মাত্র, ছদ্ম-বেশী সারঙ্গ-বাদক ও ভিক্ষুক গায়ক সাজিয়া রাজকোটে গেলাম । যদিও সে দুর্গে অপরিচিত কেহই প্রবেশ করিতে পায় না, তথাপি কয়েক দিনের বহু চেষ্টার ও বহু কৌশলে প্রবেশ করিলাম । যে ব্যক্তিকে আ’জ্ আমাদের সঙ্গে মন্দিরা দিতে দেখিয়াছেন, সে একজন দুর্গ-রক্ষী ! সে যখন দুর্গ বাহিরে আসিত, আমাদের গীত বাদ্য শুনিয়া মুগ্ধ হইত । ক্রমে তাহাকে নাকরেদ করিয়া শেষে প্রচুর পুরস্কারের লোভ দেখাইয়া মানস পূর্ণ করিতে সমর্থ হইয়াছিলাম—এমন কি, দুর্গের এক কোণে বাসা পাইতেও পারিয়াছিলাম ।

তুলীন । প্রচুর পুরস্কার অবশ্যই দিব—তাহার পর ?

আক্ । এখানে ওখানে সেখানে সারঙ্গ বাজাইয়া বাজাইয়া ও গীত গাহিয়া গাহিয়া দুর্গের নানা স্থানে সন্ধানে ফিরিতে ফিরিতে যথায় তাঁহারা আটক আছেন, জানিতে পারিলাম । বহু কৌশলে এক দিন সাক্ষাৎও পাইয়াছিলাম—

তুলীন । কি ? সাক্ষাৎ ! লী—তাঁহারা কি অবস্থায় কেমন আছেন ?

আক্ । কোন কষ্ট নাই—রাজরাণী আর রাজকন্যাকে যেমন যত্নে—



যেমন মানে—যেমন গৃহে রাখিতে হয়, রাখিয়াছে—তাঁহাদের সেবার নিমিত্ত উপযুক্ত দাস দাসী সব নিযুক্ত আছে—কেবল পুরীর উঠান ও ঘেরা-বাগান ভিন্ন অন্য স্থানে বাহির হইতে দেয় না ! রাণীজী বড় ক্লিষ্ট হইয়াছেন ; রাজকন্য়ার অবস্থা বুঝিতেই পারিতেছেন—তাঁহার মুখ দেখিলেই চমকিয়া উঠিতে হয়—রাণীজীর ঞায় শরীর-গতিক তাঁহার কোন অসুখ হয় নাই, কিন্তু তথাপি মনের অসুখে, ভয়ে ও চিন্তায় জর জর ! তাঁহারা আমাকে দেখিয়া কাঁদিতে লাগিলেন—অধিক কথা কহিবার স্যোগ হইল না—বলিলেন, “পর দিন অবশ্য অবশ্য সাক্ষাৎ করিও—চিঠি দিব ।”

দুলীন । কৈ ? চিঠি কৈ ? এতক্ষণ দেও নাই কেন ?

আকৃ । হুজুর ! চিঠি আনিতে কি সাহস করিতে পারি ? আমার কাছে সে রূপ চিঠি থাকিলে আমি যে গুপ্ত চর, তাহাই প্রমাণ করা হয় । তাহাতে আমার বিপদ যাহাই হউক, তাঁহাদিগকে অধিক কড়াকড়ে রাখিবে ও অধিক বশুণা দিবে, এই ভয়ে চিঠি লিখিতে মানা করিলাম । ( দুলীন দীর্ঘ নিশ্বাস ত্যাগ করিলেন ! ) তাই রাজকন্য়া তাড়াতাড়ি দুইটা গান লিখিয়া দিলেন—বলিলেন “তবে এই গান শিখিয়া লও, কাংরায় গিয়া তোমার সাংঘবকে শুনাইও !”

দুলীন । কৈ ? কৈ সে গানের কাগজ কৈ ?

আকৃ । হুজুর ! সেই দিনই সে গান মুখস্থ করিয়া সে কাগজ ছিঁড়িয়া ফেলিয়াছি । কিন্তু গান দুটা আপনাকে শুনাইয়াছি !

দুলীন দেখিলেন, স্থল বিশেষে প্রেমাক্ত প্রভুর অপেক্ষা সহজ-বুদ্ধি সামান্য ভৃত্যও অধিক চতুর হইতে পারে ! অতএব পুনর্বার নৈরাশ্রের নিশ্বাস ত্যাগ করিয়া ক্ষান্ত থাকিতে বাধিত হইলেন এবং হস্ত-ভঙ্গী দ্বারা “পরে কি হইল” জানিবার অভিলাষ জ্ঞাপন করিলেন !

আকৃ । হুজুর ! তাঁহাদের ঘরের গবাক্ষের নিকটে একটা গাবের গাছ ছিল, তাহাতে উঠিয়াই ঐ দেখা সাক্ষাৎ করিতে পারিয়াছিলাম । পর দিন সেই উপায়ে আবার কথোপকথনের চেষ্টায় গাছে উঠিলাম—আমার ঐ সাক্ষ-রেদ্ নিধান সিং তলায় থাকিয়া পূর্ব দিনের ঞায় প্রহরীতায় নিযুক্ত রহিল । সবে মাত্র রাজকন্য়া বাতায়ানে আসিয়া গানের কাগজ খানি দিয়া দুই একটা কথা আরম্ভ করিয়াছেন, এমন সময় নিধান সিং বিপদের সঙ্কেত করিয়া পলা-

ইল। আমি অমনি রাজকন্যাকে ইঙ্গিত করিবা মাত্র তিনি জানালার কবাট বন্ধ করিলেন। কিন্তু এক জন পুরীরক্ষক বৃক্ষমূলে আসিয়া তর্জন গর্জন পূর্বক আমাকে গালি দিতে লাগিল। আমি নামিয়া আইলেই দারগার নিকট ধরিয়া লইয়া গেল। এরূপ অবস্থা ঘটিলে যাহা বলিব কহিব, তাহা পূর্বেই মনে মনে ঠিক করিয়া রাখিয়াছিলাম, সুতরাং খতমত খাইলাম না—বলিলাম, গাবের আটার সারঞ্জের চামড়া যুড়িব বলিয়া গাছে উঠিয়াছিলাম। যদিও তাহাতে সম্পূর্ণরূপে তাহাদের সন্দেহ দূর হইল না, কিন্তু তাহারা আমার বিশ্বাসঘাতিতা না বুঝিয়া নির্দুষ্কিতাই বুঝিল এবং আমাকে ও নিধান আমাকে আনিয়াছিল বলিয়া তাহাকেও ছুর্গ হইতে দূর করিয়া দিল। ফলতঃ কেবল মুখের জোরেই সে দিন বাঁচিয়াছি, নচেৎ উত্তরকে সেই গাছেই লট্-কাইয়া দিত, তাহাতে সন্দেহ নাই—সে প্রস্তাবও উঠিয়াছিল!

ছলীন। সে তো উত্তম করিয়াছ; কিন্তু এ ছদ্ম-বেশে এখানে কেন? এরূপ সং না সাজিয়া একবারে আসিয়া সংবাদ দিলেই তো হইত?

আক্। হজুর! রাজা ধ্যান সিংহ ভয়ানক লোক; তাঁহার চরও সর্বত্র; এই ছুর্গ মধ্যেও যে তাঁহার চরেরা নাই, একথা বিশ্বাস হয় না! যদি তাহারা জানিতে পারিত যে, আক্‌রাম খাঁ আসিয়া রাজকোটের সমাচার দিয়াছে, তবে আমার ও নিধানের বিপদ তো হইবেই; তদ্বাদে রাণীজীদের স্থানান্তর করিয়া এমন এক স্থানে লইয়া যাইবে যে, আর সন্ধান পাওয়াই যাইবে না! তখন তাঁহাদের উদ্ধারের আর কিছু মাত্র সম্ভাবনা থাকিবে না! এখন এই উপায়ে যে আসিয়াছি, এবং রাণীজীদের সঙ্গে আক্‌রাম ও ধন্নু যে বাঁচিয়া আছে, কি আপনার সহিত দেখা করিয়াছে, তাহা কেহই জানিতে পারিবে না। সুতরাং আবার আমরা অগ্র ছদ্ম-বেশে গিয়া কৌশলে তাঁহাদের মুক্ত করিয়া আনিবার চেষ্টা করিতে পারিব। হজুর! মনেও করিবেন না যে, আপনি তথায় যাইতে অথবা সৈন্য সামন্ত সহিত বল প্রকাশ দ্বারা কার্য্য সকল করিতে পারিবেন। রাজকোটের বর্ণনা অবশ্যই শুনিয়া থাকিবেন—ছল কল ভিন্ন কোন বল যে তথায় থাকিবে না, তাহা গোলাম আর কি বুঝাইয়া দিবে?

ছলীন। রাজকোট কি কাংরার মত দুর্ভেদ্য?

আক্। কাংরার মতন! হজুর পরিহাস করিতেছেন। রাজকোটের সহিত কাংরার তুলনাই হয় না। যদিও আমি ভিক্কুরের বেশে যাওয়াতে

রাজকোটের কিছুই প্রায় দেখি নাই—ভিক্কুক সকল স্থানে যাইতে সাহস পার না—তথাপি যত দূর দেখিরাছি, তাহাতে এই বলিতে পারি, স্বভাব আর শিল্প, এই উভয়ে মিলিয়া শত্রুর আক্রমণের বিরুদ্ধে মনুষ্যের দ্বারা যত দূর বাহা কিছু হইবার, রাজকোটের কেলায় তাহা হইয়াছে ! কাংরা দুর্গ যেমন পর্বত মালা হইতে বিচ্ছিন্ন একটা স্বতন্ত্র শৈল-শেখরে নির্মিত, রাজকোট তাহার অপেক্ষাও সম্পূর্ণ পৃথক্ পাহাড়ের মাথায় স্থিত—ইহার অপেক্ষাও তাহার গাত্র ছরারোহ । ইহার ফটকের দিকে তো ঢালু আছে ; তাহার কোন দিকেই তাহা নাই—একটুও নাই—চতুর্দিকেই যেন খাড়া দেয়ালের মত—প্রকাণ্ড প্রকাণ্ড ( বাস্তবের খোলার মত ) কাটরা ও বুড়ি ভিন্ন উঠিবার অন্য উপায় নাই , ঐ কাটরা ও বুড়ি বৃহৎ বৃহৎ কপি কলে উঠানো নামানো হয় ! কেলায় উপর চারিদিকে অসংখ্য কামান সাজানো আছে ; ফরাসী ইঞ্জিনিয়ার ও.ওলন্দাজী গোলেন্দাজ, ইহারাই তথাকার অধিকার ও রক্ষক । আর রাজাজীর বাছা বাছা প্রজা-জোয়ান ও পাহাড়ীয়া ঘোদ্ধারা তথায় প্রহরী ! হুজুর ! মহারাজ রণজিৎ সে কেলা কখনো চক্ষেও দেখেন নাই এবং বোধ হয় দেখিতে পাইবেনও না ! কর্ণে হয় তো শুনিয়া থাকিবেন, কিন্তু রাজাজীর কোশলে একটা সামান্য ক্ষুদ্র কেলা বলিয়াই শুনিয়া থাকিবেন ! অধিক কি, অমন দুর্গ মহারাজার নিজের অধীনে একটাও নাই !

হুলীন । ( সহাস্ত ) ভয়ানক স্থান বটে ! কিন্তু প্রিয় আক্ৰাম, “শেল্ গোলা” জান তো ?

আক্ । জানি না, হুজুর, সে কি ? কোম্পানির ফৌজ যখন ঐ উপায়ে হাট্রার কেলা দখল করে এবং বুড়া দয়ারাম যখন দুর্গ রক্ষা অসম্ভব বোধে অতুল পরাক্রমে তরওয়ার হাতে আক্রমণকারী সিপাহীদলের মধ্য দিয়া তাহা-দিগকে কাটিতে কাটিতে চলিয়া যায়, তখন হুজুর, এ গোলামও সেই প্রসিদ্ধ বীর দয়ারামের সঙ্গে ছিল ! তাহাতেই হুজুর, শেল্ গোলার মর্শ্বও এ গোলাম ভাল জানে ! আপনার এই কাংরাতেও তাহা দেখিরাছি ! কিন্তু হুজুর, রাজকোটে সে গোলাতেও কিছু হইবার নয় !

হুলীন । আচ্ছা দেখা যাইবে—আমি গিয়া স্বচক্ষে একবার অবস্থা দেখি-লেই উপায় অবধারিত হইবে ।

আক্ । হুজুরের যাওয়া নিতান্তই অসম্ভব—নিতান্তই অমুচিত—গোলা-

যের ধুটতা মাপ করিবেন ! একবারে প্রধান মন্ত্রীর কেলা আক্রমণ, সেটাও ভাবিবেন ! আর যদি গোপনে যান, কাংরায় আপনার অনুপস্থিতি লক্ষিত ও জনিত হইবে ; যদিও তাহা না হয়, আপনার যে আকৃতি, কোন ছদ্ম-বেশেই তাহা লুকাইবার যো নাই—বিশেষ গুণিতেছি, মহারাজ আগত প্রায় ।

তুলীন অনেকক্ষণ গভীর চিন্তার পর আক্রামের সারগর্ভ আপত্তি ও যুক্তি গ্রাহ্য করিলেন । আক্রামের প্রতি মহা ভূষ্ট হইলেন । এ বিষয়ে আক্রাম যেমন যেমন পরামর্শ দিল, তাহাই ধার্য্য করিলেন ।

ধার্য্য হইল, তাহারা যে তিন জন অক্ষ সাজে আসিয়াছে, সেই তিন জন সেইরূপ কোন ছদ্ম বেশেই গমন করিবে, চাঁদ, আলিবর্দি ও বন্নু ব্যতীত আর কাহাকেও সে সন্ধান বলিবার আবশ্যকতা নাই, তাহারা পুনর্বার নব সজ্জায় গিয়া রাজকোটের নিকট বাসা করিবে ; আক্রাম খাঁ রাজকোট দুর্গ মধ্যে নিধান ব্যতীত আরো দুই তিন জন সাহায্যদাতা বন্ধু ঠিক করিয়া আসিয়াছে, তাহাদের নিমিত্ত প্রতিশ্রুত অর্থ লইয়া যাইবে ; তাহাদের সহযোগে মনোরথ সিদ্ধির প্রাণপণে চেষ্টা পাইবে ।

তুলীন তৎক্ষণাৎ আক্রামকে দুই, ধন্নুকে সাক্ষি এক, নিধানকে অর্ধ ও অস্ত্রা-স্ত্রের নিমিত্ত তিন—সর্ব সাকল্যে সাত সহস্র রোপ্য মুদ্রা অর্পণ করিয়া বলিলেন “ইহা কেবল বায়না মাত্র, তোমরা তাহাদের মুক্তি সাধন পূর্বক যে ক্ষণে আমার নিকট তাহাদিগকে আনিয়া উপস্থিত করিবে, তদুত্তরেই ইহার বহু গুণে বেশী পুরস্কার পাইবে । ধ্যান সিংহের ভৃত্যগণকে বিশ্বাসদ্রোহিতা কর্ষে উৎসাহ দেওয়া আমার উচিত নয়, কিন্তু ধর্ম্মের নিমিত্ত অধার্ম্মিকের বিরুদ্ধাচরণ করা কাহারো পক্ষে নিন্দনীয় হইতে পারে না । বিশেষ অত সূক্ষ্ম তত্ত্বের সিদ্ধান্ত পক্ষে আমার মস্তিষ্ক এখন ঠিক নাই । তাহারা অত্যাচারী প্রভুর অত্যাচারে আপনারই ক্ষুণ্ণ আছে, কেবল ভয়ে কিছু করিতে পারে না । তাহাদিগকে বলিও, একাধঃ সুনির্বাহ করিতে পারিলে, আমি তাহাদিগকে আশ্রয় দিব—তাহাদের ভাল করিব—তাহাদের কোন শঙ্কা, কোন চিন্তা নাই !”

আক্রাম ও ধন্নু মহা সন্তোষে বিদায় হইল । বিদায় কালে তুলীন বলিয়া দিলেন “রাজকোটের পথে আমার বিশ্বাসী অশ্বারোহীরা সর্বদাই যোগায়াত করিবে—সর্বদাই তোমাদের অপেক্ষার সতর্ক রাইবে—বন্নু তাহাদের অধ্যক্ষ

থাকিবে । মহারাজ-অবিলম্বে কাংরায় আসিয়া উপস্থিত হইবেন, নচেৎ আমি নিজেই সে কার্যের ভার গ্রহণ করিতাম ।”

### ত্রয়োদশ পরিচ্ছেদ ।

ষোড়শী ।

অক্ষুরাম, ধনু ও নিধান বিদায় হইল । ছলীন কিয়ৎক্ষণ নিজ নির্জন গৃহে, পরে অশ্রুমনস্কভাবে অস্তঃপুরের সন্নিহিত সুদীর্ঘ বারাণ্ডার অতি চঞ্চল চরণে এবং তদপেক্ষাও চঞ্চল হৃদয়ে পাদচারণ করিতে করিতে গভীর চিন্তা স্রোতে মগ্ন হইলেন । সহসা চিন্তা-শৃঙ্খল ছিন্ন করিয়া বেশ-গৃহে গমন ও বেশ পরিবর্তন পূর্বক মশস্ত্র নীচে নামিলেন । বনু ও সোহনলালকে সঙ্গে লইয়া অশ্বারোহণে হুর্গ হইতে বাহির হইলেন ।

শরতের বিমল শশী কি ধবল কিরণ দিতেছে—ধরা যেন সব ধৌত শুক্ল বসন পরিয়াছে ! সুধাকর ষথার্থই যেন সুধা ঢালিতেছে—দেহ এবং মন স্নিগ্ধ ও মুগ্ধ হইতেছে ! দূরস্থ অনাবৃত শৈল চূড়া যেন রৌপ্যপাতে মণ্ডিত রহিয়াছে ! তরু-শিরেও যেন পবিত্র রক্ত-পত্র সুমন্দ বায়ুহিল্লোলে ইতস্ততঃ হুলিতেছে—ঝক্ ঝক্ করিতেছে ! সেই বায়ুহিল্লোলে বাণগঙ্গার নির্মল জীবন অলুচ্চ বীচিমালায় অন্ন অন্ন তরঙ্গায়িত হইতেছে এবং সোণার চাঁদকে যেন ধঙে ধঙে কাটিয়া শতেশ্বরী হার করিয়া গলায় পরিয়া হৃদয়ে দোলাইতেছে ! আ'জ্ চতুর্দিকে নৈসর্গিক নৈশ শোভা অনির্কচনীয়—বিমান ও মর্ত্যধাম, উভয়ই পরম রমণীয় ! হুর্গস্থ গুরু সৌধমালা ও জয়স্তীর পাষাণময় দীশানীর মন্দিরের দৃশ্যও অপূর্ব !

কিন্তু হায় ! ছলীনের চক্ষু আজি তাহার কিছুই প্রায় দেখিতেছে না ! নয়ন মর্দনের অলুগামী ; যে মন স্বভাবতঃ শোভানুভাবকতা শক্তিতে অধিতীয়—যে নয়ন তদনুসরণে স্বভাবের শোভামৃত পানে নিয়ত নিরত—হায় ! সেই মন, সেই নয়ন, স্ব স্ব কার্যে আ'জ্ নিতান্তই উদাসীন—কেবল অভ্যাস বশে যাহা কিছু দেখিতেছে—মুগ্ধবৎ হইতেছে ! কলতঃ প্রকৃতির পরাক্রম এমনি আশ্চর্য্য যে, সে দিকে আ'জ্ প্রবৃত্তি না থাকিলেও ছলীন এখন ঘটই বাইতে

গাগিলেন, ততই তাঁহার তাপিত প্রাণ যেন কোন অনিবার্য প্রভাবে আপনা হইতেই নীতল হইতে লাগিল !

হুলীন কতক দূর গিয়া যম-ঘুলির দিকে যে পথ, সেই পথ ধরিলেন । বাণগঙ্গার তীর কাছিয়া কিয়দূর গমনের পর সে পথ ছাড়িয়া বাণগঙ্গার বক্ষে তিনি নিজে যে পাথান সেতু নির্মাণ করিয়াছেন, সেই সেতু যোগে অপর পারে গেলেন ।

বয়ু ও সোহন তখন বুঝিল যম-ঘুলির দিকে গমন করা উদ্দেশ্য নয়— কেন না সে দিকে যাইতে হইলে পার হইতে হয় না । সে বাহা হউক, পারে গিয়া কতক দূর গুজু গমনের পর পথটী ত্রিধা হইয়া তিন দিকে গিয়াছে—বামে লোকালয় গমনোপযুক্ত উত্তম পরিসর রাস্তা ; সম্মুখে একটা সামান্ত পথ, সে পথে কৃষক, কাঠুরিয়া ও শিকারিগণ শস্ত-ক্ষেত্রে ও বনে যায় ; দক্ষিণে ক্রমোন্নত শিলাময় বন্ধুর পথ অথবা অপথ । যম-ঘুলির দক্ষিণে নিবিড় কাননময় যে অভ্যাস্ত পর্বত শ্রেণী আছে, এই পথ-রেখা ধরিয়া গেলে তথায় যাওয়া যায় ।

এই কুপথে যতই অগ্রসর হইতে লাগিলেন, ততই প্রকৃতির ভীষণ ভাব দৃষ্ট হইতে লাগিল—ততই অতি কঠোর গৈরিক প্রদেশ । কখন উঠিতে, কখন নামিতে হইতেছে ; কখন বা লক্ষ দিয়া, কখন বা জলে নামিয়া ক্ষুদ্র তটিনী ও নিঝরিণী পার হইতে হইতেছে ; কোথায় লতা-বল্লরী-কণ্টকা-কীর্ণ ছরভিগম্য স্থল—তন্মধ্য দিয়াই পথ ; কোথায় বা প্রাচীন মহা মহীকহ-মণ্ডলীর পরিষ্কার তলভূমি দিয়া সুরমা ও সুগম্য পথ—তথায় নিবিড় পত্র-পল্লব মধ্য দিয়া চন্দ্র-কর-রেখা প্রবেশ করিয়া কি সুন্দর দেখাইতেছে ! নানা দিক হইতে বিবিধ ওষধি ও বন-স্পের সৌরভ আসিয়া প্রাণ পুলকিত করিতেছে ! জলপ্রপাতেব ভীষণ শব্দ দূরতা প্রযুক্ত মন্দীভূত হইয়া শ্রুতি-মধুর হইতেছে ! অদূরবর্তী নিঝর সমূহের কুলু কুলু ধ্বনির সহিত তাহা মিলিত হইয়া সেই পার্শ্বভীত নৈশ নিস্তব্ধতার মধ্যে কি এক আশ্চর্য্য স্বরগাঙ্গীর্ষ্য উৎপন্ন করিতেছে—গুলিলে ভয়ও হয়, উল্লাসও জন্মে !

ক্রমে অটবী নিবিড়তর ও পর্বতের ছায়া গাঢ়তর হইতে লাগিল ; ক্রমে ঘোর অন্ধকারমৎ অবস্থা দৃষ্ট হইল—সম্মুখের বস্ত আর দেখা ভার—কাজেই পথ চলা কষ্টকর । এত পথ আসিতে আসিতে হুলীন একটাও কথা কহেন নাই, স্তব্ধতাং সঙ্গীরাও নীরব ছিল ; এখন হুলীন কথা কহিলেন—সেই ভয়-

কর তমসাকর নিস্তরতার মধ্যে সহসা সুগভীর মানব-স্বর শ্রবণে অন্তমনস্ক  
বন্ধু ও সোহন চমকিয়া উঠিল—বিশেষ, তখন প্রভুর স্বর যেন বিকৃত ! ফলতঃ  
চিত্ত বিকার ও ক্রমশঃ চিন্তাশীলতার পর প্রথম বাক্যোচ্চারণকালে সকলেরই  
স্বর-বিকৃতি ঘটে ! তাহাতে এখন তো সংযোগস্থল অতি কঠোর—সংযোগ-  
সময় ভয়ঙ্কর !

সঙ্গীতকে সাহস ও উৎসাহদানই ছলীনের সেই বাক্য প্রয়োগের উদ্দেশ্য ;  
বলিলেন—“এ অন্ধকার বেশী ক্ষণ নয়, আর একটু গেলেই আবার আলো  
পাইব—সাবধানে বেলুনের পশ্চাতে আইস—বেলুন এ পথ ভাল জানে !”  
ইহা বলিতে বলিতে সম্মুখে বেলুনের মনোহর গ্রীবায়ে দুই চারিটা আদরের  
চাপড় পড়িল !

সত্যই বেলুন সে পথ ভাল চিনে—বেলুন সেই গভীর আঁধারে স্বচ্ছন্দে  
বিনা চালনার চিন্তিতে লাগিল—প্রভুর সাদর সম্ভাষণ যেন বৃষ্টিতে পারিয়া  
আরো একটু হন্ হন্ করিয়া কিঞ্চু সতর্ক হইয়া শনৈঃ শনৈঃ চলিল—বৃষ্টিয়া  
বৃষ্টিয়া পাদক্ষেপণ করিতে লাগিল ! পাষণথগুমর গৈরিক প্রদেশে দৌড়িবার  
যো নাই, বেলুনের দোষ কি ? বাহাইউক, সহচরদ্বয় বৃষ্টি, প্রভুর তবে এ  
ভীষণ স্থলে সর্বদা যাতায়াত আছে—স্বজনীযোগেও আছে !

অগোণে সহসা চক্রকিরণ দর্শন হইল ; সেই সঙ্গে সহসা অবতরণেরও  
প্রয়োজন হইল ! সে অবরোহণ পাহাড়িয়া ছাগ ও মৃগ ভিন্ন অন্য চতুষ্পদের  
সাধ্য নয় ; বেলুনের সাধ্য হইলেও সঙ্গী অশ্বদ্বয়ের সাধ্যাতীত ; সুতরাং সেই  
স্থলেই ঘোটকত্রয়কে বাধিয়া রাখিতে ছলীন আদেশ দিলেন ।

তিন জনে অতি কষ্টে অতিশয় সাবধানে পর্বতগাত্র ধরিয়া ধরিয়া অবতরণ  
করিলেন । নিয়ে এক ক্ষুদ্র স্রোতস্বিনী । তাহারই তীর দিয়া—তাহারই  
নিম্নগা গতির অনুসরণ করিয়া কিয়দূর গমনের পর সম্মুখে আশ্চর্য্য দৃশ্য—  
চতুর্দিকে অত্যন্ত পর্বতমালা, মধ্যস্থলে জলদর্পণবৎ বিচিত্র এক গোলাকার  
বিশাল হ্রদ ! চতুর্দিকেই পর্বতের উপর পর্বত—চূড়ার পর চূড়া—শৃঙ্গের পর  
শৃঙ্গ ! চতুর্দিকেই অসীম আকাশ-ভেদী অনন্ত শৈল-রাজির অদ্ভুত অনন্ত দৃশ্য ।  
সেই বেঙ্কনকারী পর্বত-শ্রেণীর গাত্র হইতে—পার্শ্বদেশ হইতে—কোথায় বা  
গুরি-বন্ধ ভেদ করিয়া—কোথায় বা নিম্ন উপত্যকা বাহিয়া অসংখ্য ক্ষুদ্র, বৃহৎ  
জলপ্রপাত, পয়স্বিনী ও নির্ঝরিনী নান্য প্রকার গতি, রীতি, ধনিয় সহিত

নানা দিক্ হইতে আসিয়া সেই রমণীয় হৃদে পতিত বা মিলিত হইতেছে !  
কলতঃ তাহারাই হৃদের জননী বা তাহারাই তাহার পুষ্টিদায়িনী ধাত্রী !

অদূরে একটা খাঁড়িতে একখানি অপূর্ণ ক্ষুদ্র নৌকা কোণের ভিতর বাধা ছিল, ছলীন তাহা আনিতে বলিলেন । কর্ণ, ক্ষেপণী প্রভৃতি সকল সজ্জাই তাহাতে প্রস্তুত ছিল । তদারোহণে তিন জনে সেই হৃদ-হৃদয় বাহিয়া দক্ষিণ-পশ্চিম কোণাভিমুখে চলিলেন—বরু ও মোহন ক্ষেপণী ক্ষেপণ করিতে লাগিল ; ছলীন কর্ণ ধরিলেন । প্রায় এক ক্রোশ বাহিয়া কুল পাইলেন । এত রাত্রে হৃদ পার হইয়া কোথায় যাওয়া হইবে, দাঁড়ীঘর পরস্পরে মূহুরে ইহাই আলোচনা করিতেছে, এমন সময় ছলীন কহিলেন “তোমরা নৌকায় নিদ্রা যাও, আমি আসিতেছি—আমার বিলম্ব হইলেও চিন্তিত হইও না ।”

“চিন্তিত” হইবে কি, এখনই মহা চিন্তিত হইয়া উভয়েই যুগপথ বলিয়া উঠিল “চিন্তিত হইব না—নিদ্রা যাইব—আর আপনি এই ছরারোহ পর্বত আরোহণ করিবেন ?”

ছলীন হাসিয়া উত্তর করিলেন “পর্বতের উপরে আরোহণ করিব না—অদূরে পর্বত-গর্ভে যাইব ! ঐ সম্মুখে শৈল-পদতলে রম্য উদ্যান তুল্য একটা ফল পুষ্পের উপবন দেখিতেছ না ? উহার সম্মুখেও কি দুর্বাদল-শোভিত সূচাক মুক্ত স্থল লক্ষ্য করিতেছ না ? উহা কি স্বভাবজাত জঙ্গল ও ক্ষেত্র বলিয়া বোধ হইতেছে ? উহার সূশৃঙ্খলা ও পারিপাট্য দেখিয়াও কি মনুষ্য-হস্ত-সৃজিত বলিয়া বুঝিতেছ না ? উহারি অন্তরালে একটা পরম সুন্দর গুহা আছে, তাহাতে এক মহাপুরুষ বাস করেন—আ ! আমার পরম হিতৈষিনী বুড়ী মা কোথায় গেল ! তাঁহা হইতেই এই সাধু-সঙ্গ লাভ করিয়া ধন্য হইয়াছি !”

(ইটি যেন অর্কোচ্চারিত স্বগত হইল ! ) “আমি সময়ে সময়ে তাঁহার সহিত সাক্ষাৎ করিতে আসি—কোন চিন্তা করিও না—অদ্যও সেই অতিপ্রায়ে আসি-য়াছি, এখনই প্রত্যাগমন করিব—বিলম্বও হইতে পারে—তাই বলিতেছিলাম, নিদ্রা যাও ।”

মোহন । হজুর ! আমাদের চক্ষু কি এতই পাষণ্ড, আপনি অনিচ্ছ থাকি-বেন—এই ঘোর নির্মাণে নির্জনস্থানে একাকী যাইবেন—আর তাহার নিদ্রা ইচ্ছা করিবে ? তেমন চক্ষুকে কি উৎপাটন করিব না ?

ছলীন । ( সহাস্তে ) তবে তোমরা ঐ উদ্যানে বেড়াইয়া অপেক্ষা কর ।



তিন জনেই তীরে উঠিয়া দেখেন, সেই মুক্ত স্থলে এক দীর্ঘাকার পুরুষ দণ্ডায়মান ! কোথ হর, তাঁহাদের কলরব শুনিয়া সেই মহাপুরুষ বাহিরে আসিয়াছেন । তাঁহার তেজোদীপ্ত সুন্দর বদনমণ্ডল নির্মল জ্যোৎস্নায় স্পষ্ট দৃষ্ট হইতেছে—তাঁহার বিশাল নয়নের প্রশান্ত দৃষ্টি ভক্তি আকর্ষণ করিতেছে !

তাঁহার নিকটস্থ হইয়া অভিবাদন করিলেন ; মহাপুরুষও প্রত্যভিবাদন ও স্বাগত সম্ভাষণ পূর্বক ছলীনকে সাদরে নিজ গুহায় লইয়া চলিলেন ।

সোহন ও বরুর বিশ্বয়ের ইয়ত্তা রহিল না—তাঁহারা এমন তেজঃপুঞ্জ দেহ ও এমন সুশ্রী পুরুষ কখনই প্রায় দেখে নাই ! প্রশস্ত ললাটপটে কোনরূপ রেখা বা কৃষ্ণনের চিহ্ন মাত্রও নাই—কি উজ্জল ! কি মঙ্গল ! যেন পাষণ্ডমূর্তি বা পাপ-তাপ-চিন্তা-শূন্য নব-যুবকের কপাল ! দীর্ঘ কৃষ্ণ কেশজাল এলোকেশী জ্বীলোকের স্তায় পশ্চাতে ও পার্শ্বে প্রলম্বিত রহিয়াছে—সন্ন্যাসীদের শিরে যেমন জটাভার, ইঁহার মস্তকে সেরূপ নয়, কেশ ; অথচ রুম্ম ও অবিকৃত—তৈল ও চিকণীর সহিত নিতান্ত অপরিচিত ! তথাপি দেখিতে সুন্দর ! পূর্বেই বলিয়াছি, নয়নের জ্যোতিঃ অতি পবিত্র, অতি প্রশান্ত, অথচ সে তেজোদীপ্ত জ্যোতিতে ব্যাঘ্র ভূজঙ্গাদিও বশীভূত হইতে পারে—পামরের কঠোর হৃদয়ও গলিতে পারে ! দশনপংক্তি রক্ত-রেখাশ্রিত শুভ্র ও সুপ্রকৃতিস্থ ! বয়স অসুমান করা দুঃসাধ্য—একবার বা যুবক, একবার বা পরিণত বয়স্ক বলিয়া জ্ঞান হয় ! হস্ত পদের গঠন সুবলিত, বলিষ্ঠ বীরের স্তায় কঠোর কশ্মোপযুক্ত বলিয়া বোধ হইতেছে ; বক্ষ বিশাল ও প্রশস্ত ; পরিধানে শার্দূল বা মৃগচর্ম নয়—গেরুয়া বসনও নয়—দিব্য গরদ ; স্বক্লেও গরদের উত্তরীয়—পবিত্র সূত্র নাই ! পদতলে খড়ম ; কিন্তু ( বলিয়া রাখি ) গুহা মধ্যে চর্ম-পাত্ৰকাও আছে ! কঠোর সুমিষ্ট—হাস্তও মধুর !

ইনি যে এই গুহায় বাস করেন, কেহ কেহ জানে ; কিন্তু কত কাল বাস করিতেছেন এবং ইনি যে কে, তাহা কেহই জানে না । তাঁহারা ইঁহাকে জানে, তাঁহার কেবল যোগী বলিয়াই জানে, ইঁহার আর কিছুই জানে না । ইদানীং গুলাপী সর্কদাই তাঁহার নিকট আসিত—গুলাপীর অহুরোধে ও গুলাপীর মুখে ছলীনের পরিচয় ও স্বভাব চরিত্র শুনিয়া যোগীবর তাঁহার সহিত আলাপ করিতে সম্মত হন । ছলীনও প্রথমে কেবল কোতূহলের বশেই আসিয়া ছিলেন ; কিন্তু আলাপের পর অসাধারণ গুণ মাংস্যা বুঝিয়া সাবকাশ পাই-

লেই আসিতেন এবং প্রতিবারেই অধিকতর চিত্ত-প্রাশস্ত্য ও নিৰ্মলতর জ্ঞান লাভ করিয়া প্রত্যাবৃত্ত হইতেন ! অন্য রজনীতে হুশিস্তার অপায় পাথারে পড়িয়া শাস্তিরূপ কূল পাইবার মহদাশায় এই যোগীন্দ্রের চরণাশ্রয় লইতে আসিয়াছেন । বিশেষতঃ লীলার উদ্ধার বিষয়ে অদ্য তিনি ইতি-কর্তব্য-বিসূচ—লীলার বিরহে তাঁহার হৃদয় নিতান্তই অধীর, অযথারূপে চঞ্চল, সুতরাং স্বায়ংকালে যে যে ব্যবস্থা করিয়াছেন, তত্তাবৎ ধৰ্মনীতির অনুযায়ী হইয়াছে কি না ; যদি হইয়া থাকে, তবে কাৰ্য্যকারিতা সম্বন্ধে উপযুক্ত হইয়াছে কি না ; আর যদি না হইয়া থাকে, তবে কি কর্তব্য ; ইত্যাদি গুরুতর বিষয়-বিচারে আজি তাঁহার অস্থির চিত্ত সমর্থ নয়—এমন কোন সুযোগ্য সুহৃদও নিকটে নাই, যার সংপরামর্শে, সংসিদ্ধান্তে উপনীত হইতে পারেন, সুতরাং তাঁহার অকূলের পোত স্বরূপ সৰ্বতত্ত্বজ্ঞ মহদয় সদয় বন্ধুর নিকট হৃদয়ের কবাট খুলিয়া সহপদেণ গ্রহণার্থ আসিয়াছেন !

পবিত্র গুহামধ্যে পবিত্র মিত্র সমীপে বসিয়া সেই কবাট সম্পূর্ণরূপেই খুলিয়া দিলেন—আত্ম-সম্বন্ধে, রাজসভা-সম্বন্ধে, লীলা-সম্বন্ধে যত কিছু বলা আবশ্যিক, সকলই বলিলেন । বলিয়া বিচারকর্তার মুখ চাহিয়া বিচারার্থী যেমন কম্পিত দেহে অবস্থান করে এবং পাঠ অর্থাৎ করিয়া উপদেশাপেক্ষায় শিষ্য যেমন উৎসুক নয়নে অধ্যাপকের গম্ভীর বদন পানে চাহে এবং দিশাহারা পথিক যেমন পথ প্রদর্শক কোন দিকে অঙ্গুলী-নির্দেশ করে, তাহার প্রতি লক্ষ্য করিয়া থাকে, ছলীন এখন অভিন্ন সেই ত্রিবিধ লোকের ভাবাপন্ন হইয়া সকা-তর দৃষ্টিতে যোগীবরের স্থির গম্ভীর মুখের দিকে চাহিয়া রহিলেন !

পাঠক স্বরণে রাখিবেন, ছলীনের ঐ আদ্যস্ত পরিচয় বক্তৃতাকারে হয় নাই, মধ্যে মধ্যে যোগী-কর্তৃক বহুবিধ প্রশ্ন ও ছলীন কর্তৃক উত্তরদান, এইরূপে হইয়াছিল । আমরা সংক্ষেপে তাহা বলিতেছি । সমুদয় জ্ঞাতব্য ঐরূপে জ্ঞাত হইয়া যোগী প্রবর সুমধুর স্বরে ধীরে ধীরে বলিতে লাগিলেন ;—

“প্রিয় বৎস ! আমি সমস্তই শুনিলাম—এত দিনের পর সমস্তই” বুঝি-লাম । এক্ষণে আমার যৎসামান্য ক্ষীণ বুদ্ধিতে যাহা তোমার কর্তব্য বলিয়া বিবেচিত হইতেছে, তাহা বলি, শ্রবণ কর । তোমার পরিচয় যেমন সরলতা-য়, আমার উত্তর এবং উপদেশও সেইরূপ সমবেদনশীল অকপট বান্ধব-হৃদয়-প্রসূত হইবে ।

“প্রথমতঃ । আক্রাম ও ধর্ম যে উপায়ে কার্য সাধিতে যাইতেছে, তাহা বৈধ নয়—তেমন কাজ তোমার সদৃশ ধার্মিকের উপযুক্ত নয় । তদ্বারা রাজা ধ্যান সিংহের কর্মচারী ভৃত্যগণকে তাহাদের অবশ্য-প্রতিপাল্য স্বামী-ধর্ম-চ্যুত করা হইবে—তাহাদিগকে অতি গর্হিত বিশ্বাসঘাতিতা ও প্রভূদ্রোহিতার পাপ-পথে আনিবার জন্ত কুপ্রবৃত্তি ও প্রলোভন দেওয়া হইবে ! কাজেই তোমাকে সে পাপের প্রধান অংশী হইতে হইবে ! তাহাদের প্রভু অমুহূর্ত্তের পত্নী ও কন্যা হরণ রূপ পাপাচরণ ও পরপীড়ন করিয়াছে সত্য ; কিন্তু তাহার বিচার ভৃত্যগণের অধিকার-বহির্ভূত । তাহারা যদি ধর্ম-বোধে ছরাচার প্রভুর অত্যাচারে নিপু থাকিতে না চায়, তবে প্রভুকে বুঝাইয়া নিরস্ত করুক । যদি সে সাহস ও সে সাধ্য না থাকে, চাকরি ত্যাগ করুক । কিন্তু প্রকাশ্যে বিশ্বাসরক্ষার ভাণ, অপ্রকাশ্যে বিশ্বাসভঙ্গ, ইহা নিশ্চয়ই অধর্ম ! বিশেষ তাহারা পুণ্যপ্রণোদিত নয়, অর্থলোভে প্রভূদ্রোহী, তাহাতে আরো অধিক পাপী হইবে ! আরো ভাবিয়া দেখ, পাপের অবশ্যম্ভাবী ফল কিরূপ দূরব্যাপী—তাহারা আসিয়া তোমার নিকট অবশ্যই কষ্ট প্রসঙ্গী হইবে, তুমি কি আর তাহাদিগকে বিশ্বাস করিতে পার ? অর্থলোভে যাহারা এক প্রভুর বিরুদ্ধাচারী হইতে পরিয়াছে, অপর প্রভুর বিরুদ্ধে সেই কারণে সেইরূপ কার্য আবার করিবে আশ্চর্য্য কি ? যদিও সেই ভয়ে তাহাদিগকে প্রচুর অর্থ দিয়া বিদায় করিয়া নিজে নিরাপদ হও, তথাপি তাহাদিগকে অগ্র প্রভুর সন্ধান ঘটাইবার জন্ত যে বিদায় দিলে, ইহা ভাবিয়াও কি তোমার আশ্রয়ানি হইবে না ? আবার, এই আক্রাম ও ধর্ম যে তোমার এত প্রিয়তম বিশ্বাসী ভৃত্য, তাহাদিগকে বিশ্বাসঘাতিতার ঘটক করিয়া কি বিশ্বাসঘাতিতা শিক্ষা দেওয়া হইতেছে না ? পাপ যে ঘোর সংক্রামক ব্যাধি, তাহা অবশ্যই তোমার ঞ্চয় বিস্তৃত ব্যক্তির জানা আছে !”

ছলীন বলিলেন “প্রভু, আমার হৃদয় মধোও এইরূপ ভাবভাস হইয়াছিল, কেবল ঠিক্তচাকল্য বশতঃ এবং যাহাদের ভালবাসি, তাহাদের বিয়োগ হুঃখে ও উদ্ধারের আশায় জ্ঞানশূন্য-প্রায় ছিলাম বলিয়াই ইহাকে তখন তত ভীষণ মূর্খিতে দেখিয়াও যেন দেখি নাই ! তথাপি অপরাধ বলিয়া বিলক্ষণ সন্দেহ হইয়াছিল—সেই সন্দেহ ভঙ্গনার্থই শ্রীচরণ দর্শনে আসিয়াছি । আমার ভৃত্যেরা এখনও হুর্ন হইতে যায় নাই, এখনও নিবারণ সম্ভব, এই জন্ত রাত্রিতেই আসিয়াছি ।”

যোগী । উত্তম করিয়াছ—শোক হুঃখাদি কারণে মহাবুদ্ধিমান ও মহাধর্ম-শীল মানব হৃদয়ও-বিচলিত হয়—তাহার প্রমাণ এই তোমাতেই আজি দীপ্তি-মান ! যাহা হটক বৎস, এখনই গিয়া তাহাদিগকে সেই গর্হিত উপায় হইতে নিরস্ত কর ।

ছলীন । করিব—কিন্তু উদ্ধারের উপায় ?

যোগী । উপায় অতি সহজ । আগার বিবেচনায় সরল সাধনে সকল কামনাই সিদ্ধ হইতে পারে—হুঃসাধ্যও সুসাধ্য হয় । বৎস ! রাজ-ভ্রাতৃত্ব তোমার মহা শত্রু জানি—শত্রু তোমার নয়, তোমার পিতৃবৈরীও বটে । সজ্জনের শত্রু দুর্জন—সরলের প্রতিদ্বন্দ্বী বল, ইহা স্বাভাবিক । সুতরাং কপটতা, খলতা ও চাতুর্য্য দ্বারা তোমার অনিষ্ট চেষ্টা করিবে, ইহাও স্বাভাবিক ; যেহেতু শৃঙ্গীর শৃঙ্গ, হস্তীর শুণ্ড ও ব্যাঘ্রের নখ দন্তের ঞ্চার ঐ সকলই তাহাদের অস্ত্র ! কিন্তু খল-চাতুর্য্য তোমার অস্ত্র হওয়া উচিত নয় । তাহা হইলে আর তাহাতে তোমাতে প্রভেদ কি ? অতএব, প্রিয় সুহৃদ, ইউরোপে অবস্থানাবধি পুনঃ পুনঃ তোমার অন্তস্তল-গত যে সংকল্প ও প্রতিজ্ঞার কথা পরিচয় দিলে এবং যে প্রশংসিত প্রতিজ্ঞানুসারে এত কাল কার্য্য করিয়া আসিতেছ, তাহাতে তিলমাত্র বিচলিত হইও না—সহস্র অশনিপাত তুল্য বিপৎপাতেও অণুমাত্র শিথিলতা দেখাইও না—সেই সরল পথ, সেই ধর্মবল, সেই ঞ্চারানুরাগ, সেই সংকর্মে একাগ্রতা, সেই পরহিতৈষিতা, সেই সর্বাশ্রয়ের পদাশ্রয় তিন্ন অন্ম কোন তন্ত্র, কোন মন্ত্র, কোন যন্ত্র, কোন ছল-কল কৌশল অবলম্বন করিবে না । আমি জানি, রাজকোট সামান্য দুর্গ নয়—ছল কৌশল তিন্ন শুদ্ধ বল-প্রয়োগে সিদ্ধ হওয়া দুর্ঘট । তাহাতে তোমার আবশ্যিকতা কি ? তোমার প্রভু তো অবিলম্বে কাংরায় আসিবেন ; সেই সঙ্গে যিনি তাঁহার সর্কাপেক্ষা প্রিয়—যিনি তাঁহার একমাত্র প্রিয় সুহৃদ—যিনি তোমারও অপকট মিত্র, সেই আজিজুদ্দিনও আসিতেছেন । তাঁহার দ্বারা মহারাজকে সব শুনাও । সঙ্গে হয় তো তোমার প্রধান শত্রু প্রধান মন্ত্রীও অবশ্য আসিবেন—ভগবান তোমাকে সুযোগ করিয়া দিতেছেন—এমন সহজ সুযোগ আর পাইবে না—ককিরজীকে সমস্ত শুনাইবে, তুমি যে একজন এদেশীয় মহৎপ্রসূত, তিনি তাহার আভাস মাত্র জানেন—তুমি যে হুদান রাজপুত্র, তাহা তিনি জানেন না । অতএব সমস্ত হুঃখের কথা, সমস্ত অভ্যাচারের কথা শুনাইবে,

শুনারীয়া তাঁহারই উপরে একান্ত নির্ভর করিবে ; দেখিবে, এই দীন হীন মিত্রের ভবিষ্যৎসাগী সফল হয় কি না ? ইহা করিলে, অচিরে স্বীয় হৃদয়রত্ন লীলাকে বিনা ক্লেশে ঘরে বসিয়া পাইবে—অবশ্যই পাইবে ! তোমার ছায় কৰ্মচারী রণজিতের ভাগ্য আর হয় নাই, হইবেও না—তোমার গুণে তাঁহার হৃদয় আকৃষ্ট—শত ধ্যান সিংহ একত্রিত হইয়া শত সহস্র কোশল করিলেও তোমার প্রতিকূলাচরণে আর সাহসী হইতে পারিবে না—এ বিষয়ে ভো নব্বই !

দ্বিতীয়তঃ । এক্ষণে তোমার পৈতৃক রাজ্য সঙ্কটে আমার নাহা বক্তব্য, তাহা বলিবার পূর্বে আমার একটা প্রশ্ন আছে ;—তুমি সূক্ষ্মানুসূক্ষ্মরূপে তোমার আশ্রয়, বাহ্য অবস্থা ও লীলার প্রবৃত্তি মনে মনে অনুশীলন করিয়া বল দেখি, সত্যই কি তোমার অন্তঃকরণ সেই পিতৃরাজ্য, হৃদানের নিমিত্ত বিশেষ লোলুপ ?

দুলীন । প্রভো ! যে অনুশীলনের আদেশ করিলেন, তাহা এখন আর নূতন কিছুই করিতে হইবে না—সর্বদাই ঐ কথা, ঐ তত্ত্ব জপমালা আছে ! সুতরাং আপনার প্রশ্নের উত্তর দানে বিলম্ব হইবে না । আমার আশ্রয় সত্যই লোলুপ বটে ; কিন্তু বাহ্য অবস্থা এবং লীলার প্রবৃত্তি তৎপক্ষে অনুকূল নহে । সুতরাং আমার সংকল্প মূলা—আমার হৃদয় সংশয়ে দোলায়মান ! স্বর্থাৎ তাহার চেষ্টা পাওয়া কর্তব্য কি না এবং যদিই বা কর্তব্য হয়, তবে তাহার সাধন পক্ষে উপায় কিরূপ হওয়া উচিত, এই দুইটা নিজ বুদ্ধিতে কোনমতেই স্থির নির্ণয় করিতে পারিতেছি না বসিরাই মহাজ্ঞানীর শরণাপন্ন হইয়াছি !

যোগী । বৎস ! কাত্র-ধর্ম্মানুসারে চেষ্টা পাওয়া কর্তব্য । কিন্তু বর্তমানের বাহ্য ও আভ্যন্তরিক অবস্থা বিবেচনায় সেই কর্তব্যের গুরুতা অনেক হ্রাসতা প্রাপ্ত হয় । আবার অবস্থার সঙ্গে যদি উপায়ের কথা চিন্তা করা যায়, তবে তাহা আরো লঘু হইয়া পড়ে । বল-প্রয়োগ উপায়টা আপনিই বলিলে অকর্তব্য । যদিও অসুচিত না হইত, তথাপি তাহার সুপস্থা কি ? মনে কর তুমি কৰ্ম ছাড়িলে—প্রভু ভৃত্য সম্বন্ধটা ত্যাগ করিলে—মাতুল বংশের দলে গিয়া মিশিলে । কিন্তু তাহাতেই বা কি ? কুলু রাজ্যবাসী ক্ষত্রিয়গণ সাহস ও বীর্য্যে অসামান্ত হইলেও সংখ্যায় লাহোর-সৈন্যের তুলনায় বৎসামান্ত ! যেহেতু তাহাদের রাজ্যটা ক্ষুদ্র, তাহাদের সহিত সমুদয় পার্শ্ববর্তী অঞ্চলের লোক মিলিয়া দল বাধিলেও রণজিতের বর্তমান প্রভাবের নিকট তথাপি ক্ষুদ্র বই

বৃহৎ বল হইবে না। সুতরাং তোমাকে অস্ত্র হইতে সহস্র সহস্র বেতনভুক্ত সৈনিক সংগ্রহ করিতে হইবে এবং তত্পরোগী অস্ত্র শস্ত্র, বন্দুক কামান, সাজ সজ্জা, যান বাহনাদি শতবিধ আয়োজন আবশ্যিক হইবে। নচেৎ সৈন্য লইয়া কি করিবে? সে সমস্ত ও সৈন্য সংগ্রহই বা কিসে হয়? এত বিপুল অর্থ কোথায় পাঠিবে? মনে কর, অসম্ভবও সম্ভব হইল—অর্থ-সম্বল মূটিল! মনে কর, অসাধাবণ অধিনায়কত্ব গুণে অল্প সৈন্য লইয়াই জয়ী হইলে—পৈতৃক রাজ্য উদ্ধার করিলে! কিন্তু ঘোর অভ্যাচারী গোলাপ সিং সূদান রাজ্যকে এমন সারহীন, শক্তিহীন ও তেজঃহীন করিয়া তুলিয়াছে যে, সে সূদানের রাজা হইলে কেহই আর পূর্ববৎ বলিয়ান ভূপাল হইতে পারে না! যেমন ভূমিতে রস না থাকিলে মহীকৃৎ পুষ্ট হয় না, সেইরূপ প্রজা নিঃস্ব হইলে রাজ-কোষ পুষ্ট থাকিতে পারে না। সুতরাং রাজ্যও দারিদ্র্য-দশায় পড়িয়া স্বীয় পদ, মর্যাদা, প্রভাব সমর্থনে সমর্থ হন না। ভূমি যেন প্রাণপণে একবার মাত্র ঘোট পাট করিয়া রাজ্যাধিকার করিলে; কিন্তু রণজিতের কিসের অভাব যে, একবার মাত্র পরাজিত হইলেই শক্তিহীন হইবেন, নিশ্চিত হইয়া থাকিবেন? তিনি কি পুনঃ পুনঃ স্বীয় ক্ষতি ও অপমানের প্রতিশোধার্থে অসামান্য প্রয়াস পাইবেন না? তোমার কি সাধা আব তোমার সামান্য সহায় দলেরই বা কি শক্তি যে মহাপ্রতাপশালী পঞ্জাবসিংহের বার বার দুন্দমনীর আক্রমণের বিরুদ্ধে তিষ্ঠিতে পারিবে? তখন তোমার প্রাণপেক্ষাও রক্ষণীয় সেই পৈতৃকরাজ্য কি বার বার ছার খার হইবে না? তাহাতে শান্তি ও সুখের নিকট বিদায় লইয়া তোমাকে ও তোমার প্রাণাধিকা লীলাকে কি জন্মের মত ঘোর অশান্তি ও অসুখে কালহরণ করিতে হইবে না? অতএব, বৎস! বৃথা এক পৈতৃক ভাবে উন্নত হইয়া প্রভুদ্রোহিতা, বিশ্বাসদ্রোহিতা ও অকৃতজ্ঞতা রূপ মহাপাপ স্বীকারে লাভ কি? ইহকালের সুখের কথা তো বলিলাম, পরকাল নষ্ট করার কষ্ট ও আশ্রয়ানি ভয়ানক হইবে!

ছলীন । পাপ ও অশুভাপ—প্রজানাশ ও বিলাপ! তাতো প্রভু পূর্বেই নিবেদন করিয়াছি—সেই জন্তই বিদ্রোহী দলে মিশি নাই—সেই জন্তই তাঁহার আমার অনর্থক বৈরী হইলেন এবং আমাকেও অনর্থক তাঁহাদের বধ-পাণ্ডে লিপ্ত করিলেন! অধিক কি আমার মাতুল-বংশও তন্মধ্যে ছিলেন!

যোগী । না, তাহাতে তোমার পাপ হয় নাই—তাহাতে তোমার অণু-মাত্র অপরাধ ছিল না । ইতিপূর্বে কপট চাতুর্যা-ব্যবহারের নিন্দা করিয়াছি এবং তোমার পক্ষে তাহা উচিত নয়, বলিয়াছি ; কিন্তু যম-ঘুলিতে তুমি সে চাতুরী করিয়াছিলে, তাহা সে শ্রেণীর চাতুর্য নয়—তাহা কোন মতেই নিন্দ-নীয় নয় ; বরং অবশ্য-করণীয় ; বেহেতু চাতুর্যা পূর্বক তুমি কাহারো হিংসা করিতে যাও নাই—আগতীর হস্তে আত্মরক্ষার্থই সেই কৌশল অবলম্বন করিয়া আত্যাচারিগণকে শিক্ষা দিয়াছিলে—সেটা না করিলে তোমার ধ্বংস নিশ্চয় ঘটত, সুতরাং ক্ষত্র-ধর্ম-পালনই হইয়াছে !

সে কথা ষাটক, এক্ষণে, অত্যাপায়ে অর্থাৎ প্রভুর সম্মতিক্রমে পৈতৃক রাজ্যোদ্ধারের চেষ্টার বিষয় বিচার্য্য । সে উপায় গর্হিত নয় বটে, কিন্তু বৎস ! আমার বিবেচনায়, তাহাতেও তোমার সুখ-স্বচ্ছন্দতা বড় ঘটবে না—তাহাতে পৈতৃকরাজ্য পাইবে না, একটা জায়গির পাইবে মাত্র ! পৈতৃক সিংহাসন পাইবে না, জমীদারের গদি পাইবে মাত্র ! তাহাতেও তোমার শত্রুরা নিরস্ত রহিবে না—অনবরত অনিষ্ট চেষ্টা করিবে—কাংরার এই সামান্য চাকরিতেই তাহার প্রমাণ জাজ্বল্যমান । ফল কথা, তুমি যে সুপ্রাণালীতে রাজ্য শাসন কর, ইহা তাহাদের অসহনীয় । তোমার সুনামও যা, তাহাদের কলঙ্কও তা—তোমার যশঃ যে পরিমাণে বর্দ্ধনশীল ও স্থায়ী, তাহাদের অধ্যাতিও সেই পরিমাণে বর্দ্ধনশীল ও অনপনেয় । পার্শ্বাপার্মি, তাহাদের অধিকারে এত অত্যাচার—এত অবিচার ; আর তোমার অধিকারে এত সদাচার—এত সুবিচার ! কাজেই তুমি তাহাদের চক্ষুশূল হইবে আশ্চর্য্য কি ? বিশেষ তাহাদের প্রজারা সুযোগ পাইলেই তোমার প্রজা হইতে ছুটিয়া আসিবে, সুতরাং তাহাতে তুমি অপদস্থ হও—তাহাতে পঞ্জাব রাজ্য তোমার বাসের পক্ষে অত্যাধিক হইয়া উঠে, তাহা তাহারা বিধিমতে করিবেই করিবে । বিশেষতঃ নানা কারণে তোমার সহিত তাহাদের গভীর মনোবাদ ঘটিয়া উঠিয়াছে । তবে যদি আরো কিছু কাল রাজকার্য্যে নিযুক্ত থাকিয়া তুমি পুরাতন হইতে পার, তাহা হইলে বহুলাংশে সে বিবাদ মিটিতে পারে । কিন্তু তাহাও এরূপ শাসনকর্তৃত্ব—এরূপ প্রজাপালন কন্ম নয় । এরূপ কার্য্যে থাকিলে দৃষ্ট মন্ত্রী ও কুশাসক কন্মচারী মাত্রেই ঈর্ষানল অতি প্রবল তেজে জ্বলিতে থাকিবে—সে আশুনে তোমাকে অনবরতই দগ্ধ হইতে হইবে—নানা সড়ম্বল্লালে বেষ্টিত

রহিয়া, আর কিছু না হউক, শান্তিস্থখে নিয়তই বকিত থাকিতে হইবে এবং তোমার এমন যে স্মরণ্য সরল স্বভাব, তাহা নিত্য নূতন প্রতিদ্বন্দীতার প্রয়ো-  
জনে সারলা-বর্জিত, বৈরক্তি-মিশ্রিত ও অতৃপ্তিতে জড়িত হইয়া বিকৃত রূপ  
ধারণ করিবে । হায় বৎস ! মহদন্তঃকরণের পক্ষে তাহা হইতে অধিক কতি  
আর কি ? অতএব, অন্ততঃ আর কিছুকাল তচ্চেষ্টায় বিরত থাকিলে ভাল  
হয় । বিশেষতঃ রণজিৎ এখনই তোমার সে আশা পূরণ করেন কি না,  
তাহাতেও সন্দেহ আছে । যদিও তুমি রাজকার্যে বিশিষ্টরূপেই স্বামীধর্ম,  
কৃতজ্ঞতা ও সুযোগ্যতা প্রদর্শন করিয়াছ, তথাপি আরো কিছু কাল আরো  
কিছু প্রদীপ্ত ভাবে সেই সব মহদগুণের স্থায়িত্ব দেখাইতে হইবে । তখন হয়  
তো বিনা আঘাতে বা অন্য়ানেই মনোরথ সিদ্ধ হইতে পারিবে ।

ছলীন । প্রভো ! আর এক কথা, আমার জন্মবৃত্তান্ত ও বংশ-পরিচয় কি  
প্রচার করিব ? না, যেমন গুপ্ত আছে, এইরূপই থাকিবে ?

যোগী । প্রচার করাই সর্বতোভাবে উচিত । তাহাতে তোমার মিত্র  
মণ্ডলী পরমাহ্লাদিত হইবেন—তোমার জ্ঞাতি, কুটুম্ব, পিতৃ-সুহৃৎ হারানিধির  
পুনঃ-প্রাপ্তিবৎ অসীম আনন্দ পাইবেন—তোমাকে প্রেমোৎকুল হৃদয়ে নেহা-  
লঙ্গিনে বদ্ধ করিবেন ! তোমার ছিদ্রাশ্রয়ী শত্রুপক্ষ তোমাকে স্নেহজাতীয়  
বিদেশী বলিয়া আর তোমার উন্নতি পথে তেমন কণ্টক হইতে পারিবে না—  
বরং বিশ্বনে অভিভূত ও লোক-নিন্দা-ভয়ে জড়ীভূত হইয়া কিয়দংশে নিরস্ত  
থাকিতেও বাধ্য হইবেন !

ছলীন । কিন্তু মহারাণী হৃদয় দানে কৃত্তিত ও ভীত হইতে পারেন ।

যোগী । পারেন—এখন পারেন । সেই জন্তই পূর্বে উপদেশ দিয়াছি,  
সম্প্রতি সে চেষ্টা স্থগিত থাকুক—অনুনা কেবল লীলার পাণিগ্রহণ পূর্বক  
একাগ্রচিত্তে ঠাঁহার কার্য ও সীম কৰ্তব্য যেমন করিতেছ, তদ্রূপ করিতে  
থাক । তিনি সুচরিত্র, তিনি গুণগ্রাহী—ঠাঁহার বহু দোষ সত্ত্বেও তিনি মানব-  
হৃদয়ক্র—যৎকালে বুঝিবেন, তুমি পরাক্রান্ত সুহৃদ—বিশ্বাসরক্ষাই তোমার ধর্ম,  
বিশ্বাসভঙ্গ তোমার জীবনের অঙ্গই না, তখন আহ্লাদ পূর্বক তোমার বাহ্য  
পূর্ণ এবং তোমাকে তোমার পৈতৃক রাজ্যে জায়গিরদার রূপে অধিষ্ঠাপন দ্বারা  
পুরস্কৃত করিবেন—হয় তো রাজ্যোপাধি দানেও রূপণ না হইতে পারেন !

বৎস ! লীলার উদ্ধারের পরেই পূর্ণাঙ্গ গাণ করিয়া স্বামীর শান্তি-স্থখে



সুখী হইতে তোমাকে উপদেশ দিতাম ; কিন্তু জানি, নিকম্মা ও নিশ্চেষ্টরূপে জীবন অতিবাহন তোমার শ্রায় বহুগুণ-সম্পন্ন প্রতিভাবিত বীর পুরুষের পক্ষে মৃত্যু তুল্য কষ্টকর হইবে। বিশেষ, কেনই বা এই তেজোদীপ্ত স্বাস্থ্য-পূর্ণ যৌবনে জরাগ্রস্ত স্ববিদের শ্রায় কৰ্ম-ভূমি পরিত্যাগ করিবে ? সংসারে যিনি প্রেরণ করিয়াছেন, তাঁহার অভিপ্রায়ও তো তাহা নয় ! মনুষ্য-দেহ ধারণ করিয়া সাধ্যানুসারে ভ্রাতৃ-সমাজের কাৰ্য্যভার বহন করাই মনুষ্যত্ব ; তাহা না করিয়া স্বার্থ-সেবায় নিশ্চিন্ত রহিলে ইতর প্রাণীদের সহিত বিভিন্নতা কি ? তাহাতে আরামও নাই, বিরামও নাই, সুখও নাই ! ভগবান তোমাকে পুরু-স্বার্থ-সাধক বিপুল শক্তি দিয়াছেন, তুমি স্বায় আয়াসে সেই শক্তিকে যথোচিত-রূপে সুমার্জিত করিয়াছ। মানব-সমাজের—বিশেষতঃ স্বদেশের হিতার্থ সেই শক্তি সঞ্চালনের সুযোগ পাইয়াও যথা-প্রয়োগ না করলে মহা অপরাধ হইবে ! এবং যেখানেই যাইবে—যেখানে গিয়াই সেই শক্তি চালাইয়া কৰ্ম্মে লিপ্ত থাকিবে, সেই খানেই তো এইরূপ পক্ষাপক্ষ—এইরূপ বিপক্ষতা—এইরূপ প্রতিযোগিতা—এইরূপ ঈর্ষাদি ভোগ করিতে হইবে ; তবে কেন এমন মেহ-বান প্রভু ও এমন উচ্চ পদ ত্যাগ করিয়া অশ্রুত অনিশ্চিত নূতন পথ-বিকারের নিমিত্ত অমূল্য সময়ের বৃথা অপব্যয় করিবে !

ছলীন আন্তরিক কৃতজ্ঞতা—বাক্যে যত না হউক, ভক্তিমাধা দৃষ্টিতে—জ্ঞাপন পূৰ্ব্বক প্রণাম করিয়া বিদায় লইলেন—সঙ্গীদের সঙ্গে মিলিলেন—প্রত্যাগমন কালে উষার আলোকে তত কষ্ট হইল না !

### চতুস্ত্রিংশ পরিচ্ছেদ ।

কান্ধারয় বর্ণজিৎ ।

দ্বিবসত্রয় পরেই মহারাজ আইলেন——ছুর্গ-বাহিরে ভেরী ধ্বনি হইল। ছলীন প্রস্তুত হইলেন। কিন্তু কিরূপ প্রস্তুত ?

রাজপুরীর সভাগৃহ এবং মহারাজ ও প্রধানবর্গের বাসোপযোগী প্রত্যেক গৃহই সুসজ্জিত হইয়াছে—পুরী প্রভৃতির সংস্কার তো বর্ষে বর্ষে নিয়মিতরূপেই হয় ; এবারে আরো অধিক। বৃহৎ রাজপুরীর সম্মুখস্থ বিশাল প্রাক্কণ-ভূমির মধ্যস্থলে প্রকাণ্ড এক কাঠগড়া ; তহপার বিস্তীর্ণ সামিয়ানা ; সামিয়ানার

ভিতরের দিকে কিয়দংশে টানোয়া—সে চক্রাতপ বহুমূল্য, বিচিত্র, মণিদামে  
 বিখচিত, মুক্তা-ঝালরে সজ্জিত। তাহারি নিয়ে উপযুক্ত স্থলে সিংহাসন ও তদু-  
 ভয় পার্শ্বে আশ্চর্য্য কারুকার্য্যময় কাশ্মীরী শাল সন্দেশ সুদীর্ঘ গালিচাদি বিস্তা-  
 রিত। সিংহাসনের সম্মুখ হইতে উভয় পার্শ্বস্থ গালিচার মধ্য দিয়া রক্তবর্ণের  
 সুন্দর মখমল সভার সীমা পর্য্যন্ত পাতা রহিয়াছে—তাহাই সভার মধ্যপথ।  
 তথা হইতে দুর্গদ্বার পর্য্যন্তও রক্তবস্ত্র-মণ্ডিত বয়স। তদুভয় পার্শ্বে সুচারু  
 পরিচ্ছদধারী হুষ্ঠ পুষ্ঠ বলিষ্ঠকার পদাতিক ও অশ্বারোহী-শ্রেণী স্তবকে স্তবকে  
 দণ্ডায়মান—তাহাদের সুমার্জ্জিত বন্দুক, কোরিচ, অসি, চর্ম্ম প্রভৃতি বাল-সূর্য্যের  
 কিরণে প্রতিফলিত হইয়া চক্ চক্ ঝক্ ঝক্ করিতেছে। প্রত্যেকের হস্তে  
 ক্ষুদ্র ক্ষুদ্র পতাকা এবং দুর্গ-প্রাচীরের নানা স্থানে ও প্রতি প্রহরী-স্তম্ভের শিরে  
 বৃহৎ বৃহৎ পতাকা পতপত শব্দে উড্ডীয়মান হইয়া কি চমৎকার শোভাই  
 বিস্তার করিতেছে !

ফটকের অভ্যন্তরে প্রধান কক্ষচারিগণ সহিত দুর্গাধক্ষক কাংরার শাসনকর্তা  
 কর্ণেল ছলীন স্বয়ং মুক্ত-অসি-হস্তে দণ্ডায়মান। ফটকের বিশাল কবাটদ্বয়  
 রুদ্ধ ; কেবল এক খানির নিম্নদেশে যে একটি উপ-দ্বার আছে—যাহাতে একটি  
 মাত্র মনুষ্য প্রবেশ করিতে পারে—সুলোদর হইলে তাহাও দুষ্কর! সেই  
 ক্ষুদ্র কাটাধার মাত্র মুক্ত আছে ! ইহার তাৎপর্য্য স্বয়ং ভূপতি, আজিজুদ্দিন  
 ও ছলীন ভিন্ন অন্য কেহই বুঝিতে না পারিণা সকলেই বিস্ময়ান্বিত হইতেছে !  
 এমন কি, যৎকালে মহারাজা জয়ন্তী গিরির পাদদেশে উপস্থিত হইয়া দুর্গের  
 ক্রমোন্নত চালু পথে উঠিতেছিলেন, তৎকালে ঐ রুদ্ধ দ্বার লক্ষ্য করিয়া ছলা-  
 যেনী বৈরীপক্ষ প্রথমে আকার ইঙ্গিতে—ক্রমে অস্পষ্ট গালা ঘুবার—শেষে  
 স্পষ্ট বাক্যে বিদ্রোহিণীর আভাস দিতে লাগিল—যাহাতে রাজকর্ণ-গোচর  
 হয়, এক্ষণে আন্দোলন করিতে ও ক্রটি করিল না ! কেহ কেহ বা আসন্ন বিপ-  
 দাশঙ্কার ভাণ করিয়া অগ্রে একজন দূত প্রেরণের প্রার্থনা জানাইল।

বণজিৎ পার্শ্বস্থ ফকিরজীর মুখপানে চাহিয়া জীবৎ হস্ত করিলেন—সে  
 হাশ্বের প্রকৃতি দেখিয়া প্রাণনাকারী ভক্ত হিতৈষী অপ্রস্তুত ভাবে পশ্চাৎপদ  
 হইল ! মহারাজ তাহার বাক্যের উত্তরে বরং হর্ষোৎফুল্ল দৃষ্টিতে সম্মুখে দৃষ্টি  
 করিয়া সানন্দ-স্বরে অপর পার্শ্বস্থ রাজা ধ্যান সিংহকে লক্ষ্য করিয়া বলিলেন,  
 “বাঃ ! বিবিধ পত্র-পুষ্পমালায় ও বিচিত্র বিচিত্র পতাকাদিতে ফটক দুইটি ও

কটকের উভয় পার্শ্ব আর বুরুজ-প্রাচীর কি চমৎকার সজ্জিত হইয়াছে—সমস্ত দুর্গটী যেন বৈবাহিক উৎসবের স্থল বলিয়া বোধ হইতেছে !”

একজন নিরীক্ষা নিলজ্জুপারিপার্শ্বিক তথাপি টাট্কারির স্বরে বলিল “কিন্তু কটক বন্ধ রহিয়াছে !”

ভাবুক লেনা সিংহ উত্তর করিলেন “ভয় হয় তো একটু পিছাইয়া আসুন—যে ফুলের কামান, ফুলের বাণ ও পতাকার পাহারা সাজান রহিয়াছে, আপনার শ্রীর বীর যুবা পুরুষের ভয় পাওয়া অস্বাভাবিক নয় !”

মনেকে হাস্য করিল—মহারাজাও মুছ হাসি হাসিলেন ! এইরূপ রঙ্গরস করিতে করিতে মহারাজ সগণে ক্রমে দ্বার দেশে উপস্থিত । ঘোর রবে ভেরী নিনাদিত হইল—পুনঃ পুনঃ হইতে লাগিল !

তথাপি দ্বার মুক্ত হইল না !

মহারাজ পুনশ্চ ফকিরজীর মুখ চাহিয়া হাসিলেন ! ফকিরজীও সহাস্ত্রে বিনীত স্বরে কহিলেন “কর্ণেল সাহেব যথার্থই সামরিক নিয়ম আর অলংঘনীয় রাজাদেশ-প্রতিপালক !”

তখন সকলেই বুঝিলেন, রাজ-পথ-রাহিত্যের অবশ্যই নিগূঢ় কারণ আছে !

তখন রণজিৎও বুঝিলেন, পরীক্ষা দেখা যথেষ্ট হইয়াছে—সহস্র ভেরী-ধ্বনি-তেও পথ পাইবেন না—দুলীন টলিবার লোক নন !

তখন মহারাজ সেই ক্ষুদ্রোপদ্বারের ছিদ্র মধ্যে মাথা গলাইলেন—তাহাতেও দ্বার মুক্ত হইল না—আবার মস্তক বাহির করিয়া আবার গলাইলেন—তাহাতেও হইল না—পুনর্বার তাই করিলেন !

অমনি অভ্যস্তরস্থ সহস্র সহস্র কণ্ঠ-নিঃসৃত গগন-ভেদী মহোচ্চ জয়নাদের সহিত বিরাট কবাটের বিকট শব্দে মুহূর্তে মুক্ত হইল—যেন বাজীকরের একটা ভেকি খেলা হইয়া গেল !

মহারাজ পথ পাইলেন—প্রসন্ন বদনে প্রবেশ করিলেন ! দুলীন নম্র ভাবে কূর্ণিস করিয়া করস্থ মুক্ত অসিখানি প্রভুকে অর্পণ করিলেন—মহারাজের নয়নে আনন্দজ্যোতিঃ বিভাসিত হইল ! সুপ্রসন্নভাবে সেই অসি স্পর্শ পূর্বক বাহু প্রসারণে দুলীনকে মেহালিঙ্গনে বদ্ধ করিলেন—দুলীনের বহু-বর্ষব্যাপী স্বামী-ধর্ম-পালন, বিশ্বাস-ধর্ম-পালন, কৃতজ্ঞতা-ধর্ম-পালন সার্থক হইল—কোটি মুদ্রা পাইলেও তাঁহার এত অসীম আনন্দ হইত না !

“জয় মহারাজকি জয় !” “জয় গুরুজীকি জয় !” “জয় হুলীন সাহেবকি জয় !” সৈনিক ও দর্শকগণ ইত্যাकारের মহোচ্চ জয়নাদ ছাড়িল !

হুলীনকে স্বীয় পার্শ্বে লইয়া কুশলাদি জিজ্ঞাসা করিতে করিতে মহারাজ রণজিৎ সভায় গমন পূর্বক চন্দ্রাতপ-তলস্থ সিংহাসনারোহণ করিলেন । হুলীন প্রত্যেক প্রধানকে স্বাগত সম্বাষণাদির সহিত অভ্যর্থনা করিতে লাগিলেন । ক্রমে যাহার যে যোগাঙ্কলে সকলেই সভাস্থ হইলেন ।

তোরণ প্রবেশ মাত্র একবার একাধিক শতসংখ্যক তোপক্বনি হইয়াছিল, এখন আবার তাহাই হইল !

মহারাজ সিংহাসনোপবিষ্ট হইলে হুলীন রৌপ্য-পালে স্বর্ণ মুদ্রাদি নজরানা ধরিলেন । পূর্ব নিদেশানুসারে ও তাঁহার দৃষ্টান্তানুসারে কাংরা প্রদেশের ভূম্যধিকারিগণ সকলেই নতি পূর্বক তদ্রূপ উপঢৌকন প্রদান করিলেন— হুলীন একে একে প্রত্যেককে মহারাজার সহিত পরিচিত করিয়া দিলেন । পরে হুর্গস্থ ও হুলীনগঞ্জস্থ শ্রেষ্ঠী, ব্যবসায়ী, বণিক মণ্ডলী প্রচুর স্বর্ণ-রজত-তোপ-হার উপস্থিত করিলেন—তাঁহারাও ঐরূপে পরিচিত হইলেন ! তাঁহাদের অধিকাংশই প্রচুর ধনেশ্বর—তাঁহাদের বাণিজ্য কুঠি ও মহাজনী কাজ ভারতবর্ষময় ব্যাপ্ত—কাহার বা ভিন্ন দেশ পর্য্যন্ত বিস্তীর্ণ—তাঁহারা হুলীনের সুপালনে পরম সুখী ও ক্রমশঃ বর্দ্ধনশীল—তাঁহাদের প্রদত্ত অর্থ-ভেটের পরিমাণও তাঁহাদের সম্ভোষানুযায়ী প্রচুর !

রণজিৎের স্বীয় সাম্রাজ্য-পর্যটন কালে আর কুত্রাপি এরূপ অপরিমেয় নজরানা কখনই সংগৃহীত হয় নাই—এরূপ আয় সম্ভোষে, আয়-ইচ্ছায়, এরূপ ব্যবসায়ী লোক এরূপে সারবান কৃতজ্ঞতা-প্রকাশ আর কখনই করে নাই—অনিচ্ছাতেই মাণ্ডল ও চুঙ্গী যাহা দিত, এই পর্য্যন্ত ! নজরানার স্বর্ণ-রৌপ্য মুদ্রা রাশিকৃত হইল—বহুমূল্য হীরকাসুরী প্রভৃতি আভরণও তৎসঙ্গে চাক্চিক্য প্রকাশ করিতেছে দেখিয়া, ভূপতির দৃষ্টি ও বদনমণ্ডল অদৃষ্টপূর্বক প্রসন্নতা ও সম্ভোষ-ছাতি ধারণ করিল ! যে রণজিৎের মনোগত ভাব, আনন দেখিয়া সহজে কেহ অনুভব করিতে পারিত না, আজি সেই অদ্বিতীয় ভাব-গোপনকম রণজিৎও অন্তরের উল্লাস অপ্রকাশ রাখিতে সমর্থ হইলেন না—বোধ হয়, চেষ্টাও করিলেন না !

কাংরার শাসনকর্তা আর একটা নব প্রথা প্রবর্তিত করিলেন—একজন

সুসজ্জিত স্ত্রী যুগ্মি-বালকের হস্ত দিয়া একটী রৌপ্যাধারে একখানি স্থল পত্র রাজসমক্ষে উপস্থিত করাইলেন । রাজসমক্ষে ফকিরজী সেই লিপিকথ ও গ্রহণ পূর্বক কিঞ্চিৎ পাঠ করিয়া বলিলেন “এখানি শাসন-কর্তার বিজ্ঞাপন ।”

চতুর মহারাজ বুঝিলেন যে, ইহাতে গোপনীয় কথা অবশ্যই নাই ; অতএব আত্মাদ পূর্বক সভাস্থলে পাঠের আদেশ দিলেন ।

ছলীন সেই বিজ্ঞাপনী মধ্যে আত্ম-শাসন-কালের সমুদয় রাজকীয় ঘটনা ও শাসিত দেশের অবস্থাদি চূর্ণক রূপে, সংক্ষেপে ও পরিষ্কার ভাবে সমুদয়ই বিবৃত করিয়াছেন । অথচ তাহার কোন অংশেই আত্ম-গরিমার লেশ মাত্রও নাই—ইটী তাহার পরম শক্ররাও স্বীকার করিতে বাধ্য হইয়াছিল !

তদানুযায়িক নানা প্রসঙ্গে ও অগ্ৰাগ্র বিষয়ে কিয়ৎক্ষণ প্রমোত্তর, কথোপকথন এবং হাস্য পরিহাসাদি চলিয়া সভাসঙ্গ হইল । সকলেই স্ব স্ব বাসস্থানে গমন পূর্বক স্নানাহারে নিযুক্ত হইলেন । ছলীনের সুব্যবহাতে ও শিষ্টাচারে সকলেরই মহা সন্তোষ জন্মিল । বহু সহস্র সংখ্যক রাজানুচর ও সৈনিকগণ, যাহারা দুর্গ বাহিরে ও অভ্যন্তরে ছাউনি করিয়াছিল, তাহাদের প্রতিও সমুচিত আতিথ্য-বিধানে অণুমাত্র ক্রটি হইল না । আজি চৈতনের ব্যস্ততার সীমা নাই—রজনী ঘোরা না হইলে আর তিনি সে দিন স্নানালঙ্কার অবসর পান নাই !

• অপরাত্রে মহারাজ স্বীয় সভাসদমণ্ডলী ও ছলীন সমভিব্যাহারে দুর্গের অভ্যন্তরস্থ নগর ও বুকজাদি পরিদর্শনে বহির্গত হইলেন । নগরে প্রতি পুর-দ্বারে সপল্লব পূর্ণকুম্ভ ও পুষ্পমালা ; প্রধান বস্তুর স্থলে স্থলে ফল-পুষ্প-পত্র-পল্লবাদি-শোভিত বিজয়-তোরণ ও নহবৎ; প্রাত পল্লীতে পুরকুব্জবর্গের সাহানা-গীতি ; সুন্দরী কুমারীগণ-কর্তৃক পুষ্পাজলি ও লাজাজলি নিক্ষেপ এবং মধ্যে মধ্যে হনুধ্বনি ও জয়ধ্বনি ইত্যাদি দর্শন, শ্রবণ ও উপভোগ করিয়া মহারাজা মহা সুখী ! পারিষদগণের মুখ চাহিয়া বাকোও সে সন্তোষ প্রকাশ করিলেন !

পর দিন জয়স্তী ও ছলীনগঞ্জ প্রভৃতি দর্শন করিলেন । ছলীনগঞ্জেও সেইরূপ উল্লাস ও জয়তরঙ্গ ! যে কয়দিন কাংরায় ছিলেন, প্রত্যহ বৈকালে এইরূপে নানা স্থানে ভ্রমণ করিতেন । সমস্ত পর্য্যবেক্ষণের ফল আশান্তিরিক্ত-রূপে সন্তোষজনক হইল । গ্রাম ও নগরের অধিবাসীদের সুখস্বচ্ছন্দতা ; কৃষক বৃদ্ধের সৌভাগ্য ও সন্তোষ ; ক্ষেত্রে নানাবিধ শস্ত ; পতিত ভূমির উদ্ধার ; হট্ট বাজার গঞ্জে ক্রেতা-বিক্রেতাদের জনতা ; পণ্যদ্রব্যের বৈচিত্র্য ও

প্রাচুর্য্য ; বিপণি-শ্রেণী ও পথ ঘাটাদির পারিপাট্য ও শৃঙ্খলাদি এবং প্রজাবৃদ্ধি দর্শনে মহারাজ মহা মহা তুষ্ট !

একদা দুলীনগঞ্জের প্রধান বস্ত্র দিয়া—আহার্য্য ব্যবহার্য্য নানা পণ্য ও নানা রত্নরাজি-সম্পন্ন সুবিস্তীর্ণ পণ্য-বীথিকা-শ্রেণীর মধ্য দিয়া—যাইতে যাইতে যখন গঞ্জের তাবলোক বস্ত্রের উভয় পার্শ্বে সারি দিয়া দাড়াইয়া অভিবাদন ও জয়োচ্চারণ করিতে লাগিল, তখন তাহাদের পরিপুষ্ট দেহ, প্রফুল্ল বদন, সুন্দর বেশভূষা ও দোকান-শ্রেণীর ঐশ্বর্য্যাদি দেখিয়া মহারাজ হর্ষোৎসাহে রাজা ধ্যান সিংহকে বলিলেন “কেমন রাজাজি, দেখিয়া চক্ষু জুড়ায় না ? এ সব কি অশ্রান্ত শাসনকর্তার শ্রাথ আমাব আগমনকালে তাড়াতাড়ি সাজাইয়া দেখানো বোধ হয় ? আমার মনে তো তেমন লাগুছে না—না, না, এ সব বুটা না, এ সব খাটি সাঁচা ! হায়, হায়, আর সকল স্থানে যদি এমন দেখিতে পাই—কাশ্মীর যদি এমন হয় !”

রাজা ধ্যান সিংহেব মুখভঙ্গী বিকারগ্রস্ত হইয়াব নয়, তাই হইল না ! কাশ্মীরেব শাসনকর্তা খোসাল সিংহ যেন সে কথা শুনিতে পান নাই, এমনি ভাব দেখাইতে চেষ্টা পাইলেন—কিন্তু তাহাব মুখ আরক্ৰিম হইয়া উঠিল !

ফকির আজিজুদ্দিন শান্তি-প্রিয় ; তিনি অকৌশলের প্রসঙ্গ উড়াইয়া দিয়া রক্ত রসোৎপাদন মানসে মুহূর্ত্তে বলিলেন “বাদিয়া নগরে মন্দ দেখা যায় নাই !”

মহারাজ হাসিয়া উঠিলেন—সকলেই হাসিলেন—মহারাজ কহিলেন “হাঁ সে এক কাব্য বটে—সন্ধ্যায় পৌঁছিব, প্রত্যুষে চলিয়া যাইব, ইহাই স্থির ছিল । বাদিয়ার শাসনকর্তা তাই ভোজবাজির শ্রায় রাস্তার দুই ধারে রাতারাতি খুব লম্বা মাটির দেয়াল গাঁপাইয়া মধ্যে মধ্যে বিস্তর দরজা জানালা বসাইয়া বিচিত্র চিত্রকরা কাগজ দিয়া সাজাইয়াছে ; দেখিতে ঠিক মেন দীর্ঘ বাজার ও বসতি হইয়াছে ; বিস্তর লোকজন আনাইয়াছে, তাহার যেন কেনা বেচা করিতেছে ; লতা পাঁতা ফুলের মালায় সর্বাংশ উত্তমরূপে সাজাইয়া ঢাকিয়া ফেলিয়াছে—কত নিশানই ফর ফর করিয়া উড়িতেছে—কত বাজনাই বাজিতেছে—কত সুন্দরীই স্নেহলিয়া গাউতেছে ! কিন্তু ঘটনাক্রমে পর দিন আমার থাকা হইল—বাদিয়ার বাজার বাদিয়ার বাজির শ্রায় ভুস করিয়া উড়িয়া গেল ! এ কিন্তু রাজাজি, তা নয় !”

ফলতঃ কাংরায় যে সেরূপ কারসাজিব বাজার, বসতি, শ্রীবৃদ্ধি নয়, তাহা

মহারাজ ও বুঝিলেন—সকলেও বুঝিলেন—বৈরিপক্ষও স্বীকার করিতে বাধ্য হইলেন এবং তজ্জগৎ ঈর্ষানলে আরো পুড়িতে লাগিলেন !

\* \* \* \* \*

হুলীন গুলাপীর মুখে মহারাজার দূষিত আমোদ আহ্লাদের কথা বিস্তর শুনিয়াছিলেন ; কিন্তু যখন তিনি লাহোরে, তখন স্বচক্ষে কিছুই দেখেন নাই, বা দেখিবার সুযোগ পান নাই । এখন নিজে অতিথি-পরিচর্যার কাজে নিযুক্ত—এখন সকলই দেখিতে শুনিতে পাইলেন । ফলতঃ নিশাকালে রাজ-কীয় গাভীর্য ও পদগোরব এককালে বিদূরিত হইত—জঘন্য নাচ তামাসা পরিহাসের তরঙ্গ উঠিত—সুরা-স্রোতের সঙ্গে ভয়ানক বিতংস-রস প্রবাহিত হইত ! মহারাজ সর্কাপেক্ষা অধিক সুরা পান করিতেন ; অথচ এমনি আশ্চর্য ক্ষমতা, সর্কাপেক্ষা হির-মস্তিষ্ক থাকিতেন—নিজে কিছুমাত্র উন্মত্ত বা উত্তেজিত হইতেন না—কেবল অপরাপরকে মাতাইয়া রঙ্গ দেখিতেন !

এসব বীভৎস-রসাম্প্রিত ঘণিত কাণ্ডের ইঙ্গিত ব্যতীত বিস্তারিত বর্ণনা আমার অভিপ্রেত নয় ।

\* \* \* \* \*

হুলীন নিভূতে ফকিরজীর নিকট আত্ম-জন্মবৃত্তান্ত, আত্ম-প্রেম-বৃত্তান্ত, আত্ম-মনের অবস্থা ও প্রাণের বাহাদি সমুদয়ই মুক্তকণ্ঠে ব্যক্ত করিলেন । ফকিরজী হুলীনকে যথার্থই ভালবাসিতেন—সাহায্য প্রদানের সম্পূর্ণ আশা দিলেন । তাঁহার চির-অত্যন্ত রূপকের ভাষায় “ধার্মিকের প্রথম কষ্ট হইলেও শেষ-সুখ ও শেষ-জয় অবশ্য হুঁতাবী” ইত্যাদি ধর্মনীতিমূলক তত্ত্ব সমর্থন পূর্বক পরে কাজের কথায় বলিলেন “চিন্তা করিও না ; তোমাকে আমি অত্যন্ত শ্রদ্ধা ও বিশ্বাস করি এবং তোমাকে কোন গুঢ় কথা বলিলে দ্বিতীয় কর্ণে যাইবে না, তাহা জানি ; এই জগত্ই খুলিয়া বলিতেছি যে, ধ্যান সিংহ মনে করেন, তিনিই গুপ্তচর দ্বারা সকলের সংবাদ রাখেন, তাঁহার গুহ্য কথা কেহই জানে না ; কিন্তু ইটী তাঁহার ভ্রম—তাঁহার অনুচরগণ মধ্যেও আমার গুপ্তচর আছে—রাজকোটের প্রধান কর্মচারী চণ্ডাল মুন্সি, সে আমার প্রধান চর—সে আমার বিশেষ অনুগত—আমি তাহার দ্বারাই সব জ্ঞাত আছি—তাহার দ্বারাই তোমার কার্য সাধন করিব !”

হুলীনের মুখ শুক হইল—প্রেমিকের মন—বিরহীর প্রাণ, কি অমন ঢালা

কথায় সাধনা পায়—সন্তুষ্ট হয় ? বিশেষতঃ ধ্যান সিংহের মুন্সিকে বিশ্বাস-  
দ্রোহ ও প্রভুদ্রোহিতায় নিযুক্ত করা, তাঁহার ধর্ম বিক্রম, সূতরাং সে চিন্তায়  
তিনি মলিন হইলেন ! তাহাকে আনন্দ বা কৃতজ্ঞতা প্রকাশে বিরত দেখিয়া  
আজিজুদ্দিন আশ্চর্য্য ভাবিয়া ক্ষুণ্ণ ভাবে বলিলেন “কেন, রাজপুত্র ! কোন  
উত্তর দিলে না যে ?”

তুলীন বিনীত ভাবে আন্তরিক বাধ্যতা স্বীকার ও অতি কুণ্ঠিতের শ্রায়  
ক্ষমা ভিক্ষার পর ঐরূপ উপায় অবলম্বিত না হয়, ইহারি প্রার্থনা সাগ্রহে  
জানাইলেন । কাকিরজী আরো আশ্চর্য্যাবিত হইলেন । তখন বিস্তর জিদ  
ও অনুরোধ করিয়া নিগূঢ় কারণটা না শুনিয়া ছাড়িলেন না । প্রকৃত আপ-  
ত্তির প্রকৃত হেতুটা জ্ঞাত হইয়া সর্ঘ্য-বিস্ময়ে কিয়ৎক্ষণ তুলীনের মুখপানে  
নিস্তক দৃষ্টিপাত করিয়া রাইলেন—ভাবখানি যেন মনে মনে আরো সংশ্লিষ্ট  
তাঁহার প্রতি ভক্তিমান ও অনুরাগী হইয়া তাঁহার প্রণয়ে নিতান্তই বর্শভূত  
হইয়া পড়িলেন ! শেষে সে ভাব বাক্যেও ব্যক্ত করিতে ক্ষান্ত হইলেন না ;  
কিন্তু দৃষ্টিতে যত, কথায় তত পারিলেন না । যাহাকে অবাক বলে, তাহাই  
হইয়াছিল ! পরে বলিলেন ;—

“প্রিয় সূতদ ! যাহা বলিলে, তাহাই ঠিক—যাহা ভাবিয়াছ, তাহাই সার—  
অন্ত সকলই অসার ! আমরা নিতান্তই লাস্ত, তাই পার্থিব লালসায় স্বর্গীয়  
পদ হারাষ্ট—পশ্চর ভেক লইয়া বেড়াই—ধর্মের ভাণে লোক ঠকাই, কিন্তু  
ঠকি নিজে ! বহু ভ্রমে কাচ ধরি, বড়াই করি, হায় হায় স্বেচ্ছায় মরি ! হায়  
বন্ধু, আ'জ্ বৃন্দিলাম, সরল যত্নকে জীবনের আদর্শ আর অকপট শ্রায়চরণকে  
জীবনের অটুট নিয়ম করি না বলিয়াই ইহকালে এত কষ্ট পাইতেছি এবং  
পরকালেরও মাথা খাইতেছি ! তুমিই ধন্য, চতুর্দিকে এত শত শত অসাধারণ  
প্রলোভন, এত কুদৃষ্টান্ত, এত কুসংসর্গ, এত বৈরসাধনের প্রয়োজন, তবু  
আপন ধর্ম-ভূর্গকে অভেদ্য রাখিতেছ ! ধন্য তুলীন, তুমিই ধন্য ! তুমিই ধর্ম-  
গুরু ! এমন গুরুতর ও প্রিয়তর স্বার্থ-সাধন কালেও তোমার জীবনের লক্ষ্য  
অলংঘ্য, তোমার ধর্মাত্মরোগ অটুট রহিল ! ধন্য পুরুষ ! দেখিবে, ধর্মই  
তোমাকে রক্ষা করিবেন—সর্ব শুভদাতা পরম পিতাই তোমার সহায় হই-  
বেন—তিনিই তোমার কার্যসাধন করিয়া তুলিবেন—আমি কে ? তথাপি  
যথাসাধ্য উপলক্ষ হইতে চেষ্টা পাইয়া জীবন সার্থক করিব—সুযোগ প্রাপ্তি



মাত্র মহারাজকে নিবেদন করিব—তাঁহার দ্বারাই তোমার লীলার উদ্ধার হইবে—অন্য বক্রপন্থা পন্থাই নয়—আজ্জ্ বুকিলাম, সে সব কিছুই না! (ক্ষণ চিন্তার পর) তবে মুন্সিকে এই ভাবে লিখিব, যেন তোমার লীলা এবং রানী-জীকে বিশেষ যত্নে রক্ষা করে; সে যেন তাঁহাদের মুক্তির আশা দিয়া তাহাদিগকে সুস্থ রাখিতে চেষ্টা পায়; সে যেন বিশ্বাসঘাতিতা বাতীত অন্য কোন সাধনে, যদি মুক্তি সাধন করিতে পারে, তৎপক্ষে ক্রটি না করে—অন্যতঃ তাহার প্রভু-কর্তৃক মোচনাজ্ঞা হইবা মাত্র ঘাঘাতে নির্দ্বিগ্নে ও নত্নে তাঁহারা প্রেরিত হন, তাহার উপায় করে; তদ্বন্দেবে তোমার ছদ্মবেশী আক্রাম ও ধরুর সহিত বন্দোবস্ত করে। তুমিও তোমার সেই প্রিয় ভৃত্যদ্বয়কে লিখিয় পাঠাও যে, তাহারা গোপনে মুন্সীজীর সহিত আলাপ করে।”

হুলীন যেন হাত বাড়াইয়া চাঁদ পাইলেন, ঠিক এমনি ভাবে ব্যগ্রতম ও উগ্রতম উল্লাস, কৃতজ্ঞতা ও বাধ্যতা প্রকাশ করিলেন।

যোগীবরের আয় ফকিরজীও তাঁহার জন্ম-কাঠিনী প্রচারার্থ পরামর্শ দিলেন এবং নিজেই অগ্রে মহারাজকে বলিয়া, পরে সকলের নিকট প্রকাশ করিবার ভারগ্রহণ করিলেন। হুলীন অনেকটা সুস্থ হইলেন।

একদা সভামধ্যে রাজা ধ্যান সিংহকে সম্বোধন পূর্বক মহারাজা মহা বৈর-ক্রির সহিত সহসা বলিলেন “রাজাজি! এ বড় লজ্জার কথা এবং অত্যাচারীর স্পর্ধাও সামান্য নয় যে, রাজা অনুহাদের স্ত্রী কন্যাকে কাংরা হইতে গোপনে হরণ করিয়া গুপ্ত স্থানে লুকাইয়া রাখিয়া তাহাদিগকে যত্ন দিতেছে! ইহা কি যেমন তেমন লোকে কাজ? অবশ্যই দরবারের অনুগ্রহের প্রশ্ন পাইয়া মদগর্বে ফুলিয়া উঠিয়াছে, এইরূপ কোন হৃদ্যন্ত-দম্মাদলপতি ভিন্ন অন্য কাহার ঘাড়ে ছটা মাথা যে এত দূর অত্যাচার করিয়া বাচিতে পারে? বিশেষ কর্ণেল হুলীন সাহেব—আ! এখন আর সাহেব নয়, এখন সূদান-রাজপুত্র—সরকারের অতি বিশ্বাসী প্রিয়পাত্র; তাহার সহিত যে কন্যার সম্বন্ধ স্থির হইয়াছে, সেই বালিকা ও তাহার মাতাকে চাতুরীতে বা বলপূর্বক স্থানান্তর করা সহজ অপরাধ নয়! এমন হঃসাহসিক কাজ যে করিতে পারিয়াছে, তাহার অকরণীয় কিছুই নাই! অতএব রাজাজি, আমি তোমার উপর ভার দিতেছি, তুমি যেরূপে পার তাহাদের গুজিয়া বাহির কর। আমি এই সর্ব সমক্ষে

প্রতিজ্ঞা করিতেছি, রূপাড়ে ছলীনের যাত্রা করিবার পূর্বে সেই ছই মহিমা-  
স্থিতা স্ত্রীলোককে ছলীন যদি না পায়, তবে অপরাধী যে কেউ হউক, তাহার  
সর্বনাশ নিশ্চিত—আর অধিক বলিতে চাহি না !” রাজাজী নত-শিরে “যে  
আজ্ঞে” যেন বলিলেন !

সেই দিন মধ্যাহ্নে রাজা ধ্যান সিংহ মহারাজার বিশ্রাম-গৃহে গমন পূর্বক  
নিজের বিশেষ কার্য্যানুরোধে একবার বাটী ঘাইবার প্রয়োজন জানাইয়া কয়েক  
দিবসের নিমিত্ত বিদায় প্রার্থনা করিলেন। রণজিৎ সন্মত হইলেন, কিন্তু  
কেবল পাঁচ দিনের জন্ত—বেশী সময় দিলেন না।

\* \* \* \*

ফকিরজী ছলীনের সহিত পুনঃ পুনঃ বিরলে বসিয়া রাজকীয় নানা প্রস-  
ঙ্গের মতামত স্থিরীকরণ ও ছলীনের নিজের ভবিষ্যৎ সংক্রান্ত পরামর্শের কথো-  
পকথনে নিযুক্ত রহিতেন। এ সকলের অধিকাংশই যে মহারাজার নিয়োগে  
বা অভিপ্রায়ানুসারে বিচারিত ও মীমাংসিত হইত, তাহাও ছলীন বুঝিতে  
পারিতেন। যাহা যাহা স্থিরীকৃত হইল, তত্ৰাবৎ পরে প্রকাশ্য। আপাততঃ  
এই বলিলেই যথেষ্ট যে, স্বগণ ও সৈন্য সমভিব্যবহারে ছলীনকে যথা সময়ে  
রূপাড়ে যাত্রা করিতেই হইবে ; যাত্রার মধ্যে লীলাকে পান ভালই, নচেৎ  
পশ্চিমধ্যে বাহাতে লীলার সহিত মিলন ঘটে, সেইরূপ ব্যবস্থা করা হইবে।

রূপাড়ে ছলীন-সৈন্য যে বিশেষ নৈপুণ্য প্রদর্শনে সমর্থ হইবে, ইহা এক-  
প্রকার জানাই ছিল, তথাপি নিঃসন্দেহে তদ্বিরূপগার্থ মহারাজা তাহাদের বুদ্ধা-  
ভিনয় দেখিতে চাহিলেন। তত্ৰদ্বেশে মহা সমারোহ হইল। মহারাজা পারি-  
ষদ্বর্গ সহিত অশ্বারোহণে সমর-সজ্জায় স্থিত ; তাহার সমক্ষে কাংরার সর্ব-  
প্রকার সৈনিক বিভাগের দ্বারা সর্বপ্রকার সামরিক ক্রিয়াভিনয় এত উচ্চ  
ধরনে প্রদর্শিত হইল যে, রণজিৎ হর্ষোৎসাহ-বেগ-সম্বরণে অসমর্থ হইয়া ছলী-  
নকে সৈন্য-শির হইতে আহ্বান করিয়া গাঢ় স্নেহালিঙ্গনে গৌরবান্বিত করি-  
লেন ! পরদিন পুনর্বার মহা সভা করিয়া উচ্চ ধাতুর খেলাত সহিত ছলীনের  
পদোন্নতি করিয়া দিলেন—ছলীন এখন কর্ণেল যুচিয়া “ব্রিগেডিয়ার জেনারেল”  
অর্থাৎ চম্প-পতি হইলেন ! ছলীনের প্রার্থনা মতে তাহার প্রিয় সহকারীগণের  
মধ্যে অনেকেই প্রকাশ্যরূপে নানাবিধ পারিতোষিক, পদোন্নতি ও রাজ-প্রস-  
ন্নতা লাভ করিল।

পরদিন মহারাজ সকল লোকের পরিতোষ ও জয়ধ্বনির সহিত সগণে প্রস্থান করিলেন । হুলীন বহুদূর সঙ্গে সঙ্গে গেলেন । বিদায়কালে হুলীনের নয়ন আনন্দ বাষ্প-ভারাক্রান্ত হইল—ফকিরজীর সহিত আনিঙ্গন কালে উভয়েরই সজল নয়ন দৃষ্ট হইল !

### পঞ্চত্রিংশ পরিচ্ছেদ ।

মুক্তি ।

শরতের দিবা অবসান-প্রায়, এমত সময়ে এক দল অগারোহী ও পদাটিক সৈন্য নব-নির্মিত রাজকোট দুর্গাভিমুখে যাইতেছে । তাহাদের নানা বর্ণের মূল্যবান বেশ ভূষা । তাহাদের অসি চর্ম ফলকাদিতে অন্তগমনোন্মুখ সূর্যের রক্ত-বর্ণ-রশ্মি প্রতিবিম্বিত হইয়া কি চমৎকার চাক্চিক্য-ময় শোভা বিকাশিয়া নয়ন ঝলসিতেছে ! তাহারা নানা জাতীয়—হিন্দু, শিখ, মুসলমান, পাহাড়িয়া ও পূর্ববিয়া । কিন্তু সকলেই যেন সৌভ্রাতৃ বন্ধনে বদ্ধ—এমনি মিল ! তাহারা সংখ্যায় পাঁচশত হইবে । তাহাদের সঙ্গে ভার-বাহক ও অগ্ৰবিধ নিরস্ত্র ভৃত্যা-দিও অনেক । তাহাদের আকৃতি প্রকৃতি দর্শনে বোধ হইতেছে, তাহারা সামান্ত জনের অমুচর নয়—তাহাদের গর্ব-বিস্ফারিত দৃষ্টি ও উচ্চত ভঙ্গী । তাহাদের প্রধান সর্কাগ্রে গমন করিতেছেন । যাহারা তাঁহার নিতান্ত সন্নিহিত, তাহাদেরই বদনে যাহা কিছু নম্র গাভীর্য দেখা যাইতেছে ; নতুবা পশ্চাৎভর্তী ও দূরভর্তী আর সকলের মুখে উচ্চতর হাস্য পরিহাস । তাহাদের রসরঞ্জিত তরঙ্গ দেখিয়া অনায়াসেই বুঝা যায়, তাহারা পুষ্ট বেতন ও উপরিগুণা পাইয়া সর্বদাই হুটু ও পরিতুষ্ট !

প্রধানের অশ্বটি অতি তেজস্বী ও সর্কাংশে মনোহর—সে অশ্বের সজ্জাও বহুমূল্য । ছত্রধারী তাঁহার শিরে স্বর্ণ-মুক্তা-খচিত একটা বৃহৎ রেশমী ছত্র বক্রভাবে হেলাইয়া ধরিয়া যাইতেছে ; তাঁহার উভয়পার্শ্বে ময়ূরপুচ্ছ ও চামরের বীজন চলিতেছে ; তাঁহার সুন্দর বদনে মণি-মণ্ডিত প্যাঁচাও নল সংলগ্ন রহিয়াছে—এক কিঙ্কর সোণার আলবোলা, অপর দাস নলটী ধরিয়া যাইতেছে—তিনি এক একবার টানিতেছেন, এক একবার সূচাক সূক্ষ্ম ওষ্ঠদ্বয় মুখ-নল হইতে সরাইয়া পার্শ্বপাশী ব্যক্তির সহিত কথা কহিতেছেন—কণ্ঠস্বর কি মিষ্ট !

সেবিত তাম্রকূটের ধূমরাশি চতুর্দিকে কি মিষ্ট গন্ধই বিস্তার করিতেছে! তাঁহার বেশ ভূষাতে বিপুল অর্থরাশি ও নানা দেশীয় শিল্পীর হস্ত লক্ষিত হইতেছে— তাঁহার সজ্জা-প্রণালী অর্দ্ধ দেশীয়, অর্দ্ধ ইউরোপীয়! তাঁহার কটিবন্ধ হইতে হীরা-চুনি-মণি-খচিত একখানি অনতিদীর্ঘ হিরণ্য-অসি-কোষ লম্বমান ভাবে অশ্বপৃষ্ঠে নৃত্য করিতেছে! গমন-বেগ প্রথর নয়—বোধ হয় রাজকোটের নিকটে আসিয়া শিথিল করিয়াছেন।

তাঁহার বর্ণ উজ্জল গৌর—সম্পূর্ণ পাশ্চাত্য বেশ পরিলে ফরাসী বলিয়া বা ইটালীয় বলিয়া ভ্রম জন্মিতে পারে! তিনি দীর্ঘাকার নন, খর্ব ও নন, মধ্যবিধ; তাঁহার প্রত্যঙ্গগুলি ক্ষুদ্র নহে, অথচ সর্বাঙ্গের অপূর্ব সামঞ্জস্য। তাঁহার ভ্রমর-কৃষ্ণ উজ্জল নয়নের দৃষ্টি এত তীব্র যে, সর্বপ্রবেশক বলিলেও বলা যায়; অথচ মাধুর্য-মাখা—বিলাসিনী-নেত্রবৎ চল চল করিতেছে! তাঁহাকে দেখিবা মাত্রই মহদংশীয় বলিয়া বোধ হয়—এক কথায়, তাঁহার মূর্তি যেন রাজ-মূর্তি! কিন্তু জগতে কিছুই নিখুঁত হইবার নয়, সুতরাং তিনি সর্বাঙ্গ-সুন্দর স্ত্রী পুরুষ হইলেও তাঁহার একটা অঙ্গে বিশেষ হীনতা আছে—অশ্বপৃষ্ঠে তাগা লক্ষিত না হইলেও, জানা আছে, তাঁহার একখানি পা কিছু খোঁড়া—অতি সামান্যরূপেই ঈষৎ খঞ্জ।

এক ব্যক্তি প্রভুর কিঞ্চিৎ পশ্চাতে বাইতেছিল, প্রধান তাঁহাকে অঙ্গুলি সঙ্কেতে আরো নিকটে আহ্বান পূর্বক আর সকলকে—সেবকগণকেও পশ্চাতে বাইতে ইঙ্গিত করিলেন। আহূত প্রিয় কৰ্মচারী প্রভুর পার্শ্বপার্শ্ব স্বীয় অশ্বকে আনিয়া আদেশ শ্রবণে প্রস্তুত হইল। এ ব্যক্তি যে অসির পরিবর্তে মসির কার্যে অভ্যস্ত, তাহা তাগার আকার প্রকার বেশ ভূষায় অনায়াসে উপলব্ধ হয়। তাহার খর্ব দেহ, সুগোল গঠন ও ক্ষুদ্র চক্ষুর তীক্ষ্ণ দৃষ্টি দর্শনে প্রথমেই বোধ জন্মে, লোকটা যেন ভাল নয়—বড় ধূর্ত; কিন্তু পরক্ষণেই তাহার বাক্য-বিজ্ঞাসের সারল্য-ছটার মনে হয় যে, “না ভুল হইয়াছে!” কিন্তু নিপুণ দেহ-লক্ষণজ্ঞ পণ্ডিতেরা সে ভুল স্বীকার করেন কি না, বলিতে পারি না! তিনি নিকটস্থ হইলে এবং আর সকলে পশ্চাতে গেলে, তাঁহার প্রভু তাঁহাকে বলিলেন—

“চতুল! কণ্য তিনি কি বলিয়াছিলেন, বলিতেছিলে?” এই প্রশ্নটা যেন অতি সহজ কথা কহিবার ধরণেই বলিলেন, কিন্তু “তিনি” শব্দের উপর

যে রূপ ছোর দেওয়া হইল, তাহাতেই ইহার বিশেষ গুরুত্ব যে আছে, এমত বুঝায় ।

চণ্ডু । হুজুর ! আমি সর্কর্ণে অনিরাহি, তিনি বলিলেন যে, “মহারাজ রণজিৎ সিংহ কেবল সুযোগের অপেক্ষা করিতেছেন মাত্র—সুযোগ পাইলেই আপনার উচ্ছেদ সাধন করিবেন । তিনি হুজুরের যোগাতা, প্রভাব, ঐশ্বর্যা, বিশেষতঃ সৈন্তের উপর হুজুরের অপ্রতিহত প্রভুত্ব দেখিয়া ভীত হইয়াছেন এবং রাজভ্রাতৃত্বের একতা দর্শনে আরো চিন্তিত আছেন ।”

প্রভুর সুন্দর ওষ্ঠাধর একটু কাঁপিল—একটু উন্টাইল ! সে প্রক্রিয়াটী ভয়ে নয়—যেন অবজ্ঞায়—যেন দর্পের ভাবে ঝটিল ! পরক্ষণে স্বগত চিন্তার অন্ধোচ্চারিত স্বরে যেন আপনা আপনি বলিতে লাগিলেন “না, এমন হইবে না—এতদূর সম্ভব নয় ! আমাকে তাঁহার নিতান্তই আবশ্যক ; তাঁহার আর সব সহ৩র তো মাতাল আর ভাঁড়ের দল ! কাজের যোগ্য কে ? চাটুকার ভীকু ফকিরের কৰ্ম নয়—শুধু লেখা পড়া বিদ্যায় কি রাজ্য চলে ? বিশ্বাস-ঘাতক জমাদারেরও সাধ্য নয় ! অধিক কি, নূতন প্রিয় ফিরাকীরও কৰ্ম নয়—আর সে এখন রাজপুত্র—সুদান-রাজপুত্র—তাঁহার সত্যবাদিত্ব আর ঞ্জা-হুজুরগ, এত অসত্য আর অন্য়-তন্ত্রের মধ্য কি করিয়া উঠিতে পারে ? আমা ভিন্ন কখনই চলিবে না—কেবল তাহাতেই আমি নিরাপদ—”

এই পর্য্যন্ত বলিয়া চৈতন্ত হইল—চণ্ডু লাল নিকটে !

কিন্তু চণ্ডু লাল তাঁহার সে ভাব লক্ষ্য না করিয়া সাগ্রহে অথচ বিনয়ভাবে বলিল “নিরাপদ হুজুর ! নিরাপদ কি ? পদের বিচার করিতে গেলে আপনি ইচ্ছাক্রমেই প্রথম পদে না উঠিয়া দ্বিতীয় পদে রহিয়াছেন । তাই না এখনও আপদ নিরাপদের কথা বলিতেছেন । হুজুরের মর্জি হইবামাত্রই একরূপ ভাবনা আর ভাবিতে হয় না—একেবারেই নিরাপদ হইতে পারেন, বে-আদবি মাপ করিবেন ; কিন্তু হাতী যেমন আপনার শরীর দেখিতে পায় না বলিয়াই দুর্দ্র প্রাণী স্কীণ মানুষের বশে থাকে, হুজুরও তাই করিতেছেন । একবার আপনার অধিকার আর ক্ষমতার সীমা বা অসীমতা সংখ্যা করিয়া দেখুন দেখি—যে পথ বাহিরা আমরা আইলাম এবং যে পথ দিয়া এখন যাইতেছি, ইহার চতুর্দিক সৃষ্টি করিয়া দেখুন দেখি—ঐ যে সম্মুখে হরারোহ গিরি-বজ্র-দুর্গ, উহার ভয়ঙ্কর আশ্চর্য্য শিল্পচাতুর্য্য, উহার গুণনুভেদী শুভমালা, উহার অভ্যন্তরে উপর নীচে

স্তরে স্তরে যন্ত্র ও কামান সজ্জা লক্ষ্য করিয়া দেখুন দেখি এবং আপনার অনু-  
গত, আশ্রিত ও নানা গুণে বশীভূত ছোট বড় লোকের সংখ্যা ভাবিয়া দেখুন  
দেখি, আপনার অসাধ্য কি আছে ?

ধ্যান সিংহ অজ্ঞাতসারে দতাই একবার দুর্গের প্রতি গর্ক-দৃষ্টিতে চাহিয়া  
দেখিলেন এবং অজ্ঞাতসারেই বলিয়া ফেলিলেন “দুর্গ অভেদ্য বটে—ইহা সকল-  
সত্য বটে !” কিন্তু এইটুকু বলিয়াই আবার চৈতন্য জন্মিল—তখনই প্রকৃষ্টি  
হইয়া নিজ অভ্যস্ত ভাব ধারণপূর্বক কহিলেন “তু, তোমার বিষম ভ্রান্তি ।  
আমি কি আমার অমন প্রভুর বিকদ্ধাচারী হইতে পারি ? আমি কি ছিলাম,  
কি হইয়াছি ! যিনি আমাকে উইচিবি হইতে পক্ষত করিয়া তুলিয়াছেন, যিনি  
এখনও আমার শত অপরাধ ক্ষমা পূর্বক ক্ষমতাশালী রাখিয়াছেন, তেমন  
পিতৃবৎ দয়ালু পিতৃবৎ অহিতাচার কল্পনা করিলে নিতান্তই অকৃতজ্ঞ চণ্ডাল  
হইতে হয় । অতএব চণ্ডাল, এমন কথা আর মুখেও আনিও না—এমন  
ভাব আর মূলেও ভাবিও না । এ ছেঁদা দুর্গ সে জন্ত নয়--ইহার অস্ত গুঢ়  
উদ্দেশ্য আছে । তুমি আমার অতি প্রিয় বিশ্বাসী কর্মচারী, কথা পাড়িলে  
তো তোমার কাছে মনেব কথা বলিতে দোষ নাই । ভাবিয়া দেখ, মহা-  
বাজার দেখ যেরূপ দিন দিন ক্ষীণ হইতেছে, তাহাতে শীঘ্রই তাঁহার লোকা-  
স্তব সম্ভব । তখন কে এই সামাজ্য পরিচালনা করিবে ? ভীক মাতাল  
দলের মধ্যে একজনও কি সে গুরু পদের যোগ্য ? প্রবল ফিরাদীদের  
সহিত মিহতা ও সন্ধি সমর্থনে কে সমর্থ ? রাজ্যের বিভাগ তো অল্প নয়—  
প্রজাবর্গ মধ্যে জাতি এবং শ্রেণীও একবিধ নয়—এত বিভিন্ন লোকের উপর  
পদ-মর্গাদা-গৌরবের সহিত প্রভু রক্ষা করা ইহাদের কাহারো কি সাধ্য  
আছে ? অধিক কি, আমাদের অদম্য সৈন্য আকালী দলকেই বা কে দমনে  
রাখিতে পারিবে ? মহারাজ যে গর্কিত বদ্মায়েস দলকে জড় করিয়া কটক  
নির্মাণ করিয়াছেন, তিনি ভিন্ন কাহার সাধ্য তাহাদিকে বশে রাখিতে পাবে ?  
তাহাদের বেতন অনেক কালের বাকী ; তাহাদের নামকবর্গের মধ্যে অনে-  
কেই তাহাদের অপ্রিয় হইয়া উঠিয়াছে—এখনি তাহারা তাহাদিগকে তুচ্ছ  
তাচ্ছিল্য করে । অতএব রণজিতের মৃত্যু ঘটিলামাত্রই কি তাহারা অদম্য  
হইয়া সমুদয় বিশৃঙ্খল করিয়া তুলিবে না ? যদি প্রকৃত প্রস্তাবে অরাজকতা  
না ঘটে, তবে কি ধনাগার ভঙ্গ, বহু বক্রগাত, বহুজন কর্তৃক প্রভুতার প্রতি-

স্বন্দিতা ইত্যাদি বহুবিধ অপ্রতিহত গোলযোগ বাধিবে না? তখন কাহার ভাগ্যে কি ঘটে, স্থির কি? পূর্কালে আপন মস্তক বাচাইবার ও আপন ধন জন পরিবার রক্ষা করিবার পূজা করিয়া না রাখিলে, তখন উপায় কি? রাজ্য-মধ্যে সর্বাপেক্ষা প্রধান পদে যে অধিকৃত, হয় তো তাহারই বিপদ সর্বাপেক্ষেই সর্বাপেক্ষা অধিক হইবে! কিন্তু আর না—যাহা কাহারো সাক্ষাতে বলা উচিত নয়, তাহাই আজি, চণ্ডু, তোমার নিকট ব্যক্ত করিলাম! দেখিও, নাসা-কর্ণ-রসনা-ছেদের ভয় থাকে তো, যে কর্ণে শুনিলে একথা যেন সেই কর্ণ-মধ্যেই থাকিয়া যায়—যেন কর্ণ পার হইয়া রসনায় খেলা করিতে না আইসে!”

ধ্যান সিংহ “আর না” বলিলেন বটে, কিন্তু পরক্ষণেই আবার বলিতে লাগিলেন—হয় তো শুনাইবার জন্ত ইচ্ছা করিয়াই আপন আপন বকিতে লাগিলেন “মহারাজার এক মাত্র পুত্র যে, সে তো নিরুপায় পাপল; সেই পুত্রের যে পুত্র, সে তো বালক; সুতরাং নিশ্চয়ই গোল বাধিবে! পঞ্চনদের দেশে বহুকালাবধি অনেক যুদ্ধ বিগ্রহ চলিয়াছে—পঞ্চনদের স্রোত অনেক নর-শোণিত লইয়া প্রবাহিত হইয়াছে—আবার দেখিতেছি তাহাই হইবে! পঞ্জাবের ভাগ্যে ইহাই লেখা, তাহার সিংহাসনে যে কেহ উঠিবে, তাহাকেই অনেক রক্ত-স্রোতে সঁতার দিয়া তবে পারে তো পারে উঠিতে হইবে! পূর্কে ইহা বার বার হইয়াছে, পরেও হইবে! তবে যদি শেষে গৃহ-ভেদের সুযোগ পাইয়া ফিরান্ধীরা—“যার ধন তার ধন নয়, নেতো মারে দই!” করিয়া তুলে!

কর্ণেক নিশ্চর থাকিয়া সহসা বলিয়া উঠিলেন “সে যাহাহউক, চণ্ডু, সেই অভাগা বুদ্ধিহীনা স্ত্রীলোকেরা কোথায়? তাহাদের এ রাজসংসার ভাল লাগিলা না—কোথাকার একটা কে, তাহার জন্তই মরেন! যাহাহউক, তাহারা কি অবস্থায় আছে?”

চণ্ডু। দুর্গের পশ্চিমাংশের পুরীতে—তাঁহারা হা হতাশে কাঁদিয়া কাঁদিয়াই জীবন কাটাইতেছেন! কিন্তু বোধ হয়, আর কিছু দিনে এভাব থাকিবে না—হৃদয়ের ইচ্ছাধীনা হইতে বাধ্য হইবেন!”

পাঠক! চণ্ডুলালকে অবশ্যই চিনিতে পারিয়াছেন! ইনিই সেই গুণ-পুরুষ “মুন্সিজী,” যাহার কথা ককিরজী দুলীনকে বলিয়াছিলেন!

• চণ্ডু ভাবিয়াছিল, এই উত্তরে প্রভু সন্তুষ্ট হইবেন; কিন্তু বিপরীত হইল! বিপরীত যে হইবে, তদাভাস ফকিরজীর পত্র পাইয়া পূর্কেই চণ্ডুর মনে উদ্ভিত

হইয়াছিল ; তথাপি চির-অভ্যাস-বশে প্রভুকে যেরূপ উত্তর দেওয়া সঙ্গত, তাহাই দিল !

খান সিংহ বৈরক্রির সহিত বলিলেন “না, চণ্ড, এবিষয়ে তোমার গুণপণা প্রকাশের প্রয়োজন নাই—এবিষয়ে সেই বদ্মায়েস ভূপ সিং যাহা করিয়াছে, আর তোমরা যাহা করিতেছ, তাহাতে আমি বড়ই অসন্তুষ্ট হইয়াছি । তাহারা কি যেমন তেমন ঘরের মেয়ে ? তাহারা কি প্রসিদ্ধ রাজবংশীয়া নয় ? তাহাদের ধম্ম ও মান নষ্ট করিলে আমার আয়-মান ও আয়-গৌরবকেই নষ্ট করা হইবে !”

এই কয়েকটা কথা যেরূপ ভঙ্গীতে ও যেরূপ দৃষ্টির সহিত বলা হইল, তাহাতে চণ্ড বুকিল “ভাল করি নাই ।” অতএব যেন অতি তটস্থ ভাবে উত্তর দিল “আচ্ছা হাঁ, হুজুর, তাঁহারা যেমন উচ্চবংশীয়া, তাহাদিগকে সেইরূপ মান-পূর্ব্বকই রাখা হইয়াছে—তাহারা স্বাধীনতার অভাব জন্মাই যাহা কিছু শোকা-কুল ও কাতর, নচেৎ তাঁহাদের সেবা কার্য্যে কিছু মাত্র ক্রটি হয় নাই । তবে কেবল, হুজুরের কি অভিপ্রায় এবং কেনই বা তাঁহারা আনীতা হইয়াছেন, ইটা গোলামের না জানা থাকাতাই তাঁহাদিগকে স্বাধীনতার আশা দিয়া প্রবুদ্ধা ও সন্তুষ্ট রাখিতে পারি নাই ।”

খান । যত্ন রাখিয়াছ, ভালই করিয়াছ । তুমি যে ইঙ্গিত দিলে “কেন আনা হইয়াছে এবং আগার অভিপ্রায় কি” এ কথায় আমি আশ্চর্য্য হইলাম । তুমি কি সেই চর্কিত ভূপ সিংহের মুখে শুন নাই যে, পাপিষ্ঠ আমার অচ্ছাতসারে এ কাজ করিয়াছে ? সে মনে করিয়াছিল, ইহাতে আমার বিরুদ্ধাচারী তুলীনকে জর্জর করা হইবে এবং এমন সুন্দরী রাজকন্যা পাইলে আমি মহা তুষ্ট হইব ও তজ্জন্ম তাহাকে প্রচুর পুরস্কার দিব । কিন্তু তাহার ভুল হইয়াছে । যদিও লোনা প্রার্থনায় বটে, তথাপি তুমি কি জাননা, কাংরার রাজকুল কলঙ্কিত করিয়া আমি আমার নিজের নামে অনপনয় কলঙ্ক কালিয়া জড়াইব, আমি কি সেই লোক ? বিশেষ, নির্দোষী অবলার প্রতি অভ্যাচার করিয়া প্রবল বিপক্ষের প্রতি বৈর-নির্যাতন সাধিব, আমি কি এমনি নীচাশয় ? তাহারা যদি নির্কৃদ্ধিতা বশতঃ জাতিচ্যুত ফিরঙ্গীর পোষা পুত্রকে বরণ করে, তাহাতে তাহারা ই মাজ্জবে, আমার কি ? একথা সে তরাশয় না বুঝুক, তোমার কথা উচিত ছিল ।”



চণ্ডু বুকিল “আস্তাবলের আপদ বালাই, বানরের ঘাড় দিয়া চালাই !” এ অভিনয় তাহাই হইতেছে—এখন যত দোষ চণ্ডুর ! চণ্ডু তাহাতেই প্রস্তুত এবং তদনুসারেই ক্রমা প্রার্থনাদি যাহা যাহা আবশ্যিক, তৎপক্ষে ক্রটি করিল না। তাহার প্রভু ও আবার প্রসন্ন হইলেন ! শেষে “নির্ঝোধ” অবলাত্রয়কে মুক্তি-দানই ধাৰ্য্য হইল। কিন্তু তাহাদিগকে একরূপ কৌশলে ও সংগোপনে পাঠাইতে হইবে যে, তাহাদিগকে রাজকোটে আনিয়া যে লুকাইয়া রাখা হইয়াছিল, তাহা যেন কোনমতেই প্রকাশ না পায় ! “রজনী প্রভাতে তাহাদের নামগন্ধ যেন রাজকোট অঞ্চলে না থাকে, এপ্রকার ব্যবস্থা করিবার দৃঢ় ভার তোমার প্রতি অর্পণ করিলাম—সাবধান ! ইহাতে তিলান্ন যেন ব্যতিক্রম না ঘটে !”

চতুর চণ্ডুলালের মহৎ হৃদয় যেন মহানন্দে আনন্দিত হইয়া উঠিল, এইরূপ প্রসন্ন বদন, উৎফুল্ল নয়ন ও অত্যাশ্চর্য চিহ্ন প্রদর্শন পূর্বক অতি বিনয় ভঙ্গীতে প্রভুর এই অশ্রুতপূর্ব অতুল্য মহৎ ও দয়ার কার্যের নিমিত্ত ভৃত্য-কর্তৃক প্রভুকে যেরূপে যতদূর ধন্যবাদ প্রদান সম্ভব, তাহাতে চণ্ডুর অণুমাত্র অনিপুণতা ও ক্রটি হইল না !

চণ্ডু মনে মনে যথার্থই সুখী হইল—এক কাজে প্রকাশ্য অপ্রকাশ্য উভয় নিয়োগকর্তারই মনোরঞ্জন ঘটিল—ফকিরজীকে এখন জানাইতে পারিবে যে, তিনি যে কৌশলে রাজরাণীদের উদ্ধার বিষয়ে প্রভুর সম্মতি লাভ করিয়াছেন, তাহা অস্ত্রের সাধ্যাতীত !

### ষট্‌ত্রিংশ পরিচ্ছেদ ।

সুখমিলন—শুভোদ্বাহ ।

বড় সুখের কাল শরৎ—জল, স্থল, শূণ্য, সকলই সুবিমল—সকলই সুশীতল—সকলই সমুজ্জল—সকলই ঢল ঢল ! তাহাতে কাংরা দুর্গ আজি যেন আরো শোভাময়, আরো পরিষ্কৃত, আরো সুসাজিত, আরো পবিত্র বলিয়া জ্ঞান হইতেছে—আজি কাংরার শাসনকর্তা ও কাংরা-রাজ-তনয়ার শুভোদ্বাহ !

আজি কয় দিবস হইল, দুলীন স্বীয় হৃদয়েশ্বরী হারানিধি লীলাকে পুনর্বার লাভ করিয়াছেন ! ধ্যান সিংহের অভিপ্রায়ানুযায়ী কার্য্য করিতে চতুর

চণ্ডালকে কষ্ট পাইতে হয় নাই—নিকটে আক্রাম ও ধর্ম প্রস্তুত ছিল—  
পূর্বেই ফকিরজীর নিয়োগানুসারে চণ্ডাল তাহাদের সহিত আলাপ করিয়া  
তাহাদিগকে প্রস্তুত থাকিবার ইঙ্গিত দিয়া রাখিয়াছিল—স্বয়ং চাঁদ খাঁও তাহার  
বিশ্বাসী মুগতানী ও বরুর সহচরগণ সমভিব্যাহারে অদূরে গুপ্তভাবে সর্বদাই  
সতর্কতার প্রহরিতা করিতেছিল—ঘোরা রজনীতে সিন্দুকাকার যজ্ঞাধার যোগে  
ভূর্গ হইতে শ্রীমতীদিগকে যেমন নামাইয়া দিল, অমনি শিবিকায় উঠাইয়া  
তুলীনের প্রিয় কর্মচারীরা যত সত্বর সম্ভব, নির্বিঘ্নে লইয়া গিয়া পরদিন  
যামিনী যোগে কাংরায় আনিয়া উপস্থিত করিল ।

'আনন্দের সীমা নাই—উৎসাহের অবধি নাই—উৎসবেরও শেষ নাই ।  
পুনর্মিলনে যাহা ঘটিল, তাহার বর্ণনা দ্বারা লিপিকরের অর্নৈপুণ্য দেখাইব না  
—সহৃদয় লড়াবুক সুরমিক পাঠক পাঠিকারা আপনাই অনুভব করিয়া লউন !

এত অল্পময় স্থানের মধ্যে কেবল দুঃখের বিষয় এই, লীলার জননী  
দৈহিক অবস্থা ভাল নয় । তিনি রাজনন্দিনী, রাজ-বধূ, রাজরানী—আজন্ম  
যত্নে পালিতা—চিরদিন আদরে ও গৌরবে রক্ষিতা—নিতান্ত কোমল-হৃদয়া—  
নিতান্ত অভিমানিনী—পুনঃ পুনঃ এত ভীষণ পীড়নে সে হৃদয় ভগ্ন হইবে  
আশ্চর্য্য কি ? পূর্বে যৎকালে সিংহাসন হইতে তাড়িতা ও স্বামীরত্নে বঞ্চিতা  
হইয়াছিলেন—যৎকালে পাষাণেরা এক মাত্র প্রবোধের ধন বুকের রতন বালিকা?  
লীলাকে পর্য্যন্ত কাড়িয়া লইয়াছিল, তখনই সেই কুসুম সদৃশ সুকুমার হৃদয়ে  
যে নিদারুণ আঘাত লাগিয়াছিল, তাহাতেই তাহা বিদীর্ণ হইবার কথা !  
কেবল প্রাণাধিকা লীলা তখন বালিকা ; মাতৃহীনা হইলে তাহার দশা কি হইবে  
—“আমি মরিলে আমার লীলাকে কে উদ্ধার করিবে ? উদ্ধৃত না হইলে পাছে  
পাপাত্মারা কল্যাকে কলঙ্কের পথে ডালি দেয় ! অতএব উদ্ধার করিতেই হইবে—  
সুতরাং আমার বাচিবার অত্যন্ত প্রয়োজন !” এই গুরু প্রয়োজন আর এই  
আশাতেই তখন বুক বাধিয়াছিলেন—বক্ষকে বিদীর্ণ হইতে দেন নাই—তজ্জ-  
ত্বেই পথের কাঙ্গালিনী হইয়া ও অপমান সহ করিয়াও কথঞ্চিৎরূপে ঐশ্বর্য্য ধারণ  
করিতে পারিয়াছিলেন !

পরে সেই জীবন-ব্রত—সেই উদ্ধার-আশা সিদ্ধ হইয়াছিল—শুলাপীর গুণে  
প্রাণের লীলাকে আবার কোলে পাইয়াছিলেন ! তদবধি লীলার লালন পালন  
কার্য্যে ব্যস্ত হইয়া এবং লীলার মায়ার ও গুণে যত্ন থাকিলা পূর্ব্বকথা বহলাংশে

ভুলিয়া একপ্রকার ছুখে সুখে কাল কাটাইতেছিলেন। কিন্তু অন্তরের পূর্ব আঘাত এককালে অন্তর্হিত হয় নাই, অনাবৃত ও গুপ্ত ছিল মাত্র !

শেষে লীলার সঙ্গে আর একটা মেহের পাত্র যুটিল—তাঁহার প্রাণাধিকা যৌবন-সখী সুদান-মহিষী নন্দনার পুত্র তাঁহাকে মা বলিল—শুধু মুখে বলিল না, ব্যবহারেও যথার্থ পেটের সন্তানের মত আচরণ করিতে লাগিল ! আবার তাই কেবল নয়, সে পুত্র সর্বগুণে গুণধর—রূপে শ্রুণে মনোহর ! আবার শুদ্ধ তাও নয়, সে তাঁহার প্রাণের লীলাকে আপন প্রাণাপেক্ষাও ভালবাসিল—লীলাও সে প্রেমের অবিকল প্রতিদান করিল—যেন বিধাতা তাঁহাদের একের জগুই অন্তকে সৃষ্টি করিয়াছেন, এমনি বোধ জন্মিল ! ইহাতে সেই নিদারুণ হৃদয়াঘাতের যন্ত্রণা আরো হ্রাস হইল—প্রায় যেন অপসারিত হইয়া ভবিষ্যতের সুখের আশাকে হৃদয় মধ্যে স্থান দিল !

কিন্তু অদৃষ্ট যাহাকে লইয়া খেলা করে, তাহার আশাই বা কি, সুখই বা কি, শান্তিই বা কি ! সে সকলকেই সেই অদৃষ্ট দূর করিল ! অন্তরে এবার মর্মান্তিক ঘা দিল ! হায় ! কোথা হইতে ভূপসিং কালান্তক কালরূপে উদ্ভিত হইল—অদৃষ্ট-চক্রের নেমী উণ্টাইয়া দিল—এবার সেই চক্র ভয়ানকরূপে বক্র হইয়া এককালেই পেষণ করিল—এবারকার অপমান ও মর্মান্তিক বেদনা আর সহ হইল না ! এবার তো লীলা আর বালিকা নয়, এবার তাঁহার নিজের দেহও যৌবনের সুস্থতার সঞ্চয় নয়, এবার তনয়ার কলঙ্ক চিন্তা দূরবর্তী নয়—এবার লীলা যুবতী—এবার আর উদ্ধারের সময় নাই, সুযোগ নাই, আশা নাই—এবার ঘোর নিরাশা—ঘোর তামসময়ী নিশা ! কোন অবস্থাতেই মনুষ্যকে হতাশ হইতে নাই, অশিক্ষিতা প্রাচীনা অবসার হৃদয় তাহা আর ধারণা করিতে সমর্থ হইল না ! একে রাজকোট হুলস্থল্য ভাষণ স্থান ; তাহাতে সেটা হৃদাস্ত নর-শার্দূলের বিবর ! পঞ্জাবের সর্ব-শক্তিধর ব্যাঘ্রের বিবর ! হুলীন যে সন্ধান পাইবেন বা সন্ধান পাইলেও উদ্ধার করিতে পারিবেন, রাণীজীর বোধে এমন সম্ভাবনা মাত্রই রহিল না ! এ প্রকার শত চিন্তারূপ শতরীতে পূর্নহত স্থান এবার সম্পূর্ণরূপেই বিদারিত হইল—এবার আর উপশমের উপায় রহিল না ! যৎকালে তাঁহারা মুক্তি পাইয়া স্বস্থান কাংরার আনীতা হইলেন, তখন লীলার আশার সঞ্চয় ও পবিত্র প্রেম-প্রণোদিত হৃদয়নের পুনর্জীবন ঘটিল ; কিন্তু তাঁহার ছুঃখিনী জননী স্বাস্থ্য এখন এককালেই ভগ্ন

হইয়া গিয়াছে—পুনর্বার সে স্বাস্থ্যনাভের আর সম্ভাবনা নাই—রাণী চক্রাবর্তী দিন দিন ক্ষীণ হইতে লাগিলেন !

এখন লীলার সুখের ও সূতের আশ্রয়স্থান চিরদিনের মত নিরূপিত হইল—লীলার জ্ঞান আর চিন্তা নাই—সুতরাং লীলার জননী এখন নিশ্চিত প্রাণে মরিতে প্রস্তুত ! তিনি মনে মনে আত্ম দৈহিক অবস্থা সম্পূর্ণই বুঝিতে পারিলেন ; পাছে সে কথা বাক্য করিলে শুভ বিবাহের পক্ষে কোন বাধাত্ব জন্মে—পাছে প্রাণতুল্য প্রিয় দম্পতীর আনন্দে নিরানন্দ, উৎসব নিরুৎসব ঘটয়া উঠে, এই ভয়ে যতদূর সাধা আত্ম-জংপিণ্ডের পীড়ার কথা গোপন রাখিয়া অন্তিম কারণ দর্শাইয়া শুভ কন্মের ত্বরান্বিত করিতে লাগিলেন !

সেই কারণ সমূহের মধ্যে ৩ইটি প্রধান ও জাজ্বল্যমান । এক তো একবার লগ্ন স্থির হইয়াও বাধাত্ব ঘটয়াছিল, অতএব আর কালবিলম্ব উচিত নয়—“শুভস্থ শীঘ্রং” শাস্ত্রের কথা ! দ্বিতীয়তঃ দুলীনকে অগোপনে রূপাড় যাইতে হইবে, তিনি আর প্রাণের লীলা হইতে তিলান্ন ও বিচ্ছিন্ন থাকিতে চাহেন না—এককালে পরিনীতা ভার্যা লইয়া গমন করিবেন—মাও সঙ্গে থাকিবেন । অতএব যত নিকটবর্তী দিনে শুভলগ্ন হওয়া সম্ভব, শাস্ত্রী মহাশয় তাহাই স্থির করিয়া দিলেন ।

এখন আর গোপনের প্রয়োজন কি ? দুলীন যে হৃদয় রাজপুত্র, তাহা সকলেই জানিয়াছে—সর্বত্রই রাষ্ট্র হইয়াছে । সুতরাং এবার আর সমারোহের ও ঘটনার বাধা কি ? বিশেষতঃ শাস্ত্রী মহাশয়, অহল্যা দেবী ও অহল্যাপতি রঘুবর দয়ালের যত্নাতিশয়ো এবং রাণী চক্রাবর্তীর অগুরোধে বিশেষ জাঁক জমক ঘটনা-পটাই আয়োজন হইল—তাহার প্রধান উদ্যোগী রঘুবর ও রঘুবরের শ্যালক ! তাঁহারা স্বয়ং গিয়া রঘুবরের প্রভু লেনা সিংহকে কর্তা করিলেন । দুলীনের কর্মচারীদের মধ্যে চৈতনই সর্বাধ্যক্ষ হইলেন—তন্নিম্নে সোহনলাল, হাকিম সিংহ, বন্নু, ধন্নু, চাঁদ খাঁ, আলিবর্দি খাঁ, আকরাম খাঁ এবং অন্যান্য (যাহাদের নাম লিপিবাহন্য ভয়ে এই ইতিহাসে উল্লেখ নাই) অনেকে ! তাবৎ অনুচর, সহচর, অধীন জনগণ এবং ভৃত্যবর্গ বস্ত্রালঙ্কারাদি দ্বারা যথা-যোগ্য-রূপে পুরস্কৃত হইল !

নহবৎ বসিল—নানা বাগ্মন্যমে কাংরা নিনাদিত হইতে লাগিল । পথে পথে বিজয়-তোরণ ; চতুর্দিকে জয় জয় শব্দ ও মাদলিক হলুধনি ; চতুর্দিকে

পতাকা ও পুষ্পমালা ; হাতে বাজারে নগরে গ্রামে প্রতিপূর্ণদারে পল্লব ও কুম্ভ-  
হার ; লোকে লোকারণ্য ! ধনী নির্ধনী ইতব ভদ্র বাণ-বৃদ্ধ-যুবা সকলেই  
নাহার যে শ্রেষ্ঠ বেশ, শ্রেষ্ঠ ভূষা, তাহাতেই ভূষিত • সৈনিকগণ মহামহোদাস  
যোগ্য বেশে সুসজ্জিত ; তোপের মুখে ঘন ঘন জয়বার্তা ঘোষিত ! সে সঙ্গ  
আতস বাজির অপূর্ণ ক্রীড়ায় সকলেই মহামোদী !

নিমন্ত্রিতগণ দলে দলে আসিতে লাগিলেন—কারাং ও হৃদান রাজবংশের  
সম্পর্কে যিনি যেখানে ছিলেন এবং কুল-রাজকুলের সকলেই মহোদাসে আগ-  
মন করিলেন । যদিও প্রকৃত প্রস্তাবে স্বজাতি-রূপে তুলীনের সহিত আহাব  
ব্যবহারে তাহারা সম্মত ছিলেন না, তথাপি শোণিত সঙ্কের মেহানুগতা  
কোথায় যায় ? মাতুলগণ ও অগ্ন্যস্ত্র আত্মীয়বর্গ আসিয়া সৃজন নয়নে তুলীনকে  
প্রেমানিঙ্গন দান পূর্বক শুভ কাম্যে গণোচিত উৎসাহী ও সংলিপ্ত হইলেন ।  
হৃদানের রাজকুলে সর্বগুণ-সম্পন্ন মহোদার্য্য-পূর্ণ মহিমামিত এমন বংশধর  
লাভে সকলেই গর্ষিত ও রুত-কৃতার্থ হইলেন !

পর্যত-গুহা-বাসী স্বীয় শিক্ষা-গুরু মহাজ্ঞানী যোগী-প্রবরকেও আপন  
শুভোদাহ বার্তা জানাইতে তুলীন ভুলেন নাই । শতবিধ ব্যস্ততার মধ্যেও  
তাঁহাকে বলিতে ও আহ্বান করিতে তুলীন স্ময়ং গিয়াছিলেন । প্রথমতঃ তিনি  
আনন্দ প্রকাশ ও আশীষ দান পূর্বক স্নেহে বলিয়াছিলেন, “বৎস ! এরূপ  
উৎসব ও মায়ায় অনুষ্ঠান হইতে আমি বহুকাল বিচ্ছিন্ন, আর আমাকে কেন  
তাঁহাতে জড়ীভূত করিতে চাও ? বিশেষ আমার জ্বর সংসার সুখ-বজ্জিত ও  
সমাজ-বাহিত ব্যক্তির এমন সুখের শুভ কার্য্যে যোগ দেওয়া কি ভাল  
দেখাইবে ?”

কিন্তু তুলীন তাঁহাকে সূচারূপেই চিনিয়াছিলেন—তিনি যে সামাজিকের  
শিরোমণি, তাঁহার সাংসারিক ও রাজকীয় অভিজ্ঞতা-মূলক কথোপকথন ও  
উপদেশাবলীতে তাহা সম্যক্ প্রকাশ পাইয়াছিল । অতএব তুলীন তাঁহাকে  
সম্মত না করিয়া ছাড়িলেন না !

তুলীনের বিদায় কালে যোগী জিজ্ঞাসা করিলেন “সম্প্রদান করিবে কে ?”  
তুলীন উত্তর দিলেন “আপনি যেমন আজ্ঞা করেন ।”

\* ক্রমচিন্তার পর যোগী সহাস্ত্রে কহিলেন “তবে রাণী চন্দ্রাবতীকে বাণও, সম্প্র-  
দানের কষ্ট তাঁহাকে গ্রহণ করিতে হইবে না—বলিও তাঁহার স্বপুত্রের (সংসার

চাঁদের ) নিরুদ্দেশ ভ্রাতা সুসারচাঁদের উদ্দেশ পাওয়া গিয়াছে, তিনিই যথাকালে উপস্থিত হইয়া সম্প্রদান করিবেন !”

দুলীন বিশ্বয়-বিস্ফারিত নেত্রে কিয়ৎক্ষণ যোগীর যোগবলোদ্দীপ্ত তেজস্কর মহাশু স্তম্ভর আশু পানে নিরীক্ষণ করিয়া সহসা তাঁহার পদযুগল ধারণ পূর্বক গদগদস্বরে সকাতরে বলিলেন “ঠাকুরদাদা মহাশয়! তবে কেন এ দাসকে এত দিন এ সুখে বঞ্চিত রাখিয়াছিলেন? শুনিয়াছি, মহারাজ সংসারচাঁদের কনিষ্ঠ ভ্রাতা অদ্বিতীয় বোদ্ধা, অদ্বিতীয় বোদ্ধা ছিলেন; শুনিয়াছি, আমার পিতার পরমা রূপ-গুণবতী পিতৃস্বস্যা স্বয়ম্বরী হইয়া তাঁহাকেই বরণ করিয়াছিল; শুনিয়াছি, উভয়ের মিলন, মর্ত্যভুবনে যেন লক্ষ্মী নারায়ণের মিলন এবং উভয়ের পবিত্র প্রণয়, হর-গৌরীর একাক্ষ ও অভেদাত্মা-প্রণালীর অনুরাগ সদৃশ ঘটিয়াছিল; শুনিয়াছি, কাংরারাজ্যের বিপৎপাতের বহু পূর্বেই সেই পতিপ্রাণা পত্নীর বিয়োগ বশতঃ সুসারচাঁদ গৃহত্যাগী বিবাগী হইয়া হিমালয়ের প্রান্ত-সীমাভিমুখে যাত্রা করিয়াছিলেন—জনরব, রাজা যুধিষ্ঠিরের শ্রায় সেই পুণ্যাত্মা সশরীরে স্বর্গে গমন করিয়াছেন! তবে কি আমার পিতামহের স্বম্পতি—আমার লীলার পিতামহের ভ্রাতা সেই দেবোপম সুসারচাঁদ আজো ইহলোকে আছেন? তবে কি পিতামহ ভীষ্মের শ্রায় সেই জিতেন্দ্রির ও যোগীন্দ্র পিতামহকে আ'জ্ আমি চক্ষুচক্ষে চাক্ষুস করিয়া ধৃত হইলাম?”

যোগীবর সম্মেহে গাঢ় আলিঙ্গন দান পূর্বক বিস্তর আলাপ পরিচয় ও আশ্রয়জীবনের আনুপূর্বিক বৃত্তান্ত বর্ণনাস্তে শুভ পরিণয় কার্য্য স্বয়ং গিয়া সম্পন্ন করিবেন, এমন প্রতিশ্রুত হইয়া দুলীনকে প্রবুদ্ধ করিয়া বিদায় দিলেন। তাঁহার সেই পবিত্র জীবন-ইতিহাসের মধ্যে আর্ধ্য-যোগ-ধর্ম্মের অদ্ভুত তত্ত্ব সকলের যৎকিঞ্চিৎ স্থূল আভাস হৃদয়ত করিয়া দুলীন অবাক হইলেন! কেবল বাহ্য্য ভয়ে এস্থলে সে সমস্ত লিপিবদ্ধ করিতে পারিলাম না।

সে যাহাহউক, রাণী চন্দ্রাবতী ও লীলা এ সুসংবাদ শ্রবণে যে কি পরিমাণে সুখী হইলেন, তাহা নিতান্ত বর্ণনাতীত—এমন দিনে বংশে অভিভাবক কেহই নাই, এই দুঃখার্ণবের মধ্যে একরূপ পরম জ্ঞানী পরমাত্মীয়-রূপ-পোত বিধি অনুকূল হইয়া মিলাইয়া দিলেন—সে সুখের কি শেষ আছে!

যথাকালে সেই পরমাত্মীয় কাংরা দুর্গে উদিত হইলেন—যথাকালে স্বয়ং সম্প্রদান করিলেন! পুরাতন লোক যাহারা, তাঁহারা তাঁহাকে চিনিতে পারি-

লেন—বিশেষ শাস্ত্রী মহাশয় । অগ্রান্ত বিশেষ আত্মীয়জন, সম্প্রদানকর্তা যে কে, তাহা যখন শুনিলেন, তখন তাঁহাদের আনন্দের ইয়ত্তা রহিল না ! যদিও তিনি আর সংসারী হইবেন না; তথাপি এই শুভকার্য্যে তিনি যে আপন সংসারে আসিয়া মিশিলেন এবং কাংরার পর্ব্বতগুহায় তাঁহার দর্শন-লাভ কখন কখন ঘটিতে পারিবে, ইহাতে সেই মহোন্নাস তরঙ্গ আরো উচ্ছ্বসিত হইয়া উঠিল !

শুভ কার্য্য নিৰ্ব্বিয়ে সুসম্পন্ন হইল ! গগন ভেদ করিয়া মঙ্গলধ্বনি ও জয়-শব্দ উঠিল—সঙ্গে তোপধ্বনিত হইল—পুনঃ পুনঃ সমস্ত রজনীই হইতে লাগিল ! সমস্ত রজনী, নিমন্ত্রিত অনিমন্ত্রিত—বাচক, অবাচক, উপবাচক, সর্ব্বপ্রকার লোকেই চৰ্চ্য, চোষ্য, লেহ, পেষ, এই চতুর্বিধ সূসেব্য দ্রব্য ভোগে পরিতোষ প্রাপ্ত হইল !

আর কি ? বাসর ঘর ? তাহাও হইল ! লীলার সখীমণ্ডলী ও স্বসম্পর্কীয়া তরুণীগণ বিবাহের সেই প্রধান অঙ্গ কি ছাড়েন ? তবে তথায় হাশু পরিহাস রঙ্গরস কিরূপ কতদূর হইয়াছিল, বলিতে পারি না ! কেননা, তুলীন স্বীয় দৈনিক পুস্তকে তাহা লিখিয়া রাখেন নাই—এই ইতিহাস-লেখকও বঙ্গবাসী—বঙ্গ-রঙ্গই জানেন—এ বিষয়ে পঞ্জাব-রীতি বিষয়ে সম্পূর্ণ অনভিজ্ঞ—কল্পনার সাহায্য লইতে গেলেও বঙ্গ-বাসরই আসিয়া পড়িবে ! তাহা কোন্ পাঠক পাঠিকাই বা না জানেন ? বিশেষ বঙ্গ-বাসর-বর্ণনায় লেখনী লজ্জায় বিমুখ হইল—কালী তুলিতে চাহিল না, পাছে মুখে কালী পড়ে ! অতএব পাঠিকা মহাশয়ারা সে আশা ত্যাগ পূর্ব্বক শুভকর্ম্ম-সমাপ্তি-সূচক হনুধ্বনি সহিত এ শুভ পরিচ্ছেদ-পাঠ সমাপ্ত করুন !

### সপ্তত্রিংশ পরিচ্ছেদ ।

মাতৃ-বিয়োগ—রূপাড়-যাত্রা ।

যৌতুক দানের সময় উপস্থিত । সে পর্য্যন্ত আপনার শোচনীয় দৈহিক অবস্থা প্রচ্ছন্ন রাখিতে, অথবা মনের উৎসাহে স্থাহুর গায় দণ্ডায়মানা থাকিতে, লীলার মাতা পারিয়াছিলেন ।

সেই মানে সেই শুভ আশীর্বাদ-দান-রূপ মাহুলিক অনুষ্ঠান হইয়া গেল, অমনি প্রিয় পরিচারিকাকে কাণে কাণে বলিলেন “জান্‌কি ! আমার গা কেমন করিতেছে : আমার মাথা ঘুরিতেছে, আমায় ধরিয়া লইয়া চল ; কিন্তু আমার মাথা খা'স গোল করিস্‌না !”

জান্‌কী তাঁহাকে তাঁহার শয়নগৃহে লইয়া গেল ; শোয়াইল ; দেখিল, পীড়া সহজ নয় : কিন্তু তাঁহার পুনঃ-পুনঃ কাতরোক্তির অনুরোধে অনিচ্ছাতেও সে কথা সে রাত্রি তাঁহাব কথা কি জামাতাকে জানাইতে পারিল না ! পাছে তাঁহার দীর্ঘস্থায়ী অনুপস্থিতিতে লীলা সন্ধিহান হন, এ নিমিত্ত আপনিও সর্ব-ক্ষণ নিকটে থাকিতে সমর্থ হইল না—অপর দুই জন পরিচারিকাকে প্রহরিতা ও সেবায় নিযুক্ত রাখিয়া যাইতে বাধ্য হইল—কেবল মাঝে মাঝে আসিয়া দেখিয়া দাঁড়াইতে লাগিল ।

প্রভাতে নব-দম্পতী এই নব পরীক্ষার তথ্য জানিতে পারিয়া সকল ছাড়িয়া সেই রুগ্ন শয্যার পাশে অবস্থান করিতে লাগিলেন । রোগ ক্রমেই বৃদ্ধি পাইল, লীলার হৃদয় বিদীর্ণ হইল ! কাঃরায় ভগ্নস্থল পড়িয়া গেল ! তুলীন এক এক বার বাহিরে গিয়া নানা প্রয়োজনীয় বিষয়ের ভারার্পণ ও ব্যবস্থা করিয়া আসিতে এবং নিমন্ত্রিত ব্যক্তিগণের মধ্যে অনেককেই অকালে বিদায় দিতে বাধ্য হইলেন ! স্মৃতিকিৎসক আনাষ্টয়া বিস্তর চিকিৎসা হইল—এ সময় গুলা-পীর গুণ স্বরণে লীলা কাঁদিতে লাগিলেন, তুলীনও পুনঃ পুনঃ অন্তর্ভেদী দীর্ঘ নিশ্বাস ত্যাগ করিলেন ! তথাপি স্মৃতিকিৎসা, সূক্ষ্মা ও মত্তের কিছু মাত্র ফল হইল না ; কিন্তু কিছুতেই কিছু ফল লাভ ঘটিল না—তৃতীয় রজনীতে রাজা অনুভূতদের মহারাজী পাপ-তাপ-অত্যাচার-পূর্ণ পৃথিবীর নিকট বিদায় গ্রহণ পূর্বক যোগ্যধনে স্বীয় পতি-সকাশে গমন করিলেন ! লীলার মম্মভেদী শোকা-বর্ত্তের কথা আর কি বলিব ! তুলীনের হৃদয়ে বিদায়ের কথাই বা কি বর্ণনা করিব—তিনি যেন ষপার্থই দশ দিক শূন্য দেখিতে লাগিলেন—বিশেষ লীলার জগৎ আরো দগ্ধ হইতে লাগিলেন ! কিন্তু লীলার জগৎই তাঁহাকে দৈর্ঘ্য ধারণ করিতে হইল ! তিনি দৈর্ঘ্য না ধরিলে লীলার হৃদয়ে শান্তি-বারি কে সিঞ্চন করে ? সর্বশান্তিময়ের লীলা-মাধুরী শুনাইয়া শুনাইয়া সেই শান্তিবারি সিঞ্চে, অচিনি নিযুক্ত রহিলেন—কপক্ষিৎ সিদ্ধ হইলেন—তাঁহার অসাধারণ প্রগাঢ় ঐশ্বর-প্রেম ও লীলার প্রতি অসীম প্রেমসুহৃৎগই, মহৌষধের কার্য করিল !



এ দিকে রূপাড় যাত্রার সময় উপস্থিত—আর বিলম্ব উচিত নয় । কাংরার পূর্ব শাসনকর্তা দণ্ডবর সিংহ সগণে আসিয়া উপস্থিত হইলেন । তিনিই যেন পুনর্বার তৎপদে অভিষিক্ত হন, এজন্য দুলীন ফকিরজীকে বিস্তর অনুরোধ করিয়াছিলেন । কাংরার প্রকৃতিবর্গের প্রতি দুলীনের যথার্থই সম্মান-বাৎসল্য জন্মিয়াছিল ! তিনি কি সাধ্যসত্ত্বে তাহাদিগকে নির্দয় হস্তে পতন-নিবারণের চেষ্টা না করিয়া থাকিতে পারেন ? পাছে নিরবচ্ছিন্ন দণ্ডবরের হাতেও তাঁহার রাম-রাজ্য শিথিল-পালন-দোষে নিতান্ত হতশ্রী ও প্রজাবর্গ সুপ্রণালীর সুখে এককালেই বঞ্চিত হয়, তাহার আংশিক প্রতিবিধানার্থ তাঁহার সুযোগ্য সহকারী হাকিম সিংহকে পূর্ব পদেই রাখাইলেন । দণ্ডবরও আহ্লাদ পূর্বক এ ব্যবস্থাতে সম্মত হইলেন । তিনি সরল-হৃদয় সৃজন বীর, এবং সেকেলে শাদা মাটা সোজা-বুদ্ধির লোক । তাঁহার অন্তরের ত্রিসীমায় অশ্রু ও ঈর্ষা স্থান পায় না । তাঁহার অখল মন যাহাকে ভাল দেখে, তাঁহার বদনও তাহাকে ভাল বলে ! তিনি দুলীনের শাসন প্রণালী ও নিয়মাবলীর উৎকৃষ্ট ফল দেখিয়াছেন, উৎকৃষ্ট বলিয়াই প্রশংসা এবং তত্ত্বাবতের কিছুমাত্র অগ্রথা করিবেন না বলিয়া প্রতিজ্ঞা করিলেন । কার্যতঃও করিয়াছিলেন তাই । তিনি হাকিম সিংহের প্রতিই সম্পূর্ণ বিশ্বাস ও অধিকাংশ কার্যভার অর্পণ করিতেন । হাকিমের সহিত পরামর্শ না করিয়া ও হাকিমের মত না লইয়া কোন বিশেষ প্রকার প্রবর্তন বা কোন বিশেষ কার্য সাধন করিতেন না ; মত-ভেদ হইলে তৎক্ষণাৎ দুলীনের নিকট লিখিয়া পাঠাইতেন, দুলীন যে মীমাংসা করিয়া দিতেন তাহাই শিরোধার্য্য করিতেন । তিনি দৃঢ় প্রতিজ্ঞা করিয়াছিলেন যে, ধ্যান সিংহ বা তাঁহার ভ্রাতাদয়ের সহিত কোন সংশ্রব আর রাখিবেন না ! এ প্রতিজ্ঞাও কখন ভুলেন নাই !

যদিও এই বন্দোবস্ত নিমিত্ত দুলীনের মন অনেক সুস্থ হইল, তথাপি কাংরা তাহার অতি প্রিয় স্থান—কাংরার প্রজামণ্ডলী তাঁহার প্রিয় পুত্রাধিক স্নেহের পাত্র—তিনি কি কিছুতেই সম্পূর্ণ সুস্থ হৃদয়ে কাংরা ত্যাগ করিতে পারেন ? না, কাংরাবাসী জনগণ তাঁহার বিচ্ছেদ সুস্থ অন্তঃকরণে সহ্য করিতে পারে ? যাত্রার সময় যত নিকট হইতে লাগিল, দুলীনের প্রাণ ততই ব্যকুল, ততই শোকময় হইয়া উঠিল—ততই যেন নির্বাসন দণ্ডে দণ্ডিত ব্যক্তির স্বদেশ ও স্বজন-বিক্ষোভ-ভ্রাতার্ষে যেমনটী হয়, তেমনটী হইতে লাগিল ! ওপক্ষে আবার,

দণ্ডবর সিংহ পুনর্বার কাংরায় কেন আইলেন, মুখে মুখে এই জিজ্ঞাস্তার উত্তরে প্রকৃত তথ্য যতই প্রস্ফুটিত ও প্রচারিত হইতে লাগিল, ততই কাংরা রাজ্যময় যেন কোন মহা-বিপ্লব-ঘটিত হাহাকার ধ্বংস উঠিল—দলে দলে লোক ছুটিল—হুলীনের পুরদ্বারে ছুটিল—মহা ক্রন্দন-রোল উঠিল! কিন্তু হায় নিতান্তই নিরুপায়!

দণ্ডবর দেখিয়া অবাক! দণ্ডবর স্বয়ং তাহাদিগকে এই বলিয়া বুঝাইলেন যে, “হয় তো আবার তোমাদের প্রিয় প্রভু শীঘ্রই এখানে আসিবেন—আমিও এবার তাঁহারই রীত্যনুসরণে শাসন করিব!” কিন্তু সে কথা কে শুনে!

হুলীন মহা বিপদে পড়িলেন, একে নিজ মনের দারুণ দাহ, তদুপরি ইহাদের অপার দুঃখ দেখিয়া তাঁহার দয়ার্দ্র প্রাণ আরো ব্যথা পাইল! তিনি অনেক বুঝাইলেন—অনেক সাঙ্গনা করিলেন। তাহারা বুঝে না—সাঙ্গনা মানে না! কেবল কাঁদে—হুলীনও থাকিতে পারিলেন না, কাঁদিয়া ফেলিলেন! তাহারা কেবল বলে “আমাদের গতি কি করিলেন?” হুলীন হাকিম সিংহকেই গতিরূপে দেখাইলেন! তাহারা সে গতিতে সন্দেহ নয়—তাঁহাকেই চায়! শেষে স্বীকার করিতে বাধ্য হইলেন, পুনর্বার আবার আসিবেন!

পাঠক! লর্ড রীপণের গমনে আপনারা যাহা দেখিয়াছিলেনও যাহা করিয়াছিলেন, তাহা কাংরার শতাংশের একাংশও নয়—ইহাতেই কিঞ্চিৎ আভাস পাইবেন, অধিক বলিতে পারি না—“পুথি বেড়ে যায়!”

\* \* \* \* \*

হুলীন ও লীলা গমন করিলেন। সঙ্গে হুলীনের নিজের প্রস্তুতীকৃত সর্বপ্রকার সৈন্য ও হাকিম সিংহ ব্যতীত আর সকল বিশ্বাসী প্রিয় কর্মচারী ও অনুচর সহচর মাত্রই চলিল। হাকিম সিংহ মহা শোকাকুল হইলেন, কিন্তু গত্যস্তর নাই। চৈতন যে দেওয়ান ছিলেন, সেই বেওয়ান পদে রহিয়াই সঙ্ঘের সঙ্গী হইলেন। সৈন্য শিরে সেনাপতি ও সেনাপতির নব পত্নী যুগলমূর্তিতে যুগল হরবর আরোহণে কি অপূর্ব শোভা বিকাশ করিতে করিতেই চলিতে লাগিলেন—হুলীনের বেলুন তো পাঠকের চির-পরিচিত—লীলারও বাহিকা সামান্য অধিনী নয়, সে উৎকৃষ্ট আরব জাতীয়া, মহা তেজস্বিনী, অথচ কুকুরীবৎ স্বামিনীর বশবর্তিনী—গুলাপীর স্বরণার্থ তাহার নাম “কাঞ্চনী” রাখা হইয়াছে! সঙ্গে শিবিকা ছিল, কিন্তু লীলা প্রায়ই তাহাতে উঠিতেন না

—জান্‌কীর কপাল প্রসন্ন—সে সেই শিবিকাতে প্রায়ই আকড়া থাকিত !  
অন্যান্য পরিচারিকারা বয়েল গাড়িতে চড়িয়া চলিল ।

শতদ্রু নদীর তীর পর্য্যন্ত এইরূপে গমন হইল । তথায় পূর্বে ধন্নু আসিয়া অতি উৎকৃষ্ট তরী একখানি ও সামান্য নৌকা আর ছই চারি খানি ঠিক করিয়া রাখিয়াছিল । প্রধান নৌকায় নব দম্পতি—সঙ্গে পেস্‌থেজমৎ ও পরিচারিকাগণ এবং অপর সকল নৌকায় এক খানিতে বন্নু-ধন্নু-প্রমুখ হুলীনের আদ্য-সহচরগণ ও অন্য কয়খানিতে চাঁদ ও আলিবর্দি-প্রমুখমুলতানী দল প্রভৃতি প্রভুর দেহরক্ষক রূপে জলপথে চলিল । অবশিষ্ট সমুদয় পদাতিক, অশ্বারোহী, গালেন্দাজ সৈনিক ও কামানাদি সোহনলালের অধ্যক্ষতার নদীর পুলিনস্থ পথ বহিয়া, যতদূর সম্ভব, নৌকার সঙ্গে সঙ্গে যাইতে লাগিল । শেষে কিন্তু সঙ্গ ছাড়িতে বাধ্য হইয়াছিল ।

### অষ্টত্রিংশ পরিচ্ছেদ ।

—৪—

নানা কথা ।

আমাদের ইতিহাস শেষ হইয়া আসিল । যদিও হুলীনের পরবর্তী জীবনে ঘটনা এখনও অসংখ্য, কিন্তু পুস্তক বৃহৎ হইয়া উঠিল, কাজেই সমাপ্তির প্রয়োজন । ইচ্ছা ছিল, এই আখ্যায়িকাকে চারি কাণ্ডে বিভক্ত করিব ;—প্রথম ইউরোপ-কাণ্ড ; দ্বিতীয়, লাহোর-কাণ্ড ; তৃতীয়, কাংরা-কাণ্ড ; চতুর্থ, হুলীনের আশ্চর্য্য জীবনের পরবর্তী কাণ্ড । কিন্তু এখনই ইতিহাস প্রকাণ্ড হওয়াতে চতুর্থ কাণ্ড আর লিখিত হইল না—তদ্বর্ণনীয় বিষয়ের সারাংশ মাত্র অতি সংক্ষেপে সমাবেশিত হইতেছে । বিশেষতঃ এই আখ্যায়িকার মূল উদ্দেশ্য ত্রি তিন কাণ্ডেই বহুলাংশে সিদ্ধ হইয়াছে । মূল উদ্দেশ্যটি কি ?

মূল উদ্দেশ্য এই ;—যিনি প্রকৃত প্রস্তাবে ভারতের স্বদেশীয় শেষ স্বাধীন ভূপতি—ইংরাজাধিপত্যের অনিবার্য্য মহা-স্রোতে পড়িয়া মহারাষ্ট্রীয় প্রভৃতি সকল সাম্রাজ্য ও সকল রাজ্য ভাসিয়া যাইবার পরেও যিনি আর্য্যাবর্তের এক বিশাল অংশে সাম্রাজ্য স্থাপন পূর্ব্বক স্বার্থ সিংহ-বিক্রমে বহুকাল আধিপত্য

করিয়া গিয়াছেন, সেই মহা-প্রভাব রণজিৎ সিংহের অসাধারণ প্রতিভাময়ী কীর্ত্তি, শাসন-প্রণালী এবং রাজকীয় ও সামাজিক রীতিনীতি প্রদর্শনই মূল অভিপ্রায়—তৎসঙ্গে কেন সে সাম্রাজ্য স্থায়ী হইল না—কেন তাঁহার অবসানেই অবসান প্রাপ্ত হইল—প্রণালী-মূলে কি দোষ ছিল, তাহাও এই চিত্র মধ্যে কথঞ্চিৎ প্রতিফলিত হইয়াছে! এ চিত্রে প্রতিষ্ঠা-যোগ্য অত্র কোন গুণ থাকুক বা নাই থাকুক, কিন্তু রাজচরিত্র, রাজ-সভার চিত্র এবং শাসনের রীতি, গতি, প্রথা প্রভৃতি বাহা কিছু প্রদর্শিত হইয়াছে, সে সমস্তই সত্য—গুণ-পক্ষপাতে অন্ধ হইয়া দোষ কীর্ত্তনেও ভ্রুটি হয় নাই। তত্তৎসম্বন্ধে এমন চিত্রও অনেক আছে, সে সব তথ্য পঞ্জাবের সচরাচর প্রচলিত ইতিহাসে দৃষ্ট হয় না।

দ্বিতীয়তঃ উপাখ্যানের নায়ক নায়িকার জীবন বিবরণ যতদূর বিবৃত হইয়াছে, তাহাই তাঁহাদের জীবনের প্রধান ঘটনা এবং তাহাতেই তাঁহাদের চিত্ত-বৃত্তি ও চরিত্রের বিকাশ ও পরিচয় যথেষ্ট হইয়াছে। সুতরাং তাঁহাদের পর-বর্তী জীবন-বৃত্তের বৃত্তান্ত-রেখা-গুলি বিশেষরূপে স্মৃতি আর না করিয়া মূলতঃ উল্লেখমাত্রই যথেষ্ট হইতে পারিবে। অতএব তাহাই করিতেছি।

\* \* \* \* \*

ভরণী-যোগে তরুণী-প্রণয়িনী সহিত তুলীন কি সুখে চলিলেন, তাহা পবিত্র প্রেমের প্রেমিক ও প্রেমিকাগণ আপনাই ধ্যান করিয়া লউন, গ্রন্থকারের তদ্বর্ণনার কষ্টবহন বৃথা! বিশেষ নানা উপসর্গময় অবিশ্রান্ত শ্রম, চিন্তা, ক্লেশের পর এই সুখ-যাত্রা যেন সশরীরে স্বর্গ-প্রয়াণবৎ অল্পময় শান্তিসাধক হইল! লীলাবতীর কৌমার্য্য-মাধুর্য্য যেমন সুবিমল ও সুকোমল ছিল—শুদ্ধ বাহ্যিক সৌন্দর্য্যের কথা বলিতেছি না, আন্তরিক ও ব্যবহারিক সৌন্দর্য্যের কথাই অধিক লক্ষ্য—এখন তাঁহার নব-বধু-জীবনের সর্বাঙ্গীন মাধুর্য্য আরো আশ্চর্য্য রূপে দিন দিন বিকাশ পাইতে লাগিল! নিম্মল পতি-প্রেমানুরাগ, অনলস পতি-সুশ্রীষা, সুমধুর অধীন জন-বাৎসল্য, সর্বদিকে সমান দৃষ্টি, অথচ বালিকার ন্যায় সুমিষ্ট সরল স্বভাব তুলীন বতই দেখেন, ততই মুগ্ধ—ততই জীবনকে ধন জ্ঞানে সর্বসুখ-প্রেরয়িতা পরম পিতার প্রতি কৃতজ্ঞতা-রসে দ্রবীভূত হন!

যথাকালে তাহার রূপাড় উপস্থিত হইলেন। তাঁহাদের নিমিত্ত যে স্থান নির্দিষ্ট ছিল, তাহার সৈন্ত তথায়ই শিবির স্থাপন করিলেন। তাঁহার সৈন্ত তাঁহাদের অগ্রেই আসিয়া অদূরে অপেক্ষা করিতেছিল। এখন মিলিত হইল।

অন্যান্য সর্দারের অপেক্ষা তুলীনের স্কাবার আরো সুন্দর, আরো সুনিয়ন্ত্রিত, আরো শৃঙ্খলাবদ্ধ রূপ ধারণ করিল ! মহারাজ দেখিয়া সুখী হইলেন—মহারাজ তাহাকে সাদরে গ্রহণ করিলেন ; যখন তখন ডাকাইতেন ; দরবারে আপনার সিংহাসনের নিকটে বসাইতেন ; লর্ড বাহাদুরের সহিত সাক্ষাৎ-কালে সঙ্গে লইয়া বাইতেন ! ওপক্ষে তুলীনও এই আশাতিরিক্ত স্নেহ, অনুকম্পা ও বিগ্রাসের অনু-রূপ ভক্তি, তৎপরতা, যোগ্যতা, সরলতা, সঙ্কুচি, সদ্গুণ ও সদ্ভাবহার প্রদর্শনে অনুমাত্র ক্রটি করিতেন না !

রূপাড়ে পঞ্জাব-সিংহের সহিত ব্রিটিশ-সিংহের রাজ-প্রতিনিধি মহানুভব লর্ড বেটিক, খৃঃ ১৮৩১ অব্দের শরৎ কালে সাক্ষাৎ ও সন্ধি বন্ধন করিতে আসাতে উভয় পক্ষে যে মহা সমারোহ ব্যাপার ঘটিয়াছিল এবং কয় দিবস ধরিয়া সেই ঐশ্বর্যের মহা মেলায় যে মহোৎসাহময় মহোৎসব ও মহা প্রদর্শন চলিয়াছিল, তাহা ইতি-তাসের পত্রাবলী মধ্যে উজ্জলরূপেই বিবৃত আছে ; সুতরাং এরূপ উপন্যাসে তদ্বিশেষ বর্ণনা দ্বারা লিপি-প্রাচুর্যা অনাবশ্যক । সংক্ষেপতঃ এই মাত্র বলিলেই যথেষ্ট হইবে যে, যেমন কবির লড়াইতে কে কত গলাবাজিতে ও সঙ্গীত-রচনার নৈপুণ্যে অপর পক্ষকে হারাইতে পারে, প্রাণপ্রণে তাহারি চেষ্টা হয় ; এই রাজ-কীয় মহামেলাতেও অবিকল তাহাই প্রায় ঘটিয়াছিল—কাহার কেমন প্রবল সামরিক বল, কাহার কেমন যুদ্ধোপকরণ সাজ-সজ্জা, কোন্ পক্ষের কিরূপ প্রকরণের বুদ্ধি-দল, কাহার কিরূপ ঐশ্বর্যা, কাহার কেমন কূটমন্ত্রণাময় রাজ-চাতুর্যা, উভয় পক্ষ কেবল তদভিনয় প্রদর্শনেই পরোমৎসাহী হইয়াছিলেন !

পাঠক মহাশয়েরা সম্প্রতি এরূপ এক ব্যাপার দেখিয়াছেন । বেশী দিন নয়, খৃঃ ১৮৮৫ সালের এপ্রেল মাসে কাবুলাধিপতি আমির আব্দুল রহমন্কে লইয়া রাউলপিণ্ডিতে আমাদের গবর্নর জেনারেল বাহাদুর যে মহা সমারোহ ব্যাপার করেন—যেখানে দীন দুঃখী ভারত-প্রজার অর্থ-শ্রাব্দের অদ্ভুত কাণ্ড দেখান, তাহা পাঠক মণ্ডলীর প্রত্যক্ষীভূত বা প্রত্যক্ষবৎ শ্রুত বিষয় ! তদ্বৈ-তৎপূর্ণ রূপাড়ের রঙ্গভূমির বিস্তারিত বর্ণনা অনাবশ্যক !

সে বাহা হউক, সেই রূপাড়ের রঙ্গভূমিতে আমাদের তুলীন একজন সামান্য অভিনেতার কাজ করেন নাই—সৈনিক মহাভিনয় কালে তাহার পরিচালিত সৈন্তগণই দৃশ্যতঃ ও কার্যতঃ পঞ্জাব বাহিনীর মধ্যে সর্ব-প্ৰধান-রূপে প্রতিষ্ঠা-লাভে সমর্থ হইয়াছিল ।

মহারাজ মহা মস্তে । রূপাড়-বাপার সমাপ্ত হইয়া গেলেই তিনি মহাত্মা তুলীনের প্রতি যে কার্যভার অর্পণ করিলেন, তাহাতেই তাঁহার প্রসন্নতার পরিমাণ বুঝা গেল ।

সে কার্যভার এই ;—রঞ্জিত সিংহের সুবিস্তৃত সাম্রাজ্যের মধ্যে আফগান-স্থানের দিকে সুবিশাল প্রান্তরসীমায় যত প্রদেশ ; অর্থাৎ পেসোয়ার এবং অটক হইতে আরম্ভ করিয়া সমস্ত বক্র সরল সীমা-রেখা ধরিয়া গিয়া পঞ্জাবের পূর্ব-ভাগস্থ পার্কত্য অঞ্চলের শেষ সীমা পর্য্যন্ত ; এই সুদীর্ঘ প্রান্ত-রেখার মধ্যে যত জনপদ, যত দুর্গ, যত সৈনিক চৌকী, যত রাজকীয় বিভাগ ছিল, তত্বৎকেই মহারাজা তুলীনের কর্তৃত্বাধীন করিয়া দিলেন । সে সমস্ত বিভাগে যত কেলাদার, যত জমীদার, যত জায়গিরদার, যত শাসনকর্তা, যত সৈন্যধাক্ক, তাঁহাদের সকলের উপরে সকল বিষয়ে, বিশেষতঃ শাস্তি ও সৈন্য সম্বন্ধীয় তাব-দ্বিষয়ে তুলীন “সর্বাধাক্ক” নামা নবসৃজিত উচ্চ পদ পাইলেন ।

তাঁহার কার্য কি ? তিনি যে শুদ্ধ তত্ত্বাবধান করিয়াই বেড়াইবেন, তাহা নয় ; যেখানে যখন যে প্রকারের যত সৈন্য রক্ষা বা পরিচালনা তাঁহার বিবেচনার আবশ্যক হইবে ; যে প্রণালীতে, যে রীতিতে, যে প্রকরণের শিক্ষা ও বশুতা-নিয়ম তিনি নিদ্ধারণ করিবেন ; সৈনিক ও শাস্তি-বিভাগে যে শ্রেণীতে, যে পদে, যে সব কর্মচারী প্রভৃতি তিনি নিযুক্ত বা পদচ্যুত করিবেন ; শাসন-সম্বন্ধে তিনি যে সমস্ত নিয়মাদি ও আজ্ঞা প্রচার করিবেন ; তাহাই হইবে ।

এতদূর বিশ্বাসের কাজে এবং এত উচ্চপদে রঞ্জিত আর কাহাকে কখনই নিযুক্ত করেন নাট । একপক্ষী ফকিরজী তুলীনের সম্ভাব্যোৎপাদন উদ্দেশে তাঁহাকে বুঝাইয়া দিলেন । ফলতঃ এই নিয়োগে ফকিরজীর হস্ত স্পষ্ট দৃষ্ট হইল—তুলীনের অবিচলিত স্বানীধর্ম, তুলীনের অসাধারণ ধর্ম্মানুরাগ, তুলীনের অলোক-সাধারণ মহত্বভাব, তুলীনের তৎপরতা ও যোগ্যতা, গুণবোদ্ধা ও জ্ঞানবুদ্ধ আজিজুদ্দিন সম্যক্ উপলব্ধি করিয়াছিলেন এবং তাঁহার গুণগ্রামী প্রভুর অদগত করিয়া দিতেও সমর্থ হইয়াছিলেন । রঞ্জিত নিজেও বিখ্যাত নর বণিক, তিনিও তুলীনকে চিনিয়াছিলেন ! তত্পরি প্রিয়তম মন্ত্রীর সহিত মতৈকতা । সুতরাং আশ্র-হিও এবং এমন সুযোগ্য হিতৈষী ভৃত্যের গুণানু-যায়ী উন্নতি সাধনার্থ এই অভিনব উন্নত পদের সৃষ্টি করিলেন ।

তুলীন স্বীয় প্রিয়তমার সহিত পরম সুখে এই নূতন কর্তব্যে ব্রতী হইলেন ।

আপন অধীনস্থ সৈনিক বর্গ ও প্রিয় কর্মচারীগণকে নিকটে রাখিতে ও তাহাদের দল বৃদ্ধি করিতে অমুমতি পাইলেন । তাহাতে অধিক তৃপ্তি ও অধিকতর উৎসাহে কার্যক্ষেত্রে অবতরণ করিলেন । তাঁহার অধিকার-রেখার প্রায় মধ্যস্থলে “মুঞ্জি” নামক একটা পরম রমণীয় গিরি-ভূর্গ মধ্যে তাঁহার প্রধান বাসস্থান নিরূপণ করিলেন । নদা, নির্বর, গিরি, বন, উপবন, গ্রাম, উপনগর, সবই তথায় বিদ্যমান । লীলাকে তথায় লইয়া গিয়া যখন জিজ্ঞাসা করেন “কেমন লীলা, এস্থান তোমার মনোমত তো ?” লীলা সহাস্ত্রে উত্তর দেন “লীলার মনোমত পতি যেখানে, সেই স্থানই লীলার মনোমত ! বিশেষ আমি বুঝিয়াছি, কাংরার প্রতিকৃতি দোখয়াই এই স্থানটা যখন লীলার বাসের জন্ত মনোনীত হইয়াছে, তখন আর লীলার মনোমত হওনের অপেক্ষা কি ?”

দুলীন মাঝে মাঝে যখন তত্ত্বাবধান-ভ্রমণে বাইতেন, তখন লীলাকে মুঞ্জিতেই রাখিয়া যাইতেন । কিন্তু কাংরা দর্শনে লীলার মনোগত বাসনা জানিয়া এবং লীলার বয়সাগণের নিকট এবং তত্রত্য প্রজাবর্গের নিকট লীলার ও তাঁহার নিজের প্রতিশ্রুতি স্মরণ করিয়া, একদা চাঁদ খাঁ প্রভৃতি সহচর ও জ্ঞান্কাঁ প্রভৃতি সহচরী সঙ্গে পরিদর্শনে যাত্রা করিলেন । অগ্ৰাণ্য স্থানের তত্ত্বাবধানের পর কাংরায় উপস্থিত হইলেন । তথায় বেরূপ অভ্যর্থনা হইল, তাহা আর বলিব না—সে অভ্যর্থনা নয়, পূজা ! হাকিম সিংহের আনন্দের ইয়ত্তা নাই—দণ্ডবর স্বীয় প্রতিজ্ঞা রক্ষায় অগুমাত্র যে বিচলিত হইবেন নাই, তাহা দণ্ডবর নিজ মুখে বলিতে চাহিলেন না—হাকিমের মুখে আর প্রকার মুখেই সমপ্রমাণ হইল !

তাঁহারা যথাকালে মুঞ্জিতে ফিরিয়া আইলেন । দুলীন স্বীয় কর্তব্য সুন্দর-রূপে এবং মহারাজার সম্পূর্ণ সন্তোষজনকরূপে যে সুনির্বাহ করিতে লাগিলেন, তাহা দুলীনের পূর্ব জীবনজ্ঞ পাঠককে খালিয়া বলা বাহুল্য ।

তৎকালে তাঁহার আর্থিক অবস্থা এইরূপ—নিজের মাসিক বেতন ত্রিসহস্র এবং পর্যটনব্যয় অর্দ্ধ সহস্র নিরূপিত ছিল—এত অধিক বেতন আর কোন ইউরোপীয় কর্মচারীকেও রণজিৎ কখনো দেন নাই ! শুদ্ধ তাহাই নহে, লীলার পৈতৃক রাজ্য তিনি হরণ করিয়াছেন—সে রাজ্যের সুশাসন ও রাজস্ব তাঁহার পাতর গুণেই এখন বহুগুণে অধিক হইয়াছে ; বিশেষ লীলাকে কি তাঁহার মাতাকে কখনই তিনি কিছু প্রত্যাৰ্পণ করেন নাই ; অধুনা তাহার

অনুতাপ ছল করিয়া লীলার নামে কাংরার রাজস্ব হইতে মাসিক অর্ধসহস্র মুদ্রা প্রদানে আশ্রয় দিলেন । তদ্ব্যতীত তুলীনের নিজ বাহিনীর ব্যয় নিৰ্ব্বাহার্থ মাসিক পঞ্চদশ সহস্র মুদ্রা নিৰ্ব্বাহিত হইল । কিন্তু রাজকোষ হইতে সাক্ষাৎসম্বন্ধে এক কপর্দকও আসিত না, তুলীনের অধীন প্রত্যেক প্রদেশের শিরে এই সমস্ত ব্যয়-বন্টনের ব্যবস্থা হইল ।

প্রভু-কার্যের প্রতি তুলীনের আন্তরিক বহ্নানুরাগের আধিক্য পক্ষে এ সকল বন্দোবস্ত সামান্য উত্তেজক হয় নাই । কিন্তু এ সমস্ত অপেক্ষাও আর একটা বিষয় গুরুতর উত্তেজক হইরাছিল । সেটা অণু কিছু নয়, স্বীয় পৈতৃক রাজ্য্যাধিকারের বাসনা ! অর্থাৎ স্বীয় সুকঠিন কর্তব্য সমূহ সূচারূপে সাধিয়া তুলিতে পারিলে মহারাজ আরো সমৃদ্ধ হইবেন ; তখন ফকিরজীর আনুকূল্যে সূদান রাজ্যটা অধীন অধিকার রূপে লাভ করিবার পক্ষে সুবিধা হইলেও হইতে পারে । এই মহত্বেদে প্রসিক্ত প্রভুকার্যে অহর্নিশি অবিশ্রান্ত পরিশ্রম ও অসামান্য অধ্যবসায় প্রয়োগ করিতে লাগিলেন—আপনার বুদ্ধি, সাধা, প্রতিভা ( সে সকলও সাধারণ নয় ) এবং অভিনব-শক্তি সম্পূর্ণরূপে খাটাইয়া অল্পকালেই যে প্রকার ফলোৎপাদনে সমর্থ হইলেন, তাহা নিতান্তই আশাতিরিক্ত । এক এক সময়ে এক এক বিষয়ে, অসাধাকেও সাধা করিয়া তুলিলেন । চতুর্দিকে ধন্য রব উঠিল—বিপক্ষ সর্দারগণ অবাক হইল—নিৰ্ব্বাক্ ভাবে রহিল ! মিত্রমণ্ডলী আরো পুঙ্কিত—আরো অনুরাগী হইল—দিন দিন, বান্ধব ও অনুরক্ত দলের সংখ্যা বিস্তর বাড়িতে লাগিল—শত্রুদল হীনবল হইয়া পড়িল । ফকিরজীর আনন্দের ইরত্তা রহিল না—মহারাজ যথার্থই অপরিমিত-রূপে সমৃদ্ধ, আকৃষ্ট, মেহপূর্ণ ও সুপ্রসন্ন হইয়া উঠিলেন ।

### উনচত্বারিংশ পরিচ্ছেদ ।

শ্রয় ও পুরস্কার ।

দুই বৎসরাধিক কাল এইরূপ চলিতেছে, এমন সময় আফগান জাতি পেসোয়ার পুনঃপ্রাপ্তি মানসে বার বার নৈরাশ্রের পর এইবার একবার শেষ চেষ্টা করিতে উদ্যোগী হইল । এবার সকল ব্যয়ের অপেক্ষা অত্যন্ত বেশী



আয়োজনে প্রবলতর বাহিনী লইয়া পর্বত হইতে নামিয়া ভয়ানকরূপে আক্রমণ করিল ।

তুলীনের ব্যবস্থা-মালা অতি আশ্চর্য—পরাক্রান্ত শত্রুর নিমিত্ত যেন নিয়তই প্রস্তুত ! স্মৃতরাং অতর্কিত, নিশ্চিন্ত, নিদ্রিত বৈরীর উপর জলপ্রপাতের ঞ্চার সহসা পড়িবে, আর মারিবে, আফগানদিগের এই যে প্রত্যাশা ছিল, তাহা স্বপ্ন-দর্শনসম তরাশা মাত্র হইল ! অন্ততঃ দুর্গাবরোধকপ অপমানে ও ঘোর বিপদে ফেলিবে বলিয়া মনে মনে যে বড় সাধ ছিল, তুলীনের প্রতিভা ও পরাক্রমে সে সাধও পূরিল না !

তুলীন সে সেনাপতি নন যে, কেবল আক্রমণ নিবারণের ব্যবস্থা মাত্রই তাঁহার কার্যের সমাপ্তি, তাঁহার গুপ্তচরগণ কতক সংবাদ-সংগ্রহ-প্রণালীও চমৎকার ! আফগানেরা ভাবিয়াছিল, অতর্কিত বিপক্ষকে আক্রমণ করিবে ; কিন্তু তাহাদের অবতরণের কয় দিন পূর্বে তুলীন সে সংবাদ পাইয়া গোপনে সম্পূর্ণরূপেই প্রস্তুত হইয়াছেন এবং লাহোরেও গোপনে সংবাদ পাঠাইয়াছেন !

অতএব অসংখ্য বিপক্ষদল রণজিৎ সিংহের অধিকার মধ্যে আসিবামাত্রই প্রতিরোধের লক্ষণ ঠিক করিয়া তাহারা চমকিয়া উঠিল ! তাহারা রক্ত-গিরিপথের সন্ধান জানে, এই ভরসায় রাত্রের দৌড়কুচে আসিতোছিল—ভাবিয়াছিল, প্রভাতের পূর্বেই পেসোয়ারে আসিয়া পড়িবে । কিন্তু সহসা অধিক রাত্রের সে নগরের অনেক দূরে এক প্রকারের একটা বংশীধ্বনি গুনিল—যেমন বাণী বাজিল, অমনি সহস্র অসি দ্বারা তাহাদের অগ্রণী-দল আক্রান্ত, বিপর্যস্ত, পরাস্ত ও হতাহত হইল ! অধিকাংশ লড়িতে লড়িতে পড়িল—অল্লাংশই কেবল পলাইতে পারিয়া পশ্চাতে ছুটিয়া গিয়া মূল চমুতে সংবাদ দিল ! মূল চমু আর অগ্রসর হইতে সাহস করিল না—তাড়াতাড়ি সম্মুখে ও দুই পার্শ্বের কিয়দূর খাদ খনন পূর্বক আত্ম রক্ষার উপায় চেষ্টায় নিযুক্ত রহিয়া সেইখানেই স্থিতি করিল ! প্রভাতে ভীষণ সম্মুখ-রণ বাধিল । আফগানেরা কিরূপ অপ্রতিহত বীর্যবান বীর, তাহা পাঠকবৃন্দের অগোচর নাই—তাহাদের আক্রমণ-বেগ নিতান্তই দুর্দ্বর্ষ ; কিন্তু তাহাদের দুর্ভাগ্যক্রমে যেমন তেমন সেনাপতি ও সেনা তাহাদের প্রতিরোধক নয়, তুলীনের শিক্ষিত ও নিজের চালিত সৈন্ত যেন বজ্র-প্রাচীরের ঞ্চার সেই অমানুষিক বেগ সহ করিল ; সেই বীর্যময় ধৈর্যের ফলে এবং সেনাপতির বাহু-নিয়ন্ত্রণ-কৌশলে অল্পক্ষণেই মুসলমান চমু সাহসশূন্য

ছিন্ন ভিন্ন, পরাজিত, পলায়িত ও কচুবনের বা কুবুত্রির গ্রাম ছেদিত হইল ! সংখ্যায় অপেক্ষাকৃত অনেক অল্প হইয়াও দুলীন-সৈন্যের সম্পূর্ণ জয়-লাভ ঘটিল ! পশ্চাতে মারিতে মারিতে তাড়াইতে তাড়াইতে দুর্দান্ত আফগানগণের অবশিষ্টকে তাহারা তাহাদের নিবাস-পর্বতে উঠাইয়া দিয়া আইল !

অন্য সেনাপতি হইলে শত্রুসংখ্যা এত অধিক দেখিয়া দুর্গমধ্যে আশ্রয় লইয়া উপযুক্ত সাহায্য প্রার্থনায় প্রভুর নিকট দূত পাঠাইত । তাহাতে শত্রুদল প্রবল হইয়া নগর গ্রাম ক্ষেত্রাদি ছারখার করিত এবং দুর্গাবরোধের বিপদ ও অপমান রণজিৎকে সহ্য করিতে হইত । কিন্তু প্রতিভাশালী অতুল যোদ্ধা দুলীনের কার্যরীতি সামান্য সেনানীর গ্রাম সামান্য সঙ্কেতানুগত নয়—তাঁহার বুদ্ধি সর্বপ্রকার কঠিন অবস্থা অতিক্রমে সমর্থ, সুতরাং এমন ঘোর প্রতিকূল অবস্থাতেও জয়লক্ষী তাঁহার প্রতি অনুকূল হইবেন আশ্চর্য্য কি ? যখন লাহোরে এই আশাতিরিক্ত অসম্ভব জয়ের সংবাদ গেল, তখন মহারাজ অতি-মাত্র আনন্দে সভামধ্যে মুক্ত-কণ্ঠে স্বয়ং ঐরূপ প্রতিষ্ঠাবাদ ব্যক্ত করিলেন এবং দুলীনের সাহায্যার্থ যাহাদিগকে পাঠাইয়াছিলেন, তাহাদিগকে ফিরাইলেন !

আবার যখন নিভূতে ফকিরজীর সহিত “এমন কার্যের কি পুরস্কার যোগ্য ?” এই পরামর্শ করেন, তখন ফকিরজী দুলীনের চির-বাজা পূরণের সুযোগ পাইলেন । দুলীনের মনোগত কথা ফকিরজী বিশেষরূপেই জানিতেন ; তৎসাক্ষ্যে সুযোগ সন্ধানে ছিলেন—দুলীনকে আশ্বাস দিয়াও রাখিয়া ছিলেন—অন্য সেই সুযোগ উপস্থিত ! ফকিরজীর প্রার্থনানুসারে কৃতজ্ঞ রণজিৎ রাজ্যোপাধি সত্তি সূদান রাজ্য দুলীনকে জায়গিররূপে দান করিলেন ! দুলীন এখন “রাজা দুলীন সিংহ” হইলেন !

রাজা দুলীন সিংহ যে, সূদান-রাজপুত্র এ সংবাদ বহু পূর্বে হইতেই সর্বত্র—বিশেষতঃ সূদানে পরিব্যাপ্ত হইয়াছিল । এখন প্রজারা আপনাদের সেই পূর্ব প্রভুপুত্রকে রাজ্য রূপে পাইয়া অপার সুখার্ণবে ভাসিল—দুলীন পৈতৃক রাজ-সিংহাসন না হউক, রাজ-গদি লাভে কৃতার্থ হইলেন ! দুলীন জায়গির পাইলেন বলিয়া পূর্ব কর্তব্যের ব্যতিক্রম ঘটিল না, তবে পূর্বে তাঁহার অবস্থান-মন্দির অস্তিত্ব ছিল, এখন সূদানে নিরূপিত হইল ! দুলীন সেই সীমান্ত প্রদেশের সর্বপ্রধানতা পূর্বে প্রতিষ্ঠিত রহিলেন । তাঁহার অধিকার ও ক্ষমতা আরো বৃদ্ধি হইল । বিশেষতঃ অন্যান্য স্থানাপেক্ষা কাংরার উপরে তাঁহার

কর্তৃত্ব ও প্রভুত্ব অধিক হইয়া উঠিল। পূর্বে শুদ্ধ শাস্তি ও সামরিক বিষয়ে দণ্ডবর সিংহ তাঁহার কর্তৃত্বাধীনে ছিলেন, এখন ফকিরজীর অনুগ্রহে যে নূতন বন্দোবস্ত হইল, তাহাতে রাজস্ব ও বিচার প্রভৃতি অন্যান্য তাবদ্বিষয়েই দণ্ডবর তাঁহার সম্পূর্ণ অধীন হইলেন। সরল দণ্ডবর দুলীনের গুণে এতদূর চমৎকৃত ও বিমোহিত যে, সে অধীনতায় কিছুমাত্র আপত্তি করিলেন না। সূত্রাং কাংরা রাজ্যেও প্রায় দুলীনই রাজা ও লীলাই রাণী হইলেন! দুলীন বলিতেন, “রাজ্যে লীলা-দেবীর পৈতৃক রাজ্যে তিনি কেবল রাণীজীরই আক্রমণক অধীন কার্য্যাধ্যক্ষ মাএ! ফলতঃ উভয়েরই পৈতৃক রাজ্যের রাজত্ব লাভ— নামে সম্পূর্ণ না হউক—কার্য্যতঃ সম্পূর্ণরূপেই ঘটিল—প্রজা-পালন ও প্রজা-গণকে সুখে রাখিবার সামর্থ্য লাভ হওয়াতেই দুলীনের যেন জন্ম সাথক বোধ হইতে লাগল।

কিন্তু দুলীনকে এই সূদান জায়গির দান কালে মহারাজাকে সামান্য জালা যন্ত্রণা ভোগ করিতে হয় নাহ—গোলাপ সিংহ কি সঙ্গে ছাড়িবার পাত্র? না, ধ্যান সিংহের মন্ত্রণাজাল এমনি ক্রীণ যে, তাহা ছিন্ন করিয়া বাহির হইতে স্বয়ং রণজিৎকেও কষ্ট পাইতে না হয়? যাহা হউক, ধ্যানের কোশলে সূদানের পারবর্ত্তে আর একখানি উচ্চতর মূল্যের জায়গির পাইয়া তবে তাঁহার অগ্রজ মহাশয় এখানি ছাড়িয়া দিলেন! কিন্তু তথাপি মনে মনে আক্রোশানলের অবশেষ ভস্মাচ্ছাদনে রহিয়া গেল।

যে শুভ দিনে রাজা দুলীন সিংহ ও রাণী লীলাবতী সূদানের রাজপুরীতে প্রবেশ করেন, সে দিন শুদ্ধ তাহারাই নন, তাঁহাদের সঙ্গে পূর্ণ চন্দ্রোপম একটা নবকুমারও লীলার কোড় শোভা করিতোছিল! পুরী-প্রবেশের অনতিবল-স্বই সেই কুমারের শুভানুপ্রাশনে মহা ঘট পটা হইল! কুমারের নাম পত্ন-মহের নামানুসারে বিক্রমজিৎ রাখিলেন! কয়েক বৎসরে আর দুইটা নন্দন ও একটা নন্দনী জন্ম গ্রহণ করিল। তনয় দুইটার নাম সংসারচাঁদ ও সুসার-চাঁদ এবং কন্যাটার নাম চন্দ্রাবতী হইল!

দুলানের সুপাগনে শ্রীভ্রষ্ট সূদান অল্পকালেই সন্ধ্যাঙ্গণ সৌষ্ঠব-সম্পন্ন হইয়া উঠিল—প্রজারা বহুকালের পর আবার সর্ব সুখে সুখী হইয়া দেবতার ধারে তাঁহার শুভকামনা করিতে লাগিল! রাজ্যে দিন দিন প্রজা বৃদ্ধি হইতে দোখিয়া দুলীন ও লীলার হর্ষের সীমা রহিল না! দুলীন স্বয়ং প্রিয়তমা ও পুলক কন্যাদির

সহিত এইরূপে খৃঃ ১৮৩৯ অব্দ পর্য্যন্ত পরমানন্দে কালগাপন করিতে লাগিলেন । হায় ! সেই বৎসরেই পঞ্জাবাদিত্য মহারাজ রণজিৎ ইহলোক হইতে অন্তর্মিত হইলেন ! সেই অপার শোকের সঙ্গে, তুলীনের অত্যাচারে উৎসাহিত হইল । রণজিৎের পরলোক গমনে রাজ্য মধ্যে যে সব বিপ্লব, গোলযোগ, দলাদলি ও মারামারি কাটাকাটি চলিয়াছিল, তাহা ইতিহাসজ্ঞ মাত্রেই জ্ঞাত আছেন : সুতরাং সেই উচ্ছৃঙ্খলার মধ্যে তুলীন যে স্বচ্ছন্দে থাকিতে পারিবেন, তাহা অসম্ভব । অধিকন্তু ক্ষুদ্রাশয় প্রধান বিপক্ষ গোলাপ সিংহও সুযোগ সন্ধানে বৈরসাধনে ক্রটি করেন নাই—কখনো বা দরবারে গ্লানি ও কুমন্ত্রণার পরিচালক হইয়া অনিষ্টের বিশেষ চেষ্টা পাইলেন ; কখনো বা নৈগম সমাবেশ পূর্বক আক্রমণও করিয়াছিলেন । কিন্তু তুলীনের গুণে পঞ্জাবের অধিকাংশই তাঁহার পক্ষ ও বশীভূত ; এবং প্রভুপরায়ণ সুশিক্ষিত সাহসী অনুচরবৃন্দে তিনি সর্বদা বেষ্টিত ; সুতরাং তাঁহার জায় মহা-প্রভাবশালী বীর পুরুষের পক্ষে গোলাপের সেই সব উশ্চেষ্টা বার্থ করা তখন কতক্ষণের কাজ ? শেষে গোলাপ সিংহ এমন শিক্ষা পাইলেন যে, তিনি কিম্বা অন্য কেহই আর তুলীনের বিরুদ্ধে কোন বিশেষ শত্রুতা-চেষ্টায় বড় একটা সাহস পাইতেন না !

### চত্বারিংশ পরিচ্ছেদ ।

—৪—

উপসংহার ।

পঞ্জাবাদিত্য রণজিৎ অন্তর্গত, আমাদের আখ্যায়িকার উপসংহারও আবশ্যিক । কয় বৎসর পরে ইংরাজের সহিত পঞ্জাবের যুদ্ধ বাধিল । দরবার হইতে যুদ্ধ সাহায্যার্থ জায়গিরদাররূপে তুলীন আহৃত হইলেন । তুলীন নিজে গেলেন না, মোহনলালের অধীনে কিছু সৈন্য পাঠাইলেন । ইংরাজ তাহার প্রতি অমানুষিক, অভদ্র ও নির্দয় ব্যবহার করিয়াছে, তথাপি তাহাদের লুন খাটাইয়াছেন এবং তাহাদের দেশে মানুষ হইয়াছিলেন বলিয়া তাহাদের বিরুদ্ধে যুদ্ধ করিতে তাঁহার প্রবৃত্তি হইল না । মোহনলাল যাহাতে আভ্যন্তরিক দুর্গরক্ষা কার্যেই নিযুক্ত থাকে, দরবারের সাহায্যে এমন ব্যবস্থা করিয়া দিলেন । পরে লর্ড হার্ডিঞ্জের সহিত সন্ধি হইল, গোল চুকিল । কয় বৎসর রাজ্যে তুলীন সুখে সুখে কাটাষ্টলেন । সুখ—স্বাপনার প্রিয় পরিজন ও অনুগত

প্রজাগণ লইয়া ! চুংথ—রাজ্যের নেতৃ-দল লইয়া ! তাঁহারা একটা না একটা উৎপাত বঁধাইতেন, সুখে থাকিতে দিতেন না !

কিন্তু হায়, সুখে চুংথ জড়িত এ অবস্থাও দীর্ঘস্থায়ী হইল না । কতিপয় বৎসরের পর বখন ব্রিটিস সিংহ-কর্ভুক পঞ্জাবের সিংহাসন অধিকৃত হইল, ছুলীনের চিরশত্রু গোলাপ সিংহ বৈরনির্যাতনের পুনর্বার উত্তন সুযোগ পাইলেন । গোলাপ সিংহ স্বদেশের ও স্বীয় প্রতিপালক প্রভুবংশের যেরূপ হিতৈষী, যেরূপ বিশ্বাসী, যেরূপ কৃতজ্ঞ ভৃত্য, তাহা বোধ করি ইতিহাসের স্মৃতি তত্ত্ব পাঠক মহাশয়ের অগোচর নাই ! হায়, প্রধানতঃ তাঁহার গুণেই কি তাঁহার জন্মভূমি স্বাধীনতা-রত্নহার্য পরকিঙ্করী হইয়া উঠে নাই ? তাঁহার তত গুণ না থাকিলে কি তাঁহার দেশাপহারক প্রবল ধবল জাতি তাঁহার প্রতি, এত প্রসন্ন হন যে, সেই গুণের পুরস্কার স্বরূপ সোণার কাশ্মীর রাজ্য তাঁহাকে অর্পণ করেন ? তাও বণিক-ইংরাজ-জাতি অমনি করেন নাই, প্রচুর অর্থ মূল্য রূপে লইয়া তবে করিয়াছেন ! ফলতঃ তাঁহার যে গুণ, সে গুণমালায়, করুণাময় বিভূষিত ভূমণ্ডলের কোন দেশে কোন জাতি মধ্যে কোন মানব-নাম-ধারীকে—নিষাদ, পিশাচ, চণ্ডালকেও—ভূষিত ( বা কলুষিত ) আর না করেন !

সে যাহাই হউক, সেই সর্বনেশে গুণে শ্বেত বাহুপুরুষগণকে বশীভূত করিয়া তাঁহাদের দ্বারা ছুলীনের অনিষ্ট চেষ্টা পাইলেন । কিন্তু তথাপি স্বীয় উচ্ছার পরিমাণানুযায়ী অনিষ্ট ঘটাইতে পারিলেন না ; যেহেতু ইংরাজ রাজ-পুরুষেরা তাহার তাঁহার বশীভূত হউন, তথাপি তাঁহারা ইংরাজ—বিনাপরাধে কাহারো প্রতি এককালে ততদূর নিষ্ঠুর অবিচার বা অত্যাচারে সম্মত হওয়া তাঁহাদের জাতীয় ধর্ম নয়—বিশেষ ছুলীনের জায় সর্বগুণ-মণ্ডিত, সজ্জাত, স্বামীধর্ম-পরায়ণ, রণজিতের অতি বিশ্বাসী সুপ্রসিদ্ধ কাম্যচারীর প্রতি সেরূপ কারতে সম্মত হইলেন না । তবে তাঁহারা গোলাপ সিংহের প্ররোচনা ও উত্তেজনায় এবং আপনাদের গুণাভিসন্ধিসাধক কোশলবশেও হৃদয় রাজ্যকে পূর্ববৎ প্রধান শ্রেণীর জায়গির পদে না রাখিয়া অপরিমিত বার্ষিক রাজস্ব নিরূপণ পূর্বক সেটাকে একটা সামান্ত ধাতুর জমিদারী মাত্র করিয়া তুলিলেন । ছুলীন আর তত সৈন্ত ও সেরূপ সন্ত্রম-সূচক নিদর্শনাদি রাখিতে পারিবেন না এবং অধীন প্রজাবর্গের বিচারভার তাঁহার হস্তে আর থাকিবে না ! ফলতঃ রণজিতের সময়ে ও তৎপরেও তিনি আমে মাত্র অধীন জায়গিরদার ছিলেন

—কার্যতঃ স্বাধীন রাজার গায় ক্ষমতা ও মান সম্বন্ধের ভোগাধিকারী থাকিয়া পরমসুখে পৈতৃক রাজ্য পালন করিতেছিলেন। এখন সে সব ক্ষমতা ও মর্যাদার চিহ্ন মাত্রও রহিবে না। অধিক আর কি বলিব, সংক্ষেপে বলিতে গেলে, অধুনা বঙ্গদেশের বহু বহু প্রাচীন রাজবংশের এ দশা আমরা প্রতি দিন ঐতাক্ষ করিতেছি, ছলীনের অবস্থা তখন তদপেক্ষাও হীন হইয়া পড়িল !

তেজীমানের পক্ষে প্রবাদই আছে “বাউক প্রাণ, থাকুক মান !” সুতরাং মহা তেজস্বী রাজা ছলীন সিংহ এরূপ হীন-পদস্থ হইয়া কি সূদানে আর থাকিতে পারেন? অর্থাগম বা অন্নাগ্নি বিষয়ে যাহাই হউক, তাহা বরং সহ-নীর্ষ। কিন্তু তাঁহার অধিকার মধ্যে সামান্য একজন ডেপুটী কমিশনার বা নিম্ন শ্রেণীর বিচারক আসিয়া তাঁহার পুত্রবৎ প্রাণাধিক প্রজাকুলের মধ্যে বহু মূলে বিচার বিতরণ (বখার্ব কছিলে, বিতরণ নয়, বিক্রয়!) করিবে—তিনি কেহই নন—তাঁহার কোন ক্ষমতাই রহিবে না—তিনি কেবল সাক্ষীগোপাল হইয়া বসিয়া বসিয়া দেখিবেন—এমন কি, দৃষ্ট লোকে উচ্চা করিলে তাঁহারও নামে মিথ্যা অভিযোগ আনিয়া তাঁহাকে পর্যন্ত চোরের কাটরায় দাঁড় করাইতে পারিবে—হয় তো মিথ্যা সাক্ষ্য দ্বারা তাঁহাকে পর্যন্ত কোম্পানির শ্রীঘরে পুরিয়া পার বেড়ি হাতে হাতকড়ি পরাইয়া গুলে তঙ্করের সঙ্গে পেরাদার বেত্রাঘাতের অধীনে খাটাইতে পারিবে! হায়! ইহাও কি ক্ষত্রকুলাবংশ রাজপুত্র ও রাজার প্রাণে সহ হইতে পারে? যদিও ইংরাজ গবর্নমেন্টকে বলিয়া কহিয়া সেই ভীষণ দুরবস্থার হাতে কিয়দংশে (সম্পূর্ণ কদাচই নয়—ইংরাজ-শাসনে মুড়ি মিছরির একই দর—মানীর মান নাই!) অব্যাহতি পাঠিতে পারেন, তথাপি সেই অনুগ্রহটুকুর নিমিত্ত কত দরখাস্ত—কতই সুপারিস—কতই তোষামোদ—কতই নীচতার প্রয়োজন! ভাবিলে হৃৎকম্প ধরে!

সুতরাং সাধের সূদানকে—প্রাণের জন্মভূমিকে জন্মের মত পরিত্যাগ করাট কৰ্ত্তব্য বোধ করিলেন! তদুদ্দেশে প্রথমে কাংরার পক্ষত-গুহাবাসী যোগীন্দ্র সুসার্টাদের সকাশে গমন পূর্বক পরামর্শ স্থির করিলেন। তাঁহার অন্তঃসারময় উপদেশ আর শীঘ্র হৃদয়ের সংকল্প একই হইল—সুতরাং বিধা মাত্র আর রহিল না—প্রমাণই কৰ্ত্তব্য বলিয়া স্থির হইল। তবে অগ্রে ভাবি-রাছিলেন, দারা, পুত্র, অমাত্য, ভৃত্য, অমুচরগণ সহ সদলে পারশ্রুতিমুখে যাইবেন; এক্ষণে সে অভিপ্রায়ের রূপান্তর ঘটিল।

এখন ধাৰ্য্য হইল, তাঁহার জ্যেষ্ঠ পুত্রকে হৃদানের গদিতে অধিষ্ঠাপন ও অমাত্য ভৃত্যানুচরের অধিকাংশকে অর্থাৎ যত কর্মচারী ও যত গুলি সৈনিক, বর্তমান অবস্থায় রাখা সম্ভব, তত সংখ্যক লোক জনকে পুত্রের অধীনে রাখিয়া লীলা ও অপত্য্য সহিত তিনি কলিকাতায় গমন করিবেন। কলিকাতায় কুমারদয় ও কুমারীর শিক্ষাগতির যেমন সম্ভাবনা, এমন আর তৎকালে এতদেশে কুত্রাপি সিদ্ধ হইবার সুযোগ ছিল না। হয় তো, তথায় গবর্নর জেনারেল বাহাদুরের সহিত আলাপ পরিচয়ের পর তাঁহার নিজের না হউক, তাঁহার জ্যেষ্ঠ নন্দনের পক্ষে কোন অনুকূল বিশেষ বিধান হইলেও হইতে পারে এবং কিছু কালান্তে মধ্যম পুত্রের প্রতি কাংরার শাসন সঙ্কীর্ত্ত ভর্য্যপণ ঘটিলেও ঘটতে পারে ; যেহেতু কাংরা তাহার মাতামহের সম্পত্তি এবং কাংরায় তাহার পিতা সুবর্ণ ফলাইয়াছেন—এই দুই প্রবল কারণে দাবিটা যৌক্তিক বলিয়া গ্রাহ্য হইলেও হইতে পারে।

অবিলম্বে এই সব প্রস্তাব কার্য্যে পরিণত হইল। যখন প্রাণাধিক পুত্র বিক্রমজিতের নিকট তাহার পিতা, মাতা, ভ্রাতা, ভগ্নী বিদায় গ্রহণ করেন, তখনকার শোচনীয় ব্যাপার নিতান্তই বর্ণনাতীত ! যৎকালে জন্মভূমি, পিতৃ-প্রজা, আত্মীয় স্বজন ও স্বীয় পালিত জনগণ হইতে রাজা ছলীন ও রাণী লীলা বিচ্ছিন্ন হইয়া যান, তখনকার হাহাকার রব সুগভীর সিদ্ধকল্লোলকেও পরাজিত করিল ! কোন্ প্রাণে কিরূপে যে তাঁহারা বাহির হইলেন, তাহা পরে তাঁহারা আপনাই স্বরণ ও নিরূপণ করিয়া উঠিতে পারেন নাই, অন্তে কি বর্ণনা করিবে ! কেবল পুত্র, মিত্র, প্রজামণ্ডলীকে “পুনর্বার আসিবার চেষ্টা পাইব” বলিয়া কিঞ্চিৎ আশ্বস্ত ও প্রবুদ্ধ করিয়া আসিয়াছিলেন এবং জ্যেষ্ঠ পুত্রের বিবাহ কালে ও অন্যান্য সময়ে বার বার সে সংকল্প সিদ্ধও করিয়াছিলেন !

চাঁদ খাঁ, আলিবর্দি খাঁ, বঙ্গু, ধঙ্গু প্রভৃতি যাহারা পশ্চাতে রহিতে কিছু-তেই সম্মত হইল না, তাহারা প্রভুর সঙ্গে কলিকাতায় গমন করিল—কালে তথায় তাঁহারা সকলেই দার পরিগ্রহ পূর্ব্বক পরম পরিতোষে প্রিয় প্রভুর সকাশে কাল ক্ষেপণ করিতে লাগিল।

আমাদের চৈতন্য নিতান্তই চৈতন্যশূন্যবৎ বহুকালের বাসস্থান পঞ্জাব ত্যাগ করিলেন। তিনি তখন বয়সে স্থবির হইয়া উঠিয়াছেন—বহু দিন হইতে কোন বিশেষ কার্য্যে রত ছিলেন না—কেবল প্রভুর শিও পুত্রকন্ঠাগণের

অসীম কোতুকোংপাদক ক্রীড়ক ও ক্রীড়ার সঙ্গী হইয়া পরমানন্দে কাল কাটাইতেছিলেন—হায় ! বৃদ্ধ দশায় সে সুখের খেলাও ভাঙ্গিল ! তিনি বলিলেন “যখন রাজার রাজত্ব গেল, আমার মন্ত্রিত্ব গেল, তখন কলিকাতাতেও আর যাইব না—কলিকাতায় গিয়া কলির রাজার নিকট আমার রাজ্য রাণীর নিশ্চিন্ততা দেখিতে পারিব না ! এই শেষাবস্থায় আমার কাশীবাসই শ্রেয়ঃ !” এই সংকল্পে রাজা রাণীর সঙ্গে যাত্রা করিলেন । তিনি পঞ্জাব হইতে নিক্রমণক্রম হইতেই কাঁদিতে আরম্ভ করিলেন । বন্দাবন, মথুরা ও প্রয়াগে তীর্থ কার্য্য করিয়া বারাণসীর পথে যাইতে যাইতে সেই রোদন ক্রমে ভীষণতর বাড়িতে ও শকারমান হইতে লাগিল—বারাণসীধামে শেষ বিদায় কালে বোঃ হইল যেন তাঁহার হৃদয়স্থানটা যথার্থই বিদীর্ণ-হইয়া গেল ! ছলীন কাশীস্থ একটা সুশীল ব্রাহ্মণকে প্রচুর অর্থ দিয়া তাঁহারই হাতে হাতে চৈতনকে সপিয়া দিলেন এবং যখন যাহা কিছু প্রয়োজন হইবে, লিখিলে কলিকাতা হইতে মাসহারা ব্যতীত তৎক্ষণাৎ তাহা আসিবে, এমন অঙ্গীকার করিলেন ! প্রতিজ্ঞা-রুসারে সর্বদা পত্রাদি লিখিতেন ; চৈতনও যত দিন লেখনী ধারণে সমর্থ ছিলেন, তত দিন দীর্ঘদীর্ঘ পত্রী লিখিয়া পাঠাইতেন—তাঁহা প্রায় নিত্য এবং তাহা ইংরাজীতে ! ছলীন ও লীলা বংকালে জ্যেষ্ঠ পুত্রের বিবাহোপলক্ষে পুনরায় পঞ্জাবে যান, তখন চৈতনকে সঙ্গে লইয়া যাইতে ভুলেন নাই—চৈতন সেই বিবাহে বাহু উত্তোলন পূর্বক নর্তকীদের সঙ্গে নাচিয়াছিলেন ! নাচিয়া গাইয়া আনন্দাশ্রু ফেলিয়া শুভ কার্য্যামোদ শত গুণে বাড়াইয়া ভুলিয়া ছিলেন ! আবার প্রভুর সঙ্গে প্রত্যাগমন পূর্বক বিশ্বেশ্বরের আনন্দ-কাননে পূর্ববৎ শিশ্রাম লাভ পূর্বক কবে ইহ পৃথিবী দেহ ত্যাগে শিবত্ব প্রাপ্তি হইবেন, এই আশায় সেই সদ্য-মুক্তি-দিবসের অপেক্ষা করিতে লাগিলেন !

\* \* \* \* \*

কলিকাতার গবর্ণর জেনারেল বাহাদুর ও তাঁহার সমিতির সভাসদগণ, খ্যাতনামা স্ত্রীর হেনেরি লরেন্স মহোদয়ের মুখে ছলীনের চরিত্র ও ধর্ম্মনীতি-মূলক অসাধারণ গুণাবলীর আদ্যস্ত বৃত্তান্ত জ্ঞাত হইয়া এবং আলাপের পর বত ধনিষ্ঠতা করেন, ততই তাহার সত্যতার চাক্ষুস প্রমাণ পাইয়া তাঁহার মনোভিলাষ পূর্ণ করিলেন । অর্থাৎ হৃদানের রাজস্ব-হাস করিয়া রাজোপাধি দানপূর্বক বিক্রমজিতের যথোচ্চ মান বাড়াইলেন—এবং বিচারলয়ে উপস্থিতি



বিষয়ে অব

কনিষ্ঠ পুত্র

কাম এতদ

কর্তৃক যে

লজ্জিত হইলেন ।

বিতরণ দ্বারা

ঘটে, তাহারি

। কালে মধ্যম পুত্র সংসারচাঁদকে কাংরার সর্দার এবং

সম্পত্তির অধিকারী করিয়া তুলিলেন । ফলতঃ তুলীনের

মেধারী পরম ধাৰ্মিক কর্মচারীর প্রতি পূর্বে ইংরাজ-

ত্যাচার হইয়াছিল, তাহা জ্ঞাত হইয়া সুজন গবর্ণর জেনারেল

সংশোধন ও ক্ষতিপূরণ স্বরূপ এই সব অল্পগ্রহ

স্বাধীনতা যাহাতে সুখ, স্বাস্থ্য, শান্তিলাভ

করিলেন ।

একদা এডুভোকেট জেনারেল সাহেব তুলীন-ভবনে আসিয়া হস্তমুখে

তাঁহ হস্তে এক খানি বৃহৎ মোড়ক দিলেন । পাঠ করিয়া তুলীনের নয়ন জল-

ভারাক্রান্ত হইল ! বলিলেন “দয়াময় ঈশ্বর ইলাইজাকে দয়া করুন, আমি

সর্বান্তঃকরণে ক্ষমা করিতেছি !” সাহেব বলিলেন, “ইলাইজার উকীল লণ্ডন

হইতে এই সব দলিল আমার নিকট পাঠাইয়াছেন, যেহেতু তিনি আপনার

ঠিকানা জানেন না ।” তুলীন বাধ্যতা প্রকাশ করিলে অশ্রুত কথোপকথনের

পর সাহেব চলিয়া গেলেন ।

তুলীন ঐ মোড়ক হস্তে স্নানমুখে লীলার নিকট গিয়া এ সম্বন্ধে বাহা ব্যক্ত

করিলেন, আমাদের নিজ ভাষায় তাহার মন্ত এই—কর্ণেল দৌলীনের ভ্রাতৃ-

কন্যা সেই পাপীয়াই ইলাইজা বাঁহাকে বিবাহ করে, সে বন্ধক কেবল বিষয়ের

লোভেই কপট প্রেম দেখায় । বিবাহের পরেই নিজ মৃত্তি ধরিয়া সর্বনা নির্দয়া-

চরণ ও অপব্যয় করে । ইলাইজার বিপুল ধন ক্রমে উড়িতে লাগিল—উভয়ের

মধ্যে যার পর নাই মনান্তর ও বিবাদ চলিল, ছষ্ট যুবক তাহারি অথে তাহারি

চক্ষুর উপর উপপত্নী লইয়া নানা ভ্রষ্টাচার করিতে লাগিল । কেবল টাকা

লইতেই বাটী আসিত ; না পাইলে অপমান—প্রহার পর্য্যন্ত করিত ; অবশেষে

হয় দেবাজ ভাঙ্গিয়া টাকা লইত, নয় খুনের ভয় দেখাইয়া চেক লইয়া চলিয়া

যাইত ! ইলাইজা অগত্যা আদালতের আশ্রয় লইতে বাধ্য হইল । পতির ব্যভি-

চার ও নিষ্ঠুরাচার প্রমাণ করিয়া বিবাহ-বন্ধনে মুক্তি লাভ করিল । তাই তবু

ভূসম্পত্তি বাঁচিল । কিন্তু তাহাতেও বিপদ কাটিল না । পাপিষ্ঠ যুবক দারিদ্র্য-

দশায় পড়িয়া মরিয়া হইয়া উঠিল । এক গভীর নিশিতে ইলাইজা যখন এক

নীচের মজলিস হইতে গাড়ী করিয়া বাড়ী আসিতেছিল, (সেই দিন আহা

অন্য নায়কের সহিত দ্বিতীয়-শ্রেণী বিবাহের কথা স্থির হইয়াছিল ! ) তখন

সহসা এক প্রকার দ্রাবক, পিচকারি যোগে খুব জোরে  
মণ্ডলে আসিয়া পড়িল ! যুবক দেশ ছাড়িয়া পলাইল ।  
করিতে বাটী আইল । বহু চিকিৎসাতে প্রাণ বাঁচিল,  
যুগল জন্মের মত অন্ধ এবং চল্লি-বদন জন্মের মতন পুড়িয়া গেল !

ছলীর বদন-  
র করিতে  
স্বপ্ন-স্বপ্ন-স্বপ্ন

রূপ গেল—নারক গেল—সমাজ গেল—আমোদ গেল—ঐশ্বর্য-ভোগ  
কেবল কৰ্মভোগই হইল ! কিন্তু ছলীনের প্রতি পূর্বে যে অধর্ম করিয়াছিল,  
তখনও তাহার শোধন করিল না ! শেষে করিল বটে, কিন্তু বহু পরে—মৃত্যু-  
শয্যা ! সমাজ-ত্যাগী হইয়া লজ্জার বাহির হইতে না পারিয়া মনের ঘণা  
ভুগিয়া ভুগিয়া অবশেষে স্বখন পক্ষাঘাত রোগে শয্যাশায়িনী হইল, তখন  
অনুতাপ ধরিল ! স্বখন ডাক্তারেরা বলিল বাঁচিবার আশা মাত্র নাট, তখন  
উকীল আনাইয়া উইল করিল । সেই উইল মধ্যে যেরূপে পূর্ব পতির মন্ত্রণায়  
পিতৃব্যের উইল লুকাইয়া ছলীনকে বঞ্চিত করিয়া ঘোর পাপ করিয়াছিল,  
তাহার আদ্যস্ত ইতিহাস লেখাইল এবং সেই নিদারুণ পশ্চাত্তাপের কল স্বরূপ  
সমস্ত সম্পত্তি ছলীনকে অর্পণ করিয়া গেল ! সেই সঙ্গে সেই লুকাইত ধুল-  
তাতে উইল পত্রাদিও উকীলকে দিয়া গেল । এবং ক্রমা প্রার্থনাসূচক এক  
পত্র ছলীনকে লিখিয়া ইহ-লীলা-ক্ষেত্র ত্যাগ করিয়া, পাপার্জিত বিষয়, সুখের  
হইবার নয়, জগৎকে ইহাই যেন দেখাইয়া যেখানে সে যাইবার যোগ্য, সেই-  
খানেই গেল ! লগুনের উকীল ইলাইজা-ত্যাগ সমুদয় স্বাবরাহাবর সম্পত্তি  
ছলীনকে দিতে এবং ছলীনের কার্যনির্বাহক হইতে প্রস্তুত, বিনয় পূর্বক  
ছলীনকে এই ভাবে পত্র লিখিয়াছেন ।

ছলীন প্রথমে সেই ত্যক্ত বিষয় লইতে চাহেন নাই, শেষে গবর্নর জেনারেল  
প্রভৃতি বড় বড় লোক যখন বুঝাইলেন, “তোমারি যথার্থ প্রাপ্য বিষয়, তুমি  
লইবে না কেন ?” তখন গ্রহণে সন্মত হইলেন । কিন্তু ইলাইজার পিতার  
সম্পত্তি তত্ত্বতা দরিদ্র-নিবাস উদ্দেশে দান করিয়া আপনার  
বিষয় মাত্র লইলেন । তজ্জন্ম এবং লীলাকে ইউরোপ

র্তাহাকে সঙ্গে লইয়া ইংলণ্ড গেলেন । বিষয় বিভবের

ইউরোপের নানা প্রধান স্থান ভ্রমণান্তে পুনর্বার কলিকাতায় প্রত্যাপন  
করিলেন । কলিকাতায় অনেক বাঙ্গালী বন্ধুর সহিত তাঁহাদের পরম স্নদ্যভা  
ক্রমে, বিশেষতঃ মধ্যমবিত্তের সন্তানগণ তাঁহাদের ছজনকে দেব-দেবী-রূপে পূজা

করিলেন— একে তাঁহাদের সভাপতি করিয়াছিলেন ।

প্রেশার... কলিকাতা তিন্ন মন্ত্র স্থান তাঁহাদের ভাণ লাগিত না ।

তাই... গার আসিয়া সুখী হইলেন ও বহুগণকে সুখী করিলেন ।

এই... ছেন, একদা কালীর সেই ব্রাহ্মণ-প্রেরিত এক খণ্ড পত্রে

বিদিত হই, "আর কখনো লিখিতে অক্ষম—চৈতনের জ্ঞান আছে, কিন্তু

কর্ণেজিহ্বা... হইতেছে, আর অধিক অপেক্ষা নাই!"

অর্থাৎ সীমা ও চক্রাবর্তীকেসঙ্গে লইয়া ছলীন কালি... করিলেন ।

সৌভাগ্যের বিষয়, গিয়া সীমা দেখিলেন—চৈতন মন্ত্র... করিতে করিতে বিদ্যার

গ্রহণ পুরুষ... বিবাসাঙ্গুসারে শিব-পদে শিব... লাভ করিলেন ।

যদিও এই ঘটনার তাঁহারা মহা... কিন্তু এই যাত্রার একটা পরম

সুখাবহ... ঘটনাও ঘটিল—নবীর পুত্র... চক্রাবর্তী... বনো-

মত পতি লাভ করিল । ছলীন ও সীমা... বনে বনে বেরুপ একেবারে

স্বস্তি... ইচ্ছা চিরদিন বলবতী ছিল, করণ্যার প্রতাপতি

অসাবনীর... তাহাই নির্ধর করিয়া গিলেন । লিপি-বাহু... ভয়ে

কনিষ্ঠ... পত্নীলাভ... লিখিতে পারিলেন না । প্রিয়তমা

স্বস্তি... আসিয়া-

ছিলেন ।... সৌভাগ্যে সৌভাগ্য, সৌভাগ্যে সৌভাগ্য

... ও স্বস্তি... করিয়া

... হইয়াছিল ।

ছলীন ও সীমা দেবী বেরুপে কলিকাতার তাঁহাদের পবিত্র

জীবন... গান ও শব্দের সম্ভাবনার করিতে লাগিলেন, তাহা

আব... বিস্তারিতরূপে বর্ণিত হইল

না ।... এই মাত্র উল্লেখিতব্য যে, সিবরকে

অন্ন... ; বিপন্নকে পরিষ্কার ; করণ্যার পাঠে

উত্তর... দান ; দেশহিতকর

অনুষ্ঠান... আশুকা ও আশুকলা দান ; ইত্যাদি

আপনাদের... সর্ববাস্তবাহী

কর্তব্য... তাঁহাদের সুদীর্ঘ জীবনের মহা

উল্লেখ... আপনাদের গান

সেই... লিখিত নহেন, অতর্কিত ও

স্বস্তি... সর্বনাশীর হাত হইতে

মন্ত্র... রাখিতে

কর্তব্য... আশুকা দান-আশুকলা ও

বাক... সৌন্দর্য্য

অপেক্ষ... কর্তব্য

স্বস্তি... সেই

স্বস্তি... সর্বগোম হইতে

বাচ্য... ছলীনের

বয়স্ক প্রায় অষ্টাশীতি বৎসর। তথাপি আশ্চর্য্য ও সুখের নি, জরা তাঁকে  
 আগ্রহ করিতে পারে নাই ! তেজস্বী কবির বংশে জন্ম ; শৈশু হইতে ঘোবন  
 পর্য্যন্ত বল-বিধায়ক শীতল দেশে বাস ; উৎকৃষ্টরূপে স্বাস্থ্য-নির্যাস  
 অবস্থান—নিজে ও দৈহিক নিয়ম পালনে অশ্রেয় দৃষ্টান্ত স্থল ; ঈশ্বরোপম ও  
 ধর্ম্মাত্মরাজকিনিত আত্মপ্রসাদ ও সন্তোষ ; এই সব মিলিত কারণে বয়সেও  
 ঠাট্টাকে বার্কিকো ধরে নাট ! পাপেই লোকে চিত্তমালিন্য, ভ্রান্তি, অসুখ,  
 সুত্রাং রোগ, দৌষল্য, মনস্তাপাদি ভুগিয়া গুগিয়া—অপদাভে দখা দহিয়া  
 আয়ুক্ষয় ও অকাল-অধঃপতন অধীন হয়। ঈশ্বর শাসন নিষ্পাপ মানসে  
 সব অসম্ভব ! তাই তিনি প্রায় নবতি বৎসর বয়সেও বাঁচান, ঈমান ও  
 প্রৌঢ়বৎ দৃঢ় জীবনী-শাক্তবান বাহেরা অসংখ্য মিত্র মণ্ডলাকে সুখা সমাজকে  
 উপকৃত করিতেছেন ! তাহার বিচার প্রাণসমা রাখা লীল্য দবীও এত  
 অধিক বয়সে যেন যৌবনেব পরিণতি সোপানে উঠিয়াছেন—যন তদৃক্ষে  
 আরোহণ করেন নাই ! উভয়েরই দত্ত আছে ! ভুলীন ওব পককো হইয়াছেন  
 —“লা দেবী তাহাও না !”

( ভায় ! আজ্ বাং ১২৯৮ সালে সে কথা আর বলিবান ভো নই—উভয়েই  
 স্বর্গগত—পতিবতা সাক্ষা লীলাবৌ অগ্রে, মহান ভুলীন পরে—উভয়েই এক  
 বৎসবে ( বাং ১২৯৩ সালে ) পরিত্যক্ত প্রাণ হইয়াছেন !

পুত্র, পুত্রী, পৌত্র, পৌত্রী, শ্রেষ্ঠ মিত্র, দৌহিত্রী, প্রদৌহিত্র, প্রদৌহিত্রীগণ  
 এখন শাখা পল্লবে সুখে শোভা বিস্তার করিতেছেন !

যে মহা তরুর ফল, তাহাতে সকলেই যে সুমিষ্ট অমৃত ফল হইবে, তাশ্চর্য্য  
 কি ? তাহাই হইয়াছে—যশে, ধনে, গুণে, সন্মানার্থেই সকলে মিলিয়া একটা  
 বয়োষ্ঠান রূপে বিরাজ করিতেছেন—ঈশ্বর তাহাদের সুমতি সহিত কল্যাণ  
 বন্ধন করুন। অলম্যত বিস্তরেণ !

সমাপ্ত ।





